


Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.31







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.31





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.31



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.1.31





*Ex Libris Joannis Nencini*  
*1874*









*Atto. 2/1.*









M. TVLLII CICERONIS EPISTOLAE  
ad Atticū, ad M. Brutum, ad Quintum fratrem,  
multorum locorū correctione illustratae,


Cum suis Commentarijs separatim impressis,  
auctore Paulo Manutio Aldi filio.



PAVLVS MANVTIVS ALDI FILIVS.

VENETIIS, M. D. L. I.





5

GVLIELMO PELLICERRIO, EPI-  
scopo Monspessulanensi, Christianissimi Gallie  
Regis apud Venetam Remp. Oratori,  
Paulus Manutius Aldi F. S. D.

QVO quisque in nos animo sit, difficile est iudica-  
re: neque ferè quidquam est, quod intelligi minus possi-  
sit; propterea q̄ à simulatione uoluntas non facile distin-  
guitur: tamen dubitare te non arbitror, quin ego is in  
te colendo sim, qui esse debeo: secus enim si esset, me  
tu certe, quantum amas, non amares. quanquam non  
hoc modo facis: etenim beneficio etiam obstringis: bene-  
ficiū autem illud est, q̄ mihi ad restituendos ueterum  
libros omnia, quæ in te sunt, quæ intelligo esse maxi-  
ma, & polliceris, & defers. quam tuam liberalitatē  
eo pluris facio, quòd eam tu condire soles humanitate  
sermonis: quæ factum est, ut non ego solum, sed om-  
nis hæc te ciuitas mirifice diligat. nam de doctrina  
tua, de probitate quis erat, qui iam antea nō audisset.  
quæ quanquam eiusmodi sint, ut ipsa per se beneuolen-  
tiam, & gratiam concilient: tamen, cum hæc orationis  
comitas accedit, multo pluris æstimantur. itaque in hoc  
legationis munere fungendo qui maiorem aut gratiā  
à nostris hominibus inuenerit, aut uirtutis opinionē tu-  
lerit, arbitror fuisse neminem. sed apud me præcipua  
sunt merita: quæ equidem, si possim, cupio remunera-  
re: sed mihi gratiæ reddendæ rationem sentio esse per-  
difficilem: non enim quæ tibi ad bene merendum, ea-  
dem est nobis ad remunerandum facultas. quare quo-  
niam, quod debeo, soluere non possum: ueritus, ne tu

A ij



malum nomen me putares, cepi consilium mittendi ad  
te quasi prædes harum epistolarum libros. quos tibi nō  
puto à me esse commendandos: nam & tu eos iamprē  
dem bene nosti; & prædes commendare, debitoris non  
est. tantum te rogo, ut, si me tibi eam, quam debeo,  
præstare observantiam intelligis, tu me eo, quo insti-  
tuisi, prosequi amore ne desinas. Vale.

### STVDIOSIS.

D Latinæ linguæ cognitionem, ut ego existi-  
mo, plus afferre non potest ullus liber, quàm  
quæ ad Atticum scriptæ sunt epistolæ. sed  
eas hætenus propter infinita menda paucissimi attingere  
sunt ausi. quæ me ratio cum hortari uideretur,  
ut ad earum emendationem, quidquid operæ, quid-  
quid possem industriæ, conferrem: feci, & opus ag-  
gressus sum sanè difficillimum: in quo tamē quantū  
studij posuerim, non poenitet: nam ferè, lectorem of-  
fendere quæ poterant, sublata sunt omnia: ut deinceps  
liber omnium elegantissimus & legi ab omnibus, &  
intelligi satis commode possit.



I  
M. TVLLII CICERONIS EPISTOLA-  
RVM AD T. POMPO-  
NIVM ATTICVM  
LIBER I.

CICERO ATTICO S.

ETITIONIS NOSTRAE,  
quam tibi summæ curæ esse scio, huius-  
modi ratio est, quod adhuc cōiectu-  
ra prouideri possit. præfat unus P. Gal-  
ba, sine fuco, ac fallacijs, more maio-  
rum. negatur. ut opinio est hominū, nō aliena rationi no-  
stræ fuit illius hæc præproperea prensatio: nā illi ita ne-  
gant uulgo, ut mihi se debere dicant. ita quiddam spe-  
ro nobis profici, cum hoc percrebrescit, plurimos nostros  
amicos inueniri. nos autem initium præfandi facere co-  
gitaramus eo ipso tempore, quo tuum puerū cum his  
literis proficisci Cincius dicebat. In cāpo comitijs tribu-  
nitjs ad XVI. Cal. Sext. cōpetitores, qui certi esse uide-  
bātur, Galba, & Antonius, & Q. Cornificius. puto te  
in hoc aut risisse, aut ingemuisse, ut frontē ferias. sunt,  
qui etiā Cæsonium putent. Aquiliū nō arbitramur;  
qui denegat, & iurauit morbum, et illud suū regnum  
iudiciale opposuit. Catilina, si iudicatum erit meridie  
nō lucere, certus erit cōpetitor. de Aufidio, et Palicano,  
nō puto te expectare, dū scribā. de ijs, qui nunc perunt,  
Cæsar certus putatur. Thermus cum Silano contendere  
existimatur: qui sic inopes & ab amicis, et existimatio-  
ne sunt, ut mihi uideatur non esse & δούρων Curiū ob-  
ducere: sed hoc præter me nemini uidetur. nostris ra-

A iiij



## LIB. I. EPIST.

tionibus maxime cōducere uidetur, Thermum fieri cū  
 Cæsare: nemo est enim ex ijs, qui nunc petunt, qui, si in  
 nostrum annum reciderit, firmior candidatus fore ui-  
 deatur, propterea quod curator est uia Flaminiae: quæ  
 \* cum erit absoluta sanè facile eum libenter nūc ceteri  
 Consuli acciderim. petitorum hæc est adhuc informata  
 cogitatio. nos in omni munere candidatorio fungendo  
 summam adhibebimus diligentiam: & fortasse, quo-  
 niam uidetur in suffragijs multum posse Gallia; cum  
 Romæ à iudicijs forum refrixerit, excurreremus mense  
 Septembri legati ad Pisonē, ut Ianuario reuertamur.  
 cum perspexero uoluntates nobilium, scribam ad te. cæ-  
 tera spero prolixa esse, his duntaxat urbanis competito-  
 ribus: illam manum tu mihi cura ut præstes, quoniam  
 propius abes, Pompeij nostri amici. nega me ei iratum  
 fore, si ad mea comitia non uenerit. atque hæc huius-  
 modi sunt. Sed est, quod abs te mihi ignosci peruelim.  
 Cæcilius auunculus tuus, à P. Vario cum magna pecu-  
 nia fraudaretur, agere cœpit cum eius fratre Caninio  
 Satyro de ijs rebus, quas eum dolo malo mancipio acce-  
 pisse de Vario diceret. unà agebant ceteri creditores,  
 in quibus erat Lucullus, & P. Scipio, & is, quem puta-  
 bant magistrum fore, si bona uenirent, L. Pontius. ue-  
 rum hoc ridiculum est, de magistro nunc cognoscere. ro-  
 gauit me Cæcilius, ut adessem contra Satyrum. dies fe-  
 re nullus est, quin hic Satyrus domum meam uētitet.  
 obseruat L. Domitium maxime: me habet proximum.  
 fuit & mihi, & Quinto fratri magno usui in nostris  
 petitionibus. sanè sum perturbatus, cum ipsius Satyri  
 familiaritate, tū Domitij, in quo uno maxime ambitio



nostra nititur. demonstravi hæc Cecilio: simul & illud ostendi, si ipse unus cū illo uno contenderet, me ei satis facturum fuisse: nunc in causa uniuersorum creditorum, hominum præsertim amplissimorum, qui sine eo, quem Cæcilius suo nomine perhiberet, facile communē causam sustinerent, æquum esse, eum et officio meo cōsulere, & tempori. durius accipere hoc mihi uisus est, quā uellem, & quā homines belli solent; & postea prorsus ab instituta nostra paucorum dierum consuetudine longe refugit. abs te peto, ut mihi hoc ignoscas, & me existimes humanitate esse prohibitū, ne contra amīcī summam existimationem miserrimo eius tēpore uenirem, cum is omnia sua studia, & officia in me cōtulisset. q̄ si uoles in me esse durior, ambitionem mihi putabis obstitisse. ego autem arbitror, etiam si id sit, mihi ignoscendum esse: ἐπεὶ οὐχ ἰερίον οὐδ' ἐ' ποινὴν: uides enim, in quo cursu sumus, & quā omnes gratias nō modo retinendas, uerum etiam acquirendas putemus. spero tibi me causam probasse, cupio quidem certe. Hermathena tua ualde me delectat, & posita ita belle est, ut totum gymnasium ἡλίου ἀνὰ ἑνὴν esse uideatur. multum te amamus. L. Iulio Cesare, C. Marcio Figulo Coss. Filiolo me auctum scito salua Terentia.

## CICERO ATTICO S.

ABS TE tam diu nihil literarū? ego de meis ad te rationibus scripsi antea diligenter. hoc tēpore Catilinā cōpetitorem nostrū defendere cogitamus. iudices habemus, quos uolumus, summa accusatoris uolūtate. spero, si absolutus erit, coniūctiorem nobis fore in ratione

A iij



## LIB. I. EPIST.

petitionis: sin aliter acciderit, humaniter feremus. tuo aduentu nobis opus est maturo: nā prorsus summa hominum est opinio, tuos familiares nobiles homines ad uersarios honori nostro fore. ad eorum uoluntatē mihi conciliandā maximo te mihi usui fore uideo. quare Ianuario ineunte, ut constituisti, cura ut Romæ sis. Auīam tuam scito desiderio tui mortuā esse, et simul q̄ uerita sit, ne Latīnæ in officio non manerent, & in montem Albanum hostias nō adducerent. eius rei consolationem ad te L. Saufeium missurum esse arbitror. nos hic te ad mēsem Ianuariū expectamus, ex quodā rumore, an ex literis tuis ad alios missis: nam ad me de eo nihil scripsisti. Signa, quæ nobis curasti, ea sunt ad Caietā exposita: nos ea non uidimus: neq; n. exeūdi Roma potestas nobis fuit. misimus, qui pro uectura solueret. te multū amamus, q̄ ea abs te diligenter, paruoq; curata sunt. Quod ad me sæpe scripsisti de nostro amico placando, feci, & expertus sum omnia: sed mirandum in modum est animo ab alienato: quibus de suspicionibus, & si audisse te arbitror, tamen ex me, cū ueneris, cognosces. Salustium præsentē restituere in eius ueterem gratiam nō potui. hoc eo ad te scripsi, q̄ is me accusare de te solebat, in se expertus est illū esse minus exorabilem, meum studium nec tibi defuisse. Tulliolā C. Pisoni L. F. Frugi despondimus. Vale.

CICERO ATTICO S.

CREBRAS expectationes nobis tui cōmoues. nūper quidē, cum te iam aduentare arbitraremur, repētē abs te in mensem Quintilem reiecti sumus. nunc uero



sentio, quod cōmodo tuo facere poteris, uenias ad id tē-  
pus, quod scribis. obieris Quinti fratris comitia: nos lon-  
go interuallo uiseris. Acutilianam controuersia trāsege-  
ris. hoc me etiam Peduceus, ut ad te scriberem, admo-  
nuit: putamus. n. utile esse, te aliquando iam rem tran-  
sire. mea intercessio & est, & fuit parata. Nos hic in-  
credibili ac singulari populi uolūtate de C. Macro trāse-  
gimus. cui cum aequi fuisset, tamen multo maiore  
fructum ex populi existimatione illo dānato cepimus,  
quā ex ipsius, si absolutus esset, gratia cepissemus.  
Quod ad me de Hermathena scribis, per mihi gratum  
est ornamentum Academiae proprium meae, q̄ & Hera-  
mes commune omnium, & Minerua singulare est eius  
gymnasi. quare uelim, ut scribis, ceteris quoque rebus  
quamplurimis eum locum ornes. Quae mihi antea sia-  
gna misisti, ea nondū uidi: in Formiano sunt: quō ego  
nunc proficisci cogitabam. illa omnia in Tusculanum  
deportabo. Caietam, si quando abūdare coepero, orna-  
bo. Libros tuos conserua, & noli desperare eos meos  
facere posse. quod si assequor, supero Crassum diuitijs,  
atque omnium uicos, & prata contemno. Vale.

## CICERO ATTICO S.

QUANTVM dolorem acceperim, & quanto  
fructu sim priuatus et forēsi, & domestico, Lucij fra-  
tris nostri morte; in primis pro nostra consuetudine tu  
existimare potes: nā mihi omnia, quae incūda ex huma-  
nitate alterius, et moribus homini accidere possunt, ex  
illo accidebāt. quare nō dubito, quin tibi quoq; id mole-  
stum sit, cū & meo dolore moueare, & ipse omni uita



## LIB. I. EPIST.

eute, officioq; ornatissimum, cuiq; et sua sponte, et meo  
 sermone amantem, affinem, amicumq; amiseris. Quod  
 ad me scribis de sorore tua, testis erit tibi ipsa, quantæ  
 mihi curæ fuerit, ut Q. fratris animus in eam esset is,  
 qui esse deberet. quem cum esse offensiorē arbitrarer,  
 eas literas ad eum misi, quibus & placarem ut fratrē,  
 & monerem ut minorem, & obiurgarem ut errantē.  
 Itaq; ex ijs, quæ postea sæpe ab eo ad me scripta sunt,  
 cōfido ita esse omnia, ut et oporteat, et uelimus. De li-  
 terarum missione, sine causa abs te accusor: nunquam  
 anim à Pomponia nostra certior sum factus, esse cui li-  
 teras dare possem. porro autē neq; mihi accidit, ut ha-  
 berē, qui in Epetrum proficisceretur: neq; dum te Arhe-  
 nis esse audiebamus. De Acutiliano autem negotio  
 quod mihi mādāras; ut primum à tuo digressu Romā  
 ueni, confeceram: sed accidit, ut & contentione nihil  
 opus esset; & ego, qui in te satis consilij statuerim esse,  
 mallē Peduceum tibi consilium per literas, quā me da-  
 re. etenim cum multos dies aures meas Acutilio dedis-  
 sem, cuius sermonis genus tibi notum esse arbitror; non  
 mihi graue duxi scribere ad te de illius querimonijs, cū  
 eas audire, quod erat subadiosum, leue putassem. sed  
 abs te ipso, qui me accusas, unas mihi scito literas reddi-  
 tas esse; cū & orij ad scribendū plus, & facultatē dan-  
 di maiorem habueris. Quod scribis, etiam si cuius ani-  
 mus in te esset offensior, à me recolligi oportere: quid  
 dicas? neq; id neglexi: sed est miro quodam modo affe-  
 ctus. ego autem, quæ dicenda fuerunt ad te, non præ-  
 terij: quid autem contendendum esset, ex tua putabā  
 uoluntate statuere oportere: quam si ad me perscripse-



ris, intelliges me neq; diligentiorē esse uoluisse, quā  
 tu esses, neq; negligentiorē fore, quā tu uelis. De  
 Tadiana re mecum Tadius locutus est, te ita scripsisse,  
 nihil esse iam quod laboraret, quoniam hereditas usu  
 rapta esset. id mirabimur, te ignorare, de tutela legitima,  
 in qua dicitur esse puella, nihil usucapi posse. Epe-  
 roticam emptionem gaudeo tibi placere. Quæ tibi mā-  
 dauit, et quæ tu intelliges conuenire nostro Tusculano,  
 uelim, ut scribis, cures; quod sine molestia tua facere po-  
 teris: nam nos ex omnibus molestiis, & laboribus uno  
 illo in loco conquiescimus: quō fratrem quotidie expe-  
 ctamus. Terentia magnos articulorum dolores habet,  
 & te, & sororem tuam, & matrem maxime diligit, sa-  
 lutemq; tibi plurimam adscribit, et Tulliola deliciae no-  
 stræ. Cura, ut ualeas; & nos ames; & tibi persuasum  
 deas te à me fraterne amari.

## CICERO ATTICO S.

NON committam posthac, ut me accusare de ep-  
 stolarū negligentia possis. tu modo uidero, in tanto otio  
 ut par mihi sis. Domū Rabirianam Neapoli, quā tu  
 iam dimensam, & exædificatā animo habebas, M. For-  
 teius emit HS CCCLXXX. id te scire uolui, si quid  
 forte eas res ad cogitationes tuas pertineret. Quod frater,  
 & mihi uidetur, quo uolumus animo est in Pōponiā, et  
 cum ea nunc in Arpinati prædio erat, & secum ha-  
 bebat hominem χενόμαχον D. Turannium. Pater  
 nobis decessit ad VII I. Cal. Dec. Hæc habebam ferè,  
 quæ te scire uellem. tu, uelim, si qua ornamenta γυμνα-  
 σίων reperire poteris, quæ loci sint eius, quem tu



LIB. I. EPIST.

non ignoras, ne pratermittas. Nos Tusculano ita delectamur, ut nobismet ipsis tum deniq; cum illo uenimus, placeamus. Quid agas omnibus de rebus, et quid acturus sis, fac nos quam diligentissime certiores.

Apud matrem recte est, eaq; nobis curae est. L. Cincio HS X X C D constitui me curaturum Idibus Feb. tu uelim ea, quae nobis emisse, et parasse scribis, des opera, ut quamprimum habeamus. Et uelim cogites, id quod mihi pollicitus es, quemadmodum bibliothecam nobis conficere possis: omnem spem delectationis nostrae, quam, cum in otium uenerimus, habere uolumus, in tua humanitate positam habemus. Vale.

CICERO ATTICO S.

APUD te est, ut uolumus. mater tua, et soror a me, Quintoq; fratre diligitur. Cum Acutilio sum locutus: is sibi negat a suo procuratore quidquam scriptum esse: et miratur istam controuersiam fuisse, quod ille recusarat satisfdari amplius abs te non peti. Quod te de Tadiano negotio decidisse scribis, id ego Tadio et gratum esse intellexi, et magnopere iucundum. Ille noster amicus, et mehercule uir optimus, et mihi amicissimus, sane tibi iratus est. hoc si quanti tu aestimes, sciam, tum, quid mihi elaborandum sit, scire possim. L. Cincio HS C C L D C C C C pro signis Megaricis, ut tu ad me scripseras, curavi. Hermæ tui Pentelici cum capitibus æneis, de quibus ad me scripsisti, iam nunc admodum delectant. quare uelim, et eos, et signa, et cetera, quae tibi eius loci, et nostri studij, et tuae elegantiæ esse uidebuntur, quamplurima, quamprimumq; mittas



AD ATTICVM. S

et maxime quæ tibi gymnasij, xystiq; uidebuntur esse:  
nam in hoc genere sic studio efferimur, ut abs te adiu-  
uandi, ab alijs propè reprehendendi simus. si Lætuli na-  
uis non erit, quò tibi placebit imposito. Tulliola, deli-  
ciolæ nostræ, tuum munusculum flagitat, & me ut spò-  
sorem appellat, mihi autem abiurare certius est, quàm  
dependere. Vale.

CICERO ATTICO S.

NIMIVM raro nobis abs te literæ afferuntur: cū  
& multo tu facilius reperias, qui Romā proficiſcātur,  
quàm ego, qui Athenas; & certius tibi sit, me esse Ro-  
mæ, quàm mihi, te Athenis. itaque propter hanc dubita-  
tionem meā breuior hæc ipsa epistola est, q̃, cum incer-  
tus essem, ubi esses, nolebam illum nostrum familiarē  
sermonē in alienas manus deuenire. signa Megarica, et  
Hermas, de quibus ad me scripsisti, uehemēter expecto.  
quidquid eiusdē generis habebis dignū Academia tibi  
quod uidebitur, ne dubitaris mittere, & arcæ nostræ cō-  
fidito. genus hoc est uoluptatis meæ: quæ γυμνασιώδης  
maxime sunt, ea quæro. Lætulus naues suas pollicetur.  
peto abs te, ut hæc cures diligenter. Chilius te rogat, &  
ego eius rogatu, ὁ μολπιδῶν παῖς εἶμι. Vale.

CICERO ATTICO S.

CVM essem in Tusculano, (erit hoc tibi pro illo  
tuo, cū essem in Ceramico) uerūtamen cū ibi essem, Ro-  
ma puer à sorore tua missus epistolā mihi abs te allatā  
dedit, nunciauitq; eo ipso die post meridiē missurū eū,



L I B. I. E P I S T.

qui ad te proficisceretur. eo factum est, ut epistola tua rescriberem aliquid, breuitate tēporis tam pauca coger scribere. primum tibi de nostro amico placando, aut etiam plane restituendo polliceor. quod ego, etsi mea sponte ante faciebam, eo nunc tamē et agam studiosius, et contendam ab illo uehementius, quod tantā ex epistola uoluntatem eius rei tuā perspicere uideor. hoc te intelligere uolo, pergrauiter illū esse offensum: sed quia nullam uideo grauem subesse causam, magno pere confido illum fore in officio, et in nostra potestate. Signa nostra, et Hermeraclos, ut scribis, cū commodissime poteris, uelim imponas, et si quod aliud omne eius loci, quem non ignoras, reperies, et maxime, quae tibi palæstræ, gymnasijq; uidebuntur esse: etenim ibi sedens hæc ad te scribebā, ut me locus ipse admoneret. præterea typos tibi mando, quos in teetorio atrio li possum includere, et putealia sigillata duo. Bibliothecam tuam caue cuiquam despōdeas, quamuis acrem amatorem inueneris: nam ego omnes meas uindemiolas eo re seruo, ut illud subsidium senectuti parem. De fratre confido ira esse, ut semper uolui, et elaborauī. multa signa sunt eius rei, non minimum, q̄ soror prægnans est. De comitijs meis, et tibi me permisisse memini, et ego iam pridem hoc communibus amicis, qui te expectāt, prædico, et te non mō non accersam, sed prohibebo; q̄ intelligā multo magis interesse tua, te agere, quod agendum est hoc tempore; quā mea, te adesse comitijs. proinde eo animo te uelim esse, quasi mei negotij causa in ista loca missus esses. me autem eum et offendes erga te, et audies, quasi mihi, si qua parta erūt



AD ATTICVM.

non modo te presente, sed per te parta sint. Tullio-  
la tibi diem dat, sponforem non appellat. Vale.

CICERO ATTICO S.

ET MEA sponte faciebā antea, & post duabus  
epistolis tuis per diligentem in eandē rationē scriptis, ma-  
gnopere sum commotus. eō accedebat hortator assiduus  
Salustius, ut agerē quā diligētissime cū Luceio de uestra  
ueterē gratia reconcilianda. sed cū omnia fecissem, non  
modo eam uoluntatē eius, quæ fuerat erga te, recupe-  
rare nō potui, uerū ne cām quidem elicere immutatas  
uoluntatis. tamen si iactat ille quidē illud suū arbitriū,  
& ea, quæ iam tum, cū aderas, offendere ius animū in-  
telligebam, tamē habet quiddā profecto, quod magis in  
animo eius infederit, quod neq; epistolæ tuæ, neq; no-  
stra legatio tā potest facile delere, quā tu præsens nō  
modo oratione, sed tuo uultu illo familiari tolles, si mo-  
do tāti putabis id, quod, si me audies, & si humanitati  
tuæ cōstare uoles, certe putabis. ac, ne illud mirere, cur,  
cum ego antea significarem tibi per literas, me sperare  
illū in nostra potestate fore, nūc idem uidear diffidere:  
incredibile est, quato mihi uideatur illius uolūtas obsti-  
nator, & in hac iracundia obfirmator. sed hæc aut  
sanabuntur, cum ueneris; aut ei molesta erunt, in utro  
culpa erit. Quod in epistola tua scriptum erat, me  
iam arbitrari designatum esse; scito, nihil tā exercitiū  
esse nunc Romæ, quā candidatos omnibus iniquitatē  
bus, nec, quando futura sint comitia, sciri. uerum hæc  
audies de Piladelpho. tu uelim, quæ Academiae nostræ  
parasti, quamprimū mittas. mirum, quā illius loci nō



LIB. I. EPIST.

modo usus, sed etiā cogitatio delectat. libros uero tuos  
caue cuiquā tradas. nobis eos, quemadmodum scribis,  
conserua. summum me eorum studiū tenet, sicut odiū  
iam ceterarum rerū: quas tu, incredibile est, quā bre  
ui tēpore quāto deteriores offensurus sis, q̄ reliquisti.

CICERO ATTICO S.

TEVCRIS illa lentū sanē negotiū, neque Corne  
lius ad Terentiam postea rediit. opinor ad Considium,  
Axiū, Selicium confugiendū est: nam à Cæcilio propin  
qui minore centesimis numū mouere nō possunt. sed,  
ut ad prima illa redeā: nihil ego illa impudentius, astu  
tius, lentius uidi. libertum mitto: Tito mandauī: σκῆ  
ψας, atque ἀναβολαί. sed nescio, an ταυτόματον ἡμῶν:  
nam mihi Pompeiani prodromi nunciant, aperte Pom  
peium aēturum, Antonio succedi oportere: eodemq; tē  
pore aget Prætor ad populum. res eiusmodi est, ut ego  
nec per bonorum, nec per popularem existimationē ho  
neste possim hominē defendere, nec mihi libeat, quod  
uel maximum est: etenim accidit hoc, quod totum cu  
iusmodi sit, mando tibi, ut perspicias. libertum ego ha  
beo, sanē nequam hominem, Hilarū dico, ratiocinato  
rem, & clientem tuum. de eo mihi Valerius interpres  
nunciat, Chiliusq; se audisse scribit hæc; esse hominem  
cum Antonio; Antonium porro in cogendis pecunijs di  
elitare, patrem mihi quæri, & à me custodem cōmu  
nis quæstus libertum esse missum. nō sum nō ocriter  
cōmotus, neq; tamen credidi; sed certe aliquid sermo  
nis fuit, totum inuestiga, cognosce, perspice, & nebulo  
nem illū, si quo pacto potes, ex istis locis amoue. huius  
sermonis



sermonis Valerius auctorem Cn. Plancium nominabat.  
 mando tibi planè, totum ut uideas cuiusmodi sit.  
 Pompeium nobis amicissimum constat esse. diuortium  
 Mutiae uehementer probatur. P. Clodium Appij fili-  
 um te credo audisse cum ueste muliebri deprehensum  
 domi C. Caesaris, cum pro populo fieret, cumq; per ma-  
 nus seruula seruatum, & eductū: rem esse insigni in-  
 famia: quod te moleste ferre certo scio. Quod præ-  
 terea ad te scribam, non habeo. & mehercule eram  
 conturbator: nam puer festiuus anagnostes noster So-  
 sitheus decesserat, meq; plus, q̃ serui mors debere uideba-  
 tur, comouerat. Tu uelim sæpe ad nos scribas. si re-  
 nullam habebis, quod in buccam uenerit, scribito.  
 Vale. Cal. Ianuarij, M. Messala, & M. Pisone Coss.

## CICERO ATTICO S.

A C C E P I tuas tres iam epistolas, unam à M. Corne-  
 lio, quam à Tribus ei Tabernis, ut opinor, dedisti: alte-  
 ram, quam mihi Canusinus tuus hospes reddidit: ter-  
 tiam, quam, ut scribis, anchoris solutis de phaselo dedi-  
 sti. quæ fuerunt omnes rhetorū. pure loquuntur, cum  
 humanitatis sparsæ sale, tum insignes amoris notis. qui-  
 bus epistolis sum equidè abs te laceffit ad scribendum:  
 sed iccirco sum tardior, q̃ non inuenio fidelem tabella-  
 riū: quotus enim quisque est, qui epistolam paulo gra-  
 uiolem ferre possit, nisi eam per lectionē releuarit? ac-  
 cedit eò, q̃ mihi nō est notū, ut quisq; in Epeirū proficiat  
 catur: ego enim te arbitror cæsis apud Amaltheā tuā  
 uictimis, statim esse ad Sicyonem oppugnādum profec-

B



Etum : neq; id ipsum tamen certum habeo, quando ad Antonium proficiscare, aut quid in Epeiro temporis ponas. ita neq; Achaicis hominibus, neq; Eperroticis paulo liberiores literas committere audeo. sunt autem post discessum à me tuum res dignæ literis nostris, sed non committendæ eiusmodi periculo, ut aut interire, aut deperiri, aut intercipi possint. Primum igitur scito, primum me non esse rogatū sententiā, prapositumq; esse nobis pacificatorem Allobrogum, idq; admurmurante senatu, neq; me inuito esse factum : sum enim et ab obseruando homine peruerso liber, & ad dignitatem in Rep. retinendam contra illius uoluntatem solutus : & ille secundus in dicendo locus habet auctoritatem penè principis, & uoluntatem non nimis deuinctam beneficio Consulis. tertius est Catulus, quartus (si etiam hoc quæris) Hortensius. Consul autem ipse paruo animo, & prauo, tantum cauillator genere illo moroso, quod etiam sine dicacitate ridetur, facie magis, q̃ facie tuis ridiculus, nihil agēs cum Rep. seiunctus ab optimatibus ; à quo nil speres boni Reip. quia nō uult ; nil meruas mali, quia non audet. eius autem collega & in me perhonorificus, & partium studiosus, ac defensor bonarum. quin immo leuiter inter se dissident. sed uereor, ne hoc, quod infectum est, serpat longius : credo enim te audisse, cum apud Cæsarem pro populo fieret, uenisse eò muliebri uestitu uirum ; idq; sacrificiū cum uirgines instaurassent, mentionem à Q. Cornificio in senatu factam : (is fuit princeps, ne tu forte aliquē nostrum putes) postea rem ex S. C. ad Virgines, & Pōtifices relata, idq; ab ijs nefas esse decretum : dein=



de ex S. C. Consules rogationem promulgasse, uxori  
 Cesarem nuntium remisisse. in hac causa Piso amici-  
 tia P. Clodij ductus operam dat, ut ea rogatio, quam  
 ipse fert, & fert ex S. C. & de religione, antiquetur.  
 Messala uehementer adhuc agit seuerè. boni uiri pre-  
 cibus Clodij remouentur à causa. operæ comparantur.  
 nosmet ipsi, qui Lycurgei à principio fuissimus, quoti-  
 die demitigamur. instat, & urget Cato. quid multa?  
 uereor, ne hæc neglecta à bonis, defensa ab improbis  
 magnorum Reip. malorum causa sit. Tuus autem ille  
 amicus, scin quem dicam? de quo tu ad me scripsisti,  
 posteaquam non auderet reprehendere, laudare cœpisse,  
 nos (ut ostendit) admodum diligit, amplectitur,  
 amat, aperte laudat; occulte (sed ita, ut perspicuum  
 sit) inuidet. nihil come, nihil simplex, nihil ἐν τοῖς πολι-  
 τικοῖς honestum, nihil illustre, nihil forte, nihil liberum.  
 sed hæc ad te scribam aliàs subtilius: nam neque adhuc  
 mihi satis nota sunt, & huic terræ filio nescio cui com-  
 mittere epistolam tantis de rebus non audeo. Prouin-  
 cias Prætores non dum sortiti sunt. res eodem est loci,  
 quo reliquisti. Τοποθεσίαν, quam postulas, Miseni  
 & Puteolorum, includam orationi meæ. ad III. Non.  
 Dec. mēdose fuisse animaduertēram. Quæ laudas ex  
 orationibus, mihi crede, ualde mihi placebant: sed non  
 audebam antea dicere: nūc uero, q̃ à te probata sunt,  
 multo mihi ἀττικώτερά uidentur. in illam orationem  
 Metellinam addidi quædā. liber tibi mittetur, quoniā te  
 amor nostri φιλοφροσῶα reddidit. Noui tibi quid nā  
 scribam? quid? etiam. Messala Cos. Antronianā do-  
 mū emit HS CCCCXXXVII. quid id ad me, in-



## LIB. I. EPIST.

quies? tantum, q̄ ea emptione & nos bene. emisse iudi-  
cati sumus, & homines intelligere cœperunt, licere ami-  
corum facultatibus in emendo ad dignitatem aliquam  
peruenire. Teucris illa lentum negotium: sed tamen  
est in spe. Tu ista confice: à nobis liberiores epistolā  
expēcta. Vale. VI. Cal. Febr. M. Messala, & M.  
Pisone Coss.

## CICERO ATTICO S.

VEREOR, ne putidum sit, scribere ad te, q̄ sim occu-  
patus: sed tamen ita distinebar, ut uix huic tātulæ epi-  
stolæ tempus habuerim, atq; id ereptum ē summis occu-  
pationibus. Prima cōcio Pompeij qualis fuisset, scri-  
psi ad te antea, non iucūda miseris, inanis improbis, bea-  
tis non grata, bonis non grauis. itaq; frigebat. tum Pi-  
sonis Cos. impulsu leuissimus Trib. pl. L. Fufius in con-  
cionem produxit Pompeium. res agebatur in circo Fla-  
minio: et erat in eo ipso loco ipso die nundinarum πᾶ-  
νύγεις. quæsiuit ex eo, placeret ne ei iudices à Prætore  
legi, quo consilio idem Prætore uteretur. id autem erat  
de Clodiana religione ab senatu constitutū. tum Pom-  
peius μάλ' ἀγιστοκρετικῶς locutus est, senatusq; aucto-  
ritatem sibi omnibus in rebus maximā uideri, semperq;  
uisam esse respondit, & id multis uerbis. postea Messa-  
la Cos. in senatu de Pompeio quæsiuit, quid de religio-  
ne, & de promulgata rogatione sentiret. locutus ita est  
in senatu, ut omnia illius ordinis cōsulta γυνικῶς lauda-  
ret: mihiq; ut assedit, dixit se putare satis ab se etiā de  
istis rebus esse respōsum. Crassus posteaq; uidit illū ex-



cepisse laudem, ex eo, quod hi suspicarentur homines ei Cō  
sulatum meum placere, surrexit, ornatissimeque de meo  
Consulatu locutus est, ut ita diceret, se, quod esset senator,  
quod ciuis, quod liber, quod uiueret, mihi acceptū referre:  
quoties coniugem, quoties domum, quoties patriam ui-  
deret, toties se beneficium meum uidere. quid multa?  
totum hunc locum, quē in Aristocratia ego uarie meis  
orationibus, quarum tu Aristarchus es, soleo pingere,  
de flamma, de ferro, ( nosti illas ἀνύθους ) ualde gra-  
uiter pertexuit. proximus Pompeio sedebam: intellexi  
hominem moueri, utrum Crassum inire eam gratiam  
quam ipse pratermisisset, an esse tantas res nostras, quae  
tam libenti senatu laudarentur, ab eo praesertim, qui  
mihi laudem illam eo minus deberet, quod meis omni-  
bus literis in Pompeiana laude perstriētus esset. hic di-  
es me ualde Crasso adiunxit: & tamen, ab illo aperte,  
recte quicquid est datum, libenter accepi. ego autem  
ipse, Diu boni, quomodo ἀνεπεφεισασάμην nauo audi-  
tori Pompeio. si unquam, mihi ἐμπειρίματων, suppedi-  
tauerunt illo tempore. quid multa? clamores: etenim  
haec erat ὑπόθεσις, de gravitate ordinis, de equestri  
concordia, de consensione Italiae, de immortalis reliquijs  
coniurationis, de uilitate, de otio. nosti iam in hac ma-  
teria sonitus nostros: tanti fuerunt, ut ego eo breuior  
sim, quod eos usque istinc exauditos putem. Romanae  
autem res sic se habent. Senatus αἰετος πάρος. nil con-  
stantius, nil seuerius, nil fortius. nam cum dies uenisset  
rogationi ex S. C. ferendae, concursabant barbaru-  
li iuuenes, totus ille grex Catilinae, duce filiola Curio-  
nis, & populum, ut antiquaret, rogabant. Piso au-



## LIB. I. EPIST.

rem Consul latoꝝ rogationis, idem erat dissuasor. opere Clodiane pontes occupabant. tabellæ ministrabantur, ita ut nulla daretur, Vti rogas. hic tibi rostra Cato aduolat, conuiuium Pisoni Cos. mirificum facit, si id est conuiuium, uox plena grauitatis, plena auctoritatis, plena denique salutis. accedit eodem etiam noster Hortensius, multi præterea boni. insignis uero opera Fawni fuit. hoc concursu optimatum comitia dimittuntur: senatus uocatur. cum decerneretur frequenti senatu, contra pugnatæ Pisonæ, ad pedes omnium sigillatim accidente Clodio, ut Consules populum cohortarentur ad rogationem accipiendam: homines ad X.V Curioni nullum S.C. facienti assenserunt: facile ex altera parte CCCC affuerunt. acta res est. Fufius tertium concessit. Clodius conciones miseras habebat, in quibus Lucullum, Hortensium, C. Pisonem, Messalam Cos: contumeliose lædebat, me tantum comperisse omnia criminabatur. senatus & de prouincijs Prætorum, & de legationibus, & de cæteris rebus decernebat, ut ante, quàm rogatio lata esset, ne quid ageretur. habes res Romanas. sed tamen etiam illud, quod ego non speraram, audi. Messala Cos. est egregius, fortis, constans, diligens, nostri laudator, amator, imitator. ille alter uno uitio minus uitiosus, quod iners, quod somni plenus, quod imperitus, φ ἀπρακτότατος, sed uoluntate ita κενεχτος, ut Pompeium post illam concionem, qua ab eo senatus laudatus est, odisse cœperit. itaque mirum in modum omnes à se bonos alienauit, neque id magis amicitia Clodij adductus fecit, q̃ studio perditarum rerum, atq; partium. sed habet sui



similem in magistratibus, præter Fusum, neminē. bonis  
urimur Tribunis pl. Cornuto uero pseudo Catone. quid  
queris? num ad priuata redeam? Tēuēis promissa  
patrauit. tu mandata effice, quæ recepisti. Quintus  
frater, qui Argiletani edificiū reliquum dodratem emit  
HSDCCXXV, Tusculanum uenditat, ut, si possit,  
emat Pacilianam domum. Cum Luceio in gratiam  
redi. uidero hominem. ualde petitur. renauabo ope-  
ram. Tu, quid agas, ubi sis, cuiusmodi istæ res sint,  
fac me quamdiligentissime certiores. Idib. Febr. Vale.

## CICERO ATTICO S.

A SIAM Quinto suauissimo fratri obtigisse audisti: nō  
enim dubito, quin celerius tibi hoc rumor, q̄ ullius no-  
strum literæ nuntiarint. nunc, quoniam & laudis aui-  
dissimi semper fuimus, & præter ceteros φιλέλληνες et  
sumus, & habemur, et multorum odia, atq; inimicitias  
Reip. causa suscepimus: παντοίως ἀγέτης μὴ μὴ σκεο: cu-  
raq; et effice, ut ab omnibus et laudemur, et amemur.  
his de rebus plura ad te in ea epistola scribā, quam ipsi  
Quinto dabo. Tu me uelim certiorē facias, quid de  
meis mādatis egeris, atq; etiā, quid de tuo negocio: nā,  
ut Brūdusio profectus es, nullæ mihi abs te sunt reddi-  
tæ literæ. ualde aueo scire, quid agas. Idib. Mart. Vale.

## CICERO ATTICO S.

QVAERIS ex me, quid acciderit de iudicio, quod  
tam præter opinionem omnium factum sit: & simul  
uis scire, quo modo ego minus, quàm soleam, præliatus



## LIB. I. EPIST.

sim. respondebo tibi ὁρῶν. πρὸς τὸν Ὀμήρου. Ego  
 enim, quandiu senatus auctoritas mihi defendenda fuit,  
 sic acriter, & uehementer praelatus sum, ut clamor, cō-  
 cursusq; maxima cum mea laude fierent: quod si tibi  
 unquam sum uisus in Rep. fortis, certe me in illa cau-  
 sa admiratus esses. cum enim ille ad conciones confu-  
 gisset, in hisq; meo nomine ad inuidiam uteretur: Dii  
 immortales, quas ego pugnās, & quantas strages edi-  
 di: quos impetus in Pisonem, in Curionem, in totam il-  
 lam manum feci: quomodo sum in se etatus leuitatem  
 senum, libidinem iuuentutis. saepe ita me Dii iuuent, te  
 non solum auctorem consiliorum meorum, uerum etiā  
 spectatorem pugnarum mirificarum desiderauī. po-  
 stea uero quā Hortēsius excogitauit, ut legem de re-  
 ligione Fusius Trib. pl. ferret, in qua nihil aliud à con-  
 sulari rogatione differebat, nisi iudicum genus (in eo  
 autem erant omnia) pugnauiq; ut ita fieret, quod &  
 sibi, & alijs persuaferat, nullis illum iudicibus effuge-  
 re posse: contraxi uela perspicuens inopiam iudicum,  
 neq; dixi quicquā pro testimonio, nisi quod erat ita no-  
 tū, atq; testatum, ut non possem praeterire. itaque si cau-  
 sam queris absolutionis, ut iam πρὸς τὸ πρὸς τὸν re-  
 uertar, egestas iudicum fuit, & turpitudine id autem ut  
 accideret, commissum est Hortensij consilio: qui dum  
 ueritus est, ne Fusius ei legi intercederet, quae ex S. C.  
 ferebatur, non uidit illud, satius esse, illum in infā-  
 mie relinqui sordibus, quā infirmo iudicio committi:  
 sed ductus odio properauit rem deducere in iudicium,  
 cum illum plumbeo gladio iugulatum iri tamen dice-  
 ret. sed iudicium, si querisq; uale fuerit, incredibili exi-

m, sic, uti  
 initio cons  
 elio facta  
 Cæsar, be  
 clemens la  
 primū i  
 ruit: nō  
 sus fuit  
 lano arat  
 incant, q  
 m, si aut  
 conuincit  
 hūc quā  
 reuoluit  
 tentatū  
 bant quā  
 Hortens  
 ac nō m  
 se produ  
 ram aut  
 circūfer  
 Clodio q  
 uisa est, q  
 simonius  
 Metelli N  
 nostri iud  
 nostra re  
 ab his, p  
 patrem  
 quentia



tu, sic, uti nunc ex euentu ab alijs, à me tamen ex ipso initio consilium Hortensij reprehendatur. nam ut reiectio facta est. clamoribus maximis, cū accusator, tāquā Cēsor bonus, homines nequissimos reijceret, reus, tāquā clemens lanista, frugalissimum quenque secerneret; ut primum iudices confederunt, ualde diffidere boni coeperunt: non enim unquam turpior in ludo talario cōfessus fuit. maculosi senatores, nudi equites, Tribuni non tam ararij, ut appellantur, q̄ arati. pauci tamen boni inerant, quos reiectione fugare ille non potuerat, qui moesti inter sui dissimiles, & moerentes sedebant, & contagione turpitudinis uehementer permouebantur. hic, ut quaq; res ad consilium primis petitionibus referebatur, incredibilis erat seueritas, nulla uarietate sententiarum: nihil impetrabat reus: plus accusatori dabatur, quā postulabat: triumphabat (quid quæris?) Hortensius se uidisse tantum: nemo erat, qui illum reū, ac nō millies condemnatum arbitraretur. me uero teste producto, credo te ex acclamatione Clodij aduocatorum audisse, quæ consurrectio iudicum facta sit, ut me circumsteterint, ut aperte iugula sua pro meo capite P. Clodio ostentarint. quæ mihi res multo honorificentior uisa est, q̄ aut illa, cum iurare tui ciues Xenocratem testimonium dicentem prohibuerunt; aut cum tabulas Metelli Numidici, cum hæ, ut mos est, circumferrentur, nostri iudices aspicere noluerunt. multo hæc inquam nostra res maior. itaque iudicum uocibus, cum ego sic ab his, ut salus patriæ, defenderer, fractus reus, & unā patroni omnes conciderunt. ad me autem eadem frequentia postridie conuenit, qua cum abiens Consulatu



sum domum reductus. clamare præclari Ariopagitæ  
 se nō esse uenturos, nisi præsidio constituto. refertur ad  
 consilium: una sola sententia præsidium non desidera-  
 uit. defertur res ad senatū: gratissime, ornatissimeq;  
 decernitur: laudantur iudices. datur negotium magi-  
 stratibus. responsurum hominem nemo arbitratur:  
 ἐσπετε γὰρ μοι μούσαι, ὅπως δὴ πρῶτον πῦρ ἐμπεσε.  
 nosti caluum, ex Nāneianis, illum laudatorem meū: de  
 cuius oratione erga me honorifica ad te scripseram. bi-  
 duo per unum seruum, & eum ex ludo gladiatorio, cō-  
 fecit totum negotium: accersuit ad se, promisit, inter-  
 cessit, dedit. iam uero (ὦ Dij boni rem perditam) etiam  
 noctes certarum mulierum, atq; adolescentulorum no-  
 bilium introductiones nonnullis iudicibus pro mercedis  
 cumulo fuerunt. ita summo discessu bonorum, pleno  
 foro seruorum, XX iudices ita fortes tamen fuerūt,  
 ut summo proposito periculo uel perire maluerint, q̄  
 perdere omnia. XXXI fuerunt, quos fames magis, q̄  
 fama cōmouerit. quorum Catulus cum uidisset quē-  
 dam, quid uos, inquit, præsidium à nobis postulabatis?  
 an, ne numi uobis eriperentur, timebatis? habes, ut bre-  
 uissime potui, genus iudicii, & causam absolutionis.  
 Queris deinceps, qui nunc sit status Reip. & qui meus.  
 Reip. statum illum, quem tu meo consilio, ego diuino cō-  
 firmatum putabam, qui bonorum omnium coniūctio-  
 ne, & auctoritate Cōsulatus mei fixus, & fundatus ui-  
 debatur, nisi quis nos Deus respexerit, elapsum scito esse  
 de manibus uno hoc iudicio; si iudicium est, triginta ho-  
 mines populi R. leuissimos, ac nequissimos numulis ac-  
 ceptis ius, & fas omne delere; & quod omnes non mo-

hominem  
 id caluum  
 inuolat  
 sed tamen  
 rime mē  
 eae impro  
 cum relig  
 cum senat  
 citu neg  
 rer sui dal  
 fuerit Co  
 hi dicit in  
 in et præ  
 inquam ego  
 quorū con  
 gūmāq;  
 dūq; ac  
 pui. Pō  
 pōssū: d  
 tum ad p  
 dicitam  
 nam cum  
 altercati  
 nam cer  
 neque nec  
 apia no  
 tum con  
 xi de ser  
 me diuini  
 pri conu



do homines, uerum etiam pecudes factum esse sciebant,  
 id Caluum, & Plautum, & Spongiam, & ceteras hu-  
 iusmodi quisquiliis statuere nunquam esse factum.  
 sed tamen ut te de Rep. consoler, non ita, ut spera-  
 rursus mali, tanto imposito Reip. uulnere, alacris exul-  
 tat improbitas in uictoria: nam plane ita putauerunt,  
 cum religio, cum pudicitia, cum iudiciorum fides,  
 cum senatus auctoritas concidisset, fore, ut aperte ui-  
 catrix nequitia, ac libido poenas ab optimo quoque pete-  
 ret sui doloris, quem improbissimo cuique inusserat  
 seueritas Consulatus mei. idem ego ille (non enim mi-  
 hi uideor insolenter gloriari, cum de me apud te loquor,  
 in ea praesertim epistola, quam nolo alijs legi) idem  
 inquam ego recreaui afflictos animos bonorum, unum-  
 quenque confirmans, & excitans. insectandis uero, exa-  
 gitandisque numarijs iudicibus, omnem omnibus stu-  
 diosis, ac fautoribus illius uictoriae παρρησιαν eri-  
 pui. Pisonem Cos. nulla in re consistere unquam sum  
 passus: desponsam homini iam Syriam ademi: sena-  
 tum ad pristinam suam seueritatem reuocaui, atque  
 abiectum excitaui: Clodium praesentem fregi in se-  
 natu cum oratione perpetua plenissima grauitatis, tum  
 altercatione eiusmodi, ex qua licet pauca degustes:  
 nam cetera non possunt habere eandem neque uim,  
 neque uenustatem remoto illo studio contentionis, quem  
 ἀγὼν uos appellatis, nam, ut idibus Maij in sena-  
 tum conuenimus, rogatus ego sententiam, multa di-  
 xi de summa Rep. atque ille locus inductus est à  
 me diuinitus; ne una plaga accepta patres conscri-  
 pti conciderent, ne deficerent; uulnus esse eiusmodi,



quod mihi neq; dissimulandum, neque pertimescendum  
 \* uideretur, ne aut ignorando stultissimi iudicaremur :  
 bis absolutum esse Lentulum, bis Catilinam, hunc ter-  
 tium iam esse a iudicibus in Remp. immissum. erras  
 Clodi : non te iudices urbi, sed carceri reseruarunt, ne-  
 que retinere in ciuitate, sed exilio priuare uoluerunt.  
 quam ob rem patres conscripti erigite animos, retinete  
 uestram dignitatem : manet illa in Rep. bonorum con-  
 sensio : dolor accessit bonis uiris, uirtus non est immi-  
 nuta : nihil est damni factum noui, sed, quod erat, in-  
 uentum est in unius hominis perditu iudicio. plures si-  
 miles reperti sunt. sed quid ago? penè orationem in  
 epistolam inclusi. Redeo ad altercationem. surgit pul-  
 chellus puer : obijcit mihi, me ad Baias fuisse. falsum :  
 sed tamen quid huic simile est inquam? quasi in operto  
 dicas fuisse. quid, inquit, homini Arpinati cū aquis ca-  
 lidis? narra inquam patrono tuo, quū Arpinatis aquas  
 cōcupiuit. nosti enim marinas. quousque, inquit, hunc  
 Regem feremus? Regem appellas inquam, cum Rex tui  
 mentionem nullam fecerit? ille autem Regis heredita-  
 tem spe deuorarat. domū, inquit, emisti. putas, inquit,  
 dicere, iudices emisti? iuranti, inquit, tibi non credide-  
 runt. mihi uero inquam XX iudices crediderunt :  
 XXXI, quoniam numos ante acceperunt, tibi nil  
 crediderunt. magnis clamoribus afflictus conticuit, &  
 concidit. Noster autē status est hic. apud bonos idem  
 sumus, quos reliquisti : apud sordem urbis, & fecem  
 multo melius, quā reliquisti : nam & illud nobis nō  
 obest, uideri nostrum testimonium non ualuisse : mis-  
 sus est sanguis inuidiæ sine dolore, atq; etiam hoc ma-



gis, quod omnes illi fautores illius flagitij rem manifestam illam redemptam esse à iudicibus consentitur. accedit illud, quod illa concionalis hirudo ararij, misera, & ieiuna plebecula, me ab hoc Magno unice diligere putat. & hercule multa, & iucunda consuetudine coniuncti inter nos sumus, usque eò, ut nostri isti comesatores coniurationis, barbatuli iuuenes illum in sermonibus Cneum Ciceronem appellent. itaque & ludis, & gladiatoribus mirandas emonuas sine ulla pastoritia fistula auferebamus. nunc est expectatio comitiorum, in qua omnibus inuitis trudit noster Magnus Auli filium, atque in eo neque auctoritate, neque gratia pugnat, sed quibus Philippus omnia castella expugnari posse dicebat, in qua modo asellus onustus auro posset ascendere. Consul autem ille deterioris histrionis similis suscepisse negotium dicitur, & domi diuifores habere: quod ego non credo. sed S. C. duo iam facta sunt, odiosa, quod in Consulem facta putantur, Cato, & Domitio postulante: unum, ut apud magistratus inquiri liceret: alterum, cuiusmodi diuifores haberent, aduersus Remp. Lurco autem Trib. pl. qui magistratum simul cum lege Aelia iniit, solutus est & Aelia, & Fusia, ut legem de ambitu ferret, quam ille bono auspicio claudus homo promulgauit. ita comitia in a. d. V I. Cal. Sext. dilata sunt. noui est in lege hoc, ut qui numos in tribu pronuntiauerit, si non dederit, impune sit: sin dederit, ut, quoad uiuat, singulis tribubus HS ∞ ∞ ∞ debeat. dixi, hanc legem P. Clodium iam antea seruasse: pronuntiare enim solitum esse, & non dare. sed heus tu, uides ne Consulatum



## LIB. I. EPIST.

illum nostrum, quem Curio antea ἀποδέσσειν uocabat, si hic factus erit, fabam minum futurum. quare, ut opinor, φιλοσοφίῃ, id quod tu facis, & istos consilatus non ἐλαφίῃ; Quod ad me scribis, te in Asiam statuisse non ire: equidem mallet, ut ires: ac uereor, ne quid in ista re minus commode fiat: sed tamen non possum reprehendere consilium tuum, praesertim cum egomet in prouinciam non sim profectus. Epigrammatis tuis, quae in Amaltheo posuisti, contenti erimus, praesertim cum & Chilius nos reliquerit, & Archias nil de me scripserit. ac uereor, ne Lucullus, quoniam graecum poema condidit, nunc ad Caelianam fabulam spectet. Antonio tuo nomine gratias egi, eamque epistolam Manlio dedi. ad te ideo antea rarius scripsi, quod non habebam idoneum, cui darem, nec satis sciebam quid darem. te ualde uindicauit. Cincius siquid ad me tui negotij detulerit, suscipiam: sed nunc magis in suo est occupatus, in quo ego ei non desum. tu, si uno in loco es futurus, crebras à nobis literas expecta, aut plures etiam ipse mittito. uelim ad me scribas, cuiusmodi sit Ἀμαλθείον tuum, quo ornatu, qua τοποθεσία; & quae poemata, quasque historias de Ἀμαλθείᾳ habes, ad me mittas. lubet mihi facere in Arpinati. ego tibi aliquid de meis scriptis mittam. nihil erat absolui. Vale.

CICERO ATTICO S.

MAGNA mihi uarietas uoluntatis, et dissimilitudo opinionis, & iudicij Quinei fratris mei demonstrata est ex literis tuis, in quibus ad me epistolarum illius exempla



misisti. qua ex re & molestia sum tanta affectus, quam  
tam mihi meus amor summus erga utrumque uestrum  
afferre debuit; et admiratione, quidnā accidisset, quod  
afferret Quinto fratri meo aut offensionē tam graue,  
aut cōmutationem tantam uoluntatis. atq; illud à me  
iam ante intelligebatur, quod te quoq; ipsum discedentē  
à nobis suspicari uidebam, subesse nescio quid opinionis  
incommoda, sauciumq; eius animum, & insedisse quasdā  
odiosas suspiciones: quibus ego mederi cū cuperem &  
antea sepe, et uehementius etiam post sortitionem pro-  
uinciae; nec tantum intelligebam eī esse offensionis, quan-  
tum litera tuae declarant; nec tantū proficiebam, quan-  
tum uolebam. sed tamen hoc me ipse consolabar, quod  
non dubitabā, quin te ille aut Dyrrhachij, aut in istis lo-  
cis uspiam uisurus esset. quod cum accidisset, confidebā,  
ac mihi persuaseram fore, ut omnia placarentur inter  
uos non modo sermone, ac disputatione, sed conspectu  
ipso, congressuq; uestro: nam quanta sit in Quinto fra-  
tre meo comitas, quanta iucunditas, q̄ mollis animus &  
ad accipiendam, & ad deponendam offensionem, nihil  
attinet me ad te, qui ea nosti, scribere. sed accidit perin-  
commode, quod eum nusquam uidisti: ualuit enim  
plus quod erat illi nonnullorum artificijs inculcatum,  
quā aut officium, aut necessitudo, aut amor uester  
ille pristinus, qui plurimum ualere debuit. atque hu-  
ius incommodi culpa ubi resideat, facilius possum exi-  
stimare, quā scribere: uereor enim, ne, dum defen-  
dam meos, non parcam tuis: nam sic intelligo, ut nil à  
domesticis uulneris factum sit, illud quidem, quod erat,  
eos certe sanare potuisse. sed huiusce rei uitium totius,



## LIB. I. EPIST.

quod aliquanto etiam latius patet, q̄ uidetur, presenti  
 tibi cōmodius exponam. De ijs literis, quas ad te Theſſ=  
 ſalonica miſit, & de ſermonibus, quos ab illo & Ro=  
 mæ apud amicos tuos, & in itinere habitos putas, ec=  
 quid tantum cauſæ ſit ignoro, ſed omnis in tua poſita  
 eſt humanitate mihi ſpes huius leuandæ moleſtiæ: nam  
 ſi ita eſſe ſtatucriſ, et irritabiles animos eſſe optimorum  
 ſæpe hominum, & eoſdem placabiles, & eſſe hanc agi=  
 litatem, ut ita dicam, molliemq; naturæ plerunque  
 bonitatis, et, id quod caput eſt, nobis inter nos noſtra ſi=  
 ue incommoda, ſiue uitia, ſiue iniurias eſſe tolerandas;  
 facile hæc, quemadmodum ſpero, mitigabuntur. quod  
 ego, ut faciās, te rogo: nam ad me, qui te unice diligo,  
 maxime pertinet, neminem eſſe meorum, qui aut te non  
 amet, aut abs te nō ametur. Illa pars epiſtolæ tuæ mi=  
 nime fuit neceſſaria, in qua exponis, quas facultates  
 aut provincialium, aut urbanorū cōmodorum & alijs  
 temporibus, & me ipſo Conſule prætermiſeris: mihi  
 enim perſpecta eſt & integritas, & magnitudo animi  
 tui: neq; ego inter me, atq; te quicquā intereſſe unquā  
 duxi, præter uoluntatem inſtitutæ uitæ, quod me ambi=  
 tio quædam ad honorum ſtadium, te autem alia mini=  
 me reprehendenda ratio ad honeſtum otium duxit: ue=  
 ra quidem laude probitatis, diligentia, religionis neque  
 me tibi, neq; quēquam antepono: amoris uero erga me,  
 cum à fraterno amore, domeſticoq; diſceſſi, tibi primas  
 deferō: uidi enim, uidi, penitusq; perſpexi in meis uar=  
 ijs temporibus & ſollicitudines, & letitias tuas: fuit  
 enim mihi ſæpe & laudis noſtræ gratulatio tua incun=  
 da, & timoris conſolatio grata. quin mihi nunc te ab=

ſente



sente non solum consilium, quo tu excellis, sed etiam ser-  
 monis communicatio, quæ mihi suauissima tecum solet  
 esse, maxime deest. quid dicam, in publica re? quo in  
 genere mihi negligenti esse non licet. an in forensi labo-  
 re? quem antea propter ambitionem sustinebam, nunc  
 ut dignitatem tueri gratia possim. an in ipsis domesticis  
 negotijs? in quibus ego cum antea, tum uero post disces-  
 sum fratris te, sermonesq; nostros desidero? postremo  
 non labor meus, non requies, non negotium, non otium;  
 non forenses res, non domesticæ, non publicæ, non priua-  
 tæ carere diutius tuo suauissimo, atque amantiissimo cõsi-  
 lio, ac sermone possunt. atque harũ rerum cõmemoratio  
 nem uerecundia sæpe impediuit utriusque nostrum. nũc  
 autem ea fuit necessaria propter eam partem epistolæ  
 tuæ, per quam te, ac mores tuos mihi purgatos, ac proba-  
 tos esse uoluisti. atque in ista incommoditate alienati il-  
 lius animi, & offensi, illud inest tamen commodi, quòd  
 & mihi, & cæteris amicis tuis nota fuit, & abs te ali-  
 quando testificata tua uoluntas omittendæ prouinciæ;  
 ut, quod unũ non estis, non dissensione, ac dissidio uestro,  
 sed uoluntate, ac iudicio tuo factum esse uideatur. qua-  
 re & illa, quæ uiolata, expiabuntur; & hæc nostra, quæ  
 sunt sanctissime conseruata, suam religionem obtine-  
 bunt. Nos hic in rep. infirma, misera, commutabiliq;  
 uersamur. credo enim te audisse. nostros equites penè  
 à senatu esse disiunctos. qui primum illud ualde gra-  
 uiter tulerunt, promulgatum ex S. C. fuisse, ut de  
 ijs, qui ob iudicandum pecuniam accepissent, quæ-  
 reretur. qua in re decernenda cum ego casu non affuis-  
 sem, sensissemq; id equestrem ordinem ferre moleste,

C



neque aperte dicere, obiurgavi senatum, ut mihi uisus sum, summa cū auctoritate, & in causa non uerecunda, admodum grauis, & copiosus fui. ecce aliæ deliciæ equitum uix ferendæ, quas ego nō solum tuli, sed etiam ornaui. Asiani, qui de Censoribus conduxerunt, questi sunt in senatu, se cupiditate prolapsos, nimium magno conduxisse: ut induceretur locatio, postulauerunt. ego princeps in adiutoribus, atque adeo secundus: nam, ut illi auderent hoc postulare, Crassus eos impulit. inuidiosa res, turpis postulatio, & confessio temeritatis. summum erat periculum, ne, si nihil impetrassent, plane alienarentur à senatu. huic quoque rei subuentum est maxime à nobis; perfectumq; , ut frequentissimo senatu, & libentissimo uterentur: multaq; à me de ordinum dignitate, & concordia dicta sunt Cal. Dec. & postridie. neque adhuc res confecta est, sed uoluntas senatus perspecta: unus enim contradixerat Metellus Cos. des. diu erat dicturus, ad quem propter diei breuitatem peruentum non est, heros ille noster Cato. sic ego conseruans rationem, institutionemq; nostram, tueor, ut possum, illam à me conglutinatam concordiam. sed tamen, quoniam ista sunt infirma, munitur quedam nobis ad retinendas opes nostras tuta, ut spero, uia, quam tibi literis satis explicare non possum, significatione parua ostendam tamen. utor Pompeio familiarissime. uideo, quid dicas. cauebo, quæ sunt cauenda: ac scribam aliàs ad te de meis consilijs capeSSendæ Reipub. plura. Luceium scito Consulatum habere in animo statim petere: duo enim soli dicuntur perituri. Cæsar cum eo coire per Arrium cogitat, & Bibulus cum hoc se putat per C. Piso =

nem poss  
crede. qu  
in aliud  
iam illuc  
primum

NH  
eum, qui  
comunic  
fingam,  
frater a  
mo, sed lit  
qui sepi  
& consilia  
& in pira  
sermonam  
es: ita s  
quantum  
sumitur  
sunt in  
cum non  
tempore  
corum d  
possum  
militarize  
deramus  
nim, qu  
or, aut



nem posse coniungi. rides? non sunt hæc ridicula, mihi crede. quid aliud scribam ad te? quid? multa sunt, sed in aliud tempus. te si expectari uelis, cures ut sciam. iam illud moleste rogo, quod maxime cupio, ut quamprimum uenias. Nonis Dec. Vale.

## CICERO ATTICO S.

NIHIL mihi nunc scito tam deesse, quam hominē eum, qui cum omnia, quæ me cura aliqua afficiunt, unā cōmunicem, qui me amet, qui sapiat, qui cū loquar, nihil fingam, nihil dissimulem, nihil obtegā, abest enim frater & φιλῆσταις, & amantiſſimus Metellus. non homo, sed litus, atque aer, & solitudo mera. tu autem, qui sæpiſſime curam, & angorem animi mei sermone, & consilio leuaſti tuo; qui mihi & in publica re socius, & in priuatis omnibus conscius, & omnium meorum sermonum, & consiliorum particeps esse soles: ubinam es? ita sum. destitutus, ut tantum requietis habeam, quantum cum uxore, & filiola, & mellito Cicerone consumitur. nam illæ ambitiosæ nostræ, fucosæq; amicitie sunt in quodam splendore forensi, fructum domesticum non habent. itaque, cum bene completa domus est, tempore matutino, cum ad forum stipati gregibus amicorum descendimus, reperire ex magna turba neminem possumus, quo cum aut iocari libere, aut suspirare familiariter possimus. quare te expectamus, te desideramus, te iam etiam accersimus: multa sunt enim, quæ me sollicitant, anguntq;: quæ mihi uideo, aures nactus tuas, unius ambulationis sermone



exhaustire posse. ac domesticarum quidem sollicitudinum aculeos omnes, & scrupulos occultabo, neque ego huic epistolæ, atque ignoto tabellario cōmittam. atque hi (nolo enim te permoueri) non sunt permolesti, sed tamen insident & urgent, & nullius amantis consilio, aut sermone requiescunt. In rep. uero, quanquam animus est præsens, tamen uoluntas etiam atque etiam ipsa me deficit: nam, ut ea breuiter, quæ post tuum discessum acta sunt, colligā, iam exclames necesse est, res Romanas diutius stare non posse: etenim post perfectionem tuam primus, ut opinor, introitus fuit in causam fabulæ Clodiæ: in qua ego naetus, ut mihi uidebar, locum resecandæ libidinis, & coercendæ iuuentutis, uehemens fui, & omnes profudi uires animi, atque ingenij mei, non odio adductus alicuius, sed spe non corrigendæ, sed sanandæ ciuitatis. afflicta respubl. est empto, constupratoq; iudicio. uide, quæ sint postea consecuta. Consul est impositus is nobis, quem nemo præter nos philosophos aspicere sine suspirio posset. quantum hoc uulnus? factō S.C. de ambitu, de iudijs, nulla lex perlata: excitatus senatus, alienati equites Romani, hic ille annus duo firmamenta reip. per me unum constituta evertit: nam & senatus auctoritatem abiecit, & ordinum concordiam disunxit. instat hic nunc ille annus egregius. eius initium eiusmodi fuit, ut anniuersaria sacra iuuentutis non committerentur: nam M. Luculli uxorem Memmius suis sacris initiauit. Menelaus agre id passus diuortium fecit: quanquam ille pastor Idæus Menelaum solum contempserit: hic noster Paris tam Menelaum, quàm Agamemnonem liberum non putauit.



est autem C. Herennius quidam Trib. pl. quem tu fortasse ne nosti quidem, tamen si poteris nosse: tribulis enim tuus est, & Sextus pater eius numos uobis diuidere solebat. is ad plebem P. Clodium traducit: idemq; fert, ut uniuersus populus in campo Martio suffragium de re Clodij ferat. hunc ego accepi in senatu, ut soleo: sed nihil est illo homine lentius. Metellus est consul egregius, & nos amat, sed imminuit auctoritatem suam, quod habere dicit causam promulgatam. illud idem de Clodio. Auli autem filius, o Dij immortales, quam ignauus, ac sine animo, milesq; dignus, qui Palicano, sicut facit, os ad male audiendum quotidie praebeat. Agraria autem promulgata est à Flauio sanè leuis, eadem fere, quae fuit Plotia. sed interea πολιτικός ἀνὴρ οὐδ' ὅσον vix quisquam inueniri potest: qui poterat, familiaris noster (sic est enim: uolo te hoc scire) Pompeius togulam illam pietam silentio tueretur suam. Crassus uerbum nullum contra gratiam. ceteros iam nosti; qui ita sunt stulti, ut amissa Rep. piscinas suas fore saluas sperare uideantur. unus est, qui curet, constantia magis, & integritate, quam, ut mihi uidetur, consilio, aut ingenio, Cato, qui miseros publicanos, quos habuit amantiissimos sui, tertium iam mensem uexat, neque ijs à senatu responsum dari patitur. ita nos cogimur reliquis de rebus nihil discernere ante, quam publicanis responsum sit: quare etiam legationes reiectum iri puto. nunc uides, quibus fluctibus iactemur: & si ex ijs, quae scripsimus, tamen etiam à me non scripta perspicis; reuise nos aliquando; & quanquam sunt haec fugienda, quò te uoco, tamen fat ut amorem nostrum tanti aestimes, ut eò uel



LIB. I. EPIST.

cum his molestiis peruenire uelis : nam ne absens censea-  
re, curabo edicendum, & proponendum locis omnibus.  
sub lustrum autem censeari, germani negotiatoris est. qua-  
re cura, ut te quamprimum uideamus. Vale. XI.  
Cal. Feb. Q. Metello, & L. Afranio Coss.

CICERO ATTICO S.

NON modo, si mihi tantum esset otij, quantum est  
tibi; uerum etiā, si tam breues epistolas uelim mittere;  
(quod tu soles facere) te superarem, & in scripto mul-  
to essem crebrior, quā tu : sed ad summas, atque in-  
credibiles occupationes meas accedit, quod nullam à me  
epistolam ad te sino absque argumento, ac sententia ue-  
nire. & primum tibi, ut æquum est, ciui amanti pa-  
triam, quæ sunt in Rep. exponam, deinde, quoniam ti-  
bi amore nos proximi sumus, scribemus etiam de no-  
bis ea, quæ scire te non nolle arbitramur. Atque in Rep.  
nunc quidem maxime Gallici belli uersatur metus, nam  
Edui fratres nostri pugnant: Sequani male pugnarunt:  
& Heluetij sine dubio sunt in armis, excursionsq; in  
prouinciam faciunt. senatus decreuit, ut Consules duas  
Gallias sortirentur, delectus haberetur, uacationes ne ua-  
lerent, legati cum auctoritate mitterentur, qui adirent  
Galliæ ciuitates, darentq; operam, ne eæ cum Heluetijs  
se iungerent. legati sunt Q. Metellus Creticus, & L.  
Flaccus, & τὸ ἐπὶ τῇ φακῇ μὲν, Lentulus Clodiæ fi-  
lius. atque hoc loco illud non queo præterire, quod, cum  
de consularibus mea prima sors exisset, una uoce se-  
natus frequens retinendum me in Vrbe censuit. hoc



idem post me Pompeio accidit : ut nos duo quasi pignora Reip. retineri uideremur : quid enim ego aliorum in me ἐπιφωνίματα expectem , cum hæc domi innascantur ? Urbanæ autem res sic se habent . agraria lex à Flauio Trib . pl. uehementer agitabatur auctore Pompeio : quæ nihil populare habebat , præter auctorem . ex hac ego lege secunda concionis uoluntate omnia illa tollebam , quæ ad priuatorum incommodum pertinebant : liberabam agrum eum , qui P . Mutio , L . Calphurnio Coss . publicus fuisset : Syllanorum hominum possessiones confirmabam : Volaterranos , & Artemitanos , quorum agrum Sylla publicarat , neque diuiserat , in sua possessione retinebam : unam rationem non reiiciebam , ut ager hac aduentitia pecunia emeretur , quæ ex nouis uectigalibus per quinquennium reciperetur . huic toti rationi agrariæ senatus aduersabatur , suspicans Pompeio nouam quandam potentiam quæri . Pompeius uero ad uoluntatem perferendæ legis incubuerat . ego autem magna cum agrariorum gratia confirmabam omnium priuatorum possessiones : is enim est noster exercitus , hominum , ut tute scis , locupletium . populo autem , Pompeioq ; ) nam id quoque uolebam ) satisfaciebam emptione ; qua constituta diligenter , & sentinam Urbis exhauriri , & Italiæ solitudinem frequentari posse arbitrabar . sed hæc tota res interpellata bello refrixerat . Metellus est Consul sanè bonus , & nos admodum diligit . ille alter ita nihil est , ut plane , quid erit , nesciat . hæc sunt in Rep. nisi illud etiam ad Remp . putes pertinere , Herennium quendam Trib . pl. tribulem tuum , sanè hominem nequam ,

C iiij



atque egentem, sæpe iam de P. Clodio ad plebem tradu-  
cendo agere coepisse. huic frequenter interceditur. hæ  
sunt, ut opinor, in Rep. Ego autem, ut semel Nonarum  
illarum Decembrium iunctam inuidiæ, ac multorum  
inimicitijs eximiam quandam, atque immortalem glo-  
riam consecutus sum; non destiti eadem animi magni-  
tudine in Rep. uersari, & illam institutam, ac susceptam  
dignitatem tueri. sed postea quàm primum Clodij ab-  
solutione leuitatem, infirmitatemq; iudiciorum perspe-  
xi, deinde uidi nostros publicanos facile à senatu disiun-  
gi, quanquam à meipso non diuellerentur, tum autem  
beatos homines ( hos piscinarios dico, amicos tuos ) non  
obscure nobis inuidere : putauì mihi maiores quasdam  
opes, & firmitiora præsidia esse querenda. itaque pri-  
mum eum, qui nimium diu de rebus nostris tacuerat,  
Pompeium adduxi in eam uoluntatem, ut in senatu  
non semel, sed sæpe, multisq; uerbis suis mihi salutem  
imperij, atque orbis terrarum adiudicaret : quod non  
tam interfuit mea ( neque enim illæ res aut ita sunt ob-  
scuræ, ut testimonium; aut ita dubiæ, ut laudationem  
desiderent ) quàm Reip. q̄ erant quidā improbi, qui con-  
tentionem fore aliquam mihi cum Pompeio, ex illarum  
rerum dissensione, arbitrarentur. cum hoc ego me tan-  
ta familiaritate coniunxi, ut uterque nostrum in sua ra-  
tione munitior, & in Rep. firmitior hac coniunctione esse  
possit. odia autem illa libidinose, & delicatæ iuuen-  
tutis, quæ erant in me incitata, sic mitigata sunt qua-  
dam comitate mea, me unum ut omnes illi colant. ni-  
hil ita deniq; à me asperum in quenquā sit, nec tamē quid  
quā populare, ac dissolutum; sed ita tēperata tota rō est,

ne Reip. e  
per ism  
dum in  
nem, &  
implicat  
surrep Ep  
uero à  
rationis,  
uides.  
cui med  
summa p  
ritate fac  
ex ipso s.  
hoc autem  
factum est  
tiam dixit  
conueneru  
runt. t  
rum aliq  
Commen  
si ad te:  
nus gra  
bi, ut op  
se, quo  
co barb  
si quid  
tinum  
pectato  
mittatu  
enim ap



ut Reip. constantiam præstem, privatis rebus meis propter infirmitatem bonorum, iniquitatem malorum, omniduum in me improborum adhibeam quandam cautionem, & diligentiam. atque ita tamen novis amicitijs implicati sumus, ut crebro mihi uasfer ille Siculus insuasurret Epicharmus cantilenam illam suam: *νῦν φε, καὶ μέμνησο ἂν πρὶν ἀρεσάταυτα τῶν φρενῶν*. ac nostræ quidem rationis, ac ultæ quasi quandam formam, ut opinor, uides. De tuo autem negotio sæpe ad me scribis, cui mederi nunc non possumus: est enim illud S. C. summa pedariorum uoluntate, nullius nostrum auctoritate factum. nam, quod me esse ad scribendum uides, ex ipso S. C. intelligere potes, aliam rem tum relatum. hoc autem, de populis liberis, sine causa additum: & ita factum est à P. Seruilio filio, qui in postremis sententiam dixit: sed immutari hoc tempore non potest. itaque conuentus, qui initio celebrabantur, iandiu fieri desierunt. tu si tuis blanditijs tamen à Sicyonijs numulorum aliquid expresseris, uelim me facias certiores. Commentarium Consulatatus mei græcè compositum misi ad te: in quo si quid erit, quod hominì Attico minus græcum, eruditumq; uideatur, non dicam, quod tibi, ut opinor, Panormi Lucullus de suis historijs dixerat, se, quo facilius illas probaret Romani hominis esse, idcirco barbara quædam, & obsoleta dispersisse: apud me si quid erit eiusmodi, me imprudente erit, & inuito. latinum si perfecero, ad te mittam. tertium poema expectato, ne quod genus à me ipso laudis meæ prætermittatur. hic tu caue dicas, *τὴς πατέρος ἀνήσσει*; si est enim apud homines quidquam, quod potius sit laude



tur, nos uituperemur, qui non potius alia laudemus: quanquam non ἐγκωμιαστικά sunt hæc, sed ἰσχυρικά quæ scribimus. Quintus frater purgat se mihi per literas, & affirmat nil à se cuiquam de te secus esse dictum. uerum hæc nobis coram summa cura, et diligentia sunt agenda: tu modo nos reuise aliquando. Cossinius hic, cui dedi literas, ualde mihi bonus homo, & non leuis, et amans tui uisus est, & talis, qualem esse eum tuæ mihi literæ nuntiarant. Vale. Idibus Martijs.

## CICERO ATTICO S.

CVM è Pōpeiano me Romā recepissē ad IIII. Id. Maij, Cincius noster eam mihi abs te epistolam reddidit, quam tu Idibus Febr. dederas. ei nunc epistolæ literis his respondebo. ac primum, tibi perspectum esse iudicium de te meum, lætor: deinde, te in ijs rebus, quæ mihi asperius à nobis, atque à nostris, & iniucundius actæ uidebantur, moderatissimum fuisse, uehementissime gaudeo: idq; neque amoris mediocris, & ingenij summi, ac sapientiæ iudico. qua de re cum ad me ita suauiter, diligenter, officiose, humaniter scripseris, ut nō modo horari te amplius non debeam, sed ne expectare quidē abs te, aut ab ullo homine tantum facilitatis, ac mansuetudinis potuerim: nihil duco esse commodius, quàm de his rebus nihil amplius scribere. cum erimus congressi, tum, si quid res feret, coram inter nos conferemus. Quod ad me de Repub. scribis, disputas tu quidem & amanter, & prudenter, & à meis consilijs ratio tua non abhorret: nam neque de statu nobis nostræ dignitatis est recedendum, neq; sine nostris copijs intra alterius



presidia ueniendum: & is, de quo scribis, nihil habet  
 amplum, nihil excelsum, nihil non summissum, atque po-  
 pulare: ueruntamen fuit ratio mihi fortasse ad tran-  
 quillitatem meorum temporum non inutilis, sed meher-  
 cule Reip. multo etiam utilior, quàm mihi, ciuium im-  
 proborum impetus in me reprimi, cum hominis am-  
 plissima fortuna, auctoritate, gratia fluctuantem sen-  
 tentiam confirmassem, & à spe malorum ad mearum  
 rerum laudem conuertissem. quod si cum aliqua leui-  
 tate mihi faciendum fuisset, nullam rem tanti aestima-  
 sem: sed tamen à me ita acta sunt omnia, non ut ego  
 illi assentiens leuior, sed ut ille me probans grauior uide-  
 retur. reliqua sic à me aguntur, & agentur, ut non cō-  
 mittamus, ut ea, quæ gessimus, fortuito gessisse uidea-  
 mur. eos bonos uiros, illos quos significas, & eam, quam  
 mihi dicis obtigisse, παρ' ἑταίρων non modo nunquam de-  
 seram, sed etiam, si ego ab illa deferar, tamen in mea  
 pristina sententia permanebo. illud tamen uelim existi-  
 mes, me hanc uiam optimatum post Catuli mortem nec  
 presidio ullo, nec comitatu tenere: nam, ut ait Rhinton  
 ut opinor, οἱ μὲν παρ' οὗ δ' ἐν εἰσι τοῖς δ' οὐδ' ἐν μέλει. mihi  
 uero ut inuideant piscinarij nostri, aut scribā ad te aliās,  
 aut in congressum nostrum reseruabo. à ceteris autem  
 nulla me res diuellet: uel quòd ita rectum est: uel quòd  
 rebus meis maxime consentaneum: uel quòd, à senatu  
 quanti fiam, minime me poenitet. De Sicyonijs, ut  
 scripsi ad te antea, non multum spei est in senatu: ne-  
 mo est enim iam, qui queratur. quare, si id expectas, lon-  
 gum est: alia uia, si qua potes, pugna. cum est actum,  
 neque animaduersum est ad quos pertineret, & ra-



ptim in eam sententiam pedarij concurrerunt . inducen-  
 di S. C. maturitas nondum est ; quod neque sunt , quæ  
 querantur ; & multi partim maleuolentia , partim opi-  
 nione æquitatis delectantur . Metellus tuus est egregius  
 Consul . unum reprehendo , quod otium è Gallia non  
 magnopere nuntiari gaudet . cupit , credo , triumphare .  
 hoc uellem mediocrius : cætera egregia . Auli filius  
 uero ita se gerit , ut eius Consulatus non Consularis sit ,  
 sed Magni nostri ὑπὸ πρίον . De meis scriptis , nisi ad te  
 græce perfectum Consulatum meum . eum librum L .  
 Cossinio dedi . puto te latinis meis delectari , huic au-  
 tem græco græcum inuidere . alij si scripserint , mitte-  
 remus ad te : sed , mihi crede , simul atque hoc nostrum  
 legerunt , nescio quo pacto retardantur . Nunc ( ut ad  
 rem meam redeam ) L. Papius Pætus , uir bonus , a-  
 matorq; noster , mihi libros eos , quos ser . Claudius reli-  
 quit , donauit . cum mihi per legem Cinciam licere cape-  
 re Cincius amicus tuus diceret , libenter dixi me acceptu-  
 rum , si attulisset . nunc , si me amas , si te à me amari scis ,  
 enitere per amicos , clientes , hospites , libertos denique , ac  
 seruos tuos , ut scheda ne qua depereat : nam & græcis  
 ijs libris , quos suspicor , & latinis , quos scio illum reliquis-  
 se , mihi uehementer opus est . ego autem , quotidie ma-  
 gis , quod mihi de forensi labore temporis datur , in his  
 studijs conquiesco . per mihi , per inquam gratum fece-  
 ris , si in hoc tam diligens fueris , quam soles in ijs rebus ,  
 quas me ualde uelle arbitraris : ipsiusq; Pæti tibi nego-  
 tia commendo ; de quibus tibi ille agit maximas gra-  
 tias : & , ut iam inuisas nos , non solum rogo , sed  
 etiam suadeo . Vale.

M. IV  
RYA

quo letatur  
 græce item  
 rendum de  
 ratum me  
 enim libe  
 sed tamen  
 glexerant  
 olebant  
 pupa  
 non nihil  
 tu Corcy  
 rigisti  
 quem  
 fastidio  
 Rhodo  
 legeret  
 scriberet  
 scribendi  
 ro? cont



M. TVLLII CICERONIS EPISTOLARVM  
AD T. POMPONIVM ATTICVM LIBER II.

CICERO ATTICO S.

AL. Iun. eunti mihi Antium, & gladiatores M. Metelli cupide relinquenti, uenit obuiam tuus puer. is mihi literas abs te, & commentarium Consularis mei græce scriptum reddidit. in quo letatus sum, me aliquanto ante de iisdem rebus græce item scriptum librum L. Cossinio ad te perfectum dedisse: nam, si ego tuum ante legissem, furatum me abs te esse diceres. quanquam illa tua (legi enim libenter) horridula mihi, atque incompta uisa sunt: sed tamen erant ornata hoc ipso, quod ornamenta neglexerant; & ut mulieres, ideo bene olere, quia nihil olebant, uidebantur. meus autem liber totum Isocratis *μυροδύκτωρ*, atque omnes eius discipulorum arculas, ac non nihil etiam Aristotelica pigmenta cōsumpsit: quem tu Corcyrae, ut mihi alijs literis significas. strictim attingisti, post autem, ut arbitror, à Cossinio accepisti. quem tibi ego non essem ausus mittere, nisi eum lēte, at fastidiose probauissem quanquam ad me rescripsit iam Rhodo Possidonius, se, nostrum illud *ὑπόμνημα* cum legeret, quod ego ad eum, ut ornatus de iisdem rebus scriberet, miseram, non modo non excitatum esse ad scribendum, sed etiam plane perterritum. quid quaeris? conturbauit Græcam nationem. ita, uulgo qui in-



stabant, ut darem sibi, quod ornarent, iam exhibere mihi molestiam destiterunt. tu, si tibi placuerit liber, curabis, ut & Athenis sit, & in cæteris oppidis Græciæ: uideatur enim posse aliquid nostris rebus lucis afferre. Oratiunculas autem & quas postulas, & plures etiam mittebam, quoniam quidem ea, quæ nos scribimus adolescentulorum studiis excitati, te etiam delectant: fuit enim mihi commodum, quod in eis orationibus, quæ Philippicæ nominantur, enituerit ciuis ille tuus Demosthenes, & quod se ab hoc refractariolo iudiciali dicendi genere abiunxerit, ut σεμνότερός τις καὶ πολιτικώτερος uideretur, curare, ut meæ quoque essent orationes, quæ consulares nominarentur. quarum una est in senatu Cal. Ian. altera ad populum de lege agraria, tertia de Othone, quarta pro Rabirio, quinta de proscriptorum filiis; sexta, cum prouinciam in concione deposui; septima, qua Catilinam emisi; octaua, quam habui ad populum postridie, quàm Catilina profugit; nona in concione, quo die Allobroges inuocarunt; decima in senatu Nonis Dec. sunt præterea duæ breues, quasi ἀποπαρασκήτια legis agrariæ. hoc totum σῶμα, curabo, ut habeas. & quoniam te cum scripta, tum res meæ delectant, iisdem ex libris perspicies, & quæ gesserim, & quæ dixerim. aut ne poposcisses: ego enim tibi me non offerebam. Quod quæris, quid sit, quod te accersam; ac simul impeditum te negotiis esse significas; neque recusas, quin, non modo si opus sit, sed etiam si uelim, accurras: nihil sanè est necesse: ueruntamen uidebare mihi tempora peregrinationis commodius posse distribuere. nimis abes diu, præsertim cum sis in pro-

pinquior loci  
nunc quide  
lipogredi  
præclare M  
est Consul  
tura bonu  
pl. fieri cup  
hominem, t  
benatum  
Etiaſſet.  
dum; quæ  
pderet, qui  
iam cū se ill  
uam quæq  
dixiſſet, in  
dixi accidiſſ  
Roma inter  
eſſe itum c  
buit. quid  
reddo, mo  
hoc genere  
cauilla et  
deducere  
locum gl  
uos patro  
conſulari  
quam, de  
tollas. non  
illam mal  
niro bellu



pinquis locis: neque nos te fruimur, & tu nobis cares. ac  
nunc quidem otium est: sed si paulo plus furor Pulchel  
li progredi posset, ualde te ego istinc excitarem. uerum  
præclare Metellus impedit, & impediet. quid quæris?  
est Consul φιλόπατρις, & ut semper iudicaui, na-  
tura bonus. ille autem non simulat, sed plane Tribunus  
pl. fieri cupit. qua de re cum in senatu ageretur, fregi  
hominem, & inconstantiam reprehendi, qui Rome Tri-  
bunatum pl. peteret, cum in Sicilia Aedilitatem sæpe di-  
ctitasset. sed neque magnopere dixi esse nobis laboran-  
dum; quod nihilo magis ei licitum esset plebeio rēp.  
perdere, quā similibus eius me Cōsule patritijs esset licitū.  
iam cū se ille septimo die uenisse à freto, neque sibi ob-  
uiam quenquam prodire potuisse, & noctu se introisse  
dixisset, in eoq; se in concione iactasset: nihil ei nouū  
dixi accidisse: ex Sicilia septimo die Romā, tribus horis  
Roma Interamnā: noctu introisse, item ante: non  
esse itum obuiam, ne tum quidem, cum iri maxime de-  
buit. quid quæris? hominem petulantem modestum  
reddo, non solum perpetua grauitate orationis, sed etiā  
hoc genere dictorum. itaque iam familiariter cum ipso  
cauillor etiam, ac iocor. quin etiam cum candidatum  
deducerem, is quærit ex me, num consueessem Siculis  
locum gladiatoribus dare. negaui. at ego, inquit, no-  
uos patronos instituam. sed soror, quæ tantum habeat  
consularis loci, unum mihi solum pedem dat. noli, in-  
quam, de uno pede sororis queri, licet etiam alterum  
tollas. non consulare, inquires, dictum. fateor: sed ego odi  
illam male consularem: ea est enim seditiosa; ea cum  
uiro bellum gerit, neque solum cum Metello, sed etiam



cum Fabio, quod eos mihi esse amicos moleste fert. Quod de agraria lege quæris, sanè iam uidetur refriguisse. Quod me quodammodo molli brachio de Pompeij familiaritate obiurgas; nolim ita existimes, me meij præsidij causa cum illo coniunctum esse; sed ita res erat instituta, ut, si inter nos esset aliqua forte dissensio, maximas in Rep. discordias uersari esset necesse. quod à me ita præcautum, atque ita prouisum est, non ut ego de optima illa mea ratione decederem, sed ut ille esset melior, & aliquid de populari leuitate deponeret. quem de meis rebus, in quas eum multi incitarant, multo scito gloriosius, quàm de suis prædicare, sibi enim bene gesta, mihi conseruata Reip. dat testimonium. hoc facere illum, mihi quàm profit, nescio, reipub. certe prodest. quid, si etiam Casarem, cuius nunc uentù ualde sunt secundi, reddo meliorem? num tantum obsum Reipub? quin etiam, si mihi nemo inuideret, si omnes, ut erat æquum, fauerent, tamen non minus esset probanda medicina, quæ sanaret uitiosas partes Reipu. quàm quæ exsecaret. nunc uero, cum equitatus ille, quem ego in cliuo Capitolino te Signifero, ac principe collocaram, senatum deseruerit; nostri autem principes digito se cœlum putent attingere, si multi barbari in piscinis sint, qui ad manum accedant; alij autem negligant: nonne tibi satis prodesse uideor, si perficio, ut nolint obesse, qui possunt? nam Catonem nostrum non tu amas plus, quàm ego. sed tamen ille optimo animo utens, & summa fide, nocet interdum Reip. dicit enim tanquam in Platonis πολιτεία, non tanquam in Romuli fece sententiam. quid uerius, quàm in iudicium uenire, qui ob rem  
iudicandam



iudicandam pecuniam acceperit? censuit hoc Cato: assensit senatus. equites curiæ bellum, non mihi, nam ego dissensi. quid impudentius publicanis renunciantibus? fuit tamen retinendi ordinis causa facienda iactura: restitit, & peruicit Cato. itaque nunc Consule in carcere incluso, saepe item seditione commota, aspirauit nemo eorum, quorum ego concursu, itemq; Consules, qui post me fuerunt, remp. defendere solebant. quid ergo istos, inquires, mercede conductos habebimus? quid faciemus, si aliter non possumus? an libertinis, atque etiam seruis seruiamus? sed, ut tu ais, ἄλῃς ἀποδοῦναι. Fauonius meam tribum tulit honestius, quam suam, Luceij perdidit. accusauit Nasicam inhoneste, ac modeste tamen dixit, ut Rhodi uideretur molis potius, quam Moloni operam dedisse. mihi, quod defendissem, leuiter succensuit. nunc tamen petit iterum reipub. causa. Luceius quid agat, scribam ad te, cum Casarem uidero, qui aderit bi-duo. Quod Sicyonij te lādunt, Catoni, & eius æmulatori attribuas Seruilio. quid? ea plaga non ne ad multos bonos uiros pertinet? sed si ita placuit, laudemus, deinde in dissensionibus soli relinquamur. Amalthea mea te expectat, & indiget tui. Tusculanum, & Pompeianum ualde me delectant, nisi quod me illum ipsum uindicem æris alieni ære non Corinthio, sed hoc circumforaneo obruerunt. In Gallia speramus esse otium. prognostica mea cum oratiunculis propediem expecta. & tamen, quid cogites de aduentu tuo, scribe ad nos: nam mihi Pomponia nunciari iussit, te mense Quintili Romæ fore. id à tuis literis, quas ad me de accessu tuo miseris, discrepabat. Pæuis, ut antea ad te scripsi,

D



LIB. II. EPIST.

omnes libros, quos frater suus reliquisset, mihi donauit. hoc illius munus in tua diligentia positum est. si me admas, cura, ut conseruentur, & ad me perferantur. hoc mihi nil potest esse gratius. & tum graecos, tum uero latinos diligenter ut conserues, uelim. tuum esse hoc munusculum putabo. Ad Octauium dedi literas: cum ipso nil eram locutus: neque enim ista tua negotia prouincialia esse putabam: neque te in Toclionibus habebam. sed scripsi, ut debui, diligenter. Vale.

CICERO ATTICO S. 2

CURA, amabo te, Ciceronem nostrum. ei nos deici uidemur. Πελισαίων in manibus tenebam. & hercule magnum aceruum Dicearchi mihi ante pedes extruxeram. id magnum hominem, & a quo multo plura didiceris, quam de Procilio. Κορινθίων καὶ Αθηναίων πύτο me Romae habere. mihi haeredes. lege. hoc doceo. mirabilis uir est. Ηρώδης, si homo esset, eum potius legeret, quam unam literam scriberet: qui me epistola petiuit: ad te, ut uideo, comminus accessit. coniurasse malilem, quam restitisse coniurationi, si illum mihi audiendum putassem. De Lollio sanus non es. de uino laudo. sed heus tu, ecquid uides Cal. uenire, Antonium non uenire? iudices cogi? nam ita ad me mittunt, Nigidium minari in concione, se iudicem, qui non affuerit, compellaturum. uelim tamen, si quid est de Antonij aduentu quod audieris, scribas ad me: & quoniam huc non uenis, coenes apud nos, utique prid. Cal. caue aliter facias. Cura, ut ualeas.



PRIMUM, ut opinor, ἀγγέλια. Valerius absolutus est Hortensio defendente. id iudicium Atilio condonatum putabatur. Ἐπικратem suspicor, ut scribis, lascivum fuisse: etenim mihi caligæ eius, ut fasciæ cretæ, non placebant. quid sit, sciemus, cum ueneris. Fenestrarum angustias quoddam reprehendis, scito te Κύρου παυδείαν reprehendere: nam cum ego idem istuc dicerem, Cyrus aiebat, radiorum τὰς διαφάσεις latis luminibus, non tam esse suauis: etenim ἔγω ὄψις μὲν, ἢ, α: τὸ δὲ ὀρώμενον, β, γ: ἀκτίνες δὲ, δ, καὶ ε: uides enim cætera: nam si κατὰ εἰδῶλαν ἐμπτώσας uideremus, ualde laborarent. εἰδῶλα in angustijs. nunc fit lepide illa ἐκχυσίς radiorum. cætera si reprehenderis, non feres tacitum, nisi si quid erit eiusmodi, quod sine sumptu corrigi possit. Venio nunc ad mensem Ianuarii, ἔτι ad ὑπόστασιν nostram, ἀὲ πολιτείαν, in qua σωφροτικῶς εἰς ἑκάτερον, sed tamen ad extremum, ut illi solebant, πλὴν ἂν ἐσκόουσιν. est res sanè magni consilij: nam aut fortiter resistendum est legi agrariæ, in quo est quædam dimicatio, sed plena laudis; aut quiescendum, quod est non dissimile, atque ire in Solonium, aut Antium; aut etiam adiuvandum, quod à me aiunt Cæsarem sic expectare, ut non dubitet: nam fuit apud me Cornelius: hunc dico Balbum Cæsaris familiarem: is affirmabat illum omnibus in rebus meo ἔτι Pompeij consilio usurum, daturumq; operam, ut cum Pompeio Crassum coniungeret. hic sunt hæc, coniunctio mihi summa cum Pompeio; si placet, etiam



LIB. II. EPIST.

cum Casare, reditus in gratiam cum inimicis, pax cum  
multitudine, senectutis orium. sed me κατὰ κρησιν mea  
illa commouet, quæ est in libro III.

Interea cursus, quos prima à parte iuuentæ,  
Quosq; adeo Consul uirtute, animoq; petisti,  
Hos retine, atque auge famam, laudesq; bonorum.  
hæc mihi cum in eo libro, in quo multa sunt scripta  
ἀριστοκρατικῶς, Calliope ipsa præscripserit, non opinor esse  
dubitandum, quin semper nobis uideatur εἰς οἶκον ἀρι-  
στοκράτειαν περὶ πάσης. sed hæc ambulationibus com-  
pitaliis reseruemus. Tu pridie Compitalia memento.  
balneum calferi iubebo: Pomponiam Terentia ro-  
gat: matrem adiungemus. Θεοφράστου περὶ φιλοτι-  
μίας offer mihi de libris Quinti fratris. Vale.

CICERO ATTICO S. 4

FECISTI mihi pergratum, quodd Serapionis li-  
brum ad me misisti: ex quo quidem ego (quod inter nos  
liceat dicere) millesimam partem uix intelligo. pro eo  
tibi præsentem pecuniam solui imperavi, ne tu expen-  
sum muneribus ferres. At quoniam numorum men-  
tio facta est, amabo te, cura, ut cum Titinio, quoquo  
modo poteris, transigas. si in eo, quod ostenderat, non  
stat, mihi maxime placet ea, quæ male empta sunt, red-  
di, si uoluntate Pomponiæ fieri poterit. si ne id qui-  
dem, numi potius reddantur, quàm ullus sit scrupu-  
lus. ualde hoc uelim ante, quàm proficiscare, amanter,  
ut soles, diligenterq; conficias. Clodius ergo, ut ais, ad  
\* Tigranem? uelim, Syrpia conditione: sed facile patior:



accommodatus enim nobis est ad liberam legationem  
 tempus illud, cum & Quintus noster iam, ut speramus,  
 in otio confederit, & iste sacerdos Bonæ Deæ cuiusmodi  
 futurus sit, sciri possit. interea quidem cum musis nos  
 delectabimur animo æquo, immo uero etiam gaudenti,  
 ac libenti. neque mihi unquam ueniet in mentem Cras-  
 so inuidere, neque pœnitere, quod à me ipse non descì-  
 uerim. De geographia, dabo operam, ut tibi satisfaciā:  
 sed nihil certi polliceor. magnum opus est: sed tamen,  
 ut iubes, curabo, ut huius peregrinationis tibi opus extet.  
 tu quidquid indagaris de Rep. & maxime quos Con-  
 sules futuros putes, facito, ut sciam. tamen si nimis sum  
 curiosus: statui enim nihil iam de Rep. cogitare. Te-  
 rentiæ saltum perspeximus. quid quæris? præter quer-  
 cum Dodonæā nihil desideramus, quo minus Epeirum  
 ipsam possidere uideamur. Nos circiter Cal. aut in  
 Formiano erimus, aut in Pompeiano. tu, si in Formia-  
 no non erimus; si nos amas, in Pompeianum uenito. id  
 & nobis erit periucundum, & tibi non sanè deuiū. De  
 muro, imperdū Philotimo, ne impediret, quo minus id  
 fieret, quod tibi uideretur. censeo tamen, adhibeas Ve-  
 etium. his temporibus, tam dubia uita optimi cuiusque,  
 magni æstimo unius æstatis fructum palæstræ Palatinæ,  
 sed ita tamen, ut nihil minus uelim, quàm Pomponiam,  
 & puerum uersari in timore ruina. Vale.

CICERO ATTICO S.

CUPPIO equidem, & iam pridem cupio Alexan-  
 driam, reliquamq; Aegyptum uisere, & simul ab hac  
 hominum satietate nostri discedere, & cum aliquo de-

D iij



## LIB. II. EPIST.

siderio reuerti : sed hoc tempore, & his mittentibus, αἰ-  
 δέομαι τρώας καὶ τρωάδας ἐλπίσι πέπλους : quid enim no-  
 stri optimates, si qui reliqui sunt, loquentur ? an me a-  
 liquo præmio de sententia esse deductum ? πολυδάμας  
 μοι πρῶτος ἐλεγκχέην ἀναδῆσαι Cato ille noster, qui mi-  
 hi unus est pro centum millibus . quid uero historiæ de  
 nobis ad annos DC. prædicarint ? quas quidem ego  
 multo magis uereor, quàm eorū hominū, qui hodie uiuunt,  
 rumusculos . sed opinor excipiamus, & expectemus : si  
 enim deferetur, erit quædam nostra potestas, et tum de-  
 liberabimus . & iam hercule est in non accipiendo non  
 nulla gloria . quare si quid θεοφάνης tecum forte con-  
 tulerit, ne omnino repudiaris . de istis rebus expecto tuas  
 literas, quid Arrius narret, quo animo se destitutum fe-  
 rat, & qui Consules parentur, utrum, ut populi sermo,  
 Pompeius, & Crassus, an, ut mihi scribitur, cum Gabi-  
 nio Ser. Sulpitius, & num quæ nouæ leges, & num  
 quid noui omnino : & quoniam Nepos proficiscitur, cui-  
 nam Auguratus deferatur : quo quidem uno ego ab istis  
 capi possum . Videte ciuitatem meam . sed quid ego hæc,  
 quæ cupio deponere, & toto animo, atque omni cura φι-  
 λοσοφῶν ? sic inquam in animo . sic uellem ab initio .  
 nunc uero, quoniam, quæ putauī esse præclara, expertus  
 sum, quàm essent inania ; cum omnibus musis ratio-  
 nem habere cogito . tu tamen de Curtio ad me rescri-  
 be certius : & num quis in eius locum paretur, et quid  
 de P. Clodio fiat, & omnia, quemadmodum tu pollice-  
 ris, ἐπὶ σχολῆς scribe : & quo die Roma te exiturum  
 putes, uelim ad me scribas, ut certiore te faciam, qui-  
 bus in locis futurus sim : epistolamq; statim des de ijs



rebus, de quibus ad te scripsi : ualde enim expecto literas tuas . Vale .

## CICERO ATTICO S.

QVOD tibi superioribus literis promiseram, fore, ut opus extaret huius peregrinationis: nihil iam magno-  
pere confirmo : sic enim sum complexus otium, ut ab eo diuelli non queam . itaque aut libris me delecto, quo-  
rum habeo Antij festiuam copiam: aut fluctus numero: nam ad lacertas captandas tempestates nō sunt idoneæ.  
à scribendo prorsus abhorret animus : etiam γεωγραφικὰ, quæ constitueram, magnum opus est : ita ualde Era-  
tosthenes, quæ mihi proposueram, à Serapione, & ab Hip-  
parcho reprehenditur . quid censes, si Tyrannio accesserit ? & hercule sunt res difficiles ad explicandū, & ὁμοειδῆς: nec tā possunt ἀνδρογενεῖσθαι, q̄ uidebātur:  
et, quod caput est, mihi quæuis satis iusta causa cessandi est. quin etiā dubitē, an hic Antij cōsidā, et hoc tēpus omne cōsumā: ubi quidē ego mallē diu nimirū, q̄ Romæ fuisse. tu uero sapientior Buthroti domū parasti. sed, mihi crede, proxima est illi municipio hæc Antiatū ciuitas .  
esse locū tam propē Romā, ubi multi sint, qui Vatiniū nunquā uiderint? ubi nemo sit, præter me, qui quenquam ex uiginti uiris unū esse saluū uelit? ubi me interpellat nemo, diligāt omnes? hic, hic nimirū πολιτοῦτέον: nam istic nō solū nō licet, sed etiā tædet . itaque ἀνέκδοτα à nobis, quæ tibi uni legamus, Theopōpino genere, aut etiā aspe-  
riore multo p̄igentur . neq; aliud iā quidquā πολιτοῦ-  
μαι, nisi odisse improbos, et id ipsū nullo cū stomacho, sed potius cū aliqua scribēdi uoluptate . Sed ut ad rē, scri-

D iij



## LIB. II. EPIST.

psi ad *Quæstores urb.* de *Quinti* fratris negotio . uide  
quid narrent, ecquæ spes sit denarij, an *cislophoro* *Pompeiano* iaceamus . Præterea de muro, statue, quid faciendum sit . aliud quid ? etiam . quando te proficisci istinc putes, fac, ut sciam. Vale .

## CICERO ATTICO S. 7.

DE GEOGRAPHIA etiã atque etiã delibemus . Orationes à me autem duas postulas: quarum alteram non libebat mihi scribere, quia absciderã ; alteram, ne laudarem eum, quem non amabam . sed id quoque uidebimus . denique aliquid extabit, ne tibi plane cessasse uideamur . De *Publio* quæ ad me scribis, sanè mihi iucunda sunt: eaque etiam uelim omnibus uestris inuestigare ad me afferas, cum uenies ; & interea scribas, si quid intelliges, aut suspicabere, & maxime de legatione quid sit acturus. equidem ante, quàm tuas legi literas, in hominem ire cupiebam ; non mehercule ut differrem cum eo uadimonium, nam mira sum alacritate ad litigandum ; sed uidebatur mihi, si quid esset in eo popolare quoddam plebeius factus esset, id amissurus : quid enim ? ad plebem transissi, ut *Tigranem* ires salutaturus ? narra mihi, Reges *Armenij* patritios salutare non solent ? quid quæris ? acueram me ad exagitantem hanc eius legationem . quam si ille contemnit, & si, ut scribis, bilem id commouet & latoribus, & auspiciis legis curiatae : spectaculum egregium . hercule, uerum ut loquamur, subcontumeliose tractatur noster *Publius* : primum qui, cum in domo *Cæsaris* quon-



dam unus uir fuerit, nunc ne in uiginti quidem esse po-  
 tuerit : deinde alia legatio dicta erat, alia data est : illa  
 opima ad exigendas pecunias Druso : ut opinor, Pisau-  
 rensis nebuloni Vatinio reservatur : hæc ieiuna, ac bel-  
 la relegatio datur ei, cuius Tribunatus ad istorum tem-  
 pora reservatur . incende hominem, amabo te , quoad  
 potes . una spes est salutis, istorum inter istos dissensio.  
 cuius ego quædā initia sensi ex Curione . iam uero Ar-  
 rius Consulatum sibi ereptum fremit. Megabocchus, &  
 hæc sanguinaria iuuentus inimicissima est . accedat ue-  
 ro, accedat etiam ista rixa Auguratus . spero me præ-  
 claras de istis rebus epistolæ ad te sæpe missurum . sed ,  
 illud quid sit, scire cupio, quod iacis obscure , iam etiam  
 ex ipsis Quinque uiris loqui quosdam . quidnā id est ?  
 si est enim aliquid , plus est boni , quā putaram . at-  
 que hæc sic uelim existimes non me abs te κατὰ τὸ πρᾶ-  
 κτικόν , querere , quod gestiât animus aliquid agere in  
 Rep. iam pridem gubernare me tædebat , etiam cum  
 licebat . nunc uero , cum cogar exire de nauî, non ab-  
 iectis , sed ereptis gubernaculis , cupio istorum naufra-  
 giâ ex terra intueri ; cupio , ut ait tuus amicus Sopho-  
 cles , καὶ ὑπὸ στέγῃ Πικρὰς ἀκοῦσαι τεκνῶτος ἐνδοῦσῃ  
 φρενί . De muro, quid opus sit, uidebis . Castritianum  
 mendū nos corrigemus & tamē ad me Quintus C L O  
 C C L O C L O C O scripserat, non ad sororem tuam  
 H S X X X . Terentia tibi salutem dicit . Cice-  
 ro tibi mandat , ut Aristodemo idem de se respondeas ,  
 quod de fratre suo sororis tuæ filio respondisti . De  
 Amalthea quod me admones , non negligemus . Cu-  
 ra , ut ualeas .



EPISTOLAM cū à te auide expectare ad ue-  
 sperum, ut soleo, ecce tibi nuncius, pueros uenisse Roma.  
 uoco, quæro, ecquid literarum? negant. quid ais, inquā,  
 nihil ne à Pomponio? perterriti uoce, & uultu, confessi  
 sunt se accepisse, sed excidisse in uia. quid quæris? per-  
 moleste tuli: nulla enim abs te per hos dies epistola ina-  
 nis aliqua re utili, & suauī. nunc, si quid in ea epi-  
 stola, quam ante diem XVI. Cal. Maij dedisti, fuit  
 historia dignum, scribe quamprimum, ne ignoremus:  
 sin nihil præter iocationem, redde id ipsum. & scito Cu-  
 rionem adolescentem uenisse ad me salutatum. ualde  
 eius sermo de Publio cum tuis literis congruebat. ipse  
 uero mirandum in modum Reges odisse superbos. peræ-  
 que narrabat incensam esse iuuentutem, neque hæc fer-  
 re posse. bene habemus. nos, si in his spes est, opinor al-  
 liud agamus. Ego me do historiæ. quanquā licet me  
 Saufeium putes esse. nihil me est inertius. Sed co-  
 gnosce itinera nostra, ut statuas, ubi nos uisurus sis. In  
 Formianum uolumus uenire Parilibus: inde, (quoniam  
 putas prætermittendum nobis esse hoc tempore cratera  
 illum delicatum) Cal. Maij de Formiano proficisce-  
 mur, ut Antijsimus ad V. Non. Maij: ludi enim Antijsi  
 futuri sunt à IIII. Cal. ad prid. Non. Maij: eos Tul-  
 lia spectare uult. inde cogito in Tusculanum, deinde  
 Arpinum, Romam ad Cal. Iun. te aut in Formiano,  
 aut Antijsi, aut in Tusculano, cura, ut uideamus. Epi-  
 stolam superiorem restitue nobis, & appinge aliquid  
 noui. Vale.



SVBITO cū mihi dixisset Cæcilius Quæstor puerum se Romā mittere, hæc scripsi raptim, ut tuos elicerē mirificos cum Publio dialogos, cum eos, de quibus scribis, tum illum, quem addis, & ais, longum esse, quæ ad ea responderis, perscribere; illum uero, qui nondum habitus est, quem illa βοῶντις, cum è Solonio redierit, ad te est relatura. sic uelim putes, nihil hoc posse mihi esse incundius. si uero quæ de me pacta sunt, ea non seruantur, in cælo sum, ut sciat hic noster Hierosolymarius traductor ad plebem, quā bonā meis putissimis orationibus gratiam retulerit: quarum expecta diuinam παλινοδία: etenim, quantum coniectura auguramur, si erit nebulo iste cum his dynastis in gratia, non modo de Cynico cōsulari, sed ne de istis quidem piscinarum Tritonibus poterit se iactare: non enim poterimus ulla esse in inuidia spoliati opibus, & illa senatoria potentia. sin autem ab ijs dissentiet, erit absurdum in nos inuehi. uerūtamen inuehatur. festiue, mihi crede, & minore sonitu, quā putaram, orbis hic in Rep. est conuersus: citius omnino, quā potuit: id culpa Catonis, sed rursus improbitate istorum, qui auspicia, qui Aeliam legem, qui Iuniam, & Liciniam, qui Cæciam, & Didiam neglexerunt; qui omnia re media Reip. effuderunt; qui regna, qui prædia tetrarchis, qui immanis pecunias paucis dederunt. uideo iam, quod inuidia transeat, & ubi sit habitura. nihil me exstimaris neque usu, neque à Theophrasto didicisse, nisi breui tempore, desiderari nostra illa tempora, uideris.



LIB. II. EPIST.

etenim si fuit inuidiosa senatus potentia; cum ea nō ad  
populum, sed ad tres homines immoderatos redacta  
sit, quidnam censes fore? proinde isti licet faciant, quos  
uolent, Consules, Tribunos pl. deniq; etiam Vatiniū stru-  
mam sacerdotū διαφω uestiant. uidebis breui tempo-  
re magnos non modo eos, qui nihil titubarunt, sed etiā  
illum ipsum, qui peccauit, Catonem. nam nos quidem,  
si per istum tuū sodalem Publium licebit, σοφιστέειν  
cogitamus: si ille cogitat, tantum duntaxat nos defen-  
dere, & quod est proprium artis huius, επαγγέλλομαι  
ἀνδρα ἀπαμύνεσθαι ὅτε τις πρότερον χαλεπήνῃ. patria  
propitia sit: habet à nobis etiam si non plus, quā de-  
bitū est, plus certe, quā postulatū est. male uehi malo  
alio gubernāte, quā tam ingratis uectoribus bene gu-  
bernare. sed hac corā commodius. nunc audi, quod  
queris. Antiū me ex Formiano recipere cogito ad V.  
Non. Maias. Antio uolo Non. Maijs proficisci in Tuscu-  
lanū. sed cū ē Formiano rediero (ibi esse uolo usq; ad  
prid. Cal. Maias) faciam statim te certiore. Terētia  
tibi salutē. Κικέρων ὁ μικρὸς ἀπαίζεται Τίτον Αθηνάιον.

CICERO ATTICO S. 10

V O L O ames constantiam meam. ludos Antijs spe-  
ctare nō pascet: est enim ὑποσολοικον, cum uelim uitare  
omnium deliciarum suspicionem, repente ἀναφάινεσθαι  
nō solū delicate, sed etiā inepte peregrinantē. quare usq;  
ad Nō. Mai. te in Formiano expectabo. nūc fac, ut sciā,  
quo die te uisuri simus. Ab Appij Foro hora quarta:  
dederā aliam paulo ante à Tribus Tabernis. Vale.



## CICERO ATTICO S.

NARRO tibi: plane relegatus mihi uideor, posteaquā in Formiano sum: dies enim nullus erat, Antij cū essem, quo die non melius scirem Romæ quid ageretur, quā iij, qui erant Romæ: etenim literæ tuæ, non solum quid Romæ, sed etiam quid in repub. neque solum quid fieret, uerum etiam quid futurum esset, indicabant. nunc, nisi si quid ex prætereunte uiatore exceptum est, scire nihil possumus. quare quanquam iam te ipsum exspecto, tamen isti puero, quem ad me statim iussi recurrere, da ponderosam aliquam epistolam, plenam omnium non modo actorum, sed etiam opinionum tuarum: ac diem, quo Roma sis exiturus, cura ut sciam.

Nos in Formiano esse uolumus usque ad prid. Non. Ma. ias. ed si ante eam diem non ueneris, Romæ te fortasse uidebo. nam Arpinum quid ego te inuitem? Τεῖχεϊ ἀλλ' ἀγαθὴν κουροτρόφον οὐτὶ ἐγωγε ἢς γαίης δ' ὡς αὖ μοι γλυκερῶτερον ἄλλο ἰδέσθαι. hæc igitur. Cura ut ualeas.

## CICERO ATTICO S. 12

NEGENT illi Publium Trib. pl. factū esse. hoc uero regnum esse, ferri nullo pacto potest. emittat ad me Publius, quī obsignent. iurabo, Cneum nostrum, collegam Balbi, Antij mihi narraſſe, in auspicio fuisse. d suaues epistolas tuas uno tempore mihi datas duas: quibus δ' ἀγγέλια quæ reddam, nescio, deberi quidem plane fateor. sed uide συγκύρημα. emerſeram com-



LIB. II. EPIST.

mode ex Antio in Appiam ad Treas Tabernas, ipsis Cerealibus, cum in me incurrit Roma ueniens Curio meus. ibidem illico puer abs te cum epistolis. ille ex me, nihil ne audissem noui? ego negare. Publius, inquit, Tribunatum pl. petit. quid ais? Et inimicissimus quidem Cæsaris, Et ut omnia, inquit, ista rescindat. quid Cæsar, inquam? negat se quidquam de illius adoptione tulisse. deinde suum, Memmij, Metelli Nepotis exprompsit odium. complexus iuuenem dimisi, properans ad epistolas. ubi sunt, qui aiunt ῥῶσθς φωνῆς μείω ἐνέσχεαν εἶναι? quanto magis uidi ex tuis literis, quam ex illius sermone, quid ageretur, de ruminatione quotidiana, de cogitatione Publij, de lituis βοῶντο, de signifero Athenione, de literis missis ad Cneum, de Theophanis, Memmijq; sermone: quantam porro mihi expectationem dedisti conuiuij istius ἀσπεργῶς? sum in curiositate ὀξύπεντο: sed tamen facile patior te id ad me συμπόσιον non scribere: presentem audire malo. Quod me, ut scribam aliquid, hortaris: crescit mihi quidem materies, ut dicis: sed tota res etiam nunc fluctuat: κατὰ ὁπῶσεν τραχὺς: quæ si defederit, magis erunt iudicata, quæ scribam: quæ si statim à me ferre non potueris, primus habebis tamen, Et aliquandiu solus. Dicaearchum recte amas: luculentus homo est, Et ciuis haud paulo melior, quam isti nostri ἀδικώτατοι. Literas scripsi hora decima Cerealibus, statim, ut tuas legeram: sed eas eram daturus, ut putaram, pestrudie ei, qui mihi primus obuiam uenisset. Terentia delectata est tuis literis, Et impertit tibi multum salutis: καὶ Κικέρων ὁ φιλόσοφος τὸν πολιτικὸν Τίτον ἀπαρτίζει.



CICERO ATTICO S.

19

**FACINVS** indignū: epistolā ἀνταπεῖ tibi à Tri-  
 bus Tabernis rescriptā ad tuas suauissimas epistolas ne-  
 minē reddidisse? at scito eum fasciculum, quod illam con-  
 ieceram, domū eo ipso die latum esse, quo ego dederam,  
 & ad me in Formianum relatum esse. itaque tibi tuam  
 epistolā iussi referri, ex qua intelligeres, quā mihī tū il-  
 lē grata fuissent. Romæ quod scribis sileri: ita putabā:  
 at hercule in agris non siletur: nec iam ipsi agri regnū  
 uestrum ferre possunt. si uero in hanc τηλεπῆλον ueneris  
 λαίτρυονιν, (Formias dico) quī fremitus hominū? quā m-  
 irati animi? quāto in odio noster amicus Magnus? cuius  
 cognomen undā cum Crassi Diuitis cognomine consene-  
 scit. credas mihī uelim: neminem adhuc offendi, quī hāc  
 tam lente, quā ego fero, ferret. quare, mihī crede, φιλο-  
 σοφῶμεν. iuratus tibi possum dicere, nihil esse tanti.  
 Tu si literas ad Sicyonios habes, aduola in Formianum:  
 unde nos prid. Non. Maij cogitamus. Vale.

CICERO ATTICO S.

19

**QUANTAM** tu mihī moues expectationem de  
 sermone Bibuli? quantam de colloquio βοώπιδος? quan-  
 tam etiam de illo delicato conuiuio? proinde ita fac  
 uenias ad sitientes aures. quanquam nihil est iam,  
 quod magis timendum nobis putem, quā ne ille  
 noster Sampsicramus, cum se omnium sermonibus  
 sentiet uapulare, & cum has actiones δὲ ἀνατρεῖ πρὸς



LIB. I. EPIST.

uidebit, uere incipiat. ego autem usque eò sum eneruatus, ut hoc otio, quo nunc tabescimus, malim *ἐν τῷ ὄργανῳ* *δοῦναι*, quàm optima spe dimicare. De pangendo quod me crebro adhortaris, fieri nihil potest. basilicā habeo, nō uillam, frequentia Formianorum. at comparem basilicæ? tribum Aemiliam. sed omitto uulgus: post horam quartam molesti ceteri non sunt: C. Arrius proximus est uicinus, immo ille quidem iam cōrubernalis, qui etiā se idcirco Romā ire negat, ut hic mecum totos dies philosophetur. ecce ex altera parte Sebosus ille Catuli familiaris. quòd me uertam? statim mehercule Arpinum irem, nī te in Formiano commodissime expectari uiderem, duntaxat ad prid. Non. Mai. uide enim quibus hominibus aures sint deditæ meæ. occasionem mirificam, si quis nunc, dum hi apud me sunt, emere de me fundū  
 \* Formianum uelit. & tamen illud probem. magnum quid aggrediamur, & multæ cogitationis, atque otij: sed tamen satisfiet à nobis, neque parceretur labori. Vale.

CICERO ATTICO S.

UT SCRIBIS, ita uideo, non minus incerta in rep. quàm in epistola tua. sed tamen ista ipsa me uarietas sermonū, opinionumq; delectat: Romæ enim uideor esse, cum tuas literas lego, & ut fit in tantis rebus, modo hoc, modo illud audire. illud tamen explicare non possum, quidnam inueniri possit, nullo recusante, ad facultatem agrariam. Bibuli autem ista magnitudo animi in comitiorum dilatione, quid habet nisi ipsius iudicium sine ulla correctione reip? nimirum in Publico. spes est.  
 fat,



fiat, fiat Tribunus plebis: si nihil aliud, ut eo citius tu ex Epeiro reuertare: nam, ut illo tu careas, non uideo posse fieri, praesertim si mecum aliquid uolet disputare. sed id quidem non dubium est, quin, si quid erit eiusmodi, sis aduolaturus. uerum ut hoc non sit, tamen seruet tempus. praeclarum spectaculum mihi propono, modo te confes-  
sore spectare liceat, cum hac maxime scriberem, ecce tibi Sebosus. nondum plane ingemueram, salue, inquit, Arrius. hoc est Roma decedere? quos ego homines es-  
fugi, cum in hos incidi? ego uero in montes patrios, & ad incunabula nostra pergam. denique si solus non po-  
tueram, cum rusticis potius, quam cum his perurbanis, ita tamen, ut, quoniam tu certi nihil scribis, in Formiano tibi praestoler usque ad III. Non. Maias. Terentia per-  
grata est assiduitas tua, & diligentia in controuersia Muluiana. nescit omnino te communem causam defendere eorum, qui agros publicos possideant. sed tamen tu aliquid publicanis pendis: hac etiam id recusat. ea tibi igitur, & Κικέρων ἀγιστοῦσά τιμάται πᾶς salutem dicunt.

## CICERO ATTICO S.

COENATO mihi, & iam dormitanti prid. Cal. Maias epistola est illa reddita, in qua de agro Campano scribis. quid quaeris? primum ita me pupugit, ut somnum mihi ademerit, sed id cogitatione magis, quam mole-  
stia. cogitanti autem hac ferè succurrebant. primum ex eo, quod superioribus literis scripseras ex familia-  
ri te illius audisse, prolatum iri aliquid, quod nemo im-  
probaret, maius aliquid timueram: hoc mihi eiusmodi

F



## LIB. II. EPIST.

non uidebatur. deinde, ut me ego consoler, omnis expectatio largitionis agrariae in agrum Campanum uideatur esse deriuata. qui ager, ut dena iugera sint, non amplius hominum quinque millia potest sustinere. reliqua omnis multitudo ab illis abalienetur, necesse est. praeterea, si ulla res est, quae bonorum animos, quos iam uideo esse commotos, uehementius possit incendere, haec certe est, et eo magis, quod portorij Italiae sublati, agro Campano diuiso, quod uectigal superest domesticum, praeter uicesimam? quae mihi uidetur una conciuncula, clamore pedisequorum nostrorum esse peritura. Cneus quidem noster iam planè quid cogitet, nescio. φυσᾶ ὡς οὐ σπινῶσι τὸν αὐλίσκοις ἔτι, ἀλλ' ἀγρίως φύσασιν φοβέας ἅτε, qui quidem etiam istuc adduci potuerit. nam adhuc hoc ἰσοφίζετο, se leges Caesaris probare, actiones ipsum praestare debere: agrariam legem sibi placuisse; potuerit intercedi, nec ne, nihil ad se pertinere: de Rege Alexandrino placuisse sibi aliquando confici; Bibulus de caelo tum seruasset, nec ne, sibi quaerendum non fuisse: de publicanis, uoluisse illi ordini commodare; quidquid futurum fuerit, si Bibulus tum in forum descendisset, se diuinare non potuisse. nunc uero Sampsicrame quid dices? uectigal te nobis in monte Antilibano constituisse, agri Campani abstulisse? quid, hoc quemadmodum obtinebis? oppressos uos, inquit, tenebo exercitu Caesaris: non mehercule me tu quidem tam isto exercitu, quam ingratis animis eorum hominum, qui appellantur boni: qui mihi non modo praemiorum, sed ne sermonum quidem unquam fructum ullum, aut gratiam retulerunt. quod si in eam me partem incitarem, profecto



iam aliquam reperire resistendi uiam . nunc prorsus  
 hoc statui , ut , quoniam tanta controuersia est Dicæar-  
 cho familiari tuo cum Theophrasto amico meo , ut ille  
 tuus τὸν πρακτικὸν βίον longe omnibus anteponat , hic  
 autem τὸν θεωρητικὸν , utrique à me mos gestus esse ui-  
 deatur : puto enim me Dicæarcho affatim satisfecisse :  
 respicio nunc ad hanc familiam , quæ mihi non modo ,  
 ut requiescam , permittit , sed reprehendit , quia non sem-  
 per quierim . quare incumbamus ò noster Tite ad illa  
 præclara studia , & ed , unde discedere non oportuit ,  
 aliquando reuertamur . Quod de Quinti fratris epi-  
 stola scribis , ad me quoque fuit πρὸς δὲ λέων , ὁ μὲν δέ .  
 quid dicam , nescio : nam ita deplorat primis uersibus  
 mansionem suam , ut quemuis mouere possit : ita rursus  
 remittit , ut me roget , ut annales suos emendem , &  
 edam . illud tamen , quod scribit , animaduertas ue-  
 lim , de portorio circumuectionis . ait se de consilij  
 sententia rem ad senatum reiecisse . non dum uidelicet  
 meas literas legerat ; quibus ad eum , re consulta , & ex-  
 plorata , perscripseram , non deberi . uelim , si qui Græci  
 iam Romam ex Asia de ea causa uenerunt , uideas , &  
 si tibi uidebitur , ijs demonstrares , quid ego de ea re sen-  
 tiam . si possum discedere , ne causa optima in senatu pe-  
 reat , ego satisfaciam publicanis : εἰ δὲ μὴ , ( uere tecum lo-  
 quar , in hac re malo uniuersæ Asiæ , & negotiatoribus :  
 nam eorum quoque uehementer interest . hoc ego sentio  
 ualde nobis opus esse . sed tu id uidebis . Quæstores au-  
 tem , quæso , nūc etiā de cistophoro dubitāt ? nā si aliud ni-  
 hil erit , cum erimus omnia experti , ego illud ne quidem  
 contemnā , quod extremum est . Te in Arpinati uidebi-

E ii



## LIB. II. EPIST.

mus, & hospitio agresti accipiemus, quoniam maritimum hoc contempsisti. Vale.

CICERO ATTICO S.

PRORSUS, ut scribis, ita sentio. turbatur Sampsiceramus. nihil est, quod non timendum sit. ὁμολογούμενος τυραννίδι αὐτοσχευάεται: quid enim ista repentina affinitatis coniunctio, quid ager Campanus, quid effusio pecunie significant? quæ si essent extrema, tamen esset nimium mali: sed ea natura rei est, ut hæc extrema esse non possint: quid enim eos hæc ipsa per se delectare possunt? nunquam huc uenissent, nisi ad alias res pestiferas aditus sibi compararent. Dij immortales. uerum, ut scribis, hæc in Arpinati ad VI. circiter Id. Maias non deflebimus, ne & opera, & oleum philologie nostræ perierit, sed conferemus tranquillo animo. neque tam me ὀλεῖται consolatur, ut antea, quam ἀδιαφορία, qua nulla in re tam utor, quam in hac ciuili, & publica. quin etiam, quod est subitane in nobis, & non ἀφιλόδοξον, (bellum est enim sua uitia nosse) id afficitur quadam delectatione: solebat enim me pungeret, ne Sampsicerami merita in patriam ad annos DC. maiora uiderentur, quam nostra. hæc quidem cura certe iam uacuuus sum: iacet enim ille sic  
\* ut Phocis Curiana stare uideatur. sed hæc coram. tu tamen uideris mihi Romæ fore ad nostrum aduentum. quod sanè facile patiar, si tuo commodo fieri possit. sin, ut scribis, ita uenies: uelim è Theophane expiscere, quoniam in me animo sit Arabarches. quæres scilicet



κατὰ τὸ κηδεμονικόν, & ad me ab eo quasi ὑποθήκας  
 afferes, quemadmodum me geram. aliquid ex eius ser-  
 mone poterimus περὶ τῶν ὅλων suspicari. Vale.

## CICERO ATTICO S.

ACCÉPI aliquot epistolas tuas: ex quibus intelle-  
 xi, quàm suspense animo, & sollicito scire aueres, quid  
 esset noui. tenemur undique, neque iā quo minus ser-  
 uiamus, recusamus, sed mortem, & eiectionem, quasi  
 maiora, timemus, quæ multo sunt minora. atque hic  
 status, qui una uoce omnium gemitur, neque uerbo cuius-  
 quam subleuatur, σκοπός est, ut suspicor, illis, qui ti-  
 ment ullam cuiusquam largitionem relinquere. unus  
 loquitur, & palam aduersatur adolescens Curio. huic  
 plausus maximi, consalutatio forensis perhonorifica, si-  
 gna præterea beneuolentiæ permulta à bonis impertiū-  
 tur. Fusum clamoribus, & conuiuijs, & sibilis conse-  
 ctantur. his ex rebus non spes, sed dolor est maior, cū  
 uideas ciuitatis uoluntatem solutam, uirtutem alliga-  
 tam. ac, ne forte quæras κατὰ λεπτόν de singulis re-  
 bus, uniuersa res est eò deducta, spes ut nulla sit, ali-  
 quando non modo priuatos, uerum etiam magistratus  
 liberos fore. attamen in oppressione sermo in circulis  
 duntaxat, & in conuiuijs est liberior, quàm fuit. uin-  
 cere incipit timorem dolor, sed ita, ut omnia sint ple-  
 nissima desperationis. habet etiam Campana lex exes-  
 crationem in coitione candidatorum, si mentionem fe-  
 cerint, quo aliter ager possideatur, atq; ut ex legibus Iu-  
 lijs. non dubitant iurare ceteri. Latereſis existimatur



LIB. II. EPIST.

recte fecisse, q̄ Tribunatum pl. petere destitit, ne iuraret. sed de Rep. nō libet plura scribere. Displiceo mihi, nec sine summo scribo dolore. me tueor, ut oppressis omnibus, non demisse; ut tantis rebus gestis, parū fortiter. à Cæsare ualde liberaliter inuitor in legationem illam, sibi ut sim legatus: atque etiam libera legatio uoti causa datur. sed hæc et præsidij apud furorē Pulchelli non habet satis, & à fratris aduētu me ablegat: illa & munitior est, & non impedit, quo minus adsim, cū uelim. & hāc ego teneo, sed usurū me nō puto. neq; tamen scit quisquam. nō libet fugere. aueo pugnare. magna sunt hominū studia. sed nihil affirmo. tu hæc silebis. De Statio manumisso, & non nullis alijs rebus angor equidem, sed iā prorsus occallui. tu, uellē ego, & cuperem, adesses. nec mihi consilium, nec consolatio deesset. sed ita te para, ut, si in clamaro, aduoles. Vale.

CICERO ATTICO S.

MULTA me sollicitant, & ex Reip. tanto motu, & ex ijs periculis, quæ mihi ipsi intenduntur: et sexcenta sunt: sed mihi nil est molestius, quàm Statum manumissum. nec meum imperium, ac mitto imperium, nō similitatem meam reuereri saltem? nec quid faciam, scio: neque tantū est in re, quantus est sermo. ego autem ne irasci quidem possum ijs, quos ualde amo. tantū doleo, ac mirifice quidem. cætera in magnis rebus, minæ Clodij, contentionesq; quæ mihi proponuntur, modice me tangunt: etenim uel subire eas uideor. mihi summa cum dignitate, uel declinare nulla cum mo-

lita poss  
dus: se  
non ade  
ripiat  
hil unqu  
omnibus  
hunc stat  
lem, non  
modest  
est: nec  
nobis cum  
res, quod  
tenet: uol  
autem neq  
tia: neque  
si, uor uia  
culis per  
quā aduo  
lus trage  
est. Ne  
dicere ad  
uiter gem  
nam &  
co Pompe  
que more  
clamore  
su, Curio  
na Rep.  
tere Capu  
erant equi



lestia posse . dices fortasse , dignitatis aliis tanquam  
 δ'ευός : saluti si me amas , consule . me miserum , cur  
 non ades ? nihil te profecto prateriret . ego fortasse  
 τυφλώπῳ, & nimium τῷ καλῷ προσέποντα . scito ni-  
 hil unquam fuisse tam infame , tam turpe , tam peræque  
 omnibus generibus , ordinibus , ætatibus offensum , quàm  
 hunc statum , qui nūc est , magis mehercule , quàm uel  
 lem , non modo quàm putaram . populares isti iam etiā  
 modestos homines sibilare docuerūt . Bibulus in cælo  
 est : nec , quare , scio : sed ita laudatur , quasi unus homo  
 nobis cunctādo restituit rem . Pompeius , nostri amo-  
 res , quod mihi summo dolori est , ipse se afflixit : neminē  
 tenet : uolūtate , an metu necesse sit ijs uti , uereor . Ego  
 autem neque pugno cū illa causa propter illam amici-  
 tiā : neque approbo , ne omnia improbem , quæ antea ges-  
 si . uitor uia . populi sensus maxime in theatro , et specta-  
 culis perspectus est : nam gladiatoribus quā dominus ,  
 quā aduocati sibilis conscijs : ludis Apollinaribus Diphē-  
 lus tragædus in nostrū Pompeium petulanter inuectus  
 est . Nostra miseria tu es Magnus . millies coactus est  
 dicere eadem . Virtutem istam , ueniet tempus , cū gra-  
 uiter gemes : totius theatri clamore dixit , itēq; cætera :  
 nam & eiusmodi sunt ij uersus , uti in tempus ab inimi-  
 co Pompeij scripti esse uideantur . Si neque leges , ne-  
 que mores cogunt , & cætera magno cum fremitu , &  
 clamore sunt dicta . Cæsar cum uenisset mortuo plau-  
 su , Curio filius est insecutus . huic ita plausum est , ut sal-  
 ua Rep . Pōpeio plaudī solēbat . tulit Cæsar grauiter . li-  
 cere Capuam ad Pompeium uolare dicebatur , inimicā  
 erant equitibus , qui Curioni stantes plauserant , hostes



omnibus: Roscia legi, etiam frumentaria minitabatur. sanè res erat perturbata. equidem malueram, quod erat susceptum ab illis, silentio transiri: sed uereor, ne nō liceat. non ferunt homines, quod uidetur esse tamen ferendum. sed est iam una uox omnium magis odio firmata, quàm præsidio. Noster autem Publius mihi minitatur, inimicus est, impēdet negotium: ad quod tu scilicet aduolabis. uideor mihi nostrum illum consularē exercitum bonorum omnium, etiam satis bonorum, habere firmissimum. Pompeius significat studium erga me non mediocre. idem affirmat, uerbum de me illum non esse facturum. in quo non me ille fallit, sed ipse fallitur.

Cosconio mortuo, sum in eius locum inuitatus. id erat uocari in locum mortui. nil me turpius apud homines fuisset: neque uero ad istam ipsam ἀσφαλείαν quidquā alienius: sunt enim illi apud bonos inuidiosi: ego apud improbos meam retinuissem inuidiā, alienam assumpsissem. Cæsar me sibi uellet esse legatū. honestior hæc declinatio periculi. sed ego hoc non repudio. quid ergo est? pugnare malo: nihil tamē certi. iterum dico, utinam adesses: sed tamen, si erit necesse, arcessemus. quid aliud? quid? hoc, opinor, certi sumus perisse omnia: quid enim ἀντιρόμεθα tandiu? sed hæc scripsi properans, & mehercule timide. posthac ad te aut, si perfidelem habebo, cui dem, scribam plane omnia: aut, si obscure scribam, tu tamē intelliges. in his epistolis me Lælium, te Furium faciam. cætera erunt ἐν ἀντιγυμνασίῳ.

Hic Cæciliū colimus, et obseruamus diligenter. Edi  
Ela Bibuli audio ad te missa. ijs ardet dolore, & ira  
noster Pompeius      Vale.



## CICERO ATTICO S.

ANICATO, ut te uelle intellexeram, nullo loco defui. Numestium, ex literis tuis studiose scriptis, libenter in amicitiam recepi. Cæciliū quibus rebus possum tueor diligēter. Varro satisfacit nobis: Pompeius amat nos, carosq; habet. credis? inquires. credo: prorsus mihi persuadet. sed quia, ut uideo, pragmatici homines omnibus historicis præceptis, uersibus denique cauere iubēt, & uetant credere: alterū facio, ut caueā: alterum, ut non credam, facere nō possum. Clodius adhuc mihi denunciatur periculum. Pompeius affirmat, non esse periculum; adiurat: addit etiam, se prius occisum iri ab eo, quā me uiolatum iri. tractatur res. simul quid erit certi, scribam ad te. si erit pugnandum, accessam ad societatem laboris: si quies dabitur, ab Amalthea te non commonebo. De Rep. breuiter ad te scribam: iam enim, charta ipsa ne nos prodat, pertimesco. itaque posthac, si erunt mihi plura ad te scribenda, ἀλλήγογίους obscurabo. nunc quidem nouo quodam morbo ciuitas moritur; ut, cum omnes ea, quæ sunt acta, impro bent, querantur, doleāt, uarietas in re nulla sit, aperteq; loquantur, & iam clare gemant; tamē medicina nulli afferatur: neq; enim resisti sine internecione posse arbi tramur: nec uidemus, qui finis cedendi, præter exitium, futurus sit. Bibulus hominum admiratione, & bene uolentia in cælo est. ediēta eius, & conciones describūt, & legunt. nouo quodam genere in summam gloriam uenit. populare nunc nil tam est, quā odium popula rium. hæc quid sint eruptura, timeo. sed, si dispicer e



L I B. II. E P I S T.

quid cœpero, scribam ad tu apertius. tu, si me amas tantum, quantum profecto amas; expeditus facito ut sis; si in clamaro, ut accurras. sed do operam, & dabo, ne sit necesse. Quod scripseram, te Furium scripturum: nil necesse est tuum nomen mutare. me faciam Leliū, & te Atticum, neque utar meo chirographo, neque signo, si modo erunt eiusmodi literæ, quas in alienum incidere nolim. Diodorus mortuus est: reliquit nobis HS fortasse centies. Comitia Bibulus cum Archilochio edicto in ante diem XV. Cal. Nou. distulit. A Vibio libros accepi. poeta ineptus: nec tamen scit nihil, & est non inutilis. describo, & remitto. Vale.

CICERO ATTICO S.

DE Rep. quid ego tibi subtiliter? tota periit: atq; hoc est miserior, quam reliquisti, quodd tū uidebatur eiusmodi dominatio ciuitatem oppressisse, quæ iucunda esset multitudini, bonis autem ita molesta, ut tamen sine perniciē: nunc repente tanto in odio est omnibus, ut, quorsum eruptura sit, horreamus. nam iracundiam, atque intemperatiam illorum sumus experti, qui Catoni irati, omnia perdiderunt. sed ita lenibus uti uidebantur uenenis, ut posse uideremur sine dolore interire. nunc uero sibilis uulgi, sermonibus honestorum, fremitu Italiæ, uereor, ne exarserint. equidem sperabam, ut sæpe etiam loqui tecum solebam, sic orbem Reip. esse conuersum, ut uix sonitum audire, uix impressam orbitam uidere possemus: & fuisset, si homines transitum tempestatis expectare potuissent: sed



cum diu occulte suspirassent, postea iam gemere, ad extremum uero loqui omnes, & clamare coeperunt. itaque ille amicus noster insolens infamiae, semper in laude uersatus, circumfluens gloria, deformatus corpore, fractus animo, quod se conferat, nescit: progressum praecipitem incōstantem reditum uidet: bonos inimicos habet, improbos ipsos nō amicos. ac uide molitiei animi: nō tenui lacrymas, cū illum ante diē V I I I. Cal. Sext. uidi de edictis Bibuli concionantem, qui antea solitus esset iactare se magnificentissime illo in loco, summo cum amore populi, cūctis fauentibus. ut ille tum humilis, ut demissus erat: ut ipse etiam sibi, non ijs solum, qui aderant, displicebat. d. spectaculum uni Crasso iucundum, ceteris non item. nam quia deciderat ex astris, lapsus potius, quā progressus uidebatur. & ut Apelles, si Venerem, aut si Protogenes Iasylum illum suum cœno oblitum uideret, magnum, credo, acciperet dolorem: sic ego hunc, omnibus à me pietum, & politum artis coloribus, subito deformatum non sine magno dolore uidi. quanquam nemo putabat propter Clodianum negotium me illi amicum esse debere. tamen tantus fuit amor, ut exauriri nulla posset iniuria. itaque Archilochia in illum edicta Bibuli populo ita sunt iucunda, ut eum locum, ubi proponuntur, pra multitudine eorum, qui legunt, trāsire nequeamus; ipsi ita acerba, ut tabescat dolore; mihi mehercule molesta, q̄ et eū, quem semper dilexi, nimis excruciant; & timeo, tam uehemēs uir, tamq̄ acer in ferro, et t̄a insuetus contumeliae ne omni animi impetu dolori, et iracundiae pareat. Bibuli qui sit exitus futurus,



## LIB. II. EPIST.

nescio . ut nunc res se habet , admirabili gloria est . quæ cum comitia in mēsem Oct. distulisset ; ꝓ solet ea res populi uoluntatem offendere , putarat Cæsar oratione sua posse impelli cōcionem , ut iret ad Bibulum . multa cum seditiosissime diceret , uocem exprimere nō potuit . quid quæris ? sentiunt se nullam ullius partis uolūtatem tenere . eo magis uis nobis est timenda . Clodius inimicus est nobis . Pompeius confirmat , eum nil esse facturum contra me . mihi periculosum est credere . ad resistendum me paro . studia spero me summa habiturum omnium ordinum . te cum ego desidero , tum uero res ad tempus illud uocat . plurimum consilij , animi , præsidij denique mihi , si te ad tēpus uidero , accesserit . Varro satis mihi facit . Pompeius loquitur diuinitus . spero nos aut cum summa gloria , aut certe sine molestia esse discessuros . Tu , quid agas , quemadmodum te oblectes , quid cum Sicyonijs egeris , ut sciam cura . Vale .

## CICERO ATTICO S.

QVAM uellem Romæ mansisses ; quod egisses profecto , si hæc fore putassemus : nā Pulchellum nostrum facillime teneremus , aut certe , quid esset factururus , scire possemus . nunc se res sic habet . uolitat , furit , nil habet certi , multis denūciat ; quod fors obtulerit , id acturus uidetur . cū uidet , quo sit in odio status hic rerū ; in eos , qui hæc egerunt , impetū factururus uidetur . cum autē rursus opes , ꝓ uim exercitus recordatur , cōuertit se in nos . robis autem ipsis tum uim , tum iudiciū minatur . cum hoc Pōpeius egit , et , ut ad me ipse referebat , ( alium



enim habeo neminem testem) uehementer egit, cum diceret, in summa se perfidia, & sceleris infamia fore, si mihi periculum crearetur ab eo, quem ipse armasset, quem plebeium fieri passus esset: sed fidem recepisse sibi & ipsum & Appium de me: hanc si ille non seruaret, ita laturum, ut omnes intelligerent, nihil sibi antiquius amicitia nostra fuisse. hæc, & in eam sententiam cum multa dixisset, aiebat illum primo sanè diu multa contra, ad extremū autem manus dedisse, & affirmasse nil se contra eius uoluntatem esse facturum. sed postea tamen ille non destitit de nobis asperrime loqui. quod si nō faceret, tamen ei nihil crederemus, atque omnia, sicue facimus, pararemus. nūc ita nos gerimus, ut in dies singulos & studia in nos hominum, & opes nostræ augeantur. Rēp. nulla ex parte attingimus. in causis, atque in illa opera nostra forensi, summa industria uersamur. quod egregie non modo ijs, qui uiuuntur opera, sed etiam in uulgus gratum esse sentimus. domus celebratur: occurritur: renouatur memoria Consulatus: studia significantur: in eam spem adducimur, ut nobis ea contentio, quæ impendet, interdum non fugienda uideatur. nunc mihi & consilijs opus est tuis, & amore, & fide. quare aduola. expedita mihi erunt omnia, si te habebo. multa per Varronem nostrum agi possunt, quæ te urgente erunt firmiora: multa ab ipso Publico dici, multa cognosci, quæ tibi occulta esse non poterunt: multa etiam: sed absurdum est singula explicare, cum ego te requiram ad omnia. unum illud tibi persuadeas uelim, omnia mihi fore explicata, si te uidero: sed totum est in eo, si ante, quàm ille ineat magistratum.



LIB. II. EPIST.

puto, Pompeium Crasso urgente, si tu aderis, qui per  
 bonum ex ipso intelligere possis, qua fide ab illis agat-  
 tur, nos aut sine molestia, aut certe sine errore futuros.  
 precibus nostris, & cohortatione non indiges. quid mea  
 uoluntas, quid tempus, quid rei magnitudo postulet, in-  
 telligis. De rep. nihil habeo ad te scribere, nisi summum  
 odium omnium hominum in eos, qui tenent omnia. mu-  
 tationis tamen spes nulla. sed quod facile sentias, tædet  
 ipsum Pompeium, uehementerq; pœnitet. non prouideo  
 satis, quem exitum futurum putem. sed certo uidentur  
 hæc aliquid eruptura. Libros Alexandri, negligentis ho-  
 minis, & non boni poetæ, sed tamen non inutilis, tibi re-  
 misi. Numerium Numestium libenter accepi in ami-  
 citiam, & hominem grauem, & prudẽtem, & dignum  
 tua commendatione cognoui. Vale.

CICERO ATTICO S. 27

NUMQUAM ante arbitror te epistolam meam  
 legisse, nisi mea manu scriptam. ex eo colligere poteris,  
 quanta occupatione distinear: nam, cum uacui temporis  
 nil haberem, & cum recreandæ uoculæ causa necesse es-  
 set mihi ambulare, hæc dictavi ambulans. primum igitur  
 illud te scire uolo, Sampsiceramum, nostrum amicum,  
 uehementer sui status pœnitere, restituiq; in eum locum  
 cupere, ex quo decidit, doloremq; suum impertire nobis,  
 & medicinam interdum aperte querere, quâ ego possum  
 inuenire nullam: deinde omnes illius partis auctores, ac  
 socios nullo aduersario consensescere: consensionem uni-  
 uersorum nec uoluntate, nec sermone maiorem unquam



fuisse. Nos autem (nam id te scire cupere certo scio) publicis consilijs nullis intersumus, totosq; nos ad forensam operam, laboremq; contulimus. ex quo, quod facile intelligi possit, in multa cōmemoratione earum rerum, quas gessimus, desiderioq; uersamur. sed Boamda noster consanguineus non mediocres terrores iacit, atque denunciat, & Sampsicera negat, ceteris præ se fert, & ostentat. quam ob rem, si me amas tantū, quantum profecto amas; si dormis, expergiscere; si stas, ingredere; si ingrederis, curre; si curris, aduola. credibile non est, quantum ego in consilijs, & prudentia tua, quodq; maximum est, quantum in amore, & fide ponam. magnitudo rei longam orationem fortasse desiderat: coniunctio uero nostrorum animorum breuitate contenta est. permagni nostra interest; te, si comitijs non potueris, at declarato illo esse Romæ. Cura, ut ualeas.

## CICERO ATTICO S.

QVAs Numestio literas dedi, sic te ijs euocabam, ut nihil acrius, neque incitatus fieri posset. ad illam celeritatem adde etiam si quid potes. ac ne sis perturbatus: noui enim te; & non ignoro, quā sit amor omnis sollicitus, atque anxius. sed res est, ut spero, non tam exitu molesta, quā aditu. Vectius, ille, ille noster index, Cæsari, ut perspicimus, pollicitus est, sese curaturum, ut in aliquam suspicionem facinoris Curio filius adduceretur. itaque insinuat in familiaritatem adolescentis, & cum eo, ut res indicat, sæpe congressus, rem in eum locum dedu-



LIB. II. EPIST.

xit, ut diceret sibi certum esse cum suis servis in Pompeium impetum facere, eumq; occidere. hoc Curio ad patrem detulit, ille ad Pompeium. res delata ad senatum est. introductus Veetius, primo negabat se unquam cum Curione restitisse: neq; id sanè diu: nā statim fidem publicam postulavit. reclamatum est. tum exposuit, manum fuisse iuventutis duce Curione, in qua Paulus initio fuisset, & Cn. Cepio hic Brutus, & Lentulus Flaminis filius conscio patre: postea C. Septimium scribam Bibuli pugionem sibi à Bibulo attulisse. quod totum irrisum est: Veetio pugionem defuisse, nisi ei Consul dedisset. eoq; magis id eiectum est, quod ad III. Id. Maij Bibulus Pompeium fecerat certiore, ut caueret insidias. in quo ei Pompeius gratias egerat. introductus Curio filius, dixit ad ea, quæ Veetius dixerat: maximeq; in eo tum quidem Veetius est reprehensus, quod dixerat adolescentum consilium, ut in foro cum gladiatoribus Gabinij Pompeium adorirentur, in eo principem Paulum fuisse, quem constabat eo tempore in Macedonia fuisse. fit S. C. ut Veetius, quod confessus esset se cum telo fuisse, in uincula conijceretur: qui cum emisisset, contra remp. esse facturum. res erat in ea opinione, ut putarent id esse actum, ut Veetius in foro cum pugione, & item servi eius comprehenderentur cum telis, deinde ille se diceret indicaturum. idq; ita actum esset, nisi Curiones rem ante ad Pompeium detulissent. tum S. C. in cōcione recitatum est. postero autem die Cæsar, is, qui olim, Prator cum esset, Q. Catulum ex inferiore loco iusserat dicere, Veetium in Rostra produxit, eumq; in eo loco constituit, quod Bibulo Cos. aspirare

non



non liceret . hic ille omnia, quæ uoluit, de Rep. dixit, ut  
 qui illuc factus, institutusq; uenisset . primum Cepio=  
 nem de oratione sua suscipit, quem in senatu acerrime  
 nominarat : ut appareret, noctem, & nocturnam de=  
 precationem intercessisse . deinde quos in senatu ne te=  
 nuissima quidem suspitione attigerat, eos nominauit :  
 Lucullum, à quo solitum esse ad se mitti C. Fannium, il=  
 lum, qui in P. Clodium subscripserat : L. Domitium, cu=  
 ius domum constitutam fuisse, unde eruptio fieret . me  
 nō nominauit : sed dixit, consularem disertum, uicinum  
 Cōsulis, sibi dixisse, Ahalam Seruiliū aliquē, aut etiā  
 Brutum opus esse reperiri . addidit ad extremum, cum  
 iam dimissa cōcione reuocatus à Vatinio fuisset, se au=  
 disse à Curione, his de rebus consciū esse Pisonem ge=  
 nerum meum, & M. Laterensem . nunc reus erat  
 apud Crassum Duxem de ui, & cum esset damnatus,  
 erat iudicium postulaturus : quod si impetrasset, iudi=  
 cia fore uidebantur . ea nos, utpote qui nihil contem=  
 nere solemus, non pertimescebamus . hominum quī=  
 dem summa erga nos studia significabantur : sed pror=  
 sus uitæ tædet : ita sunt omnia omniū miseriarum ple=  
 nissima . modo cædem timueramus, quam oratio fortis=  
 simi senis Q. Considij discusserat : ea, quam quotidie  
 timere potueramus, subito exorta est . quid. quæris? nil  
 me infortunatius, & Catulo, cum splendore uitæ, tum  
 hoc tempore . nos tamen in his etiam miserijs erecto  
 animo, et minime perturbato sumus, honestissimeq; di=  
 gnitatem nostrā, & magna cura tuemur . Pompeius  
 de Clodio iubet nos esse sine cura, et summā in nos be=  
 neuolentiam omni ratione significat . te habere con=

F



## LIB. II. EPIST.

filiorum auctorem, solitudinum socium, omni in cogitatione coniunctum cupio. quare, ut Numestio mādauī, tecū ut ageret, item, atq; eo, si potest, acrius te rogo, ut plane ad nos aduoles. respiraro, si te uidero. Vale.

CICERO ATTICO S.

CVM aliquem apud te laudaro tuorum familiarium, uolā illum scire ex te me id fecisse, ut nuper me scis scripsisse ad te de Varronis erga me officio, te ad me rescripsisse eā rem summā tibi uoluptati esse. sed ego mallē ad illum scripsisses, mihi illum satisfacere: mirabiliter enim moratus est, sicut nosti, ἐλκτὰ καὶ οὐδ' ἐν. nos tenemus præceptū illud, τὰς τῶν κρατούντων. at hercule alter tuus familiaris Hortensius q̄ plena manu, quā ingenue, quā ornate nostras laudes in astra susulit, cum de Flacci Prætura, et de illo tempore Allobrogum diceret. sic habeto, nec amātius, nec honorificentius, nec copiosius potuisse dici. ei te hoc scribere à me tibi esse missum, sanè uolo. sed quid tu scribas? quē iam ego uenire, atque adesse arbitror. ita enim egi tecum superioribus literis. ualde te expecto, ualde desidero, neque ego magis, quā ipsa res, & tempus poscit. his de negotijs quid scribā ad te, nisi idem quod sæpe? Rep. nil desperatius: his, quorum opera, nihil maiore odio. Nos, ut opinio, & spes, & cōiectura nostra fert, firmissima beneuolentia hominum muniti sumus. quare aduola: aut expedit nos omni molestia, aut eris particeps. ideo sum breuior, quod, ut spero, corā breui conferre, quæ uolumus, licebit. Vale.



M. TVLLII CICERONIS EPISTO-  
LARVM AD T. POMPO-  
NIVM ATTICVM  
LIBER III.

CICERO ATTICO S.

VM antea maxime nostra interesse ar-  
bitrabar, te esse nobiscum: tū uero, ut  
C legi rogationem, intellexi ad iter, quod  
cōstitui, nil mihi optatius cadere posse,  
q̄ ut tu me quamprimum consequare,  
ut, cū ex Italia prof. ēti essemus, siue per Epeirū iter es-  
set faciundum, tuo, tuorumq; prasidio uteremur; siue  
aliud quid agendū esset, certum consiliū de tua sentētia  
capere possemus. quam ob rem te oro, des operā, ut me  
statim consequare. facilius potes, quoniā de provincia  
Macedonia perlata lex est. pluribus uerbis tecū agere,  
nisi pro me apud te res ipsa loqueretur. Vale.

CICERO ATTICO S.

I TNERIS nostri causa fuit, quod nō habebam lo-  
cum, ubi pro meo iure diutius esse possem, quā in fun-  
do Sicæ, prasertim nondū rogatione correctā, et simul  
intelligebam, ex eo loco, si iter haberem, posse me Brū-  
dium referre; sine te autē non esse nobis illas partes  
tenendas propter Antronū. nūc, ut ad te antea scripsi,  
si ad nos ueneris, cōsiliū totius rei capiemus. iter esse mo-  
lestū scio: sed tota calamitas omnes molestias habet.  
plura scribere nō posū, ita sū animo pculso, et abecto.  
Cura ut ualeas. D. VI. Id. Apr. Naryci Locridis.

F 4



## LIB. III. EPIST.

CICERO ATTICO S.

V T I N A M illum diem uideam, cum tibi agam gratias, quod me uiuere coegisti. adhuc quidem ualde me poenitet. sed te oro, ut ad me Vibonem statim uenias, quod ego multis de causis conuerti iter meum. sed eo si ueneris, de toto itinere, ac fuga mea consilium capere potero. si id non feceris, mirabor. sed confido te esse facturum. Vale.

CICERO ATTICO S.

M I S E R I A E nostrae potius uelim, quam inconstantiae tribuas, quod à Vibone, quod te arcessebamus, subito discessimus: allata est enim nobis rogatio de pernicie mea: in qua quod confectum esse audieramus, erat huiusmodi, ut mihi ultra quadringenta millia liceret esse. illò cum peruenire non liceret, statim iter Brundisium uersus contuli ante diem rogationis, ne et Sica, apud quem eram, periret, et quod Melitae esse non licebat. nunc tu propera, ut nos consequare, si modo recipiemur. adhuc inuitamur benigne: sed, quod superest, timemus. me mihi Póponi ualde poenitet uiuere. qua in re apud me tu plurimum ualueris. sed haec coram. fac modo, ut uenias. Vale.

CICERO ATTICO S.

T E R E N T I A tibi et saepe, et maximas gratias agit. id est mihi gratissimum. ego uiuo miserrimus, et maximo dolore conficior. ad te quid scribam, nescio: si enim



es Romæ, iam me asscqui non potes : sin es in uia ; cum  
eris me asscutus, coram agemus, quæ erūt agēda. tātū  
te oro, ut, quoniā me ipsum semper amasti, eodē amore  
sis: ego. n. idē sum: inimici mei mea mihi, nō me ipsum  
ademerūt. Cura ut ualeas. VIII. Id. Apr. Thurij.

## CICERO ATTICO S.

NON fuerat mihi dubium, quin te Tarenti, aut Bruna-  
dusij uisurus essem: idq; ad multa pertinuit, in eis, ut et  
in Epeiro consisteremus, & de reliquis rebus tuo consi-  
lio uteremur. quoniā id non contigit, erit hoc quoq; in  
magno numero nostrorū malorū. nobis iter est in Asiā,  
maxime Cyzicū. tibi meos cōmendo. me uix, miserēq;  
sustento. Vale. D. XIII. Cal. Maij, Tarenti.

## CICERO ATTICO S.

BRVNDVSIVM ueni ad Cal. Maias. eo die pueri  
tui mihi à te literas reddiderunt : et alij pueri post diē  
tertium eius diei literas alias attulerunt. Quod me  
rogas, & hortaris, ut apud te in Epeiro sim : uoluntas  
tua mihi ualde grata est, & minime noua, & cōsiliū  
mihi quidem optatum, si liceret ibi omne tempus cōsu-  
mere ( odi enim celebritatem, fugio homines, lucē aspi-  
cere uix possum: esset mihi ista solitudo, præsertim tam  
familiari in loco, non amara ) sed itineris causa, ut di-  
uertar, primū est denium, deinde ab Antronio, & cate-  
ris quatrīdūi : deinde sine te. nam castellum munitum  
habitantī mihi prodesset, transeunti nō est necessarium.

F iiij



## LIB. III. EPIST.

quòd si auderem, Athenas peterem. sanè ita cadebat, ut uellem. nunc & nostri hostes ibi sunt, & te nò habemus, & ueremur, ne interpretentur, illud quoq; oppidū ab Italia non satis abesse: nec scribis, quam ad diem te expectemus. Quod me ad uitam uocas: unum efficis, ut à me manus abstineā: alterū nò potes, ut me nò nostri cōsiliū utiq; poeniteat: quid enim est, quod me retineat? præsertim si spes ea non est, quæ nos proficiscētes prosequeretur. non faciam, ut enumerem miseras omnes, in quas incidi per summam iniuriam, & scelus non tam inimicorum meorum, quàm inuidorū; ne & meum mœrorem exagitem, & te in eundē luctum uocem. hoc confirmo, neminem unquam tāta calamitate esse affectum, nemini mortem magis optandam fuisse. cuius oppetendæ tempus honestissimum prætermissum est. reliqua tempora non sunt tam ad medicinā, quàm ad finē doloris. De Rep. uideo te colligere omnia, quæ putes aliquam spem mihi posse afferre mutandarū rerum. quæ quāquam exigua sunt: tamen, quoniā placet, expectemus. Tu nihilo minus, si properaris, nos consequere: nā aut accedemus in Epeirū, aut per Candauiam tarde ibimus. dubitationem autem de Epeiro non inconstantia nostra afferebat, sed quòd de fratre, ubi eum uisuri essemus, nesciebamus. quem quidē ego nec quomodo uisurus, nec ubi dimissurus sim, scio. id est maximum, & miserrimum mearū omnium miseriārū. Ego & sepius ad te, & plura scriberem, nisi mihi dolor meus cum omnis partis mentis, tum maxime huius generis facultatem ademisset. uidere te cupio. Cura, ut ualeas. Prid. Cal. Maij, Brūdusij, proficiscens.



S CRIPSERAM ad te, quas ob causas in Epeirum non essemus profecti; & Achaia propè esset, plena audacissimorum inimicorum; & exitus difficiles haberet. cū inde proficisceremur, accessit, cum Dyrrhachij essemus, ut duo nuntij affereretur; unus, classe fratrem Epheso Athenas; alter, pedibus per Macedoniam uenire. itaque illi obuiam misimus Athenas, ut inde Thessalonicam ueniret. ipsi processimus, & Thessalonicam ad X. Cal. Iun. uenimus. neque de illius itinere quicquam certi habebamus, nisi eum ab Epheso ante aliquot profectum. nunc, istic quid agatur, magnopere timeo. quanquam tu altera epistola scribis, Idib. Maijs, audire, fore, ut acrius postularet; altera, iam esse mitiora. sed haec pridie data, quā illa: quo conturbor magis, itaque, cum meus me moeror quotidianus lacerat, & cōficit: tum uero haec addita cura uix mihi uitam reliquam facit. sed & nauigatio perdifficilis fuit, & ille incertus, ubi ego essem, fortasse alium cursum petiuit: nam Phaeto lib. cum nō uidit: uento reiectus ab illo in Macedoniam, Pelle mihi praesto fuit. reliqua quā mihi timenda sint, uideo. nec, quid scribam, habeo. & omnia timeo. nec tam miserum est quicquam, quod nō in nostram fortunam cadere uideatur. equidem adhuc miser in maximis meis erumnis, et luctibus hoc metu adiecto maneo Thessalonicae suspensus, nec audeo quicquam. Nunc ad ea, quae scripsisti. Tryphonē Cæciliū nō uidi. Sermonē tuū, & Pōpeij cognoui ex tuis literis. Motū in Rep. non tantū ego uideo,



## LIB. III. EPIST.

quantum tu aut uides, aut ad me consolandum affers :  
 Tigrane enim neglecto, sublata sunt omnia. Varro-  
 ni me iubet agere gratias : faciam : item Hypsæo.  
 Quod suades, ne longius discedamus, dum acta mensis  
 Maij ad nos perferantur : puto me ita esse facturum,  
 sed ubi, nō dum statui : atque ita perturbato sum ani-  
 mo de Quinto, ut nihil queam statuere : sed tamen sta-  
 tim te faciam certiore. Ex epistolarum mearū in-  
 constantia puto te mentis meæ motum uidere. qui, etsi  
 incredibili, & singulari calamitate afflictus sum, tamē  
 nō tam est ex miseria, quā ex culpæ nostræ recorda-  
 tione commotus : cuius enim scelere impulsus, ac proditi  
 simus, iam profecto uides : atque utinam iam ante ui-  
 disses, neque totum animum tuum morori mecum si-  
 mul dedisses. quare, cum me afflictum, & confectum  
 luctu audies, existimato me stultitiæ meæ poenam ferre  
 grauius, q̄ euenti, quod ei crediderim, quem esse nefari-  
 um nō putaram. me & meorum malorum memoria,  
 & metus de fratre in scribendo impedit. tu ista omnia  
 uide, & gubernā. Terentia tibi maximas gratias da-  
 git. literarum exemplum, quas ad Pompeium scripsi,  
 misi tibi. Vale. D. IIIL. Cal. Maij, Thessalonica.

CICERO ATTICO S.

QVINTVS frater cum ex Asia discessisset ante Cal.  
 Maias, & Athenas uenisset Idibus, ualde fuit ei pro-  
 perandum, ne quid absens acciperet calamitatis, si quis  
 forte fuisset, qui contentus nostris malis non esset. ita-  
 que malui eum properare Romam, quā ad me ue-  
 nire. & simul (dicam enim quod uerum est, ex quo



magnitudinem miserationum mearum perspicere possis )  
 animum inducere non potui , ut aut illum amantiissi-  
 mum mei , mollissimo animo , tanto in moerore aspi-  
 cerem , aut meas miseras luctu afflētas, & perditam  
 fortunam illi offerrem , aut ab illo aspici paterer . at-  
 que etiam illud timebam , quod profecto accidisset , ne  
 a me digredi non posset. uersabatur mihi tempus illud  
 ante oculos, cum ille aut liētores dimitteret, aut uī euel-  
 leretur ex complexu meo . huius acerbitalis euentum  
 altera acerbitate non uidendi fratris uitauī . in hunc  
 me casum uos uiuendi auctores impulistis . itaque mei  
 peccati luo pœnas. quanquam tuæ me literæ sustentāt,  
 ex quibus, quantum tu ipse speres, facile perspicio. quæ  
 quidem tamen aliquid habebant solatiij ante, q̄ eō ueni-  
 sti, A' POMPEIO. nunc Hortensiu allice, & eius-  
 modi uiros . obsecro mi Pomponi nondū perspicis, quo-  
 rum opera, quorum insidijs, quorū scelere perierimus ?  
 sed tecum hæc coram agemus. tantū dico, quod scire te  
 puto : nos nō inimici, sed inuidi perdiderūt . nunc si ita  
 sunt, quæ speras, sustinebimus nos, et spe, qua iubes, nite-  
 mur . sin, ut mihi uidētur, infirma sunt ; quod optimo  
 tēpore facere nō licuit, minus idoneo fiet. Terētia tibi  
 saepe gratias agit. Mihi etiā unum de malis in metu  
 est fratris miseri negotiū . quod, si sciam, cuiusmodi sit;  
 sciam, quid agēdum mihi sit. Me etiā nunc istorū be-  
 neficiorū, et literarū expectatio, ut tibi placet, Thessalo-  
 nicæ tenet. si quid erit noui allatū, scia, de reliquo quid  
 agendum sit. Tu, si, ut scribis, Cal. Iun. Roma profe-  
 ctus es, propediem nos uidebis . literas, quas ad Pompe-  
 ium scripsi, tibi misi. Vale. Idib. Iun. Thessalonica.



A C T A quæ essent usque ad VIII. Cal. Iun. cognoui ex  
tuis literis. reliqua expectabam, ut tibi placebat, Theſe=  
salonicæ. quibus allatis, facilius statuere potero, ubi sim:  
nā si erit causa, si quid agatur, si spem uidero, aut ibi=  
de operiar, aut me ad te conferā: sin, ut tu scribis, ista  
euauerint, aliud aliquid uidebimus. omnino adhuc ni=  
hil mihi significatis, nisi discordiam istorum, quæ tamē  
inter eos de omnibus potius rebus est, q̄ de me. itaque,  
quid ea mihi proſit, nescio. sed tamē, quoad me uos spe=  
rare uultis, uobis obtemperabo. Nā quod me tam sæ=  
pe, & tam uehemēter obiurgas, & animo infirmo esse  
dicis: quæſo, ecquod tantū malum est, quod in mea ca=  
lamitate nō sit? ecquis unquam ex tam amplo statu, in  
tam bona causa, tantis facultatibus, ingenij, cōsiliij, gra=  
tie, tātis præsidijs bonorū omniū cōcidit? possum obli=  
uisci, qui fuerim; nō sentire, quī sim? quo careā hono=  
re? qua gloria? quibus liberis? quibus fortunis? quo  
fratre? quem ego (ut nouum calamitatis genus atten=  
das) cum pluris facerem, quā me ipsum, semperq; fe=  
cissim, uitauī, ne uiderem, ne aut illius luctum, squallo=  
remq; aspicerem, aut me, quem ille florentissimum reli=  
querat, perditum illi, afflictumq; offerre. mitto cetera  
intolerabilia: etenim fletu impedior. hic utrum tandē  
sum accusandus? q̄ doleo, an quod commisi, ut hæc aut  
non retinerem (quod facile fuisset, nisi intra parietes  
meos de mea perniciē consilia inirētur) aut certe uiuus  
amitterem? hæc eo scripsi, ut potius releuares me, quod  
facis, quā aut castigatione, aut obiurgatione dignum



putares. eoq; ad te minus multa scribo, q' & micore  
impedior, & quid expectem istinc, magis habeo, quam  
quid ipse scribam. quæ si erunt allata, faciam te nostri  
consilij certiolem. tu, ut adhuc fecisti, quamplurimis  
de rebus ad me uelim scribas, ut prorsus ne quid igno-  
rem. Vale. XIII. Cal. Quint. Thessalonica.

CICERO ATTICO S.

ME ET tuæ literæ, & quidam boni nuntij, non optimis  
tamen auctoribus, et expectatio uestrarum literarum;  
& q' tibi ita placuerat, adhuc Thessalonica tenebant.  
si accepero literas, quas expecto; si spes erit ea, quæ ru-  
moribus afferebatur, ad te me conferam; si nō erit, fa-  
ciam te certiolem, quid egerim. Tu me, ut facis, ope-  
ra, consilio, gratia iuuas: consolari iam desine: obiur-  
gare uero noli. quod cum facis, ut ego tuum amorem,  
& dolorem desidero: quem ita affectum mea erumna  
esse arbitror, ut te ipsum consolari nemo possit.  
Quintum fratrem optimum, humanissimumq; susten-  
ta. Ad me, obsecro te, ut omnia certa perscribas.  
Vale. D. III. Cal. Quint.

CICERO ATTICO. S.

TV quidem sedulo argumentaris, quid sit sperandum, et  
maxime per senatum. idemq; caput rogationis propo-  
ni scribis, quare in senatu dici nihil liceat: itaque sile-  
tur. hic tu me accusas quod me afflictem; cum ita sim  
afflictus, ut nemo unquam: quod tute intelligis. spem  
ostēdis secundū comitia. quæ ista est eodē Tribuno pl.



## LIB. III. EPIST.

Et inimico Consule Des? percussisti autem me etiam de oratione prolata. cui uulneri, ut scribis, medere, si quid potes. scripsi equidem olim ei iratus, quod ille prior scripserat, sed ita compresseram, ut nunquam emanaturam putarem: quo modo exciderit, nescio. sed quia nunquam accidit, ut cum eo uerbo uno concertarem, et quia scripta mihi uidetur negligentius, quam cetera: puto posse probari, non esse meam. id, si putas me posse sanari, cures uelim. sin plane perii, minus laboro. Ego etiam nunc eodem in loco iaceo sine sermone ullo, sine cogitatione ulla. licet tibi, ut scribis, significarem, ut ad me uenires Sidona: tamen intelligo te istic prodesse, hic ne uerbo quidem leuare me posse. non queo plura scribere: nec est, quod scribam. uestra magis expecto. Vale. XVI. Cal. Sext. Thessalonicae.

CICERO ATTICO S.

QUOD ad te scripseram, me in Epeiro futurum: posteaque extenuari spem nostram, et euanescere uidi, mutavi consilium, nec me Thessalonica commouit, ubi esse constitueram, quoad aliquid ad me de eo scriberes, quod proximis literis scripseras, fore, uti secundum comitia aliquid de nobis in senatu ageretur; id tibi Pompeium dixisse: quare, quoniam comitia habita sunt, tuque nil ad me scribis: perinde habeo, ac si scripsisses nihil esse, meque temporis non longinqui spe ductum esse moleste feram. Quem autem motum te uidere scripseras, qui nobis utilis fore uideretur, eum nuntiant, qui ueniunt, nullum fore. In Tribunis pl. Dess. reliqua spes est. quam si expectaro, non erit, quod putes me causae meae, ac uoluntati meorum defuisse.



Quod me sæpe accusas, cur hunc meū casum tam gra-  
uiter feram : debes ignoscere, cum ita me afflictum ui-  
deas, ut neminem unquam nec uideris, nec audieris . nā  
q̃ scribis te audire, me etiā mentis errore ex dolore af-  
fici : mihi uero mens integra est, atque utinam tam in  
periculo fuisset, cum ego ijs, quibus meam salutem ca-  
rissimam esse arbitrabar, inimicissimis, crudelissimisque  
usus sum: qui ut me paulum inclinari timore uiderūt,  
sic impulerunt, ut omni suo scelere, & perfidia abute-  
rentur ad exitium meum. nunc, quoniam est Cyzicum  
nobis eundum, quo rarius ad me literæ perferētur, hoc  
uelim diligentius omnia, quæ putaris me scire opus esse,  
perscribas. Quintum fratrem meum fac diligas . quē  
ego miser si incolumem relinquo, non me totum perisse  
arbitror. Vale. Non. Sext.

CICERO ATTICO S.

E X T V I S literis plenus sum expectatione de Pompe-  
io, quidnam de nobis uelit, aut ostendat : comitia enim  
credo esse habita . quibus absolutis, scribis illi placuisse  
agi de nobis . si tibi stultus esse uideor, qui sperem, fa-  
cio tuo iussu, & scio te me ijs epistolis potius, & meas  
spes solitum esse remorari . nūc uelim mihi plane per-  
scribas, quid uideas . scio nos nostris multis peccatis in  
hanc erumnam incidisse. ea si qui casus ex parte corre-  
xerint, minus moleste feremus nos uixisse, & adhuc ui-  
uere . ego propter uīe celebritatem, & quotidianam  
expectationem rerum nouarum non commoui me ad-  
huc Thessalonica, sed iam extrudimur, non à Plancio



## LIB. III. EPIST.

(nā is quidem retinet) uerum ab ipso loco minime ap-  
posito ad tolerandam in tāto luctu calamitatem. In  
Epeirum ideo, ut scripseram, non iui, quod subiti mihi  
uniuersi nuntij uenerāt, & literæ, quare nihil esset ne-  
cesse quamproxime Italiam esse. hinc si aliquid à co-  
mitijs audierimus, nos in Asiam conuertemus: neque  
adhuc stabat, quò potissimum: sed scies. Vale.  
XII Cal. Sext. Thessalonica.

## CICERO ATTICO S.

A CCEPI Idib. Sext. quatuor epistolas à te missas: unā  
qua me obiurgas, & rogas, ut sim firmitior: alterā, qua  
Crassi libertū ais tibi de mea solitudine, macieq; nar-  
rasse: tertiam, qua demonstras aēta in senatu: quar-  
tam de eo, quod à Varrone scribis tibi esse confirma-  
tum de uoluntate Pompey. ad primam tibi hoc scribo,  
me ita dolere, ut non modo à mente non deferar, sed id  
ipsum doleam, me, tam firma mēte ubi utar, & quibus  
cum, non habere: nam si tu me uno non sine mœrore  
cares, quid me censes, qui & te, & omnibus? & si tu  
incolumis me requiris, quomodo à me ipsam incolumi-  
tatem desiderari putas? nolo commemorare, quibus re-  
bus sim spoliatus, non solum quia non ignoras, sed etiā  
ne scindam ipse dolorem meum. hoc confirmo, neque  
tantis bonis esse priuatum quenquā, neque in tātas mi-  
serias incidisse. dies autem non modo nō leuat luctum  
hunc, sed etiam auget: nam cæteri dolores mitigantur  
uetustate, hic non potest non & sensu præsenti mise-  
rie, & recordatione præteritæ uitæ quotidie augeri:  
desidero enim non mea solum, neq; meos, sed me ipsum:



quid enim sum? sed non faciam, ut aut tuum animum  
angam querelis, aut meis uulneribus sæpius manus affe-  
ram. nam quod purgas eos, quos ego mihi scripsi inui-  
disse, & in eis Catonem: ego uero tantum illum pu-  
to ab isto scelere abfuisse, ut maxime doleam plus apud  
me simulationem aliorum, quàm istius fidem ualuisse.  
ceteri, quos purgas, debet mihi purgati esse, tibi si sunt,  
sed hæc sero agimus. Crassi libertum nihil puto sin-  
cere locutum. In senatu rem probe scribis actam.  
sed quid Curio? an illam orationem nō legit? quæ un-  
de sit prolata, nescio. sed Axius eiusdem diei scribens  
ad me acta, non ita laudat Curionem. at potest ille  
aliquid prætermittere. tu, nisi quod erat, profecto nō  
scripsisti. Varronis sermo facit expectationem Cæ-  
saris. atque utinam ipse Varro incumbat in causam.  
quod profecto cum sua sponte, tum te instante faciet.  
ego, si me aliquando uestri, & patriæ compotem for-  
tuna fecerit, certe efficiam, ut maxime latere unus ex  
omnibus amicis; meaq; officia, & studia, quæ parum  
antea luxerunt (fatendum est enim) sic exequar, ut me  
æque tibi, ac fratri, & liberis nostris, restitutū putes. si  
quid in te peccaui, ac potius quoniam peccaui, ignosce:  
in me enim ipsum peccaui uehementius. neque hæc eo  
scribo, quo te non meo casu maximo dolore esse affe-  
ctum sciam: sed profecto, si, quantum me amas, &  
amasti, tantum amare deberes, ac debuisses, nunquam  
esses passus me, quo tu abundas, egere consilio; nec  
esses passus mihi persuaderi, utile nobis esse, legem de  
collegis perferri. sed tu tantum lacrymas præbui-  
sti dolori meo, quod erat amoris, tanquam ipse ego:



## LIB. III. EPIST.

quod meritis meis perfectum esse potuit, ut dies, & no-  
 etes, quid mihi faciendum esset, cogitares, id abs te meo,  
 non tuo scelere prætermisum est. quod si nō modo tu,  
 sed quisquam fuisset, qui me Pompeij minus liberali re=  
 sponso perterritū à turpissimo consilio reuocaret, quod  
 unus tu facere maxime potuisti: aut occubissem ho=  
 neste, aut uictores hodie uiueremus. hic mihi ignoscas:  
 me enim ipsum multo magis accuso; deinde te, quasi me  
 alterum; & simul meæ culpæ socium quero. si resti=  
 tuor, etiam minus uidebimur deliquisse: abs teq; certe,  
 quoniam nullo nostro, tuo ipsius beneficio diligemur.

Quod te cum Culleone scribis de priuilegio locutum, est  
 aliquid, sed multo est melius abrogari: si enim nemo  
 impedit, sic est firmitus: sin erit, qui ferri non sinat, idē  
 S.C. intercedet. nec quicquā aliud opus est, quā ab=  
 rogari. nam prior lex nos nihil ladebat. quā si, ut  
 est promulgata, laudare uoluissimus, aut, ut erat ne=  
 gligenda, negligere, nocere omnino nobis non potuis=  
 set. hic mihi primum non modo consilium defuit, sed  
 etiam obfuit. cæci, cæci inquam fuimus in uestitu mu=  
 tando, in populo rogando. quod, nisi nominatim me=  
 cum agi coeptum esset, fieri perniciosum fuit. sed per=  
 go præterita, uerūtamen ob hāc causam, ut, si quid age=  
 retur, legem illam, in qua popularia multa sunt, ne tan=  
 gatis. uerum est stultum me præcipere, quid agatis, aut  
 quo modo. utinam modo agatur aliquid. multa occul=  
 tant tuæ literæ, credo ne uehementius desperatione per=  
 turber: quid enim uides agi posse, aut quo modo? per=  
 senatū ne? ast tute scripsisti ad me, quoddam caput le=  
 gis Clodium in curiæ poste fixisse, ne referri, ne ue di=  
 ci liceret.



ei liceret. quo modo igitur Domitius se dixit relaturum?  
 quo modo autem ijs, quos tu scribis, & de re dicentibus,  
 & ut referretur, postulantibus, Clodius tacuit? ac si per  
 populum, poterit ne nisi de omnium Tribunorum pl. senten-  
 tia? quid de bonis? quid de domo? poterit ne restitui? aut,  
 si non poterit, egomet quo modo potero? hæc nisi uides ex-  
 pedi, quā in spem me uocas? si autem spei nihil est, quæ  
 est mihi uita? itaq; expecto Theſſalonica acta Cal. Sext.  
 ex quibus statuam, in tuos ne agros confugiam, ut neque  
 uideam homines, quos nolim, & te, ut scribis, uideam, &  
 propius sim, si quid agatur; idq; intellexi cum tibi, tum  
 Quinto fratri placere: an abeam Cyzicum. nunc Pom-  
 poni, quoniam nil impertisti tuæ prudentiæ ad salutem  
 meam, quod aut in me ipso satis esse consilij decreueras,  
 aut te nil mihi plus debere, quā ut præsto esses, quando  
 quidem ego proditus, inductus, coniectus in fraudem, om-  
 nia mea præsidia neglexi, totā Italiā in me erectā ad  
 me defendendū destitui, & reliqui; me meis tradidi ini-  
 micis, inspectate, & tacente te, qui si non plus ingenio ua-  
 lebas, quā ego, certe timebas minus: si potes, erige affli-  
 ctos, & in eo nos iuuā. sin omnia sunt obstructa, id ip-  
 sum fac ut sciamus, & nos aliquādo aut obiurgare, aut  
 cōmuniter consolari desine. ego si tuā fidem accusarem,  
 non me potissimū tuis testis crederem. meam amentiam  
 accuso, quod à te tantū amari, quantū ego uellem, puta-  
 ui: quod si fuisset, fidem eandem, curā maiorem adhi-  
 buisses, me certe ad exitiū præcipitantē retinuisses, istos la-  
 bores, quos nunc in naufragijs nostris suscipis, non subis-  
 ses. quare fac, ut omnia ad me perspecta, et explorata p-  
 scribas, meq; , ut facis, uelis esse aliquem, quoniā, qui fui,



## LIB. III. EPIST.

Et qui esse potui, iam esse nō possum; Et ut his literis, nō res, sed me ipsum à me esse accusatum putes. si qui erunt, quibus putes opus esse meo nomine literas dari, uelim cōscribas, curesq; dandas. Vale. D. XIIII. Cal. Sepe.

## CICERO ATTICO S. 16

TOTVM iter mihi incertū facit expectatio literarū tuarum Cal. Sext. datarū, nō aliud aliquid. si spes erit, Epeirū; sin minus, Cyzicū, aut aliud quid sequemur. tuæ quidem literæ, quo sæpius à me legūtur, hoc spem faciūt mihi minore, quā cū lectæ sunt. tū id, quod attulerūt ad spē, infirmāt: ut facile appareat te et cōsolationi seruire, et ueritati. idq; te rogo plane, ut ad me, quæ scis, ut erunt; quæ putabis, ita scribas. Vale. D. XII. Cal. Sepe.

## CICERO ATTICO S. 17

DE Quinto fratre nunciij nobis tristes, nec uarij uenerāt ex ante diem Non. Iun. usque ad prid. Cal. Sepe. eo autē die Liuius L. Reguli lib. ad me à Regulo missus uenit. is omnino mētionē nullā factā esse nunciauit, sed fuisse tamē sermonē de C. Clodij filio, isq; mihi tum à fratre literas attulit. sed postridie Sestij pueri uenerūt, qui à te literas attulerunt, non tam exploratas à timore, quā m sermo Liuiij fuerat. sanē sum in meo infinito mœrore sollicitus, Et eo magis, quodd Appij quæstio est.

Cætera, quæ ad me eis dē literis scribis de nostra spe, intelligo esse languidiora, quā alij ostendunt. ego autem, quoniam non longe ab eo tempore absumus, in quo res



diudicabitur, aut ad te conferā me, aut etiam nunc circum hac loca commorabor. Scribit ad me frater omnia sua per te unum sustineri. quid te aut horret, quod facis; aut agam gratias, quod non expectas? tantum uelim fortuna det nobis potestatem, ut incolumes amore nostro perfruamur. Tuas literas semper maxime expecto. in quibus caue, ne aut diligentia tua mihi molesta, aut ueritas acerba sit. Vale. D. prid. Non. Sept.

## CICERO ATTICO S.

EXPECTATIONEM nobis nō paruā attuleras, cū scripseras Varronē tibi pro amicitia cōfirmasse, causam nostrā Pompeiū certe suscepturū; et simul à Cæsare ei literæ, quas expectaret, remissæ essent, auctorem etiam daturū. utrū id nihil fuit, an aduersatæ sunt Cæsaris literæ? an est aliquid in spe? etiā illud scripseras, eundē, secundum comitia, dixisse. fac (si uides quātis in malis iaceam, & si putas esse humanitatis tuæ) me, fac de tota causa nostra certiorē: nā Q. frater homo mirus, qui me tū ualde amat, omnia mittit spei plena, metuens credo defectionem animi mei. tuæ autem literæ sunt uariæ: neque. n. me desperare uis, nec temere sperare. fac, obsecro te, ut omnia, quæ prospici à te possunt, sciamus. Vale.

## CICERO ATTICO S.

QVOD eiusmodi mihi literæ à uobis afferebātur, ut aliquid ex ijs esset expectandū, spe, & cupiditate Thesalonica detentus sum. posteaquā omnis actio huius anni confecta nobis uidebatur, in Asiam ire nolui, quod &

G ij



LIB. III. EPIST.

celebritas mihi odio est; & si fieret aliquid à nouis magistratibus, abesse longe nolebā. itaque in Epeirum ad te statui me conferre: non quo mea interesset loci natura, qui lucē omnino fugerē: sed aut ad salutem libentissime ex tuo portu proficiscar: aut, si ea præcisa erit, nusquam facilius hāc miserrimam uitam uel sustentabo, uel, quod multo est melius, abiecero. ero cum paucis, multitudinem dimittā. me tuæ literæ nunquam in tantā spem adduxerunt, quātam aliorū: attamē mea spes etiam tenuior semper fuit, quā tuæ literæ. sed tamen, quoniam coeptum est, age, quoquo modo coeptū est, & quacūque de causa, non deferā neque optimi, atque unici fratris miseras, atque luctuosas preces, nec Sestij, cæterorumq; promissa, nec spē ærumnosissimæ mulieris Terentiæ, nec miserrimæ mulieris Tulliolæ obsecrationem, & fideles literas tuas. mihi Epeirus aut iter ad salutē dabit, aut, quod scripsi supra. te oro, & obsecro Pōponi, si me omnibus amplissimis, carissimis, iucundissimisq; rebus perfidia hominū spoliatū, si me à meis consiliarijs proditū, & proiectū uides, si intelligis me coactū, ut ipse me, et meos perderē; ut me tua misericordia iuues, & Quintum fratrem, qui potest esse saluus, sustētes; Terentiā, liberosq; meos tueare; me, si pueras te istic uisurum, expectes; si minus, inuisas, si potes, mihiq; ex agro tuo tantū assignes, quantū meo corpore occupari potest; & pueros ad me cum literis quamprimum, & quā sapissime mittas. Vale. XVI. Cal. Oct.

CICERO SALVTEM Q. CAECILIO  
Q. F. POMPONIANO ATTICO.

QVOD quidē ita esse, & auunculū tuum functū



esse officio, uehementissime probo : gaudere me tum dia-  
cam, si mihi hoc uerbo licebit uti. me miserū, quā omnia  
essent ex sententia, si nobis animus si consiliū, si fides eo-  
rum, quibus credidimus, non defuisset. quæ colligere no-  
lo, ne augeā mœrorē. sed tibi uenire in mentē certo scio,  
quæ uita esset nostra, quæ suauitas, quæ dignitas. ad  
quæ recuperāda per fortunas incūbe, ut facis, diemq; na-  
talem reditus mei cura ut in tuis adibus amœnissimis  
agam tecū, & cū meis. ego huic spei, & expectationi,  
quæ nobis proponitur. maxime tamen uolui prestolari  
apud te in Epeiro : sed ita ad me scribitur, ut putem esse  
commodius nos eisdem in locis esse. De domo, & Curio  
nis oratione, ut scribis, ita est. in uniuersa salute, si ea  
modo nobis restitueretur, inerunt omnia. ex quibus nihil  
malo, quā domum. sed tibi nihil mando nominatim : me  
totum tuo amoris, fideiq; commendo. Quod te in tāta  
hereditate ab omni occupatione expedisti, ualde mihi  
gratū est. Quod facultates tuas ad meā salutē polli-  
ceris, ut omnibus rebus à te præter ceteros iuuer, id quā-  
tum sit præsidium, uideo : intelligoq; te multas partes meæ  
salutis & suscipere, & posse sustinere, neque, ut ita fa-  
cias, rogandū esse. Quod me uetas quidquā suspica-  
ri accidisse ad animū tuū, quod secus à me erga te com-  
missum, aut prætermisum uideretur : gerā tibi morē, &  
liberabor ista cura : tibi tamē eo plus debebo, quo tua in  
me humanitas fuerit excelsior, quā in te mea. Velim,  
quid uideas, quid intelligas, quid agatur, ad me scribas,  
omnesq; ad nostrā salutem adhortere. Rogatio Sea-  
stij neq; dignitatis satis habet, nec cautionis : nā & no-  
minatim ferre oportet, & de bonis diligentius scribi : et id



LIB. III. EPIST.  
animaduertas uelim. Vale. II. Non. Oct. Thes-  
salonicae.

CICERO ATTICO S. 21

TRIGINTA dies erant ipsi, cum has dabam li-  
teras, per quos nullas à uobis acceperam. mihi autem  
erat in animo, iam, ut antea ad te scripsi, ire in Epeirū,  
& ibi omnem casum potissimum expectare. Te oro, ut,  
si quid erit, quod perspicias, quancūque in partē, quā pla-  
nissime ad me scribas, & meo nomine, ut scribis, literas,  
quibus putabis opus esse, ut des. Vale. V. Cal. Nov.

CICERO ATTICO S. 22

ET SI diligēter ad me Quintus frater, et Piso, quae  
essent acta, scripserant: tamen uelle tua te occupatio non  
impedisset, quo minus: ut cōsuesti, ad me, quid ageretur,  
& quid intelligeres, perscriberes. me adhuc Plancius li-  
beralitate sua retinet iam aliquoties conatū ire in Epeirū.  
spes homini est iniecta, non eadem, quae mihi, posse  
nos unā decedere. quam rem sibi magno honori spe-  
rat fore. sed iam, cum aduentare milites dicentur, fa-  
ciendum nobis erit, ut ab eo discedamus. quod cū facie-  
mus, ad te statim mittemus, ut scias, ubi scimus. Lentus  
suo in nos officio, quod et re, et promissis, et literis de-  
clarat, spē nobis nō nullā affert Pōpeij uoluntatis, saepe. n.  
tu ad me scripsisti, eum totum esse in illius potestate. De  
Metello scripsit ad me frater, quantū speraret, profectū  
esse per te. mi Pomponi pugna, ut tecum, & cum  
meis mihi liceat uinere: et scribe ad me omnia. premor



cum luctu, tum desiderio omnium rerum, quæ mihi  
me cariores semper fuerant. Cura, ut ualeas.

Ego, quodd, per Thessaliam si irem in Epeirum, per diu  
nihil erā auditurus, & quodd mei studiosos habeo Dyr-  
rhachinos, ad eos perrexi, cum illa superiora Thessaloni-  
cæ scripsissem. inde cum ad te me conuertam, faciam, ut  
scias. tuq; ad me uelim omnia quam diligentissime, cui-  
cuiusmodi sunt, scribas. ego iam aut rem, aut ne spem qui-  
dem exspecto. Vale. VI. Cal. Dec. Dyrrhachij.

AD V. Cal. Dec. tres epistolas à te accepi, unā datā  
ad. VIII. Cal. Nou. in qua me hortaris, ut forti ani-  
mo mensem Ian. expectem: eaq; quæ ad spem putas per-  
tinere, de Lentuli studio, de Metelli uolūtate, de tota Pō-  
peiij ratione perscribis. in altera epistola præter consuetu-  
dinem tuam diem non adscr bis, sed satis significas tem-  
pus: lege enim ab octo Tribunis pl. promulgata, scribis  
te eas literas eo ipso die dedisse, id est ad IIII. Cal.  
Nou. & quid putes utilitatis eam promulgationem ac-  
tulisse, scribis. in quo si etiam nostra salus cum hac le-  
ge desſ rata erit, uelim pro tuo in me amore hanc ina-  
nem meam diligentiam miserabilem potius, quā in-  
eptam putes: sin est aliquid spei, des operam, ut maiore  
diligentia posthac à nostris magistratibus defendamur. noua  
nam ea ueterum Tribunorum pl. rogatio tria capi-  
ta habuit: unum de redditu meo, scriptum incaute:  
nihil enim restituitur præter ciuitatem, & ordi-  
nem, quod mihi pro meo casu satis est: sed quæ cauenda



LIB. III. EPIST.

fuerint, & quo modo, te non fugit. alterū caput est tralatitiū de impunitate, si quid cōtra alias leges eius legis ergo factū sit. tertiū caput, mi Pōponi, quo consilio, & a quo sit inculcatū, uide: scis enim Clodiū sanxisse, ut uix, aut omnino nō posset nec per senatū, nec per populū in firmari sua lex. sed uides nunquā esse obseruatas sanctiones earum legū, quæ abrogarentur, nā si id esset, nulla ferē abrogari posset ( neque enim ulla est, quæ nō ipsa se sepiat difficultate abrogationis ) sed cum lex abrogatur, illud ipsum abrogaretur, quo modo eā abrogari oporteat. hoc cū re uera ita sit; cū semper ita habitū, obseruatūq; sit: octo nostri Tribuni pl. caput posuerūt hoc? SI QUID IN HAC ROGATIONE SCRIPTVM EST, QVOD PER LEGES, PLEBIS'VE SCITA, HOC EST QVOD PER LEGEM CLODIAM, PROMVLGARE, ABROGARE, DEROGARE, OBROGARE SINE FRAVDE SVA NON LICEAT, NON LICVERIT; QVOD, VEL QVI PROMVLGAVIT, DEROGAVIT, OB EAM REM PŒNÆ, MVLTAE'VE SIT. EH. IN R. atq; hoc in illis Tribunis pl. non ladebat: lege enim collegij sui non tenebantur: quo maior est suspicio malitiæ alicuius, cū id, quod ad ipsos nihil pertinebat, erat autē cōtra me, scripserunt, ut noui Tribuni pl. si essent timidiores multo magis sibi eo capite utendū putarent. neque id à Clodio prætermissum est: dixit enim in concione ad III. Non. hoc capite designatis Tribunis pl. præscriptū esse, quid liceret. tamen, in lege nulla esse eiusmodi caput, te non





fallit, quod si opus esset, omnes in abrogando uterentur. Numium, ac ceteros fugerit, inuestiges, uelim, et quis attulerit, & quare octo Tribuni pl. ad senatum de me re  
 \* ferre non dubitarint: siue q̄ obseruandū illud caput nō putabant, ij dein in abrogando tam cauti fuerunt, ut id metuerent soluti cum essent, quod ne ijs quidem, qui lege tenentur, est curandum. id caput sanē nolim nouos Tribunos pl. ferre: sed perferant modo quidlibet: uno capite, quo reuocabor (modo res conficiatur) ero cōtēsus. iādudum pudet tam multa scribere: uereor enim, ne re iam desperata legas; ut hęc mea diligentia miserabilis tibi, alijs irridēda uideatur. sed si est aliquid in spe, uide legem, quam T. Fadio scripsit T. Visellius. ea mihi perplacet, nam Sestij nostri, quam tu tibi probari scribis, mihi non placet. Tertia est epistola prid. Id. Nou. data: in qua exponis prudenter, & diligenter, quæ sint, quæ rem distingere uideantur, de Crasso, de Pompeio, de ceteris. quare oro te, ut, si qua spes erit posse studijs bonorum, auctoritate, multitudine comparata rem cōfici, des operam, ut uno impetu perfringantur, in eam rem incumbas, ceterosq; tu excites. sin, ut ego perspicio cum tua coniectura, tum etiam mea. spei nihil est: oro, obtestorq; te, ut Quintum fratrem ames, quem ego miserum misere perdidisti; ne ue quid eum patiāre grauius consulerē de se, quā expediat sororis tuæ filio; meum Ciceronem, cui nihil misello relinquo prater inuidiam, & ignominiam nominis mei, tueare, quoad poteris; Terentiam unam omnium ærumnosissimam sustentēs tuis officijs. Ego in Epeirum profisciscar, cum primorum dierum nuncios excepero. Tu ad me uelim proximis



L I B. III. E P I S T.  
literis, ut se initia dederint, perscribas. Vale.  
 prid. Cal. Dec.

CICERO ATTICO S. 24

ANTE A, cum ad me scripsissetis uestro consensu  
consulares prouincias ornatas esse, etsi uerebar quorsum  
id casurum esset, tamen sperabam uos aliquid aliquan-  
do uidisse prudentius. postquam mihi et dictum est, et  
scriptum, uehementer consilium uestrum reprehēdi: gra-  
uiter sum cōmorus, quōd illa ipsa spes exigua, quae erat,  
uidetur esse sublata: nam si Tribuni pl. nobis succēsent,  
quae potest spes esse? ac uidentur iure succensere, cū et  
expertes consilij fuerint qui causam nostrā susceperant,  
et nostra concessione omnem uim suī iuris amiserint:  
praesertim cum ita dicant, se nostra causa uoluisse suam  
potestatem esse de Consulibus ornandis, non ut eos impe-  
dirent, sed ut ad nostram causam adiungerent: nunc si  
Consules à nobis alieniores esse uelint, posse id libere fa-  
cere; sin uellent nostra causa, nihil posse se inuitis. nam  
quod scribis, nī ita nobis placuisset, illos hoc idē per popu-  
lum assecuturos fuisse: inuitis Tribunis pl. fieri nullo  
modo potuit. ita uereor, ne et studia Tribunorum a-  
miserimus, et, si studia maneat, uinculum illud adiū-  
gendorū Consulū amissum sit. accedit aliud nō parū  
incōmodum, quōd grauis illa opinio, ut quidam ad nos  
perferebatur, senatum nihil discernere ante, quā de  
nobis actum esset, amissa est, praesertim in ea causa, quae  
non modo necessaria non fuit, sed etiā inusitata, ac no-  
ua: neque enim unquam arbitror ornatas esse prouin-  
cias designatorum: ut, cum in hoc illa constantia, quae



erat mea causa suscepta, immutata sit, nihil iam possit non decerni. iam ijs, ad quos relatum est, amicis placuisse non mirum sit: erat enim difficile reperire, qui contra tanta commoda duorum Consulum palam sententiam diceret. & fuit omnino difficile non obsequi uel amicissimo homini Lentulo, uel Metello, qui similitatem humanissime deponeret. sed uereor, ne, hos cum tenere poterimus, Tribunos pl. amiserimus. hæc res quemadmodum ceciderit, & tota res quo loco sit, uelim ad me scribas, et ita, ut instituisti: nam ista ueritas, etiam si iucunda non est, mihi tamen grata est. Vale. D. IIII. Id. Dec.

CICERO ATTICO S. 25

POST tuum à me discessum literæ mihi Roma allatæ sunt, ex quibus prospicio nobis in hac calamitate tabescendum esse: neque enim (sed bonam in partem accipies) si nulla spes salutis nostræ subesset, tu pro tuo amore in me hoc tempore discessisses. sed ne ingrati, aut ne omnia uelle nobiscum unam interire uideamur, hoc omitto: illud abs te peto, des operam, id quod mihi affirmasti, ut te ante Cal. Ian. ubicunque erimus, sis. Vale.

CICERO ATTICO S. 26

LITERAE mihi à Quinto fratre cum S. C. quod de me est factum, allatæ sunt. mihi in animo est, legum laurionem expectare. si obrectabitur, utar auctoritate senatus, & potius uita, quam patria carebo. Tu queso festina ad nos uenire. Vale. VI. Cal. Ian.



LIB. III. EPIST.

CICERO ATTICO S. 27

EX TVIS literis, & ex re ipsa nos funditus  
perisse uideo. Te oro, ut, quibus in rebus mei tui indi-  
gebunt, nostris miserijs ne desis. ego te, ut scribis: cito ui-  
debo. plura non scribo. Cura, ut ualeas.

M. TVLLII CICERONIS EPISTO-  
LARVM AD T. POMPONIVM  
ATTICVM LIBER IIII.

CICERO ATTICO S.

VM primū Romam ueni, fuitq; cui  
recte ad te literas darem, nil prius fa-  
ciendum mihi putavi, quā ut tibi absen-  
ti de reditu nostro gratularer: cognorā  
enim ( ut uere scribam ) te in consilijs  
mihi dandis nec fortiozem, nec prudentiozem, quā me  
ipsum, nec etiā propter meā in te obseruantia. nimium in  
custodia salutis meae diligentē; eundemq; te, qui primis  
temporibus erroris nostri, aut totius furoris particeps, &  
falsi rumoris socius fuisses, acerbissime dissidium nostrū  
tulisse, plurimumq; operae, studij, diligentiae, laboris ad  
conficiendum reditum meum contulisse. itaque hoc  
tibi uere affirmo, in maxima latitia, & exoptatissima  
gratulatione unum ad cumulandum gaudium conspe-  
ctum, aut potius complexum mihi tuum defuisse. quem  
semel nactus, nūquam dimisero. ac nisi etiam prae-  
missos fructus tuae suauitatis praeteriti temporis omne



exegero, profecto hac restitutione fortunæ me ipse non satis dignum iudicabo. Nos adhuc in nostro statu, quod difficillime recuperari posse arbitrati sumus, splendorem nostrum illum forensem, & in senatu auctoritatem, & apud viros bonos gratiam, magis quàm optatumus, consecuti sumus. in re autem familiari, quæ quemadmodum fracta, dissipata, direpta sit, non ignoras, ualde laboramus, tuarumq; non tam facultatum, quas ego nostras esse iudico, quàm consiliorum ad colligendas, & constituendas reliquias nostras indigemus. nunc, etsi omnia aut scripta esse à tuis arbitror, aut etiam nuncijs, ac rumore perlata, tamen ea inscribam breui, quæ te puto potissimum ex meis literis uelle cognoscere. Prid. Non. Sext. Dyrrhachio sum profectus, ipso illo die, quo lex est lata de nobis. Brūdusum ueni Non. Sext. ibi mihi Tulliola mea fuit præsto natali suo ipso die, qui casu idem natalis erat & Brūdusinae coloniae, & tuæ uicinæ Salutis. quæ res animaduersa, multitudine summa, Brūdusinorum gratulatione celebrata est. ante diem VI. Id. Sext. cognoui literis Quinti fratris, mirifico studio omnium ætatum, atque ordinū, incredibili concursu Italiæ legem comitijs centuriatis esse perlatam. inde à Brūdusinis honestissimis ornatus, iter ita feci, ut undique ad me cū gratulatione, legati conuenerint. ad Urbē ita ueni, ut nemo ullius ordinis homo nomenclatori notus fuerit, qui mihi obuiā non uenerit, præter eos inimicos, quibus id ipsum non liceret aut dissimulare, aut negare. cum uenissem ad portam Capenam, gradus templorum ab infima plebe completi erant. à qua plausu maximo cū esset mihi gratulatio significata, similis & fre-



LIB. IIII. EPIST.

quentia, & plausus me usque ad Capitolium celebravit. in foro, & in ipso Capitolio miranda multitudo fuit, postridie in senatu, qui fuit dies Non. Sept. senatui gratias egimus. eo biduo cum esset annonæ summa caritas, & homines ad theatrum primo, deinde ad senatum concurrissent impulsu Clodij; mea opera frumenti inopiam esse clamarent; cum per eos dies senatus de annona haberetur, & ad eius procuracionem sermone non solum plebis, uerum etiam bonorum Pompeius uocaretur, idque ipse cuperet, multitudoque à me nominatim, ut id decernerem, postularet: feci, & accurate sententiam dixi, cum abessent consulares, quod tuto se negarent posse sententiam dicere, præter Messalam, & Afranium. factum est S. C. in meam sententiam, ut cum Pompeio ageretur, ut eam rem susciperet, lexque ferretur. quo S. C. recitator, cum concio more hoc insulso, & nouo plausum, meo nomine recitando, dedisset: habui concionem: omnes magistratus presentes, præter unum Prætorem, & duos Tribunos pl. dederunt. postridie senatus frequens, & omnes consulares nihil Pompeio postulanti negarunt. ille legatos quindecim cum postularet, me principem nominauit, & ad omnia me alterum se fore dixit. legem Cōsules conscripserunt, qua Pompeio per quinquennium omnis potestas rei frumentariæ toto orbe terrarum daretur: alteram Messius, qui omnis dat pecuniæ potestatem, & adiunxit classem, & exercitum, & maius imperium in provincijs, quam sit eorum, qui eas obtineant. illa nostra lex consularis nunc modesta uidetur, hæc Messij non ferenda. Pompeius illam uelle se dicit, familiares hanc. consulares duce Fauonio fremunt. nos tace-

A  
ma, & eo  
fuit respon  
preclaram  
mabunt: si  
rem totam  
dis, fluxa;  
mus, ut scis  
ca, que lier  
tate, iurante  
pecto; & or  
me tuo cons  
initium ordi  
runt, incipunt  
re uehementer

CI  
SI FOR  
tera reddunt  
mea, sed ne  
est, tamen nu  
moris nostri.  
rum nunc su  
has alteras  
ster qualis fu  
stra quemad  
aduersis bon  
tio de d. mo.  
res est accura  
mus aliquid  
Flo doloris me



mus, & eo magis, quodd de domo nostra nihil adhuc Pōtī  
fices responderant. qui si sustulerint religionem, aream  
præclaram habebimus, superficiem Consules ex S. C. æsti  
mabunt: sin aliter, demolientur, suo nomine locabunt,  
rem totam æstimabunt. ita sunt res nostræ; ut in secun  
dis, fluxæ; ut in aduersis, bonæ. in re familiari ualde su  
mus, ut scis, perturbati. præterea sunt quædam domesti  
ca, quæ literis non cōmitto. Quintum fratrem insigni pie  
tate, uirtute, fide præditum sic amo, ut deo. Te ex  
pecto; & oro, ut matures uenire. eoq; animo uenias, ut  
me tuo consilio egere non sinas. alterius uitæ quoddam  
initium ordimur. iam quidam, qui nos absentes defende  
runt, incipiunt præsentibus occulte irasci, aperte inuide  
re. uehementer te requirimus. Vale.

## CICERO ATTICO S. 2

S I FORTE rarius tibi a me, quàm a cæteris, li  
tera redduntur, peto a te, ut id non modo non negligentia  
mea, sed ne occupationi quidē tribuas. quæ etsi summa  
est, tamen nulla esse potest tanta, ut interrumpat iter a  
moris nostri, & officij mei. nam ut ueni Romam, ite  
rum nūc sum certior factus, esse cui darē literas: itaque  
has alteras dedi. prioribus tibi declarauī, aduentus no  
ster qualis fuisset, et quis esset status, atque omnes res no  
stræ quemadmodum essent; ut in secundis, fluxæ; ut in  
aduersis, bonæ. post illas datas, secuta est summa conten  
tio de demo. diximus apud Pōtīfices prid. Cal. Oct. acta  
res est accurate a nobis. & si unquam in dicendo fui  
mus aliquid, aut etiā si nunquā aliās fuimus, tum profe  
cto doloris magnitudo uim quandā nobis dicēdi dedit.



LIB. IIII. EPIST.

itaque oratio iuuentutis nostrae debere non potest : quam tibi , etiam si non desideras , tamen mittam cito . cum Pontifices decreissent , ita , si neque populi iussu , neque plebiscito , qui se dedicasse diceret , nominatim ei rei praefectus esset , neque populi iussu , aut plebiscito id facere iussus esset , uideri , posse sine religione iam partem aerea mihi restitui : mihi facta statim est gratulatio : nemo enim dubitat , quin domus nobis esset adiudicata : tum subito ille in concionem ascendit , quam Appius ei dedit . nunciat iam populo , Pontifices secundum se decreuisse , me autem ui conari in possessionem uenire . hortatur , ut se , & Appium sequantur , & suam Libertatem ut defendant . hic cum etiam illi infimi partim admirarentur , partim irriderent hominis amentiam , ego staturam illuc non accedere , nisi cum Consules ex S. C. porticum Catuli restituendam locassent . Cal. Oct. habetur senatus frequens . adhibentur omnes Pontifices , qui erant senatores . a quibus Marcellinus , qui erat cupidissimus mei , sententiam primus rogatus , quaesivit , quid essent in decernendo secuti . tum Lucullus de omnium collegarum sententia respondit , religionis iudices Pontifices fuisse , legis senatum : se , & collegas suos de religione statuisse , in senatu de lege statuturos . quisque horum loco sententiam rogatus , multa secundum causam nostram disputauit . cum ad Clodium uentum est , cupijt diem consumere ; neque ei finis est factus ; sed tamen , cum horas treis fere dixisset , odio , & strepitu senatus coactus est aliquando perorare . cum fieret S. C. in sententiam Marcellini , omnibus praeter unum assentientibus , Serranus intercessit . de intercessione statim ambo Consules referre coeperunt



runt. cū sententiæ grauissimæ dicerentur, senatui placere mihi domum restitui, porticū Catuli locari, auctoritate ordinis ab omnibus magistratibus defendi; siquæ uis esset facta, senatum existimaturum eius opera factum esse, qui S. C. intercessisset: Serranus pertimuit, & Cornicinus ad suam ueterē fabulam rediit, abiecta toga se ad generi pedes abiecit. ille noctē sibi postulauit: non concedebant: reminiscabantur enim Cal. Ian. uix tamen sibi de mea uoluntate concessum est. postridie S. C. factum est id, quod ad te misi. deinde Consules porticum Catuli restituendam locarunt. illam porticū redemptores statim sunt demoliti libētissimis omnibus. nobis superficiem ædium Consules de cōsiliū sententiā æstimarūt HS uicies, cætera ualde illiberaliter, Tusculanam uillam quingentis millibus, Formianum HS ducentis quinquaginta millibus. quæ æstimatio nō modo uehemēter ab optimo quoque, sed etiam à plebe reprehenditur. dices, quid igitur causæ fuit? dicunt illi quidem, pudorem meū, quod neque negarim, neque uehementius postularim. sed non est id: nam hoc quidē etiam profuisset. uerum idem mi T. Pomponi, idem inquam illi, quos ne tu quidem ignoras, qui mihi pennas inciderant, nolūt easdem renasci: sed, ut spero, iam renascuntur: tu modo ad nos ueni: quod uereor ne tardius interuentu Varronis tui, nostriq; facias. quoniam, acta quæ sint, habes, de reliqua nostra cogitatione cognosce. Ego me à Pompeio legari ita sum passus, ut nulla re impedirer, quin, si uellem, mihi esset integrum aut, si comitia Censorū proximī Consules haberēt, petere posse, aut uotiuam legationem suscipere propē

H



## LIB. IIII. EPIST.

omnium fanorum, ac sacrorum locorum : sic enim nostrae rationes postulabant . sed uolui meam potestatem esse uel petendi, uel ineunte æstate exeundi . Et interea me esse in oculis ciuium de me optime meritorum, non alienum putauī . ac forēsium quidē rerum hæc nostra consilia sunt, domesticarum autem ualde impedita . Domus ædificatur, scis quo sumptu, qua molestia . reficitur Formianū : quod ego nec relinquere possum, nec uidere . Tusculanum proscripsi . suburbano non facile careo . amicorum benignitas exhausta est in ea re, quæ nihil habuit præter dedecus, quod sensisti tu absens, præsentēs . quorum studijs ego, et copijs, si esset per meos defensores licitum, facile essem omnia consecutus . quo in genere nunc uehementer laboratur . cetera, quæ me sollicitant, *μυστικώτερά* sunt . amamur à fratre, et à filia . te expectamus. Vale.

CICERO ATTICO S. 3

A V E R E te certo scio, tum scire quid hic agatur, tum à me scire : non quo certiora sint ea, quæ in oculis omnium geruntur, si à me scribantur, quàm cum ab alijs aut scribuntur tibi, aut nuntiātur : uerum ut perspicias ex meis literis, quo modo ea feram, quæ geruntur, et qui sit hoc tempore aut mentis meæ sensus, aut omnino uitæ status . Armatis hominibus ante diem tertium Non. Nou. expulsi sunt fabri de area nostra, disturbata porticus Catuli, quæ ex S. C. Consulium locatione reficiebatur, et ad tectum penè peruenerat . Quinti fratris domus primo fracta coniectu lapidum ex area nostra, deinde inflammata, iussu Clodij, inspectante ur-



be, coniectis ignibus, magna querela, & gemitu, non dicam bonorum, qui nescio an ulli sint, sed plane hominum omnium. ille uehemens furere. post hunc uero furorem nil nisi cædem inimicorum cogitare, uicatim ambire, seruis aperte spem libertatis ostendere: etenim antea, cum iudicium nolebat, habebat ille quidem difficilem, manifestamq; causam, sed tamen causam. id poterat inficiari, poterat in alios deriuare, poterat etiam aliquid iure factum defendere. post has ruinas, incendia, rapinas, desertus à suis, uix iam Decimum Decignatorem, uix Gellium retinet: seruorum consilijs utitur: uidet, si omnes, quos uult, palàm occiderit, nihilo suam causam difficiliorem, quam adhuc sit, in iudicio futuram: itaque ante diem tertium Id. Nou. cum Sacra uia discederem, insecutus est me cum suis. clamor, lapides, fustes, gladij, hæc improuisa omnia. discessimus in uestibulum M. Terij Damionis. qui erant mecum, facile operas aditu prohibuerunt. ipse occidi potuit. sed ego diæta curari incipio. cheirurgiæ tædet. ille, omnium uocibus cum se non ad iudicium, sed ad supplicium præsens trudi uideret, omnes Catilinas, Acidinos postea reddidit: nam Milonis domum, meamq; in Ceramio prid. Id. Nou. expugnare, & incendere ita conatus est, ut palàm hora V. cum scutis homines eduçtis gladijs, alios cum accensis facibus adduxerit. ipse domum P. Sullæ pro castris sibi ad eam impugnationem sumpserat. tum ex Anniana Milonis domo Q. Flaccus eduxit uiros acreis, occidit homines ex omni latrocinio Clodiano notissimos: ipsum cupiuit, sed ille se in interiorem partem adium abdi-



## LIB. IIII. EPIST.

dit. Sulla se in senatu postridie Id. domi Clodius, egregius Marcellinus, omnes acres. Metellus calumnia dicendi tempus exemit, adiuvante Oppio, etiā hercule famulari tuo, de cuius cōstātia, uirtute uerissimæ literæ. Sessius furere. ille postea, si comitia sua non fierent, urbi minari. proposita Marcellini sententia, quam ille de scripto ita dixerat, ut totam nostram causam aræ, incendiōrum, periculi mei, iudicio complecteretur, eaque omnia comitijs anteferreret: proscripsit se per omnes dies comitiales de cælo seruaturum. conciones turbulenta Metelli, temerarie Appij, furiosissimæ Publij. hæc tamen summa, nisi Milo in campum obnuntiasset, comitia futura. ante diem XII. Cal. Dec. Milo media nocte cum magna manu in campum uenit. Clodius cū haberet fugitiuorum deiectas copias, in campum ire non est ausus. Milo permansit ad meridiē, mirifica hominum lætitia, summa cum gloria. contētio fratrum trium turpis, fracta uis, cōtemptus furor. Metellus tamen postulat, ut sibi postero die in foro obnuntietur: nihil esse, quod in campum nocte ueniretur: se hora prima in comitio fore. itaque ante diem XI. Cal. Ian. in comitium Milo de nocte uenit. Metellus cum prima luce furtim in campum itineribus propē deuijs currebat. assequitur inter lucos hominem Milo, obnuntiat. ille se recipit magno, turpiq; Q. Flacci conuitio. ante diem X. Cal. nundinæ. concio biduo nulla. ante diem VIII. Cal. hæc ego scribebam, hora noctis nona. Milo campum iam tenebat. Marcellus candidatus ita stertebat, ut ego uicinus audirem. Clodij uestibulum uacuum sanè mihi nuntiabatur, paucis pannosis sine

laetitia. .  
 si quancu  
 filij. mir  
 sed hæc se  
 um reum  
 se inter u  
 non dubi  
 non extin  
 perfidi co  
 Nos anim  
 rebus. .  
 trii tamē  
 no ex-act  
 spondemus  
 mus. .

P ERIVC  
 tium Cal  
 Italia, se  
 ire nolui  
 prope pr  
 rem, mi  
 mūq; es  
 mo, et te  
 perantes se  
 pud me su  
 da designa  
 merum b



laterna . meo consilio omnia illi fieri querebatur, igna-  
 ri quantum in illo heroe esset animi, quantū etiam con-  
 siliy . miranda uirtus est . noua quædam diuina mitto.  
 sed hæc summa est . comitia fore non arbitror . Publi-  
 um reum, nisi ante occisus erit, à Milone fore puto . si  
 se inter uia obtulerit, occisum iri ab ipso Milone uideo .  
 non dubitat facere : præ se fert : casum illum nostrum  
 non extimescit : nunquam enim cuiusquam inuidi, et  
 perfidi consilio est usus, nec inertī nobili crediturus.  
 Nos animo duntaxat uigemus, etiam magis, q̃ cum flo-  
 rebamus . re familiari comminuti sumus. Quinti fra-  
 tris tamē liberalitati, pro facultatibus nostris, ne omni-  
 no exhaustus essem, illo recusante subsidijs amicorū re-  
 spondemus . quid consilij de omni nostro statu capia-  
 mus, te absente nescimus . quare appropera.

CICERO ATTICO S. 4

P E R I V C V N D V S mihi Cincius fuit ante diem ter-  
 tium Cal. Febr. ante lucem : dixit enim mihi, te esse in  
 Italia, seseq; ad te pueros mittere : quos sine meis literis  
 ire nolui : non quo haberem, quod tibi, præsertim iam  
 prope præsentī, scriberem : sed ut hoc ipsum significa-  
 rem, mihi aduentum tuum suauissimum, expectatissi-  
 mumq; esse . quare aduola ad nos, eo animo, ut nos a-  
 mes, et te amari scias. cætera coram agemus. hæc pro-  
 perantes scripsimus . quo die uenies, utique cum tuis a-  
 pud me sis . perbelle feceris, si ad nos ueneris . offen-  
 des designationem Tyrannionis, mirificam librorum  
 meorum bibliothecā : quorum reliquæ multo meliores

H ii



## LIB. IIII. EPIST.

sunt, quàm putaram. etiam uelim mihi mittas de tuis librariolis duos aliquos, quibus Tyrannio utatur glutinatoribus, ad cætera administris; ijsq; imperes, ut sumat membranulam, ex qua indices fiant, quos uos Græci, ut opinor, συλλάβους appellatis. sed hæc, si tibi erit commodum. ipse uero utique fac uenias, si potes in his locis adherescere, & Piliam adducere: ita enim & æquum est, & cupit Tullia. Mediusfidius nã tu emisti locum præclarum. Gladiatores audio pugnare mirifice. si locare uoluisses, duobus his muneribus liberaasses. sed hæc posterius. tu fac uenias, & de librarijs, si me amas, diligenter. Vale.

CICERO ATTICO S. 5

A IN TV? existimas ab ullo malle mea legi, probariq; quàm à te? cur igitur cuiquam misi prius? urgebar ab eo, ad quem misi, & nō habebam exemplar. quid? etiã (dudum enim circumrodo, quod deuorandum est) subturpicula mihi uidebatur esse παλινωδία. sed ualeant recta, uera, honesta consilia. non est credibile, quæ sit perfidia in istis principibus, ut uolunt esse, & ut essent, si quicquam haberent fidei. senseram, noram, inductus, relictus, proiectus ab ijs: tamen hoc erat in animo, ut cum ijs in Rep. consentirem. iidem erant, qui fuerant. uix aliquãdo te auctore resipiu. dices, ea te monuisse, suasisse, quæ facerem: nō etiam ut scriberem. ego mē hercule mihi necessitatem uolui imponere huius nouæ coniunctionis, ne quã mihi liceret labi ad illos, qui etiam tunc, cum misereri mei debent, non desinunt inuidere. sed tamen modici fuimus, ὑποδέσσει ut scripsi:



erimus uberiores, si & ille libenter accipiet, & ij subrin-  
gentur, qui nullam me moleste ferunt habere, quæ Catu-  
li fuerat, aut etiam emisse non cogitant; qui domū ne-  
gant oportuisse me adificare, uēdere aiunt oportuisse.  
sed quid ad hoc? si quibus sententijs dixi quod & ipsi  
probarēt, latati sunt tamen me contra Pōpeij uolunta-  
tē dixisse. sed quoniā qui nihil possunt, ij me nolunt a-  
mare: demus operā, ut ab ijs, qui possunt, diligamur.  
\* dices: uellem, iam pridē. scio te uoluisse, et me. ast nu-  
gī geram manū fuisse. iam tēpus est me ipsum à me  
amari, quando ab illis nullo modo possum. Domum  
meam q̄ crebro inuisis, est mihi ualde gratū. Viaticū  
cum Crassipes præripit. Tu de uia rectā in hortos.  
uidetur cōmodius ad te: postridie scilicet: quid enim  
tua? sed uiderimus. bibliothecam mihi tui pinxerunt  
cōstructione, & sitybis. eos uelim laudes. Vale.

## CICERO ATTICO S.

DE LENTVLO scilicet sic fero, ut debeo. uirum bo-  
num, & magnum hominem, & in summa magnitudi-  
ne animi multa humanitate temperatum perdidimus,  
nosq; malo solatio, sed non multo, tamen consolamur,  
quod ipsius uicem minime dolemus, non ut Sausēius, &  
uestri, mehercule quia sic amabat patriam, ut mihi ali-  
quo Deorum beneficio uideatur ex eius incendio esse ex-  
reptus: nam quid foedius nostra uita? præcipue mea?  
nam tu quidem, & si es natura πολιτικός, tamen nul-  
lam habes propriam seruitutem: communi frueris no-  
mine. ego uero, qui, si loquor de Rep. quod oportet,

H iiii



## LIB. IIII. EPIST.

insanus; si quod opus est, seruius existimor; si taceo, oppressus, & captus; quo dolore esse debeo? quo sum scilicet, hoc etiā acriore, quod ne dolere quidem possum, ut nō ingratus uidear. quid, si cessare libet, & in otii portum cōfugere? nequicquam, immo etiam in bellum, & in castra. ergo erimus ὁπαδοί, qui ταγοί esse noluimus? sic faciūdum est: tibi enim ipsi, cui utinam semper paruissē, sic uideo placere. reliqui est: ἀνάε-  
 ταν ἐλαχες, τάνταν κόσμε: non mehercule possum, & Philoxeno ignosco, qui reduci in carcerem maluit. ueruntamen id ipsum mecum in his locis commentor, ut ista improbem: idq; tu, cum unā erimus, confirmabis.

A te literas crebro ad me scribi uideo: sed omnes uno tēpore accepi. quæ res etiam auxit dolorē meum: casu enim trinas ante legeram, quibus meliuscule Lentulo esse scriptum erat. ecce quartæ fulmē. sed ille, ut scripsi, nō miser: nos uero serui. Quod me admones, ut scribam illa Hortēsiā: in alia incidi, non immemor istius mandati tui: sed mehercule incipiendo refugi, ne, quod uideor stulte illius amici non intemperiem tulisse, rursus stulte iniuriam illius faciam illustrem, si quid scripsero; & simul ne βαδύτης mea, quæ in agendo apparuit, in scribendo sit occultior, et aliquid satisfactio leuitatis habere uideatur. sed uiderimus: tu modo q̄sæpissime ad me aliquid. Epistolā, Luceio quā misi, quæ res meas ut scribat, rogo, fac ut ab eo sumas: ualde bella est: eumq; ut appropere, adhorteris; et, quod mihi se ita facturū rescripsit, agas gratias. Domū nostrā, quoad poteris, inuisas. Vestorio aliquid significes: ualde enim est in me liberalis: nihil ἐνκαυσότερον. Vale.

EPISTO

ro optim

Cherippa

quod scri

bare qu

rentis su

sed eam

quidem m

ri, quē

ram facit

hoc thoc

tiur. Ma

bin. Nilom

credibile

dū ē

Ciceronem

MULTA

gi, quam

scribis, un

cati tibi in

quo est dū

stis adib

in Corcyra

amatus. E

q̄ Tyrantio

mō ualida



**E**PISTOLA tua me sollicitum de Quinto nostro, puer optimo, ualde leuauit. uenerat horis duabus ante Cherippus: mera monstra nuntiabat. De Apollonio quod scribis, qui illi Dij irati, homini Greco, qui conturbare quidē putat sibi licere, quod equitibus R. nam Terentius suo iure. De Metello, οὐχ ὅσιν φθιμένοισιν. sed tamen multis annis ciuis nemo erat mortuus. quid quidem tibi? numi meo periculo sint: quid enim uerearis, quēcunque heredem fecit? nisi Publium fecit. uerum fecit non improbe, quanquam fuit ipse. quare in hoc thecam numariam non retexeris: in alijs eris cautior. Mea mandata de domo curabis: praesidia locabis: Milonem admonebis. Arpinatum fremitus est incredibilis de Laterio. quid quaeris? equidem dolui. ὁ δὲ οὐκ ἐπελάετο μύθων. Quod superest, etiam puerum Ciceronem curabis, & amabis, ut facis. Vale.

**M**ULTA me in epistola tua delectarunt, sed nihil magis, quam patina tyrotarichi. nā de raudusculo quod scribis, μῦθος μέγαν εἶπες περὶ τὸ τελευτήσαντ' ἱδης. aedificati tibi in agris nihil reperio. in oppido est quiddā, de quo est dubium, sit ne uenale; ac proximum quidē nostris aedibus. hoc scito, Antium Buthrotum esse Romae, ut Corcyrae illud tuum. nihil quietius, nihil alsius, nihil \* amoenius. ΕΙΜΗΧΙΤΩ ΦΙΛΟΟ. ΚΟΟ. postea uero q̄ Tyrannio mihi libros disposuit, mens addita uidetur meis aedibus. qua quidē in re mirifica opera Dionysij,



## LIB. IIII. EPIST.

& Menophili tui fuit. nihil uenustius, quàm illa tua  
 \* pagmata. postquàm misisti, libros illustrarunt ualde, &  
 scribas ad me uelim de gladiatoribus, sed ita, bene si re-  
 \* gerunt: non quero male sic egisse. Apenas uix dis-  
 scesserat, quum epistola. quid ais? putas ne fore, ut legē  
 non ferat? dic, oro te, clarius: uix enim mihi exaudisse  
 uideor: uerum statim fac, ut sciam, si modo est commo-  
 dum. ludis quidē quoniam dies est additus, eo etiā me-  
 lius hic eum diem cum Dionysio conteremus. De Tre-  
 bonio prorsus tibi assentior. De Domitio, σὺκος μὰ τὸν  
 δῖον ἄνθρωπον οὐδέ ἐν οὐτῷ ὁμοίον γέγονεν, quā est ista  
 πείριστάσις nostrae: uel q̄ ab iisdem: uel q̄ prae-ter opi-  
 nionem: uel q̄ uiri boni nusquam: unum dissimile, q̄  
 huic merito. nam de ipso casu nescio, an illud melius:  
 quid enim hoc miserior, quàm eum, qui tot annos, quot  
 habet, Des. Consul fuerit, fieri Consulem non posse?  
 praesertim cum aut solus, aut certe nō plus, quàm cum  
 altero petat? si uero id est, quod nescio an sit, ut non  
 minus lōgas iam in codicillorum fastis futurorū Con-  
 sulum paginulas habeat, q̄ faētorum: quid illo mise-  
 rius? nisi Resp. in qua ne speratur quidem melius quic-  
 quam. De Natta ex tuis primū sciui literis. oderam  
 hominē. De poemate quod quaeris, quid si cupiat ef-  
 fugere? quid sinat? De Fabio Lusco quod eram  
 exorsus, homo peramans semper nostri fuit, nec mihi un-  
 quam odio: satis enim acutus, & permodestus, ac bene  
 frugi. eum quia non uidebam, abesse putabam. audi-  
 ui ex Gauio hoc Firmano, Romae esse hominem, & fuis-  
 se assiduū. percussit animum. dices, tantula ne causa?  
 permulta ad me detulerat nō dubia de Firmanis fra-



tribus: quid sit, quod se à me remouit, si modo remouit, ignoro. De eo quod me mones, ut & me geram πολιτικῶς, & in eo γράμμην teneam: ita faciam: sed opus est maiore prudentia; quam à te, ut soleo, petam.

Tu uelim et Fabium, si quem habes aditum, odore re, & istum conuiuium tuū degustes, & ad me de istis rebus, & de omnibus quotidie scribas. ubi nihil erit, quod scribas; id ipsum scribito. Cura, ut ualeas.

## CICERO ATTICO S.

SANE uelim scire, num censum impendant Tribuni diebus uiriandis (est enim hic rumor) totaq; de Censura quid agant, quid cogitent. Nos hic cum Pompeio fuimus. multa mecum de Rep. sanè sibi displicens, ut loquebatur (sic est enim in hoc homine dicendum) Syriam spernens, Hispaniā iactans: hic quoque, ut loquebatur: & opinor usquequaque, de hoc cū dicemus, sit hoc quasi τοῦ τὸς ἐφοκλῶς οὐ. tibi etiam gratias agebat, quod signa componenda suscepisses. in nos uero suauissime hercule est effusus. uenit etiam ad me in Cumanum, ac se nihil minus uelle mihi uisus est, quam Messalam Consulatum petere. de quo ipso si quid scis, uelim scire. Quod Luceio scribis te nostram gloriam commendaturum, & ædificium nostrum q̄ crebro inuisis, gratum. Quintus frater ad me scripsit, se, quoniam Ciceronem suauissimum secum haberet, ad te Nonis Maijs uenturū. Ego me de Cumano moui ante diem V. Cal. Maij. eo die Neapoli apud Latum. ante diem IIII. Cal. Maij iens in Pompeianum bene mane hæc scripsi. Puteolis magnus est rumor,



## LIB. IIII. EPIST.

Prolemæum esse in regno : si quid habes certius, uelim scire. Ego hic pascor bibliotheca Fausti : fortasse tu putabas his rebus Puteolanis, et Lucrinēsis. ne ista quidē desunt : sed mehercule à cæteris oblectationibus deseror, & uoluptatibus propter Remp. sic literis sustentor, & recreor : maloq; in illa tua sedecula, quā habes sub imagine Aristotelis, sedere, quā in istorum sella curuli ; tecumq; apud te ambulare, quā cum eo, quocum uideo esse ambulandum . sed de illa ambulatione fors uiderit, aut si quis est, qui curet Deus . Nostram ambulationem, & Laconicum, eaq; quæ Cyrea sint, uelim, cum poteris, inuisas, & urgeas Philotimū , ut prosperet, ut possim tibi aliquid in eo genere respondere. Pompeius in Cumanum Parilibus uenit . misit ad me statim, qui salutem nuntiaret . ad eum postridie mane uadebam, cum hæc scripsi. Vale.

CICERO ATTICO S. 10

**D**ELECTARVNT me epistolæ tuæ, quas accepi uno tempore duas ante diem V. Cal. perge reliqua . gestio scire ista omnia. etiam, illud cuiusmodi sit, uelim perspicias : potes à Demetrio . dixit Pompeius, Crassum à se in Albano expectari ante diē quartum Cal. is cum uenisset, Romam esse statim uenturos, ut rationes cum publicanis putarent . quæsiui, gladiatoribus ne ? respondit, ante, quā inducerentur . id cuiusmodi sit, aut nunc, si scias, aut cum is Romam uenerit, ad me mittas uelim .

Nos hic uoramus literas cū homīne mirifico (ita mehercule sentio) Dionysio, qui te, omnesq; uos salutat. οὐδὲν γλυκύτερον ἢ πάντα εὐδέναι . quare, ut homini cui



rioso, ita perscribe ad me, quid primus dies, quid secundus, quid Cēsores, quid Appius, quid illa populi Apuleia. denique etiā quid à te fiat, ad me uelim scribas: nō enim (ut uere loquamur) tam rebus nouis, quā tuis literis delector. Ego mecum prater Dionysium duxi neminem, nec metuo tamen, ne mihi sermo desit abs te, quo magnopere delector. Tu Luccio nostrum librum dabis: Demetrii Magnetis tibi mitto, statim ut sit, qui à te mihi epistolam referat. Vale.

## CICERO ATTICO S.

E GNATIVS Romæ est. sed ego cum eo de re Halizeti uehementer ante egi. grauius se acturum cum Aquilio, confirmauit. uidebis ergo hominē, si uoles. Macroni uix uideor præsto esse: Idibus enim auctione Larini uideo, & biduum præterea. id tu, quoniam Macronē tanti facis, ignoscas mihi uelim. Sed, si me diligis, postridie Cal. cœna apud me cū Pilia. prorsus id facies. Cal. cogito in hortis Crassipedis, quasi in diuersorio, cœnare. facio fraudē S. C. inde domum cœnatus, ut sim mane præsto Miloni. ibi te igitur uidebo, et promouebo. Domus nostra te tota salutat. Vale.

## CICERO ATTICO S. 12

N OS in Tusculanū uenisse ad XVII. Cal. Dec. uideo te scire. ibi Dionysius nobis præsto fuit. Romæ ad XIII. Cal. uolumus esse: quid dico, uolumus? immo uero cogimur. Milonis nuptiæ. comitiorū nō nulla opinio est.



\* ergo ut sit rata. Abfuisse me in altercationibus, quas in senatu factas audio, fero non moleste: nam aut defendissem, quod non placeret; aut defuissem, cui non oporteret. sed mehercule uelim res istas, & præsertim statum Reip. & quo animo Cōsules ferant hunc σκυλιδν, rescribas ad me quātum potes, & uales. sum ὀζυπενος: & si quæris, omnia mihi sunt suspecta. Crassum quidē nostrū minore dignitate aiunt profectum paludatum, quā olim æqualem eius L. Paulum. item Ti. iterum Cōsules. o hominē nequam. De libris oratorijs factum est à me diligenter. diu, multumq; in manibus fuerūt. describas licet. illud etiam te rogo, τὸ παρὸς αὐτὸν κατὰ στασι τυποδῶς, ne istuc hospes ueniam. Vale.

CICERO ATTICO S. 13

V E S T O R I V S noster me per literas facit certiozem, te Roma ad V I. Id. Maij putare profectū esse, tardius, quā dixerat, quod minus ualuissem. si iam melius uales, uehementer gaudeo. Velim, domum ad tuos scribas, ut mihi tui libri pateant, nō secus, ac si ipse adesses, cum cæteri, tum Varronis: est enim mihi utēdum quibusdam rebus ex ijs libris ad eos, quos in manibus habeo, quos, ut spero, tibi ualde probabo. uelim, si quid forte noui habes, maxime à Quinto fratre, deinde à C. Cæsare, & si quid forte de comitijs, de Rep. (soles enim tu hac festine odorari) conscribas ad me. si nihil habebis, tamen scribas aliquid: nunquam enim mihi tua epistola aut intempestiua, aut loquax uisa est. maxime autē rogo, rebus tuis, totoq; itinere ex sententia confecto, nos



quamprimum reuſas . Dionyſium iube ſaluere.  
Cura, ut ualeas.

CICERO ATTICO S. 11

D E Eutychide gratum, qui uetere prænominē, nouo nomī  
ne T. erit Cæcilius, ut eſt ex me, & ex te iūctus Diony-  
ſius M. Pomponius. ualde mehercule mihi gratū, ſi Eu-  
tychides tuam erga me beneuolentiam cognoscet, ſuam  
illam in meo dolore συμπαθείων neque tum mihi obſcu-  
rā, neque poſt ingratam fuiſſe. Iter Aſiaticum tuum  
puto tibi ſuſcipiendum fuiſſe: nunquā enim tu ſine iu-  
ſtiſſima cauſa tam longe à tot tuis & hominibus, &  
rebus cariffimis, et ſuauiffimis abeſſe uoluiffes. ſed hu-  
manitatē tuā, amoremq; in tuos reditus celeritas decla-  
rabit. ſed uereor, ne lepore ſuo detineat diutius Prætor  
Clodius, & homo pereruditus, ut aiunt, & nunc quidē  
deditus græcis literis Pituanios. ſed, ſi uiſ homo eſſe, re-  
cipe te ad nos ad quod tempus cōfirmasti. cū illis tum,  
cū ſalui uenerint, Romæ uiuere licebit. Auere te ſcri-  
bis, accipere aliquid à me literarū. dedi, ac multis qui-  
dē de rebus ἡμετέροισιν perſcripta omnia. ſed, ut conij-  
cio, quoniam mihi non uideris in Epeiro diu fuiſſe, red-  
ditas tibi non arbitror. genus autem mearū ad te lite-  
rarum eiufmodi ferē eſt, ut non libeat cuiquam dare,  
niſi de quo exploratum ſit, tibi eum redditurū. Nunc  
Romanas res accipe. Ad II. Non. Quint. Suffenas,  
& Cato abſoluti. Porcilius condemnatus. ex quo in-  
tellectum eſt, tres ἀρεοπαγίτας ambitum, comitia,  
interregnum, maiestatem, totam denique Remp. floce-  
ci non facere. debemus patremfamilias domi ſuæ



## LIB. IIII. EPIST.

occidere nolle, neque tamen id ipsum abunde : nam absoluerūt XXII. condēnauerunt XXVIII. Publius sanè diserto epilogo criminans, mentes iudicum mouerat. Otalus in ea causa fuit cuiusmodi solet. nos uerbum nullum : ueritas est enim pusilla, quæ nunc laborat, ne animum Publio offenderet. his rebus actis, Reatini me ad sua τέμνα duxerunt, ut agerem causam contra Interamnates apud Consulē, & decem legatos, quod lacus Velinus à M. Curio emissus interciso mōte in Nardefluit. ex quo est illa siccata, & humida tamē modice Rosia. uixi cum Axio : qui etiam me ad septem aquas duxit. redij Romā Fonteij causa : ad VII. Id. Quint. ueni : spectaculum primum magno, & æquabili plausu : sed hoc ne curaris ; ego ineptus, qui scripserim : deinde Antiphonti operam : is erat ante manumissus, & productus. ne diutius pendeas, palmam tulit. sed nihil tam pusillum, nihil tam sine uoce, nihil tam uerū. hæc tu tecum habeto. in Andromacha tamen maior fuit, quàm Astyanacte. nam in cæteris parem habuit neminem. quæris nunc de Arbuscula. ualde placuit. Ludi magnifici, & grati. Venatio in aliud tempus dilata.

Sequere nunc me in campum. ardet ambitus. σῆμα δ' εἰ τοι ἐγγύς. foenus ex triente Idib. Quint. factum erat bessibus. dices, istuc quidē non moleste fero. ὦ uirum, ὦ ciuem. Memmii Cæsaris omnes opes confirmant. cum eo Domitium Cos. iunxerunt ; qua pæctio ne, epistolæ cōmittere non audeo. Pompeius fremit, queritur, Scauro studet : sed utrum fronte, an mente, dubitatur. ἐξοχή nulla est : pecunia omnium dignitatem exæquat. Messala languet, non quo aut animus desit,

aut

videgna

OCCVPA  
quod episto  
quentia te n  
hi nuntiabo



aut amici : sed coitio Consulium , & Pompeius ob-  
 sunt . ea comitia puto fore ut ducantur . Tribunitij cā  
 didati iurarunt se arbitrio Catonis petituos . apud eū  
 HS quingena deposuerunt , ut , qui a Catone damnatus  
 esset , id perderet , & competitoribus tribueretur . hæc  
 ego pridie scribebam , q̄ comitia fore putabantur . sed  
 ad te V. Cal. Sext. si facta erunt , & tabellarius non  
 erit profectus , tota comitia perscribam . quæ si , ut pu-  
 tantur , gratuita fuerint , plus unus Cato potuerit , q̄ o-  
 mnes quidem iudices . Messius defendebatur a nobis ,  
 è legatione reuocatus : nā eum Cæsari legarat Appius .  
 Seruilius edixit , ut adesset . tribus habet Pontinam , Ve-  
 linam , Metiam . pugnatur acriter : agitur tamen satis .  
 deinde me expedit ad Drusum , inde ad Scaurum . pa-  
 rantur orationibus iudices gloriosi . fortasse accedent  
 etiam Consules Dess. in quibus si Scaurus non fuerit , in  
 hoc iudicio ualde laborabit . Ex Quinti fratris lite-  
 ris suspicor iam eum esse in Britania . suspensio animo  
 expecto , quid agat . illud quidem sumus adepti , quod  
 multis , & magnis indicijs possumus iudicare , nos Cæsa-  
 ri & carissimos , & iucundissimos esse . Dionysium ue-  
 lim saluere iubeas , & eum roges , & hortere , ut quam-  
 primum ueniat , ut possit Ciceronem meum , atq; etiam  
 me ipsum erudire . Vale .

CICERO ATTICO S.

OCCVPATIONVM mearum uel hoc signū erit ,  
 quod epistola librarij manu est . De epistolarum fre-  
 quentia te nihil accuso . sed pleræque tantummodo mi-  
 hi nuntiabant ubi esses , quod erat abs te , uel etiam



significabant recte esse. quo in genere maxime delecta-  
runt duæ ferè eodem tempore abs te Bruto datæ: scire  
enim uolebam te commodè nauigasse. sed hæc epistola-  
rum frequentia non tam ubertate sua, quàm celerita-  
te delectauit. illa fuit grauis, & plena rerum, quam  
mihi M. Paccius hospes tuus reddidit. ad eam rescribā  
igitur. & hoc primum. Paccio re, & uerbis ostendi,  
quid tua commendatio ponderis haberet. itaq; in inti-  
mis est meis, cum antea notus non fuisset. nunc pergam  
ad cætera. Varro, de quo ad me scribis, includetur  
in aliquem locum, si modo erit locus. sed nosti genus  
dialogorum meorum; ut in oratorijs, quos tu in cœ-  
lum fers, non mentio potuit fieri cuiusquam ab ijs, qui  
disputant, nisi eius, qui illis notus, aut auditus esset. hæc  
ego de Rep. quam institui disputationem, in Africani  
personam, & Philii, & Lælij, & Manilij contuli. adiun-  
xi adoloscens Q. Tiberonem, P. Rutilium, duos Læ-  
lij generos, Scauolam, & Fannium. itaque cogitabam,  
quoniam in singulis libris utor pro æmijs, ut Aristoteles  
in ijs, quos ἑταίρους uocat, aliquid efficere, ut non  
sine causa istum appellarem: id quod intelligo tibi pla-  
cere. utinam modo conata efficere possim: rem enim  
(quod te non fugit) magnam complexus sum, & gra-  
uem, & plurimi otij, quo ego maxime egeo. Quod in  
ijs libris, quos laudas, personam desideras Scauolæ: non  
eam temere dimouui: sed feci idem, quod in πολιτεία  
Deus ille noster Plato, cum in Piræeum Socrates uenisset  
ad Cephalum locupletem, & festiuum senem, quoad  
primus ille sermo haberetur, adest in disputando senex:  
deinde, cum ipse quoque commodissime locutus esset, ad

rem diuin-  
ueritur. &  
fore, si ho-  
ius reuolu-  
pudat in  
ea, qua est  
corum uir-  
lano. &  
le studijs  
huic iocun-  
interesse fa-  
hi cura: cer-  
dici: & in  
storia non de-  
ut ille intelli-  
faciles, nihil  
Catone. le-  
ego tibi ma-  
libentibus,  
cum Milon-  
à Lucretio  
de pralio  
rus cum D-  
de provin-  
bi, ut quo-  
Mammy a-  
eius compo-  
fuit. nihil  
tus decreuit  
res, ab his



rem diuinam dicit se uelle discedere, neque postea reuertitur. credo Platonem uix putasse satis consonum fore, si hominem id ætatis in tam longo sermone diutius retinuisset. multo ego satius hoc mihi cauendum putauim in Scæuola, qui & ætate, & ualitudine erat ea, quæ esse meministi, & ijs honoribus, ut uix satis decorum uideretur eum plureis dies esse in Crassi Tusculano. & erat primi libri sermo non alienus à Scæuolæ studijs: reliqui libri τεχνολογίαν habent, ut scis. huic ioculatoriæ disputationi senem illum, ut noras, interesse sanè nolui. De re filiæ quod scribis, erit mihi curæ: etenim est luculenta. Aureliam, ut scribis, indicis: & in eo me etiam Tulliæ meæ uenditabo. Vestorio non desum: gratum enim tibi id esse intelligo, et, ut ille intelligat, curo: sed scis? qui cum habeat duos faciles, nihil difficilius. Nunc ad ea, quæ quæris de C. Catone. lege Iunia, & Licinia scis absolutum: Fusia ego tibi nuntio absolutum iri, neque patronis suis tam libentibus, quàm accusatoribus. is tamē & mecum, & cum Milone in gratiam redijt. Drusus reus est factus à Lucretio. iudicibus reuocandis ad V. Non. Quint. de prælio rumores non boni: sed iudicia nosti. Hirrus cum Domitio in gratia est. S. C. quod hic Consules de provincijs fecerunt, Quicumque posthac, notum tibi, ut quod. iam intelligebamus enuntiationem illam Memmij ualde Cæsari displicere. Messala noster, & eius competitor Domitius liberalis in populo ualde fuit. nihil gratius. certi erant Consules. ac senatus decreuit, ut tacitum iudicium ante comitia fieret. ab his consilijs, quæ erant omnibus sortita in sin-



gulos candidatos, magnus timor cādidatorum. sed qui-  
 \* dam iudices, in his Opimius Veietorātius, Tribunos pl.  
 \* appellarunt, ne iniussu populi iudicarent. rescidit. comi-  
 tia dilata ex S. C. dum lex de tacito iudicio ferretur. ue-  
 nit legi dies. Terentius intercessit. Consules, qui illud  
 leui brachio egissent, rem ad senatum detulerunt. hic  
 Abdera non tacente me. dices, tamen tu non quiescis?  
 ignosce, uix possum. ueruntamen quid tam ridiculum?  
 senatus decreuerat, ne prius comitia haberentur, quā  
 lex lata esset. qui si intercessisset, res integra referretur.  
 coepta ferri leuiter. intercessum non inuitis. res ad se-  
 natum. de ea re ita censuerunt: comitia primo quoq;  
 tempore haberi censere. Scaurus, qui erat paucis diebus  
 illis absolutus, cum ego partem eius ornatissime defen-  
 disse, obnuntiationibus per Scauolam interpositis, sin-  
 gulis diebus usq; ad prid. Cal. Oct. quo ego hāc die scri-  
 psi, sublatis, populo tributim domi suae satisfecerat. sed  
 tamen, & si uberior liberalitas huius, gratior esse uide-  
 batur eorum, qui occupant. cuperem uultum uide-  
 re tuum, cum hāc legeres: nam profecto rem non ha-  
 bes nullam. hāc negotia multarum nundinarum fore:  
 sed senatus hodie fuerat futurus, id est Cal. Oct. iam  
 enim luciscit. ibi loquetur, praeter Antium, & Fauo-  
 nium, liber nemo: nam Cato aegrotat. de me nihil ti-  
 mueris: sed tamen promitto nihil. quid quæris aliud?  
 iudicia, credo. Drusus, Scaurus non fecisse uidentur.  
 tres candidati fore rei putabantur, Domitius à Mem-  
 mio, Messala à Q. Pompeio Rufo, Scaurus à Tri-  
 rio, aut à L. Cesare. quid poteris, inquires, pro ijs  
 dicere? ne uiuam, si scio, in illis quidem tribus libris,

in publica

in ditione

in ditione

quis in d  
 bus veru  
 rim? cor  
 nabat? h  
 sum eff  
 + ergo ab  
 torum i  
 fremu  
 tenio:  
 ruit. X  
 pendu  
 ha quom  
 am. am  
 at (an g  
 ciuitati  
 id ne i  
 quam bo  
 rit. qu  
 un om  
 dolueru  
 meo sta  
 ad eam  
 labore  
 rura no  
 sed unde  
 per me  
 possum  
 olim, co  
 Etane. n  
 hercule



quos tu dilaudas, nihil reperio. Nūc, ut opinionem ha-  
 beas rerum, ferendum est. queris, ego me ut gesse-  
 rim? constanter, & libere. quid ille, inquires, ut fe-  
 rebat? humaniter, meaq; dignitatis, quoad mihi satisfa-  
 ctum esset, habendam sibi rationem putabat. quomodo  
 \* ergo absolutus? omnino POPPAEYMNA accusa-  
 torum incredibilis infantia, id est L. Lentuli, L. F. quem  
 fremunt omnes prauaricatum: deinde Pompeij mira cō-  
 tentio: iudicium sordes. attamen XXXII. condēna-  
 runt, XXXVIII. absoluerunt. iudicia reliqua im-  
 pendent. nondum est planè expeditus. dices, tu ergo  
 hæc quomodo fers? belle mehercule, & in eo me ualde  
 amo. amissimus mi Pomponi non omnem modo succū,  
 ac sanguinem, sed etiam colorem, & speciem pristinam  
 ciuitatis. nulla est Resp. quæ delectet, in qua acquiescā.  
 id ne igitur, inquires, facile fers? id ipsum: recordor. n.  
 quā bella paulisper nobis gubernantibus ciuitas fue-  
 rit. quæ mihi gratia relata sit, nullus dolor me angit.  
 unū omnia posse, disrumpuntur ū, qui me aliquid posse  
 doluerunt. multa mihi dant solatia. nec tamen ego de  
 meo statu demigro: quæq; uita maxime est ad naturā,  
 ad eam me refero, & literas, & studia nostra: dicendū  
 laborem delectatione oratoria consolor. domus me, &  
 rura nostra delectant. non recordor, unde ceciderim,  
 sed unde surrexerim. fratrem mecum, & te si habebo,  
 per me ista pedibus trahuntur. uobis ἐμφιλοσοφῆσαι  
 possum. locus ille animi nostri, stomachus ubi habitabat  
 olim, concaluit. priuata modo, & domestica nos dele-  
 ctant. miram securitatem uidebis: cuius plurimæ me-  
 hercule partes sunt in tuo reditu: nemo enim in terris



## LIB. IIII. EPIST.

est mihi tam consentientibus sensibus : sed accipe alia .

Res fuit ad interregnum, & est nonnullus odor Di-  
 ctaturæ, sermo quidem multus, qui etiam Gabinium  
 apud timidos iudices adiuvit. Candidati consulares  
 omnes rei ambitus. accedit etiam Gabinus : quem P.  
 Sulla non dubitans, quin foris esset, postularat contradi-  
 cente, & nihil obtinente Torquato. sed omnes absoluen-  
 tur, nec posthac quisquam damnabitur, nisi, qui homi-  
 nem occiderit. hoc tamen agitur seuerius. itaque iudi-  
 cia calent. M. Fulvius Nobilior condemnatus est. mul-  
 ti alij urbani ne respondent quidem. quid aliud novi?  
 & tamen, absoluto Gabinio, stomachantes alij iudices,  
 hora post, Antiochum Gabinium nescio quem solidis pe-  
 ctoribus libertum accensum Gabini lege Papia conde-  
 mnarunt. itaque dixit statim reus lesæ maiestatis OYC  
 \* O I M P I C A M A Φ I H I. Pontinus vult ad IIII.  
 Non. Nou. triumphare. huic obuiam Cato, & Servi-  
 lius Præt. aperte, & Q. Mutius Trib. negant enim la-  
 tum de imperio : & est latum hercule insulse. sed erit  
 cum Pontino Appius Cos. Cato tamen affirmat, se ui-  
 uo illum non triumphare. id ego puto, ut multa eius-  
 dem, ad nihil recasurum. Appius sine lege suo sum-  
 ptu in Ciliciam cogitat. Ab Quinto fratre, & à Cæ-  
 sare accepi ad IX. Cal. Nou. literas ( confecta Brita-  
 nia, obsidibus acceptis, nulla præda, imperata tamen pe-  
 cunia) datas à litoribus Britannia, proximo : ad VI.  
 Cal. Oct. exercitum Britannia reportabant. Q. Pilius  
 erat iam ad Cæsarem profectus. Tu, si aut amor in  
 te est noster, ac tuorum, aut ulla ueritas, aut si etiam  
 sapias, ac frui tuis commodis cogitas, aduentare, & pro-



pè adesse iam debes . non mehercule æquo animo te ca-  
reo : te autem quid mirum , qui Dionysium tantopere  
desiderem ? quem quidem abs te , cum dies uenerit , &  
ego , & Cicero meus flagitabit . abs te proximas literas  
habebam . Epheso , ad V. Id. Sext. datas . Vale .

CICERO ATTICO S.

O' EXPECTATAS mihi tuas literas . o' gratum ad-  
uentum . o' constantiam promissi , & fidem miram . o'  
nauigationem amandam , quam mehercule ego ualde  
timebam , recordans superioris tuæ transmissionis . sed ,  
nisi fallor , citius te , quàm scribis , uidebo : credo enim te  
putasse tuas mulieres in Apulia esse : quod cum secus  
erit , quid te Apulia moretur ? nam Vestorio dandi sunt  
dies , & ille latinus ἀττικισμὸς ex intervallo regustan-  
dus . quin tu huc aduolas & inuis illius nostræ Reip.  
germanæ . putauī de numis ante comitia tributim uno  
loco diuisis palam : uide absolutum Gabinium : de-  
tur , esse ualiturum . De Messala quod quæris : quid  
scribam , nescio : nunquam uidi tam pares candida-  
tos . Messalæ copias nosti . Scaurum Triarius reum  
fecit . si quæris , nulla est magnopere commota σὺμ-  
πράδειξ . sed tamen habet edilitas eius memoriam non  
ingratam , & est pondus apud rusticos in patris me-  
moriā . reliqui duo plebey sic exæquantur , ut Do-  
mitius ualeat amicis , adiuetur tamen non gratissi-  
mo munere , Memmius Cæsaris commendetur militi-  
bus , Pompeij Gallia nitatur . quibus si non ualuerit pu-  
tant fore aliquē , qui comitia in aduentum Cæsaris de-

I iij



## LIB. IIII. EPIST.

erudat, Catone praesertim absoluto. Paccianae epistolae respondi. cognosce caetera. Ex fratris literis incredibilia quaedam de Caesaris in me amore cognoui, eaq; sunt ipsius Caesaris uberrimis literis confirmata. Britanici belli exitus expectatur: constat enim aditus insulae esse munitos mirificis molibus. etiam illud iam cognitum est, neq; argenti scrupulum esse ullum in illa insula, neque ullam spem praedae, nisi ex mancipijs: ex quibus nullos puto te literis, aut musicis eruditos expectare.

Paulus in medio foro Basilicam iam penè texuit iisdem antiquis columnis. illam autem, quam locauit, facit magnificentissimam. quid quaeris? nihil gratius illo monimento, nihil gloriosius. itaque Caesaris amici (me dico, & Oppium) disrupparis licet, monimentum illud, quod tu tollere laudibus solebas, ut forum laxaremus, & usque ad atrium libertatis explicaremus, contempsimus sexcenties HS. cum priuatis non poterat transigi minore pecunia. efficiemus rem gloriosissimam: nam in campo Martio septa tribunitijs comitijs marmorea sumus, & tecta struendi, eaq; cingemus excelsa porticu, ut mille passuum conficiatur. simul adiungetur huic operi uilla etiam publica. dicis, quid mihi hoc monimentum proderit? ad quid laboramus res Romanas? non enim te puto de lustro, quod iam desperatum est, aut de iudicijs, quae lege Plotia fiunt, querere. Nunc te obiurgari patere, si iure: scribis enim in ea epistola, quam C. Domitius mihi reddidit Buthroto datam, in Asiam tibi eundum esse, te arbitrari. mihi mehercule nihil uidebatur esse, in quo tantulum interesset, utrum per procuratores ageres, an per te ipsum, ne toties, &



tam longe abesses. sed hæc mallem integra re tecū egisse:  
profecto enim aliquid egissem. nunc reprimam susce-  
ptam obiurgationem: utinam valeat ad celeritatem re-  
ditus tui. Ego ad te propterea minus sæpe scribo, quòd  
certum non habeo, ubi sis, aut ubi futurus sis. huic tamē  
nescio cui, quòd uidebatur is te visurus esse, putavi dan-  
das esse literas. tu quoniam iturum te in Asiam esse pu-  
tas, ad quæ tempora te expectem, facias me certiore  
uelim, & de Eutychide quid egeris. Vale.

## CICERO ATTICO S.

P V T O te existimare me non oblitum consuetudinis, &  
instituti mei rarius ad te scribere, quàm solebā. sed cum  
loca, & itinera tua nihil habere certi uideo, neq; in Epe-  
rum, neq; Athenas, neq; in Asiam, neq; cuiquam, nisi ad  
te ipsum proficiscenti dedi literas: neque enim sunt epi-  
stolæ nostræ, quæ si perlatae non sint, nihil ea res nos offen-  
sura sit, quæ tantū habent mysteriorū, ut eas ne librarijs  
quidem ferè cōmittamus. Lepidum quo excidat. Cōsules  
flagrant infamia, quòd C. Memmius candidatus pætio-  
nem in senatu recitauit, quam ipse, suus cōpetitor Domi-  
tius cum Consulibus fecisset, ut ambo HS quadringena  
Cōsulibus darēt, si essent ipsi Cōsules facti, nisi tres Au-  
gures dedissent, qui se affuisse dicerent, cum lex curiata  
ferretur, quæ lata non esset; & duos consulares, qui se  
dicerent in ornandis prouincijs consularibus scribendo  
affuisse, cum omnino ne senatus quidem affuisset. hæc pæ-  
tio non uerbis, sed nominibus, & per scriptionibus mul-  
torū tabulis cum esse facta diceretur: prolata à Mem-



LIB. IIII. EPIST.

mio est, nominibus inductis auctore Pompeio. hic Appianus erat idem: nihil sanè iacturæ. corruerat alter, & planè inquam iacebat. Memmius autem dirempta coitione invito Caluino, planè refrixerat, & eo magis nunc concitare Dictaturam, fauere iustitio, & omnium rerum licentiæ. Perspice æquitatem animi mei, & ludum, & contempnionem Seleucianæ prouinciæ, & meâ hercule cum Cæsare suauissimam coniunctionem: hæc enim me una ex hoc naufragio tabula delectat. qui quidem Quintum meum, tuumq; (Dij boni) quemadmodum tractat honore, dignitate, gratia; non secus, ac si ego essem imperator. hibernam legionem eligendi optio delata: cōmodum, ut ad me scribit. hunc tu non ames? quem igitur istorum? sed heus tu, scripseramne tibi me esse legatum Pōpeio? et extra urbem quidem fore ex Idib. Ian? uisum est hoc mihi ad multa quadrare. sed quid plura? coram (opinor) reliqua; ut tu tamen aliquid expectes. Dionysio plurimam salutem: cui quidem ego non modo seruauī, sed etiam ædificaui locum. quid quæris? ad summam lætitiā meā, quam ex tuo reditu capio, magnus ex illius aduentu cumulus accedit. quo die ad me uenies, si me amas, apud me cum tuis maneads. Vale.



M. TVLLII CICERONIS EPISTOLARVM AD T. POMPONIVM  
ATTICVM LIBER V.

CICERO ATTICO S.

GO uero et tuum in discessu uidi animum, & meo sum ipse testis. quo magis erit tibi uidendum, nequid noui discernatur, ut hoc nostrum desiderium ne plus sit annum. De Annio Saturnino curasti probe. de satisfaciendo uero te rogo, quoad eris Romae, tu ut satisfacdes. & sunt aliquot satisfactiones secundum mancipium, in his & Memmianorum praediorum, uel Atilianorum. De Oppio factum est, ut uolu, & maxime quod DCCC. aperuisti: quae quidem ego utique uel uersura facta solui uolo, ne extrema exactio nostrorum nominum expectetur. Nunc uenio ad transuersum illum extremae epistolae tuae uersiculum, in quo me admones de sorore. quae res se sic habet. ut ueni in Arpinum, cum ad me frater uenisset, in primis nobis sermo, isque multus de te fuit. ex quo ego ueni ad ea, quae fueramus ego, & tu inter nos de sorore in Tusculano locuti. nihil tam uidi mite, nihil tam placatum, quam tum meus frater erat in sororem tuam: ut etiam si qua fuerat ex ratione sumpta offensio, non appareret. illo sic die. postridie ex Arpinati profecti sumus. ut in Arcano Quintus maneret, dies fecit. ego Aquini. sed prandimus in Arcano. nosti hunc fundum. quo ut uenimus, humanissime Quintus, Pomponia, inquit,



## LIB. V. EPIST.

tu inuita mulieres, ego deciuero pueros. nihil potuit,  
 mihi quidem ut uisum est, dulcius, idq; cum uerbis, tum  
 etiam animo, & uultu. at illa audietibus nobis ego sum,  
 inquit, hic hospita. id autem ex eo, ut opinor, quod an-  
 tecefferat Staius, ut prandium nobis uideret. tum Quin-  
 tus, en, inquit mihi, hæc ego patior quotidie. dices, quid,  
 quæso, istuc erat? magnum, itaque me ipsum commoue-  
 rat, sic absurde, & aspere uerbis, uultuq; responderat.  
 dissimulaui dolens. discubimus omnes præter illam:  
 cui tamen Quintus de mensa misit: illa reiecit. quid mul-  
 ta? nihil meo fratre lenius, nihil asperius tua sorore mi-  
 hi uisum est: & multa prætereo, quæ tum mihi maiore  
 stomacho, quam ipsi Quinto fuerunt. ego inde  
 Aquinum. Quintus in Arcano remansit, & Aquinum  
 ad me postridie mane uenit, mihiq; narrauit, nec secum  
 illam dormire uoluisse, & cum discessura esset, fuisse  
 eiusmodi, qualem ego uidissem. quid quæris? uel ipsi hoc  
 dicas licet, humanitatem ei meo iudicio illo die defuisse.  
 hæc ad te scripsi fortasse pluribus, quam necesse fuit,  
 ut uideres tuas quoq; esse partes instituendi, & monen-  
 di. Reliquum est, ut ante, quam proficiscare, manda-  
 ta nostra exhaustas, scribas ad me omnia, Pontinum ex-  
 trudas. cum profectus eris, cures, ut sciam. sic ha-  
 beas, nihil mehercule te mihi nec carius esse, nec sua-  
 uius. A. Torquatum amantissime dimisi Minturnis,  
 optimum uirum, cui, me ad te scripsisse aliquid, in ser-  
 mone significes uelim. Vale.

A D V I.  
 no profic  
 Pontinum  
 ra facer  
 mihi po  
 mea ma  
 ne pater  
 bis proci  
 tum; mi  
 mihi, præ  
 mai ad e  
 annum T  
 Cumma  
 multitu  
 storio ob  
 cussa: r  
 suis uen  
 maxim  
 quam  
 non uic  
 cerem  
 post etia  
 uellem,  
 quam p  
 diri non  
 hi diam  
 quod st



## CICERO ATTICO 5.

A D V I. Id. Maías, cum has dabam literas, ex Pompeia-  
no proficiscebam; ut eo die manerem in Trebulano apud  
Pontium. deinde cogitabam sine ulla mora iusta itine-  
ra facere. in Cumano cum essem, uenit ad me (quod  
mihi pergratum fuit) noster Hortensius: cui deposceti  
mea mandata, cetera uniuerse mandaui, illud proprie,  
ne pateretur, quantum esset in ipso, prorogari no-  
bis prouincias. in quo eum tu uelim confirmes, gra-  
tumq; mihi fecisse dicas, quod & uenerit ad me, & hoc  
mihi, prætereaq; siquid opus esset, promiserit. confir-  
maui ad eam causam etiam Furnium nostrum, quem ad  
annum Tribunum pl. uidebam fore. Habuimus in  
Cumano quasi pusillam Romam: tanta erat in his locis  
multitudo: cum interim Rufio noster, quod se à Ve-  
storio obseruari uidebat, stratagemate hominem per-  
cussit: nam ad me non accessit. ita ne? cum Horten-  
sius ueniret, & infirmus, & tam longe Hortensius, cum  
maxima præterea multitudo, ille non uenit? non, in-  
quam. non uidisti igitur hominem, inquires? qui potui  
non uidere, cum per emporium Puteolanorum iter fa- *petroto*  
cerem? in quo illum, agentem aliquid credo, salutau:  
post etiam iussi ualere, cum me è Pansa uilla, nunquid  
uellem, rogasset. hunc hominem parum gratum quis-  
quam putet? aut non in eo ipso laudandum, quod au-  
diri non laborarit? sed redeo ad illud. noli putare mi-  
hi aliam consolationem esse huius ingentis molestiæ, nisi  
quod spero non longiorem annua fore. hoc me ita uelle



LIB. V. EPIST.

multi non credunt ex consuetudine aliorum. tu, qui scis, omnem diligentiam adhibebis, tum scilicet, cum id agi debebit. cum ex Epeïro redieris, de Rep. scribas ad me uelim, siquid erit, quod operiare: non dum enim satis huc erat allatum, quo modo Cæsar ferret de auctoritate per scripta: eratq; rumor de Transpadanis, eos iussos IIII. uiros creare. quod si ita est, magnos motus timeo. sed aliquid ex Pompeio sciam. Vale.

CICERO ATTICO S. 3

AD VI. Id. Maias ueni in Trebulanum ad Pontium. ibi mihi tuæ literæ binæ redditæ sunt tertio abs te die. eodem autem ex Pompeiano Philotimo dederam ad te literas. nec uero nunc erat sanè, quid scriberem. qui de Rep. rumores, scribe quæso: in oppidis enim summum uideo timorem. sed multa inania. quid de ijs cogites, & quando, scire uelim. Ad quas literas tibi rescribi uelis, nescio: nullas enim adhuc acceperam, præter quæ mihi binæ semel in Trebulano redditæ sunt. quarum altera edictum P. Licinij habebat (erant autem Non. Maijs datæ) altera rescripta ad meas Minturnenses. quàm uereor, nequid fuerit σπονδαίον in ijs, quas non accepi, quibus rescribi uis. Apud Lentulum ponam te in gratiam. Dionysius nobis cordi est. Nicanor tui operam mihi dat egregiam. iam deest quid scribam, & lucet. Beneuenti cogitabam hodie. nostra continentia, & diligentia faciemus satis. A' Pontio, ex Trebulano, ad V. Id. Maij.

BENEVENTI  
literas, quæ  
disse. ad  
Pontio. a  
alteras F  
ba Tullio  
mo, &  
meam de  
sed inopi  
quem scri  
dici, ut no  
viri esse,  
absente re  
si ueruis  
le. nunc  
deo. N  
Tullio.  
factum  
mibi em  
bito, quæ  
pendiam  
et Ligur  
niam hic  
etiam me  
clenus, n  
ceperis:  
tino rect  
dus, fa



CICERO ATTICO S.

BENEVENTVM ueni ad V. Id. Maij. ibi accepi eas literas, quas tu superioribus literis significaueras te dedisse: ad quas ego ipso eo die dederam ex Trebulano à Pontio. ac binas quidem tuas Beneuenti accepi. quarum alteras Fesulanus multo mane mihi dedit, alteras scriba Tullius. gratissima est mihi tua cura de illo meo primo, & maximo mandato, sed tua profectio spem meam debilitat. ac ne ille illud quidem labat, non quo, sed inopia cogimur eo contenti esse. De illo altero, quem scribis tibi uisum esse non alienum, uereor adduci, ut nostris possit ( & tuis  $\delta\upsilon\sigma\delta\iota\alpha\gamma\gamma\omega\sigma\tau\omicron\nu$  )  $\pi\rho\sigma$   $\nu\epsilon\upsilon\sigma\tau\iota\nu$  esse, et quidem summe facilis. sed tu aberis, & me absente rei habebis rationem meæ: non posset aliquid, si uteruis nostrum adesset, agente Seruio fieri probabile. nunc si iam res placeat, agendi tamen uiam nam ui deo. Nunc uenio ad illam epistolam, quam accepi à Tullio. De Marcello fecisti diligenter. igitur S. C. si erit factum, scribes ad me: sin minus, rem tamen conficies: mihi enim attribui oportebit, item Bibulo. sed non dubito, quin S. C. expeditum sit, in quo præsertim sit compendium populi. De Torquato probe. De Massone, et Ligure, cu uenerint. De illo, quod Cherippus ( quoniam hic quoque  $\pi\rho\sigma$   $\nu\epsilon\upsilon\sigma\tau\iota\nu$  sustulisti ): o prouincia, etiam ne hic mihi curandus est? curandus autem? hæc etenus, nequid ad senatū: Consule, aut numerat: nā D C. ceperis: sed tamen cōmode, q̄ cum Scrofa. De Pontino recte scribis: est enim ita, ut, si ante Cal. Iun. Brundisij futurus sit, minus urgendi fuerint M. Annii,



LIB. V. EPIST.

Tullius. Quae de Sicinio audisti, ea mihi probantur, modo ne illa exceptio in aliquem incurrat bene de nobis meritum. sed considerabimus: rem enim probo.

De nostro itinere, quod statuerò; de quinque praefectis, quid Pompeius facturum sit, cum ex ipso cognoro, faciam, ut scias. De Oppio bene curasti, quod ei DCCC. exposuisti. idque, quoniam Philotimum habes, perfice, et cognosce rationem, et ut agam amplius, si me amas, priusquam proficiscaris, effice. magna me cura leuaret. habes ad omnia. etsi penè praetery. chartam tibi deesse, mea cautio est: siquidem eius inopia minus multa ad me scribis. tu uero aufer ducentos. etsi meam in eo parsimoniam huius paginae contractio significat, dum acta, et rumores uellet. iam si qua certa habes de Caesare, expecto literas: et alias Pontino de omnibus rebus diligentes dabis. Vale.

CICERO ATTICO S. 5

PLANE deest, quod scribam: nam nec, quid mandem, habeo; nihil enim praetermissum est: nec quid narrem; noui enim nihil: nec iocandi locus est; ita me multa sollicitant. tantum tamen scito, Idibus Maiis nos Venusia mane proficiscentes has dedisse. eo autem die credo aliquid actum in senatu. sequantur igitur nos tuae literae, quibus non modo res omnes, sed etiam rumores cognoscamus. eas accipiemus Brundisij: ibi enim Pontinum ad eam diem, quam tu scripsisti, expectare consilium est. Nos Tarenti quos cum Pompeio διαλόγου de Rep. habuerimus, ad te perscribemus. etsi id ipsum scire cupio, quod ad tempus recte ad te



ad te scribere possem, id est quandiu Romæ futurus sis, ut, aut quò dem posthac literas, sciam, aut ne dem frustra. sed ante, quàm proficiscare, utique explicatum sit illud HS XX & DCCC. hoc uelim in maximis rebus, & maxime necessarijs habeas, ut, quod auctore te uelle cœpi, adiutore assequar. Vale.

CICERO ATTICO S. 6

T A R E N T V M ueni ad XV. Cal. Iun. quòd Pontinũ statueram expectare, còmodissimum duxi dies eos, quòd ad ille ueniret, cū Pompeio consumere, eoq; magis, quòd ei gratum esse id uidebam, qui etiam à me petierit, ut secum, & apud se essem quotidie: quod cōcessi libenter: multos enim eius præclaros de Rep. sermones accipiam: instruam etiam cōsilijs idoneis ad hoc nostrum negotiũ. sed ad te breuior iam in scribendo incipio fieri, dubitans Romæ ne sis, an iam profectus. quod tamẽ quoad igno rabo, scribam aliquid potius, q̃ committam, ut tibi cum possint reddi à me literæ, non reddantur. nec tamen iã habeo, quid aut mandem tibi, aut narrem: mandavi omnia, quæ quidem tu, ut polliceris, exhauries: narrabo, cum aliquid habeo noui. illud tamen nō desinam, dum adesse putabo, de Cæsaris nomine rogare, ut confectum relinquo. auide expecto tuas literas, & maxime, ut no rim tempus profectiois tuæ. Vale.

CICERO ATTICO S. 7

Q U O T I D I E, uel potius in dies singulos breuiores lite ras ad te mitto: quotidie enim magis, ac magis suspicor

K



## LIB. V. EPIST.

te in Eperū iam profectum. sed tamen, ut mandatum scias me curasse; quot ante, dit se Pompeius quinos præfectos delaturum novos, uacationes, iudiciariā causam.

Ego cū triduum cum Pompeio, & apud Pompeium fuisset, proficiscebam Brundisium ad XIII. Cal. Iun. ciuem illum egregium relinquebam, & ad hæc, quæ timentur, propulsanda paratissimum. tuas literas expectabo, cum ut, quid agas, tum ut, ubi sis, sciam. Vale.

CICERO ATTICO S. 8.

M E E T incommoda ualetudo, qua iam emerferam, utpote cum sine febris laborassem, & Pontini expectatio, de quo adhuc ne rumor quidem uenerat, tenebat duodecimum iam diem Brundisij: sed cursum expectabamus. tu, si modo es Romæ (uix enim puto) sin es, hoc uehementer animaduertas uelim. Romæ acceperam literas, Milonem meum queri per literas iniuriam meam, quod Philotimus socius esset in bonis suis. id ego ita fieri uolui de C. Dronij sententia, quem & amicissimum Miloni perspexeram, & talem uirum, qualem tu iudicas, cognoram. eius autem consilium, meumq; hoc fuerat: primum, ut in potestate nostra esset res, ne illum malus emptor alienis macipijs, quæ permulta secum habet, spoliaret: deinde, ut Faustæ, cui cautum ille esse uoluisset, ratum esset: erat etiam illud, ut ipsi nos, si quid seruari possit, quam facillime seruaremus: nunc rem totam perspicias uelim: nobis enim scribuntur sepe maiora. sed si ille queritur, si scribit ad amicos, si idem Faustæ uult: Philotimus (ut ego ei coram dixeram, mihiq; ille



reperat) ne sit invito Milone in bonis: nihil nobis fue-  
rat tanti. sin hæc leniora sunt, tu iudicabis. loquere  
cum Duronio. scripsi etiam ad Camillum, ad Lamiam,  
eoq; magis, q̃ non confidebā Romæ te esse. summa erit  
hæc. statues, ut ex fide, fama, req; mea uidebitur. Vale.

## CICERO ATTICO S.

A CTIVM uenimus ad XVII. Cal. Quint. cum qui-  
dem & Corcyra, & Sybotis muneribus tuis, quæ &  
Areus, & meus amicus Eutychides opipare, & φιλox-  
πονος, & ræta nobis concesserant, epulati essemus sa-  
liarem in modum. Actio maluimus iter facere pedi-  
bus, qui incommodissime nauigassemus: & Leucathen  
flectere, molestum uidebatur: ætuarijs autem minutis  
Patras accedere sine ijs impedimentis, non satis uisum  
est decorum. Ego, ut sæpe tu me currētem hortatus  
es, quotidie meditor: præcipio meis: faciam denique, ut  
summa modestia, et summa abstinentia munus hoc ex-  
traordinarium traducamus. Parthus uelim quiescat,  
& fortuna nos iuuat: nostra præstabimus. Tu, quæ-  
so, quid agas, ubi quoque hoc tempore futurus sis, quæ-  
lers res nostras Romæ reliqueris, maxime de CXX, &  
de DCCC, cura, ut sciamus. id unis diligenter lite-  
ris datis, quæ ad me utique perferantur, cōsequere. il-  
lud tamen (quoniam nunc abes, cum id nō agitur: ade-  
ris autem ad tempus, ut mihi scripsisti) memento cura-  
re per te, & per omnes nostros, in primis per Hortensi-  
um, ut annus noster maneat suo statu, ne quid noui de-  
cernatur. hoc tibi ita mardo, ut dubitem, an etiam

K ij



te rogem, ut pugnes, ne intercaletur. sed non audeo tibi omnia onera imponere. annum quidem utique teneto. Cicero meus, modestissimus, & suauissimus puer, tibi salutem dicit. Dionysium semper equidem, ut scis, dilexi, sed quotidie pluris facio, & mehercule in primis, quod te amat, nec tui mentionem intermittere sinir. Vale.

CICERO ATTICO S.

V T Athenas ad XV. Cal. Quint. ueneram, expectabam ibi iam quartum diem Pontinum, neque de eius aduentu certi quicquam habebam: erat autem totus, crede mihi, tecum: & quamquam sine ipsis per me ipse, tamen acrius, uestigiis tuis monitus, de te cogitabam. quid quaeris? non mehercule alius ullus sermo, nisi de te. sed tu aliquid de me ipso scire fortasse mauis. haec sunt. Adhuc sumptus nec in me aut publice, aut priuatim, nec in quenquam comitum. nihil accipitur lege Iulia, nihil ab hospite. persuasum est omnibus meis seruendum esse famae meae. belle adhuc, hoc animaduersum, Graecorum laude, & multo sermone celebratur. quod superest, elaboratur in hoc a me, sicut tibi sensi placere. sed haec tum laudemus, cum erunt perorata. reliqua sunt eiusmodi, ut meum consilium saepe reprehendam, quod non aliqua ratione ex hoc negotio emerferim. o rem minime aptam meis moribus. o illum uerum, εἰς ὅτις. dices, quid adhuc? non dum enim in negotio uersaris? nescio, & puto molestiora restare. sed haec ipsa fero equidem fronte, ut puto, & uultu belliss. sed angor intimis sensibus: ita multa uel iracunde, uel insolenter, uel in omni genere stultitiae in-



sulse, arroganter & dicuntur, & tacentur quotidie. quæ, non quo te cælē, non perscribo, sed quia δυσόκοί = μντα sunt. itaque admirabere meam βαδύτητα, cum salui redierimus: tanta mihi μελέτη huius uirtutis datur. ergo hæc quoque hæctenus: & si mihi nihil erat propositū ad scribendū, quia, quid ageres, ubi terrarum esses, ne suspicabar quidē: nec hercule unquam tandiu ignarus rerum mearum fui, quid de Cæsaris, quid de Milonis nominibus actum sit. hac non modo nemo, sed ne rumor quidem quisquam; ut sciremus, in Rep. quid ageretur. quare si quid erit, quod scias de ijs rebus, quas putabis scire me uelle, per mihi gratū erit, si id curaris ad me perferendū. quid est præterea? nihil sanē, nisi illud: ualde me Athenæ delectarunt: turbæ dūtaxat? & urbis ornamentum, & hominū amores in te, in nos quadam beneuolentia, sed multū ea philosophia, αἶψα, καὶ χάτω, si quidem est in Aristo, apud quē eram: nā Xenonem tuum, uel nostrum potius Quinto concesseram: & tamen propter uicinitatem totos dies simul eramus inuicem. Cum primum poteris, tua consilia ad me scribas, ut sciam, quid agas, ubi quoque, & maxime quando Romæ futurus sis. Vale.

## CICERO ATTICO S.

H VI, toties ne me literas dedisse Romam, cū ad te nullas darem? at uero posthac frustra potius dabo, q̄, si recte dari potuerint, committam, ut non dem. Ne provincia nobis prorogetur, per fortunas, dū ades, quicquid prouideri potest, prouide. non dici potest, quā flagrem desiderio Urbis, quā uix harum rerum in-

K iij



## LIB. V. EPIST.

\* fulsitatem feram. Marcellus sedendi comes, & si ille magistratum non gesserit, erit tamen Transpadanus. ita mihi uidetur non minus stomachi nostro Casari fecisse. sed hoc ipse uiderit. Pōpeius mihi quoque uidebatur (quod scribis Varronem dicere) in Hispaniam certe iturus. id ego minime probabam; qui quidem Theophrasti facile persuasi, nihil esse melius, quàm illud, nusquam illum discedere. ergo Græcus incumbet. ualet autem auctoritas eius apud illum plurimum. ego has prid. Non. Quint. proficiscēs Athenis dedi, cum ibi decem ipsos fuisset dies. uenerat Pontinus. nam Cn. Volusius aderat Quæstor. tuus unus Tullius aberat. & περὶ Ῥωδίων, & διὰ Μιτυληναίων habebam, & aliquid ἐμπροσθεν. De Parthis erat silētium. Quod superest, Dij iuuēt. nos adhuc iter per Græciam summa cum admiratione fecimus. nec mehercule habeo, quod adhuc quem accusēm meorum. uidentur mihi nosse nos, nostram causam, & conditionem profectio- nis suæ. plane seruiunt existimationi meæ. quod superest, si uerum illud est, διὰ τὸ ἂν δέσποιναν, certe per- manebunt: nihil enim à me fieri ita uidebunt, ut sibi sit delinquendi locus. sin id parum profuerit, fiet ali- quid à nobis seuerius: nam adhuc lenitate dulces su- mus, & ut spero, proficimus aliquantum. sed ego hāc, ut singuli dicunt, ἀνέστη in unum annum meditat- us sum: proinde pugna, ne, si quid prorogatum sit, turpis inueniar. Nunc redeo ad quæ mihi mandas. in præ- fectis excusatio: ijs, quos uoles, deferto. non ero tam μετέωρος, quàm in Apuleio fui. Xenonē tam diligo, quàm tu: quod ipsum sentire certo scio. apud Patro-



nem, & reliquos Barones te in maxima gratia posui: et hercule merito tuo feci: nā mihi is ter dixit, te scripsisse ad se, mihi ex illius literis rem illam curae fuisse. quod ei pergratum erat. sed cum Patro mecum egisset, ut peterem à uestro Ariopago, ὑπομνηματιστὸν tollerent, quem Polycharmo Pratore fecerant: cōmodius uisum est & Xenoni, & post ipsi Patroni, me ad Memmium scribere, qui pridie, quā ego Athenas ueni, Mitylenas profectus erat, ut is ad suos scriberet, posse id sua uolūtate fieri: non enim dubitabat Xeno, quin ab Ariopagitis inuito Memmio impetrari non posset. Memmius autem aedificandi consiliū abiecerat, sed erat Patroni iratus. itaque scripsi ad eum accurate: cuius epistolae misi ad te exemplum. Tu uelim Piliam meis uerbis consolare: indicabo enim tibi: tu illi nihil dixeris. accepi fasciculum, in quo erat epistola Piliae: abstuli, aperui, legi: ualde scripta est συμπαθῶς. Brundusio quae tibi epistolae redditae sunt sine mea, tum uidelicet datae, cum ego me non belle haberem: nam illam νομᾶν δ' εἰς αὐτὴν excusationem ne acceperis. cura, ut omnia sciam, sed maxime, ut ualeas.

CICERO ATTICO S. 12.

NEGOTIVM magnum est nauigare, atque id mense Quint. sexto die Delum Athenis uenimus. prid. Non. Quint. à Piræo ad Zostera uēto molesto, qui nos ibidē Nonis tenuit. ad V III. Id. ab Ceo iucunde. inde Gyrum saeuo uento, non aduerso: hinc Scyrū: inde Delū, utroque citius, quā uellemus, cursum confecimus. iam nosti ἀφ' ἑαυτῶν Rhodiorum. nihil, quod minus fluctum

K iij



## LIB. V. EPIST.

ferre possit. itaque erat in animo nihil festinare, Delo  
nec me mouere, nisi omnia ἀναγκαίῃς iura uidissem.  
De Messala ad te statim, ut audiui, de Gyaro dedi lite-  
ras, & id ipsum consilium nostrū etiam ad Hortensium.  
cui quidem ualde συντυχίων. sed tuas de eius iudicii  
sermonibus, & mehercule omni de Reip. statu literas  
expecto, πολιτικώτερον quidem scriptas (quonia meos cū  
Thallumeto nostro peruolutas libros) eiusmodi inquam  
literas, ex quibus ego, non quid fiat (nā id uel Helonius  
uir gratissimus potest efficere cliēs tuus) sed quid futu-  
rum sit, sciam. cū hęc leges, habebimus Consules. o-  
mnia perspicere poteris de Casare, de Pompeio, de ipsis  
iudicys. Nostra autem negotia (quoniam Romæ cō-  
moraris) amabo te explica. cui rei fugerat me rescribe-  
re, de strue salinarum plane rogo. de aqua, si quid po-  
terit fieri, eo sis animo, quo soles esse. quam ego cū mea  
sponte, tum tuis sermonibus aestimo plurimi. ergo quid  
conficies. pręterea si quid Philippus rogauit, quod in  
tua re faceres, id uelim facias. plura scribā ad te, cum  
constitero: nunc eram plane in medio mari. Vale.

CICERO ATTICO S. 13

EPHESVM uenimus ad XI. Cal. Sext. sexagesimo,  
& quinto post pugnam Bouillam. nauigauimus si-  
ne timore, & sine nausea, sed tardius propter A-  
phraſtorum Rhodiorum imbecillitatem. De con-  
cursu legationum, priuatorum, & de incredibili  
multitudine, quę mihi iam Sāmī, sed mirabilem in  
modum Ephesi pręsto fuit, aut audisse te puto, aut



quid ad me attinet? ueruntamen de Cumanis uenissem cum imperio, Græci quasi Ephesio Pratori se alacres obtulerunt. ex quo te intelligere certo scio, multorum annorum ostentationes meas nunc in discrimen esse additas. sed, ut spero, utemur ea palestra, quam à te didicimus: omnibusq; satisfaciemus, & eo facilius, q̃ in nostra prouincia confectæ sunt pactiones. sed hætenus, præsertim cum coenanti mihi nuntiaret. Sestius, se de nocte proficisci. Tua negotia Ephesi curæ mihi fuerunt: Thermoq; tametsi ante aduētum meum liberatissime erat pollicitus tuis omnibus, tamen Philogenem, & Seium Rhodium, & Apollonicensem Xenonem commendauit. omnino omnia se facturū recepit. ego præterea rationem Philogeni permutationis eius, quam tecum feci, edidi. ergo hæc quoque hætenus. Redeo ad urbana. Per fortunas (quoniam Romæ manes) primum illud præfulci, atque præmuni quaeso, ut simus annui, ne intercaletur quidem: deinde exhauri mea madata, maximeq; si quid potest, de illo domestico, scrupulum quē non ignoras: deinde de Cæsare: cuius in cupiditatem te auctore incubui, nec me piget. & si intelligis, q̃ meū sit scire, & curare, quid in Rep. fiat, fiat autē? immo uero etiam quid futurum sit: perscribe ad me omnia, sed diligentissime, in primisq; quid iudiciorum status auctorum, aut futurorū etiam laboret. de aqua, si curæ est, si quid Philippus aget, animaduertes. Vale.

CICERO ATTICO S. 14

A N T E, quàm aliquo loco confedero, neque lōgas à me, neque semper mea manu literas expectabis. cū autem



## LIB. V. EPIST.

erit spatium, utrumque præstabo. nunc iter conficiebam  
 mus æstiuosa, & puluerulenta uia. dederam Epheso pridie  
 has dedi Trallibus. in provincia mea fore me pu  
 tabam Cal. Sext. ex ea die, si me amas, παράγγελμα ἐναιού  
 σιον commoueto. tamen interea hæc, que uellem, mihi  
 afferebantur: primum otium Parthicum: deinde con  
 fectæ pactiones publicanorum: postremo seditio militum  
 sedata ab Appio, stipendiumque eis usque ad Id. Quint.  
 persolutum. nos Asia accepit admirabiliter. aduentus no  
 ster ne numo quidem sumptui fuit. spero meos omnes  
 seruire laudi meæ: tamen magno timore sum: sed be  
 ne speramus. omnes iam nostri præter Tullium tuum  
 uenerunt. erat mihi in animo recta proficisci ad exer  
 citum, æstiuos menses reliquos rei militari dare, hybernos in  
 risdictioni. Tu uelim, si me nihilo minus nostri curio  
 sum in Rep. quod te, scribas ad me omnia, quæ sint, quæ ue  
 futura sint. nihil mihi gratius facere potes: nisi tamē  
 id erit mihi gratissimum, si, quæ tibi mandauī, confece  
 ris, in primis, quid illud ἐνδ'όμουρον: quo mihi scis nihil  
 esse carius. Habes epistolam plenam festinationis, &  
 pulueris. reliquæ subtiliores erunt. Vale.

CICERO ATTICO S.

**L** AODICEAM ueni prid. Cal. Sext. ex hoc die clauō  
 \* animo uerbis. nihil exoptatius aduētū meo, nihil carius.  
 sed est incredibile, quā me negotij tædet. non habeat  
 satis magnum campum ille tibi non ignotus cursus ani  
 mi, & industriæ meæ? præclara opera cessent? quippe  
 ius Laodiceæ me dicere, cum Romæ A. Plorius dicat? &



cum exercitum noster amicus habeat, tantū me nomen habere duarum legionum? exiliū. denique hæc non desidero: lucem, forum, urbem, domum, uos desidero. sed feram, ut potero: sim modo annuus. si prorogatur, actum est. uerum perfacile resisti potest. tu modo Romæ sis. Queris, quid hic agam: ita uiuam, ut maximos sumptus facio. mirifice delector hoc instituto. admirabilis abstinentia ex præceptis tuis: ut uerear, ne illud, quod tecum permutaui, uersura mihi soluendum sit. Appij uulnera non refrico, sed apparent, nec oculi possunt. iter Laodicea faciebam ad III. Non. Sext. cum has literas dabam, in castra in Lycæoniam. inde ad Taurum cogitabam, ut cum Morphagene signis collatis, si possem, de seruo tuo deciderem. clitellæ boui sunt impositæ. plane non est nostrum onus, sed fereamus. modo, si me amas, sim annuus. adsis tu ad tempus, ut senatum excites. mirifice sollicitus sum, quod iandiu ignota sunt mihi ista omnia. quare, ut ad te ante scripsi, cum cætera, tum Resp. cura ut mihi nota sit. plura scribam aliàs. tarde tibi reddituro, sed dabam familiari homini, ac domestico C. Andronico Puteolano. tu autem sæpe dare tabellariis publicanorum poteris, promagistris scripturæ, & portus, & nostrarum dioecesum. Vale.

CICERO ATTICO S.

ET SI in ipso itinere, & uia discedebant publicanorum tabellarij, & eramus in cursu: tamen surripiendū aliud quid putaui spatij, ne me inmemorem mandati tui putares. itaque subsedi in ipsa uia, dū hæc, quæ longiorem



## LIB. V. EPIST.

desiderant orationem, summam tibi perscriberem.

Maxima expectatione in perditam, & plane euer-  
sam in perpetuum provinciam nos uenisse scito prid.  
Cal. Sext. moratus triduum Laodiceæ, triduum Apa-  
meæ, totidem dies Synnade. audiuius nihil aliud, nisi  
imperata ἐπιχειρήματα solvere non posse: possessiones o-  
mnium uenditas: ciuitatum gemitus, ploratus, mon-  
stra quædam non hominis, sed feræ nescio cuius imma-  
nis. quid quæris? tædet omnium nos uitæ. leuantur  
tamen misere ciuitates, quod nullus sit sumptus in nos,  
neque in legatos, neque in Quæstorem, neque in quen-  
quam. scito non modo nos fœnum, aut quod lege Iu-  
lia dari solet, non accipere, sed ne ligna quidem, nec,  
præter quatuor lectos, & tectum, quenquam accipere  
quicquam, multis locis ne tectum quidem, & in taber-  
naculo manere plerumque. itaque incredibilem in mo-  
dum concursus fiunt ex agris, ex uicis, ex domibus o-  
mnibus. mehercule etiam aduentu nostro reuiuiscunt  
iustitia, abstinentia, clementia tui Ciceronis: itaque opi-  
niones omnium superauit. Appius, ut audiuit nos ue-  
nire, in ultimam provinciam se coniecit Tarsum us-  
que: ibi forum agit. De Partho silentium est: sed  
tamen concisos equites nostros à barbaris nuntiabant  
ij, qui ueniebant. Bibulus ne cogitabat quidem eti-  
am nunc in provinciam suam accedere. id autem fa-  
cere ob eam causam dicebant, quod tardius uellet de-  
cedere. Nos in castra properabamus, quæ aberant  
bidui. Vale.



## CICERO ATTICO S.

**A** CCEPI Roma sine epistola tua fasciculum literarū.  
 in quo si modo ualueris, & Romae fuisti, Philotimi du-  
 co esse culpam, non tuam. hanc epistolam dictavi se-  
 dens in rheda, cum in castra profiscerer, ab quibus  
 aberam bidui. paucis diebus habebam certos homines,  
 quibus darem literas: itaque eò me seruavi. Nos ta-  
 mē, etsi hoc te ex alijs audire malo, sic in provincia nos  
 gerimus, quod ad abstinentiam attinet, ut nullus terun-  
 tius insumatur in quenquā. id fit etiam & legatorum,  
 & Tribunorum, & praefectorum diligentia: nam o-  
 mnes mirifice συμφιλοδοξούσιν gloriae meae. Lepta no-  
 ster mirificus est. sed nunc propero. perscribam ad te  
 paucis diebus omnia. Cicerones nostros Deiotarus fi-  
 lius, qui Rex ab senatu appellatus est, secum in regnum,  
 dum in aestiuis nos essemus. illum pueris locū esse bel-  
 lissimum duximus. Sestius ad me scripsit, quae tecum  
 esset de mea domestica, et maxima cura locutus, et quid  
 tibi esset uisum. amabo te, incumbe in eam rem, & ad  
 me scribe, quid & possit, & tu censeas. idem scripsit  
 Hortensius de proroganda nostra prouincia dixisse ne-  
 scio quid. mihi in Cumano, diligentissime se, ut annui es-  
 semus, defensurum, receperat. si quicquam me amas,  
 hunc locum ama. dici nō potest, quā inuitus à uobis  
 absim. & simul hanc gloriam iustitiae, & abstinentiae  
 fore illustriore spero, si cito decesserimus. id quod sca-  
 uolae contigit, qui solos nouē menses Asiae praefuit.  
 Appius noster, cum me aduentare uideret, profectus est



## LIB. V. EPIST.

Tarsum usque Laodicea . ibi forum agit, cum ego sum  
in provincia . quam eius iniuriam non insector : satis  
enim habeo negotij in sanādis uulneribus, quæ sunt im-  
posita provincie . quod, do operam, ut faciam quāmi-  
nima illius contumelia. sed hoc Bruto nostro uelim di-  
cas, illum fecisse non belle, qui aduentu meo, quā lon-  
gissime potuerit, discesserit. Vale.

CICERO ATTICO S. 18

QVAM uellem Romæ esses, si forte non es : nihil enim  
certi habebamus, nisi accepisse nos tuas literas ad  
XIIII. Cal. Sext. datas, in quibus scriptum esset, te  
in Epeirum iturum circiter Cal. Sext. sed siue Romæ  
es, siue in Epeiro, Parthi Euphratem transierunt  
duce Pacoro Orodīs Parthorum Regis filio, cunctis re-  
ferto copijs . Bibulus non dum audiebatur esse in Sy-  
ria . Cassius in oppido Antiochia cum omni exercitu .  
nos in Cappadocia ad Taurum cum exercitu ad Cybi-  
stra . hostis in Cyrhestica, quæ Syriæ pars proxima est  
provincie meæ . his de rebus scripsi ad senatum . quas  
literas, si Romæ es, uidebis putes ne reddendas : & mul-  
ta, immo omnia . quorum κεφάλαιον, ne quid inter cæ-  
sa, & porrecta ( ut aiunt ) oneris mihi addatur, aut  
temporis : nobis enim hac infirmitate exercitus, inopia  
sociorum, præsertim fidelium, certissimum subsidium  
est hyems, ea si uenerit, nec illi ante in meam provinciā  
transierint . unum uereor, ne senatus propter urba-  
narum rerum metū Pompeium nolit dimittere . quod  
si alium ad uer mittit, non laboro . nobis modo tem-



poris ne quid prorogetur. hæc igitur, si Romæ es. sin-  
 abes, aut etiam si ades, hæc negotia sic se habent.  
 Stamus animis, & quia consilijs, ut uidemur, bonis  
 utimur, speramus etiã manu. tuto cõsedimus, copioso à  
 frumento, Ciliciam propè conspiciente, expedito ad mu-  
 tandam loco, paruo exercitu, sed, ut spero, ad beneuo-  
 lentiam erga nos consentiente: quem nos Deiotari ad-  
 uentu cum suis omnibus copijs duplicaturi eramus. so-  
 cijs multo fidelioribus utimur, q̃ quisquam usus esset:  
 quibus incredibilis uidetur & nostra mansuetudo, &  
 abstinentia. delectus habetur ciuium Romanorum.  
 frumentum ex agris in loca tuta comportatur. si fue-  
 rit occasio, manu: sin minus, locis nos defendemus. qua-  
 re bono animo es: uideo enim te, & quasi coram adsis,  
 ita cerno *συντάξαι* amoris tui. sed te rogo, si ullo pa-  
 ãto fieri poterit, si integra in senatu nostra causa ad  
 Cal. Ian. māsērit, ut Romæ sis mēse Ianuario. profecto  
 nihil accipiã iniuriã, si tu aderis. amicos Cõsules habe-  
 mus, nostrum Trib. pl. Furnium. uerũ tua est opus assi-  
 duitate, prudentia, gratia. tempus est necessariũ. sed  
 turpe est me pluribus uerbis agere tecum. Cicerones  
 nostri sunt apud Deiotarum: sed, si opus erit, deducen-  
 tur Rhodũ. Tu, si es Romæ; ut soles, diligentissime:  
 si in Epeiro, mitte tamen ad nos de tuis aliquem tabella-  
 rium, ut & tu, quid nos agamus, & nos, quid tu agas,  
 quidq; acturus sis, scire possimus. Ego tui Bruti rem  
 sic ago, ut suam ipse non ageret. sed iam exhibeo pupil-  
 lum, neq; defendo: sunt enim negotia & lenta, & inã-  
 nia. faciam tamen satis, tibi quidem, cui difficilius est,  
 quàm ipsi: sed certè satisfaciam utrique. Vale.



OBSIGNARAM iam epistolam, eam, quam puto te modo perlegisse scriptam mea manu, in qua omnia continentur, cum subito Appij tabellarius ad XI. Cal. Oct. septimo quadragesimo die Roma celeriter (hui tam longe) mihi tuas literas reddidit: ex quibus non dubito, quin, ut Pompeium expectaris, dum Arimino rediret, etiam in Epeirum profectus sis: magisq; uereor, ut scribis, ne in Epeiro sollicitus sis non minus, quam nos hic sumus. De Atiliano nomine scripsi ad Philotimū, ne appellaret Messalam. Itineris nostri famam ad te peruenisse lator, magisq; letabor, si reliqua cognoris. Fiolam tuā tibi iam Romae iucundam esse gaudeo; eamq;, quam nunquam uidi, tamen et amo, et amabilem esse certo scio. etiam atque etiam uale. De Patrone, et tuis condiscipulis, quae de Tarentinis in militia laboravi, ea tibi grata esse gaudeo. Quod scribis libenter, repulsam tulisse eum, qui cum sororis tuae filij patruo certaret: magni amoris signū: itaque me etiam admonuisti, ut gauderem: nam mihi in mentem non uenerat. non credo, inquis. ut libet: sed plane gaudeo, quoniam τὸ νῆμεσθ'ν interest τοῦ φθονεῖν. Vale.

SATURNALIBVS mane se mihi Pindentissae dediderunt septimo, et quinquagesimo die, postquam oppugnare eos coepimus. qui (malum) isti Pindentissae? qui sunt? inquires: nomen audiui nunquam. quid ego faciam? non potui Ciliciam, Aetoliam, aut Macedoniam



niam reddere. hoc iam sic habeto, nec hoc exercitu hic tanta negotia geri potuisse. quæ cognosce ἐν ἐμπομῇ: sic enim concedis mihi proximis literis. Ephesum ut uenerim, nosti, qui etiā mihi gratulatus es illius diei celebritate; quæ nihil me unquam delectauit magis. inde oppidis, ijs, quæ erant, mirabiliter accepti, Laodiceam prid. Cal. Sext. uenimus. ibi morati biduum, perillustres fuimus, honorificisq; uerbis omnes iniurias reuelimus superiores. quod \* Dein Apameæ quinque dies morati, Synnadis triduum, Philomeli quinque dies, Iconij decem fecimus. nihil ea iurisdictione æquabilius, nihil lenius, nihil grauius. inde ad castra ueni ad VII. Cal. Sept. ad III. exercitum lustravi apud Iconium. ex his castris, cum graues de Parthis nuncij uenirent, perrexi in Ciliciam per Cappadociæ partem eam, quæ Ciliciam attingit, eo consilio, ut Armenius Artuasdes, & ipsi Parthi Cappadocia se excludi putarent. cum dies quinque ad Cybistra Cappadociæ castra habuissem, certior sum factus Parthos ab illo aditu Cappadociæ longe abesse, Ciliciæ magis imminere: itaque confestim iter in Ciliciam feci per Tauripylas: Tarsum ueni ad III. Non. Oct. inde ad Amanum contendit, qui Syriam à Cilicia aquarum diuortio diuidit, qui mons erat hostium plenus sempiternorum. hic ad III. Id. Oct. magnum numerum hostium cecidimus: castella munitissima nocturno Pontini aduentu, nostro matutino cepimus, incendimus: imperatores appellati sumus: castra paucos post dies habuimus, ea ipsa, quæ contra Darium habuerat apud Issum Alexander imperator haud paulo melior, quàm aut tu, aut ego. ibi dies quinque

L



LIB. V. EPIST.

morati, direpto, & uasato Amano inde discessimus. interim (scis enim quadam πανικὰ dici, item τὰ κενὰ τοῦ πολέμου) rumore aduentus nostri & Cassio, qui Antiochia tenebatur, animus accessit, & Parthis timor iniectus est. itaque eos cedentes ab oppido Cassius insecutus, rem bene gessit. qua in fuga magna auctoritate Osaces dux Parthorum uulnus accepit, eoq; interijt paucis post diebus. erat in Syria nostrum nomen in gratia. uenit interim Bibulus. credo, uoluit appellatione hac inani nobis esse par. in eodem Amano coepit laureolam in mustaceo querere. at ille cohortem primam totam perdidit, centurionemq; primipili nobilem sui generis Asiniū Dentonem, & reliquos cohortis eiusdem, & Sex. Lucium T. Gaiij Cepionis, locupletis, & splendoris hominis filium, Tribunū militum. sanè plagam odiosam acceperat cum re, tum tempore. nos Pindenissum, quod oppidum munitissimum Eleutherocilicum omnium memoria in armis fuit (feri homines, & acres, & omnibus rebus ad defendendum parati) cinximus uallo, & fossa, aggere maximo, uineis, turre altissima, magna tormentorum copia, multis sagittarijs. magno labore, apparatu, multis saucijs nostris, incolumi exercitū negotium confecimus. hilara sanè Saturnalia. militibus quoque, equis exceptis, reliquam prædam concessimus. mancipia uenibant Saturnalibus tertijs. cum hæc scribebam in tribunali, res erat ad HS. CXX. hinc exercitum in hyberna agri male pacati deducendum Quinto fratri dabam. ipse me Laodiceam recipiebam. hæc adhuc. sed ad præterita reuertamur. Quod me maxime hortaris, & quod pluris est, quàm omnia, in quo



laboras, ut etiam Ligurino μῶςω satisfaciam: moriar,  
 si quidquam fieri potest elegantius. nec tamen ego  
 hanc continentiam appello, quæ uirtus uoluptati resiste-  
 re uidetur. ego in uita mea nulla unquam uoluptate  
 tanta sum affectus, quanta afficior hac integritate.  
 nec me tam fama, quæ summa est, quàm res ipsa dele-  
 tat. quid quæris? fui tanti: me ipse non noram: nec  
 satis sciebam, quid in hoc genere facere possem: recte  
 πεφυσίωμαι: nihil est præclarius. interim hæc λαμ-  
 πρᾶ. Ariobarzanes opera mea uiuit, regnat: ἐν παρό-  
 δῳ, consilio, & auctoritate, & quoddam insidiatoribus  
 eius ἀπεόσιτον me, non modo ἀδωροδόνκτον prabui,  
 Regem, regnumq; seruaui. interea è Cappadocia ne pi-  
 lum quidem. Brutum abiectum, quantum potui, exci-  
 tauī: quem non minus amo, quàm tu, pene dixi quàm  
 te. atque etiam spero toto animo imperij nostri terun-  
 cium sumptus in prouincia nullum fore. habes omnia.  
 nunc publice literas Romam mittere parabam. uberio-  
 res erunt, quàm si ex Amano misissem. at te Romæ non  
 fore? sed est totum, quid Cal. Martij futurum sit: ue-  
 reor enim, ne, cum de prouincia agetur, si Cæsar resistet,  
 nos retineamur. his tu si adesses, nihil timerem. Redeo  
 ad urbana; quæ ego diu ignorans, ex tuis iucundissimis  
 literis ad V. Cal. Ian. denique cognoui. eas diligentis-  
 sime Philogenes libertus tuus curauit perlonga, & non  
 satis tuta uia perferendas. nam quas Lenij pueris scri-  
 bis datas, non acceperam. Iucunde de Cæsare, & quæ  
 senatus decreuit, & quæ tu speras. quibus ille si cedit,  
 salui sumus. Incendio Pletoriano quoddam Leius adustus  
 est, minus moleste fero. Luceius de Q. Cassio cur tam



LIB. V. EPIST.

uehemens fuerit, & quid actum sit, aueo scire. Ego cum Laodiceam uenero, Quinto sororis tuæ filio togam puram iubeor dare, cui moderabor diligentius. Deiotarus, cuius auxilijs magnis usus sum, ad me, ut scripsit, cum Ciceronibus Laodiceam uenturus erat. Tuas etiam Epeiroticas expecto literas, ut habeam rationem nō modo negotij, uerum etiam otij tui. Nicanor in officio est, & à me liberaliter tractatur: quem, ut puto, Romam cum literis publicis mittam, ut & diligentius perferantur, & idem ad me certā de te, & à te referat. Alexis quiddā mihi toties salutem adscribit, est gratum: sed cur nō suis literis idem facit, quod meus ad te Alexis facit? Phemio quæritur xēpas, sed hæc hæctenus. Cura, ut ualeas, & ut sciam, quādo cogites Romam, etiam atque etiam uale. Tua, tuosq; Thermo et præsens Ephesi diligentissime cōmendaram, & nunc per literas: ipsumq; intellexi esse perstudiosum tui. Tu uelim, quod antea ad te scripsi, de domo Pāmenis, des operā, ut, quod tuo, meoq; beneficio puer habet, cures ne qua ratione cōuellatur. utrique nostrū existimo, tū mihi erit, pergratū.

CICERO ATTICO S.

TE IN Epeirū saluum uenisse, et, ut scribis, ex sententia nauigasse, uehementer gaudeo. nō esse Romæ meo tempore perneccessario, submolestē fero. hoc me tamen consolor, quoddā non spero te istic incunde hiemare, & libenter requiescere. Cassius, frater Q. Cassij familiaris tui, pudentiores illas literas miserat, de quibus tu ex me requiris, quid sibi uoluerint, quā eas, quas postea



misit, quibus per se scribit confectum esse Parthicum  
 bellum. recesserant illi quidem ab Antiochia ante Bi-  
 buli aduentum, sed nullo nostro εὐμεγέματι. hodie  
 uero hyemant in Cyrhestica, maximumq; bellum impē-  
 det: nam & Orodis Regis Parthorum filius in provin-  
 cia nostra est; nec dubitat Deiotarus, cuius filio pacta  
 est Artavasdis filia, (ex quo sciri potest) quin cum om-  
 nibus copiis ipse prima aestate Euphratē transiturus sit.  
 quo autem die Cassij literæ uictrices in senatu recitatae  
 sūt, id est Non. Oct. eodē meā tumultū nuntiātes. Axi-  
 noster ait nostras auctoritatis plenas fuisse: illis negat cre-  
 ditum. Bibuli nondū erant allatae: quas certo scio plenas  
 timoris fore. ex ijs rebus hoc uereor, ne, cum Pompeius  
 propter metū rerū nouarū nusquam dimittatur, Caesari  
 nullus honos à senatu habeatur; dum hic nodus expedia-  
 tur, non putet senatus, nos ante, quā successum sit, opor-  
 tere decedere, nec in tanto motu rerum tantis provin-  
 cijs singulos legatos praesse. hic, ne quid mihi proroge-  
 tur, quod ne intercessor quidem sustinere possit, horreo,  
 atque eo magis, quod tu abes, qui consilio, gratia, studio  
 multis rebus occurreres. sed dices me ipsum mihi soli-  
 citudinem struere. cogor: & uelim ita sit: sed om-  
 nia metuo. etsi bellum ἀργότελευτιον habet illa tua epi-  
 stola, quam dedisti nauseans Buthroto: TIBI, VT  
 VIDEO, ET SPERO, NULLA AD DE-  
 CEDENDVM MORA. mallet, VT VI-  
 DEO. nihil opus fuit, VT SPERO. acce-  
 peram autem satis celeriter Iconij per publicanorum  
 tabellarios à Lentuli triumpho datas. in his γὰρ  
 κύπικρον illud confirmas, moram mihi nullam fore



## LIB. V. EPIST.

re. deinde addis, si quid secus, te ad me fore uenien-  
rum. pungunt me dubitationes tuæ. simul & ui-  
des, quas acceperim literas. nam quas Hemoni centu-  
rioni Scamulæ ipse scribis te dedisse, non accepi. Lenij  
pueris te dedisse, sæpe ad me scripseras. eas Laodiceæ de-  
nique, cū ed uenissem, III. Id. Febr. Lenius mihi red-  
didit, datas ad X. Cal. Oet. Lenio tuas commendatio-  
nes & statim uerbis, & re aliquo tempore probabo. hæ  
literæ cætera uetera habebant, unum hoc nouum de Ci-  
byratis pantheris. multum te amo, quodd respōdisti M.  
Oetauio, te non putare: sed posthac omnia, quæ cer-  
ta non erunt, pro certo negato: nos enim & nostra  
sponte bene firmi, & mehercule auctoritate tua inflam-  
mati uicimus omnes (hoc tu ita reperies) cum abstine-  
tia, tum iustitia, facilitate, clementia. caue putes quid-  
quam homines magis unquam esse miratos, quàm nul-  
lum teruncium, me obtinente prouinciam, sumptus fa-  
ctum esse nec in Remp. nec in quenquam meorum, præ-  
terquam in L. Tullium legatum. is cæteroqui absti-  
\* nens (sed Iulia lege transita, semel ramen in diem, nō,  
ut alij solebāt, omnibus uicis: præter eū semel, nemo ac-  
cepit) facit, ut mihi excipiendus sit, cum terūcium nego-  
sumptus factum: præter eum accepit nemo. has à no-  
stro Q. Titinio sordes accepimus. Ego, æstiuus conse-  
ctis, Quintum fratrem hybernis, & Ciliciæ præfeci.  
Q. Volusium tui Tiberij generum, certum hominem,  
sed mirifice abstinentem, misi in Cyprum, ut ibi paucos  
dies esset, ne ciues Romani pauci, qui illic negotian-  
tur, ius sibi dictum negarent: nam euocari ex insula  
Cyprios non licet. ipse in Asiam profectus sum. Tarso



Non. Ian. non mehercule dici potest, qua admiratione Ciliciæ ciuitatum, maximeq; Tarsensium. postea uero quàm Taurum transgressus sum, mirifica expectatio Asiæ nostrarū diocesium, quæ sex mēsis imperij mei nullas meas acceperat literas, nunquam hospitem uiderat. illud autem tempus quotannis ante me fuerat in hoc quæstu. ciuitates locupletes, ne in hyberna milites reciperent, magnas pecunias dabant: Cyprij talenta Attica CC. qua ex insula (non ὑπεβολικῶς, sed uerissime loquor) numus nullus me obtinente erogabatur. ob hæc beneficia, quibus illi obstupescunt, nullos honores mihi, nī si uerborum, decerni sino: statuas, eana, τέθειπα prohibeo. nec sum in ulla alia re molestus ciuitatibus, sed fortasse tibi, qui hæc prædicem de me. perfer, si me amas: tu enim me hæc facere uoluisti. iter igitur ita per Asiam feci, ut etiam fames, qua nihil miserius est, quæ tum erat in hac mea Asia, (messis enim nulla fuerat) mihi optanda fuerit. quacunque iter feci, nulla ui, nullo iudicio, nulla contumelia, auctoritate, & cohortatione perfeci, ut & Græci, & ciues Romani, qui frumentum compresserāt, magnum numerum populis pollicerentur. Idibus Feb. quo die has literas dedī, forū institueram agere Laodiceæ Cibyraticum, & Apamense: ex Idibus Mart. ibidē Synnadense, Pamphylium, cum Phemio dispiciam νέγας Aonium, Isauricum: ex Idibus Maij in Ciliciam, ut ibi Iunius consumatur. uelim tranquille à Parthis. Quintilis, si erit, ut uolumus, in itinere est per prouinciā redeuntibus, consumendus: uenimus enim in prouinciā Laodiceam Sulpitio, & Marcello Coss. pridie Cal. Sext. inde nos oportet decedere



LIB. V. EPIST.

re ad IIII. Cal. Sext. primum cōtendam à Quinto fra-  
tre, ut se præfici patiatur: quod & illo, & me inui-  
sissimo fiet: sed aliter honeste fieri non potest, præser-  
tim cum uirum optimum Pontinum ne nunc quidē re-  
tinere possim: rapit enim hominem Posthumius Ro-  
mam, fortasse etiam Posthumia. habes consilia nostra:  
nunc cognosce de Bruto. Familiares habet Brutus  
tuus quosdam creditores Salaminiorum, ex Cypro M.  
Scaptium, & P. Matinium, quos mihi maiorem in  
modum commendauit. Matinium non noui. Scaptius  
ad me in castra uenit. pollicitus sum curaturum me  
Bruti causa, ut ei Salaminij pecuniam soluerent: egit  
gratias. præfecturam petiuit: negaui me cuiquā nego-  
tianti dare: quod idem tibi ostenderam: Cn. Pompeio  
petenti probaram institutum meum: quid dicam Tor-  
quato in Lenio tuo? multis alijs? si præfectus uellet  
esse syngraphæ causa, me curaturum, ut exigeret. gra-  
tias egit: discessit. Appius noster turmas aliquot equi-  
tum dederat huic Scaptio, per quas Salaminios coerces-  
ret, & eundem habuerat præfectum. uexabat Sala-  
minios. ego equites ex Cypro decedere iussi. moleste ru-  
lit Scaptius. quid multa? ut ei fidem meam præstare;  
cum ad me Salaminij Tarsum uenissent, & una Sca-  
ptius, imperaui, ut pecuniam soluerent. multa de syn-  
grapha, de Scaptij iniurijs: negaui me audire: hortas-  
tus sum, petiui etiam pro meis in ciuitatem beneficijs,  
ut negotium conficerent: denique dixi me coacturum.  
homines non modo non recusare, sed etiam hoc di-  
cere, se à me soluere: quod enim Prætori dare consue-  
sent, quoniam ego non acceperam, se à me quodā modo

dare, at  
ne quā  
inquit  
ego in  
berē, cō  
labat  
edictu  
ut qu  
horro  
duo  
cum  
lex G  
nia Br  
nia Br  
se, fra  
in me  
ex fr  
\* & c  
hac  
dice  
acci  
C C  
Sca  
den  
est. i  
nim  
acci  
reli  
Gra  
tibu



dare, atque etiam minus esse aliquanto in Scaptij nomi-  
 ne, quā in uectigali prætorio. collaudauī homines. recte,  
 inquit Scaptius: sed subducamus summam. interim cū  
 ego in edicto trāslatio, centesimas me obseruaturū, ha-  
 berē, cū anatocismi anniuersario, ille ex syngrapha postu-  
 labat quaternas. quid ais, inquā? possum ne contra meū  
 edictum? at ille profert S. C. Lentulo, Philippoq; Coss.  
 ut, qui Ciliciā obtineret, ius ex illa syngrapha diceret. co-  
 horruī primo: etenim erat interitus ciuitatis. reperio  
 duo S. C. iisdem Coss. de eadem syngrapha. Salaminij  
 cum Romæ uersuram facere uellent, non poterant, quod  
 lex Gabinia uetabat. tum ij Bruti familiares, freti gra-  
 tia Bruti, dare uolebant, si sibi S. C. caueretur. fit gra-  
 tia Bruti S. C. ut ne'ue Salaminij, ne'ue qui eis dedis-  
 set, fraudi esset. pecuniam numerarunt: & postea uenit  
 in mentē fœeneratoribus, nihil se iuuare illud S. C. quodd  
 ex syngrapha ius dici lex Gabinia uetaret. tū fit S. C. ut  
 \* & ea syngrapha esset, quā ceteræ, sed ut eodē. cum  
 hæc differuissē, seducit me Scaptius, ait se nihil cōtra  
 dicere, sed illos putare talenta CC se debere, ea se uelle  
 accipere, debere autem illo paulo minus. rogat, ut eos ad  
 CC perducam. optime, inquā. uoco illos ad me remoto  
 Scaptio. quid uos? quantum, inquam, debetis? respō-  
 dent, CVI. refero ad Scaptiū. homo clamare. quid opus  
 est, inquā? rationes conferatis. assidunt: subducunt: ad  
 nūmum conuenit. illi se numerare uelle: urgere, ut  
 acciperet. Scaptius me rursus seducit: rogat, ut rem sic  
 relinquam. dedi ueniam homini impudenter petenti,  
 Græcis querentibus: ut in fano deponerent, postulan-  
 tibus, nō concessi. clamare omnes, qui aderant, nihil im-



## LIB. V. EPIST.

prudentius Scaprio, qui centesimis cum anatocismo con-  
 tentus non esset: alij, nihil stultius. mihi autem impu-  
 dens magis, quam stultus uidebatur: nam aut bono no-  
 mine centesimis contentus erat, aut non bono quaternas  
 centesimas sperabat. habes meam causam: quæ si Bru-  
 to non probatur, nescio cur illum amemus: sed auuncu-  
 lo eius certe probabitur, præsertim cum S. C. modo fa-  
 ctum sit, puto postquam tu es profectus, in creditorum  
 causa, ut centesimæ perpetuo fœnore ducerentur. hoc  
 quid inter sit, si tuos digitos noui, certe habes subductum.  
 in quo quidem ὁ δὸν πᾶσι γοῦν. Luceius M. F. queritur  
 apud me per literas, summum esse periculum, ne culpa  
 senatus his decretis res ad tabulas novas perueniat. com-  
 memorat, quid olim mali C. Iulius fecerit, cum diecu-  
 lam dixerit. nunquam Resp. plus. sed ad rem redeo. me-  
 ditare aduersus Brutum causam meā, si hæc causa est,  
 contra quam nihil honeste dici potest, præsertim cum in-  
 egram rem, & causam reliquerim. Reliqua sunt do-  
 mestica. De ἐνδομύχῳ, probo idem, quod tu, Posthu-  
 miæ filiæ, quoniam Pontidia nugatur. sed uellem ades-  
 ses. à Quinto fratre his mensibus nihil expectaris: nam  
 Taurus propter niueis ante mensem Iunium transiri non  
 potest. Thermum, ut rogas, creberrimis literis ful-  
 cio. P. Valerium negat habere quidquam Deiotarius  
 Rex, eumq; ait à se sustentari. Cum scies, Romæ inter-  
 calatum sit, nec ne; uelim ad me scribas certum, quo die  
 mysteria futura sint. literas tuas minus paulo expecto,  
 quam si Romæ esses, sed tamen expecto. Vale.



M. TVLLII CICERONIS EPISTOLARVM AD T. POMPONIVM  
ATTICVM LIBER VI.

CICERO ATTICO S.

A CCEPI tuas literas ad quintum ter-  
milia Laodiceæ, quas legi libentissime,  
plenissimas amoris, humanitatis, offi-  
cij, diligentiae. ijs igitur respondebo:  
sic enim postulas: nec oinovopia meam  
institutam, sed ordinem conservabo tuum. Recentis-  
simas à Cybistris te meas literas habere ais ad X. Cal.  
Oct. datas: & scire vis, tuas ego quas acceperim:  
omnes ferè, quas commemoras, præter eas, quas  
scribis Lentuli pueris & Equotutico, & Brundis-  
io datas. quare non oixerai tua industria, quod ve-  
reris; sed præclare ponitur, si quidem id egisti, ut ego  
delectarer: nam nulla re sum delectatus magis.  
Quod meam βαδύτητα in Appio tibi, libertatem etiam  
in Bruto probo, vehementer gaudeo: ac putaram se-  
cus: Appius enim ad me ex itinere bis, tertius iπρο-  
πεμπιμοίς literas miserat, quod quædam à se consti-  
tuta rescinderem. ut si medicus, cum ægrotus alij me  
dico traditus sit, irasci velit ei medico, qui sibi succe-  
sserit, si, quæ ipse in curando constituerit, mutet ille: sic Ap-  
pius cū ἐξ ἀπαρχέσεως provinciam curavit, sanguinem mi-  
serit, quidquid potuit detraxerit, mihi tradiderit eneclā,  
προσανατρεφόμενν eam à me non libenter uidet, sed  
modo succenset, modo gratias agit: nihil enim à me fit



## LIB. VI. EPIST.

cum ulla illius contumelia . tantummodo dissimilitudo  
 meae rationis offendit hominem : quid enim potest esse  
 tam dissimile , quàm illo imperate exhaustam esse sum-  
 ptibus, & iacturis provinciam ; nobis eam obtinentibus,  
 numum nullum esse erogatum nec priuatim, nec publi-  
 ce ? quid dicam de illius praefectis ? comitibus ? legatis ?  
 etiam de rapinis ? de libidinibus ? de contumelijs ? nunc  
 autem domus mehercule nulla tanto consilio, aut tanta  
 disciplina gubernatur , aut tam modesta est, quàm no-  
 stra tota provincia . hanc nonnulli amici Appij ridicule  
 interpretantur ; qui me idcirco putent bene audire uelle,  
 ut ille male audiat ; & recte facere non meae laudis, sed  
 illius contumeliae causa . sin Appius, ut Bruti literae, quas  
 ad te misit, significabant, gratias nobis agit : non mole-  
 ste fero : sed tamen eo ipso die, quo haec ante lucem scri-  
 bebam , cogitabam eius multa inique constituta, et acta  
 tollere . Nunc uenio ad Brutum, quem ego omni stu-  
 dio te auctore sum complexus, quem etiam amare coe-  
 peram : sed dico ? reuocaui me, ne te offenderem . noli enim  
 putare me quidquam maluisse , quàm ut mandatis satis-  
 facerem , nec ulla de re plus laborasse . mandatorum autem  
 mihi libellum dedit : iisdemq; de rebus tu mecum ege-  
 ras . omnia sum diligentissime persecutus . primum ab  
 Ariobarzane sic contendì, ut talenta, quae mihi pollice-  
 batur , illi daret . quoad mecum Rex fuit, per bono loco-  
 res fuit . post à Pompeij procuratoribus sexcentis pre-  
 mi coeptus . Pompeius autem cum ob ceteras causas plus  
 potest unus, quàm ceteri omnes , tum quod putatur ad  
 bellum Parthicum esse uenturus . ei tamen sic nunc sol-  
 uitur, tricesimo quoq; die talenta Attica XXXIII, et

hoc ex  
 struam  
 usura  
 nec po  
 eligall  
 famu  
 tres  
 nene  
 terea  
 mili  
 fidi  
 go ita  
 tina  
 brora  
 mon  
 pia  
 deu  
 auct  
 etur  
 ded  
 sera  
 bi  
 eni  
 etia  
 niam  
 meis  
 calca  
 cum  
 ni  
 Scap



hoc ex tributis . nec id satis efficitur in usuram mens-  
 struam . sed Cneus noster clementer id fert : sorte caret :  
 usura , nec ea solida , cōtentus est . alij neq; soluit quidquā ,  
 nec potest soluere : nullum enim ararium , nullum ue-  
 Eligal habet . Appij instituto tributa imperat . ea uix , in  
 fœnus Pompeij quod satis sit , efficiunt . amici Regis duo ,  
 tres uel perdiuites sunt : sed ij suum tam diligenter te-  
 nent , quā ego , aut tu . equidem non desino tamen per li-  
 teras rogare , suadere , accusare Regem . Deiotarus etiam  
 mihi narrauit , se ad eum legatos misisse de re Bruti : eos  
 sibi responsum retulisse , illum non habere . & mehercule  
 ego ita iudico . nihil illo regno spoliatus , nihil Rege egen-  
 tius . itaq; aut tutela cogito me abdicare , aut , ut pro Gla-  
 brione Scæuola , fœnus , & impendium recusare . ego ta-  
 men , quas per te Bruto promiseram præfecturas M. Scæ-  
 ptio , & L. Gaio , qui in regno rem Bruti procurabant ,  
 detuli : nec enim in prouincia mea negotiabantur . tu  
 autem meministi nos sic agere , ut , quot uellet , præfe-  
 cturas sumeret , dum ne negotiatori . duas ei præterea  
 dederam : sed ij , quibus petierat , de prouincia deces-  
 serant . Nunc cognosce de Salaminij : quod uideo ti-  
 bi etiam nouum accidisse , tanquam mihi : nunquam  
 enim ex illo audiui , illam pecuniam esse suam . quin  
 etiam libellum ipsius habeo , in quo est , Salaminij pecu-  
 niam debent M. Scaptio , & P. Matinio familiaribus  
 meis . eos mihi commendat : adscribit etiam , & quasi  
 calcar admouet , intercessisse se pro ijs magnam pec-  
 uniam . confeceram , ut soluerent centesimis sexena-  
 nij duētis cum renouatione singulorum annorum . at  
 Scaptius quaternas postulabat . metui , si impetrasset ,



LIB. VI. EPIST.

ne tu ipse me amare desineres: nam ab edicto meo recessissem, & civitatem in Catonis, & in ipsius Bruti fide locatam, meisq; beneficijs ornatam, funditus perdidissem. atque hoc tempore ipso impingit mihi epistolam Scaptius Bruti, rem illam suo periculo esse: quod nec mihi unquam Brutus dixerat, nec tibi: etiam, ut praefecturam Scaptio deferrem. id uero per te exceperamus, ne negotiatori: quod si cuiquam, huic tamen non: fuerat enim praefectus Appio, & quidem habuerat turmas equitum, quibus inclusum in curia senatum Salamine obsederat, ut fame senatores quinque morerentur. itaque ego, quod die terigi provinciam, cum mihi Cyprij legati Ephesum obviam uenissent, literas misi, ut equites ex insula statim decederent. his de causis credo Scaptium iniquius de me aliquid ad Brutum scripsisse. sed tamen hoc sum animo: si Brutus putabit me quaternas centesimas oportuisse decernere, qui in tota provincia singulas observarem, itaq; edixissem, idq; etiam acerbissimis foeneratoribus probaretur; si praefecturam negotiatori denegatam queretur, quod ego Torquato nostro in tuo Lenio, Pompeio ipsi in Sex. Statio negavi, & ijs probavi: si equites deductos moleste feret: accipiam equidem dolorem, mihi illum irasci, sed multo maiorem, non esse eum talem, qualem putassem. illud quidem fatebitur Scaptius, me ius dicente, sibi omnem pecuniam ex edicto meo auferendi potestatem fuisse. addo etiam illud, quod uereor tibi ipsi ut probum: consistere usura debuit, quae erat in edicto meo: deponere uolebant: impetraui ab Salaminis, ut silerent. ueniam illi quidem mihi dederunt. sed quid ijs fiet, si huc Paulus uenerit? sed totum hoc Bru-

to dedi  
ad me a  
arrogat  
lim ad  
accipia  
vioribu  
ne te i  
ad me  
provi  
id (ar  
eo, cre  
solu  
dicabi  
me qua  
uiscerib  
dasti  
cias?  
e mou  
se obs  
quib  
ille  
dilis  
Dece  
pro  
re ista  
cis  
scriba  
me ha  
comm  
stron



20 dedi, qui de me ad te humanissimas literas scripsit.  
 ad me autem, etiam cum rogat aliquid, contumaciter,  
 arroganter, ἀκονιανύτως solet scribere. tu autem ue-  
 lim ad eum scribas de his rebus, ut sciam quo modo hac  
 accipiat: facies enim me certiore. atque hoc super-  
 vioribus literis ad te diligenter perscripseram. sed pla-  
 ne te intelligere uolui, mihi non excidisse illud, quod tu  
 ad me quibusdam literis scripsisses; si nihil aliud de hac  
 provincia, nisi illius beneuolentiam, deportassem, mihi  
 id satis esse. sit sanè, quoniam ita tu uis: sed tamen cum  
 eo, credo, quod sine peccato meo fiat. igitur meo decreto  
 soluta res Scaptio, statim quam decretum sit: tu iu-  
 dicabis: ne ad Catonem quidem prouocabo. sed nolè  
 me putare ἐγκυκλιόματα illa tua abiecisse, quæ mihi in  
 uisceribus hærent. flens mihi meam famam commen-  
 dasti. quæ epistola tua est, in qua mentionem non fa-  
 cias? itaque irascatur qui uolet, patiar: τὸ γὰρ οὐ, μετ'  
 ἐμοῦ; præsertim cum sex libris tanquam prædibus me ip-  
 se obstrinxerim: quos tibi tam ualde probari gaudeo: è  
 quibus unum ἱστορικὸν requiris de Cn. Flauio Cn. F.  
 ille uero ante Decemuiros non fuit, quippe qui Aea-  
 dilis Curulis fuerit, qui magistratus multis annis post  
 Decemuiros institutus est. quid ergo profecit, quod  
 protulit fastos? occultatam putant quodam tempo-  
 re istam tabulam, ut dies agendi peterentur à pau-  
 cis. nec uero pauci sunt auctores, Cn. Flauium  
 scribam fastos protulisse, actionesq; composuisse: ne  
 me hoc, uel potius Africanum (is enim loquitur)  
 commentum putes. οὐκ ἔλαθες illud de gestu hi-  
 strionis: tu scelestè suspicaris, ego ἀφελῶς scripsi.



LIB. VI. EPIST.

De me imperatore scribis te ex Philotimi literis cognouisse : sed credo te, iam in Epeiro cū esses, binas meas de omnibus rebus accepisse, una a Pindenisso capto, alteras a Laodicea, utrasque tuis pueris datas: quibus de rebus propter casum nauigandi per binos tabellarios misi Romam literas publice. De Tullia mea tibi assentior :  
 » scripsisti; ad eam, & ad Teretiam, mihi placere : tu enim  
 » ad me iam ante scripseras, A C uellem te in tuum ueterem gregem retulisses. correctā uero epistola Memmiana nihil negotij fuit: multo enim malo hunc a Pontidia, quā illum a Seruilia. quare adiunges Aufum nostrum, hominem semper amantem me, nunc credo eo magis, quod debet etiam fratris Appij amorem erga me cum reliqua hereditate creuisse; qui declarauit, quā ei me faceret, cum saepe, tum in Bursa. ne tu me solitudine magna liberaris. Furnij exceptio mihi non placet: nec ego ullum aliud tempus timeo, nisi quod ille solum excipit. sed scriberem ad te de hoc plura, si Roma esses. In Pompeio te spem omnem otij ponere non miror. ita res est. remouendumque censeo illum dissimulantem. sed enim οικονομία si perturbatior est, tibi assignato: te enim sequor  $\sigma\chi\epsilon\delta\iota\alpha\lambda\omicron\nu\tau\alpha$ . Cicerones pueri amant inter se, discunt, exercentur; sed alter, uti dixit Isocrates in Ephoro, & Theopompo, frenis eget, alter calcaribus. Quinto togam puram Liberalibus cogitabam dare: mandauit enim pater. ea sic obseruabo, quasi intercalatum non sit. Dionysius mihi quidem in amoribus est: pueri autem aiunt eum furenter irasci: sed homo nec doctior, nec sanctior fieri potest, nec tui, meique amantior. Thermum, Siluium uere  
 audis



audis laudari. ualde se honeste gerunt. adde M. Nonium, Bibulum, me, si uoles. iam Scrofa, uellem haberet, ubi posset: est enim lautum negotium. ceteri infirmant  $\pi\alpha\lambda\iota\tau\acute{o}\lambda\mu\alpha$  Catonis Hortensio quod causam meam comendas, ualde gratum. De Amiano, spei nihil putat esse Dionysius. Terentij nullum uestigium agnoui. Meragenes certe periit. feci iter per eius possessionem, in qua animal reliquum nullum est. hac non noram tum, cum Democrito tuo locutus sum. Rhosij causam mandauit. sed heu tu, quid cogitas infelicitatis? lancibus, & splendidissimis canistris olusculis nos soles pascere: quid te in uasis fictilibus appositurum putem?  $\kappa\acute{\epsilon}\gamma\alpha\varsigma$  Phemio mandatum est: reperietur: modo aliquid illo dignum canat. Parthicum bellum impendet. Crassius ineptas literas misit: nec dum Bibuli erant allatae: quibus recitatis, puto fore, ut aliquando commoueatur senatus. equidem sum magna animi perturbatione. si, ut opto, non prorogatur nostrum negotium; habeo Iunium, & Quintilem in metu. esto: duos quidem menses sustinebit Bibulus. quid illo fiet, quem reliquero? praesertim si fratrem? quid de me autem, si non tam cito decedo? magna turba est. mihi tamen cum Deiotaro conuenit. ut ille in meis castris esset cum suis copijs omnibus. habet autem cohortes quadringenarias, nostra armatura XXX, equitum  $\infty\infty$  erit ad sustentandum, quoad Pompeius ueniat, qui literis, quas ad me mittit, significat, suum negotium illud fore. hiemant in nostra prouincia Parthi. expectatur ipse Orodes. quid quaeris? aliquantum est negotij. De Bibuli edicto nihil noui praeter illam exceptionem, de

M



## LIB. VI. EPIST.

qua tu ad me scripseras, nimis graui praeiudicio in ordinem nostrum. ego tamen habeo ἰσοδυναμοῦσαν, sed rectiorem, ex Q. Mutij P. F. edicto Asiatico, E X T R A quam si ita negotium gestum est, ut eo stari non oporteat, ex fide bona. multa quae sum secutus Scaeuola, in ijs illud, in quo sibi libertatem censent Graeci datam, ut Graeci inter se disceptent suis legibus. breue autem edictum est propter hanc meam διαίρεσιν, quod duobus generibus edicendum putauimus: quorum unum est provinciale, in quo est de rationibus ciuitatum, de aere alieno, de usura, de syngraphis, in eodem omnia de publicanis: alterum, quod sine edicto satis commodum transigi non potest, de hereditatum possessionibus, de bonis possidendis, magistris faciundis, uendendis: quae ex edicto et postulari, et fieri solent. tertium de reliquo iure dicundo, ἄλλα ποτε reliqui. dixi me de eo genere mea decreta ad edicta urbana accommodaturum. itaque curo: et satisfacio adhuc omnibus: Graeci uero exultant, quod peregrinis iudicibus utuntur: nugatoribus quidem, inquit. quid refert? tamen se αὐτονομίαν adeptos putant. nostri enim, credo, graueis habent, Turpionem sutorium, et Vectium mancipem. De publicanis quid agam, uideris quaerere. habeo in delicijs, obsequor, uerbis laudo, orno, efficio, ne cui molesti sint: τὸ πᾶσι δόξω τὰς. usuras eorum, quas pactionibus adscripserant, seruauit etiam se uilius. ego sic. diem statuo satis laxam: quam ante si soluerint, dico me centesimas ducturum: si non soluerint, ex pactione. itaque et Graeci soluunt tolerabili faenore: et publicanis res est gratissima, si illam



iam habent, pleno modio uerborum honorem, inuita-  
tionem crebram. quid plura? sunt omnes ita mihi fa-  
miliares, ut se quisque maxime putet. sed tamen μὴ  
δὲν αὐτοῖς. scis reliqua. De statua Africani, ὃ πρῶτον  
ματῶν ἀσυγκλάδων: sed me ipsum delectauit in tuis li-  
teris, aīn tu? Scipionem hic Metellus proauum suum  
nescit Censorem fuisse? atqui nihil habuit aliud inscri-  
ptū, nisi, Censor, ea statua, quæ ad Opis aperte posita in  
excelsso est. in illa autem, quæ est ad πολυδύκους, in-  
scriptum est, eos. quam esse eiusdem status, amictus, an-  
nulus, imago ipsa declarat. at hercule ego cū in turma  
inauratarum equestrium, quas hic Metellus in Capito-  
lio posuit, animaduertissem in Serapionis subscriptio-  
ne Africani imaginem, erratum fabrilē putavi: nunc  
uideo Metelli. ὃ ἀνιδόσησί αὖν turpem. nam illud de  
Flauio, & fastis, si secus est, commune erratum est:  
& tu belle ἡ πόρεσας. & nos publicam prope opi-  
nionem secuti sumus, ut multa apud Græcos: quis  
enim non dixit, Εἰ πολὺ τὸν τῆς Αἰχμῆς ab Alcibia-  
de nauigante in Siciliam deiectum esse in mare? re-  
darguit Eratosthenes: affert enim, quas ille post id  
tempus fabulas docuerit. num idcirco Duris Samius,  
homo in historia diligens, quod cum multis errauit, ir-  
ridetur? quis Zaleucum leges Locris scripsisse non di-  
xit? num igitur iacet Theophrastus, si id à Timeo tuo  
familiari reprehensum est? sed nescire proauum suum  
Censorem fuisse turpe est, præsertim cum post eum  
Consulem nemo Cornelius illo uiuo Censor fuerit.  
Quod de Philotimo, & de solutione XXDC scribis:  
Philotimum circiter Calen. Ian. in Chersonesum an-



## LIB. IIII. EPIST.

dio uenisse. ac mihi ab eo nihil adhuc. reliqua mea  
 Camillus scribit se accepisse. ea quæ sint, nescio, & aueo  
 scire. sed hæc posterius, & coram fortasse commodius.  
 Illud me mi Attice in extrema ferè parte epistolæ com-  
 mouit: scribis enim sic, τὶ λοιπόν? deinde me obsecras  
 amantissime, ne obliuiscar uigilare, & ut animaduertam,  
 quæ fiant. nunquid de quo inaudisti? etsi nihil  
 eiusmodi est: πολλοῦ καὶ δὲ: nec enim me fefellisset,  
 nec falleret. sed ista admonitio tua tam accurata ne-  
 scio quid mihi significare uisa est. De M. Octauio,  
 iterum tibi rescribo, te ille probe respondiisse. paulo uel  
 lem fidentius. nam Celius libertum ad me misit, & li-  
 teras accurate scriptas & de pantheris, sed à ciuitati-  
 bus. rescripsi, alterum me molestie ferre, si ego in te-  
 nebris laterem, nec audiretur Romæ, nullū in mea pro-  
 uincia numum, nisi in æs alienum, erogari; docuiq; nec  
 mihi conciliare pecuniā licere, nec illi capere; monuiq;  
 eum, quem plane diligo, ut, cū alios accusasset, cautius  
 uiueret: illud autem alterum alienum esse existimatio-  
 ne mea, Cibratas imperio meo publice uenari. Lepta  
 tua epistola gaudio exultat: etenim scripta belle est, me  
 q; apud eū magna in gratia posuit. Filiola tua gratum  
 mihi fecit, q; tibi diligēter mādauit, ut mihi salutē ascri-  
 beres: gratū etiā Pilia, sed illa officiosius, q; mihi, quē iā  
 pridem nunquā uidet. igitur tu quoque salutem utri-  
 que ascribito. L I T E R A S D A T V R V M  
 P R I D. C A L. I A N. suauem habuit recordatio-  
 nem clarissimi iurisiurādi: quod ego non eram oblitus:  
 magnus enim prætextatus illo die fui. habes ad omnia.  
 non, ut postulasti, χεῖρα χαλκείαν; sed paria paria



bus respondemus. Ecce autem alia pusilla epistola,  
quam non reliquam ἀναντιφώνητον. Bene mehercule  
potuit Luccius Tusculanum: nisi forte, solet enim, cum  
suo tibicine. & uelim scire, quis sit status eius. Lentu-  
lum quidem nostrum, præter Tusculanum, proscripsis-  
se audio, cupio hos expeditos uidere: cupio etiam Se-  
stium: addes etiam ipsi Caelium. quibus omnibus est:  
ἀλλ' ἔσθ' ἐν μὲν ἀντιφώνητον, δ' εἶσ' αὖ δ' ὑποδέχεται. De Mem-  
mio restituendo ut Curio cogitet, te audisse puto. De  
Egnatii Sidicini nomine, nec nulla, nec magna spe su-  
mus. Pinarium, quem mihi cōmendas, diligentissime  
Deiotarus curat grauiter ægrum. respondi etiam mino-  
ri. Tu uelim, dum ero Laodiceæ, id est ad Id. Maij,  
quam sæpiissime mecum per literas colloquare: & cum  
Athenas ueneris, (iā enim sciemus de rebus urbanis, de  
prouincijs, quæ omnia in mensem Martium sunt colla-  
ta) utique ad me tabellarios mittas. Sed heustū, Ge-  
nuarios à Cæsare per Herodē, talenta Attica L, extorsis-  
tis: in quo, ut audio, magnū odium Pompeij suscepistis:  
\* putat enim suos nummos uos comedis, Cæsarem in  
merito reedificando diligentiorē fore. hoc ego ex P. Ve-  
dio magno nebulone, sed Pompeij tamen familiari au-  
diui. hic Vedius uenit mihi obuiā cū duobus essedis, &  
rheda equis iuncta, & lectica, & familia magna. pro  
qua, si Curio legem pertulerit, HS centena pendat  
necesse est. erat præterea cynocephalus in essedo: nec  
deerant onagri. nunquam uidi hominem nequio-  
rem sed extremum audi. diuersatus est Laodiceæ apud  
Pompeium Vindillum: ibi sua deposuit, cum ad me  
profectus est. moritur interim Vindullus: quæ res ad



## LIB. VII. EPIST.

Magnum Pompeium pertinere putabatur. C. Vennonius domum Vindulli uenit. cum omnia obsignaret, in Vedianas res incidit. in his inuenta sunt quinque laguncule matronarum, in quibus una sororis amici tui, hominis Bruti, qui hoc utatur, & illius Lepidi, qui hæc tam negligenter ferat. hæc te uolui παρρησιασάμενος: sumus enim ambo belle curiosi. unum etiam uelim cogites. audio Appium παρρησιασάμενος Eleusine facere. num inepti fuerimus, si nos quoque Academie fecerimus? puto, inquires. ergo id ipsum scribes ad me. equidem ualde Athenas ipsas amo. uolo esse aliquod monumentum. odi falsas inscriptiones statuarum alienarum. sed ut tibi placebit: faciesq; me, in quem diem Romana incendant mysteria, certiore, & quo modo hyemaris.

Cura, ut ualeas. Post Leuetricam pugnam die septingentesimo sexagesimo quinto.

## CICERO ATTICO S.

CUM Philogenes libertus tuus Laodiceam ad me salutandi causa uenisset, & se statim ad te nauigaturum esse diceret, has ei literas dedi, quibus ad eas rescripsi, quas acceperam à Bruti tabellario. & respondebo primum postremæ tuæ paginæ, quæ mihi magnæ molestiæ fuit, quod ad te scriptum est ab Cincio de Statij sermone, in quo hoc molestissimum est, Statium dicere, à me quoque id consilium probari, probari autem? de isto hætenus dixerim me uel plurima uincula tecum summæ coniunctionis optare, et sunt amoris arctissima: tantum abest, ut ego ex eo, quo astricti sumus, laxari aliquid uelim.



illum autem multa de istis rebus asperius solere loqui,  
 sæpe sum expertus, sæpe etiam leniui iratū. id scire te  
 arbitror. in hac autē peregrinatione, militiæ nostræ  
 sæpe incensum ira uidi, sæpe placatū. quid ad Statium  
 scripserit, nescio. quidquid acturus de tali re fuit, scri-  
 bendum tamen ad libertum non fuit. mihi autem erit  
 maxime curæ, ne quid fiat secus, quàm uolumus,  
 quàmquod oportet. nec satis est in eiusmodi re se quæ-  
 que præstare. ac maxime partes istius officij sunt pueri  
 Ciceronis, siue iam adolescentis: quod quidem illum so-  
 leo hortari. ac mihi uidetur matrem ualde, ut debet,  
 amare, tequod mirifice. sed est magnum illud quidem, ue-  
 runtamen multiplex pueri ingenium. quo ego regem  
 do habeo negotij satis. quoniam respondi tuæ paginæ  
 postremæ prima mea, nunc ad primam reuertar tuam.

Peloponnesias ciuitates omnes maritimas esse, ho-  
 minis non nequam, sed etiam tuo iudicio probati,  
 Dicearchi tabulis credidi. is multis nominibus in Tro-  
 phoniana Cheronis narratione Græcos in eo reprehendit,  
 quod mare tam secuti sunt: nec ullum in Pe-  
 loponneso locum excipit. cum mihi auctor placeret  
 (etenim erat Ἰδομάρτης, & uixerat in Peloponne-  
 so) admirabar tamen, & uix aggrediens commu-  
 nicaui cum Dionysio: atque is primo est commotus:  
 deinde, quod tum de isto Dicearcho non minus be-  
 ne existimabat, quam tu de C. Vestorio, ego de  
 M. Cluuiο, non dubitabat, quin ei crederemus.

Arcadiæ censebat esse Lepreon quoddam maritimum:  
 Tene autem, & Aliphera, & Tritia νεκτιδα ei  
 uidebantur: idquod τῶν τῶν νεῶν καταλόγῳ confirmat



## LIB. VI. EPIST.

bat, ubi mentio nō fit istorum: itaque istum ego locum totidem uerbis à Dicearcho transtuli. Phlāsios dici sciebam: & ita fac ut habeas: nos quidem sic habemus: sed primo me ἀναλογία deceperat, φλοῦς, ὀποῦς, σιποῦς, quod ὀποῦντιοι, σιποῦντιοι. sed hoc continuo correximus.

Latari te nostra moderatione, & continētia uideo. tum id magis faceres, si adesses, atq; hoc foro, quod egi ex Idib. Feb. Laodiceæ ad Cal. Maij. omnium dioecesiū præter Ciliciæ. mirabilia quædā effecimus. ita multæ ciuitates omni ære alieno liberatæ, multæ ualde leuatæ sunt: omnes suis legibus, & iudicijs usæ, αὐτονομία adæptæ, reuixerunt. his ego duobus generibus facultatem ad se ære alieno liberandas, aut leuandas dedi: uno, q̄ omnino nullus in imperio meo sumptus factus est, (nullū cū dico, non loquor ἡπερβολικῶς) nullus inquam ne teruncius quidem. hac autē re, incredibile est, quantum ciuitates emerferint. accessit altera. mira erant in ciuitatibus ipsorum furta Græcorum, quæ magistratus sui fecerant. quæ sui ipse de ijs, qui annis decē proximis magistratū gesserant. aperte fatebantur: itaque sine ulla ignominia suis humeris pecunias populis retulerunt. populi autē nullo gemitu publicanis, quibus hoc ipso lustro nihil soluerant, etiā superioris lustri reddiderunt. itaque publicanis in oculis sumus: gratis, inquis, uiris: sensimus. iam cætera iurisdictio nec imperita, & clemens, cum admirabili facilitate. aditus autē ad me minime prouinciales. nihil per cubicularium. ante lucē in ābulabā domi, ut olim cādidatus grata hæc, et magna, mihiq; nōdū laboriosa ex illa uetere militia. Nonis Maij in Ciliciā cogitabā: ibi cū Iuniū mēsem cōsum



p'ssem, atq; utinā in pace, (magnum enim bellum im-  
 pendet à Parthis) Quintilem in reditu ponere: annuæ  
 enim mihi operæ ad III. Cal. Sext. emeretur. magna  
 autem in spe sum, mihi nihil temporis prorogatum iri.  
 habebam acta urbana usque ad Non. Mart. è quibus  
 intelligebam Curionis nostri cōstātia omnia potius actū  
 iri, quā de prouincijs. ergo, ut spero, propediem te uī  
 debo. Vento ad Brutum tuum, immo nostrum: sic  
 enim mauis, equidē omnia feci, quæ potui aut in mea  
 prouincia perficere, aut in regno experiri. omni igitur  
 modo egi cum Rege, & ago quotidie, per literas  
 scilicet: ipsum enim triduū, quatrīduū uē mecum ha-  
 bui turbulentis in rebus, quibus eum liberaui. sed &  
 tum præsens, & postea creberrime nō destiti rogare, &  
 petere mea causa, suadere, & hortari sua. multum pro  
 feci, sed buantum, non plane, quia longe absum, scio.  
 Salaminios autem (hos enim poterā coercere) adduxi,  
 ut totū nomē Scaptio uellent soluere, sed centesimis du-  
 etis à proxima quidē syngrapha, nec perpetuis, sed re-  
 nouatis quotannis. numerabantur numi: noluit Sca-  
 ptius. tu qui ais Brutū cupere aliquid perdere? qua-  
 ternas habebat in syngrapha. fieri non poterat: nec, si  
 posset, ego pati possem. audio omnino Scaptium pœni-  
 tere. nam quod S.C. esse dicebat, ut ius ~~de~~ syngrapha  
 diceretur: eo consilio factum est, q̄ pecuniam Salaminij  
 contra legem Gabiniam sumpserant. uetabat autem  
 Auli lex ius dici de ita sumpta pecunia. decreuit igitur  
 senatus, ut ius diceretur ista syngrapha. nunc ista  
 habet iuris idem, quod ceteræ; nihil præcipui. hæc à  
 me ordine facta puto me Bruto probaturū: tibi, nescio:



## LIB. VI. EPIST.

Catoni certe probabo. sed iam ad te ipsum reuertor.

Ain tandem Attice laudator integritatis, & elegan-  
tiae nostrae? ausus es hoc ex ore tuo? (inquit Ennius)  
ut equites Scaptio ad pecuniam cogendum darem, me  
rogare? an tu, si mecum esses, qui scribis morderi te in-  
terdum, q non simul sis, paterere me id facere, si uelle?  
non amplius, inquis, quinquaginta. cum Spartaco mi-  
nus multi primo fuerunt. quid tandē isti mali in tam  
reuera insula nō fecissent? nō fecissent autē immo quid  
ante aduentū meū nō fecerunt? inclusum in curia se-  
natum habuerūt Salaminīū ita multos dies, ut interie-  
rint nōnulli fame: erat enim praefectus Appij Scaptius,  
& habebat turmas ab Appio. id me igitur tu, cuius me  
hercule os mihi ante oculos solet uersari, cum de aliquo  
officio, ac laude cogito, tu me inquam rogas, perfectus  
ut Scaptius sit? at hoc statueramus, ut negotiatorem ne-  
minem. idq; Bruto probaueramus. habeat is turmas:  
cūr potius, quā cohortes? sumptu iam nepos euadit  
Scaptius. uolunt, inquis, principes. scio: nā ad me Ephe-  
sum usque uenerunt, flentesq; equitū scelera, & mise-  
rias suas detulerunt. itaq; statim dedi literas, ut ex Cy-  
pro equites ante certā diē decederent. ob eāq; causam,  
tū ob ceteras Salaminij nos in caelum decretis suis sus-  
tulerūt. sed iā quid opus equitatu? soluunt enim Sala-  
minij; nisi forte id uolumus armis efficere, ut foenus  
quaternis centesimis ducant. & ego audebo legere un-  
quam, aut attingere eos libros, quos tu dilaudas, si tale  
quid fecero? nimis, inquam, in isto Brutum amasti dul-  
cissime Attice: nos, uereor, ne parū. atque haec, scripsi  
ego ad Brutū, scripsisse te ad me. cognosce nunc cetera.

Pro Appio  
plane libe-  
mus. & p-  
cate plus, p-  
huc uenire  
mibi nō p-  
pēbri. ru-  
E' uenire S-  
quid qua-  
nunc plan-  
Philogene-  
nostram in

ET S-  
quā dedi-  
cū Philo-  
te fuit.  
(nō quo-  
nibus tu-  
pūa vōt-  
uides (p-  
dedū est  
cie pra-  
fratrem  
tur pot-  
tinus eni-  
lam d m-  
etenim  
tem pri-



Pro Applo nos hic omnia facimus, honeste tamen, sed plane libenter: nec enim ipsum odimus, & Brutū amamus: & Pōpeius à me mirifice contendit, quem meheracule plus, plusq; in dies diligo. C. Celiū Quæstorem huc uenire audisti. nescio, quid sit: sed Pammenia illa mihi nō placet. Ego me spero Athenis fore mense Septēbri. tuorum itinerum tempora scire sanè uelim. Εὐθέως Sempronij Rufi cognoui ex epistole Corcyrae, quid quæris? inuideo potentia Vestorij. cupiebā etiam nunc plura garrere: sed lucet: urget turba: festinat Philogenes. ualebis igitur, & ualere Piliam, & Cæciliā nostram iubebis literis, & saluebis à meo Cicerone.

## CICERO ATTICO S. 3

ET SI nīl sanè habebā noui, quod post accidisset, quā dedissem ad te Philogeni liberto tuo literas: tamē, cū Philotimū Romā remitterem, scribēdum aliquid ad te fuit. ac primum illud, quod me maxime angebat, (nō quo me aliquid iuuare posses: quippe res est in manibus: tu autem abes longe gentium: πολλὰ δὲ νῦν μεταχμῖον νότον & κυλινδρὸν λῦματ' ὅν γεῖν αἰὼς) obrepit dies, ne uides (mihi enim ad III. Cal. Sext. de prouincia dece dedū est) nec succeditur. quem relinquā, qui prouincia præsīt? ratio quidem, & opinio hominum postulat fratrem: primum quod uidetur esse hoīos: nemo igitur potior: deinde quod solum habeo prætorium: Pontinus enim ex pacto, & conuentu (nā ea lege exierat) iam à me discesserat. Quæstorem nemo dignum putat: etenim est leuis, libidinosus, sagax. De fratre autem primum illud est. persuaderi ei non posse arbitror:



## LIB. VI. EPIST.

edit enim provinciam: & hercule nihil odiosius, nihil  
 molestius. deinde, ut mihi nolit negare; quidnam mei  
 sit officij? cum bellum esse in Syria magnum putetur,  
 id uideatur in hanc provinciam erupturum; hic præ-  
 sidij nihil sit; sumptus annuus decretus sit: uideatur  
 ne aut pietatis esse meæ, fratrem; aut diligentiae, nu-  
 garum aliquid relinquere? magna igitur, ut uides, soli-  
 tudine afficior, magna inopia consilij. quid quæris?  
 toto negotio nobis opus non fuit. quanto tua provincia  
 melior? decedes, cum uoles: nisi forte iam decessisti.  
 quem uidebitur, præficies Thesprotiæ, & Chaoniæ. nec  
 dum tamen ego Quintum conueneram, ut iam, si id  
 placeret, scirem, posset ne ab eo impetrari: nec tamen,  
 si posset, quid uellem, habebam. hoc est igitur eiusmodi.  
 reliqua plena adhuc & laudis, & gratiæ, digna ijs  
 libris, quos dilaudas. conseruatæ ciuitates: cumulate  
 publicanis satisfactum: offensus contumelia nemo, de-  
 creto iusto, & se uero per pauci, nec tamen quisquā ut  
 queri audeat. res gestæ dignæ triumpho. de quo ipso  
 nihil cupide agemus, sine tuo quidem consilio certe ni-  
 hil. clausula est difficilis in tradenda provincia. sed hæc  
 deus aliquis gubernabit. De urbanis rebus scilicet plu-  
 ra tu scis: sepius, & certiora audis. equidem doleo non  
 me tuis literis certiorē fieri: huc enim odiosa affereban-  
 tur de Curione, de Paulo: nō quo ullum periculum ui-  
 deam stante Pompeio, uel etiam sedente, ualeat modo:  
 sed mehercule Curionis, & Pauli meorum familiarium  
 uicem doleo. formam igitur mihi totius Reip. si iam es  
 Romæ, aut cum eris, uelim mittas, quæ mihi obuiā uer-  
 niat, ex qua me fingere possim, & præmeditari, quo

animo decre-  
 tem non e-  
 ne præterit  
 omnia. C.  
 nouato in  
 Ariob.  
 sum, quæ  
 re non po-  
 ab eo ita  
 re non de-  
 beris est  
 hoc anno  
 missa C.  
 to, dici uix  
 habet me  
 me turm  
 me fecer  
 est, quod  
 meo fam  
 ostender  
 quid po  
 noluit  
 factum  
 ego ex  
 se uti r  
 factura  
 fecit cum  
 me nec p  
 postea in  
 uellem



animo accedam ad Urbem: est enim quiddā, aduenientem non esse peregrinum, atque hospitem. Et, quod pene præterij, Bruti tui causa, ut sæpe ad te scripsi, feci omnia. Cyprij numerabant: sed Scaptius centesimis renouato in singulos annos fœnore contentus non fuit.

Ariobarzanes non in Pompeium prolixior per ipsum, quā per me in Brutum: quem tamen ego præstare non poteram: erat enim Rex perpauper; aberamq; ab eo ita lōge, ut nihil possem nisi literis, quibus pugnare non dedisti. Summa hæc est. pro ratione pecuniæ liberius est brutus tractatus, quā Pōpeius. Bruto Curata hoc anno talenta circiter C. Pōpeio in sex mensibus promissa C. C. iam in Appij negotio quantū tribuerim Bruto, dici uix potest. quid est igitur, quod laborē? amicos habet meras nugas, M. Scaptium, qui, quia nō habuit à me turmas equitum, quibus Cyprum uexaret, ut ante me fecerat, fortasse succenset: aut quia præfectus non est, quod ego nemini tribui negotiatori, nō C. Vēnonio meo familiari, non tuo M. Lenio: & quod tibi Romæ ostenderam me seruaturum, in quo perseveraui. sed quid poterit quæri is, qui auferre pecuniam cū posset, noluit? Scaptio, qui in Cappadocia fuit, puto esse satisfactum. is à me Tribunatum cum accepiisset, quem ego ex Bruti literis ei detulissem, postea scripsit ad me se uti nolle eo Tribunatu. Caius est quiddā, cui cū præfecturam detulissem Bruti rogatu, multa & dixit, & fecit cum quadam mea contumelia, P. Clodij canis. is me nec proficiscentem Apameā profecutus est: nec, cum postea in castra uenisset, atque inde discederet, nū quid uellem, rogauit: & fuit aperte mihi, nescio quare, non



## LIB. VI. EPIST.

amicus. hunc ego si in præfectis habuissem, quæ tu me hominem putares? qui, ut scis, potentissimorum hominum, contumaciam nunquā tulerim, ferrem huius affectu? etsi hoc plus est, quā ferre, tribuere etiā beneficij aliquid, et honoris. is igitur Caius, cum Apameæ me nuper uidisset Romam proficiscens, me ita appellauit (Culleolum uix auderem) unde, inquit, me iubes petere cibaria? profecto respondi lenius, quā putabāt oportuisse, qui aderant: me nō instituisse ijs dare cibaria, quorū opera non essem usus. abiit iratus. huius nebulonis operatione si Brutus moueri potest, licebit eum solus ames, me æmulum non habebis. sed illum eum futurum esse puto qui esse debet. tibi tamen causam notam esse uolui: et ad ipsum hæc perscripsi diligentissime. omnino (soli enim sumus) nullas unquā ad me. literas misit Brutus, ne proxime quidē de Appio, in quibus nō inesset arrogans ἀνοιδαντος aliquid. tibi autem ualde solet in ore \* esse grauius autem non contemnere se, et Reges odisse superbos. in quo tamē ille mihi risum magis, quā stomachū mouere solet. sed plane parū cogitat, quid scribat, aut ad quē. Quintus Cicero puer legit, ut opinor, et certe, epistolā inscriptā patri suo: solet enim aperire, idq; de meo consilio, si quid forte sit, quod opus sit sciri. in ea autem epistola erat illud idem de sorore, quod ad me. mirifice conturbatum uidi puerū. lacrimans me, cum est questus. quid quæris? miram in eo pietatem suauitatē, humanitatēq; perspexi: quo maiore spem habeo, nihil fore aliter, ac deceat. id te igitur scire uolui. ne illud quidem prætermittā. Hortensius filius fuit Laodiceæ cum gladiatoribus flagitiose, et turpiter, hūc

ego patris  
dem patris  
nis me exp  
quid. n. d  
quidem, n  
ligo. sm f  
offendā,  
tione Q  
literas m  
bellariu

T A R  
uerit: ma  
nis, mihi  
habebat  
mum: v  
minus p  
Celio n  
trem c  
discessi  
centa p  
na uid  
Tu qu  
soles, om  
Tullia m  
pi ad T  
mare mo  
ter ad  
pursu



ego patris causa uocauī ad coenā, quo die uenit: et eiusdem patris causa nihil amplius. is mihi dixit, se Athenis me expectaturū, ut mecū decederet. recte, inquam: quid. n. dicere? omnino puto nihil esse, quod dixit: nolo quidem, ne offendā patrem, quem mehercule ualde diligo. sin fuerit meus comes, moderabor, ita ne quid eū offendā, quē minime uolo. hęc sunt, etiam illud. Orationē Q. Celeris mihi uelim mittas cōtra M. Seruil iū. literas mitte quāprimū, si nihil fuerit, uel per tuum tabellarium. Piliæ, & filiæ salutem. Cura, ut ualeas.

CICERO ATTICO S. 4

TARSVM uenimus Non. Iun. ibi me multa mouerūt: magnū in Syria bellum, magna in Cilicia latrocinia, mihi difficilis ratio administrandi, quod paucos dies habebā reliquos annui muneris: illud autem difficillimum: relinquendus erat ex S. C. qui praeesset. nihil minus probari poterat, quā Quæstor Messinius. nā de Celio nihil audiebamus. rectissimum uidebatur fratrem cum imperio relinquere: in quo multa molesta, discessus noster, belli periculum, militū improbitas, sexcenta præterea. ò rem totam odiosam. sed hęc fortuna uiderit: quoniam consilio non multum uti licet. Tu quando Romam saluus, ut spero, uenisti, uidebis, ut soles, omnia, quę intelliges nostra interesse, in primis de Tullia mea: cuius de conditione quid mihi placeret, scripsi ad Terentiam, cū tu in Gracia esses: deinde de honore nostro: quod. n. tu abfuiisti, uereor, ut satis diligenter actum in senatu sit de literis meis. illud præterea *μνηστέρον* ad te scribam, tu sagacius odorabere.



## LIB. VI. EPIST.

τῆς δ' ἀμαρτὸς μου ὁ ἀπελδύτρεθ' (οἶδα ὃν λέγω) ἔδοξε  
 ξέ μοι πρῶν, ἐξ ὧν ἀλογυόμεν· παρεφθέγγετο πεφυρακέναι  
 τὰς ψήφους ἐκ τῆς ὥνης τῶν ὑπαρχόντων τοῦ Κροτωνιάτου  
 τυραννοκτόνου. δέδοικα δ' ἡ, μή τι νοήσης. εἰ δ' ἡ  
 που τοῦτο δ' ἡ περισχεφάμεν, τὰ λοιπὰ ἐξ ἀσφαλείας.  
*non queo tantum, quantum uereor, scribere. tu autem  
 fac, ut mihi tuæ literæ uolent obuiæ. hæc festinans scripsi  
 in itinere, atque agmine. Piliæ, & Puellæ Cæcilïæ  
 bellissimæ salutem dices. Vale.*

## CICERO ATTICO S. 5

N V N C quidē profecto Romæ es: quò te. si ita est,  
 saluū uenisse gaudeo: unde quidē quandiu absuisti, ma-  
 gis à me abesse uidebare, quàm si domi esses: minus. n.  
 mihi meæ notæ res erāt, minus etiā publicæ. quare ue-  
 lim, & si, ut spero, te hæc legente aliquantum tamen  
 uia processero, tamē obuias mihi literas quā argutissi-  
 mas de omnibus rebus crebro mittas, in primis de quo  
 scripsi ad te antea. τῆς ξυνάορου τῆς ἐμῆς οὐξελδύτρεθ',  
 ἔδοξε μοι δαμά βαπαρίζων, καὶ ἀλύων τοῖς ξυλλόγοις, καὶ  
 ταῖς λέσχαις ὑπότι πεφυρακέναι τὰς ψήφους ἐν τοῖς ὑπαρ-  
 χουσι ταῖς τοῦ Κροτωνιάτου. hoc tu indaga, ut soles, ast  
 hoc magis. ἐξ ἄστεως ἐπταλόφου τειχῶν παρὲδωκεν ἡμῶν  
 γάμου ὀφειλήματα ὁ Κάμιλλος, αὐτόν τε ὀφείλοντα μνᾶς  
 καὶ ἐκ τῶν Κροτωνιατικῶν, καὶ ἐκ τῶν χερῶν ὀνησιατικῶν μν.  
 καὶ κληρονομίας χμ. κ. μ. τούτων δέ μινδ' ὀβολὸν δια-  
 λύσασθαι πάντων ὀφειληθέντων τοῦ δούτερου μηνὸς τῆς  
 μηνία. τὸν δ' ἐπ' ἀπελδύτερον αὐτοῦ, ὄντα ὁ μάνιμων τῆς Κόγω-  
 νως πατρὶ μινδ' ὀλοσχερῶς πεφροντικέναι. ταῦτα οὖν  
 πρῶτον μὲν, ἵνα πάντα σώζηται, δούτερον δέ, ἵνα μινδ' ἐ-  
 τῶν



τῶν τόκων ὀλιγωρήσης τῶν ἀπὸ τῆς προεκυκμένης ἡμέρας,  
 ὅσας αὐτὸν ἠνέγκαμεν, σφόδρα δέδοικα. καὶ γὰρ παρὴν  
 πρὸς ἡμᾶς κατασκέφόμενος, καὶ τι σχεδὸν ἐλπίσας, ἀπο-  
 χροῦς δὲ ἀλόγως ἀπέστη, ἐπειπὼν, αἰσχρὸν τοι διηρόντε  
 μένειν. μεῖ; obiurgauit uetere prouerbio, τὰ μὲν διδόν-  
 μενα. reliqua uide, & quantum fieri potest, perspicia-  
 mus. etsi annuum tempus propè iam emeritum habe-  
 bamus; dies enim XXXIII erant reliqui: sollicitu-  
 dine provinciae tamen uel maxime urgebamur: cum  
 enim arderet Syria bello, & Bibulus in tanto moerore  
 suo maximam curam belli sustineret, ad meῖ; Legati  
 eius, & Quaestor, & amici literas mitterent, ut subsidio  
 uenirem; etsi exercitum infirmum habebam, auxilia  
 sanè bona, sed ea Galatarum, Pisidarum, Lyciorum  
 (haec enim sunt nostra robora) tamè esse officium meū  
 putauī, exercitum habere quāproxime hostem, quoad  
 mihi praesse provinciae per S.C. liceret. sed, quo ego  
 maxime delectabar, Bibulus molestus mihi non erat: de  
 omnibus rebus scribebat ad me potius, et mihi decessio-  
 nis dies λεληότως obrepebat. qui cum aduenerit; ἄλ-  
 λο πρόβλημα, quē praeficiā, nisi Celius Quaestor uene-  
 rit, de quo adhuc nihil certi habebamus. cupiebā meher-  
 cule longiorem epistolā facere: sed nec erat res, de qua  
 scriberem; nec iocari prae cura poteram. ualebis igitur,  
 & puellae salutem articulate dices, nostrāq; Piliae.

CICERO ATTICO S.

E GO, dum in provincia omnibus rebus Appium orno,  
 subito sum factus accusatoris eius socer. id quidem,

N



## LIB. VI. EPIST.

inquis, *Dij approbent . ita uelim : teq; ita cupere certo scio : sed crede mihi, nihil minus putarā ego , qui de Ti. Nerone, qui mecum egerat, certos homines ad mulieres miseram, qui Romam uenerunt factis sponsalibus . sed hoc spero melius. mulieres quidem ualde intelligo delectari obsequio , & comitate adolescentis . cætera noli ἐξαρκεῖν . sed heus tu, πρὸς εἰς δῆμον Athenis. placet hoc tibi ? etsi non impediabant mei certe libri : non enim ista largitio fuit in ciuibus, sed in hospites liberalitas . me tamen de Academiæ πύλῳ iubes cogitare , quoniam Appius de Eleusine non cogitet. De Hortensio te certo scio dolere : equidem excrucior : decreueram enim cum eo ualde familiariter uiuere . Nos provinciæ præfecimus Celium : puerum , inquires, & fortasse fatuum, & non grauem, & non continentem : assentior : fieri non potuit aliter : nam quas multo ante tuas acceperam literas , in quibus ἐπέχεν te scripseras , quid esset mihi faciendum de relinquendo, eæ me pungebant : uidebam enim , quæ tibi essent ἐποχῆς causæ, (& erant eadem mihi) puero ne traderem . fratri autem , illud non utile nobis . nam præter fratrem nemo erat , quem sine contumelia Quæstori, nobili præsertim , antefерrem . tamen dum impendere Parthi uidebantur, statueram fratrem relinquere , aut etiam Reip. causa contra S. C. ipse remanere . qui posteaquam incredibili felicitate discesserunt, sublata dubitatio est . uidebam sermones , hui fratrem reliquit ? num est hoc non plus annū obtinere provinciā ? quid, quod senatus eos uoluit præesse provinciis, qui non præfuissent ? at hic triennium . ergo hæc ad populū . quid*



quæ tecum? nunquam essem sine cura, si quid iracun-  
dus, aut contumeliosus, aut negligentius. quæ for-  
tuita hominum? quid, si quid filius puer, & puer  
bene sibi fidens? qui esset dolor? quem pater non di-  
mittebat, teq; id censere moleste ferebat. at nunc Ce-  
lius non dico equidem, quod egerit; sed tamen multo  
minus laboro. adde illud: Pompeius, eo robore uir,  
ijs radicibus, Q. Cassium sine sorte delegit, Cæsar  
Antonium: ego sorte datum offenderem? aut etiam in-  
quirerem in eum, quem reliquissim? hoc melius, et hu-  
ius rei plura exempla. senectuti quidem nostræ pro-  
fecto aptius. at te apud eum, Dij boni, quanta in gra-  
tia posui? eiq; legi literas non tuas, sed librarij tui.

Amicorum literæ me ad triumphum uocant, rem à  
nobis, ut ego arbitror, propter hanc περὶ ἡμετέρας  
αὐτῆς nostram, non negligendam. quare tu quoque  
mi Attice incipe hoc cupere, quo nos minus inepti  
uideamur. Vale.

## CICERO ATTICO S.

QVINTVS FILIVS, pie sanè, me quidem cer-  
te multum hortante, sed currentem animum patris  
sui sorori tuæ reconciliauit. eum ualde tuæ literæ ex-  
citarunt. quid queris? confido rem, ut uolumus,  
esse. Bis ad te ante scripsi de re mea familiari,  
si modo tibi redditæ literæ sunt, Græce ἐν ἀντιγράφοις.  
scilicet nihil est mouendum. sed tamen ἀφελῶς per-  
cunctando de nominibus Milonis, & ut expediat,  
ut mihi recepit, hortando, aliquid ita tu proficies.

N ij



## LIB. VI. EPIST.

ego Laodiceæ Quæstorem Massinium expectare iussi,  
ut confectas rationes lege Julia apud duas ciuitates pos-  
sim relinquere. Rhodum uolo puerorum causa. inde  
quamprimum Athenas: etsi Etesiae ualde reslant: sed  
uolo his magistratibus, quorum uoluntatem in suppli-  
catione sum expertus. tu tamen mitte mihi quæso ob-  
uiam literas, nunquid putes Reip. nomine tardandum  
esse nobis. Tiro ad te dedisset literas, nisi eum graui-  
\* ter ægrum Etesæ reliquisssem. sed nuntiant, melius esse.  
ego tamen angor: nihil enim illo adolescente castius, ni-  
hil diligentius. Vale.

CICERO ATTICO S.

C V M instituissem ad te scribere, calamumq; sumpsis-  
sem, Batonius è naui rectà ad me uenit domū Ephesi,  
& epistolam tuam reddidit prid. Cal. Oct. latatus sum  
felicitate nauigationis tuæ, opportunitate Piliæ, etiā me-  
hercule sermone eiusdem de coniugio Tulliae meæ. Bato-  
nius autem miros terrores ad me attulit Cæsarianos. cū  
Lepta etiā plura locutus est; spero, falsa, sed certe horri-  
bilia: exercitum nullo modo dimissurum: cum illo Præ-  
tores Dess. Cassium Trib. Lentulum Cos. facere: Pom-  
peio in animo esse Urbem relinquere: sed heus tu, nun-  
quid moleste fers de illo, qui se solet anteferre patruo so-  
roris tuæ filij? at à quibus uiētus? sed ad rem. Nos  
Etesiae uehementissime tardarunt. detraxit XX ipsos  
dies etiam aphraētus Rhodiorum. Cal. Oct. Epheso con-  
scendentes hanc epistolam dedimus L. Tarquinio simul  
è portu egredienti, sed expeditius nauiganti. nos Rho-



diorum aphraëtis, ceterisq; longis nauibus tranquillita-  
tes aucupaturi eramus. ita tamen properabamus, ut nō  
posset magis. De raudusculo Puteolano gratum. nūc  
uelim dispicias res Romanas, uideas, quid nobis de triū-  
pho cogitandum putes, ad quem amici me uocant. ego,  
nisi Bibulus, qui, dum unus hospes in Syria fuit, pedem  
porta non plus extulit, q̄ domo sua, adniteretur de triū-  
pho, æquo animo essem. nunc uero αἰσχρὸν σιωπᾶν.  
sed explora rem totam, ut, quo die congressi erimus, cō-  
siliū capere possimus. at multa, qui & properarem,  
& ei literas darem, qui aut mecū, aut paulo ante uentu-  
rus esset. Cicero tibi plurimam salutem dicit. tu dices  
utriusq; nostrum uerbis & Piliæ tuæ, & filiæ. Vale.

## CICERO ATTICO S.

I N PIRÆE A cum exissem prid. Id. Oct. accepi ab  
Acasto seruo meo statim tuas literas, quas quidem cum  
expectassem iandiu, admiratus sum, ut uidi ob signatā  
epistolam, breuitatem eius: ut aperui, rursus σύγχυ-  
σις literularum, quæ solent tuæ copiosissimæ, & claris-  
simæ esse. ac ne multa, cognoui ex eo, quod ita scripse-  
ras, te Romam uenisse ad XII. Cal. Oct. cum febrī.  
percussus uehementer, nec magis, quā debui, statim  
quæro ex Acasto. ille & tibi, & sibi uisum, & ita se  
domi ex tuis audisse, ut nihil esset incommode. id uide-  
batur approbare, quod erat in extremo, febriculam  
tum te habentem scripsisse. sed clamaui tamen, admira-  
tusq; sum, quod nihilo minus ad me tua manu scripsis-  
ses. quare de hoc satis: spero enim, quæ tua prudentia,

N iiij



## LIB. VI. EPIST.

Et temperantia, Et hercule, ut me iubet Acastus, confi-  
 do te iam, ut uolumus, ualere. A' Turratio te acce-  
 pisse meas literas gaudeo. παρὰ φύλαξον, si me amas,  
 πῶ τοῦ φυλάττου φιλοτιμίαν αὐτότατα. hanc, quæ me-  
 hercule mihi magno dolori est (dilexi enim hominem)  
 procura (quantulacunque est) Prætianam hereditatem.  
 prorsus illā ne attingas. dices numos mihi opus esse ad  
 apparatus triumphi: in quo, ut præcipis, nec me κενὸν  
 in expetendo cognosces, nec ἀτυφὸν in abiiciendo. in-  
 tellexi ex tuis literis te ex Turratio audisse, à me pro-  
 uinciam fratri traditam. adeo ego non perspexeram  
 prudentiam literarum tuarum? ἐπέχων te scribebas.  
 quid erat dubitatione dignum? si esset quicquam, cur  
 placeret fratrem, Et talem fratrem relinqui? ἀβέτη-  
 σις ista mihi tuā, non ἐποχὴ uidebatur. monebas de  
 Q. Cicerone puero, ut eum quidem neutiquam relin-  
 querem, τοῦτο μόνον ἔργον ἐμοῖ. eadem omnia, quasi  
 collocuti essemus, uidimus. non fuit faciendum aliter,  
 meq; ἐπιχρονία ἐποχὴ tua dubitatione liberauit. sed  
 puto te accepisse de hac re epistolam scriptam accura-  
 tius. ego tabellarios postero die ad uos eram missurus.  
 quos puto ante uenturos, quàm nostrum Saufeium. sed  
 eum sine meis literis ad te uenire uix rectum erat. Tu  
 mihi, ut polliceris, de Tulliola mea, id est de Dolabella,  
 perscribas: de Rep. quam præuideo in summis pericu-  
 lis: de Censoribus, maximeq; de signis, tabulis quid fiat:  
 referatur ne. Idib. Oct. has dedi literas, quo die, ut scri-  
 bis, Caesar Placentiam legiones quatuor. quæso, quid no-  
 bis futurum est, maecte scribas. Athenis statio mea nūc  
 placet. Vale.



M. TULLII CICERONIS EPISTOLARVM AD T. POMPONIVM ATTICVM LIBER VII.

CICERO ATTICO S.

**D**EDERAM equidem L. Saufeio literas, & dederam ad te unum, quod, cum non esset temporis mihi ad scribendum satis, tamen hominem tibi tam familiarē sine meis literis ad te venire nolebam: sed, ut philosophi ambulant, has tibi redditum iri putabam prius. sin iam illas accepisti, scis me Athenas uenisse pridie Id. Oct. ē naui egressum in Paræum tuas ab Acasto nostro literas accepisse: conturbatum, quod cum febre Romam uenisses: bono tamen animo esse coepisse, quod Acastus ea, quæ uellem, de alleuato corpore tuo nūtiaret: cohorruisse autem, quod tuæ literæ de legionibus Caesaris afferrent; & egisse tecum, ut uideres, ne quid φιλοτιμίας eius, quem nosti, nobis noceret, & de quo iam pridem ad te scripseram. Turranius autem secus tibi Brundusij dixerat: quod ex ijs literis cognoui, quas à Xenone optimo uiro accepi. cur fratrem prouinciæ non præfecissem, exposui breuiter. hæc fere sunt in illa epistola. nunc audi reliqua. Per fortunas, omnem tuum amorem, quo me es amplexus, omnemq; tuam prudentiam, quam mehercule in omni genere iudico singularē, conferto ad eam curam, ut de omni statu meo cogites: uidere enim mihi uideor tantam dimi-

N iiij



## LIB. VII. EPIST.

cationem, nisi idem Deus, qui nos melius, quàm opta-  
re auderemus, Parthico bello liberavit, respexerit Rēp.  
quanta nunquam fuit. age, hoc malum mihi commu-  
ne est cum omnibus: nihil tibi mando, ut de eo cogites.  
illud meum proprium πρόβλημα quæso suscipe. uides  
ne, ut te auctore sim utrumque complexus? ac uellem  
à principio te audisse amicissime monentem. ἀλλ' ἐμὸν  
οὐποτε θυμὸν ἐνὶ στήδεσσιν ἐπειθες πατρίδος: sed ali-  
quādo tamen persuasisti, ut alterum complecterer, quia  
de me erat optime meritus; alterum, quia tantum uale-  
bat. feci igitur, atque effeci omni obsequio, ut neutri il-  
lorum quisquā esset me carior: hæc enim cogitaba-  
mus, nec mihi iuncto cum Pompeio fore necesse peccare  
in Rēp. aliquando; nec cum Pompeio sentienti, pugnan-  
dum esse cum Cæsare; tanta erat illorum coniunctio.  
nunc impendet, ut & tu ostendis, & ego uideo, summa  
inter eos contentio. me autem uterq; numerat suum: ni-  
si forte simulat alter: nam Pompeius non dubitat (ue-  
re enim iudicat) ea, quæ de Rēp. nūc sentiat, mihi ualde  
probari. utriusq; autem accepi eiusmodi literas eodem  
tempore, quo tuas, ut neuter quenquam omnium pluris  
facere, quàm me, uideretur. uerum quid agant? non  
quæro illa ultima (si enim castris res geretur, uideo cū  
altero uinci satius esse, q̃ cū altero uincere) sed illa, quæ  
tum agētur, cum uenero, ne ratio absentis habeatur, ut  
exercitum dimittat. dic M. Tulli. quid dicam? expe-  
cta, amabo te, dum Atticum conueniam. non est locus  
ad tergiuersandum contra Cæsarem: ubi illæ sunt den-  
sæ dexteræ? nā ut illi hoc liceret, adiui rogatus ab ipso  
\* Rauēnæ de Celio. Trib. pl. ab ipso autē etiā à Cneo no-



stro in illo diuino tertio Consulatu. aliter sensero: αὐδ' ἐο  
 μοι non Pōpeium modo, sed Τεῶας, καὶ Τεῶαδας. Που-  
 λυδάμας μοι πρῶτος ἐλεγχέειν κατὰθήσει, quis? tu ipse  
 scilicet laudator & factorum, et scriptorum meorum.  
 hanc ego plagam effugi per duos superiores Marcello-  
 rum Consulatus, cum est actum de provincia Cæsaris.  
 nunc incido in discrimen ipsum. itaque ut stultus pri-  
 mus suam sententiam dicat, mihi ualde placet de trium-  
 pho nos moliri aliquid, extra Urbem esse cū iustissima  
 causa. tamen dabunt operam, ut eliciant sententiam  
 meam. ridebis hoc loco fortasse: quàm uellem etiam  
 nunc in prouincia morari. plane opus fuit, si hoc im-  
 pendeat: etsi nil miserius: nam ὁδὸν πάρεργον uolo  
 te hoc scire, omnia illa prima, quæ etiā tu literis in cœ-  
 lum ferebas, ἐπίπνικτα fuerunt. quàm non est faci-  
 lis uirtus, quàm uero difficilis eius diuturna simulatio.  
 cum enim hoc rectum, & gloriosum putarem, ex an-  
 nuo sumptu, qui mihi decretus esset, me C. Celio Quæ-  
 stori relinquere annuū, referre in arariū ad HS CIO:  
 ingemuit nostra cohors, omne illud putans distribui sibi  
 oportere, ut ego amicior inuenirer Phrygum, & Cili-  
 cum ararijs, quàm nostro. sed me non mouerunt: nam  
 & mea laus apud me plurimū ualuit; nec tamen quic-  
 quam honorifice in quenquam fieri potuit, quod præter  
 miserim. sed hæc fuerit, ut ait Thucidides, ἐκβολὴ λόγου  
 non inutilis. tu autem de nostro statu cogitabis: pri-  
 mum quo artificio tueamur beneuolentiam Cæsaris: de-  
 inde de ipso triumpho: quem uideo, nisi Reip. tempora  
 impediunt, ὡς πρόβλεπον, iudico autem cum ex literis ami-  
 corum, tum ex supplicatione, quàm qui non decreuit,



## LIB. VII. EPIST.

plus decreuit, quàm si omnes decreuisset triumphos. et  
 porro assensus est unus familiaris meus Fauonius, alter  
 iratus Hirrus. Cato autem et scribendo affuit, et ad me  
 de sententia sua iucundissimas literas misit. sed tamen  
 gratulans mihi Caesar de supplicatione, triumphat de  
 sententia Catonis, nec scribit quid ille sententiæ dixerit;  
 sed tamen supplicationem eum mihi non decreuisse. re-  
 deo ad Hirrum. coeperas eum mihi placare: perfice. ha-  
 bes Scrofam: habes Silium. ad eos ego etiã antea scripsi,  
 et ad ipsum Hirrum: locutus enim erat cum ijs, com-  
 mode se potuisse impedire, sed noluisse; assensum tamen  
 esse Catoni amicissimo meo, cum is honorificentissimam  
 in me sententiam dixisset; nec me ad se ulla literas mi-  
 sisse, cum ad omnes mitterem. uerum dicebat: ad eum  
 enim solum, et ad Crassipudem non scripseram. atque  
 hæc de rebus forensibus. Redeamus domum. diuin-  
 gere me ab illo uolo. *νῆρὺς ἔφυγάτης* Germanus Larti-  
 dius. *ἀλλὰ τὰ μὲν προτέτυχθαι ἔσσομεν, ἀχρὺ μενοί περ.*  
 reliqua expediamus, hoc primũ, quod accessit cura do-  
 lori meo, sed hoc tamen quidquid est. Prætianum cũ ijs  
 rationibus, quas ille meas tractat, admisceri nolo. scripsi  
 ad Terentiam, scripsi etiam ad ipsum, me, quidquid pos-  
 sem numorum, ad apparatus sperati triumphi ad te  
 redacturum. ita puto *ἀμεμπτα* fore. uerum ut lubebit.  
 hæc quoq; suscipe curam, quemadmodum experiamur.  
 id et ostendisti quibusdam literis ex Epeiro, et Athe-  
 nis datis, et in eo ego te adiunabo. Vale.



## CICERO ATTICO S.

B R V N D V S I V M uenimus VII. Cal. Dec. usi tua  
 felicitate nauigādi. ita belle nobis flauit ab Epeiro lenis=  
 sinus Auster, mitis. hunc σπονδαζοντα, si cui uoles τῶν  
 νεωτέρων, pro tuo uendito. Inualetudo tua me ual=  
 de conturbat: significant enim tuae literae te prorsus la=  
 borare. ego autem cum sciam, quā sis fortis, uehe=  
 mentius esse quiddam suspicor, quod te cogat cedere, et  
 propemodum infringat. cisi alteram quartanam Pam=  
 philus tuus mihi dixit decessisse, et alteram leuiore ac=  
 cedere. Terentia uero, quae quidem eodem tempore ad  
 portam Brundusinam uenit, quo ego in portum, mihiq;  
 obuia in foro fuit, L. Pontium sibi in Trebulano dixis=  
 se narrabat, etiam eam decessisse. quod si ita est, quod  
 maxime mehercule opto, id spero tua prudentia, et te  
 perantia te consecutū. uenio ad epistolas tuas, quas ego  
 sexcentas uno tempore accepi, aliam alia iucundio rem,  
 quae quidem erāt tua manu. nam Alexidis manū ama=  
 bam, quod tam propè accedebat ad similitudinem tuae  
 literae manum non amabam, quia indicabat te non uale  
 re. cuius quoniam mentio iam facta est, Tironē Patris  
 ægrum reliqui, adolescentem, ut nosti, (et adde si quid  
 uis) probum: nihil uidi melius: itaq; careo egre. quā=  
 quā uidebatur se nō grauitur habere, tamē sū sollicitus,  
 maximamq; spem habeo in M. Curiy diligentia, de qua  
 ad me scripsit Tiro, et multi nūtiarunt. Curius autem  
 ipse sensit, quā tu uelles à me diligi: et eo sum admo=  
 dum delectatus: et mehercule est, quem facile diligas.



## LIB. VII. EPIST.

αὐτόχθων in homine urbanitas . eius testamentum de  
 \* tortorio Ciceronum signis obsignatum, cohortisq; præ-  
 toriæ. fecit palam te ex libella, me ex teruncia. Corcy-  
 ræ Alexion me opipare muneratus est. Quæ Ciceroni ob-  
 sisti non potuit, quo minus Thyamim uideret. Filiola  
 tua te delectari lætor, & probari tibi σοφὸν φυσικὸν  
 esse τὸ πρὸς τὰ τέκνα: etenim si hæc non est, nulla  
 potest homini esse ad hominem naturæ adiunctio: qua  
 sublata, vitæ societas tollitur. bene conveniant, inquit,  
 Carneades, spurce, sed tamen prudentius, quàm Lucius no-  
 ster, & Patron: qui, cū omnia ad se referant, quicquā  
 alterius causa fieri putant: cum ea re bonum virum  
 oportere esse dicant, ne malum habeat, non quo id natu-  
 ra rectum sit; non intelligunt se de callido homine lo-  
 qui, non de bono viro. sed hæc opinor sunt in ijs libris,  
 quos tu laudando, animos mihi addidisti. redeo ad rem.

Quo modo expectabam epistolam, quam Philoxeno  
 dedisses? (scripseras enim, in ea esse de sermone Pom-  
 peij Neapolitano) eam mihi Patron Brundisij reddi-  
 dit, Corcyræ, ut opinor, acceperat. nihil potuit esse iu-  
 cundius: erat enim de Rep. de opinione, quam is vir ha-  
 beret integritatis meæ; de benevolentia, quam ostendit  
 eo sermone, quem habuit de triumpho. sed tamen hoc  
 iucundissimum, quod intellexi te ad eum venisse, ut eius  
 animum erga me perspiceres. hoc mihi inquam accidit  
 iucundissimum. de triumpho autem nulla me cupiditas  
 unquā tenuit ante Bibuli impudentissimas literas, quas  
 amplissime supplicatio consecuta est. à quo si ea gesta  
 sunt, quæ scripsit, gauderem, et honori fauerem. nūc  
 illum, qui pedem porta, quoad hostis cis Euphratem



fuit, non extulerit, honore augeri, me, in cuius exercitu  
spem illius exercitus habuit, idem non assequi, dedecus  
est nostrum, nostrum inquam te coniungens. itaque  
omnia experiar, & ut spero, assequar. quod si tu uale-  
res, iam mihi quædam explorata essent, sed, ut spero, ua-  
lebis. De raudusculo Numeriano multum te amo.

Hortensius quid egerit, aucto scire, Cato quid agat: qui  
quidem in me turpiter fuit maleuolus: dedit integritatis,  
iustitiæ, clementiæ, fidei mihi testimonium, quod  
non quærebam; quod postulabam, negauit. itaq; Cæ-  
sar ijs literis, quibus mihi gratulatur, & omnia polli-  
cetur, quo modo exultat Catonis in me ingratiissimi in-  
iuria? at hic idē Bibulo dierum XX. ignosce mihi, nō  
possum hæc ferre, nec feram. cupio ad omnes tuas epi-  
stolas, sed nihil necesse est: iam enim te uidebo. illud ta-  
men de Chrysippo. nam de altero illo minus sum admi-  
ratus operario homine: sed tamen ne illo quidem quid-  
quā improbius. Chrysippum uero, quem ego propter li-  
terularum nescio quid libenter uidi, in honore habui, di-  
scedere à puero insciēte me? mitto alia, quæ audio mul-  
ta: mitto furta: fugam non fero, quæ mihi nihil ui-  
sum est sceleratius. itaq; usurpauī uetus illud Drusi, ut  
ferunt, Prætoris in eo, qui eadem liber non iuraret: me  
istos liberos nō addixisse, præsertim cum adesset nemo,  
à quo recte uindicarentur. id tu, ut uidebitur, ita acci-  
pies: ego tibi assentiar. unī tuæ disertissimæ epistolæ nō  
rescripsi, in qua est de periculis Reip. quid rescriberem?  
ualde eram perturbatus: sed ut nihil magnopere me-  
tuam, Parthi faciunt, qui repente Bibulum seminiuum  
reliquerunt. Vale.



A D. VIII. Id. Dec. in Trebulanum ueni, & ibi tuas literas legi, quas Philotimus mihi reddidit. è quibus hanc primo aspectu uoluptatē cepi, q̄ erāt à te ipso scriptæ: deinde earum accuratissima diligētia sum. mirū in modum delectatus. ac primum illud, in quo te Dicaërcho assentiri negas, et si cupidissime expressum, & expetitur à me sit, & approbatum à te, ne diutius anno in provincia essem, tamen non est nostra contentione perfectum: sic enim scito, uerbum in senatu factum esse nūquam de ullo nostrum, qui provincias obtinuimus, quo in his diutius, quàm ex S. C. maneremus: ut iā ne istius quidem rei culpam sustineam, quòd minus diu fuerim in provincia, quàm fortasse fuerit utile. sed quid, si hoc melius? opportune dici uidetur, ut in hoc ipso: siue enim ad concordiam res adduci potest, siue ad bonorum uictoriam; utriusuis rei me aut adiutorem uelim esse, aut certe non expertem: sin uincuntur boni; ubicunq; essem, unā cum ijs uictus essem. quare celeritas nostri reditus ἀμεταμέλητος debet esse. quòd si ista nobis cogitatio de triumpho iniecta nō esset, quam tu quoq; approbas: ne tu haud multum requireres illum uirum, qui in V I. libro informatus est: quid enim tibi faciā, qui illos libros deuorasti? quin nunc ipsum non dubitabo, rem tantam abijcere, si id erit rectius. utrunq; uero simul agi non potest, & de triumpho ambitiose, & de Rep. libere. sed ne dubitaris, quin, quod honestius, id mihi futurum sit antiquius. nam quod putas utilius esse, uel mihi q̄ tu.



tius sit, uel etiam ut Reip. prodesse possim, me esse cum imperio : id coràm cōsiderabimus quale sit: habet enim res deliberationem : etsi ex parte magna tibi assentior.

De animo autem meo erga Remp. bene facis, quòd non dubitas; & illud probe iudicas, nequaquam satis pro meis officiis, pro ipsius in alios effusione illum in me liberalem fuisse; eiusq; rei causam uere explicas; & eis, quæ de Fabio, Caninioq; acta scribis, ualde consentiunt. quæ si secus essent, totumq; se ille in me profudisset: tamen illa, quam scribis, custos Urbis me præclaræ inscriptionis memorem esse cogeret; nec mihi concederet, ut imitarer Volcatium, aut Seruium, quibus tu es contentus; sed aliquid nos uellet nobis dignum & sentire, & defendere. quod quidem agerem, si liceret, alio modo, ac nunc agendum est. de sua potentia dimicant homines hoc tempore periculo ciuitatis: nam si Resp. defenditur, cur ea Consule isto ipso defensa non est? cur ego, in cuius causa Reip. salus consistebat, defensus postero anno non sum? cur imperium illi, aut cur illo modo prorogatum est? cur tantopere pugnatum est, ut de eius absentis ratione habenda decem Tribuni pl. ferrent? his ille rebus ita conualuit, ut nunc in uno ciue Resp. ad resistendum imbecilla sit. quæ malleam tantas ei vires non dedisset, quàm nunc tam ualenti resisteter. sed quoniam res eò deducta est, non quæram, ut scribis, τὸ σκάφος τῶν Ἀτρεδῶν: mihi σκάφος unum erit, quod à Pompeio gubernabitur. illud ipsum, quod ais; quid fiet, cum erit dictum? dic M. Tulli σύντομα. Pompeio assentiar. ipsum tamen Pompeium separatim ad cōcordiam hortabor: sic enim senz



## LIB. VII. EPIST.

tio, maximo in periculo rem esse. uos scilicet plura, qui  
 in Vrbe estis. ueruntamen hoc uideo, cum homine auda-  
 cissimo, paratissimoq; negotium esse: omnes damna-  
 tos, omnes ignominia affectos, omnes damnatioe, igno-  
 miniaq; dignos illac facere, omnem ferè iuuentutem,  
 omnem illam urbanam, ac perditam plebem, Tribunos  
 ualentes addito C. Cassio, omnes, qui aere alieno pre-  
 mantur, quos plures esse intelligo, quàm putaram.  
 causam solum illa causa non habet: ceteris rebus abun-  
 dat. hic omnia facere omnis debet, ne armis decerna-  
 tur: quorum exitus semper incerti, nunc uero in alte-  
 ram partem magis timendi. Bibulus de prouincia de-  
 cessit: Veientonem praefecit. in decedendo erit, ut au-  
 dio, tardior. què cum ornduit Cato, declarauit ijs se so-  
 lis non inuidere, quibus nihil, aut non multum ad digni-  
 tatem posset accedere. Nunc uenio ad priuata: ferè  
 enim respondi tuis literis de Rep. et ijs, quas in suburba-  
 no, & ijs, quas postea scripsisti. ad priuata uenio. unum  
 etiam de Celio. tantum abest, ut meam ille sententiam  
 moueat, ut ualde ego ipsi, quòd de sua sententia decesse-  
 rit, poenitendum putem. sed quid est, quòd cuncti Lu-  
 \* ceys sint addicti? hoc te praetermisisse miror. De Phi-  
 lotimo faciam equidem, ut mones: sed ego mihi ab illo  
 non rationes expectabam, quas tibi edidit, uerum id re-  
 liquum, quod ipse in Tusculano me referre in com-  
 mentarium mea manu uoluit, quodq; idem in Asia  
 mihi sua manu scriptum dedit. id si praestaret, quan-  
 tum mihi aeris alieni esse tibi edidit, tantum, & plus  
 etiam ipse mihi deberet. sed in hoc genere, si modo  
 per Remp. licebit, non accusabimur posthac: neq; her-  
 cule



cule antea negligentes fuimus, sed amicorum multitudine occupati. ergo utemur, ut polliceris, & opera, & consilio tuo, nec tibi erimus, ut spero, in eo molesti. De Serperastris cohortis meae, nihil est, quod doleas: ipsi enim se collegerunt admiratione vitae integritatis meae. sed me mouerat nemo magis, quam is, quem tu neminem putas. idem & initio fuerat, & nunc est egregius. sed in ipsa decessione significauit sperasse se aliquid, et id, quod animum induxerat paulisper, non tenuit, sed cito ad se rediit, meisque honorificentissimis erga se officiis victus, pluris ea duxit, quam omnem pecuniam. ego à Curio tabulas accepi, quas mecum porto. Hortensii legata cognoui. nunc aueo scire, quid hominis sit, & quarum rerum auctorem instituat: nescio enim, cur, cum portam Flumentanam Celius occuparit, ego Putolos non faciam meos. Venio ad Piræa. in quo magis reprehendendus sum, quod homo Romanus Piræa scripserim, non Piræum (sic enim omnes nostri locuti sunt) quod, in, addiderim: non enim hoc ut oppido praposui, sed ut loco. & tamen Dionysius noster, qui est nobiscum, & Nicias Cous non rebatur oppidum esse Piræa. sed de re uidero. nostrum quidem si est peccatum, in eo est, quod non ut de oppido locutus sum, sed ut de loco: secutusque sum, non dico Cæcilium, Mane ut ex portu in Piræum (malus enim auctor latinitatis est) sed Terentiū, cuius fabellæ propter elegantiam sermonis putabantur à C. Lælio scribi, Heri aliquot adolescentuli coimus in Piræum. & idem, Mercator hoc addebat, captam è Sunio. quod si Sūniūs oppida uolumus esse, tam est oppidum Sunium, quam Piræus. sed quoniam gram=

O



## LIB. VII. EPIST.

maticus es, si hoc mihi *χρῆμα* persolueris, magna me molestia liberaris. ille mihi literas blandas mittit. facit idem pro eo Balbus. mihi certū est ab honestissima sententia digritum nusquam. sed scis, illi reliquū quantum sit. putas ne igitur uerendum esse, ne aut obijciat id nobis aliquis, si languidius; aut repetat, si fortius? quid ad hæc repereris? soluiamus, inquis. age, à Celio mutuabimur. hoc tu tamen consideres uelim: puto es enim in senatu, si quādo præclare pro Rep. dixerō, Tarcessum istum tuum mihi exeunti, iube sodes numos citare. quid superest? etiam. gener est suauis mihi; Tullia, Terentiæ quantumuis: uel ingenij, uel humanitatis satis. reliqua, quæ nosti, ferenda: scis enim, quos aperuimus. qui omnes, præter eum, de quo per te egimus, reum me facere rentur: ipsis enim expensum nemo offeret. sed hæc coram: nam multi sermonis sunt. Tironis reficiendi spes est in M. Curio: cui ego scripsi, tibi eum gratissimum facturum. Vale. Data V. Id. Dec. à Pontio, ex Trebulano.

## CICERO ATTICO S.

DIONYSIVM flagrantē desiderio tui nisi ad te, nec mehercule æquo animo, sed fuit concedendum. quē quidem cognoui cum doctū (quod mihi iam ante erat notum) tum sanctum, plenum officij, studiosum etiam meæ laudis, frugi hominem, ac, ne libertinum laudare uidear, plane uirum bonum. Pompeium uidi IIII. Id. Dec. fuimus unā horas duas fortasse. magna letitia mihi uisus est affici meo aduētū, de triumpho hor-



tari, suscipere partes suas, monere, ne ante in senatum accederem, q̄ rem confecissem, ne dicendis sententijs aliquem Tribunum alienarem. quid quæris? in hoc iudicio, et officio sermonis nihil potuit esse prolixius. de Rep. autem ita mecum locutus est, quasi non dubium bellum haberemus: nihil ad spem concordie: plane illum ab se alienatum cum ante intelligeret, tum uero proxime iudicasse: uenisse Hircium à Cesare, qui esset illi familiarissimus; ad se non accessisse. Et cum ille ad V I I I Id. Dec. uesperu uenisset, Balbus de tota re constituisset, ad V I I ad Scipionem ante lucem uenisse: multa de nocte profectum esse ad Cesarem. hoc illi texurgio desidebatur esse alienationis. quid multa? nihil me aliud consolatur, nisi quòd illum, cui etiam inimici alterum Còsulatum, fortuna summam potentiam dederit, non arbitror fore tam amentem, ut hæc in discrimen adducat. quòd si ruere coeperit, nã ego multa timeo, quæ nò audeo scribere. sed ut nunc est, ad I I I. Non. Ian. ad Urbem cogito. Vale.

## CICERO ATTICO S.

M V L T A S uno tempore accepi epistolas tuas: quæ mihi, quanq̄ recentiora audiebam ex ijs, qui ad me ueniebant, tamen erant iucunde: studiũ enim & beneuolentiã declarabant. In ualitudine tua moueor: & Piliã in idem genus morbi delapsam, curã tibi afferre maiorem sentio. date igitur operã, ut ualeatis. De Tirone uideò tibi curæ esse: quæ quidẽ ego, etsi mirabiles utilitates mihi præbet, cum ualet, in omni genere uel negotiorũ, uel studiorum meorum, tamẽ propter humanitatẽ, &

O ij



## LIB. VII. EPIST.

modestiam malo saluum, quàm propter usum meum. Philogenes mecum nihil unquã de Luscenio locutus est. de cæteris rebus habes Dionysium. Sororem tuã non uenisse in Arcanum miror. De Chrysippo, meũ consilium probari tibi, non moleste fero. Ego in Tusculanum? nihil sanè hoc tempore. deuium est τοῖς ἀπαντῶσιν, & habet alia δύσχευδα. sed de Formiano Tarracinam prid. Cal. Ian. inde Pontinum sumam. inde Albanum Pompei: ita ad Urbem III. Non. natali meo. De Rep. quotidie magis timeo: non enim boni, ut putauĩ, consentiunt. quos ego equites Romanos, quos senatores uidi, qui acerrime cũ cætera, tum hoc iter Pompei uituperarent? pace opus est. ex uictoria cũ multa mala, tum certe tyrannis existet. sed hæc propediem coram. iam plane mihi deest, quid ad te scribam: nec enim de Rep. quòd uterque nostrum scit eadem: & domestica nota sunt ambobus. reliquum est iocari, si hic sinat: nã ego is sum, qui, illi concedi, putem utilius esse, quod postulat, quàm signa conferri: sero enim resistimus ei, quem per annos decẽ aluimus contra nos. quid sentis igitur, inquis? nihil scilicet, nisi de sententia tua, nec prius quidem, quàm nostrum negotium aut conferimus, aut deposuerimus. Cura igitur, ut ualeas. aliquando ἀπόρρητε quartanam istam diligentia, quæ in te summa est.

CICERO ATTICO S.

P LANE deest, quid ad te scribam: nota omnia tibi sunt. nec ipse habeo, à te quid expectem. tantum igitur



tur nostrum illud solenne seruemus, ut ne quem istuc euntem sine literis dimittamus. De Rep. ualde timeo: nec adhuc ferè inueni, qui nō concedendum putaret Cæsari, quod postularet, potius, quàm depugnandū. est illa quidem impudens postulatio opinione ualentior: cur autem nunc primum ei resistamus, οὐ γὰρ ἂν τὸ δὲ μέζον ἐπὶ κακόν, q̄ cum quinquennium prorogabamus, aut cū, ut absentis ratio haberetur, ferebamus? nisi forte hæc illi tum arma dedimus, ut nunc cū bene parato pugnaremus. dices, quid tu igitur sensurus es? non idem, quod dicturus: sentiam enim omnia facienda, ne armis decertetur: dicam idem, quod Pompeius, neque id faciā humili animo: sed rursus hoc permagnum Reip. malū est, & quodam modo mihi præter ceteros non rectum, me in tantis rebus à Pompeio dissidere. Vale.

## CICERO ATTICO S.

DIONYSIVS, uir optimus, ut mihi quoque est perspectus, & doctissimus, tuiq; amantiſſimus, Romam uenit XV. Cal. Ian. & literas à te mihi reddidit: tot enim uerba sunt de Dionysio in epistola tua. illud priuatius non ascribis, Et tibi gratias egit. atqui certe ille agere debuit, & si esset factum, quæ tua est humanitas, ascripsisses. mihi autem nulla de eo παρρησία datur propter superioris epistolæ testimonium. sit igitur sanè bonus uir: hoc enim ipsum bene fecit, quod mihi sui cognoscendi penitus etiam istam facultatem dedit. Philogenes recte ad te scripsit: curauit enim, quod debuit. eū ego uti ea pecunia uolui, quoad liceret: itaque usus est menses XIII. Pontinum cupio ualere:

O iij



## LIB. VII. EPIST.

et quod scribis in Urbem introisse, uereor quid sit: nam id nisi graui de causa non fecisset. Ego, quoniā IIII. Non. Ian. compitalitius dies est, nolo eo die in Albanum uenire molestus familiae. ueniam III. Non. igitur inde ad Urbem prid. Non. . . . . Tua λήψις quem in diem incurrat, nescio, sed prorsus te commoueri incommodo ualitudinis tuae nolo. De honore nostro, nisi quid occulte Caesar per suos Tribunos molitus erit, cetera uidentur esse tranquilla. trāquillissimus autem animus meus, qui totum istuc aequi boni facit, & eo magis, quod iam à multis audio constitutum esse Pompeio, & eius consilio, in Siciliam me mittere, q̄ imperium habeam. id est Αβδῆρικόν: nec enim senatus decreuit, nec populus iussit me imperiū in Sicilia habere. sin hoc Resp. ad Pompeium refert: qui me magis, quam priuatum aliquem, mittat? itaque, si hoc imperiū mihi molestum erit, utar ea porta, quam primum uidero. nam quod scribis, mirificam expectationem esse mei, neque tamen quenquam bonorum, aut satis bonorum dubitare, quid sensurus sim: ego, quos tu bonos esse dicas, nō intelligo: ipse nullos noui: sed ita, si ordines bonorum querimus: nam singulares sunt boni uiri: uerum in dissensionibus ordines bonorum, & genera querenda sunt. senatum bonum putas, per quem sine imperio prouinciae sunt? nunquam enim Curio sustinisset, si cū eo agi coeptum esset. quam sententiam senatus sequi noluit. ex quo factum est, ut Caesari non succederetur. an publicanos? qui nunquam firmi, sed nunc Caesari sunt amicissimi. an foeneratores? an agricolas? quibus optatissimū est otii: nisi eos timere putas, ne sub regno sint, qui id nū-



quam, dum modo otiosi essent, recusarunt. quid ergo?  
exercitū retinentis, cum legis dies transierit, rationē ha-  
beri placet? mihi uero ne absentis quidem. sed, cum id  
datum est, illud undā datum est. annorum decem impe-  
rium, & ita latum, placet? placet igitur etiam me ex-  
pulsū, & agrum Campanum perisse, & adoptatum  
patritium à plebeio, Gaditanum à Mitylenæo. & La-  
bieni diuitiæ, & Mamurræ placent, & Balbi horti, &  
Tusculanum. sed horum omnium fons unus est. imbe-  
cillo resistendum fuit, & id erat facile. nunc legiones  
XI, equitatus tantus, quantum uolet; Traspadani,  
plebs urbana, tot Tribuni pl. tam perditā iuuentus, tan-  
ta auctoritate dux, tanta audacia. cum hoc aut depu-  
gnandum est, aut habēda ē lege ratio. depugna, inquis,  
potius, quā seruias: ut quid? si uictus eris, proscriba-  
re: si uiceris, tamen seruias. quid ergo, inquis, acturus  
es? idem quod pecudes, quæ dispulsæ sui generis sequun-  
tur greges. ut bos armēta, sic ego bonos uiros, aut eos,  
quicumque dicentur boni, sequar, etiam si ruēt. quid sit  
optimum male contractis rebus, plane uideo: nemini  
est enim exploratum, cum ad arma uentum est, quid fu-  
turum sit: at illud omnibus, si boni uicti sunt, nec in cœ-  
de principum clementiorē hunc fore, quā Cinna fue-  
rit, nec moderatiorem, quā Sulla in pecunijs locuple-  
tium. ἐμπονὶς νομίσαι iandudum, & facerem diuti-  
us nisi me lucerna defereret. ad summam dic M. Tul-  
li. assentior Cn. Pompeio, id est T. Pomponio. Alexim  
humanissimum puerum, nisi forte, dum ego absū, ado-  
lescens factus est (id enim agere uidebatur) saluere iu-  
beas uelim. Vale.



QVId opus est de Dionysio tam ualde affirmare? an mihi nuntius tuus non faceret fidem? suspicionem autem eo mihi maiorem tua taciturnitas attulerat, quod et tu soles conglutinare amicitias testimonijs tuis, et illum aliter cum alijs de nobis locutum audiebam. sed prorsus ita esse, ut scribis, mihi persuades: itaque ego is in illum sum, quē tu me esse uis. Diem tuū ego quoq; ex epistola quadam tua, quam incipiente febricula scripseras, mihi notaui, et animaduertēram posse pro re nata te non incōmode ad me in Albanum uenire. III. Non. Ian. sed, amabo te, nihil incommodo ualeitudinis feceris: quid enim est tantum in uno, aut altero die? Dolabelam uideo Liniae testamento cū duobus cohæredibus esse in triente, sed iuberi mutare nomē: est πολιτικὸν σκέμμα, rectum ne sit nobili adolescenti mutare nomen mulieris testamento. sed id φιλοσοφώτερον εἰς ἀνδρὶν ὀφείλει, cum sciemus, quantum quasi sit in trientis triente. Quod putasti fore, ut ante, quam istuc uenirem, Pompeium uiderem, factum est ita: nam VI. Cal. ad Laueranium me consecutus est. una Formias uenimus, & ab hora octaua ad uesperū secreto collocuti sumus. quod quæris, ecquæ spes pacificationis sit: quantum ex Pompeij multo, & accurato sermone perspexi, ne uoluntas quidem est: sic enim existimat, si ille uel dimisso exercitu Consul factus sit, σύγχυσιν τῆς πολιτείας fore. atque etiā putat eum, cum audierit contra se diligenter parari, Consulatum hoc anno neglecturum, ac potius exerci-



tum, prouinciāq; retenturum. sin autem ille fureret,  
 uehementer hominē contemnebat, & suis, & Reip. co-  
 pijs confidebat. quid quæris? etsi mihi crebro εὐνὸς ἐνυά-  
 λιος occurrebat, tamen leuabar cura, uirum fortem, &  
 peritum, & plurimum auctoritate ualentem audiens  
 πολιτικῶς de pacis simulatæ periculis differentem. ha-  
 bebamus autem in manibus Antonij cōcionem habitam  
 X. Cal. Ian. in qua erat accusatio Pompeij usque à toga  
 pura, querela de damnatis, terror armorum. in quibus  
 ille, quid censes, aiebat, facturū esse ipsum, si in possessio-  
 nem Reip. uenerit, cum hæc Quæstor eius infirmus, &  
 inops audeat dicere? quid multa? non modo non expe-  
 tere pacem istam, sed etiam timere uisus est. ex illa au-  
 tem sententia ira relinquendæ Urbis mouet hominem,  
 ut puto. mihi autem illud molestissimum est, quod sol-  
 uendi sunt nūmi Cæsari, & instrumentum triumphī  
 eò conferendum: est enim ἀμὸρφὸν ἀντιπολιτεύομένῳ  
 χρεωφιλῆτιν esse. sed hæc, & multa alia coram.

Quotidie ne, inquis, à te accipiendæ literæ sunt? si  
 habebo, cui dem, quotidie. at iam ipse ades. tum igitur,  
 cum uenero, desinam. unas uideo mihi à te non  
 esse redditas, quas L. Quintius familiaris meus cum  
 ferret, ad Bustum Basilij uulneratus, & despoliatus  
 est. uidebis igitur, nunquid fuerit in ijs, quod me  
 scire opus sit. & simul tu hoc διδρακνίσεις πρόβλημα  
 sanè πολιτικόν: cum sit necesse aut haberi Cæsaris ra-  
 tionem, illo exercitum uel per senatum, uel per Tri-  
 bunos pl. obtinente; aut persuaderi Cæsari, ut tradat  
 prouinciā, atque exercitum, & ita cōsul fiat: aut, si  
 id nō persuadeatur, haberi comitia sine illius ratione;



## LIB. VII. EPIST.

illo patiēte, atque obtinente provinciam : aut, si per Tribunos pl. non patiat, tamen quiescat, rem adduci ad interregnum : aut, si ob eam causam, quod ratio eius non habeatur, exercitum adducat, armis cum eo contendere : illum autem initium facere armorum aut statim nobis minus paratis, aut tum, cum comitis, amicis eius postulantibus, ut è lege ratio habeatur, impetratum non sit : ire autem ad arma aut hanc unam ob causam, quod ratio non habeatur; aut addita causa, si forte Tribunus pl. senatum impediens, aut populum incitans notatus, aut S.C. circumscriptus, aut sublat, aut expulsus sit, dices ut se expulsus ad illū cōfugerit: suscepto autem bello, aut tenenda sit Vrbs, aut, ea relicta, ille à cōmeatu, & reliquis copiis intercludendus : quod horū malorum, quorum aliquod certe subeundum est, minimum putes. dices profecto, persuaderi illi, ut tradat exercitum, & ita Consul fiat. est omnino id eiusmodi, ut, si ille eò descendat, cōtra dici nihil possit. idque eum, si non obtinet ut ratio habeatur retinentis exercitum, non facere miror. nobis autem, ut quidam putant, nihil est timendum magis, quàm ille Consul. at sic malo, inquires, quàm cū exercitu. certe. sed, istuc ipsum sic è magnum malum, putat aliquis. neque ei remediū est ullum. cedendum est, si id uolet. uide Consulem illum iterum, quem uidisti Cōsultu priore. at tum imbecillus plus, inquis, ualuit, quàm tota Resp. quid nunc putas? & eo Consule, Pompeio certum est esse in Hispania. o rem miseram: si quidem id ipsum deterrimū est, quod recusari non potest, & quod ille si faciat, iam iam à bonis omnibus summam ineat gratiam. tollamus igitur

in hoc, q  
est deterr  
pudenti  
provincia  
re ipso p  
pus legi  
gis. ut  
mei rat  
diuini  
oportet  
ad dū  
dū dū  
reus fū  
ad q  
dūq; tot

S V B I T  
ne qui  
tim Lat  
nec, qu  
ritate  
cuius i  
ly cop  
& stup  
cedet, co  
te omni  
uel quo



eur hoc, quò illū posse adduci negant. de reliquis quid est deterrimum? concedere illi, quod, ut idem dicit, impudentissime postulat: nam quid impudentius? tenuisti prouinciam per decem annos, non tibi a senatu, sed à te ipso per uim, & per factionem datos. præterijt tempus legitimum non legis, sed libidinis tuæ, fac tamen legis: ut succedatur, decernitur: impedis, & ais, habe mei rationem: habe tu nostrum. exercitum tu habeas diutius, quàm populus iussit, inuito senatu? depugnes oportet, nisi concedis, cum bona quidem spe, ut ait idem, uel uincendi, uel in libertate moriendi. iam si pugnandum est; quo tempore, in casu; quo consilio, in temporibus situm est. itaque te in ea questione non exerceo. ad ea, quæ dixi, affer, si quid habes. equidem dies, non estesq; torqueor. Vale.

## CICERO ATTICO S.

SUBITO consilium cepi, ut ante, quàm luceret, exire, ne qui conspectus fieret, aut sermo, licitoribus præsertim laureatis. de reliquo, neque hercule, quid agam, nec, quid acturus sim, scio: ita sum perturbatus temeritate nostri amentissimi cōsiliij. tibi uero quid suadeā, cuius ipse consilium expecto? Cneus noster quid consilij ceperit, capiat ne, nescio, adhuc in oppidis coarctatus: & stupent omnes. si in Italia consistat, erimus unā. sincedet, consilij res est. adhuc certe (nisi ego insanio) stulte omnia, & incaute. tu quæso crebro ad me scribe, uel quod in buccam uenerit. Vale.



QV A E S O, quid hoc est? aut quid agitur? mihi enim tenebrae sunt. Cingulum, inquit, nos tenemus. Anconem amisimus. Labienus discessit ab Caesare. utrum de imperatore populi R. an de Annibale loquuntur? o hominem amicum, & miserum, qui ne umbram quidem unquam τοῦ καλοῦ uiderit. atq; haec ait omnia facere se dignitatis causa. ubi est autem dignitas, nisi ubi honestas? nunc honestum igitur habere exercitum nullo publico consilio? occupare urbes civium, quo facilior sit aditus ad patriam? χρεῶν ἀποκοπὰς, φυγὰς καὶ δόλους, sexcenta alia scelera moliri? τὴν θεῶν μεγίστην ὡς ἔχειν τυραννίδα? sibi habeat suam fortunam. unam mehercule tecum apricationem in illo Lucretino tuo sole malim, quam omnia istiusmodi regna; uel potius mori millies, quam semel illiusmodi quidquam cogitare. quid si tu uelis, inquis? age quis est, cui uelle non liceat? sed ego hoc ipsum uelle miserius esse duco, quam in crucem tolli. una res est ea miserior, adipisci, quod ita uolueris. sed haec haec tenus: libenter enim in his molestiis ἐνσχολάζωσθαι. redeamus ad nostrum. Per fortunas, quale tibi consilium Pompeij uidetur? (hoc quero, quod Urbem reliquerit) ego enim ἀπογῶ. tum nihil absurdius. Urbem tu relinquis? ergo idem, si Galli uenirent. non est, inquit, in parietibus Resp. at in aris, & focis. fecit idem Themistocles: fluctum enim totius barbariae ferre urbs una non poterat. at idem Pericles non fecit annum fere post quinquagesimum, cum praeter moenia nihil teneret. nostri olim, urbe reliqua capta, arcem

tamen recte  
et ad  
monibus  
exitum ha  
istic: sed  
se, sine  
homines  
iam coe  
quidam  
enim me  
videtur  
ma nup  
pau iam  
totius neq  
quonia  
& scribe

V NAM  
Cal. lun.  
non acce  
modo si  
bere; ma  
dum put  
Pompeius  
quidem  
nisi Libon  
Larimus  
lique in



etamen retinuerunt. οὕτως που τῶς πρόσθεν ἐπένθόμεθα  
 κλέα ἀνδρῶν. rursus autem ex dolore municipali, ser=  
 monibusq; eorum, quos conuenio, uidetur hoc consilium  
 exitum habiturum. mira hominum querela est (nescio  
 istic: sed facies, ut sciam) sine magistratibus Urbem es=  
 se, sine senatu. fugiens denique Pompeius mirabiliter  
 homines mouet. quid quæris? alia causa facta: nihil  
 iam cōcedendum putant Cæsari. hæc tu mihi explica  
 qualia sint. Ego negotio præsum nō turbulēto: uult  
 enim me Pompeius esse, quem tota hæc Cāpana, & ma=  
 ritima ora habeat ἐπισκοπον, ad quē delectus, & sum=  
 ma negotij referatur. itaque uagus esse cogitabam. te  
 puto iam uidere, quæ sit ὁρμὴ Cæsaris, qui populus, qui  
 totius negotij status. ea uelim scribas ad me, & quidē,  
 quoniā mutabilia sunt, quamsepissime: acquiesco enim  
 & scribens ad te, & legens tua. Vale.

## CICERO ATTICO S.

VNAM adhuc à te epistolam acceperam, datam XII.  
 Cal. Iun. in qua significabatur, aliā te ante dedisse, quā  
 non acceperā. sed quæso ut scribas quamsepissime, non  
 modo si quid scies, aut audieris, sed etiā si quid suspica  
 bere; maximeq; quid nobis faciundum, aut non faciun  
 dum putas. Nam quod rogas, curem, ut scias, quid  
 Pompeius agat: ne ipsum quidem scire puto: nostrum  
 quidem nemo. uidi Lentulum Cos. Formijs X. Cal. Iun.  
 uidi Libonem. plena timoris, & erroris omnia. ille iter  
 Larinum: ibi enim cohortes, & Luceria, & Theani, re=  
 liquæ in Apuleia. inde utrum consistere uspiam uelit,



## LIB. VII. EPIST.

an mare transire, nescitur. si manet, uereor ne exerci-  
tum firmum habere non possit. sin. discedit, quò, aut  
quà, aut quid nobis agendum sit, nescio. nam istum  
quidem, cuius *φειδωρον* times, omnia teterrime factu-  
rum puto: nec enim rerum prolatio, nec senatus, ma-  
gistratumq; discessus, nec ararium clausum tarda-  
bit. sed hæc, ut scribis, cito sciemus. interim uelim  
mihi ignoscas, quòd ad te scribo tam multa toties: ac-  
quiesco enim, & tuas uolo elicere literas, maximeq; cõ-  
siliu, quid agam, aut quo me pacto geram; dimittam  
ne me penitus in causam (non deterreor periculo, sed  
disrumpor dolore: tam ne nullo consilio, aut tam con-  
tra meum consiliu gesta esse omnia?) an cuncter, et  
tergiuerfer, & ijs me dem, qui tenent, qui potiuntur:  
*αὐτὸς οὐκ ἔγωγας*, nec solum ciuis, sed etiam amici offi-  
cio reuocor. & si frangor sæpe misericordia puerorũ.  
ut igitur ita perturbato, & si te eadem sollicitant, scri-  
be aliquid, & maxime, si Pompeius Italia cedit, quid no-  
bis agendum putes. M. quidem Lepidus (nam fuimus  
unã) eum finem statuit, L. Torquatus eundẽ. me cum  
multa, tum etiam lictores impediunt. nihil uidi un-  
quam, quod minus explicari posset. itaque à te nihil  
dum certi exquiro, sed quid uideatur. denique ipsam  
*ἀπορίαν* tuam cupio cognoscere. Labium ab illo di-  
scessisse, propemodum constat. si ita factum esset, ut il-  
le Romam ueniens magistratum, & senatũ Romæ of-  
fenderet: magno usui causæ nostræ fuisset: damnasce  
enim sceleris hominem amicum Reip. causa uideretur.  
quod nunc quoque uidetur, sed minus prodest: non  
enim habet, cui profit: eumq; arbitror poenitere: nisi

forte id  
pro cert  
bis dom  
ponas, e  
cia app  
lia; R  
hac, e  
scripti

DE VITI  
iuris:  
adid vi  
etiam d  
Pifone  
grau  
est, ut  
nis cu  
multa  
tradit  
quod  
triam  
quo m  
lare q  
ubi ex  
quam  
cena q  
flet: d  
qua co



forte id ipsum est falsum, discessisse illum : nos quidem pro certo habebamus . & uelim ( quanquam, ut scribis, domesticis te finibus tenes ) formam mihi Urbis exponas, ecquod Pompey desiderium, ecquæ Caesaris inuidia appareat : etiam quid censeas de Terentia, & Tullia ; Romæ eas esse, an mecum, an aliquo tuto loco . & hæc, & si quid aliud, ad me scribas uelim, uel potius scriptites. Vale.

## CICERO ATTICO S.

DE Vennonianis rebus tibi assentior . Labienum hæc iudico : facinus iandiu nullum civile præclarius. qui, ut aliud nihil, hoc tamen profecit, dedit illi dolorem : sed etiam ad summam profectum aliquid puto . amo etiā Pisonem : cuius iudicium de genere suspicor uisum iri graue . quanquam, genus belli quod sit, uides. ita ciuile est, ut non ex ciuium dissensione, sed ex unius perditione ciuis audacia natum sit . is autem ualet, exercitum tenet multa spe, & promissis, omnia omniū concupiuit . huic tradita Urbs est, nuda præsidio, referta copiis. quid est, quod ab eo non metuas, qui illa templa, & recta nō patriam, sed prædam putet ? quid autem sit acturus, aut quo modo, nescio, sine senatu, sine magistratu. ne simile quidem poterit quicquam πολιτικός . nos autem ubi exurgere poterimus ? aut quando ? quorum dux quàm ἀδεστέον, tu quoque animaduertis, cui ne Pīcena quidem nota fuerint : quàm item sine consilio res stet : ut enim alia omissam decem annorum peccata, quæ conditio non huic fugæ præstitit ? nec uero nunc



## LIB. VII. EPIST.

quid cogitet, scio, ac non desino per literas sciscitari. nihil esse timidius constat, nihil perturbatius. itaque nec praesidium, cuius parandi causa ad Urbem retentus est, nec locum, ac sedem praesidii ullam uideo. spes omnis in duabus inuidiose retentis, penè alienis legionibus: nam delectus adhuc quidem inuitorum est, & à puniendo abhorrentium. conditionum autem amissum tempus est. quid futurum sit, non uideo. commissum quidem à nobis certe est, siue à nostro duce, ut è portu sine gubernaculis egressi, tempestati nos traderemus. itaque de Ciceronibus nostris dubito quid agam: nam mihi interdum amandandi uidentur in Graciam. de Tullia autem, & Terentia, cum mihi barbarorum aduentus ad Urbem proponitur, omnia timeo. cum autem Dolabellæ uenit in mentem, paulum respiro. sed uelim consideres, quid faciendum putes: primum πρὸς τὸ ἀσφαλές: aliter enim mihi de illis, ac de me ipso consulendum est: deinde πρὸς τὰς δόξας, ne reprehendamus, quòd eas Romæ uelimus esse in communi bonorū fuga. quin etiā tibi, & Peduceo (scripsit enim ad me) quid faciatis, uidendum est: is enim splendor est uestrū, ut eadem postulentur à uobis, quæ ab amplissimis ciuibus. sed de hoc tu uidebis, quippe cum de ipso, ac de me ista considerare uelim. reliquū est, ut, & quid agatur, quoad poteris, explores, scribasq; ad me, & quid ipse coniectura assequare. quod etiam à te magis expecto: nam aëta, omnibus nuntiantibus: à te expecto futura. μάλιστα δ' ἀπιδέσθαι. loquacitati ignoscas, quæ & me leuat ad te quidem scribentem, & elicit tuas literas. Aenigma Oppiorum ex Velia plane non intellexi:

ist enim  
+ enigma  
su, aut  
rentia  
turris  
mari da  
mili it  
rebus  
hic sep  
Labien  
192. C  
qui lom  
antim  
sus prof  
fri aliq  
sed ego  
ista m  
Labien  
Therm  
lunat  
lin ex  
et qu  
longio  
nem  
A D V I  
lunat  
ta Ca



est enim numero Platonis obscurius. iam intellexi tuū  
 \* anigma: Oppios enim de Velia Sanctones dicis in eo a-  
 stu, aut die. quo aperto, reliqua patebant, & cum Te-  
 rentie summa congruebant. L. Caesarem uidi Min-  
 turris ad V III. Cal. Febr. mane cum absurdissimis  
 mandatis, non hominem, sed scopas solutas: ut id ipsum  
 mihi ille uideatur irridendi causa fecisse, qui tantis de  
 rebus huic mandata dederit: nisi forte non dedit, &  
 hic sermone aliquo arrepto pro mandatis abusus est.  
 Labienus, uir mea sententia magnus, Theanum uenit ad  
 IX. Cal. Febr. ibi Pompeium, Consulesq; conuenit.  
 qui sermo fuerit, & quid actum sit, scribam ad te, cū  
 certum sciam. Pompeius ab Theano Larinum uer-  
 sus profectus est ad V III. Cal. eo die mansit Vena-  
 fri. aliquantum animi uidetur nobis attulisse Labienus.  
 sed ego nondum habeo, quid ad te ex his locis scribam.  
 ista magis expecto, quid illinc afferatur, quo pacto de  
 Labieno ferat, quid agat Domitius in Marsis, Tignij  
 Thermus, P. Aëtius Cinguli, quæ sit populi urbani uo-  
 luntas, quæ tua coniectura de rebus futuris. hæc ue-  
 lim crebro, & quid tibi de mulieribus nostris placeat,  
 & quid acturus ipse sis, scribas. si scriberem ipse,  
 longior epistola fuisset, sed dictavi propter lippitudi-  
 nem. Vale.

CICERO ATTICO S.

13

A D. VI. Cal. Febr. Capuam Calibus proficiscens, cum  
 leuiter lippirem, has literas dedi. L. Caesar manda-  
 ta Caesaris detulit ad Pompeium V III. Cal. cum

P



## LIB. VII. EPIST.

is esset cum Consulibus Theani . probata conditio est, sed ita, ut ille de ijs oppidis, quæ extra suam prouinciam occupauisset, præsidia deduceret. id si fecisset, respoſum est, ad Vrbem nos redituuros esse, et rem per senatum cōfecturos . spero etiam in præsentia pacem nos habere : nam & illum furoris, & hunc nostrum copiarum suppoenitet. me Pompeius Capuam uenire uoluit, & adiuuare delectum. in quo parum prolixè respondent Campani coloni. gladiatores Cæsaris, qui Capuæ sunt, de quibus ante ad te falsum ex Torquati literis scripseram, sanè commodè Pompeius distribuit binos singulis patribus familiarum . secutorum in ludo L D D. fuerunt. eruptionem facturi fuisse dicebantur. sanè multum in eo Reip. prouisum est. De mulieribus nostris, in quibus est tua soror, quæso uideas ut satis honestum nobis sit, eas Romæ esse, cū ceteræ ulla dignitate discesserint. hoc scripsi ad eas, & ad te ipsum antea . uelim eas cohortere, ut exeāt, præsertim cum ea præsidia in ora maritima habeamus, cui ego præsum, ut in his pro re nata non incommode possint esse. nam si quid offendimus in genere nostro, quod quidem ego præstare non debeo, id fit maius, quod mulieres nostræ præter ceteras Romæ remanserunt. tu ipse cum Sexto, scire uelim, quid cogites de exeundo, de totaq; re quid existimes. equidem ad pacē hortari non desino: quæ uel iniusta utilior est, quā iustissimum bellum . sed hæc, ut fors tulerit. Vale.



## CICERO ATTICO S.

V T AB Vrbe discessi, nullū adhuc intermisi diem, quin aliquid ad te literarum darē, nō quo haberem magno-  
pere quid scriberem, sed ut loquerer tecum absens, quo mihi, cum coram id non liceret, nihil est iucundius.  
Capuam cum uenissem ad V I. Cal. pridie, quā has literas dedi, Consules conueni, multosq; nostri ordinis omnes cupiebāt Cæsarem abductis præsidijs stare conditionibus ijs, quas tulisset. uni Fauonio leges ab illo nobis imponi non placebat: sed is auditus in consilio: Cato enim ipse iam seruire, q̄ pugnare mauult: sed tamē ait in senatu se adesse uelle, cū de conditionibus agatur, si Cæsar adductus sit, ut præsidia deducat. ita, quod maxime opus est, in Siciliam ire non curat: quod metuo ne obsit, in senatu esse uult. Posthumus autem, de quo nominatim senatus decreuit, ut statim in Siciliam iret, Furfanoq; succederet, negat se iturum sine Catone, & suam in senatu operā, auctoritatēq; magni aestimat. ita res ad Fannium peruenit. is cum imperio in Siciliam præmittitur. In disputationibus nostris summa uarietas est. plerique negant Cæsarem in conditione mansuram: postulataque hæc ab eo interposita esse, quo minus, quod opus esset ad bellum, à nobis pararetur. ego autem eum puto facturum, ut præsidia deducat: uicerit enim, si Consul factus erit, & minori scelere uicerit, quā quo est ingressus. sed accipienda plaga est: sumus enim flagitiose imparati cum à militibus, tum à pecuniā, quam quidem omnem non



## LIB. VII. EPIST.

modo priuatam, quæ in Vrbe est, sed etiam publicam, quæ in arario, illi reliquimus. Pompeius ad legiones Actianas est profectus. Labienum secum habet. ego tuas opiniones de his rebus expecto. Formias me continuo recipere cogitabam. Vale.

## CICERO ATTICO S. 15

O MNES arbitror mihi tuas literas redditas esse, sed primas præpostere, reliquas ordine, quo sunt missæ per Terentiam. De mandatis Cæsaris, aduentuq; Labienî, & responsis Consulû ad Pompeium, scripsi ad te literis istis, quas ad V. Cal. Capua dedi: pluraque præterea in eandem epistolam conieci. nunc has expectationes habemus duas: unam, quid Cæsar acturus sit, cum acceperit ea, quæ referenda ad illum data sunt L. Cæsari: alteram, quid Pompeius agat: qui quidem ad me scribit, paucis diebus se firmum exercitum habiturum, spemq; affert, si in Picenum agrum ipse uenerit, nos Romanam redituros esse. Labienum secum habet non dubitantem de imbecillitate Cæsaris copiarum: cuius aduentu Cneus noster multo animi plus habet. nos à Consulibus Capuam uenire iussi sumus ad Non. Febr. Capua profectus sum Formias ad III. Cal. eo die cum Calibus tuas literas hora ferè nona accepissem, has statim dedi. De Terentia, & Tullia tibi assentior. ad quas scripseram, ad te ut referrent. si non dum profectæ sunt, nihil est, quod se moueant, quoad perspiciamus, quo loco sit res. Tuae literæ mihi gratæ, iucundæq; sunt. De pueris in Græciam transportandis tum cogitabam,



cum fuga ex Italia queri uidebatur : nos enim Hispaniam peteremus : illis hoc æque commodum non erat . tu ipse cum Sexto etiam nunc mihi uideris Romæ recte esse posse : etenim minime amici Pompeio nostro esse debetis : nemo enim unquam tantum de urbanis præsijs detraxit . uides ne me etiam iocari ? scire iam te oportet , L. Cæsar quæ responsa referat à Pompeio , quas ab eodem ad Cæsarem ferat literas : scriptæ enim , & datæ ita sunt , ut proponerentur in publico . in quo accusari mecum ipse Pompeium , qui , cum scriptor luculentus esset , tantas res , atq; eas , quæ in omnium manus uenturæ essent , Sestio nostro scribendas dederit . itaque nihil unquam legi scriptum *συστοιχίας ὁρτογῶν* . perspicui tamen ex literis Pompeij potest , nihil Cæsari negari , omniaque , & cumulate , quæ postulet , dari : quæ ille , amentissimus fuerit , nisi acceperit , præsertim cum impudentissime postulauerit : quis enim tu es , qui dicas , si in Hispaniam profectus erit , si præsidia dimiserit ? tamen conceditur , minus honeste nunc quidem , uiolata iam ab illo Rep. illatoq; bello , quam si olim de ratione habenda impetrasset : tamen uereor , ut his ipsis contentus sit : nam , cum ista mandata dedisset L. Cæsari , debuit esse paulo quietior , dum responsa referrentur : dicitur autem nunc esse acerrimus . Trebatius quidem scribit , se ab illo IX. Cal. Febr. rogatum esse , ut scriberet ad me , ut essem ad Urbem : nihil ei me gratius facere posse . hæc uerbis plurimis intellexi ex dierum ratione , ut primum de discessu nostro Cæsar audisset , laborare eum coepisse , ne omnes abessemus . itaq; non dubito , quin ad Pisonem , quin ad Seruium scripserit . illud admiror , non ipsum ad me scri-



## LIB. VII. EPIST.

psisse, non per Dolabellam, non per Celium egisse. quā-  
quam non aspernor Trebatij literas, à quo me unice di-  
ligi scio. rescripsi ad Trebatium. (nam ad ipsum Cæ-  
sarem, qui mihi nihil scripsisset, nolui) quā illud hoc  
tempore esset difficile: me tamen in prædijs meis esse,  
neque delectum ullum, neque negotium suscepisse. in  
quo quidem manebo, dum spes pacis erit. sin bellum ge-  
retur, non deero officio, nec dignitati meæ. pueros ὡς  
ἐμὲν in Græciam: totam enim Italiam flagranturā  
bello intelligo: tantum mali excitatum partim ex im-  
probis, partim ex inuidis ciuibus. sed hæc paucis die-  
bus ex illius ad nostra responsa responsis intelligentur  
quorsum euasura sint. tum ad te scribam plura, si erit  
bellum: sin autem etiam induciæ, te ipsum, ut spero,  
uidebo. Ego IIII. Non. Febr. quo die has literas de-  
di, in Formiano, quò Capua redieram, mulieres expecta-  
bam: quibus quidem scripseram, tuis literis admoni-  
tus, ut Romæ manerent: sed audio maiorem quendam  
in Vrbe timorem esse. Capuæ Non. Febr. esse uolebam,  
quia Consules iusserant. quidquid huc erit à Pompeio  
allatum, statim ad te scribam, tuasq; de istis rebus lite-  
ras expectabo. Vale.

CICERO ATTICO S.

IIII. Non. Febr. mulieres nostræ Formias uenerunt, tuasq;  
erga se officia plena tui suauissimi studij attulerunt.  
eas ego, quoad sciremus utrum turpe pace nobis, an mi-  
sere bello esset utendum, in Formiano esse uolui, et unā  
Cicerones. ipse cum fratre Capuam ad Consules (No-  
mis enim adesse iussi sumus) III. Non. profectus sum,



cum has literas dedi . responsa Pompeij grata populo,  
& probata concioni esse dicuntur . ita putaram . quæ  
quidem si ille repudiarit , iacebit : si acceperit . utrum  
igitur , inquires , maius ? responderem , si , quemadmo-  
dum parati essemus , scirem . Cassium , erat hic audi-  
tum , expulsus Ancone , eamq; Urbem à nobis tene-  
ri : si bellum futurum est , negotium utile . Cæsarem  
quidem , L. Cæsare cum mandatis de pace misso , tamē  
aiunt acerrime delectum habere , loca occupare , uin-  
cire præsidijs . ò perditum latronem , uix ullo otio com-  
pensandam hanc Reip. turpitudinem . sed stomachari  
desinamus , temporì pareamus , cum Pompeio in Hi-  
spaniam eamus . hæc opto in malis , quoniam illius al-  
terum Consulatum à Rep. ne data quidem occasione re-  
pulimus . sed hæc hæctenus . De Dionysio fugit me  
ad te antea scribere : sed ita constitui , expectare re-  
sponsa Cæsaris , ut , si ad Urbem rediremus , ibi nos ex-  
pectaret ; sin tardius id fieret , tum eum accerferemus .  
omnino quid ille facere debuerit in nostra illa fuga ,  
quid docto homine , & amico dignum fuerit , cum  
præsertim rogatus esset . sed hæc non nimis exquiro  
à Græcis . tu tamen uidebis , si erit , quod nolim ,  
accersendus , ne molesti simus inuito . Quintus frater  
laborat , ut tibi , quod debet , ab Egnatio soluat . nec  
Egnatio uoluntas deest : nec parum locuples est . sed ,  
cum tale tempus sit , ut Q. Titinius ( multum enim  
est nobiscum ) uaticum se neget habere ; idemq; debitori-  
bus suis denuntiari , ut eodē fœnore uteretur ; atq; hoc  
idem etiā L. Ligus fecisse dicatur ; nec hoc tempore aut  
domi numos Quintus habeat , aut exigere ab Egnatio ,



## LIB. VII. EPIST.

aut uersuram usquam facere possit: miratur te non habuisse rationem huius publicæ difficultatis. ego autem, etsi illud  $\Psi\delta\delta\eta\sigma\iota\sigma\delta\epsilon\iota\sigma\upsilon$  (ita enim putatur) obseruo,  $\mu\eta\delta\epsilon\delta\iota\kappa\eta\upsilon$ , præsertim in te, à quo nihil unquam uidi temere fieri: tamen illius querela mouebar. hoc, quid quid est, te scire uolui.

CICERO ATTICO S. 17

NIHIL habeo, quod ad te scribam. quin etiam eam epistolam, quam eram elucubratus, ad te non dedi: erat. n. plena spei bonæ, quod & concionis uoluntatem audieram, & illum conditionibus usurum putabam, præsertim suis. ecce tibi IIII. Non. Febr. mane accepi literas tuas, Philotimi, Furnij, Curionis ad Furntum, quibus irrident L. Caesaris legationē. plane oppressi uidemur: nec, quid consilij capiam, scio: nec mehercule de me laboro: de pueris quid agam, non habeo. Capuam tamē proficiscebam hæc scribens, quo facilius de Pompeij rebus cognoscerem. Vale.

CICERO ATTICO S. 18

BREVILOQUENTEM iam me tēpus ipsum facit: pacem enim desperavi. bellum nostri nullum administrant: caue enim putes quidquam esse minoris his Consulibus, quorum ego spe audiendi aliquid, & cognoscendi nostri apparatus, maximo imbri Capuam ueni prid. Non. ut eram iussus. illi autem nondum uenerant, sed erant uenturi, inanes, imparati. Cneus autem Lucerie dicebatur esse, & adire cohortes legionum Aelianarum non firmissimarum.



at illum ruere. nuntiant, & iam, iamq; adesse, non  
 ut manum conserat (quicum enim?) sed ut fugam in-  
 tercludat. ego autem in Italia καὶ συναποδανείν: nec te  
 id consilio. sin extra, quid ago? ad manendum hyems, li-  
 etores, improvidi, et negligentes duces; ad fugam horta-  
 tur amicitia Cnei, causa bonorum, turpitudine cōiungēdi  
 cum tyranno. qui quidem, incertū est, Phalarim ne, an  
 Pisistratum sit imitaturus. hæc uelim explices, et me iu-  
 ues cōsilio: etsi te ipsum istic iam calere puto: sed tamen,  
 quātū poteris. ego si quid hic hodie noui cognoro, scies:  
 iam enim aduunt Cōsules ad suas Nonas. tuas quotidie  
 literas expectabo. ad has autem, cum poteris, rescribes.  
 Mulieres, & Cicerones in Formiano reliqui. Vale.

## CICERO ATTICO S.

DE malis nostris tu prius audis, quàm nos: istinc enim  
 emanāt. boni autem hinc quod expectes, nihil est. Ve-  
 ni Capuam ad Non. Febr. ita ut iusserāt Cōsules. eo die  
 Lentulus uenit sero. alter Consul omnino non uenerat  
 VII. Id. eo enim die ego Capua discessi, et mansi Cali-  
 bus. inde has literas postridie ante lucē dedi. hæc, Capuæ  
 dum fui, cognoui, nihil in Consulibus, nullum usquā de-  
 lectum: nec enim conquisitores φαινοπεροσώπειν audent,  
 cum ille adsit cōtra, cum noster dux nusquam sit, nihil  
 agat: nec nomina dant: deficit enim non uoluntas, sed  
 spes. Cneus autem noster (ò rem miseram & incredibz  
 lem) ut totus iacet. non animus est, non consilium, non  
 copiae, non diligentia. mitto illam fugam ab Vrbe tur-  
 pissimam, timidissimas in oppidis conciones, ignorance



## LIB. VII. EPIST.

non solum aduersarij, sed etiam suarum copiarum. hoc cuiusmodi est? VII. Id. Febr. Capuam C. Cassius Trib. pl. uenit, attulit madata ad Cōsules, ut Romā uenirent, pecuniam de sanctiore aerario auferrent, statim exirent Vrbe relicta. redeāt, quo praesidio? deinde exeāt, quis sinat? Cōsul ei rescripsit, ut prius ipse in Picenum. at illud totum erat amissum: sciebat nemo, praeter me ex literis Dolabellae. mihi dubium nō erat, quin ille iam, iamq; foret in Apulia, Cneus noster in naui. ego quid agam? σκέμμεν magnum, neq; mehercule mihi quidem ullum, nisi omnia essent acta turpissime. neq; ego ullius consilij particeps, sed tamen quod me deceat. ipse me Caesar ad pacem hortatur: sed antiquiores literae, quām ruere coepit. Dolabella, Celiū, me illi ualde satisfacere. mira me ἀπορία torquet. iuuat me consilio, si potes: et tamen ista, quantū potes, provide. nihil habeo tanta rerū perturbatione, quod scribam. tuas literas expecto. Vale.

CICERO ATTICO S. 23

P E D E M in Italia uideo nullam esse, qui non in istius potestate sit. De Pōpeio scio nihil, eumq; nisi in nauim se contulerit, exceptum iri. puto. ò celeritatem incredibilem, huius autem nostri. sed non possum sine dolore accusare eum, de quo angor, & crucior. Tu eadem non sine causa times: non quo minus quidquam Caesari expediat ad diuturnitatem uictoriae, et dominationis: sed uideo, quorum arbitrio sit acturus. reſte sit. censeo cedendum de oppidis his. egeo consilij. quod optimum factū uidebitur, facies. cum Philoti-



mo loquere, atque adeo Terentiam habebis Idibus. ego quid agam? quā aut terra, aut mari persequar eum, qui ubi sit, nescio? etsi terra quidem qui possum? mari quo? tradam igitur isti me? fac posse tuto: multi enim hortantur: num etiam honeste? nullo modo quidem. à te petam consilium, ut soleo. explicari res non potest: sed tamen, si quid in mentem uenit, uelim scribas, & ipse quid sis acturus. Vale.

## CICERO ATTICO S. 21

V. Id. Febr. uesperis è Philotimo literas accepi, Domitium exercitum firmum habere, cohortes ex Piceno, Lentulo, & Thermo ducentibus, cum Domitij exercitus coniunctas esse; Caesarem intercludi posse, eumque id timere; bonorum animos recreatos Romae, improbos quasi perculos. hæc metuo quidem ne sint insomnia: sed tamen M. Lepidum, L. Torquatum, C. Cassium Trib. pl. (ij enim sunt nobiscum, id est in Formiano) Philotimi literæ ad uitam reuocarunt. ego autem illa metuo ne ueriores sint, nos omnes penè iam captos esse, Pompeium Italia cedere. quem quidem (ò rem acerbam) persequi Caesar dicitur. persequi Caesar Pompeium? quid? ut interficiat? ò me miserum: & non omnes nostra corpora opponimus? in quo tu quoque ingemiscis. sed quid faciamus? uicisti, oppressi, capti plane sumus. ego tamen Philotimi literis lectis mutavi consilium de mulieribus: quas, ut scripseram ad te, Romam remittebam: sed mihi uenit in mentem, multum fore sermonem, me



## LIB. VII. EPIST.

iudicium iam de causa publica fecisse: qua desperata, quasi hunc gradum mei reditus esse, quod mulieres reuertissent. De me autem ipso tibi assentior, ne me dem incerta, & periculosa fugæ, cum Reip. nihil prosim, nihil Pompeio, pro quo emori cum pie possum, tum libenter. manebo igitur: etsi uiuere. Quod quæris, hic quid agatur: tota Capua, & omnis hic delectus iacet: desperata res est: in fuga omnes sunt, nisi quid eiusmodi fuerit, ut Pompeius istas Domitij copias cum suis coniugat. sed uidebamur omnia biduo, triduo ne scituri. Cæsaris literarum exemplum tibi misi: rogaras enim. cui nos ualde satisfacere multi ad me scripserunt. quod patior facile, dum, ut adhuc, nihil faciam turpiter. Vale.

CICERO ATTICO S. 22

P HILOTIMI literæ me quidem non nimis, sed eos, qui in his locis erant, admodum delectarunt. ecce postri die Cassij literæ Capua à Lucretio familiari eius, Nigidium à Domizio Capuam uenisse; eum dicere, Vibulium cum paucis militibus è Piceno currere ad Cneū, confestim sequi Cæsarem, Domitium non habere militum uim. idem scripsit Consules Capua discessisse. non dubito, quin Cneus in fuga sit, modo effugiat. à consilio fugiendi, ut tu censes, absūm. Vale.

CICERO ATTICO S. 23

C VM dedissem ad te literas tristes, et metuo ne ueras, de Lucretij ad Cassiū literis Capua missis, Cephalio ue



nit à uobis, attulit etiā à te literas hilariores, nec tamen firmas, ut soles. omnia facilius credere possum, q̄ quod scribitis, Pompeium exercitum habere. nemo huc ita affert; omniaq; quæ nolim. rem miseram. malas causas semper obtinuit, in optima concidit. quid dicam, nisi, illud eum scisse; neq; enim erat difficile: hoc nescisse; erat enim ars difficilis recte Remp. regere. sed iam, iamq; omnia sciemus, & scribemus ad te statim. Vale.

## CICERO ATTICO S. 22

NON uenit idem usu mihi, quod tu tibi scribis: Quoties exorior: ego enim nunc paulum exorior, et maxime quidem his literis, quæ Roma afferuntur, de Domitio, de Picentium cohortibus. omnia erant facta hoc bi- duo letiora. itaq; fuga, quæ parabatur, repressa est. Cesaris interdicta, si te secundo lumine hic offendero, respuuntur. bona de Domitio, præclara de Afranio fama est. Quod me amicissime admones, ut me integrum, quoad possim, seruem, gratum est. Quod addis, ne propensior ad turpem causam uidear: certe uideri possum. ego me ducem in ciuili bello, quoad de pace ageretur, negaui esse: nō quin rectum esset: sed quia, quod multo rectius fuit, id mihi fraudem tulit. plane eum, cui noster alterum Consulatum deferret, & triūphum, at quibus uerbis? pro suis gestis amplissimis, inimicum habere nolueram. ego scio, & quem metuam, & quam ob rem. sin erit bellum, ut uideo fore: partes meæ non desiderabuntur. De HS XX Terentia tibi rescripsit. Dionysio, dum existimabam uagos nos fo-



LIB. VIII. EPIST.

re, nolui molestus esse. tibi autem crebro ad me scribē-  
ei de eius officio, nihil rescripsi, quod diem ex die expe-  
ctabam, ut statuerem, quid esset faciendum. nunc, ut  
uideo, pueri certe in Formiano uidentur hyematuri:  
num & ego, nescio: si enim erit bellum, cum Pom-  
peio esse constitui. quod habebo certi, faciam, ut scias.  
ego bellum foedissimum futurum puto, nisi qui (tu  
scis) Parthicus casus extiterit. Vale.

M. TVLLII CICERONIS EPISTO-  
LARVM AD T. POMPONIVM  
ATTICVM LIBER VIII.

CICERO ATTICO S.

VM ad te literas dedissem, redditæ mi-  
hi literæ sunt à Pompeio. cætera de re-  
bus in Piceno gestis, quæ ad te Vibul-  
lius scripsisset, de delectu Domitij, quæ  
sunt nobis nota, nec tamen lata, erant  
in ijs literis. quam ad me Philotimus scripserat, ipsam  
tibi epistolam misissem, sed subito fratris puer profici-  
scebatur: cras igitur mittam. sed in ea Pompeij episto-  
la erat in extremo ipsius manu: Tu censeo Luceriam  
uenias: nusquam eris tutius. id ego in eam partem  
accepi, hæc oppida, atq; oram maritimam illum pro-  
derelicto habere: nec sum miratus, eū, qui caput ipsum  
reliquisset, reliquis membris non parcere. ei statim re-  
scripsi, hominemq; certum misi de comitibus meis, non  
me querere, ubi tutissime essem: si me uellet sua, aut



Reip. causa Luceriam uenire ; statim esse uenturum : hortatusq; sum , ut oram maritimam retineret , si rem frumentariam sibi ex prouincijs suppeditari uellet. hæc me frustra scribere uidebam : sed uti in Vrbe retinenda tunc , sic nunc in Italia non relinquenda testificabar sententiam meam : sic enim parari uideo , ut Luceriam omnes copię contrahantur : & ne is quidem locus stabilis , sed ex eo ipso , si urgeamur , paretur fuga . quo minus mirere , si inuitus in eam causam descendo , in qua neq; pacis , neq; uictorię ratio quęsita sit unquam , semper flagitiosę , & calamitosę fugę . eundum , ut , quemcunq; fors tulerit casum , subeam potius cum ijs , qui dicuntur esse boni , quàm uidear à bonis dissentire . etsi propediem uideo bonorum , id est lautorum , et locupletum , Urbem refertam fore ; municipijs uero his reliētis , refertissimam . quo ego in numero essem , si hos liētores molestissimos non haberē : nec me M. Lepidi , L. Volcatij , Ser. Sulpitij comitum pœniteret : quorum nemo nec stultior est , quàm L. Domitius ; nec inconstantior , quàm App. Claudius . unus Pompeius me mouet , beneficio , non auctōritate : quam enim ille habeat auctōritatem in hac causa , qui , cum omnes Cæsarem metuebamus , ipse eum diligebat ? postquam uero ipse metuere cœpit , putat omnes hostes illi oportere esse . ibimus tamen Luceriam : nec eum fortasse deletabit noster aduentus : dissimulare enim non potero , mihi , quę adhuc acta sunt , displicere . ego , si somnum capere possem , tam longis te epistolis non obtunderem . tu , si tibi eadem causa est , me remunerare sanè uelim. Vale.



CICERO ATTICO S. 2

M I HI uero omnia grata : et quod scripsisti ad me, quæ audieras: & quod non credidisti, quæ digna diligentia mea non essent : & q̄ monuisti, quod sentiebas. Ego ad Cæsarem unas Capua literas dedi, quibus ad ea rescripsi, quæ mecum ille de gladiatoribus suis egerat, breues, sed beneuolentiam significantes, non modo sine contumelia, sed etiam cum maxîma laude Põpei; id enim illa sententia postulabat, quæ illum ad cõcordiam hortabar. eas si quò ille misit, in publico proponat uelim. alteras eodem die dedi, quo has ad te. non potui nõ dare, cum & ipse ad me scripsisset, et Balbus. earum exẽplũ ad te misi. nihil arbitror fore, quod reprehendas. si qua erunt, doce me. quo modo enim effugere possum? nihil, inquires, omnino scripseris. qui magis effugias eos, qui nolent fingere? ueruntamen ita faciam, quoad fieri poterit. Nam quod me hortaris ad memoriam factorum, dictorum, scriptorũ etiam meorum: facis amice tu quidem, mihiq; gratissimum: sed mihi uideris aliud tu honestum, miq; dignũ in hac causa iudicare, atq; ego existimem: mihi enim nihil ulla in gente unquã ab ullo auctore Reip. ac duce turpius factum esse uidetur, q̄ à nostro amico factũ est. cuius ego uicem doleo, qui Urbem reliquit, id est patriam, pro qua, & in qua mori præclarum fuit. ignorare mihi uideris, hæc quanta sit clades: es enim etiam nunc domi tuæ: sed inuitis perditissimis hominibus esse diutius non potes. hoc miseriùs, hoc turpius quicquã? uagamur egentes cum coniugibus, et liberis:



beris. in unius hominis quotannis periculose agrotan-  
 tis anima positas omnes nostras spes habemus, non ex-  
 pulsi, sed euocati ē patria, quam non seruādam ad re-  
 ditum nostrum, sed diripiendam, & inflammandam re-  
 liquimus. ita multi nobiscum sunt non in suburbanis,  
 non in hortis, non in ipsa vrbe: & si nunc sunt, non e-  
 runt: nos interea ne Capuæ quidem, sed Luceria, & o-  
 ram quidem maritimam iam relinquemus. Afranium  
 expectabimus, & Petreium: nam in Labieno parum est  
 \* dignitatis. hic tu in me illud desideras. nihil de  
 \* me dico: alij uiderint. hic quidem quæ est domi  
 uestra estis, & eritis omnes boni. quis tum se mihi non  
 ostendit? quis nunc adest hoc bello? sic enim iam ap-  
 pellandum est. Vibully res gestæ sunt adhuc maximæ.  
 id ex Pompeij literis cognosces. in quibus animaduerti-  
 to illum locum, ubi erit διπλῆ. uidebis, de Cneo nostro  
 ipse Vibullius quid existimet. quod igitur hæc spectat  
 oratio? ego pro Pompeio libenter emori possum. facio  
 \* pluris omnium hominū neminem. sed non ita non meo  
 iudicio spem de salute Reip. significas enim aliquanto se-  
 cus, q̄ solebas: ut etiam, Italia si ille cedat, putes ceden-  
 dum: quod ego nec Reip. puto esse utile, nec liberis me-  
 is: præterea neq; rectum, neq; honestum. sed cur? pote-  
 ris ne uidere tyrannum? quasi intersit, audiam, an uide-  
 am: aut locupletior mihi sit querendus auctor, q̄ Socra-  
 tes, qui, cum triginta tyranni essent, pedem porta non ex-  
 tulit. est mihi præterea præcipua causa manēdi, de qua  
 utinam aliquando tecum loquar. Ego XIII. Cal.  
 cum eadem lucerna hanc epistolam scripsissem, qua in-  
 flāmarā tuā, Formijs ad Pompeiū, si de pace ageretur,



profecturus eram: si de bello, uidero. Vale.

CICERO ATTICO S. 3

**M**AXIMIS, & miserrimis rebus perturbatus, cum coram tecum mihi potestas deliberandi non esset, uti tamen tuo consilio uolui. deliberatio autem omnis hæc est. si Pompeius Italia cedat (quod eum facturum esse suspicor) quid mihi agendum putes. & quo facilius consilium dare possis; quid in utranque partem mihi in mentem ueniat, explicabo breui. Cum merita Pompeij summa erga salutem meam, familiaritasq; , quæ mihi cum eo est, tum ipsa Reip. causa me adducit, ut mihi uel consilium meum cum illius consilio, uel fortuna cõiungenda esse uideatur. accedit illud: si maneo, & illum comitatum optimorum, & clarissimorum ciuium desero; cadendum est in unius potestatem. qui etsi multis rebus significat se nobis esse amicum, & ut esset, à me est (tunc scis) propter suspicionem huius impendentis tempestatis multo ante prouisum: tamen utrumque considerandum est, & quanta ei fides sit habenda; & si maxime exploratum sit, eum nobis amicum fore, sit ne uiri fortis, & boni ciuis esse in ea Vrbe, in qua cum summis honoribus, imperijsq; usus sit, res maximas gesserit, sacerdotio sit amplissimo præditus, non futurus sit sui iuris, subeundumq; periculum sit cum aliquo forte dedecore, si quando Pompeius Remp. recuperarit. in hac parte hæc sunt: uide nunc, quæ sint in altera. Nihil actum est à Pompeio nostro sapiēter, nihil fortiter; adde etiam, nil il. nisi contra consilium, auctoritatemq; meam. omitto, a uetera, quod istum



in Remp. ille aluit, auxit, armavit : ille legibus per uim,  
 & contra auspicia ferendis auctor : ille Galliae ulterio-  
 ris adiunctor : ille gener : ille in adoptando P. Clodio Au-  
 gur : ille restituendi mei, quam retinendi, studiosior : ille  
 prouinciae propagator : ille absentis in omnibus adiu-  
 tor : idem etiam tertio Consulatu, postquam esse defen-  
 sor Reip. cepit, contendit, ut decem Tribuni pl. ferrerent,  
 ut absentis ratio haberetur. quod idem ipse sanxit lege  
 quadam sua, Marcoq; Marcello Cos. finienti prouincias  
 Gallias Cal. Martij, restitit. sed ut haec omittam, quid  
 foedius, quid perturbatius hoc ab Vrbe discessu, siue po-  
 tius turpissima fuga? quae conditio non accipienda fuit  
 potius, q̄ relinquenda patriae mala conditiones erant, fa-  
 teor, sed nunquid hoc peius? at recuperabit Remp. qua-  
 do? aut quid ad eam spem est parati? non ager Picenus  
 amissus? non patefactum iter ad Urbem? non pecunia  
 omnis & publica, & priuata aduersario tradita? deni-  
 que nulla causa, nullae uires, nulla sedes, quod concurrant  
 qui Remp. defensam uelint. Apulia deleta est inanissi-  
 ma pars Italiae, & ab imperu huius belli remotissima. fu-  
 ga, & maritima opportunitas uisa quari desperatione.  
 inuite cepi Capuam, non quo munus illud defugerem,  
 sed sine causa, in qua nullus esset ordinum, nullus aper-  
 tus priuatorum dolor; bonorum autem esset aliquis, sed  
 hebes, ut solet, & ut ipse sensissem, multitudo, & infi-  
 mus quisq; propensus in alteram partem : multi muta-  
 tionis rerum cupidi. dixi ipsi, me nihil suscepturum sine  
 praesidio, & sine pecunia. itaq; habui nihil omnino nego-  
 tij; quod ab initio uidi, nihil quari praeter fugam. eum si  
 nunc sequor, quoniam? cum illo non. ad quem cum essem pro-

Q ij



## LIB. VIII. EPIST.

feeturus, cognoui in ijs locis esse Cæsarem, ut tuto Luce-  
 riam uenire non possem. infero mari nobis incerto cur-  
 su, hieme maxima nauigandum est. age iam, cum fra-  
 tre, an sine? cum filio, an quomodo? in utraque enim  
 re summa difficultas erit, summus animi dolor. qui au-  
 tem impetus illius erit in nos absentes, fortunasq; no-  
 stras? acrior, quam in ceterorum, quod putabit fortasse  
 in nobis uiolandis aliquid se habere populare. age iam,  
 has compedes, fasces inquam hos laureatos ecferre ex  
 Italia q̄ molestum est? qui autem locus erit nobis tutus,  
 ut iam placatis utamur fluctibus, ante, quam ad illum  
 uenerimus? quæ autem, aut quò, nihil scimus. at si re-  
 stitero, & fuerit nobis in hac parte locus: idem fecero,  
 quod in Cinna dominatione Philippus, quod L. Flaccus,  
 quod Q. Mutius, quoquomodo ea res huic quidem ceci-  
 dit, qui tamen ita dicere solebat, se id fore uidere, quod  
 factum est; sed hoc malle, quam armatum ad patriæ  
 mœnia accedere. aliter Thrasibulus, & fortasse meli-  
 us. sed est certa quædam illa Mutij ratio, atque senten-  
 tia, est illa etiam Philippi: & cum sit necesse, seruire tē-  
 pori; & non amittere tempus, cum sit datum. sed in  
 hoc ipso habent tamen ijdem fasces molestiam: sit enim  
 nobis amicus, quod incertum est, sed sit, deferet trium-  
 phum, non accipere ne periculosum sit, an accipere inui-  
 diosum ad bonos? o rem, inquis, difficilem, & inexplica-  
 bilem. atqui explicanda est: qui enim fieri potest? ac  
 ne me existimaris ad manendum esse propensorem, quod  
 plura in ea parte uerba fecerim. potest fieri, quod fit  
 in multis quæstionibus, ut res uerbosior hæc fuerit, illa  
 uerior. quam ob rem ut maxima de re æquo animo de-



liberanti, ita mihi des consilium uelim. nauis & in Ca-  
ieta est parata nobis, & Brundusij. sed ecce nuntij, scri-  
bente me hæc ipsa noctu in Caleno, ecce literæ, Cæsarem  
ad Corfinium, Domitium Corfinij cum firmo exercitu,  
& pugnare cupiente. non puto etiam hoc Cneum no-  
strum commissurum, ut Domitium relinquat. & si Brū-  
dusium Scipionē cum cohortibus duabus præmiserat.  
Legionem à Fausto conscriptam, in Siciliam sibi place-  
re à Consule duci, scripserat ad Consules. sed turpe  
Domitium erit deserere implorantem eius auxilium. est  
quædam spes mihi quidem non magna, sed in his locis  
firma, Afranium in Pyreneo cum Trebonio pugnas-  
se, pulsum Trebonium, etiam Fabium tuum transisse cum  
cohortibus: summum autem, Afranium cum magnis  
copijs aduentare. id si est, in Italia fortasse manebitur.  
ego autem, cum esset incertum iter Cæsaris, quod uel ad  
Capuam, uel ad Luceriam iturus putabatur: Leptam  
ad Pompeium misi, & literas: ipse, ne quod inciderem,  
reuerti Formias. hæc te scire uolui, scripsiq; sedatiore  
animo, quàm proxime scripseram, nullum meum iudi-  
cium interponens, sed exquirens tuum. Vale.

## CICERO ATTICO S.

DIONYSIVS quidem tuus potius, quàm noster, cu-  
ius ego cum satis cognossem mores, tuo tamen potius sta-  
bam iudicio, quàm meo; ne tuum quidem testimonium,  
quod ei sæpe apud me dederas, ueritus, superbum se præ-  
buit in fortuna, quam putauit nostram fore: cuius for-  
tune nos, quantum humano consilio effici poterit, mo-

Q ij



## LIB. VIII. EPIST.

eum ratione quadam gubernabimus. cui qui noster ho-  
nos, quod obsequium, quæ etiam ad ceteros cōtempti cu-  
iusdam hominis commendatio defuit? ut meum iudiciū  
reprehendi à Quinto fratre, vulgòq; ab omnibus mal-  
lem, q̃ illum non efferre laudibus; Ciceronesq; nostros  
meo potius labore subdoceri, q̃ me alium us magistrū  
querere. ad quem ego quas literas Dī immortales mi-  
seram? quantum honoris significantes? quantum amo-  
ris? Dicaarchum mehercule, aut Aristoxenū dices ac-  
ceresi, non unum omnium loquacissimū, & minime ap-  
tum ad docendum. sed est memoria bona. me dicet esse  
meliore. quibus literis ita respondit, ut ego nemini, cui-  
us causam non reciperem: semper enim, si potero, si  
ante suscepta causa non impediar. nunquam reo cui-  
quam tam humili, tam sordido, tam nocenti, tam alieno  
tam præcise negavi, quam hic mihi: planè sine ulla ex-  
ceptione præcidit. nihil cognoui ingratius. in quo ui-  
tio nihil mali non inest. sed de hoc nimis multa. Ego  
navem paravi: tuas literas tamen expecto, ut sciam,  
quid respondeant consultationi meæ. Sulmone C. At-  
tium Pelignum aperuisse Antonio portas, cum essent co-  
hortes quinque; Q. Lucretium inde effugisse scis, Cneū  
ire Brundisium desertum. confecta res est. Vale.

CICERO ATTICO S.

C VM ante lucem VIII. Cal. ad te literas dedissem, ue-  
speri ad nos eodem die uenit ipse Dionysius auctoritate  
tua permotus, ut suspicor: quid enim putem aliud? &=  
si solet eum, cum aliquid furiose fecit, pœnitere. nun=



quam autem certior fuit, q̄ in hoc negotio : nam quod  
ad te non scripseram, postea audiui, a tertio miliario tū  
\* eum isse πολλὰ μάλιν ΚΑΡΕΠΕCCINECHE ξα-  
ευμείν δ' ἦτα . multa inquam mala cum dixisset, suo ca-  
\* piti (ut aiunt) sed meam mansuetudinem. conieceram in  
fasciculum unā cum tua ueniētem ad illum epistolam :  
hāc ad me referri uolo, nec ullam ob aliam causam Pol-  
licem seruum a pedibus meum Romam misi. eo autem  
ad te scripsi, ut, si tibi forte reddita esset, mihi curares  
referendā, ne in illius manus perueniret. Noui siquid  
esset, scripsissem. pendeo animi expectatione Corfiniensis,  
in qua de salute Reip. decernitur. Tu fasciculum,  
quī est M. Curio inscriptus, uelim cures ad eum perfe-  
rendum: Tironemq; Curio commendes, ut ei, ut petij, si-  
quid opuserit, in sumptum eroget. Vale.

## CICERO ATTICO S.

OB SIGNATA iam epistola, quam de nocte daturus  
eram, sicut dedi (nam eam uesperī scripseram) C. Sossius  
Præt. in Formianum uenit ad M. Lepidum uicinum no-  
strum, cuius Quæstor fuit : Pompeij literarum ad Con-  
sulem exemplum attulit. Literæ mihi a L. Domi-  
tio ad VIII. Cal. Martij allatæ sunt. earum exemplū  
infra scripsi. nunc, ut ego non sciebam sua sponte intel-  
ligere : scio quanti Reip. intersit omneis copias in u-  
num locum primo quoque tempore conuenire. sed tu,  
si tibi uidebitur, dabis operam, quamprimum ad nos  
uenias. praesidij Capuæ, quantum constitueris esse satis,  
relinquas. Vale. deinde supposuit exemplum epī-  
stolæ Domitij, quod ego ad te pridie miseram. Di

Q iiij



LIB. VIII. EPIST.

immortales, qui me horror perfudit. quàm sum solici-  
tus, quidnam futurum sit. hoc tamen spero, magnum  
nomen imperatoris fore, magnum in aduentu terro-  
rem. spero etiam, quoniam adhuc nihil nobis obfuit, nã  
\* hil mutasse, nec tegentia hoc, quod cum fortiter, & dili-  
genter, tum etiam mehercule: modo enim audiui quar-  
tanã à te discessisse. moriar, si magis gauderem, si id  
mihi accidisset. Piliã dic, non esse æquum, eam diutius  
habere, nec id esse uestræ concordie. Tironem nostrũ  
ab altera relietum audio. sed cum uideo in sumptum  
ab alijs mutuatum. ego autem Curium nostrum, siquid  
opus esset, rogarã. malo Tironis uerecundiam in cul-  
pa esse, quàm illiberalitatem Curij. Vale.

CICERO ATTICO S.

VNUM etiam restat amico nostro ad omne dedecus, ut  
Domitio non subueniat. at nemo dubitat, quin subsidio  
uenturus sit: ego non puto. deseret igitur talem ciuẽ?  
& eos, quos unã scis esse? cum habeat præsertim &  
ipse cohortes XXX? nisi me omnia fallunt, deseret. in-  
credibiliter pertimuit. nihil spectat, nisi fugam: cui tu  
(uideo enim, quid sentias) me comitem putas debere esse.  
ego uero quem fugiam, habeo: quem sequar, nõ habeo:  
quod enim tu meum laudas, & memorandum dicis, mal-  
le quòd dixerim me cum Põpeio uinci, quàm cum istis  
uincere? ego uero malo, sed cum illo Pompeio, qui tum  
erat, aut qui mihi esse uidebatur: cum hoc uero, qui an-  
te fugit, q̃ scit aut quem fugiat, aut quò, qui nostra tra-  
didit, qui patriam reliquit, Italiam relinquit, si ma-



lui, contigit, uictus sum. quod superest, nec ista uidere possum, quæ nunquam timui ne uiderem; nec mehercules istum, propter quem mihi non modo meis, sed memet ipso carendum est. Ad Philotimum scripsi de uiatiko, siue à Moneta, nemo enim soluit; siue ab Oppijs tuis cõtubernalibus. cætera apposita tibi mandabo. Vale.

## CICERO ATTICO S.

O REM turpem, & ea re miserã: sic enim sentio, id deum, aut potius id solum esse miserum, quod turpe sit. aluerat Casarem: eundẽ repente timere coeperat: conditionem pacis nullam probarat: nihil ad bellum pararat: Urbem reliquerat: Picenum amiserat culpa: in Apuliam se compegerat: ibat in Graciam: omnes nos ἀπροσφώντους, expertes sui tanti, tam inusitati consilij relinquebat. ecce subito litera Domitij ad illum, ipsius ad Consules. fulsisse mihi uidebatur τὸ καλὸν ad oculos eius, & exclamasse ille uir, qui esse debuit, πρὸς ταῦτ' ὅτι χρεὶ καὶ παλαμάσθων, καὶ πᾶν ἐπ' ἐμοί, καὶ τεκτανεσθων: τὸ γὰρ εὖ, μετ' ἐμοῦ. at ille tibi, πολλὰ χαίρειν πρὸς καλῶν, dicens, pergit Brundisium. Domitium autem aiunt re audita, & eos, qui unã essent, se tradidisse. o rem lugubrem. itaq; intercludor dolore, quo ad te plura non scribam. tuas literas expecto. Vale.

## CICERO ATTICO S.

EPISTOLAM meam quòd peruulgatam scribis esse, non fero moleste: quin etiam ipse multis dedi describendam: ea enim & acciderunt iam, & impendent, ut te



## LIB. VIII. EPIST.

statum esse uelim, de pace quid senserim. cum autem ad eam hortarer, cum præsertim hominem, non uidebar ullo modo facilius moturus, quam si id, ad quod eum hortarer, conuenire eius sapientiæ dicerem. eam si admirabilem dixi, cum eum ad salutem patriæ hortabar, non sum ueritus, ne uiderer assentari, cui tali in re libenter me ad pedes abiecissem. quæ autem est, Aliquid impertias temporis, non est de pace, sed de me ipso, & de meo officio ut aliquid cogitet. nam quod testificor, me expertem belli fuisse, & si id re perspectum est, tamen eo scripsi, quo in suadendo plus auctoritatis haberem. eodemq; pertinet, quod causam eius probo. sed quid hæc nunc? utinam aliquid profectum esset: næ ego istas literas in concione recitari uelim: siquidem ille ipse ad eundem scribens in publico proposuit epistolam illam, in qua est, Pro tuis rebus gestis amplissimis: amplioribus ne, quam suis, quam Africani? ita tempus ferebat: siquidem etiam uos duo tales ad quintum miliarium. quid nunc ipsum unde se recipienti, quid agenti, quid acturo? quanto autem ferocius ille causæ suæ confidet, cum uos, cum uestri similes non modo frequentes, sed læto uultu gratulantes uiderit? num igitur peccamus? minime uos quidem. sed tamen signa conturbantur, quibus uoluntas à simulatione distinguí posset. quæ uero S.C. uideo? sed apertius, quam proposueram. Ego Arpini uolo esse prid. Cal. deinde circumuillulas nostras errare, quas uisurum me postea desperaui. Εὐγενίᾳ tua consilia, & tamen pro temporibus non incauta, mihi ualde probantur. Lepido quidem (nam ferè σὺνδ' ἰμπερεῖς ὁρμεν, quod gratissimum illi est) nun-



quam placuit ex Italia exire, Tullo multo minus: crebro enim illius literæ ab alijs ad nos commeant. sed me illorum sententiæ minus mouebant. minus multa dederant illi Reip. pignora. tua mehercule auctoritas uehementer mouet: affert enim & reliqui temporis recuperandi rationem, & praesentis tuendi. sed, obsecro te, quid hoc miserius, quàm alterum plausus in fœdissima causa quærere, alterum offensiones in optima? alterum existimari conseruatorem inimicorum, alterum desertorem amicorum? & mehercule quamuis amemus Cneum nostrum, ut & facimus, & debemus, tamen hoc, quòd talibus uiris non subuenit, laudare non possum: nam siue timuit, quid ignauius? siue, ut quidam putant, meliorem suam causam illorum cæde fore putauit, quid iniustius? sed hæc omittamus: augeamus enim dolorẽ retrahendo. VI. Cal. uesperis Balbus minor ad me uenit, occulta uia currens ad Lentulum Cos. missu Caesaris, cum literis, cum mandatis, cum promissione prouinciæ, Romam ut redeat. cui persuaderi posse non arbitror, nisi erit conuentus. idem aiebat, nihil malle Caesarem, quàm ut Pompeium assequeretur. id credo: ut rediret in gratiam, id non credo: & metuo, ne omnis hæc clementia ad unam illam crudelitatem colligatur. Balbus quidem maior ad me scribit, nihil malle Caesarem, quàm principe Pompeio sine metu uiuere. tu puto hæc credis? sed cum hæc scribebam V. Cal. Pompeius iam Brundisium poterat uenisse: expectus enim antecesserat legiones Luceria. sed hoc te hæc horribili uigilantia, celeritate, diligentia est. planè, quid futurum sit, nescio. Vale.



LIB. VIII. EPIST.

CICERO ATTICO S.

**D**IONYSIVS cum ad me præter opinionem meam  
uenisset, locutus sum cum eo liberalissime: tempora ex-  
posui: rogavi, ut diceret, quid haberet in animo, me ni-  
hil ab ipso invito contendere. respondit, se, quod in nu-  
mis haberet, nescire quo loci esset: alios non soluere: alio-  
rum diem non dum esse. dixit etiam alia quædam de ser-  
uulis suis, quare nobiscum esse non posset. morem gessi:  
dimisi à me, ut magistrum Ciceronum, non libenter; ut  
hominem ingratum, non invito. uolui te scire, quid ego  
de eius facto iudicarem. Vale.

CICERO ATTICO S.

**Q**UOD me magno animi motu perturbatum putas, sum  
equidem, sed non tam magno, quàm tibi fortasse uideor: le-  
uatur enim omnis cura, cum aut consistit consilium, aut  
cogitando nihil explicatur. lamentari autem licet. illud  
tamen totos dies. sed uereor, ne, nihil cum proficiam, etiam  
dedecori sum studiis, ac literis nostris, consumo igitur o-  
mne tempus considerans quanta uis sit illius uiri, quæ no-  
stris libris satis diligenter (ut tibi quidem uidemur) ex-  
pressimus. tenes ne igitur, moderatorem illum Reip. quò  
referre uelimus omnia? nam sic quinto, ut opinor, in li-  
bro loquitur Scipio. V T enim gubernatori cursus secun-  
dus, medico salus, imperatori uictoria, sic huic modera-  
tori Reip. beata ciuium uita proposita est, ut opibus fir-  
ma, copiis locuples, gloria ampla, uirtute honesta sit: hu-  
ius enim operis maximi inter homines, atque optimi illius



esse effectorem uolo. Hoc Cneus noster cū antea nunquam, tum in hac causa minime cogitauit. dominatio quaesita ab utroque est, non id aetum, beata, & honesta ciuitas ut esset. nec uero ille Urbem reliquit, q̄ eam rueri non posset; nec Italiam, quod ea pelleretur: sed hoc à primo cogitauit, omnes terras, omnia maria mouere, Reges barbaros incitare, gentes feras armatas in Italiam adducere, exercitus conficere maximos. genus illud Sullanum regni iampridem appetitur, multis, qui una sunt, cupientibus. an censes, nihil inter eos conuenire? nullam paetionem fieri potuisse? hodie potest. sed neutri σκοπός est ille, ut nos beati simus. uterque regnare uult. hæc à te inuitatus breuiter exposui: uoluisti enim me, quid de his malis sentirem, ostendere. πρὸς πῶ igitur noster Attice, non ariolans, ut illa, cui nemo credidit, sed cōiectura prospiciens. Iamq; mari magno. non multo inquam secus possum uaticinari: tanta malorum impendet. atque hoc nostra grauior est causa, qui domi sumus, q̄ illorum, una qui transierunt, q̄ illi quidem alterum metuant, nos utrunque. cur igitur, inquis, remanemus? uel tibi paruimus, uel non occurrimus, uel hoc fuit rectius. conculcari inquam miseram Italiam uidebis proxima æstate ab utriusque mancipijs ex omni genere collectis. nec tam proscriptio pertimescenda, quæ Luceria multis sermonibus denuntiata est, q̄ uniuersæ interitus: tantas in confligendo utriusque uires uideo futuras. habes coniecturam meam. tu autem cōsolationis forasse aliquid expectasti: nihil inuenio: nihil fieri potest miserius, nihil perditius, nihil fœdus. Quod quaeris, quid Cæsar ad me scripserit: quod sæpe: gratissimum



## LIB. VIII. EPIST.

sibi esse, quod quierim : oratq; in eo ut perseuerem. Balbus minor hac eadem mandata. iter autem eius erat ad Lentulum Cos. cum literis Cæsaris, præmiorumq; promissis, si Romam reuertisset. uerum, cum habeo rationem dierum, ante puto transmissurum, quam potuerit conueniri. Epistolarum Pópej duarum, quas ad me misit, negligentiam, meamq; in rescribendo diligentiam uolui tibi notam esse. earum exempla ad te misi. Cæsaris hic per Apuliam ad Brundisium cursus quid efficiat, expecto : utinam aliquid simile Parthicis rebus. simul aliquid audiero, scribam ad te. tu ad me uelim bonorum sermones. Romæ frequentes esse dicuntur. scio equidem te in publicum non prodire : sed tamen, audire te multa, necesse est. Memini tibi librū afferri, a Demetrio Magnete ad te missum, περί ὁμοιοίας. eum mihi uelim mittas. uides, quam causam mediter. Vale.

Cn. Pompeius Procos. M. Ciceroni Imp. S.

Q Fabius ad me uenit ad IIII. Id. Febr. is nuntiat L. Domitium cum suis cohortibus XI. & cohortibus XIII. quas Vibullius adduxit, ad me iter habere : habuisse in animo proficisci Corfinio, & ad V. Id. Febr. C. Hirrum cum V. cohortibus subsequi. censeo, ad nos Luceriam uenias : nam te hic tutissime puto fore. Vale.

Cicero Cn. Pompeio Procos. S.

A D XV. Cal. Martij Formijs accepi tuas literas : ex quibus ea, quæ in agro Piceno gesta erant, cognoui com-



modiora esse multo, quàm ut erat nobis nuntiatum :  
Vibullijq; uirtutem, industriamq; libenter agnouì.  
Nos adhuc in ea ora, ubi prapositi sumus, ita fuim<sup>us</sup>,  
ut nauem paratam haberemus : ea enim audiebamus,  
& ea uerebamur, ut quodcunq; tu consilium  
præcepisses, id nobis persequendum putarem<sup>us</sup>. nunc,  
quoniam auctoritate, & consilio tuo in spe firmiore  
sumus, si teneri posse putas Tarracinam, & oram ma-  
ritimam, in ea manebo : & si praesidia in oppidis nulla  
sunt : nemo enim nostri ordinis in his locis est, præter M.  
Eppium, quem ego Minturnis esse uolui, uigilantem ho-  
minem, & industrium. L. Torquatum, uirum, fortem,  
& cum auctoritate, Formijs non habemus : ad te pro-  
fectum arbitramur. ego omnino, ut proxime tibi plas-  
cuerat, Capuam ueni eo ipso die, quo tu Theano Sidi-  
cino es profectus : uolueras enim me cum M. Considio  
Proprat. illa negotia tueri. cum eo uenissem, uidi T.  
Ampium delectum habere diligentissime, ab eo accipe-  
re Libonem summa item diligentia, & in illa colonia  
auctoritate. fui Capuæ, quoad Coss. iterum, ut erat di-  
ctum, ab Coss. ueni Capuam ad Non. Febr. cum fuiss<sup>em</sup>  
triduum, recepi me Formias. nunc quod tuum con-  
siliu, aut quæ ratio belli sit, ignoro. si tenendam hanc  
oram putas, quæ opportunitatem, & dignitatem ha-  
bet, & egregios ciues, & ut arbitror, teneri potest :  
opus est esse, qui præsint. sin omnia in unum locum  
contrahenda sunt : non dubito, quin ad te statim ueniā :  
quo mihi nihil optatius est : idq; tecum, quo die ab Vrbe  
discessimus, locutus sum. ego, sicui adhuc uideor segnior  
fuisse, dum ne tibi uidear, non laboro. & tamen, si, ut



LIB. VIII. EPIST.

video, bellum gerendum est, confido me omnibus facile  
satisfacturum. M. Tullium meū necessarium ad te misi,  
cui tu, si tibi uideretur, ad me literas dares. Vale.

Cn. Pompeius Procos. M. Ciceroni Imp. S.

**T** V A S literas libenter legi: recognoui enim tuam pri-  
stinam uirtutem etiam in salute communi. Consules  
ad eum exercitum, quem in Apulia habui, uenerunt. ma-  
gnopere te hortor pro tuo singulari, perpetuoq; studio  
in Remp. ut te ad nos conseras, ut cōmuni consilio Reip.  
afflictæ opem, atq; auxilium feramus. censeo, uia Ap-  
pia iter facias, & celeriter Brundisium uenias.  
Cura, ut ualeas.

M. Cicero Cn. Pompeio Procos. S.

**C** V M ad te literas misissem, quæ tibi Canusij redditæ sūt,  
suspicionem nullam habebam, te Reip. causa mare transi-  
turum, eramq; in spe magna, fore, ut in Italia possemus  
aut concordiam constituere, qua mihi nihil utilius uide-  
batur, aut Remp. summa cum dignitate defendere. inte-  
rim non dum meis literis ad te perlatis, ex ijs mandatis,  
quæ Dialio ad Consules dederas, certior tui consilij fa-  
ctus, non expectavi, dum mihi à te literæ redderentur,  
confestimq; cum Quinto fratre, & cum liberis nostris  
iter ad te in Apuliam facere cœpi. cum Theanum Sidi-  
cinum uenissem, C. Messius familiaris tuus mihi dixit,  
aliq; cōplures, Cæsarem iter habere Capuam, & eo ipso  
die mansurum esse Eserniæ. sanè sum comotus; q; si ita  
esset,



esset, non modo iter meum interclusum, sed me ipsum plane exceptum putabam. itaque tum Cales processi, ut ibi potissimum consisterem, dum certum nobis ab Esernia de eo, quod audieram, referretur. at mihi, cum Calibus essem, affertur literarum tuarum exemplum, quas tu ad Lentulum Cos. misisses. hæ scriptæ sic erant: literas tibi à L. Domitio ad XIII. Cal. Martij allatas esse, earumq; exemplum subscripseras: magniq; interesse reip. scripseras, omnes copias primo quoque tempore in unum locum conuenire, & ut, præsidij quod satis esset, Capuæ relinqueret. his ergo literis lectis, in eadem opinione fui, qua reliqui omnes, te cum omnibus copijs ad Corfinium esse uenturum, quod mihi, cum Cæsar ad oppidum castra haberet, tutum iter esse non arbitrabar. cum res in summa expectatione esset, utrunque simul audimus, & quæ Corfinij acta essent, & te iter Brundisium facere coepisse. cumq; nec mihi, nec fratri meo dubium esset, quin Brundisium contenderemus, à multis, qui è Samnio, Apuliaq; ueniebant, admoniti sumus, ut caueremus, ne exciperemur à Cæsare, quod is in eadem loca, quæ nos petebamus, profectus, celerius etiam, quàm nos possemus, ed, quod intenderat, uenturus esset. quod cum ita esset, nec mihi, nec fratri meo, nec cuiquam amicorum placuit committere, ut temeritas nostra non solum nobis, sed etiam reip. noceret; cum præsertim non dubitarem, quin, si etiam tutum nobis iter fuisset, te tamen iam consequi non possemus. interim accepimus tuas literas, Canusio ad X. Cal. Martij datas, quibus nos hortaris, ut celerius Brundisium ueniamus. quas cum accepissemus ad III. Cal. Martij, non dubi-

R



L I B. V I I I. E P I S T.

rabamus, quin tu iam Brundisium peruenisses: nobisq;  
iter illud omnino interclusum uidebamus, neque minus  
nos esse captos, quam qui Corfinium uenissent: neq; .n.  
eos solos arbitrabamur capi, qui in armatorum manus  
incidissent, sed eos nihilo minus, qui regionibus exclusi,  
intra praesidia, atque intra arma aliena uenissent. quod  
cum ita sit, maxime uellem primum tecum semper fuis-  
se, quod quidem tibi ostenderam, cum à me Capuam  
reijciebam: quod feci non uitandi oneris causa, sed quod  
uidebam teneri illam urbem sine exercitu non posse:  
accidere autem mihi nolebam, quod doleo uiris fortissi-  
mis accidisse. quoniam autem, tecum ut essem, non cō-  
tigit: utinam tui consilij certior factus essem: nam su-  
spicione assequi non potui; quod omnia prius arbitratus  
sum fore, quam ut hæc reip. causa in Italia non posset  
duce te consistere. neque uero nunc consilium tuum re-  
prehendo, sed fortunam reip. lugeo: nec, si ego, quid  
tu sis secutus, non perspicio, idcirco minus existimo, te  
nihil, nisi summa ratione, fecisse. mea quæ semper fue-  
rit sententia, primum de pace uel iniqua conditione reti-  
nenda, deinde de Vrbe, (nam de Italia quidem nihil mi-  
hi unquā ostenderas) meminisse te arbitror. sed mihi non  
sumo, ut meum consilium ualere debuerit: secutus sum  
tuū, neque id reip. causa, de qua desperaui, quæ & nunc  
afflicta est, nec excitari sine ciuili perniciosissimo bello  
potest: sed te quærebam: tecum esse cupiebam: neque  
eius rei facultatem, si qua erit, prætermittam. ego me  
in hac omni causa facile intelligebam pugnandi cupidis  
hominibus non satisfacere. primum enim præ me tulā,  
me nihil malle, quā pacē: non quin eadem timerem, quæ



illi: sed ea bello civili leuiora ducebam. inde suscepto bello, cum pacis conditiones ad te afferri, à teq; ad ea honorifice, & large responderi uiderem: duxi meam rationem, quam tibi facile me probaturum pro tuo in me beneficio arbitrabar. memineram me esse unum, qui pro meis maximis in remp. meritis supplicia miserrima, & crudelissima pertulissem: me esse unum, qui, si offensis eius animum, cui tum, cum iam in armis essemus, Consulatus tamen alter, & triumphus amplissimus defereretur, subicerer, eisdem praelijs: ut mea persona semper ad improborum ciuium impetus aliquid uideretur habere populare. atque hæc non ego prius sum suspicatus, quàm mihi palam denunciata sunt: neque ea tam peritui, si subeunda essent, quàm declinanda putauì, si honeste uitare possem. quoniam breuem illius temporis, dū in spe pax fuit, rationem nostram uides: reliqui facultatem res ademit. his autem, quibus non satisfacio, facile respondēdo. neque enim ego amicior C. Cæsari unquā fui, quàm illi: neque illi amiciores reip. quàm ego. hoc inter me, & illos interest, quodd, cum & illi ciues optimi sint, & ego ab ista laude non absim, ego conditionibus, quod idem te intellexeram uelle, illi armis disceptari maluerunt. quæ quoniam ratio uicit, perficiam profecto, ut neque resp. cuius à me animum, neque tu amici desideres. Vale.

CICERO ATTICO S.

MIHI MOLESTIOR lippitudo erat etiā, quàm ante fuerat: dictare tamen hæc epistolam malui, quàm Gallo Fabio amantissimo utriusque nostrum

R ij



## LIB. VIII. EPIST.

nihil ad te literarum dare: nam pridie quidem, quoquo modo potueram, scripseram ipse eas literas, quarum uaticinationem falsam esse cupio. huius autem epistolæ non solum ea causa est, ut ne quis à me dies intermittatur, quin dem ad te literas; sed etiam hæc iustior, ut à te impetrarem, ut sumeres aliquid temporis, quo quia tibi per exiguo opus est, explicari mihi tuum consilium plane uolo, ut penitus intelligam. omnia sunt integra nobis. nihil prætermisum est, quod non habeat sapientem excusationem, non modo probabilem. nam certe neque tum peccaui, cum imparatā iam Capuam, nō solum ignauie delectus, sed etiam perfidie suspicionem fugiens, accipere nolui: neque, cum post conditiones pacis per L. Cæsarem, & Fabium allatas caui, ne animum eius offenderē, cui Pompeius iam armatus armato Consulatum, triumphumq; deferret. nec uero hæc extrema quisquam potest iure reprehendere, quod mare nō transierim: id enim, etsi erat deliberationis, tamen obire nō potui: neque enim suspicari debui, præsertim cum ex ipsius Pompeii literis, idem quod uideo te existimasse, non dubitarim, quin is Domitio subuenturus esset. & plane, quid rectum, & quid faciendum mihi esset, diutius cogitare malui. primum igitur, hæc qualia tibi esse uideantur, etsi sæpius significata sunt à te, tamen accuratius mihi perscribas, uelim: deinde aliquid etiam in posterum prospicias, singasq; quem me esse deceat, & ubi me plurimū prodesse reipub. sentias: ecquæ pacifica persona desideretur, an in bellatore sint omnia. atq; ego, qui omnia officio metior, recordor tamen tua consilia. quibus si paruisssem, tristitiam illorum temporū non subiisssem. memini, quid mihi

um sua  
ingemisc  
los calcu  
lum glo  
ribus.  
nam d  
iissime  
ulus m  
admod  
succen  
no culpa  
ipsius li  
mito. h  
Demetri  
cordia.

E G  
les, neq  
coras m  
ver si  
ad me  
sum, fa  
satis fir  
sua X  
ver (mā  
si uellet  
solicite



tum suaseris per Theophanem, per Culeonem: idq; sæpe ingemiscens sum recordatus. quare nunc saltem ad illos calculos reuertamur, quos tum abieciimus, ut nō solum gloriosis consilijs utamur, sed etiam paulo salubrioribus. sed nihil præscribo. accurate uelim perscribas tuam ad me sententiā. uolo etiam exquiras quā diligentissime poteris ( habebis autē, per quos possis ) quid Lentulus noster, quid Domitius agat, quid acturus sit: quē admodum nunc se gerāt, num quē accusent, num cui succenseant: quid dico, num cui? num Pompeio. omnino culpam omnem Pompeius in Domitiū confert: quod ipsius literis cognosci potest: quarum exemplum ad te mitto. hæc igitur uidebis: et, quod ad te ante scripsi, Demetrii Magnetis librum, quem ad te misit, de concordia, uelim mihi mittas. Vale.

Cn. Magnus Procos. M. Marcello  
L. Lentulo Coss. S.

E G O, quod exstimabā dispersos nos neq; Reip. utiles, neq; nobis præsidio esse posse, idcirco ad L. Domitiū literas misi, primū uti ipse cum omni copia ad nos ueniret si de se dubitaret, ut cohortes X I X, quæ ex Piceno ad me iter habebant, ad nos mitteret. quod ueritus sum, factum est, ut Domitius implicaretur, neque ipse satis firmus esset ad castra faciendā, q̄ meas X I X, & suas X I I cohortes tribus in oppidis distributas haberet (nā partim Albæ, partim Sulmone collocauit) neq;, si uellet, expedire posset. nunc scitote me esse in summa solitudine: nam & tot, & tales uiros periculo obsi-

R ii



L I B. V I I I. E P I S T.

dionis liberare cupio : neque subsidio ire possum , quodd  
his duabus legionibus non puto esse committendū , ut illuc  
ducantur . ex quibus tamen non amplius X I I I I. co-  
hortes contrahere potui, quas Brundusium misi: neq; Ca-  
nusium sine praesidio, dum abessem, putavi esse dimittē-  
dum. D. Aelio mandarā, quodd maiores copias sperabā  
nos habituros, ut, si uobis uideretur, alteruter uestrum  
ad me ueniret, alter in Siciliam cum ea copia, quā Ca-  
puae, & circum Capuam comparastis, & cum ijs militi-  
bus, quos Faustus legit, proficisceretur, Domitius cum  
X I I. suis cohortibus eodem adiungeretur, reliquae co-  
pia omnes Brundisium cogerentur, & inde nauibus  
Dyrrhachium transportarentur. nunc, cum hoc tēpo-  
re nihilo magis ego, quā uos, subsidio Domitio ire pos-  
sim, seu per montes explicare, nos est nobis committen-  
dum, ut has X I I I I. cohortes, quas dubio animo ha-  
beo, hostis accedere, aut in itinere me cōsequi possit. quā  
ob rem placitum est mihi ( etiam uideo C. Marcello, &  
ceteris nostri ordinis, qui hic sunt ) ut Brundisium du-  
cerem hanc copiam, quā mecum habeo. uos hortor, ut,  
quodcunque militum contrahere poteritis, contrahatis,  
& eodem ueniatís quamprimum. arma, quae ad me  
missuri eratis, ijs censeo armetis milites, quos uobis-  
cum habetis. quae arma superabunt, ea si Brundisium  
iumentis deportaritis, uehemēter Reip. profueritis. de  
hac re uelim nostros certiores faciatís. ego ad P. Lupū,  
et C. Coponiū Praetores misi, ut se uobis cōiungerent, et,  
militū quod haberent, ad nos deducerent. Vale.



Cn. Pompeius Procos. L. Domitio Procos. S.

MIROR te ad me nihil scribere, et potius ab alijs, quā à te de Rep. certiorē me fieri. nos dissecta manus pares aduersarijs esse non possumus. contractis nostris copijs, spero nos et Reip. et cōmuni saluti prodesse posse. quā ob rem cum constituisses, ut Vibullius mihi scripserat, ad V. Id. Feb. Corfinio proficisci cum exercitu, et ad me uenire: miror, quid causæ fuerit, quare consiliū mutaris: nā illa causa, quā mihi Vibullius scribit, leuis est, et propterea moratum esse, quod audieris Cæsarem Firmo progressum in castrum Truentinum uenisse: quāto enim magis appropinquare aduersarius cœpit, eo tibi celerius agendum erat, ut te mecum coniūgeres, prius, quā Cæsar aut tuum iter impedire, aut me abs te excludere posset. quam ob rem etiam te rogo, et horro, id quod non destiti superioribus literis à te petere, ut primo quoque die Luceriā aduenias ante, quā copię, quas instituit Cæsar contrahere, in unum locum coactæ nos à nobis distrahāt. sed, si erunt, qui te impediunt, ut illas suas seruent: æquum est me à te impetrare, ut cohortes, quæ ex Piceno, et Camerino uenerunt, quæ fortunas suas reliquerunt, ad me missum facias. Vale.

Cn. Pompeius Procos. L. Domitio Procos. S.

LITERAS abs te M. Calenius ad me attulit ad X. III. Calendarum Martij: in quibus literis scribis, tibi in animo esse obseruare Cæsarem, et, si secundum mare ad me ire cœpisset, confestim in

R iiij



L I B. VIII. E P I S T.

Samnium ad me uenturum : sin autem ille circū istæc loca commoraretur, te ei, si propius accessisset, resistere uelle . te animo magno, & forti istam rem agere existi mo : sed diligentius nobis est uidendum, ne distracti pa res esse aduersario non possimus, cum ille magnas co pias habeat, & maiores breui habiturus sit : non enim pro tua prudētia debes illud solum animadvertere, quot in præsentia cohortes contra te habeat Cæsar, sed quan tas breui tempore equitum, & peditum copias cōtractu rus sit . cui rei testimonio sunt literæ, quas Bussenius ad me misit, in quibus scribit, id quod ab alijs quoque mihi scribitur, præsidia curionem, quæ in Vmbria, & Thua scis erant, contrahere, & ad Cæsarem iter faccre . quæ si copię in unum locum fuerint coactæ, ut pars exer citus ad Albam mittatur, pars ad te accedat, ut non pugnet, sed locis suis repugnet: hærebis, neque solus cum ista copia tantam multitudinem sustinere poteris, ut fru mentatum eas, quam ob rem te magnopere hortor, ut quam primum cum omni copia huc uenias . Consules constituerūt idem facere . ego Metuscilio ad te manda ta dedi, providendum esse, ne duæ legiones sine Picenti nis cohortibus in conspectum Cæsaris committerentur . quam ob rem nolito commoueri, si audieris me regredi, si forte Cæsar ad me ueniet : cauendum enim puto es se, ne implicatus hæream : nam neque castra propter anni tempus, & militum animos facere possum ; ne que ex omnibus oppidis contrahere copias expedit, ne receptum amittam . itaque non amplius X I I I cohortes Luceriam coegi . Consules præsidia omnia deducturi sunt, aut in Siciliam ituri : nam aut exercitum fir



num habere oportet, quo confidamus perrumpere nos posse; aut regiones eiusmodi obtinere, è quibus repugnemus; id quod neutrum nobis hoc tēpore contingit, quodd & magnā partem Italiæ Cæsar occupauit, & nos non habemus exercitum tam amplū, neq; tam magnum, q̄ ille. itaq; nobis providendum est, ut summam Reip. rationem habeamus. etiam atq; etiam te hortor, ut cum omni copia quāprimum ad me uenias. possumus etiam nunc Remp. erigere, si cōmuni consilio negotium administrabimus: sin distrahemur, infirmi erimus. mihi hoc constitutum est. His literis scriptis, Sica à te mihi literas attulit, et mandata. quod me hortare, ut istuc ueniam: id me facere non arbitror posse, quodd non magnopere his legionibus confido: Vale.

Cn. Pompeius L. Domitio S.

LITERAE mihi à te redditæ sunt ad XIII. Cal. Marti. in quibus scribis, Cæsarem apud Corfinium castra posuisse. quod putauī, et præmonui, sit, ut nec in præsentia cōmittere tecum prælum uelit, & omnibus copijs conductis te implicet, ne ad me iter expeditū tibi sit, atq; istas copias cōiungere optimorum ciuium possis cum his legionibus, de quarum uoluntate dubitamus: quo etiam magis tuis literis sum cōmotus, neq; enim eorum militum, quos mecum habeo, uoluntati satis confido, ut de omnibus fortunis Reip. dimicem: neq; etiam, qui ex delectibus conscripti sunt à Consulibus, conueniunt: quare da operam, si ulla ratione etiam nūc efficere potes, ut te explices, huc quāprimum uenias ante, q̄



LIB. VIII. EPIST.

omnes copiae aduersariorum conueniant: neque enim celeriter ex delectibus huc homines conuenire possunt: & si conuenirent, quantum ijs committendum sit, quod inter se non noti sunt, contra ueteranas legiones, non te praeterit. Vale.

CICERO ATTICO S.

LIPPITVDINIS mea signum tibi sit librarij manus, & eadem causa breuitatis. etsi nunc quidem, quod scribere, nihil erat. omnis expectatio nostra erat in nuncijs Brundisynis. si nactus hic esset Cneum nostrum, spes dubia pacis: sin ille ante transmisisset, exitiosi belli metus. sed uidesne, in quem hominem inciderit Respublica? quod acutum? quam uigilantem? quam paratum? si mehercule neminem occiderit, nec cuiquam quidquam ademerit; ab ijs, qui eum maxime timuerant, maxime diligeretur. multum mecum municipales homines loquuntur, multum rustici. nihil prorsus aliud curant, nisi agros, nisi uillulas, nisi nummulos suos. & uide, quam conuersa res est. illum, quo antea confidebant, metuant: hunc amant, quem timebant. id quatenus nostris peccatis, uitijque euenerit, non possum sine molestia cogitare. quae autem impendere putarem, scripseram ad te, & iam tuas literas expectabam. Vale.

CICERO ATTICO S.

NON dubito, quin tibi odiosae sint epistolae quotidianae, cum praesertim neque noua de re aliqua certiore te faciam, neque nouam denique iam reperiam scribendi ullam sententiam. sed si dedita opera, cum causa nulla esset, tabellarios ad te cum inanibus epistolis mittere, facerem.



inepte : euntibus uero, domesticis præsertim, ut nihil ad  
 te dem literarum, facere non possum. & simul ( crede  
 mihi ) requiesco paululum in his miserijs, cum quasi te-  
 cum loquor : cum uero tuas epistolas lego, multo etiam  
 magis. omnino intelligo, nullū fuisse tempus post has  
 fugas, & formidines, quod magis debuerit mutū esse  
 à literis, propterea q̄ neque Romæ quidquā auditur no-  
 uī, nec in his locis, quæ à Brūdusio absunt propius, quā  
 tu biduū aut triduū. Brundusij autem omne certamē  
 uertitur huius primi temporis. qua quidem expectatio-  
 ne torqueor. sed omnia ante nos sciemus: eodē enim die  
 uideo Cæsare à Corfinio post meridiem profectum esse,  
 quo Canusio mane Pompeium. eo modo autē ambulat  
 Cæsar, & ijs diarijs militū celeritatem incitat, ut timeā,  
 ne citius ad Brundusiū, quā opus sit, accesserit. dices,  
 quid igitur proficis, qui anticipes eius rei molestiā, quā  
 triduo sciturus sis? nihil equidē: sed, ut supra dixi, te-  
 cum perlibenter loquor. & simul scito labare meum  
 consilium illud, quod satis iam fixum uidebatur. non  
 mihi satis idonei sunt auctores ij, qui à te probantur:  
 quod enim unquam eorū in Rep. forte factū, extitit?  
 aut quis ab ijs ullam rem laude dignam desiderat? nec  
 mehercule laudandos existimo, qui trans mare belli pa-  
 randi causa profecti sunt: (quanquā hæc ferenda non  
 erant) uideo enim, quantum id bellum, & quā pestis  
 ferum futurum sit. sed me mouet unus uir, cuius fu-  
 gientis comes, Remp. recuperātis socius uideor esse debe-  
 re. toties ne igitur sententiam mutas? ego tecum, tan-  
 quam mecū, loquor. quis autē est, tāta quidē de re, quin  
 uarie secum ipse disputet? simul & elicere cupio sen-



LIB. VIII. EPIST.

gentiam tuam; si manet, ut firmior sim; si mutata est, ue-  
 ribi assentiar. omnino ad id, de quo dubito, pertinet me  
 scire, quid Domitius acturus sit, quid noster Lentulus.  
 \* de Domitio uaria audimus, modo esse in Tiburti, aut Le-  
 pidi, quo cum Lepidus accessisset ad Urbem, quod item  
 falsum uideo esse: ait enim Lepidus, eū nescio quid pe-  
 netrasse itineribus: occultandi sui causa, an maris ap-  
 scendi, ne id quidem scit: ignorat enim de filio. addie  
 illud sanè molestum, pecuniam Domitio satis grandem  
 \* quam is Coreni habuerit, non esse redditam. de Lentu-  
 lo autem nihil audimus. hæc uelim exquiras, ad meq;  
 perscribas. Vale.

CICERO ATTICO S.

AD V. Non. Mart. epistolas mihi tuas Aegypta red-  
 didit, unā ueterem IIII. Cal. quā te scribis dedisse Pi-  
 nario, quem non uidimus, in qua expectas quid nā præ-  
 missus agat Vibullius: qui omnino non est uisus à Cæ-  
 sare. in altera epistola uideo te scire ita esse: & quem =  
 admodum redeuntem excipiam Cæsarem, quē omnino  
 \* uitare cogito: & aut Hemoris fugam tendis, cōmutatio  
 nemq; uitæ tuæ: quod tibi puto esse faciendum: & igno-  
 ras, Domitius cum fascibus ne sit. quod cū scies, facies,  
 ut sciamus. habes ad primam epistolam. secutæ sunt  
 duæ, prid. Cal. ambæ datæ, quæ me conuellerunt de pri-  
 stino statu, iam tamē, ut ante ad te scripsi, labantē. nec  
 me mouet, quod scribis, Ioui ipsi iniquum: nam pericu-  
 lum in utriusque iracūdia positum est: uictoria autem  
 ita incerta, ut deterior causa paratior mihi esse uideat-  
 rur. nec me Cōsules mouent, qui ipsi pluma, aut folio



facilius mouentur. officij me deliberatio cruciat, crucias  
uitq; adhuc. cautiore certe est mansio: honestior existi-  
matur traiectio. malo interdum, multi me non caute,  
quam pauci non honeste fecisse existiment. De Lepi-  
do, & Tullo quod quæris: illi uero non dubitant, quin  
Cæsari præsto futuri, in senatumq; uenturi sint. Recen-  
tissima tua est epistola Cal. data, in qua optas cōgressum,  
pacem non desperas: sed ego, cum hæc scribebam, nec il-  
los congressuros, nec, si congressi essent, Pompeium ad  
ullam conditionem accessurum putabam. Quod ui-  
deris nō dubitare, si Consules transeant, quid nos facere  
oporteat: certe transeunt, uel quo modo nunc est, tran-  
sierunt. sed memento, præter Appium, neminem esse fe-  
rè, qui non ius habeat transeundi: nam aut cum impe-  
rio sunt, ut Pōpeius, ut Scipio, Setenas, Fānius, Voconius,  
Sestius, ipsi Consules, quibus more maiorum concessum  
est uel omnes adire prouincias: aut Legati sunt eorum.  
sed nihil defero. quid placeat tibi, & quid propemodum  
rectum sit, intelligo. plura scriberem, si ipse possem: sed,  
ut mihi uideor, potero biduo. Balbi Cornelij literarum  
exemplum, quas eodem die accepi, quo tuas, misi ad te,  
ut meā uicem doleres, cum me derideri uideres. Vale.

Balbus Ciceroni Imp. S.

OBSE CRO te Cicero, suscipe curam, & cogita-  
tionem dignissimam tuæ uirtutis, ut Cæsarem, & Poms-  
peium, perfidia hominum distractos, rursus in pristinam  
concordiam reducas. crede mihi, Cæsare nō solum in tua  
fore potestate, sed etiam maximum beneficium te sibi



LIB. VIII. EPIST.

dedisse iudicaturum, si huc te reijcis. uelim, idem Pompeius faciat: qui ut adduci tali tempore ad ullam conditionem possit, magis opto, quam spero. sed cum cōsiterit, & timere desierit, tū incipiā non desperare, & tuam auctoritatem plurimum ualituram. Quod Lentulum Cos. meum uoluisti hic remanere, Cæsari gratum, mihi uero gratissimum mediūsfidius fecisti: nam illum tantū facio, qui non Cæsarem magis diligam. qui si passus esset, nos secum, ut consueueramus, loqui, & non se totum etiam & etiam ab sermone nostro auertisset: minus miser, quam sum, essem: nam caue putares, hoc tempore plus me quenquam cruciari, quod eum, quem ante me diligo, uideo in Consulatu quiduis potius esse, quam Consulem. quod si uoluerit tibi obtemperare, & nobis de Cæsare credere, & Consulatum reliquum Romæ peragere: incipiam sperare, etiam consilio senatus, auctore te, illo relatore, Pōpeium, & Cæsarem coniungi posse. quod si factum erit, me satis uixisse putabo. Factum Cæsaris de Corfinio totum me probaturum scito, & quo modo in huiusmodi re commodius cadere nō potuit, quam ut res sine sanguine cōfieret. Balbi mei, tuiq; aduentu delectatum te, ualde gaudeo. is quaecunque tibi de Cæsare dixit, quæq; Cæsar scripsit, scio re tibi probabit, quaecunque fortuna eius fuerit, bellissime scripsisse. Vale.

CICERO ATTICO S.

OMNIA mihi prouisa sunt, præter occultum & iter ad mare superū: hoc enim mari uti non possu-



mus hoc tempore anni . illuc autem , quò spectat anis  
mus , & quò res uocat , quà ueniam ? cedendum enim  
est celeriter , ne forte qua re impediatur , atque alliger .  
nec uero ille me ducit , qui uidetur : quem ego hominem  
ἀπολιτικώτατον omnium iam ante cognoram , nunc ue-  
ro etiam ἀστρατηγικώτατον . non me igitur is ducit ,  
sed sermo hominum , qui ad me à Philotimo scribitur :  
is enim me ab optimatibus ait conscindi . quibus optima-  
tibus Dii boni ? qui nunc quo modo occurrunt ? quo mo-  
do autem se uenditant Cæsari ? municipia uero Deum :  
nec simulant , ut cum de illo agro nota faciebant . sed  
plane , quidquid mali hic Pisistratus non fecerit , tam  
gratum est , quàm si alium facere prohibuerit . hunc  
propitium sperant : illum iratum putant . quas fieri cen-  
ses ἀπαντᾶσες ex oppidis ? quos honores ? metuunt , in-  
quies . credo , sed hercule illum magis . huius insidiosa  
clementia delectantur : illius iracundiam formidant .  
iudices DCCCCL , qui præcipue Cneo nostro delecta-  
bantur , ex quibus quotidie aliquem uideo , nescio quas  
eius Lucerias horrent . itaque quæro , qui sint isti optima-  
tes , qui me exturbent , cum ipsi domi maneant . sed ta-  
men , quicumque sunt , ἀδ' ἐομαι Τρώας . etsi , qua spe  
proficiscar , uideo : coniungoq; me cum homine magis  
ad uastandam Italiam , quàm ad uincendum parato . do-  
\* mum quem expecto . & quidem , cum hæc scribebam  
IIII . Non iam expectabam aliquid à Brundisio . quid  
autem aliquid ? quàm inde turpior fugisset , & uictor  
hic quâ se referret , & quò . quod ubi audissem , si ille  
Appia ueniret , ego Arpinum cogitabam . Vale .



M. TVLLII CICERONIS EPISTOLA  
RVM AD T. POMPONIVM AT=  
TICVM LIBER IX.

CICERO ATTICO S.

E T SI, cum tu has literas legeres, pu=  
tabam fore, ut scirem iam, quid Brūdu  
si actum esset; nam Canusio VIII.  
Cal. profectus erat Cneus; hæc au=  
tem scribebam prid. Non. XIIII.

die postquam ille Canusio mouerat: tamen angebar sin=  
gularum horarum expectatione, mirabarq; nihil allatū  
esse, ne rumoris quidem: nam erat mirum silentium. sed  
hæc fortasse νεώπορον εἰσὶν: quæ tamen iam sciuntur,  
necesse est. illud molestū, me adhuc inuestigare non pos=  
se, ubi Lentulus noster sit, ubi Domitius. quero autē, quo  
facilius scire possim, quid acturi sint, ituri ne ad Pompe=  
ium, & si sint, quā, quando ue ituri sint. Urbē quidem  
iam refertam esse optimatum audio, Sositum, & Lupū,  
quos Cneus noster ante putabat Brundisium uenturos  
esse, quā se, ius dicere. hinc uero uulgo uadunt. etiam  
M. Lepidus, quocum diem conterere solebam, cras cogi=  
tabat. nos autē in Formiano morabamur, quo citius aus=  
diremus. deinde Arpinū uolebamus: inde, iter quā maxi=  
me ἀναπάντητον esset, ad mare superum, remotis, siue  
omnino missis liētoribus: audio enim bonis uiris, qui &  
nunc, & sepe antea magno præsidio reipub. fuerunt,  
hanc cunctationem nostram non probari, multa q; in  
me, &



me, & seuerē in conuiuijs tempestiuis quidē disputari  
cedamus igitur, & ut boni ciues simus, bellū Italiæ ter-  
ra, mariq; inferamus, & odia improborum rursus in  
nos, quæ iam extincta erant, incēdamus, & Luceij con-  
silia, ac Theophrastis persequamur. nam Scipio uel in Sy-  
riam proficiscitur sorte, uel cum genero honeste, uel Cæ-  
rem iugit iratum. Marcelli quidem, nisi gladium Cæ-  
saris timuissent, manerēt. Appius & eodem timore, &  
inimicitiarum recentium. & tamen, præter hūc, et C.  
Cassium, reliqui Legati, Faustus Proquæ. ego unus, cui  
utrumuis liceret. frater accesserit, quē sociū huius for-  
tunæ esse non erat æquum: cui magis etiam Cæsar ira-  
scetur: sed impetrare nō possum, ut moneat. dabimus  
hoc Pompeio, quod debemus: nam me quidem alius ne-  
mo mouet; non sermo bonorum, qui nulli sunt; nō cau-  
sa, quæ acta timide est, agetur improbe. uni uni hoc da-  
mus, nec id quidem roganti, nec suam causam, ut ait  
agenti, sed publicam. Tu quid cogites de transeundo  
in Epeirum, scire sanè uelim. Vale.

## CICERO ATTICO S.

ET SI Non. Martijs, die tuo, ut opinor, expectabā  
à te epistolā longiorē, tamen ad eā ipsam breuē, quam  
III. Non. Martij ὑπὸ τῷ δικάλῃ dedisti, rescribendū  
putaui, Caudere ais te, māsisse me: & scribis, in senten-  
tia te manere. mihi autem superioribus literis uidebare  
non dubitare, quin cederem, ita si & Cneus bene comi-  
tatus conscendisset, & Consules trāsissent. utrū, hoc tu  
parum cōmeministi, an ego nō satis intellexi? an muta

S



## LIB. IX. EPIST.

si sententiam? sed aut ex epistola, quam expecto, perspiciam, quid sentias: aut alias abs te literas eliciam. Brundusio nihil dum erat allatum. o rem difficilem, planeque perditam. quam nihil praetermittis in consilio dando: quam nihil tamen, quod tibi ipsi placeat, explicas. non esse me unum cum Pompeio, gaudes: ac proponis, quam sit turpe me adesse, cum quid de illo detrahatur; nefas esse approbare. certe: contra igitur? Dij, inquis, auerrunt. quid ergo fiet, si in altero scelus est, in altero supplicium? impetrabis, inquis, a Caesare, ut tibi abesse liceat, et esse otioso. supplicandum igitur? miserum. quid, si non impetraro? et de triumpho erit, inquis, integrum quid, si hoc ipso premar? accipiam? quid foedius? negem? repudiari se torum, magis etiam, quam olim in XX uiratu, putabit. ac solet, cum se purgat, in me conferre omnem illorum temporum culpam: ita me sibi fuisse inimicum, ut ne honorem quidem a se accipere uellem. quanto nunc hoc idem accipiet asperius? tanto scilicet, quanto et honor hic illo est amplior, et ipse robustior. nam quod negas te dubitare, quin magna in offensa sim apud Pompeium hoc tempore: non uideo causam, cur ita sit, hoc quidem tempore: qui enim amisso Corfinio denique certior me sui consilij fecit, is quaeritur Brundisium me non uenisse, cum inter me, et Brundisium Caesar esset? deinde etiam scit, ἀπαρξεν ἡ τῆς ἰατρῆς causa esse in ea causa querelam suam. me putat de municipiorum imbecillitate, de delictibus, de pace, de Urbe, de pecunia de Piceno occupando plus uidisse, quam se. sin, cum potuero, non uenero: tum erit inimicus: quod ego non eduereor, ne mihi noceat: (quid enim faciet? τίς δὲ ἔσται)



δοῦλα, τοῦ ἀνείν' ἀφροντίς ὦν;) sed quia ingrati animi  
 crimen horreo. confido igitur aduentum nostrum illi,  
 quoquo tempore fuerit, ut scribis, ἀσμένιδον fore. nam  
 quod ais, si hic temperantius egerit, consideratius consi-  
 lium te daturum: qui hic potest se gerere non perdit?  
 uita, mores, ante facta, ratio suscepti negotij, socij, uires  
 bonorum, aut etiam constantia? uix dum epistolam  
 tuam legeram, cum ad me, currens ad illum, Post-  
 humus Curtius uenit, nihil nisi classeis loquēs, & exer-  
 citus. eripiebat Hispanias: tenebat Asiam, Siciliam,  
 Africam, Sardiniam: confestim in Græciam perseque-  
 batur. eundem igitur est, nec tam ut belli, quàm ut fu-  
 gæ socij simus: nec enim ferre potero sermones istorum,  
 quicumque sunt: non sunt enim certe, ut appellantur,  
 boni. sed tamen id ipsum scire cupio, quid loquantur:  
 idq; ut exquiras, meq; certiore facias, te uehementer  
 rogo. nos adhuc, quid Brundusij actum esset, plane  
 nesciebamus: cum sciemus, tum ex re, & ex tempore  
 consilium capiemus, sed utemur tuo. Vale.

CICERO ATTICO S.

DOMITII filius transijt Formias VIII. Id.  
 currens ad matrē Neapolim, mihiq; nunciari iussit, pa-  
 trem ad Urbem esse. cū de eo curioso quæisset seruus  
 noster Dionysius. nos autem audieramus eū profectū  
 siue ad Pompeium, siue ad Hispaniā. id cuiusmodi sit,  
 scire sanè uelim: nam ad id, quod delibero, pertinet,  
 si ille certe nusquā discessit, intelligere Cneum, non esse  
 faciles nobis ex Italia exitus, cum ea tota armis,

S ij



## LIB. IX. EPIST.

praesidijsq; teneatur, hyeme praesertim: nam si commo-  
 dius anni tempus esset: uel infero mari liceret uti. nunc  
 nihil potest, nisi supero, transmitti, quò iter interclusum  
 est. quæres igitur & de Domitio, & de Lentulo. A  
 Brundusio nulla adhuc fama uenerat: & erat hic dies  
 VII. Id. quo die, suspicabamur, aut pridie Brundisium  
 uenisse Cæsarem: nam Calendis Arpis manserat. sed si  
 Posthumum audire uelles, persecuturus erat Cneum:  
 transiisse enim iam putabat coniectura tempestatū, ac  
 dierum. ego nautas eum non putabam habiturum: ille  
 confidebat, et eo magis, quòd audita nauicularijs homi-  
 nis liberalitas esset. sed, tota res Brūdisina iam quo mo-  
 do habeat se, diutius nescire non possum. Ego etsi  
 tam diu requiesco. quàm diu aut ad se scribo, aut tuas  
 literas lego: tamen & ipse egeo argumēto epistolarum,  
 & tibi idem accidere certo scio: quæ enim soluto ani-  
 mo familiariter scribi solent, temporibus his excludun-  
 tur: quæ autem sunt horum temporum, ea tam con-  
 triuimus. sed tamen, ne me totum ægritudini dedam,  
 sumpsi mihi quasdam tanquam δέσις, quæ & pulxi-  
 cæ sunt, & temporum horum, ut et abducā animum  
 ab quærelis, & in eo ipso, de quo agitur, exercear. eæ  
 sunt huiusmodi. Εἰ μενετέον ἐν τῇ πατρίδι τυραννουμέ-  
 νῃ, τυραννουμένης δὲ αὐτῆς, εἰ παντὶ τρόπῳ τυραννίδῃ  
 κατάλυσιν περατέον, καὶ μελλήσῃα τοῦτο περὶ τῶν ὅλων  
 ἢ πόλις κινδυνεύσῃ. εἰ δὲ λαβητέον τὸν καταλύντα, μὴ  
 αὐτὸς ἀρῆται, εἰ περατέον ἀρῆγειν τῇ πατρίδι εἰρήνῃ  
 μάλλον ἢ πολέμῳ. εἰ πολιτικὸν τὸ ἡσυχάζειν ἀναχῶς ἡ-  
 σαντά ποι τῆς πατρίδῃ τυραννουμένης. ἢ διὰ παν-  
 τὸς ἰτέον κινδύνου τῆς ἐλευθερίας τέρε. εἰ πόλεμον ἐπα-



κτεόν τῇ χώρᾳ, καὶ πολιορκητέον αὐτῷ τυραννουμένην.  
 εἰ καὶ μὴ δοκιμάζοντα πῶς διὰ πολέμου κατάλυσις τῆς  
 τυραννίδος συναπογραπτέον ὁμῶς τοῖς ἀρίστοις, εἰ τοῖς  
 βερεγέταις, καὶ φίλοις τυγκινδυνυτέον ἐν τοῖς πολιτικοῖς,  
 καὶ μὴ δοκῶσιν οὐ βεβουλεύσασθαι περὶ τῶν ὅλων. εἰ δὲ μέ-  
 γαλα πῶς πατρίδα βερεγέτηςας, δι' αὐτὸ δὲ τοῦτο ἀνέ-  
 κεδά παδῶν, καὶ φθονῆς, κινδυνύσαν ἐν ἐβελοντῆς  
 ὑπὲρ τῆς πατρίδος: ἢ ἀφετέον αὐτῷ ἐκ τοῦ πατε, καὶ  
 τῶν οἰκοτάτων ποιῆσαι πρόνοιαν ἀφεμένῳ τὰς πρὸς  
 τοὺς ἰσχύοντας διαπολιτείας. *in his ego me consultatio-  
 nibus exercens, et differens in utranq; partē tum græ-  
 ce, tum latine, et abduco parumper animum à mole-  
 stijs, et τῶν πρὸς τὸν τ' delibero. sed uereor, ne tibi  
 ἀκούσῃ sim: si enim recte ambulauit is, qui hanc epi-  
 stolam tulit, in ipsum tuum diem incidit. Vale.*

CICERO ATTICO S.

NATALI die tuo scripsisti epistolam ad me ple-  
 nam consilij, summāq; τῇ beneuolentiᾳ, tum etiam pru-  
 dentia. eam mihi Philotimus postridie, quā à te ac-  
 ceperat, reddidit. Sunt ista quidem, quæ disputas,  
 difficillima, iter ad superum, nauigatio infero, di-  
 scessus Arpinum, ne hunc fugisse; mansio Formijs, ne  
 obtulisse nos gratulationi uideamur: sed miseriùs ni-  
 hil, quā ea uidere, quæ tamen iam, iam inquam ui-  
 denda erunt. fuit apud me Posthumus: scripsi ad te,  
 quā grauis. uenit ad me etiam Q. Fufius, quo uul-  
 tu, quo spiritu; properans Brundisium, scelus ac-  
 cusans Pompeij, leuitatem, et stulticiam senatus. hæc

S. iij



## LIB. IX. EPIST.

qui in mea uilla non feram, cur tum in curia potero  
 ferre? age finge me quamuis ὁ δομάχως hęc feren-  
 tem: quid illa, dic M. Tulli, quem habebunt exitum?  
 Et omitto causam Reip. quam ego amissam puto cum  
 uulneribus suis, tum medicamentis his, quę parantur:  
 de Pompeio quid agam? cui plane (quid enim negem?)  
 succensui: semper enim causę euentorum magis mo-  
 uent, quàm ipsa euenta. hęc igitur mala, quibus maio-  
 ra esse quę possunt? considerans, uel potius iudicans  
 eius opera accidisse, Et culpa, inimicior erā huic, quàm  
 ipsi Cæsari: ut maiores nostri funestiores diem esse uo-  
 luerunt Alliensis pugnae, quàm Urbis captę, quòd hoc  
 malum ex illo, itaque alter religiosus etiam nunc dies,  
 alter in uulgus ignotus: sic ego decem annorum pecca-  
 ta recordās, in quibus inerat ille etiam annus, qui nos,  
 \* hoc defendente, ne dicam grauius, afflixerat; præsens  
 tisq; temporis cognoscens temeritatem, ignauiam, ne-  
 gligentiam, succensebam. sed ea iam mihi exciderūt.  
 beneficia eiusdem cogito, cogito etiam dignitatem: in-  
 telligo serius equidem, quàm uellem propter episto-  
 las, sermonesq; Balbi: sed uideo plane nihil aliud agi,  
 nihil actum ab initio, quàm ut hunc occideret. ego  
 igitur, si quis apud Homerum, cum ei Et mater, Et  
 Dea dixisset, αὐτίκα γὰρ τοι ἔπειτα μέθ' Ἑκτορα πόντα  
 μὲν εἶποι μὲν, matri ipse respondit, αὐτίκα τεθναίνην ἐπεὶ  
 οὐκ ἄρα ἐμὲλλον ἐπαύρω κτενομένω ἐπαμύναναι. quid; si  
 non ἐπαύρω solum, sed etiam δὲ ἐγγέτη? adde, tali ui-  
 ro, talem causam agentī. Et ego uero hęc officia  
 mercanda uita puto. optimatibus uero tuis nihil  
 confido, nihil iam ne in seruiō quidem. uideo, ut



se huic dent, ut daturi sint. quidquam tu illa putas  
 fuisse de ualitudine decreta municipiorum præ his de  
 uictoria gratulationibus? timent, inquires. at ipsi tum  
 se timuisse dicunt. sed uideamus, quid actum sit Brun-  
 dusij. ex eo fortasse mea consilia nascentur, aliæq; li-  
 teræ. Nos adhuc Brundusio nihil. Roma scripsit Bal-  
 bus, putare iam Lentulum Cos. transmisisse, nec eum à  
 minore Balbo conuentum, quod is hoc iam Canusij au-  
 disset: inde ad se eum scripsisse: cohortesq; sex, quæ  
 Albæ fuissent, ad Curtium Minutia transijse: id Cæ-  
 sarem ad se scripsisse, & breui tempore eum ad Vr-  
 bem futurum. ergo utar tuo consilio, neque me in  
 Arpinum hoc tempore abdam. etsi, Ciceroni meo to-  
 gam puram cum dare Arpini uellem, hanc eram ip-  
 sam excusationem relicturus ad Cæsarem. sed fortasse  
 in eo ipso offendetur, cur non Romæ potius. sed tamen,  
 si est conueniendus, hic potissimum. tum reliqua ui-  
 debimus, id est & quo, & quâ, & quando. Domi-  
 titius, ut audio, in Cossano, & quidem, ut aiunt,  
 paratus ad nauigandum: si in Hispaniam, non probo:  
 si ad Cneum, laudo: quouis potius certe, quàm ut Cur-  
 tium uideat, quem ego patronus aspicere non possum.  
 quid alios? sed opinor quiescamus, ne nostram culpam  
 coarguamus, qui, dum Urbem, id est patriam, a-  
 mamus, dumq; rem conuenturam putamus, ita nos  
 gessimus, ut plane interclusi, captiq; simus. Scripta  
 iam epistola, Capua literæ sunt allatæ hoc exemplo.  
 Pompeius mare transijt cum omnibus militibus, quos se  
 cum habuit. hic numerus est hominū millia XXX, &  
 Cōsules duo, et Trib. pl. & senatores, qui fuerant cū eo,



## LIB. IX. EPIST.

omnes cum uxoribus, & liberis, conscendisse dicitur ad  
 IIII. Non. Mart. ex ea die fuere Septentriones uenti.  
 naues, quibus usus nō est, omnes aut præcidisse, aut in-  
 cendisse dicunt. de hac re literæ L. Metello Trib. pl. Ca-  
 puam allatæ sunt ab Clodia socru, quæ ipsa transijt.  
 ante sollicitus eram, & angebar, sicut res scilicet ipsa co-  
 gebat, cum consilio explicare nihil possem: nunc autem  
 postquā Pompeius, & Cōsules ex Italia exierunt, nō an-  
 gor sed ardeo dolore. οὐδ' ἐμοὶ ἥτορ ἔμπεδον, ἀλλ' ἀλα-  
 λύκτημαι. non sum inquam (mihi crede) mentis com-  
 pos: tantum mihi dedecoris admisisse uideor. me non  
 primū cum Pompeio qualicunq; cōsilio uso, deinde cū  
 bonis esse, quāuis causa temere instituta? præsertim cū  
 ij ipsi, quorum ego causa timidius me fortunæ commit-  
 tebam, uxor, filia, Cicerones pueri me illuc sequi mal-  
 lent, hoc turpe, & me indignum putarent. nam Quin-  
 tus quidē frater, quidquid mihi placeret, id rectum se  
 putare aiebat, id animo æquissimo sequebatur. tuas  
 nūc epistolas à primo lego. hæc me paulū recreant. pri-  
 mæ monent, & rogant, ne me proijciam. proximæ gau-  
 dere te ostendunt, me remansisse. eas cum lego, minus  
 mihi turpis uideor, sed tādīu, dum lego. deinde emer-  
 git rursus dolor, & αἰσχρὸν πάντας ἰα. quā ob rem  
 obsecro te mi Tite, eripe mihi hunc dolorē, aut minus  
 saltem aut consolatione, aut consilio, aut quacunque  
 re potes. quid tu autem possis? aut quid homo quis-  
 quam? uix iam Deus. equidem illud molior, quod tu  
 mones sperasq; fieri posse, ut mihi Cæsar cōcedat. ut ab-  
 sim, cum aliquid in senatu contra Cneū agatur: sed tie-  
 meo, ne non impetrem, uenit ab eo Furnius, ut quidem



scias, quos sequamur: Q. Titinij filium cū Cesare esse nunciat; sed illū maiores mihi gratias agere, quam uelalem. quid autem me roget (paucis ille quidem uerbis, sed ἐν ὀλίγοις) cognosce ex ipsius epistola, me miserum quod tu non ualuisti, unā fuisset: consilium certe non defuisset σὺν τῷ δὲ ἐξ ὁμοῦ. sed acta ne agamus: reliqua paremus. me adhuc hæc duo fefellerunt, initio  
 \* spes compositionis, qua facta uolebam, ut populari, ut ea solitudine senectutem nostram liberari: deinde bellum crudele, & exitiosum suscipi à Pompeio intelligebam. melioris mediusfidius ciuis, & uiri putabam, quous uis supplicio affici, quàm illi crudelitati nō solum præesse, uerū etiam interesse. uidetur uel mori satius fuisse, quàm esse cum ijs. ad hæc igitur cogita mi Attice, uel potius excogita. quemuis euentum fortius feram, quàm hunc dolorem. Vale.

Cesar Imp. S. D. Ciceroni Imp.

CVM Furniū nostrum tantum uidissem, neque loqui, neque audire me commode potuisset, properarem, atq; essem in itinere præmissis iā legionibus: præterire tamen nō potui, quin & scriberem ad te, & illum mitterem, gratiaq; agerem. etsi hoc officium & feci sæpe, & sæpius mihi facturū uideo; ita de me mereris. in primis à te peto, quoniam confido me celeriter ad Urbem uenturum, ut te ibi uideam, ut tuo cōsilio, gratia, dignitate, ope omnium rerum uti possim. ad propositum reuertar: festinationi meæ, breuitatiq; literarum ignoscas: reliqua ex Furnio cognoscas. Vale.



SCRIPSERAM ad te epistolam, quam darem  
 IIII. Id. sed eo die is, cui dare uoluerā, nō est profectus.  
 uenit autē eo ipso die ille celeripes, quem Saluius dixe-  
 rat: attulit uberrimas tuas literas, quae mihi quiddam,  
 quo stare, instillarunt: recreatum enim me non queo  
 dicere: sed plane τὸ σὺνέχον effecisti: ego enim nō iam  
 id ago, mihi crede, ut prosperos exitus consequar: sic  
 enim uideo, nec duobus his uiuis, nec hoc uno nos un-  
 quam Remp. habituros. ita neque de otio nostro spero  
 iam, nec ullam acerbiteratem recusō. unum illud extime-  
 scebam, ne quid turpiter facerem, uel, dicam, iā effecis-  
 sem. sic ergo habeto, salutare te mihi literas misisse,  
 neq; solum has longiores, quibus nihil potest esse expli-  
 catus, nihil perfectius, sed etiam illas breuiiores, in qui-  
 bus hoc mihi iucundissimū fuit, cōsiliū, factūq; no-  
 strum ab Sexto probari. pergratumq; mihi tu fecisti, a  
 quo diligere me, & quid rectum sit, intelligi, scio. longior  
 uero tua epistola non me solum, sed meos omnes agri-  
 tudine leuauit. itaque utar tuo consilio, & ero in For-  
 miano, ne aut ad Urbem & πᾶν τῆς πόλεως mea animaduerta-  
 tur, aut, si nec hic, nec illic eum uidero, deuitatum  
 se a me putet. Quod autem suades, ut ab eo petam,  
 ut mihi concedat, ut idem tribuam Pompeio, quod ipsi  
 tribuerim: id me iam pridem agere intelliges ex literis  
 Balbi, & Oppij, quarū exempla tibi misi, nisi etiā Cae-  
 saris ad eos sana mente scriptas: quo modo in tanta in-  
 sania? si mihi Caesar hoc non cōcedat, uideo tibi illud



placere, me πολιτὸν de pace suscipere: in quo non  
extimesco periculum: cum enim tot impendeant, cur  
non honestissimo depacisci uelim? sed uereor, ne Pom-  
peio quid oneris imponam, μή μοι γογγῆν κεφαλὴν δ' εἰς  
νοῖο πελώρου intorqueat: mirandum enim in modum  
Cneus noster Sullani regni similitudinem concupiuit,  
ἀδῶσσι λέγω. nihil inquam ille minus obscure tulit.  
cum hoc ne igitur, inquit, esse uis? beneficium sequor,  
mihi crede, non causam, ut in Milone, ut in. sed ha-  
cenus. causa igitur non bona est? immo optima: sed  
agetur (memento) foedissime. primum, consilium est,  
suffocare Urbem, & Italiam fame: deinde, agros uasta-  
re, urere, pecunijs locupletum non abstinere. sed cum  
eadem metuum ab hac parte: si illinc beneficium nō sit,  
rectius putem quiduis domi perpeti. sed ita meruisse il-  
lum de me puto, ut ἀχαρίδιος crimen subire non au-  
deam. quanquam à te eius quoque rei iusta defensio  
est explicita. De triumpho tibi assentior. quem qui-  
dem totum facile, & libenter abiecero. egregie pro-  
bo fore, ut, dum igamus, ὁ πλοῦς ὠρεῖται & obrepat: si mo-  
do, inquit, satis ille erit firmus. est firmior etiam, quàm  
putabamus. de isto licet bene speres: promitto tibi,  
si ualebit, regulam illum in Italia nullam relictu-  
rum. tēne igitur socio? contra mehercule meum iudi-  
cium, & contra omnium antiquorum auctoritatem:  
nec tam ut illa adiuuem, quàm ut hæc ne uideā, cupio  
discedere: noli enim putare tolerabiles horum insanias,  
nec uniusmodi fore: etsi quid te horum fugit, legibus,  
iudicijs, senatu sublato, libidines, audacias, sumptus,  
egestates tot egenissimorum hominum nec priua-



## LIB. IX. EPIST.

tas posse res, nec Remp. sustinere? abeamus igitur inde qualibet navigatione: etsi id quidem, ut tibi uidebitur: sed certe abeamus: sciemus enim id, quod expectas, qd Brūdusij actum sit. Bonis uiris q̄ ais probari, quæ adhuc fecerimus, sciriq; ab ijs nō profectis, ualde gaudeo, si est nunc ullus gaudendi locus. De Lentulo inuestigabo diligentius: id mandavi Philotimo, homini fortis, ac nimium optimati. Extremum est, ut tibi argumentum ad scribendum fortasse iam desit: nec enim alia de re nunc ulla scribi potest: & de hac quid iam amplius inueniri potest? sed quoniam & ingenium suppeditat (dico mehercule, ut sentio) & amor, quo & meū ingenium incitatur: perge, ut facis, & scribe, quantum potes. In Epeirum quod me nō inuitas, comitem non molestum: subirascor: sed uale: nam, ut tibi ambulandum, unguendum, sic mihi dormiendum: etenim literæ tuæ mihi somnum attulerunt.

## CICERO ATTICO S.

COENANTIBVS prid. Id. nobis, ac noctu quidam, Statius à te epistolā breuē attulit. De L. Torquato quid modo quæris? non modo Lucius, sed etiam Aulus profectus est, alij multi. De Reatinorum corona: quod scribis, moleste fero in agro Sabino sementem fieri proscriptionis. Senatores multos esse Romæ, nos quoque audieramus. ecquid potes dicere, cur exierint?

In his locis opinio est coniectura magis, quàm nuncio, aut literis, Cæsarem Formijs ad XI. Cal. Apr. fore. hic ego uellem habere Homerī illam Mineruam simulatam Mentori, cui dicerem, Μέντορ πῶς τ' ἄρ' ἴω,



πῶς τ' ἄρ' προπύσσομαι αὐτὸν? nullam rem unquam  
difficiliorem cogitavi, sed cogito tamen, nec ero, ut in  
malis. imparatus: sed cura, ut ualeas: puto enim diem  
tuum heri fuisse.

Cæsar Oppio, Cornelio S.

GAVDEO mehercule uos significare literis, quàm  
ualde probetis ea, quæ apud Cornificium sunt gesta. con-  
silio uestro utar libenter, & hoc libentius, quod mea  
sponte facere constitueram, ut quamlenissimum me  
præberem, & Pompeium, darem operam, ut reconcilia-  
rem. tentemus, hoc modo si possumus omnium uolun-  
tates recuperare, & diuturna uictoria uti, quoniam  
reliqui crudelitate odium effugere non potuerunt, nec  
que uictoriam diutius tenere, præter unum L. Sullam,  
quem imitaturus non sum, hæc noua sit ratio uincendi  
ut misericordia, & liberalitate nos muniamus. id  
quemadmodum fieri possit, nonnulla mihi in men-  
tem ueniunt, & multa reperiri possunt. de his rebus,  
rogo uos, ut cogitationem suscipiatis. Cn. Magiū Pom-  
peij præfectum deprehendi: scilicet meo instituto usus  
sum, & eum statim missum feci. iam duo præfecti fa-  
brum Pompeij in meam potestatem uenerunt, & à me  
missi sunt. si uolent grati esse, debebunt Pompeium hor-  
tari, ut malit mihi esse amicus, quàm ijs, qui & illi,  
& mihi semper fuerunt inimicissimi: quorum artifi-  
cij effectum est, ut resp. in hunc statum perueniret.



## LIB. IX. EPIST.

Balbus Ciceroni Imp. S.

SUBITO, posteaquam literas communes cum Op-  
 pio ad te dedi, ab Cesare epistolam accepi, cuius exemplum  
 tibi misi, ex quibus perspicere poteris, quam cupiat con-  
 cordiam, & Pompeium reconciliare, & quam remotus  
 sit ab omni crudelitate, quod eum sentire, ut debeo, ual-  
 de gaudeo. De te, & tua fide, & pietate idem meher-  
 cule mi Cicero sentio, quod tu, non posse tuam famam  
 et officium sustinere, ut contra eum arma feras, à quo  
 tantum beneficium te accepisse prædices. Cæsarem hoc  
 idem probaturum, exploratum pro singulari eius hu-  
 manitate habeo: eiq; cumulatissime satisfacturum te cer-  
 to scio, cum nullam partem belli contra eum suscipias,  
 neque socius eius aduersarius fueris. atque hoc non solum  
 in te tali, & tanto uiro satis habebit, sed etiam mihi ip-  
 se sua concessit bonitate, ne in ijs castris esse, quæ contra  
 Lentulum, aut Pompeium futura essent, quorum bene-  
 ficia maxima haberem: sibiq; satis esse dixit, si togatus  
 urbana officia sibi præstitissem, quæ etiã illi, si uellem,  
 præstare possem. itaq; nunc Romæ omnia negotia Len-  
 tuli procuro, sustineo; meumq; officium, fidem, pietatē,  
 ijs præsto. sed mehercule rursus tam abiectam compos-  
 itionis spem non desperatissimam esse puto, quoniã Cæ-  
 sar est ea mente, qua optare debemus. hac re mihi pla-  
 cet, si tibi uidetur, te ad eum scribere, et ab eo præsidium  
 petere, ut petisti à Pompeio, me quidē approbante, tem-  
 poribus Milonianis. præstabo (si Cæsare bene noui) eum  
 prius tuæ dignitatis, q̃ suæ utilitatis rationē habiturum.



hæc quàm prudenter tibi scribam, nescio: sed illud cer-  
te scio, me ab singulari amore, ac beneuolentia, quæcun-  
que scribo, tibi scribere, quòd te (ita incolumi Cæsare  
moriar) tãti facio, ut paucos æque ac te caros habeam.  
de hæc re cum aliquid constitueris, uelim mihi scribas:  
nam non mediocriter laboro, ut utrique, ut uis, tuam  
beneuolentiam præstare possis: quam mehercule te præ-  
staturum confido. Fac ualeas.

Balbus, & Oppius S. D. M. Ciceroni.

NEDVM hominum humilium, ut nos sumus, sed  
etiam amplissimorum uirorum consilia ex euentu, non  
ex uoluntate à plerisq; probari solent: tamen freti tua  
humanitate, quod uerissimũ nobis uidebitur, de eo qd  
ad nos scripsisti, tibi consilium dabimus: quod si nõ fue-  
rit prudens, at certe ab optima fide, & optimo animo  
profiscetur. Nos, nisi id, quod nostro iudicio Cæsarem  
facere oportere existimamus, ut, simul Romam uenerit,  
agat de reconciliatione gratiæ suæ, & Põpeij, id eũ fa-  
cturũ ex ipso cognouissemus: te hortari desineremus, ut  
uelles his rebus interesse, quo facilius, & maiore cũ di-  
gnitate p te, qui utriq; es cõiunctus, res tota confieret:  
aut, si ex cõtrario putaremus, Cæsarem id non facturũ,  
et eũ uelle cũ Põpeio bellũ gerere sciremus; nunquã tibi  
suaderemus, contra hominẽ optime de te meritũ arma  
ferres, sicuti te semp orauimus, ne cõtra Cæsarẽ pugna-  
res. sed cũ etiam nũ, quid facturũ Cæsar sit, magis opi-  
nari, q scire possimus: nõ possumus nisi hoc, nõ uideri eã  
tuã esse dignitatẽ, neq; fidẽ omnibus cognitã, ut cõtra



## LIB. IX. EPIST.

alterutrum, cum utrique sis maxime necessarius. arma  
feras & hoc, nō dubitamus, quin Cæsar pro sua huma-  
nitate maxime sit probaturus. nos tamen (si tibi uidebi-  
tur) ad Cæsarem scribemus, ut nos certiores faciat, quid  
in hac re acturus sit. à quo si erit nobis rescriptum, sta-  
sim, quæ sentiemus, ad te scribemus, & tibi fidem facie-  
mus, nos ea suadere, quæ nobis uidentur tuæ dignitati,  
non Cæsaris rationi, esse utilissima. & hoc Cæsare pro  
sua indulgentia in suos probaturum putamus. Vale.

## CICERO ATTICO S.

TREIS epistolas tuas accepi postridie Iduū: erant  
autem IIII.III. prid. Id. datæ. igitur antiquissimæ  
cuique primum respondebo. Assentio tibi, ut in For-  
miano potissimum commorer. & iam de supero mari  
\* plaboque, ut antea ad te scripsi, et quonā modo possem  
uoluntate eius nullā reipub. partem attingere. Quod  
laudas, quia obliuisci me scripsi antefacta, & dicta no-  
stri amici: ego uero ita facio, quin ea ipsa, quæ a te cō-  
memorantur, secus ab eo in me ipsum facta esse non  
memini: tanto plus apud me ualere beneficij gratiam,  
quā iniuriæ dolorem uolo. faciamus igitur, ut cen-  
\* ses, colligamusq; nos: festiuo enim simili urus decurro,  
atque cursu. De ceteris meas commentari non desino: sed  
sunt quædam earum perdifficiles ad iudicandum.  
De optimatibus sit sanè ita, ut uis: sed nosti illud, Διό-  
τις ἐν Κορίνθῳ. Titinij filius apud Cæsarem est.  
Quod autem quasi uereri uideris, ne mihi tua consi-  
lia displiceant: me uero nihil delectat aliud, nisi consi-  
lium, & literæ tuæ. quare fac, ut ostendis; ne deslite-

ris



ris ad me, quidquid tibi in mētem uenerit, scribere. mihi nihil potest esse gratius. Venio ad alteram nūc epistolam. recte non credis de numero militū: ipso dimidio plus scripsit Clodia. falsum etiam de corruptis nauibus. Quod Cōsules laudas, ego quoq; animum laudo, consilium reprehendo: discessu enim illorum, actio de pace sublata est, quam quidem ego meditabar: itaq; postea Demetrii librum de concordia tibi remisi, et Philotimo dedi. nec uero dubito, quin exitiosum bellū impendat, cuius initium ducetur à fame. & me tamen doleo nō interesse huic bello, in quo tanta uis sceleris futura est, ut, cum parentis non alere nefarium sit, nostri principes antiquissimam, & sanctissimam parentem patriam fame necandam putent. atq; hoc nō opinione timeo, sed interfui sermonibus. omnis hæc classis, Alexātria, Colchis, Tyro, Sidone, Andro, Cypro, Pamphylia, Lycia, Rhodo, Chio, Bizātio, Lesbo, Smyrna, Myleto, Co, ad intercludendos commeatus Italiæ, & ad occupandas frumētarias prouincias comparatur. at quā ueniet iratus, & ijs quidem maxime, qui eam maxime saluam uolebant, quasi relictus ab ijs, quos reliquit. itaque mihi dubitanti, quid me facere par sit, permagnum pondus affert beneuolentia erga illum: qua dempta, perire melius esset in patria, quàm patriam seruando euertere. De Septentrione plane ita est. metuo, ne ueretur Epeirus. sed quem tu locum Græciæ non direptum iri putas? prædicat enim palàm, & militibus ostendit, se largitione ipsa superiorem, quàm hunc, fore.

Illud me præclare admones, cum illū uidero, ne nimis indulgenter, & ut cum gravitate potius loquar.

T



## LIB. IX. EPIST.

plane sic faciendum. Arpinum, cum eum conuenero, cogito, ne forte aut absim, cum ueniet, aut cursem huc illuc uia deterrima. Bibulum, ut scribis, audio uenisse, & redisse prid. Id. Philotimum, ut ais epistola tertia, expectabas. at ille Idibus à me profectus est. eo seri-  
 rius ad tuā illam epistolam, cui ego statim rescripserā, redditæ sunt meæ literæ. De Domitio, ut scribis, ita opinor esse, ut & in Cosano sit, & consilium eius igno-  
 retur. iste omnium turpissimus, et sordidissimus, qui consularia comitia à Prætoribus ait haberi posse, est idem, qui semper in Rep. fuit. itaque nimirum hoc illud est, quod Cæsar scribit in ea epistola, cuius exemplum ad te misi, se uelle uti **CONSILIO** meo: age esto hoc cōmune: **GRATIA**: ineptū id quidē, sed puto hoc si-  
 mulat ad quasdā senatorū sententias: **DIGNITA-  
 TE**, fortasse sententia consularis: illud extremū est, **OPE** omniū rerū: id ego suspicari coepi tum ex tuis literis, aut hoc ipsum esse, aut nō multo secus: nā per-  
 magni eius interest, rem ad interregnum nō uenire. id assequitur, si per Prætores Consules creantur. nos autē in libris habemus, nō modo Consules à Prætoribus, sed ne Prætores quidem creari ius esse, idq; factum esse nū-  
 quam: Consules, eo nō esse ius, q̃ maius imperium à minore rogari non sit ius: Prætores autem, cum ita ro-  
 gentur, ut collegæ Consulū sint, quorum est maius im-  
 perium. aberit nō longe, quin hoc à me decerni uelit, neque sit contentus Galba, Scauola, Cassio, Antonio.  
 τότε μοι χάνοι εὐφρα χεῶν. sed, quanta tempestas impē-  
 deat, uides. Qui transierint senatores, scribam ad te, cum certum habebo. De re frumentaria recte intelli-



gis, quæ nullo modo administrari sine uectigalibus potest: nec sine causa et eos, qui circum illum sunt, omnia postulanters, & bellum nefarium times. Trebatium nostrum, etsi, ut scribis, nihil bene sperat, tamen uidere sanè uelim. quem fac horteris, ut properet: opportune enim ad me ante aduentum Caesaris uenerit. De Lanuino, statim, ut audiui Pharnacæ mortuum, optaui, si modo esset futura Respublica. ut id aliquis emeret meorum: neque tamen de te, qui maxime meus, cogitaui: sciebam enim de quoto anno, & quatum in solo solere quærere, neque solum Romæ, sed etiam delictum digamma uiderè. ueruntamen ego illud, quanquam est bellum, minoris aestimo, quam aestimabatur Marcellino Cos. cum ego istos hortulos propter domum, Antij quam tum habebam, iucundiores mihi fore putabam, et minore impesa, quam si Tusculanum refecissem. uolui HS. Q. egi per prædem, illi daret, Antij cum haberet uenale: noluit. sed nunc omnia ista iacere puto propter numorum caritatem. mihi quidem erit aptissimum, uel nobis potius, si tu emeris: sed eius dementias caue contemnas: ualde est uenustum. quanquam mihi ista omnia iam addicta uasitati uidentur. respondi epistolis tribus: sed expecto tuas: nam me adhuc tuæ literæ sustentarunt. Data Liberalibus.

## CICERO ATTICO S.

N I H I L habebam, quod scriberè: neque enim noui quidquam audieram, et ad tuas omnes rescripseram pridie. sed cum me agritudo non solum somno priuaret, uerum ne uigila

T ij



## LIB. IX. EPIST.

re quidē sine summo dolore pateretur : tecum ut quasi loquerer, in quo uno acquiesco, hoc nescio quid nullo argumento proposito scribere institui. Amēs mihi fuisse uideor à principio, & me una hæc res torquet, quod non omnibus in rebus labentem, uel potius ruentem Pōpeium tanquam unus manipularis secutus sim. uidi hominem XIII. Cal. Febr. plenum formidinis. illo ipso die sensi, quid ageret. nunquam mihi postea placuit, nec unquam aliud in alio peccare destitit. nihil interim ad me scire, nihil nisi fugam cogitare : quid quæris? sicut & τοῖς ἑσπερίοις alienantur immundæ, insulsæ, indecoræ : sic me illius fugæ, negligentiaq; deformitas auertit ab amore : nihil enim dignum faciebat, quare eius fugæ comitem me adiungerem. nunc emergit amor : nunc desiderium ferre non possum : nunc mihi nihil libri, nihil literæ, nihil doctrina prodest. itaque dies & noctes, tanquam auis illa, mare prospecto, euolare cupio. do, do pœnas temeritatis meæ. etsi quæ fuit illa temeritas? quid feci non consideratissime? si enim nihil præter fugam quæreretur, fugissem libentissime : sed genus belli crudelissimi, & maximi, quod non dum uident homines quale futurum sit, perhorruī. quæ mihi nunc municipiis? quæ nominatim uiris bonis? quæ denique omnibus, qui remansissent? quàm crebro illud? Sulla potuit, ego nō potero? mihi autem hæserūt illa. male Tarquinius, qui Porsenam, qui Octauium Maniliū contra patriam : impie Coriolanus, qui auxilium petiit à Volscis : recte Themistocles, qui mori maluit : nefarius Hippas Pisistrati filius, qui in Marathoniam pugna cecidit, arma contra patriam ferens. at Sulla, at Marius,



at Cinna recte, immo iure fortasse. sed quid eorum uictoria crudelius? quid funestius? huius belli genus fugi, & eo magis, quod crudeliora etiam cogitari, et parari uidebam. me, quem non nulli cōseruatorem istius urbis, quem parentem esse dixerūt, Getarum, & Armeniorum, & Colchorum copias ad eam adducere? me meis ciuibus famem, uastitatem inferre Italiae? hūc primum mortalem esse, deinde etiam multis modis posse extinguī cogitabam: Urbem autem, et populum nostrum seruandum ad immortalitatem, quantū in nobis esset, putabam. & tamen spes quaedam me obtentabat, fore, ut aliquid conueniret potius, quā aut hic tantum sceleris, aut ille tantum flagitij admitteret. alia res nūc tota est, alia mea. sol (ut est in tua quadam epistola) excidisse mihi ē mundo uidetur. ut aegroto, dum anima est, spes esse dicitur: sic ego, quoad Pompeius in Italia fuit, sperare non destiti. hac me fefellerūt, & (ut uerum loquar) etas iam à diuturnis laboribus deuexa ad otium, domesticarum me rerum delectatione molliuit. nunc siue periculo experiundum erit, experiar certe, ut hinc auolē: ante oportuit fortasse: sed ea, quae scripsisti, me tardarūt, & auctoritas maxime tua: nam cū ad hūc locum uenissem, euolui uolumen epistolarum tuarum, quod ego sub signo habeo, seruoq; diligentissime. erat igitur in ea, quam X. Cal. Febr. dederas hoc modo. S E D. uideamus, & Cneus quid agat, et illius rationes quorsum fluant. quod si iste Italiam relinquet, faciet omnino male, et, ut ego existimo, ἀλὸγιστος, sed tum demum consilia nostra commutanda erunt. hoc scribis post diem quartum, quā ab Vrbe

T iiij



## LIB. IX. EPIST.

discessimus. deinde VIII. Cal. Febr. TANTVM  
 MODO Cneus noster ne, ut Urbem ἀλογίστως reli-  
 quit, sic Italiam relinquat. eodem die das alteras lite-  
 ras, quibus mihi consulenti planissime respondes: est. n.  
 sic. SED uenio ad consultationem tuam. si Cneus  
 Italia cedit, in Urbem redeundum puto: qui enim finis  
 peregrinationis? hoc mihi plane hæsit: et nunc ita ui-  
 deo, infinitum bellum iunctum miserrima fuga, quã tu  
 peregrinationem ὑποκόβῃ. sequitur χρεσμὸς VI.  
 Cal. Febr. EGO, si Pompeius manet in Italia, nec  
 res ad pacem uenit, longius bellum puto fore: sin  
 Italiam relinquit, ad posterum bellum ἀσπονδον strui  
 existimo. huius igitur belli ego particeps, & socius, et  
 adiutor esse cogor, quod et ἀσπονδον, & cum ciuibus.  
 deinde VI. Id. Febr. cū iam plura audires de Pompeij  
 consilio, concludis epistolã quandã hoc modo. EGO  
 quidem tibi non sim auctor, si Pompeius Italiam relin-  
 quit, te quoq; profugere: summo enim periculo facies,  
 nec Reip. proderis, cui quidẽ posterius poteris prodesse,  
 si manseris. quem φιλόπατρι, ac πολιτικὸν hominis  
 prudentis, et amici tali admonitu nõ moueret auctori-  
 tas? deinceps III. Id. Febr. iterum mihi respondes cõ-  
 \* sulenti, sic. QVOD quæris à me, fugam ne fidam,  
 an moram deferendam utilioremi putem: ego uero in  
 presentia subitum discessum, & præcipitem profectio-  
 nem cum tibi, tum ipsi Cneo inutilem, & periculosam  
 puto: & satius esse existimo, uos dispersitos, & in spe-  
 culis esse: sed medijs fidius turpe nobis puto esse de fu-  
 ga cogitare. hoc turpe Cneus noster biennio ante co-  
 gitauit: ita Sullaturus animus eius, et proscripturus ian-



diu. inde, ut opinor, cum tu ad me quædam γενικώτερον  
scripsisses, et ego mihi à te quædā significari putassem,  
ut Italia cederem: detestaris hoc diligenter X I. Cal.

Mart. EGO uero nulla epistola significauī, si Cneus  
Italia cederet, ut tu unā cederes: aut, si significauī, nō  
dico fui inconstans, sed demens. in eadem epistola alio  
loco. NIHIL relinquitur, nisi fuga: cui te sociū  
neutiquam puto esse oportere, nec unquā putauī. Totā  
autem hæc deliberationem euoluis accuratius in literis  
V I I I. Cal. Mart. datis. S I M. Lepidus, & L. Volca-  
tius remanent, manendum puto, ita, ut, si saluus sit Pō-  
peius, & cōstiterit alicubi, hæc vexīlū relinquas, & te  
in certamine uinci cum illo facilius patiaris, q̄ cū hoc in  
ea, quæ perspicitur, futura colluuiē regnare. multa di-  
sputas huic sententiæ conuenientia. inde ad extremū.

QVID si, inquis, LEPIDVS, & Volcatius di-  
scedunt? plane ἀπορῶ. quod euenerit igitur, & quod  
egeris, id στερεώτερον putabo. si tum dubitares, nunc cer-  
te non dubitas istis manentibus. deinde in ipsa fuga  
V. Cal. Mart. INTÉREA nō dubito, quin in For-  
miano māsurus sis. cōmodissime. n. τὸ μέλλον ibi καρα-  
δοκίσεις. ad Cal. Mart. cū ille quintū iam diē Brūdi-  
sij esset. T V M poterimus deliberare, non. s. integra-  
re, sed certe minus infracta, q̄ si unā proiceris te. de  
inde I I I I. Non. Mart. ὑπὸ τῶν ληψίω cū breuiter scri-  
beres, tamen ponis hoc. C R A S. scribam plura, &  
ad omnia: hoc tamen dicam, non poenitere me consilij  
de tua mansione: & quanquam magna solitudine, ta-  
mē quia minus mali puto esse, q̄ in illa profectiōe, ma-  
neo in sentētia, et gaudeo te māsisse. Cū uero iam an-

T iij



## LIB. IX. EPIST.

gerer, & timerem, ne quid à me dedecoris esset admis-  
sum, III. Non. Mart. T A M E N te non esse un-  
cum Pompeio, non fero moleste. postea si opus fuerit, nō  
erit difficile: & illi, quoquo tempore fiet, erit ἀσμέν-  
στον. sed hoc ita dico, si hic qua ratione initium fecit,  
eadem cetera ager, sincere, temperate, prudenter, ualde  
uidero, & consideratius utilitati nostræ consulero.  
VII. Id. Mart. scribis, Peduceo quoq; nostro probari,  
quod quærim: cuius auctoritas multum apud me ua-  
let. his ego tuis scriptis me consolor, ut nihil à me ad-  
huc delictum putem. tu modo auctoritatem tuam de-  
\* fendito, aduersus me nihil opus esse, conscius ego alijs.  
ego, si nihil peccaui, reliqua tuebor. ad ea tute hortare,  
et me omnino tua cogitatione adiuna. hic nihil dum de  
reditu Cæsaris audiebatur. ego his literis hoc tamē pro-  
feci: perlegi omnes tuas, & in eo acquieui. Lentulū  
nostrum scis Puteolis esse: quod cum ē uiatore quodam  
esset auditum, qui se diceret, eum in Appia, cū is pau-  
lum lecticam aperuisset, cognosse, etsi uix uerisimile,  
nisi tamen Puteolos pueros, qui peruestigarent, & ad  
eum literas. inuentus est uix, in hortis suis se occultās,  
literasq; mihi remisit, mirifice gratias agens Cæsari: de  
suo autem consilio C. Cæcio mandata ad me dedisse.  
cum ego hodie expectabam, id est XIIII. Cal. Apr.  
uenit etiam ad me Matius Quinquatribus, homo me-  
hercule, ut mihi uisus est, temperatus, & prudens:  
existimatus quidem est semper auctor otij. quā ille  
hæc non probare mihi quidem uisus est? quā illam  
vexiγν (ut tu appellas) timere? huic ego in mul-  
to sermone epistolam ad me Cæsaris ostendi, eam,



cuius exemplum ad te antea misi: rogauitque, ut interpreteretur, quid esset, quod ille scriberet, consilio meo se uti uelle, gratia, dignitate, ope rerum omnium. respondit, se non dubitare, quin & opem, & gratiam meam ille ad pacificationem quaereret. utinam aliquod in hac miseria Reip. πολιτικὸν opus efficere, et nauare mihi liceat. Matius quidem et illum in ea sententia esse confidebat, & se auctorem fore pollicebatur. Pridie autem apud me Crassipes fuerat, qui se prid. Non. Martij Brundisio profectum, atque ibi Pompeium reliquisse dicebat. quod etiam, qui VII. Id. illinc profecti erant, nuntiabant: illa uero omnes, in quibus etiam Crassipes, qui prudentia potuit attendere sermones, minacis inimicos optimatum, municipiorum hostes, meras proscriptiones, meros Sullas: quæ Luceiū loqui, quæ totam Græciam, quæ uero Theophanem. & tamen omnis spes salutis in illis est: & ego excubo animo, nec partem ullā capio quietis: et, ut has pestes effugiam, cum dissimillimis nostri esse cupio: quid enim tu illuc Scipionē, quid Faustum, quid Libonem prætermisurum sceleris putas? quorum creditores conuenire dicuntur: quid eos autem, cum uicerint, in ciues effecturos? quam uero putas μακροφύχων Cnei nostri esse? nuntiant Aegyptum, & Arabiam ἐν δ' αἰσιν cogitare, Hispaniam abiecisse. monstra narrant: quæ falsa esse possunt: sed certe & hæc perditæ sunt, & illa non salutaria. Tuas literas iam desidero. post fugam nostram, nunquam iam nostrum earum interuallum fuit. Misi ad te exemplum literarum mearum ad Cæsarem, quibus me aliquid profecturum puto. Vale.



Cicero Imp. S. D. Cæsari Imp.

V T legi tuas literas, quas ab Furnio nostro acceperam, quibus mecum agebas, ut ad Urbem essem, te uelle uti consilio, & dignitate mea; minus sum admiratus: de gratia, & de ope quid significares, mecum ipse querebam: spe tamen deducebar ad eam cogitationem, ut te pro tua admirabili, ac singulari sapientia de otio, de pace, de concordia ciuium agi uelle arbitrarer: & ad eam rationem existimabam satis aptam esse et naturā, & personam meam. quod si ita est, & si qua de Pompeio nostro tuendo, & tibi, ac Reip. reconciliando cura te attingit: magis idoneum, quā ego sum, ad eā causam profecto reperies neminem: qui & illi semper, & senatui, cum primum potui, pacis auctor fui; nec sumptis armis belli ullam partē attigi; iudicauiq; te eo bello uiolari, contra cuius honorem populi R. beneficio concessum inimici, atq; inuidi niterentur. sed, ut eo tempore non modo ipse auctor dignitatis tuæ fui, uerum etiam cæteris auctor ad te adiuuandum: sic me nunc Pompeij dignitas uehementē mouet: aliquot enim sunt anni, cum uos duos delegi, quos præcipue colerem, & quibus essem, sicut sum, amicissimus. quam ob rem à te peto, uel potius precibus omnibus oro, & obtestor, ut in tuis maximis curis aliquid impertias temporis huic quoq; cogitatiōi, ut tuo beneficio bonus uir, gratus, pius deniq; esse in maximi beneficii memoria possim. quæ si tantum ad me ipsum pertinerent, sperarem me à te tamen impetraturum: sed, ut arbitror, & ad tuam fi-



dem, et ad Remp. pertinet, me & pacis utriusq; uestriū,  
 & ad ciuium concordiam, per te, quam accommodatissi-  
 mum, conseruari. Ego, cum antea tibi de Lentulo gra-  
 tias egissem, cum ei saluti, qui mihi fuerat, fuisses: ta-  
 men eius literis lectis, quas ad me gratissimo animo de  
 tua liberalitate, beneficioq; misit, eandem me salutem  
 à te accepisse putauī, quam ille. in quem si me intel-  
 ligis esse gratum, cura obsecro, ut etiam in Pompeium  
 esse possim. Vale.

## CICERO ATTICO S.

L E GEBAM tuas literas XIII. Cal. cū mihi episto-  
 la affertur à Lepa, circumuallatum esse Pompeium,  
 ratibus etiam exitus portus teneri. nō mediū fidius prae  
 lacrymis possum reliqua nec cogitare, nec scribere. misi  
 ad te exemplum. miseros nos, cur non omnes fatum  
 illius unda executi sumus? ecce eadem à Matio, & Tre-  
 batio: quibus Minturnis obuī Caesaris tabellarij. tor-  
 queor infelix, ut iam illum Mutianum exitum exoptē.  
 at quā honesta, at quā expedita tua consilia? quā  
 euigilata tuis cogitationibus? quā itineris, quā nauī-  
 gationis, quā congressus, sermonisq; cum Caesare. o-  
 mnia tum honesta, tum cauta. in Eperrum uero in-  
 uitatio quā suauis, quā liberalis, quā frater-  
 na? De Dionysio sum admiratus: qui apud me ho-  
 noratior fuit, quā apud Scipionem Panactius: à quo  
 impuriſſime hāc, hāc nostra fortuna despecta est.  
 odi hominem, et odero: utinam ulcisci possem: sed il-  
 lum ulciscuntur mores sui. Tu quāſo nunc uel ma-



## LIB. IX. EPIST.

xime, quid agendum nobis sit, cogita. populi R. exercitus  
 Cn. Pompeiū circumsidet: fossa et uallo septū tenet: fu-  
 ga prohibet. nos uiuimus, et stat urbs ista? Pratores ius  
 dicunt? Aediles ludos parāt? uiri boni usuras perscri-  
 būt? ego ipse sedeo? coner illuc ire, ut insanus? im-  
 plorare fidem municipiorum? boni non sequentur, le-  
 ues irridebunt; rerum nouarum cupidi, uictores praefer-  
 tim, & armati, uim, et manus asferent. quid censes igitur?  
 \* tur? & quidnam est tui consilij ad finis huius miserrimae  
 uitae? nunc doleo, nunc torqueor, cum quibusdam  
 aut sapiens uideor, quod unā non ierim; aut felix fuisse:  
 mihi contra: nunquam enim illius uictoriae socius  
 esse uolui, calamitatis mallem fuisse. quid ego nunc  
 tuas literas, quid tuam prudentiam, aut beneuolentiam  
 implorem? actum est. nulla re iam possum iuari,  
 qui ne quid optem quidem iā habeo, nisi ut aliqua ini-  
 mici misericordia liberetur. οὐκ ἔστ' ἔτυμος λόγος (ut  
 opinor) ille de ratibus: quid enim est, quod Dolabel-  
 la ijs literis, quas I I I. Id. Mart. à Brundusio dedit,  
 hanc εὐμεγείαν quasi Caesaris scriberet, Pompeium in  
 fuga esse? eumq; primo uento nauigaturum? quod  
 ualde discrepat ab ijs epistolis, quarum exempla antea  
 ad te misi. hic quidem mera scelera loquuntur: sed  
 non erat nec recentior auctor, nec huius rei quidem  
 melior Dolabella. Vale.

CICERO ATTICO S.

T V A S. XI. Cal. accepi literas, quibus omnia consilia  
 differs in id tempus, cum scierimus, quid actum sit. &



certe ita est: nec interim potest quidquam statui, ne cogitari quidem. quāquam hæ mihi literæ Dolabellæ iubent ad pristinas cogitationes reuerti: fuit enim pridie Quinquatrus egregia tempestas, qua ego illum usum puto. συνταγῶν consiliorum tuorum non est à me collecta ad querelam, sed magis ad consolationem meam: nec enim me tā hæc mala angebāt, quā suspicio culpæ, ac temeritatis meæ. eam nullam puto esse, quoniam cum consilijs tuis mea et facta, et consilia consentiunt.

Quod mea prædicatione factum esse scribis magis, quā illius merito, ut tantum ei debere uiderer: est ita. ego illa extuli semper, et eo quidem magis, ne quid ille superiorum meminisse me putaret. quæ si maxime meminisset, tamen illius temporis similitudinem iam si quid deberem. nihil me adiunxit, cum posset: et postea fuit amicus, et tam ualde, et quam ob causam, plane scio. ergo ego quoque illi. quin etiam illud par in utroque nostrum, quod ab eisdem illecti sumus. sed utinam tantum ego ei prodesse potuissem, quantum ille mihi potuit. mihi tamen, quod fecit, est gratissimum. nec ego, eum nunc iuuare qua re possim, scio: nec, si possem, cum tam pestiferum bellum pararet, adiuuandum putarem. tantum offendere animū eius hic manes nolo. nec me hercule ista uidere, quæ tu potes iam animo providere, nec interesse istis malis possem: sed eo tardior ad discedendum fui, quod difficile est de discessu uoluntario sine ulla spe reditus cogitare: nam ego hunc ita paratum uideo peditatu, equitatu, classibus, auxilijs Gallorum, quos Matius ῥεσάλμζεν (ut puto) sed certe dicebat, peditum, equitum se polliceri sumptu suo annos decem.



sed sit hoc λάπισμα. magnas habet certe copias, et ha-  
 bebit non ille uectigal, sed ciuium bona. adde confiden-  
 tiam hominis, adde imbecillitatem bonorum uiuorum,  
 qui quidem, quod illum sibi merito iratum putant, ode-  
 \* runt. ut tu scribis ludum. ac uellem, scribis, quisnam  
 hac significasset. sed et iste, quia plus ostenderat, quam  
 fecit, & uulgo illum, qui amarunt, non amant. muni-  
 cipia uero, & rustici Romani illum metuunt, hunc ad-  
 huc diligunt. quare ita paratus est, ut, etiam si uincere  
 non possit, quo modo tamen ipse uinci possit, nō uideā.  
 ego autem non tam γοντείαν huius timeo, quam πει-  
 θανή γκην: αἱ γὰρ τῶν τυράννων δέσεις, inquit Γλάτων,  
 οἷός' ὅτι μεμιγμένοι ἀνέγκους. illa ἀλιμένα uideo tibi nō  
 probari: quæ ne mihi quidem placebant: sed habebā in  
 illis & occultationem, et ὑπερβολὴν fidelem. quæ si mi-  
 hi Brundusij suppetant, mallem: sed ibi occultatio nul-  
 la est, uerum( ut scribis ) cum scimus. uiris bonis me  
 non nimis excuso: quas eos enim coenas & facere, &  
 obire scripsit ad me Sextus? quàm lautas, quàm tempe-  
 stiuias? sed sint quamuis boni: non sunt meliores, quàm  
 nos: mouerēt me, si essent fortiores. De Laniino Pha-  
 meæ erraui: Troianum somniaueram. id ego uolui Q.  
 sed pluris est, istuc tamē cuperem emerere, si ullam spem  
 fruendi uiderem. Nos quæ monstra quotidie intelliga-  
 mus, ex illo libello, qui in epistolam coniectus est. Len-  
 tulus noster Puteolis est, αἰ δ' ἡμῶν, ut Cæcius narrat.  
 quid agat? διατροπὴν Corfiniensem reformidat: Pom-  
 peio nunc putat satisfactum: beneficio Cæsaris moue-  
 \* tur: sed tamen mouetur magis prospecta re, nec hæc  
 posse ferre. omnia misera: sed hoc nihil miseriū.



Pompeius Cn. Magium de pace misit, et tamen oppugnatur: quod ego non credebam: sed habeo à Balbo literas, quarum ad te exemplum misi. lege, quaeso, et illud infirmum caput ipsius Balbi optimi, cui Cneus noster locum, ubi hortos edificaret, dedit: quem cui nostrum non saepe prætulit? itaq; miser torquetur. sed, ne bis eadem legas, ad ipsam te epistolam reiicio. spem autem pacis habeo nullam. Dolabella suis literis Idib. Martij datis merum bellum loquitur. maneamus ergo in illa eadem sententia misera, et desperata, quando hoc miseriùs esse nihil potest.

Balbus Ciceroni Imp. S.

C A E S A R nobis literas perbreues misit, quarum exemplum subscripsi. breuitate epistolae scire poteris eum ualde esse distentum, qui tanta de re tam breuiter scripserit. si quid præterea noui fuerit, statim tibi scribam. Caesar Oppio, Cornelio S. Ad VII. Id. Mart. Brundisium ueni: ad murum castra posui. Pompeius est Brundisij: misit ad me Cn. Magium de pace. quæ uisa sunt, respondi. hoc uos statim scire uolui. cum in spe uenero, de compositione aliquid me conficere, statim uos certiores faciam. Valete. Quo modo me nunc putas mi Cicero torqueri, postquam rursus in spem pacis ueni, ne qua res compositione eorum impediat? nanque, quod absens facere possum, opto. quod si unà essem, aliquid fortasse proficere possem. nunc expectatione crucior. Vale.



## LIB. IX. EPIST.

CICERO ATTICO S.

MISERAM ad te VIII. Cal. exemplū epistolæ Balbi ad me, & Cæsaris ad eū. ecce tibi eodem die Capua literas accepi ab Q. Pedio, Cæsarem ad se prid. Id. Mart. misisse literas hoc exemplo. Pompeius se oppido tenet. nos ad portas castra habemus: conamur opus magnum, & multorum dierum propter altitudinem maris: sed tamen nihil est, quod potius faciamus. ab utroq; portus cornu molēris iacimus, ut aut illum quāprimum trāicere quod habet Brundusij copiarum cōgamus, aut exitus prohibeamus. ubi est illa pax, de qua Balbus scripserat torqueri se? ecquid acerbius? ecquid crudelius? atq; eum loqui quidam ἀδεντικῶς narrant, Cn. Carbonis, M. Bruti se poenas persequi, omniumq; eorum, in quos Sulla crudelis hoc socio fuisset: nihil Curionem se duce facere, quod non hic Sulla duce fecisset: ad ambitionem, quibus exiliū poena superioribus legibus non fuisset, ab illo patriæ proditores de exilio reductos esse: queri de Milone per vim expulso: neminem tamen se uiolaturum, nisi qui arma hæc contra. Bebius quidam à Curione III. Id. profectus, homo

\* non infans, sed quis ulli non dicat? plane nescio, quid agam. illinc quidem Cneum profectum puto. quidquid est, biduo sciemus. A te nihil ne ante prorsus quidem quid literarum: nec mirū: quid enim est, quod scribamus? ego tamen nullum diē prætermitto. Scripta epistola, literæ mihi ante lucē à Lepta Capua redditæ sunt Idib. Mart. Pōpeiū à Brundusio conscendisse, at Cæsarem ad VII. Cal. Apr. Capuæ fore.

Vale.  
Cicero



## CICERO ATTICO S.

C V M dedissem ad te literas, ut scires Cæsarem Capuæ VII. Cal. fore, allatæ mihi sunt literæ, eum in Albano apud Curionem V. Cal. fore. eum cum uidero, Arpinum pergam. si mihi ueniam, quam peto, dederit, utar conditione: sin minus, impetrabo aliquid à me ipso. ille, ut ad me scripsit, legiones singulas posuit Brundusij, Tarenti, Siponti. claudere mihi uidetur maritimos exitus, & tamen ipse Græciam spectare potius, quàm Hispanias. sed hæc longius absunt. me nunc & congressus huius stimulat (is uero adest) & primas eius actiones horreo: uolet enim, credo, S. C. facere: uolet Augurum decretum: rapiemur, aut absentes uexabimur, uel ut Consules roget Prætor, uel Dictatorem dicat, quorum neutrum ius est. at si Sulla potuit efficere, ab in-terrege ut Dictator diceretur, & magister equitum: cur hic non possit? nihil expedio, nisi ut aut ab hoc tanquam Q. Mutius, aut ab illo tanquam L. Scipio. cum tu hæc leges, ego illum fortasse conuenero. τέτλα κύν-τερον, ne illud quidem nostrum proprium: erat enim spes propinqui reditus, erat hominum querela: nunc ex-ire cupimus; qua spe reditus, mihi quidem nunquam in mentem uenit. non modo autem nulla querela est mu-nicipalium hominum, ac rusticorum, sed contra metu-unt ut crudelem, iratum. nec tamen mihi quicquam est miserior, quàm remansisse; nec optatius, quàm euo-lare, non tam ad belli, quàm ad fugæ societatem. sed tu omnia cōsilia differebas in id tempus, cum sciremus,



## LIB. IX. EPIST.

quæ Brundisij acta essent. scimus nempe: hæremus  
 nihilo minus: uix enim spero mihi hunc ueniam datu-  
 rum: & si multa affero iusta ad impetrandum. sed ti-  
 bi omnem illius, meumq; sermonem omnibus uerbis ex-  
 pressum statim mittam. tu nunc omni amore enitere,  
 ut nos cura tua, & prudentia iuues. ita subito accur-  
 rit, ut ne Trebatium quidem, ut constitueram, possim  
 uidere. omnia nobis imparatis agenda, sed tamen ἄλ-  
 λα μὲν αὐτὸς, ut ait ille, ἄλλα δ' ἐκὼν δαίμων ὑποβίσε-  
 ται. quidquid egero, continuo scies. Mandata Cæsa-  
 ris ad Consules, & ad Pompeium, quæ rogas, nulla ha-  
 beo: quæ descripta attulit, illa è uia misi ad te: è quibus  
 mandata puto intelligi posse. Philippus Neapoli  
 est, Lentulus Puteolis. de Domitio, ut facis, sciscitare,  
 ubi sit, quid cogitet. Quod scribis asperius me, quàm  
 mei patiantur mores, de Dionysio scripsisse: uide, quàm  
 sim antiquorum hominum: te mediufidius hanc rem  
 grauius putauì laturum esse, quàm me: nam. præter-  
 quam quòd te moueri arbitror oportere iniuria, quæ  
 mihi à quoquam facta sit, præterea te ipsum quonam-  
 modo hic uiolauit, cum in me tam improbus fuit: sed  
 tu id quanti æstimes, tuum iudicium est: nec tamen in  
 hoc tibi quidquam oneris impono: ego autem illum ma-  
 le sanum semper putauì, nunc etiam impurum, & scele-  
 ratum puto, nec tamen mihi inimiciorem, quàm sibi.  
 Philargyro bene: causam certe habuisti & ueram, &  
 bonam: relictum esse me potius, quàm reliquisse. Cū  
 dedissem iam literas ad V. III. Cal. quos cum Matio  
 pueros, & Trebatio miseram, epistolam mihi attulerūt  
 hoc exemplo. Matius, & Trebatius Ciceroni Impera-



tori S. Cum Capua exissemus, in itinere audiui-  
 Pompeium Brundisio ad XVI. Cal. Apr. cum omni-  
 bus copijs, quas habuerat, profectum esse: Caesarem po-  
 stero die in oppidum introisse, concionatum esse, inde Ro-  
 mam contendisse: uelle ante Cal. esse ad Urbem, &  
 paucos dies ibi commorari, deinde in Hispanias profici-  
 sci. nobis non alienum uisum est, quoniam de aduentu  
 Caesaris pro certo habebamus, pueros tuos ad te remitte-  
 re, ut id tu quamprimum scires. Mandata tua nobis cu-  
 ra sunt, eaque, ut tempus postularit, agemus. Trebatius  
 Scauola facit, ut antecedit. Epistola conscripta nun-  
 tiatum est nobis, Caesarem ad VIII. Cal. Capuae, ad  
 VII. Sinuessae. hoc pro certo putamus. Vale.

## CICERO ATTICO S.

CVM, quid scriberem ad te, nihil haberem, tamen, ne  
 quem diem intermitterem, has dedi literas. Ad VII.  
 Cal. Caesarem Sinuessae mansurum nuntiabant. ab eo  
 mihi literae redditae sunt ad VII. Cal. quibus iam opes  
 meas, non, ut in superioribus literis, opem expectat. cū  
 eius clementiam Corfiniensem illam per literas collauda-  
 uissem, rescripsit hoc exemplo. Caesar Imp. Ciceroni  
 Imp. S. Recte auguraris de me (bene enim tibi cogni-  
 tus sum) nihil à me abesse longius crudelitate. atque  
 ego cū ex ipsa re magnā capio uoluptatem: tum meum  
 factū probari abs te, triumpho, & gaudeo. neque illud  
 me mouet, qd̄ ij, qui à me dimissi sunt, discessisse dicun-  
 tur, ut mihi rursus bellum inferrent: nihil enim malo,  
 quàm & me mei similem esse, & illos sui. Tu uelim

V ij.



## LIB. IX. EPIST.

mihî ad Urbem præsto sis, ut tuis consilijs, atque opibus, ut consuevi, in omnibus rebus utar. Dolabella tuo nihil scito mihi esse iucundius. hanc adeo habebo gratiam illi: neque enim aliter facere poterit: tanta eius humanitas, is sensus, ea in me est beneuolentia. Vale.

CICERO ATTICO S.

**T**REBATIVM VI. Cal. quo die has literas dedi, expectabam. ex eius nuntio, Matijq; literis meditabor, quo modo cum illo loquar. ò tempus miserum. nec dubito, quin à me contendat, ad Urbem ueniam: senatum enim Cal. uelle se frequentem adesse, etiam Formijs proscribi iussit. ergo ei negandum est? sed quid præripi? statim ad te perscribam omnia. ex illius sermone statuam, Arpinum ne mihi eundum sit, an quò aliò. Volo Ciceroni meo togam puram dare, istic puto. tu quaeso cogita, quid deinde: nam me hebetem molestiæ reddiderunt. A' Curio, uelim scire, ecquid ad te scriptum sit de Tirone: ad me enim ipse Tiro ita scripsit, ut uerear, quid agat. qui autem ueniunt inde, id modo nuntiant. sanè in magnis curis etiam hæc me sollicitant: in hac enim fortuna perutilis eius & opera, & fidelitas esset.

CICERO ATTICO S.

**V**TRVNQVE ex tuo consilio: nam & oratio fuit ea nostra, ut bene potius ille de nobis existimaret, quàm gratias ageret: & in eo mansimus, ne ad Urbem. illa



fefellerunt, facilem quod putaramus: nihil uidi minus.  
 damnari se nostro iudicio: tardiores fore reliquos, si in  
 his non ueniremus, dicere: ego, dissimilem illorum esse  
 causam. cum multa: ueni igitur, et age de pace. meo  
 ne, inquam, arbitratu? an tibi, inquit, ego prescribam?  
 sic, inquam, agam, senatui non placere in Hispanias iri,  
 nec exercitus in Græciam transportari: multaque in=  
 quam de Cneo deplorabo. tum ille, ego uero ista dici no  
 lo. ita putabam, inquam. sed ego eo nolo adesse, quod  
 aut sic mihi dicendum est, multaque, quæ nullo modo  
 possem silere, si adessem: aut non ueniendum. sum=  
 ma fuit, ut ille quasi exitum quærens, ut deliberarem.  
 non fuit negandum. ita discessimus. credo igitur hūc  
 me non amare. at ego me amaui, quod mihi iam pri=  
 dem usu non uenit. reliqua ò Di, qui comitatus, quæ,  
 ut tu soles, dicere, uerū iā? in qua erat Eros Celeri. ò  
 rem perditam, ò copias desperatas. quid? Seruii filius.  
 quot in his castris fuerunt, quibus Pompeius circumside  
 retur? sex legiones. multum uigilat, audet. nullum  
 uideo finem mali. nunc certe promenda tibi sunt consi  
 lia. hoc fuerat extremum. illa tamen κατὰ τὸ ἴδιον illius est  
 odiosa, quam pene præterij: si sibi consilijs nostris uti  
 non liceret, usurum quorum posset, ad omniaque esse de  
 scensurum. uidisti igitur uirum, ut scripseras? inge=  
 muisti? certe. cedo reliqua. quid? continuo ipse in  
 Puteolanum, ego Arpinum. inde expecto quidem ἀλλὰ  
 τέλος illam tuam. tu (malum) inquires, actum ne  
 agas. etiam illum ipsum, quem sequimur, multa fefelle  
 runt. sed ego tuas literas expecto: nihil est enim iam, ut  
 antea, VIDEAMVS HOC QVORSVM



LIB. IX. EPIST.

E V A D A T. extremum fuit de congressu nostro.  
quod quidem non dubito quin istum offenderim. eo ma-  
turius agendum est. amabo te epistolam, & πολιτοῖν.  
ualde tuas literas nunc expecto. Vale.

CICERO ATTICO S.

E G O meo Ciceroni, quoniam Roma caremus, Arpini po-  
tissimum togam puram dedi: idq; municipibus nostris  
fuit gratum. & si omnes, & illos, & quā iter feci,  
moestos, afflictosq; uidi: tam tristis, & tam atrox est  
ἀνθρώπων ἡσυχία huius ingentis mali. delectus habetur: in  
hyberna deducuntur. ea, quæ, etiam cum à bonis uiris,  
cum iusto in bello, cum modeste fiunt, tamen ipsa per se  
molesta sunt; quàm censes acerba nunc esse, cum à per-  
ditis, in civili nefario bello, petulātissime fiant? caue au-  
tem putes quēquam hominem in Italia turpem esse, qui  
hinc absit. uidi ipse Formijs uniuersos: neque mehercu-  
le unquam homines putauī: & noram omnes, sed nun-  
quam uno loco uideram. pergamus igitur quod placet,  
& nostra omnia relinquamus: proficiſcamur ad eum,  
cui gratior noster aduentus erit, quàm si unā fuisset  
mus: tum enim eramus in maxima spe; nunc, ego qui-  
dem, in nulla. nec prater me quisquam Italia cessit, nisi  
qui hunc inimicum sibi putaret. nec mehercule hoc fa-  
cio Reip. causa, quam funditus deletam puto, sed ne quis  
me putet ingratum in eum, qui me leuauit ijs incommo-  
dis, quibus idem affecerat: & simul quod ea, quæ fiunt,  
aut quæ certe futura sunt, uidere non potero. etiam e-  
quidem S. C. facta quædam iam puto, utinam in Vol-



catij sententiam. sed quid refert? est enim una sententia omnium: sed erit inimitissimus Seruius, qui filium misit ad affligendum Cn. Pompeium, aut certe capiendum, cum Pontio Titiniano. Et si hic quidem timoris causa, ille uero? sed stomachari desinamus, et aliquando sententiam terminemus, ut nihil noui, nisi id, quod minimum uellem, spiritum reliquum esse. Nos, quoniam superum mare obsidetur, infero nauigabimus: et, si Puteolis erit difficile, Crotonem petemus, aut Thurios, et boni ciues amantes patriae mare infestum habebimus. aliam rationem huius belli gerendi nullam uideo. in Aegyptum nos abdimus: exercitu pares esse non possumus. pacis fides nulla est. sed haec satis deplorata sunt. Tu uelim literas Cephaliōi des de omnibus rebus aetis, denique etiam de sermonibus hominū; nisi plane obmutuerunt. ego tuis consilijs usus sum, maxime quod et grauitatem in congressu nostro tenui, quam debui, et, ad Urbem ut non accederem, perseueraui. quod superest, scribe quaeso quam accuratissime (iam enim extrema sunt) quid placeat, quid censeas: etsi iam nulla dubitatio est: tamen, si quid, uel potius quidquid ueniet in mentem, scribas uelim. Vale.



M. TVLLII CICERONIS EPISTO-  
LARVM AD T. POMPO-  
NIVM ATTICVM  
LIBER X.

CICERO ATTICO S.

Ertio Non. cum in Lateriũ fratris ue-  
nisssem, accepi literas, & paulum resti-  
raui, quod post has ruinas mihi nõ ac-  
ciderat: per enim magni æstimo, tibi  
firmitudinem animi nostri, et factum  
nostrum probari: Sexto enim nostro quod scribis pro-  
bari, ita lætor, ut me quasi patris eius, cui semper uni tri-  
bui plurimum, iudicio cõprobari putem: qui mihi, quod  
sæpe soleo recordari, dixit olim Nonis illis, illis Decēbri-  
bus, cum ego, Sexte, quidnam ergo? Μὴ μὰν, inquit ille,  
ἂσ ποὺδ' εἶγε καὶ ἀκλειῶς ἀπολόμην, Ἀλλὰ μέγα ἔξας,  
τί καὶ ἔσσομένοισι πυθέσθαι. eius igitur mihi uiuit au-  
toritas, & simillimus eius filius eodem est apud me pō-  
dere, quo fuit ille: quem saluere uelim iubeas plurimũ.  
tu tuum consiliũ & si nõ in longũ tempus differs ( iam  
enim illum emptũ pacificatorẽ perorasse puto, iam actũ  
aliquid esse in cõfessu senatorũ) tamẽ suspẽsum me de-  
tines, sed eo minus, q̃ non dubito, quid nobis agendũ pu-  
tes: quid enim Flauio legionem, & Siciliam dari scri-  
bis, & id iam fieri? quæ tu scelera partim parari, &  
iam cogitari, partim ex tempore futura censes? ego  
uero Solonis popularis tui, & ut puto, etiam mei, legem  
negligam, qui capite sanxit, si qui in seditione non al-  
terutrius partis fuisset ( nisi tu aliter censes ) & hinc



abero, & filij: sed alterum mihi est certius: nec præri-  
piam tamen, expectabo tuum consilium, & eas literas,  
nisi alias iam dedisti, quas scripsi, ut Cephalonî dares.

Quod scribis, nō quo alicunde audieris, sed te ipsum  
putare, me attractū iri, si de pace agatur: mihi omni-  
no nō uenit in mentem, quæ possit actio esse de pace, cū  
illi certissimum sit, si possit, expoliare exercitu, & pro-  
uincia Pompeium: nisi forte iste summarius ei potest  
persuadere, ut, dum oratores eant, & redeant, quiescat.  
nihil uideo, quod sperē, aut quod iam putem fieri posse.  
sed tamen hominis hoc ipsum probi est, & magnum  
τῶν πολιτικῶτάτων σκεμμάπων, ueniendum ne sit in con-  
siliū tyranni, si is aliqua de re bona deliberaturus sit.  
quare, si quid eiusmodi euenerit, ut accersamur: quod  
equidem non curo: quid enim essem de pace dicturus,  
dixi; ipse ualde repudiavit: sed tamen si quid accide-  
rit, quid censeas mihi faciendum, utique scribito: nihil  
enim mihi adhuc accidit, quod maioris consilij esset.  
Trebaty, boni uiri, & ciuis, uerbis te gaudeo delectatū:  
tuaque ista crebra ἐκφώνησις ὑπέρεi me sola adhuc de-  
lectauit. Literas tuas uehementer expecto, quas qui-  
dem credo iam datas esse. Tu cū Sexto seruasti gra-  
uitatem eandem, quam mihi præcipis. Celer tuus di-  
sertus magis est, quàm sapiens. De iuuenibus, quæ ex  
Tullia audisti, uera sunt. M. Antonij istud, quod scri-  
bis, nō mihi uidetur tam re esse triste, quàm uerbo. hæc  
est ἄλν, in qua nunc sumus, mortis instar: aut enim  
mihi libere inter malos πολιτοῦτέον fuit, aut uel pericu-  
lose cum bonis: aut nos temeritatem bonorū sequamur,  
aut audaciam improborum insectemur. utrunque pe-



LIB. X. EPIST.

riculosum est . at hoc, quod agimus, & turpe, nec ta-  
men tutum. istum, qui filium Brūdusium de pace misit  
(de pace idem sentio, quod tu ; simulationem esse aper-  
tam ; parari autem bellum acerrime ) me legatum iri  
non arbitror, cuius adhuc, ut optavi, mentio facta nula  
sit . eo minus habeo necesse scribere, aut etiam cogi-  
tare, quid sim factururus, si acciderit, ut legarer. Vale.

CICERO ATTICO S.

E G O cū accepissem tuas literas Non. Apr. quas Cephā-  
lio attulerat, essemq; Minturnis postridie mansurus, &  
inde protinus : sustinui me in Arcano fratris, ut, dum  
aliquid certius afferretur, occultiore in loco essemus, age-  
renturq; nihilo minus quæ sine nobis agi possunt.

\* M M T E Y C A iam adest, & animus ardet : nec est  
quidquam, quò, & quā . sed hæc nostra erit cura, &  
peritorum . tu tamen, quoad poteris, ut adhuc fecisti,  
nos consilijs iuuabis . res sunt inexplicabiles . fortune  
sunt committenda omnia . sine spe conamur ullæ . me-  
lius si quid acciderit, mirabimur. Dionysium nolim  
ad me profectum : de quo ad me Tullia mea scripsit :  
sed & tempus alienum est, & homini nō amico nostra  
incommoda, tanta præsertim, spectaculo esse nollem :  
cui te meo nomine inimicum esse nolo. Vale.

CICERO ATTICO S.

C V M, quid scriberē, plane nihil haberem ; hæc autē reli-  
qua essent, quæ scire cuperem, profectus ne esset, quo in



statu urbem reliquisset, in ipsa Italia quæ cuique regio-  
ni, aut negotio præfecisset, & qui essent ad Pompeium,  
& ad Cōsules ex S. C. de pace legati: ut igitur hæc sci-  
rem, dedita opera has ad te literas misi. feceris igitur  
commode, mihiq; gratum, si me de his rebus, & si quid  
erit aliud, quod scire opus sit, feceris certiore. ego in  
Arcano operior, dum ista cognosco. Ad VII. Id. al-  
teram tibi eodem die hanc epistolam dictavi, & pridie  
dederam mea manu longiorem. Visum te aiunt in  
Regia: nec reprehendo, quippe cum ipse istam reprehen-  
sionem non fagerim. sed expecto tuas literas: neque  
iam sanè uideo, quid expectem: sed tamen, etiam si ni-  
hil erit, id ipsum ad me uelim scribas. Cæsar mihi  
ignoscit per literas, quod non uenerim, seseq; in optimā  
partem id accipere dicit. facile patior, quod scribit, se-  
cum Tullium, & Seruium questos esse, quia non idem  
sibi, quod mihi, remisisset. homines ridiculos, qui cum fi-  
lios misissent ad Cn. Pompeium circumsidendum, ipsi in  
senatum uenire dubitarent. sed tamen exemplum misi  
ad te Cæsaris literarum. Vale.

## CICERO ATTICO S.

M VLT A S à te accepi epistolas eodem die, omnes dili-  
genter scriptas. ea uero, quæ uoluminis instar erat, sæ-  
pe legenda, sicuti facio: in qua nō frustra laborem su-  
scepi: mihi quidem pergratum fecisti. quare, ut id,  
quoad licebit, id est quoad scies ubi sumus, quam sæpius  
me facias, te uehementer rogo. at deplorandi qui-  
dem, quod quotidie facimus, sit iam nobis aut finis o-  
mnino, si potest, aut moderatio quedam, quod profecto



## LIB. X. EPIST.

potest: non enim, quam dignitatem, quos honores, quem uitæ statum amiserim, cogito, sed quid consecutus sim, quid præstiterim, qua in laude uixerim, his denique in malis quid intersit inter me, & istos, quos propter omnia amisimus. hi sunt, qui, nisi me ciuitate expulissent, obtinere se non posse putarunt licentiam cupiditatum suarum: quorum societas, & sceleratæ consensionis fides quò eruperit, uides. alter ardet furore, & scelere, nec remittit aliquid, sed in dies ingrauescit: modo Italia expulit: nunc alia ex parte persequi, ex alia prouincia spoliare conatur: nec iam recusat, sed quodam modo postulat, ut, quemadmodum est, sic etiam appelletur tyrannus. alter, is, qui nos sibi quondam ad pedes stratos ne subleuabat quidem, qui se nihil contra huius uoluntatem aiebat facere posse, elapsus è soceri manibus, ac ferro, bellum terra, & mari comparat, non iniustum ille quidem, sed tum pium, tum etiam necessarium, suis tamē ciuibus exitiabile, nisi uicerit, calamitosum etiam si uicerit. horū ego summorum imperatorum non modo res gestas non antepono meis, sed ne fortunam quidem ipsam, quæ illi florentissima, nos duriore conflictati uidemur: quis enim potest aut deserta per se patria, aut oppressa beatus esse? & si (ut nos à te admone-mur) recte in illis libris diximus, nihil esse bonum, nisi quod honestum; nihil malum, nisi quod turpe sit: certe uterque istorum est miserrimus, quorū utrique semper patriæ salus, & dignitas posterior sua dominatione, & domesticis commodis fuit. præclara igitur conscientia sustentor, cum cogito me de Rep. aut meruisse optime, cum potuerim, aut certe nunquam, nisi diuine,



cogitasse, eadq; ipsa tempestate euersam esse Remp. quā ego XIII. annis ante prospexerim. hac igitur conscientia comite proficiscar, magno equidem cum dolore, nec tam id propter me, aut propter fratrem meum, quorum iam acta atas, quam propter pueros, quibus interdum uidemur prestare etiam Remp. debuisse. quorum quidem alter non tam, quia maiore pietate est, me mirabiliter excruciat, alter (ò rem miseram, nihil enim mihi accidit in omni uita acerbius) indulgentia uidelicet nostra deprauatus, eò progressus est, quò non audeo dicere: & expecto tuas literas: scripsisti enim te scripturum esse plurima, cum ipsum uidisses. omne meum obsequium in illum fuit cum multa seueritate: neque unum eius, nec paruum, sed multa magna delicta compressi. patris autē lenitas amanda potius ab illo, quam tam crudeliter negligenda. nā literas eius ad Cæsarem missas ita grauiter tulimus, ut te quidem celaremus. sed ipsius uidemus uitam insuauem reddidisse. hoc uero eius iter, simulatioq; pietatis qualis fuerit, non audeo dicere. tantū scio, post Hircium conuentum, accersitum ab Cæsare: cum eo de meo animo ab suis rationibus alienissimo, & consilio relinquendi Italiam. & hæc ipsa timide: sed nulla nostra culpa est: natura metuēda est. hæc Curionē, hæc Hortensij filiū, non patrū culpa, corrumpit. iacet in mœrore meus frater, neque tā de sua uita, quam de mea metuit. huic tu, huic tu malo affer consolationes, si ullas potes, maxime quidem illam uelim, ea, quæ ad nos delata sint, aut falsa esse, aut minora: quæ si uera sint, quid futurum sit in hac fuga, nescio: nam si haberemus Remp. consilium mihi



## LIB. X. EPIST.

non deesset nec ad seueritatem, nec ad indulgentiam. hæc siue iracundia, siue dolore, siue metu permotus, grauius scripsi, quàm aut tuus in illum amor, aut meus postulabat. si uera sunt, ignoscas: si falsa, me libente eripies mihi hunc errorem. quoquo modo uero se res habeat, nihil assignabis nec patruo, nec patri. Cum hæc scripisssem, à Curione mihi nuntiatum est, eum ad me uenire: uenerat enim is in Cumanum uesperis pridie, id est Idibus. si quid eius igitur sermo eiusmodi attulerit, quod ad te scribendum sit, id in literis adiungā.

Præterijt nullam meam Curio, iussitq; mihi nuntiari, mox se uenturum: cucurritq; Puteolos, ut ibi concionaretur. concionatus est: redijt: fuit ad me sanè diu. ò rem foedam. nosti hominem: nihil occultauit, in primis nihil esse certius, quàm ut omnes, qui lege Pompeia condemnati essent, restituerentur; itaque se in Sicilia eorum opera usurum. de Hispanijs, nō dubitabat, quin Cæsaris essent: inde ipsum cum exercitu, ubicunque Pompeius esset: eius itineritu finem belli fore: propius factum esse nihil, eum planè iracundia elatum, uoluisset occidi Metellum Tribunum pl. quod si esset factum, eadem magnam futuram esse: permultos hortatores esse cædis, ipsum autem non uoluntate, aut natura non esse crudelem, sed quòd putaret popularem esse clementiam: quòd si populi studium amisisset, crudelem fore: eumq; perturbatum, quòd intelligeret, se apud ipsam plebem offendisse de ærario: itaque ei cum certissimum fuisset, ante, quàm proficisceretur, concionē habere, ausum non esse, uehementerq; animo perturbato profectum. cum autem ex eo quærerem, quid uideret, quod



exemplum, quam Remp. plane fatebatur nullam spem  
reliquam: Pompey classem timebat: quæ si esset, se  
de Sicilia abiturum. quid isti, inquam, sex tui fascēs?  
si ab senatu, cur laureati? si ab ipso, cur sex? cupi-  
ui, inquit, ex S. C. surrepto: nam aliter non poterat.  
at ille impendio nunc magis odit senatum. à me, in-  
quit, omnia proficiſcentur. sex autem, quia duode-  
cim nolui: nam licebat. tum ego, quam uellem, in-  
quam, petiſſe ab eo, quod audio. Philippum impetraſ-  
ſe: ſed ueritus ſum, quia ille à me nihil impetrabat.  
libenter, inquit, tibi conſeſſiſſet. uerum puta te im-  
petraſſe: ego enim ad eum ſcribam, ut tu ipſe uoles,  
de ea re nos inter nos locutos. quid autem illius inter-  
eſt, quoniam in ſenatum non uenis, ubi ſis? quin nunc  
ipſum minime offendiſſes, eius cauſa ſi in Italia nō fuiſ-  
ſes. atque ego me reſeſſum, & ſolitudinem quærere,  
maxime quod liſtores haberem. laudabat conſilium.  
quid ergo, inquam? nam mihi curſus in Graciam per  
tuam prouinciā eſt, quoniam ad mare ſuperum mi-  
lites ſunt. quid mihi, inquit, optatius? hoc loco mul-  
ta perliberaliter. ergo hoc quidem eſt uerum proſeſto,  
ut non modo tuto, uerum etiam palā nauigaremus.  
reliqua in poſterum diem diſtulit: ex quibus ſcribam  
ad te, ſi quid erit epiſtola dignum. ſunt autem, quæ  
præterij, interregnum ne eſſet expeſtaturus, an quo  
modo dixerim. ad ſe ille quidem deſerri Conſulatum,  
ſed ſe nolle in proximum annum. & alia ſunt, quæ  
exquiram. iurabat ad ſummam, quod nullo nego-  
tio faceret, amiſſimum mihi Cæſarem. eſſe debet:  
quid enim, inquam, ſcripſit ad me Dolabella? dico,



## LIB. X. EPIST.

quid? affirmabat, cum scripsisset, quod me cuperet ad  
 urbem venire, illum quidem gratias agere maximas,  
 & non modo probare, sed etiam gaudere. quid qua-  
 \* ris? atque iubebat: est enim suspicio illa domestici mali,  
 & sermonis Hirciani. q̄ cupio illum dignū esse nobis,  
 & quā ipse me inuito, quā pro illo sit suspicandum,  
 sed opus fuit Hircio conuento. est profecto nescio quid.  
 sed uelim quā minimo. & tamen eū nondum redisse  
 miramur. sed haec uidebimus. Tu Oppios Terētia da-  
 bis: iam enim Urbis unū periculum est. me tamen con-  
 silio iuua, pedibus ne Rhegyum, an hinc statim in na-  
 uem. ceterum, quoniam commoror, ego ad te statim  
 habebo, quod scribam, simul ut uidero Curionem.  
 De Tironē cura quaeso, quod facis, ut sciā, quid is agat.

De tota mea cogitatione scripsi ad te antea satis, ut  
 mihi uisus sum, diligenter. de die nihil sanē potest scri-  
 bi certi prāter hoc, non ante lunam nouam. Curio-  
 nis sermo postridie eandem habuit ferē summam, nisi  
 q̄ apertius significauit, se earum rerū exitum non ui-  
 dere. Quod mihi mandas de quodam regendo, ἀνα-  
 Νάω: tamen nihil prātermittam: atque utinā tu: sed  
 modestior non ero. epistolam ad Vestorium statim de  
 Tullia: ac ualde requirere solebat. Cōmodius tecū Ve-  
 tēnus est locutus, quā ad me scripserat. sed mirari  
 satis hominis negligentiam non queo: cum enim mihi  
 Philotimus dixisset, HS L emere de Canuleio diuerso-  
 rium illud posse, minoris etiam empturum, si Veētēnū  
 rogassem; rogauī, ut, si quid posset, ex eā summa detra-  
 heret: promisit: ad me nup̄, se HS XXX emisse, ut scri-  
 berē cui uellē addicī: diē pecuniā Id. Nou. esse. rescripsi  
 ei



ei stomachosius, cum ioco tamen familiari. nunc, quoniam agitur liberaliter, nihil accuso hominem, scripsi quod ad eum, me à te certiore esse factum. Tu de tuo itinere quid, & quando cogites, uelim me certiore facias. ad XV. Cal. May. Vale.

## CICERO ATTICO S.

ME ADHVC nihil præter tempestatem moratur. astute nihil sum acturus. fiat in Hispania quidlibet: et tamen retice. meas cogitationes omnes explicavi tibi superioribus literis. quocirca hæ sunt breues: et tamen quia festinabam, eramque occupatior de Quinto fratre, ita me quidem sedulo; sed nosti reliqua. quod dein me mones, et amice, & prudenter mones: sed erunt omnia facilia, si ab uno illo cauero. magnum opus est. mirabilia multa. nihil simplex, nihil syncerum. uellem, suscepisses iuuenem regendum: pater enim nimis indulgens, quidquid ego astrinxi, relaxat. si sine illo possem, regerem; quod tu potes: sed ignosco. magnum inquam opus est. Pompeium pro certo habemus per Illyricum proficisci in Galliam. ego nunc, quæ, & quod, uidebo. ego uero Apuliam, & Sipontum, & tergiuersionem istam probo, nec tuam rationem eandem esse duco, quam meam: non quin in Rep. rectum idem sit utrique nostrum: sed ea non agitur: regnandi contentio est, in qua pulsus est modestior Rex, & probior, et integrior, et is, qui nisi uincit, nomen populi R. deleatur necesse est: sin autem uincit, Sullano more, exemploque uincet. ergo hac in contentione neutrum tibi palam sentiendum, &

X



## LIB. X. EPIST.

tempori seruiendum est. mea causa autem alia est, quod beneficio uinctus, ingratus esse non possum, nec tamen in acie, sed Melitæ, aut alio in loco, siue in oppidulo futurum puto. nihil, inquires, iuuas eum, in quem ingratus esse non uis? immo minus fortasse uoluisset. sed de hoc uidebimus. exeamus modo: quod ut meliore tempore possimus, facit Adriatico mari Dolabella, freto Siciliensi Curio. iniecta autem mihi spes quædam est, uelle mecum Ser. Sulpitium colloqui. ad eum misi Philotimum cum literis. si uir esse uolet, præclara conuocatio: sin autem, erimus nos, qui solemus. Curio mecum uixit, iacere Casarem putans offensione populari, Siciliaeq; diffidens, si Pompeius nauigare coepisset. Quintum puerum accepi uehementer. auaritiam uideo fuisse, & spem magni congiarij. magnum hoc malum est: sed scelus illud, quod timueramus, spero nullum fuisse. hoc autem uitium puto te existimare non nostra indulgentia, sed à natura profectum. quem tamen nos disciplina regimus. De Oppijs Veliensibus quid placeat, cum Philotimo uidebis. Epeirum nostram putabimus: sed alios cursus uidebamur habituri. Vale.

## CICERO ATTICO S.

ET RES ipsa monebat, & tu ostenderas, et ego uidebam, de ijs rebus, quas intercipi periculosum esset, finem inter nos scribendi fieri tempus esse. sed cum ad me sæpe mea Tullia scribat, orans, ut, quid in Hispania geratur, expectem, & semper ascribat idem uideri tibi,



idq; ipse etiam ex tuis literis intellexerim: non puto esse alienum, me ad te, quid de ea re sentiam, scribere. Consilium istud tunc esset prudens, ut mihi uidetur, si nostras rationes ad Hispaniensem casum accommoda- turi essemus: quod fieri dicitis oportere: necesse est enim aut, id quod maxime uelim, pelli istum ab Hispa- nia, aut trahi id bellum, aut istum, ut confidere uide- tur, apprehendere Hispanias. si pelletur: quàm gra- tus, aut quàm honestus tum erit ad Pompeium noster aduentus, cum ipsum Curionem ad eum transiturum putem? si trahitur bellum: quid expectem, aut quã- diu? relinquatur, ut, si uincimur in Hispania, quie- scamus. id ego contra puto: istum enim uictorem ma- gis relinquendum puto, quàm uictum, & dubitan- tem magis, quàm fidentem suis rebus: nam cædem ui- deo, si uicerit, & impetum in priuatorum pecunias, & exulum reditum, & tabulas nouas, & turpissi- morum honores, & regnum non modo Romano ho- mini, sed ne Persæ quidem cuiquam tolerabile. tacita esse poterit in id dignitas nostra? pati poterunt oculi me cum Gabinio sententiam dicere? & quidem illum rogari prius: præsto esse clientem tuum Chlælium, Ca- tulli Plaguleiū, cæteros? sed cur inimicos colligo? qui meos necessarios à me defensos nec uidere in curia sine dolore, nec uersari inter eos sine dedecore potero. quòd si ne id quidem est exploratum, fore, ut mihi liceat scri- bunt enim ad me amici eius, me illi nullo modo satisfecisse, quòd in senatum non uenerim) tamen ne dubite- mus, an ei nos etiam cum periculo uenditemus, quicum coniuncti ne cum præmio quidem uoluimus esse? de-



## LIB. X. EPIST.

inde hoc uide, non esse iudicium de tota contentione in Hispanijs: nisi forte his amissis arma Pompeium abieturum putas, cuius omne consilium Themistocleum est: existimat enim, qui mare teneat, eum necesse rerum potiri: itaq; qui nunquam egit, ut Hispania per se tenerentur, naualis apparatus ei semper antiquissima cura fuit. nauigabit igitur, cum erit tempus, maximis classibus, & ad Italiam accedet: in qua nos sedentes quid erimus? nam medios esse iam non licebit. classibus aduersabimur igitur? quod malum maius scilicet tantum? denique quid turpius? Annibal hic in absentis solus tuli scelus: eiusdem cum Pompeio, & cum reliquis principibus non feram? quod si iam misso officio periculi ratio habenda est: ab illis est periculum, si peccaro; ab hoc, si recte fecero: nec ullum in his malis consilium periculo uacuum inueniri potest: ut non sit dubium, quin cum periculo fugiamus, quod fugeremus etiam cum salute. non simul cum Pompeio mare transierimus: omnino non potuimus. extat ratio dierum. sed tamen (fateamur enim, quod est) ne condamus quidem, ut possumus: fefellit ea res, quæ fortasse non debuit, sed fefellit: pacem putavi fore: quæ si esset, iratum mihi Cæsarem esse, cum idem amicus esset Pompeio, nolui: senseram enim, quàm idem essent. hoc ueritus in hanc tarditatem incidi: sed assequar omnia, si propero; si cunctor, amitto. & tamen mi Attice auguria quoq; me incitant quadam spe non dubia, non hæc collegij nostri ab Appio, sed illa Platonis de tyrannis: nullo enim modo posse uideo stare istum diutius, quin ipse per se, etiam languentibus nobis, concidat, quippe qui



- \* florentes, ac novos, ut uti diebus ipsi illi egenti, ac perditæ multitudinî in odium acerbissimum uenerit, qui duarum rerum simulationem tam cito amiserit, mansuetudinis in Metello, diuitiarum in ærario. iam quibus utatur uel socijs, uel ministris, si ij provincias, si Remp. regent, quorum nemo duos menses potuit patrimonium suum gubernare? non sunt omnia colligenda: quæ tu acutissime prospicis. sed tamen ea pone ante oculos, iam intelliges id regnû uix semestre esse posse. quod si me fefellerit, feram, sicut multi præclarissimi homines in Rep. excellentes tulerunt: nisi forte me
- \* Sardanapali uice in suo lectulo mori malle censueris, q̃ exilio Themistocleo: qui cum fuisset, ut ait Thucydides, τῶν τε παρὰ χεῖρμα δι' ἐλαχίστης βουλῆς κρείττος γνώμων, καὶ τῶν μελλόντων ὑπὲρ πλείστον τοῦ γενησομένου ἀριστος εἰκαστής, tamen incidit in eos casus, quos uitasset, si eum nihil fefellisset. etsi is erat (ut ait idem.) qui τότε ἀμεινον ἢ χεῖρον ἐν τῷ ἀφανεῖ ἐτι προεώρα μάλιτα: tamen non uidit, nec quo modo Lacedæmoniorum, nec quo modo suorum ciuium inuidiam effugeret, nec quid Artaxerxi polliceretur. non fuisset & illa nox tam acerba Africano sapientissimo uiro, non tam dirus ille dies Sullanus callidissimo uiro C. Mario, si nihil utrunque eorum fefellisset. nos tamen hoc confirmamus illo augurio, quod diximus: nec fallit, nec aliter accidet. corruat iste, necesse est, aut per aduersarios, aut ipse per se, qui quidem sibi est aduersarius unus acerrimus. id spero uiuis nobis fore. quanquam tempus est nos de illa perpetua iam, non de hac exigua uita cogitare. sin quid acciderit maturius, haud sanè mea multum in-



## LIB. X. EPIST.

ter fuerit, utrum factum uideam, an futurum esse multo ante uiderim. quæ cum ita sint, non est committendum, ut ijs pareā, quos cōtra me senatus, ne quid Resp. detrimenti acciperet, armauit. Tibi sunt omnia commendata: quæ commendationis meæ pro tuo in nos amore non indigent. ne hercule quidem reperio, quid scribam: sedeo enim πλουδονκῶν: etsi nihil unquam tam fuit scribendum, quàm nihil mihi unquam ex plurimis tuis iucunditatibus gratius accidisse, quàm quodd meam Tulliam suauissime, diligentissimeq; coluisti. ualde eo ipsa delectata est, ego autem non minus. cuius quidem uirtus mirifica. quo modo illa fert publicam cladem? quo modo domesticas tricas? quātus autem animus in discessu nostro? στοργὴς sit summa σύντηξις: tamen nos recte facere, et bene audire uult. sed hac super re nimis, ne meam ipse συμπάθειαν euocem. tu, si quid de Hispanijs certius, et si quid aliud; dū adsumus, scribes: et ego fortasse discedēs dabo ad te aliquid, eo etiā magis, quodd Tullia te non putabat ex Italia hoc tēpore. cū Antonio item est agendum, ut cum Curione Melitæ me uelit esse, huic bello nolle interesse. eo uelim tam facili uti possem, et tam bono in me, quàm Curio. is ad Misenum VI. Non. uenturus dicebatur, id est hodie. sed præmisit mihi odiosas literas hoc exemplo.

Antonius Trib. pl. Propr. Ciceroni Imp. S.

NISI te ualde amarem, et multo quidem plus, quàm putas, non extimuissem rumorem, qui de te prolatus est, cū præsertim falsum esse existimarem: sed quia te nimio



plus diligo, nō possum dissimulare, mihi famam quoq; quamuis sit falsa, magni esse. te iturum trans mare, credere non possum, cum tanti facias Dolabellam, & Tullia tuā, foeminā lectissimam, tantiq; ab omnibus nobis fias, quibus mehercule dignitas, amplitudoq; tua penē carior est, quā tibi ipsi. sed tamen nō sum arbitratus esse amici, non commoueri etiam improborū sermone. atq; eo feci studiosius, quod iudicabam duriores partes mihi impositas esse ab offensione nostra, quæ magis à ζηλοτυπία mea, q̄ ab iniuria tua nata est: sic enim uolo te tibi persuadere, mihi neminem esse cariorē te, excepto Cæsare; meq; illud unā iudicare, Cæsarem maxime in suis M. Ciceronem reponere. quare mi Cicero te rogo, ut tibi omnia integra serues, eius fidem improbes, qui tibi, ut beneficiū daret, prius iniuriam fecit: cōtra, ne profugias, qui te, etsi non amabit (quod accidere nō potest) tamen saluū, amplissimūq; esse cupiet. dedita opera ad te Calpurnium familiarissimum meum misi, ut mihi magnæ curæ tuam uitam, ac dignitatem esse scires. Eodem die à Cæsare Philotimus literas attulit hoc exemplo.

Cæsar Imp. M. Ciceroni Imp. S.

E T S I te nihil temere, nihil imprudenter facturū iudicaram: tamen permotus hominum fama, scribendū ad te existimaui, et pro nostra beneuolētia petendū, ne quō progredieris inclinata iam re, qua integra etiā progrediendū tibi nō existimasses: nāq; et amicitiae grauiorē iniuriā feceris, et tibi minus cōmode cōsulueris, si nō for-

X iij



LIB. X. EPIST.

tunæ obsecutus uidebere ; omnia enim secundissima nobis , aduersissima illis accidisse uidentur : nec causam secutus ; eadem enim tum fuit , cum ab eorum consilijs abesse iudicasti : sed meum aliquod factum condemnasse : quo mihi grauius abs te nil accidere potest , quod ne facias , pro iure nostræ amicitiae à te peto . postremo quid uiro bono , & quieto , & bono ciui magis conuenit , quàm abesse à ciuilibus controuersijs ? quod non nulli cum probarent , periculi causa sequi non potuerunt . tu explorato & uitæ meæ testimonio , & amicitiae iudicio , neq; tutius , neq; honestius reperiēs quidquam , quàm ab omni contentione abesse. XV. Cal. May, ex itinere. Vale.

CICERO ATTICO S.

ADVENTVS Philotimi (at cuius hominis, quàm insulsi, et quàm saepe pro Pompeio mentientis) exanimauit omnes, qui mecum erant : nam ipse obdurui. dubitauit nostrum nemo , quin Caesar itinera repressisset , (uolare dicitur) Petreius cum Afranio coniunxisset. nihil affert eiusmodi . quid quæris? etiam illud erat persuasum, Pompeium cum magnis copijs iter in Germaniam per Illyricum fecisse : id enim aduentus nuntiabatur. Melitam igitur opinor capeſsemus, dum, quod in Hispania : quod quidem propemodum uideor ex Caesaris literis ipsius uoluntate facere posse, qui negat neq; honestius , neque tutius mihi quidquam esse , quàm ab omni cōtentione abesse. dices, ubi ille ergo tuus animus, quem proximis literis ? adest, & idem est : sed utinam



meo solum capite decernerem : lacrymæ meorū me interdum molliunt, precantium, ut de Hispanijs expectemus. M. Celij quidem epistolam scriptā miserabiliter, quæ hoc idem obsecraret, ut expectarem, ne fortunas meas, ne unicam filiā, ne meos omnes tam temere proderem, non sine magno fletu legerunt pueri nostri. et si meus quidem est fortior, eoq; ipso uehementius commouet, nec quidquam nisi de dignatione laborat. Melitam igitur, deinde quod uidebitur. tu tamen etiam nūc mihi aliquid literarum, & maxime si quid ab Afranio. ego, si cum Antonio locutus ero, scribam ad te, quid actū sit: ero tamen in credendo, ut mones, cautus. nam occultādi ratio tum difficilis, tum etiam periculosa est. Seruiū expecto ad Nonas, et adiicit à Posthumia. sed & Seruij filij quartanam leuiorem esse gaudeo. nisi ad te Celij etiam literarum exemplum. Vale.

Celius M. Ciceroni Imp. S.

EXANIMATVS tuis literis, quibus te nihil, nisi triste, cogitare ostendisti, neq; id quod esset, perscripsisti, neq; non tamen, quale esset, quod cogitares, aperuisti; has ad te illico literas scripsi. per fortunas tuas Cicero, per liberos te oro, et obsecro, ne quid grauius de salute, & incolumitate tua consulas: nam Deos, hominesq; amicitiamq; nostram testificor, me tibi prædixisse, neq; temere monuisse: sed postquam Cæsarem conuenerim, sententiamq; eius, qualis futura esset parta uictoria, cognorim, te certiozem fecisse. si existimas eandem rationem fore Cæsaris in dimittēdis ad-



## LIB. X. EPIST.

uersarijs, et conditionibus feredis, erras. nihil nisi atrox  
 & seuum cogitat, atq; etiam loquitur. iratus senatui  
 exijt. his intercessionibus plane incitatus est. non meher-  
 cule erit deprecationi locus. quare si tibi tu, si filius uni-  
 cus, si domus, si spes tuæ reliquæ tibi caræ sunt; si ali-  
 quid apud te nos, si uir optimus gener tuus ualet: eo-  
 rum fortunam non debes uelle cõturbare, ut eam cau-  
 sam, in cuius uictoria salus nostra est, odisse, aut relin-  
 quere cogamur, aut impiam cupiditatem cõtã salutem  
 tuam habeamus. deniq; illud cogita, quod offensæ fue-  
 rit, in ista cunetatione te subiisse. nunc te contra uicto-  
 rem facere, quem dubijs rebus lædere noluisti, & ad  
 eos fugatos accedere, quos resistentes sequi nolueris,  
 summæ stultitiæ est. uide, ne, dum pudet te parum opti-  
 matem esse, parum diligenter, quod optimum sit, eli-  
 gas. quod si totum tibi persuadere non possum, sal-  
 tem, dum, quid de Hispanijs agamus, scitur, expecta,  
 quas tibi nuntio aduentu Cæsaris fore nostras. quam  
 isti spem habeant amissis Hispanijs, nescio. quod porro  
 tuum consilium sit ad desperatos accedere, non mediufi-  
 dius reperio. hoc, quod tu non dicendo mihi significa-  
 sti, Cæsar audierat: ac simul atq; aue, mihi dixit, sta-  
 tim, quid de te audisset, exposuit. negaui me scire: tamẽ  
 ab eo petiui, ut ad te literas mitteret, qbus maxime ad  
 remanendum commoueri posses. me secum in Hispani-  
 am ducit: nam, nisi ita faceret, ego prius, quàm ad  
 urbem accederem, ubicunq; esses, ad te percurrissem, et  
 hoc à te præsens contendissem, atq; omni ui te retinuis-  
 sem. etiam atq; etiã Cicero cogita, ne te, tuosq; omnes  
 funditus euertas, nec te sciens, prudẽsq; eò demittas, un-



de exitum uides nullum esse. quòd si te aut uoces opti-  
matum commouent, aut nò nullorum hominum inso-  
lentiam, & iactationem ferre non potes: eligas censeo  
aliquod oppidum uacuum à bello, dum hæc decernun-  
tur, quæ id erunt confecta, id si feceris, et ego te sapien-  
ter fecisse iudicabo, & Cæsarem non offendes. Vale,

## CICERO ATTICO S.

ME CAECVM, qui hæc ante non uiderim. nisi ad  
te epistolam Antonij. & cum ego sæpissime scripsis-  
sem, nihil me contra Cæsaris rationes cogitare, memi-  
nisse me generi mei, meminisse amicitiae, potuisse, si ali-  
ter sentire, esse cum Pompeio, me autem, quia cū lieto-  
ribus inuicis cursarem, abesse uelle, nec id ipsum certū  
etiam nunc habere: uide, quàm ad hæc τυχευικῶς.  
Tuum consilium quàm uerum est: nam qui se medium  
esse uult, in patria manet: qui proficiscitur, aliquid de  
alterutra parte iudicare uidetur. sed ego is non sum,  
qui statuere debeam, iure quis proficiscatur, nec ne. par-  
teis mihi Cæsar has imposuit, ne quem omnino disce-  
dere ex Italia paterer. quare parui refert me proba-  
re cogitationem tuam, si nihil tamen tibi remittere pos-  
sum. ad Cæsarem mittas, censeo, & ab eo hoc petas.  
non dubito, quin impetraturus sis, cum præsertim te  
amicitiæ nostræ rationem habiturum esse pollicearis.  
habes σκυτάλην λακωνικὴν. omnino excipiam homi-  
nem. erat autem V. Non. uenturus uesteri, id est ho-  
\* die. cras igitur ad me fortasse ueniet. tentabo, audeam  
nihil properare. missurum ad Cæsarem clamabā. cum



## LIB. X. EPIST.

paucissimis alicubi occultabor. certe hinc istis inuittissimis euolabo, atq; utinam ad Curionem. *σὺν θεῷ τοι λέγω.* magnus dolor accessit. efficietur aliquid dignum nobis. *Δυσουρία* tua mihi ualde molesta. medere amabo, dum est *ἄρχη*. De Massiliensibus gratæ tuæ mihi literæ. quæso, ut sciam, quidquid audieris. Siciliam cuperem, si possem palam; quod à Curione effeceram. hic ego Seruium expecto: rogor enim ab eius uxore, et filio: *ἔ* puto opus esse. hic tamen Cyteridem secum lætica aperta portat, altera uxore, septem præterea coniunctæ læticae amicarum. hæ sunt amicorum. uide, quàm turpi leto pereamus. *ἔ* dubita, si potes, quin ille, seu uictus, seu uictor redierit, eadem facturus sit. ego uero uel lintriculo, si nauis non erit, eripiam me ex istorum parricidio. sed plura scribam, cum illum cōueniero. Iuuenem nostrum non possum non amare: sed ab eo nos non amari planè intelligo. nihil ego uidi tam *ἀντιποίντου*, tam auersum à suis, tam nescio quid cogitās. uim incredibilem molestiarum. sed erit curæ, *ἔ* est, ut regatur: mirum est enim ingenium: *ἡδὺς ἐπιμελητέον.*

## CICERO ATTICO S.

OB SIGNATA iam epistola superiore, non placuit ei dare, cui constitueram, quod erat alienus: itaq; eo die data non est. interim uenit Philotimus, et mihi à te literas reddidit: quibus quæ de fratre meo scribis, sunt ea quidem parum firma, sed habent nihil *ὑπουλον*, nihil fallax, nihil non flexibile ad bonitatem, nihil, quod non, quod uelis, uno sermone possis perducere.



ne multa, omnes suos, etiam quibus irascitur crebrius,  
tamen caros habet, me quidem se ipso cariorum. quod  
de puero aliter ad te scripsit, & ad matrem de filio,  
non reprehendo. de itinere, & de sorore, quæ scribis,  
molesta sunt, eoq; magis, quod ea tempora nostra sunt,  
ut ego his mederi non possim: nam certe mederer: sed  
quibus in malis, & qua in desperatione rerum simus,  
vides. illa de ratione numaria non sunt eiusmodi (se-  
pe enim audio ex ipso) ut non cupiat tibi præstare, &  
in eo laboret. sed si mihi Q. Axius in hac mea fuga,  
HS XIII. non reddit, quæ dedi eius filio mutua, &  
uitur excusatione temporis; si Lepta, si ceteri: soleo  
mirari de nescio quæ HS XX. cū audio ex illo se ur-  
geri: vides enim profecto angustias: curari tamen ea  
tibi utiq; iubet. an existimas illum in isto genere len-  
tulum, aut restrictum? nemo est minus. de fratre sa-  
tis. de eius filio, indulgit illi quidem suus pater semper,  
sed non facit indulgentia mendacem, aut auarum, aut  
non amantem suorum, ferocem fortasse, & arrogan-  
tem, & infestum facit. itaq; habet hæc quoq; quæ nas-  
cuntur ex indulgentia: sed ea sunt tolerabilia: (quid enim  
dicam, hac iuuetute?) ea uero, quæ mihi quidem, qui il-  
lum amo, sunt his ipsis malis, in quæ sumus, miseriora,  
non sunt ab obsequio nostro: nam suas radices habet:  
quas tamen euellerem profecto, si liceret. sed ea omnia  
mihi sunt patienda. ego meū facile teneo: nihil est enim  
eo tractabilius. cuius quidem misericordia languidio-  
ra adhuc consilia cepi: & quo ille me fortiores uult  
esse; eo magis timeo, ne in eum existam crudelior. sed  
Antonius uenit heri uesteri. iā fortasse ad me ueniet,



## LIB. X. EPIST.

aut ne id quidem, quoniam scripsit, quid fieri uellet. sed scies continuo, quid actum sit. nos iā nihil, nisi occulte. de pueris quid agam? paruo ne nauigio committam? quid mihi animi in nauigando censes fore? recordor enim, astate cum illo Rhodiorum ἀφράκτω nauigans quā fuerim sollicitus. quid duro tempore anni actuariolo fore censes? ὦ rem undique miseram. Trebatius erat mecum, uir plane, & ciuis bonus. quæ ille monstra, Dii immortales. etiam ne Balbus in senatum uenire cogitet? sed ei ipsi cras ad te literas dabo. Ve etenū mihi amicum, ut scribis, ita puto esse. cum eo, quod ἀποτόμως ad me scripserat de numis curandis, θυμικώτερον erat. id tu, si ille aliter acceperit, ac debuit, lenies. Monetali autem ascripsi, quod ille ad me, Procōsuli. sed quoniam est homo, & nos diligit, ipse quoque à nobis diligatur. Vale.

## CICERO ATTICO S.

QUID NAM mihi futurum est? aut quis me non solum infelicioꝝ, sed iam etiam turpior? nominatim de me sibi impetratum dicit Antonius: nec me tamen ipse adhuc uiderat, sed hoc Trebatio narrauit. quid agam nunc, cū nihil procedit, caduntq; ea, quæ diligentissime me sunt cogitata, teterrime? ego enim Curionem natus, omnia me consecutum putauī. is de me ad Hortensium scripserat. Reginus erat totus noster. huic nihil suspicabamur cum hoc mare negotij fore. quod me nunc uertam? undiq; custodior. sed satis lacrymis. παραπλουτέον igitur, & occulte in aliquam onera-



riam correndum: nō cōmittendum, ut etiā compa-  
cto prohibiti videamur. Sicilia petenda: quā si eri-  
mus nacti, maiora quādam consequemur. sit modo  
recte in Hispanijs. quanquam de ipsa Sicilia utinam sit  
uerum, sed adhuc nihil secundi. concursus Siculorum  
ad Catonem dicitur factus; orasse, ut resisteret; omnia  
pollicitus: commotum illum, delectum habere coepisse.  
non credo, ut est luculentus auctor. potuisse cer-  
te tenere illam provinciam scio. ab Hispanijs autem  
iam audietur. hic nos C. Marcellum habemus eadē de  
re cogitantem, aut bene simulantem. quanquam ipsum  
non uideram, sed ex familiarissimo eius audiebam. tu  
quaeso, si quid habebis noui. ego, si quid moliti erimus,  
ad te statim scribam. Quintum filium seuerius adhi-  
bebo. utinam proficere possem. tu tamen eas epistolas,  
quibus asperius de eo scripsi, aliquando concerpito, ne  
quādo quid emanet: ego item tuas. Seruium expecto,  
nec ab eo quidquam uigēs. scies, quid erit. sine dubio  
errasse nos, confitendum est. at semel? at una in re? im-  
mo omnia, quo diligentius cogitata, eo facta sunt impru-  
dentius. ἀλλὰ τὰ μὲν προτέτυχθα, εἰσπομεν ἀχνύμενοι  
περὶ. in reliquis modo ne ruamus: iubes enim profectio-  
nem meam providere. quid provideam? ita patent  
omnia, quae accidere possunt, ut, ea si uitem, sedendū sit  
cum dedecore, & dolore; si negligam, periculū est, ne  
in manus incidam perditorum. sed uide, quantis in mi-  
serijs simus. optandum interdum uidetur, ut aliquam  
accipiamus ab istis quamuis acerbam iniuriam, ut ty-  
ranno in odio fuisse videamur. quod si nobis is cur-  
sus, quem speraram, pateret; effecissem aliquid profe-



## LIB. X. EPIST.

Eto, ut tu optas, et hortaris, dignū nostra mora: sed mi-  
 rificæ sunt custodiae. Et quidē ille ipse Curio suspectus.  
 quare nū, aut clām agendum est: Et si nū, forte ne cum  
 tempestate: clām autem cū istis. in quo si quod σφάλ-  
 μα, uides quā turpe est. trahimur, nec fugiendum, si  
 quid uiolentius. De Celio sæpe mecū agito, nec si quid  
 habuero tale, dimittam. Hispanias spero firmas esse.  
 Massiliensium factū cum ipsum per se luculentum est,  
 tum mihi argumento est, recte esse in Hispaniis: minus  
 enim auderent, si aliter esset: Et scirent: nam et iun-  
 cti, Et diligentes sunt. Odium autem recte animad-  
 uertis significatum theatro. Legiones autē has, quas  
 in Italia assumpsit, alienissimas esse uideo: sed tamē ni-  
 hil inimicius, quā sibi ipse. illud recte times, ne ruat.  
 si desperarit, certe ruet. quo magis efficiendum aliquid  
 est, fortuna uelim meliore, animo Celiano, sed primum  
 quidq; ; quod, qualecunq; erit, continuo scies. Nos iu-  
 ueni, ut rogas, suppeditabimus, et Peloponnesum ipsam  
 sustinebimus: est enim indoles, modo aliquid hoc sit  
 ἡδὸς AKIMODON: quod si adhuc nullum est, esse  
 tamen potest, aut ἀγέτη non est διδᾶκτόν, quod mi-  
 hi persuaderi non potest. Vale.

## CICERO ATTICO S.

EPISTOLA tua gratissima fuit meæ Tulliae, et me-  
 hercule mihi. semper secum aliquid afferūt tuæ literæ.  
 scribes igitur: ac si qd ad spem poteris, ne dimiseris. tu  
 Antonij leones pertimescas caue. nihil est illo homine in-  
 cundius. attēde πρῶτον πολιτικοῦ. euocauit literis è mu-  
 nicipijs



nicipijs denos : et Quatuor uiri uenerunt ad uillam eius mane . primū dormiit ad horas treis . deinde , cum esset nuntiatum uenisse Neapolitanos , & Cumanos ( his enim est Cæsar iratus ) postridie redire iussit , lauari se uelle , et περὶ κοιλολυσίαν γίνεσθαι . hoc heri effecit . hodie autem in Aenariam transire constituit . exulibus reditum pollicetur . sed hæc omittamus , de nobis aliquid agamus .

Ab Axio accepi literas . de Tirone gratum . Veſte-  
num diligo . Vestorio reddidi . Seruius prid . Non . Maij Minturnis mansisse dicitur , hodie in Liternino māsurus apud C . Marcellum . cras igitur nos mature uidebit , mi-  
hiq; dabit argumentum ad te epistolæ : iam enim nō re-  
perio , quid tibi scribam . illud admiror , quod Antonius ad me ne nuntium quidem , cum præsertim me ualde obseruarit . uidelicet ( aut aliquid atrocius de me impe-  
raturum est ) coram negare mihi non uult . quod ego nec rogaturus eram , nec , si impetrassem , crediturus . nos ta-  
men aliquid excogitabimus . tu quæso , si quid in Hispa-  
nijs : iam enim poterit audiri . & omnes ita expectant ,  
ut , si recte fuerit , nihil negotij futurum putet . ego au-  
tem nec retentiis his , confectam rem puto ; neque , amif-  
sis , desperatam . Siluium , & Ocellam , & cæteros credo  
retardatos . te quoque à Curtio impediri uideo . & si ,  
ut opinor , habes Scythæ ὄνον : uitam miseram , maiusq;  
malum , tandiu timere , quàm est illud ipsum , quod time-  
tur . Seruius , ut antea scripsi , cum uenisset Non . Maij ,  
postridie ad me uenit . ne diutius te teneam , nullius con-  
siliij exitum inuenimus . nunquam uidi hominem per-  
turbatiorem metu . neque hercule quidquam timebat ,  
quod non esset timendum : illum sibi iratum , hunc non



amicum: horribilem utriusque uictoriam, cum propter alterius crudelitatem, alterius audaciam, tum propter utriusque difficultatē pecuniariam, qua frui nusquam, nisi ex priuatorum bonis, posset. atque hæc ita multis cum lacrymis loquebatur, ut ego mirarer eas tam diu-  
turna miseria non exaruisse. mihi quidem etiam lippitudo hæc, propter quam non ipse ad te scribo, sine ulla lacryma est. sed sæpius odiosa est propter uigilias. quā ob rem quidquid habes ad consolandum, collige, et illa scribe, non ex doctrina, neque ex libris: nam id quidem domi est, sed nescio quo modo imbecillior est medicina, quā morbus: hæc potius conquire de Hispanijs, de Massilia: quæ quidem satis bella Seruius affert: qui etiam de duabus legionibus luculentos auctores esse dicebat. hæc igitur si habebis, & talia. & quidem paucis diebus aliquid audiri necesse est. sed redeo ad Seruium. distulimus omnino sermonem in posterum, sed tardus ad exeundum: multo se in suo letulo malle, quidquid foret. odiosus scrupulus de filij militia Brundusina. unum illud firmissime asseuerabat, si damnati restituerentur, in exilium se iturum. nos autem ad hæc, & ipsum certo fore, & quæ iam fiebant, non esse leuiora: multaue colligebamus. uerum ea non animum eius augebant, sed timorem, ut iam celandus magis de nostro consilio, quā ad idem uideretur. quare in hoc non multum est. Nos à te admoniti de Celio cogitabimus. Vale.



## CICERO ATTICO S.

SERVIUS cum esset apud me, Cephalio cum tuis literis VI. Id. uenit, quæ nobis magnam spem attulerunt meliorum rerum de octo cohortibus: etenim hæ quoque, quæ in his locis sunt, labare dicuntur. eodem die Funisulanus à te attulit literas, in quibus erat confirmatius idem illud: ei de suo negotio respondi cumulate, cum omni tua gratia. adhuc non satisfaciabat: debet autem mihi multos numos, nec habetur locuples. nunc ait se daturum: cui expensum tulerit, morari: tabellariis, si apud te esset, quæ satisfecisses, dares: quantum sit, Eros Philotimi tibi dicet. sed ad maiora redeamus.

Quod optas, Celianum illud maturescit. itaque torqueor, utrum uentum expectem. uexillo opus est: conuolabunt. Quod suades, ut palam: prorsus assentior. itaque me profecturum puto. tuas tamen interim literas expecto. Seruii consilio nihil expeditur. omnes captiones in omni sententia occurrunt. unum C. Marcello cognoui timidiorē, quem Consulem fuisse poenitet. ὁ πολλῆς ἀγενεῖας, qui etiam Antonium confirmasse dicitur, ut me impediret, quo ipse credo honestius.

Antonius autē V I. Id. Capuā profectus est. ad me missus, se pudore deterritū ad me nō uenisse, q̄ me sibi succē sere putaret. ibitur igitur, & ita quidem, ut censes, nisi cuius grauioris personæ suscipiēda spes erit ante oblata. sed uix erit tā cito. Halienus autē Præt. putabat aliquē, si ego nō, ex collegis suis. quiuis licet, dū modo aliquis. De sorore laudo. De Quinto puero, datur opera: spe-

Y ij



## LIB. X. EPIST.

ro esse meliora. De Quinto fratre, scito eum non me diocriter laborare de usura: sed adhuc nihil à L. Egna-  
tio expressit. Axius de XL. millibus pudens: saepe e-  
nim ascripsit, ut Gallio, quantum is uellet, darem. quod  
si non scripsisset, possem ne aliter? Et quidem saepe sum  
pollicitus. sed tantum uoluit cito. me uero adiunarent  
ijs in angustijs. sed tu istos. uerum alias. Te à quar-  
tana liberatum gaudeo, itemq; Piliam. Ego, dum pa-  
nes, Et cætera in nauem parantur, excurro in Pompeia-  
num. Veſtēno uelim gratias, quod studiosus. si quē-  
quam nactus fueris, qui perferat, literas des ante, quā  
discedimus. Vale.

CICERO ATTICO S.

COMMODVM ad te dederam literas de pluribus  
rebus, cum ad me bene mane Dionysius fuit. cui qui-  
dem ego non modo placabilem me præbuissem, sed to-  
tum remissem, si uenisset qua mente tu ad me scripse-  
ras: erat enim sic in tuis literis, quas Arpini acceperam,  
eum uenturum, facturumq; quod ego uellem. ego uo-  
lebam autem, uel cupiebam potius, esse eum nobiscum.  
quod quia plane, cum in Formianum uenisset, præcide-  
rat, asperius ad te de eo scribere solebam. at ille per-  
pauca locutus, hanc summam habuit orationis, ut sibi  
ignoscerem, se rebus suis impeditum nobiscum ire non  
posse. pauca respondi: magnum accepi dolorem: in-  
tellexi fortunam ab eo nostram despectam esse. quid  
queris? fortasse miraberis: in maximis horum tempo-  
rum doloribus hunc mihi scito esse. uelim, ut tibi ami-



cus sit. hoc cum tibi opto, opto, ut beatus sis: erit enim tandiu. Consilium nostrum spero uacuum periculo fore: nam & dissimulauimus, & ut opinor, acerrime obseruabimus. nauigatio modo sit, qualem opto. cetera, quæ quidem consilio prouideri poterunt, cauebuntur. tu, dum adsumus, non modo quæ scieris, audieris ue, sed etiam quæ futura prouidebis, scribes uelim. Cato, qui Siciliam tenere nullo negotio potuit, & si tenuisset, omnes boni ad eum se contulissent; Syracusis profectus est ante diem V III. Cal. Maij, ut ad me Curio scripsit: utinam, quod aiunt, Cotta Sardiniam teneat: est enim rumor. o, si id fuerit, turpem Catonem.

Ego, ut minuerem suspicionem profectiois, aut cogitationis meæ, profectus sum in Pompeianum ad I III. Id. ut ibi essem, dum, quæ ad nauigandum opus essent, pararentur. cum ad uillam uenissem, uentum est ad me: centuriones trium cohortium, quæ Pompeijs sunt, me uelle postridie, (hæc mecum Ninnius noster) uelle eos mihi se, & oppidum tradere. at ego tibi postridie à uilla ante lucem, ut me omnino illi ne uiderent: quid enim erat in tribus cohortibus? quid si plures, quo apparatus? cogitauim eadē illa Celiana, quæ legi in epistola tua, quā accepi simul in Cumanum uenit eodem die. & simul fieri poterat, ut tentaremur. omnem igitur suspicionem sustuli. sed cum redeo, Hortensius uenerat, ad Terentiā salutatum diuerterat, sermone erat usus honorifico erga me. tamen cum, ut puto, uidebo: misit enim puerum, se ad me uenire. hoc quidem melius, quā collega noster Antonius, cuius inter lictores lectica mimā portatur. tu, quoniam quartana cares, & non modo



## LIB. X. EPIST.

morbum remouisti, sed etiam grauedinem, te uegetum nobis in Gracia siste, & literarum aliquid interea.

## CICERO ATTICO S.

P R I D. Id. Hortensius ad me uenit scripta epistola. uellem cetera eius. quàm in me incredibilem *ἐντέλειαν*: qua quidem cogito uti. deinde Serapion cum epistola tua. quam prius quàm aperuisssem, dixi ei, te ad me de eo scripsisse antea, ut feceras. deinde epistola lecta, cumulatissime cetera. & Hercule hominem probo: nam & doctum, & probum existimo. quin etiam nauis eius me, & ipso conuettore usurum puto. Crebro refricat lippitudo, non illa quidem perodiosa, sed tamen quæ impediat scriptionem meam. Valetudinem tuam iam confirmatam esse & à uetere morbo, & à nouis tentationibus, gaudeo. Ocellam uellem haberemus: uidentur enim esse hæc paulo faciliora. nunc quidem æquinoctium nos moratur, quod ualde perturbatum erat. id s. cras erit. utinam idem maneat Hortensius, si quidem adhuc erat. liberalius esse nihil potest. De diplomate admiraris, quasi nescio cuius te flagitij insimularem: negas enim te reperire, qui mihi id in mentem uenerit. ego autem, quia scripseras te proficisci cogitare (etenim audieram nemini aliter licere) eo te habere censebam, & quia pueris diploma sumpseras. habes causam opinionis meæ. & tamen uelim scire, quid cogites, in primisq; si quid etiam nunc noui est. XV II. Cal. Iun.



CICERO ATTICO S.

T VLLIA mea peperit XIII. Cal. Iun. puerum ἐπ-  
ταμηνιαῖον : quod ἐν τὸ ὄκνησεν, gaudebam. quod quidem  
est natum, perimbecillum est. Me mirificæ tranquil-  
litates adhuc tenuerunt, atque maiore impedimento  
fuerunt, quàm custodiæ, quibus asseruor: nam illa  
Hortensiana omnia fuere infantia. ita fiet homo nequis-  
simus: à Saluio liberto deprauatus est. itaque posthac  
non scribam ad te, quid facturus sim, sed quid fece-  
rim: omnes enim Κωρυκαῖοι uidetur subauscultare, quæ  
loquor. tu tamen, si quid de Hispanys, siue quid aliud,  
perge quæso scribere, nec meas literas expectaris, nisi  
cum, quò opto, peruenerimus, aut si quis ex cursu.  
sed hoc quoque timide scribo: ita omnia adhuc tarda,  
& spissa, ut male posuimus initia, sic cætera sequen-  
tur: furias nunc sequimur. eadem nos fortasse furia  
persequentur: ex Balbi autem sermone, quem tecum  
habuit, non probamus de Melita. dubitas igitur, quin  
nos in hostium numero habeat? scripsi equidem Balbo,  
te ad me de beneuolentia scripsisse, & de suspitione.  
de altero egi gratias: de altero ei me purgatū. ecquem  
tu hominem infeliciorem? non loquor plura, ne te quo-  
que excruciem. ipse conficior uenisse tempus, cū iam nec  
fortiter, nec prudenter quidquam facere possim. Vale.



M. TVLLII CICERONIS EPISTO-  
LARVM AD T. POMPO-  
NIVM ATTICVM  
LIBER XI.

CICERO ATTICO S.

CCEPI à te signatum libellum, quē  
Anteros attulerat, ex quo scire nihil  
potui de nostris domesticis rebus, de  
quibus acerbissime afflictor, quod qui  
eas dispensauit, neque adest istic, ne-  
que, ubi terrarum sit, scio. omnem autem spem habeo  
existimationis, priuatarumq; rerum in tua erga me  
mihi perspectissima beneuolentia: quam si his tempo-  
ribus miseris, & extremis præsiteris, hæc pericula,  
quæ mihi communia sunt cum cæteris, fortius feram.  
idq; ut facias, te obtestor, atque obsecro. ego in cisto-  
phoro in Asia habeo ad HS bis, & uicies. huius pe-  
cuniæ permutatione fidem nostram facile tuebere. quā  
quidem ego nisi expeditam relinquere putassem, cre-  
dens ei, cui tu scis iam pridem minime credere: com-  
moratus essem paulisper, nec domesticas res impeditas  
reliquissem: ob eamq; causam serius ad te scribo, quod  
sero intellexi, quid timendum esset. te etiam, atque  
etiam oro, ut me totum tuendum suscipias, ut, si ij  
salui erunt, quibus cum sum, unā cum ijs possim inco-  
lumis esse, salutemq; meam beneuolentiæ tuæ acceptam  
referre. Vale.



L I T E R A S tuas accepi prid. Non. Febr. eoq; ipso die ex testamento creui hereditatē. ex multis meis, & mi ferrimis curis est una enata; si, ut scribis, ista hereditas fidem, & famā meam tueri potest: quā quidem te intelligo etiā sine hereditate tuis opibus defensurū fuisse.

De dote quod scribis, per omnes Deos te obtestor, ut totam rem suscipias, & illam miseram mea culpa, & negligentia, tuare meis opibus, si quæ sunt, tuis, quibus tibi molestum non erit, facultatibus. cui quidem deesse omnia, quod scribis, obsecro te noli pati: in quos enim sumptus abeunt fructus prædiorum? iam illa HS LX, quæ scribis, nemo mihi unquam dixit ex dote esse detracta: nunquā enim essem passus. sed hæc minima est ex ijs iniurijs, quas accepi, de quibus ad te dolore, & lacrymis scribere prohibeor. ex ea pecunia, quæ fuit in Asia, partem dimidiam ferè exegi. tutius uidebatur fore ibi, ubi est, quàm apud publicanos. Quod me hortaris, ut firmo sim animo: uellē posses aliquid afferre, quā ob rē id facere possem. sed si ad cæteras misérias accessit etiā id, quod mihi Chrysippus dixit parari (tu nihil significasti) de domo, quis me miserior uno iam fuit? oro, obsecro, ignosce: nō possum plura scribere. quāto mœ rore urgear, profecto uides. quod si mihi cōmune cum cæteris esset, qui uidetur in eadē causa esse, minor mea culpa uideretur, & eo tolerabilior esset: nunc nihil est, quod consoletur, nisi quid tu efficis, si modo etiam nūc effici potest, ut ne qua singulari afficiar calamitate, &



## LIB. XI. EPIST.

iniuria. Tardius ad te remissi tabellarium, quod potestas mittendi non fuit. A' tuis & numorum accepi HS LXX, & uestimentorum quod opus fuit. Quibus tibi uidebitur, uelim des literas nomine meo. nosti meos familiares. signum requirent, aut manum: dices ijs, me propter custodias ea uitasse. Vale.

## CICERO ATTICO S. 3

QVID hic agatur, scire poteris ex eo, qui literas attulit: quem diutius tenui, quia quotidie aliquid noui expectabamus. neque nunc mittendi tamen ulla causa fuit, praeter eam, de qua tibi rescribi uoluisti. Quod ad Cal. Quint. pertinet, quid uelle: utrumque graue est, & tam graui tempore periculum tanta pecunia, & dubio rerum exitu ista, quam scribis, abruptio. quare ut alia, sic hoc uel maxime tuae fidei, beneuolentiaeque; permitto, & illius consilio, & uoluntati: cui miserae consuluissem melius, si tecum olim coram potius, quam per literas de salute nostra, fortunisque; deliberauissem. Quod negas praecipuum mihi ullum incommodum impendere, & si ista res nihil habet consolationis, tamen etiam praecipua multa sunt, quae tu profecto uides grauissima esse, & me facillime uitare potuisse: ea tamen erunt minora, si, ut adhuc factum est, administratione, diligentiaque; tua leuabuntur. Pecunia apud Egnatium est. sit a me, ut est: neque enim hoc, quod agitur, uidetur diuturnum esse posse, ut scire iam possim, quid maxime opus sit. & si egeo rebus omnibus, quod is quoque in angustiis est, qui cum sumus; cui magnam dedimus pecuniam mutuam,



opinantes nobis constitutis rebus eam rem etiam hono-  
ri fore. Tu, ut antea fecisti, uelim, si qui erunt,  
ad quos aliquid scribendum à me existimes, ipse confi-  
cias. Tuis salutem dic. Cura, ut ualeas. in primis id,  
quod scribis, omnibus rebus cura, & provide, ne quid  
ei desit, de qua scis me miserrimum esse. Idib. Iun.  
ex castris.

## CICERO ATTICO S. 4

A CCEPI ab Isidoro literas, & postea datas binas. ex  
proximis cognoui, pradia non uenisse. uidebis ergo, ut  
sustentetur per te. de Frusinati, si modo futuri sumus,  
erit mihi res opportuna. Meas literas quod requiris,  
impedior inopia rerum, quas nullas habeo literis di-  
gnas, quippe cui nec, quæ accidunt, nec, quæ aguntur,  
ullo modo probentur. utinam coram tecum olim po-  
tius, quam per epistolas. Hic tua, ut possum, tueor  
apud hos. cetera Celer. ipse fugi adhuc omne munus,  
eo magis, quod ita nihil poterat agi, ut mihi, & meis  
rebus aptum esset. Quid sit gestum noui, quæris: ex  
Isidoro scire poteris: reliqua non uidentur esse diffici-  
liora. tu id uelim, quod scis me maxime uelle, cures, ut  
scribis, ut facis. Me conficit sollicitudo, ex qua etiam  
summa infirmitas corporis. qua leuata, ero unà cum  
eo, qui negotium gerit, estq; in spe magna. Brutus ami-  
cus in causa uersatur acriter. hætenus fuit, quod cau-  
te à me scribi posset. De pensione altera, oro te, omni  
cura considera, quid sit faciendum, ut scripsi ijs literis,  
quas Pollex tulit. Vale.



## LIB. XI. EPIST.

CICERO ATTICO. S. 6

QV AE me causa mouerint, quàm acerbâ, quàm graues,  
 quàm nouâ, coegerintq; impetu magis quodâ animi uti,  
 quàm cogitatione, nō possum ad te sine maximo dolore  
 scribere: fuerunt quidē tantâ, ut id, quod uides, effe-  
 rint. itaque nec quid ad te scribam de meis rebus, nec  
 quid à te petâ, reperio. rem, & summâ negotij uides.  
 equidem ex tuis literis intellexi, & ips, quas cōmuniter  
 cū alijs scripsisti, & ips, quas tuo nomine, quod etiâ mea  
 sponte uidebam, te subdebitatū nouas rationes tuendi  
 mei quærere. Quod scribis placere, ut propius accedâ,  
 iterq; per oppida noctu faciam: non sanè uideo, quem-  
 admodum id fieri possit: neque enim ita apta habeo di-  
 uersoria, ut tota tempora diurna in his possim cōsume-  
 re: neque ad id, quod quæris, multum interest, utrum  
 me homines in oppido uideant, an in uia. sed tamē hoc  
 ipsum, sicut alia, considerabo quemadmodum cōmodis-  
 sime fieri posse uideatur. ego propter incredibilem &  
 animi, & corporis molestiam conficere plures literas  
 non potui: ips tantum rescripsi, à quibus acceperam. tu  
 uelim & Basilio, & quibus præterea uidebitur, etiam  
 Seruilio conscribas, ut tibi uidebitur, meo nomine.  
 Quod tanto interuallo nihil omnino ad uos: profecto  
 intelligis rem mihi deesse, de qua scribam, non uolunta-  
 tem. Quod de Vatiniō quæris: neque illius, neque cū  
 iūsq; mihi præterea officiū deest, si reperire possent,  
 qua in re me iuuarent. Quintus auersissimo à me  
 animo Patris fuit: eodem Corcyra filius uenit: inde  
 profectos eos unâ cum cæteris arbitror. Vale.



SOLICITVM esse te cum de tuis, cōmunibusq; fortunis, tum maxime de me, ac de dolore meo, sentio. quī quidē dolor meus non modo nō minuitur, cum socium sibi adiūgit dolorem tuum, sed etiam augetur. omnino pro tua prudentia sentis qua cōsolatione leuari maxime possim: probas enim meum consiliū, negasq; mihi quidquam tali tempore potius faciēdum fuisse. addis etiam (quod etsi mihi leuius est, q̄ tuum iudiciū, tamen nō est leue) ceteris quoque, id est qui pondus habeant, factū nostrum probari. id si ita putarem, leuius dolerē. crede, inquis, mihi. credo equidē: sed scio, q̄ cupias minui dolorem meum. Me discessisse ab armis nunquā pœnituit. tāta erat in illis crudelitas, tanta cum barbaris gentibus coniunctio, ut non nominatim, sed generatim proscriptio esset informata; ut iam omnium iudicio constitutū esset, omnium uestrum bona prædam esse illius uictoriæ, uestrum plane dico: nūquam enim de te ipso, nisi crudelissime, cogitatū est. quare uolūtatis me meæ nunquam pœnitebit: consilij pœnitet. in oppido aliquo malle resedisse, quoad accerserer: minus sermonis subiissem: minus accepissem doloris: ipsum hoc me non angeret. Brūdusij iacere, in omnes partes est molestum. propius accedere, ut suades, quo modo sine lictoribus, quos populus dedit, possum? qui mihi incolumi adimī nō possunt: quos ego modo paulisper cū bacillis in turbā conieci ad oppidū accedes, ne quis impetus militū fieret. recipio tēpore me domo. te nūc ad Oppiū, quoniā



## LIB. XI. EPIST.

ijs placeret modo, propius accedere, ut hac de re conside-  
 rarent. credo fore auctores: sic enim recipiunt, Caesari  
 nō modo de conseruanda, sed etiam de augenda mea di-  
 gnitate curae fore: meq; hortantur, ut magno animo  
 sim, ut omnia summa sperē: ea spondēt, confirmāt. quae  
 quidē mihi exploratiora essent, si remāsissem. sed inge-  
 ro praeterita. uide quaeso igitur ea, quae restāt: & ex-  
 plora cū istis: et si putabis opus esse, & si istis placebit,  
 quo magis factū nostrū Caesar probet, quasi de suorum  
 sententia factum; adhibeantur Trebonius, Pansa, si qui  
 alij, scribantq; ad Caesarē, me, quidquid fecerim, de sua  
 sententia fecisse: Tulliae meae morbus, & imbecillitas  
 corporis me exanimat: quā tibi intelligo magna curae  
 esse, quod est mihi gratissimum. De Pōpeij exitu mi-  
 hi dubiū nunquam fuit: tanta enim desperatio rerum  
 eius omniū Regum, & populorū animos occuparat, ut,  
 quocūque uenisset, hoc putare futurū. non possum eius  
 casum nō dolere: hominem enim integrū, & castū, &  
 grauem cognoui. De Fānio cōsoler te? pernicioſa lo-  
 quebatur de mansionē tua. Lucius uero Lētulus Hortē-  
 sij domum sibi, & Caesaris hortos, & Baias despōderat.  
 omnino haec eodē modo ex hac parte fuit: nisi illud erat  
 infinitū: omnes enim, qui in Italia remāserant, hostium  
 numero habebantur. sed uelim haec aliquādo solutiore  
 animo. Quintum fratrem audio profectū in Asiā, ut  
 deprecaretur. de filio nihil audiui. sed quare ex Dioca-  
 re Caesaris liberto, quē ego nō uidi, qui istas Alexandrinas  
 literas attulit. is dicitur uidisse an euntē, an iā in Asia?  
 Tuas literas, prout res postulat, expecto, quas uelim cu-  
 res quāprimū ad me perferēdas. Vale. II II. Cal. Dec.



CICERO ATTICO S. D.

G R A T A E mihi tuæ literæ sunt, quibus accurate perscripsisti omnia, quæ ad me pertinere arbitratus es. factum igitur, ut scribis, istis placere, iisdem istis lictoribus me uti, quod concessum Sestio sit: cui non puto suos esse cōcessos, sed ab ipso datos: audio enim eum ea S. C. improbare, quæ post discessum Tribunorum facta sunt. quare poterit, si uolet sibi cōstare, nostros lictores cōprobare. quāquam quid ego de lictoribus, qui penè ex Italia decedere sim iussus? nam ad me misit Antonius exemplū Cæsaris ad se literarum, in quibus erat, se audiuisse, Catonem, & L. Metellum in Italiam uenisse, Romæ ut essent palam: id sibi non placere, ne qui motus ex eo fierent: prohiberiq; omnes Italia, nisi quorum ipse causam cognouisset. deq; eo uehementius erat scriptum. itaque Antonius petebat à me per literas, ut sibi ignoscerem: facere se non posse, quin ijs literis pareret. tum ad eum misi L. Lamiam, qui demonstraret illum Dolabella dixisse, ut ad me scriberet, ut in Italiam quamprimum uenirem: eius me literis uenisse. tum ille edixit ita, ut me exciperet, & Lælium nominatim: quod sanè nollem: poterat enim sine nomine re ipsa excipi. o multas, & graues offensiones: quas quidem, tu das operam, ut lenias: nec tamē nihil proficis: quin hoc ipso minuis dolorem meum, quod, ut minuas, tam ualde laboras: idq; uelim ne grauere quam sapissime facere. maxime autem assequere quod uis, si me adduxeris, ut existimem me bonorum iudicium non fundi-



## LIB. XI. EPIST.

tus perdidisse . quanquā quid tu in eo potes? nihil scilicet . sed si quid res dabit tibi facultatis, id me maxime cōsolari poterit . quod nunc quidē uideo nō esse . sed si quid ex euentis : ut hoc nunc accidit . dicebar debuisse cum Pompeio proficisci . exitus illius minuit eius officij prætermissi reprehensionem . sed ex omnibus nihil magis tamen desideratur, quā quod in Africam non ierim . iudicio hoc sum usus, nō esse barbaris auxilijs fallacissimæ gentis Remp. defendēdam, præsertim contra exercitum sæpe uictorem . non probant fortasse : multos enim uiros bonos in Africam uenisse audio, & scio fuisse antea . ualde hoc loco urgeor . hic quoque opus est casu aliqui sint ex eis, aut, si potest, omnes, qui salutē antepōnāt : nam si perseverant, & obtinent ; quid nobis futurum sit, uides . dices, quid illis, si uicti erunt? honestior est plaga . hæc me excruciant . Sulpitij autē cōsiliū, non scripsisti, cur meo non antepōneres . quod & si non tam gloriosum est, quā Catonis, tamen & periculo uacuum est, et dolore . extremum est eorū, qui in Achaia sunt . ij tamen ipsi se hoc melius habēt, quā nos, quod & multi sunt uno in loco, & cum in Italiam uenerint, domum statim uenerint . hæc tu perge, ut facis, mitigare, & probare quā plurimis . Quod te excusas : ego uero & tuas causas nosco, et mea interesse puto, te istic esse, uel ut cū ijs, quibus oportebit, agas, quæ erunt agēda de nobis, ut ea, quæ egisti . in primisq; hoc uelim animaduertas . multos esse arbitror, qui ad Casarē detulerint, delaturiue sint, me aut pariterē cōsiliū mei, aut non probare, quæ fiant . quorum & si utrūque uerū est, tamē ab illis dicitur animo à me alienato,



alienato, non quò ita perspexerint. sed totum ut hoc Balbus sustineat, & Oppius, & eorum crebris literis illius uoluntas erga me confirmetur, & hoc plane ut fiat, diligentiam adhibebis. Alterum est, cur te nolim discedere, quod scribis Terentiam flagitare. ò rem miseram. quid scribam? aut quid uelim? breue faciã: lacrymæ enim se subito profuderunt: tibi permitto: tu consule. tantum uide, ne hoc tēporis Terentiæ obesse aliquid possit. ignosce, obsecro te: non possum præ fletu, et dolore diutius in hoc loco commorari. tantum dicam, nihil mihi gratius esse, quàm quòd eam diligis. Quòd literas, quibus putas opus esse, curas dandas, facis commode. Quintum filiu, uidi, qui Sami uidisset, patrem Sicyone: quorum deprecatio est facilis. utinam illi, qui prius illum uiderunt, me apud eum uelint adiutum tantum, quātum ego illos uellem, si quid possem. Quod rogas, ut in bonam partem accipiam, si qua sint in tuis literis, quæ me mordeant: ego uero in optimam, tēq; rogo, ut aperte, quemadmodum facis, scribas ad me omnia, idq; facias quam sapissime. Vale. XIII. Cal. Ian.

CICERO ATTICO S. 9

QUANTIS curis afficiar, etsi profecto uides, tamen cognosces ex Lepta, & Trebatio. maximas pœnas pendo temeritatis meæ, quam tu prudētia mihi uideri uis, neq; te deterreo, quo minus id disputes, scribasq; ad me q̄ sapissime: nō nihil enim me leuant tuæ literæ hoc tēpore. per eos, qui nostra causa uolunt, ualentq; apud illum, diligentissime contendas opus est, per Balbum, & Oppium maxime, ut de me scribant quam diligētissime;

Z



## LIB. XI. EPIST.

oppugnamur enim, ut audio, & à presentibus quibusdam, & per literas. is ita occurrédum, ut rei magnitudo postulat. Furnius est illic mihi inimicissimus. Quintus misit filium non solum sui deprecatorem, sed etiam accusatorem mei. diētat, se à me apud Cæsarem oppugnari. quod refellit Cæsar ipse, omnesq; eius amici. neq; uero desistit, ubicunque est, omnia in me maledicta conferre. nihil mihi unquam tam incredibile accidit, nihil in his malis tam acerbū. qui ex ipso audissent, cum Sicyone palam multis audientibus loqueretur, nefaria quædam ad me pertulerunt. nosti genus, etiam expertus es fortasse: in me id est omne conuersum. sed augeo commemorando dolorem, & facio etiam tibi. quare ad illud redeo. cura, ut huius rei causa dedita opera mittat aliquem Balbus. ad quos uidebitur, uelim cures literas meo nomine. Vale. XV. Cal. Ian.

CICERO ATTICO S. 10

E GO uero & incaute, ut scribis, & celerius, quam oportuit, feci, nec in ulla sum spe, quippe qui exceptionibus edictorum retinear. quæ si nō essent sedulitate effectæ, & beneuolentia tua, liceret mihi abire in solitudines aliquas. nunc ne id quidem licet. quid autem me iuuat, quod ante initum Tribunatum ueni, si ipsum, quod ueni, nihil iuuat? iā quid sperem ab eo, qui mihi amicus nunquam fuit, cum iam lege etiam sim confectus, & oppressus? quotidie Balbi ad me literæ languidiores, multæq; multorum ad illum, fortasse cōtra me. meo uitio pereō. nihil mihi mali causa attulit: omnia culpa contracta sunt: ego enim, cum genus belli uide-



rem, imparata, & infirma omnia contra paratissimos,  
iuteram ( quid facerem ? ) ceperamq; consilium non tā  
forte, quam mihi prater ceteros concedendum. cessi-  
mus, uel potius parui. ex quibus unus qua mente fue-  
rit, is, quem tu mihi commendas, cognoscet. ex ipsius lite-  
ris, quas ad te, & ad alios misit. quas ego nunquam  
aperuissim, nisi res acta sic esset. delatus est ad me fa-  
sciculus: solui, si quid esset ad me literarū: nihil erat.  
epistola Vatino, & Ligurio altera iussi ad eos deferri.  
illi ad me statim ardentes dolore. uenerunt, scelus ho-  
minis clamantes. epistolas mihi legerunt plenas omni-  
um in me probrorum. hic Ligurius furere: se enim sci-  
re, summo illum in odio fuisse Cæsari; illum tamen nō  
modo fouisse, sed & tantam pecuniam illi dedisse ho-  
noris mei causa. hoc ego dolore. accepto, uolui scire,  
quid scripisset ad ceteros: ipsi enim illi putauī perni-  
ciosum fore, si eius hoc tantum scelus percrebuisse.  
cognoui. eiusdem generis literas ad te misi. quas si pu-  
tabis illi ipsi utile esse reddi, reddes: nil me lædet. nam  
quod resignata sunt, habet, opinor, eius signum Pompo-  
nia. hac ille acerbitate initio navigationis cum usus es-  
set, tanto me dolore affecit, ut postea iacuerim. neque  
nunc tam pro se, quam contra me laborare dicitur.  
ita omnibus rebus urgeor, quas sustinere uix possum,  
uel plane nullo modo possum. quibus in miserijs una  
est pro omnibus, quod istam miseram, patrimonio,  
fortuna omni spoliata, relinquam. quare te, ut  
polliceris, uidere plane uelim: alium enim, cui il-  
lam commedem, habeo neminem, quoniam matri quo-  
que eadem intellexi esse parata, quæ mihi. sed si me non

Z ij



## LIB. XI. EPIST.

offendes, satis tamen habeto commendatā, patrumq; in ea, quantū poteris, mitigato. hæc ad te die natali meo scripsi: quo utinā susceptus nō essem, aut ne qd ex eadē matre postea natū esset. plura scribere fletu prohibeor.

CICERO ATTICO S. 11

A D MEAS incredibiles ægritudines aliquid noui accedit ex ijs, quæ de Q. Q. ad me afferuntur. P. Terentius meus necessarius operas in portu, & scriptura Asiæ pro magistro dedit. is Quintum filiū Ephesi uidit V I. Id. Dec. eumq; studiose propter amicitiam nostrā inuitauit. cumq; ex eo de me contaretur, eū sibi ita dixisse narrabat, se mihi esse inimicissimum, uolumentq; sibi ostendisse orationis, quam apud Cæsarem contra me esset habiturus: multa à se dicta contra eius amentia: multa postea Patris consimili scelere secum Quintum patrem locutum: cuius furorem ex ijs epistolis, quas ad te misi, perspicere potuisti. hæc tibi dolori esse certo scio: me quidem excruciant, et eo magis, quod mihi cum illis ne querendi quidem locum futurum puto. De Africanis rebus longe alia nobis, ac tu scripseras, nuntiatur: nihil enim firmitus esse dicunt, nihil paratius: accedit Hispania, & alienata Gallia, legionum nec uis eadem, nec uoluntas, urbanæ res perditæ: quid est, ubi acquiescam? nisi quandiu tuas literas lego: quæ essent profecto crebriores, si quid haberes, quo putares meam molestiam minui posse. sed tamen te rogo, ne intermittas scribere ad me, quidquid erit; eosq; qui mihi tā crudeliter inimici sunt, si odisse non potes, accuses tamen, non ut aliquid proficias, sed ut tibi me carum esse sentiant. plu-



ra ad te scribam ; si mihi ad eas literas , quas proxime  
ad te dedi, rescripseris. Vale. XII. Cal. Febr.

CICERO ATTICO S. 12.

C ONFECTVS iam cruciatu maximorum dolorū ,  
ne si sit quidem , quod ad te debeam scribere , facile id  
exequi possem , hoc minus , quod res nulla est , quæ scri-  
benda sit , cum præsertim ne spes quidem ulla ostenda-  
tur fore melius . ita iam ne tuas quidem literas expe-  
cto . quanquam semper aliquid afferunt , quod uelim .  
quare tu quidem scribito , cū erit , cui des . ego tuis pro-  
ximis , quas tamen iam pridem accepi , nihil habeo , quod  
rescribam : longo enim intervallo uideo immutata esse  
omnia , illa esse firma , quæ debeant , nos stultitiæ nostræ  
grauissimas pœnas pendere . P. Sallustio curanda  
sunt HS XXX , quæ accepi à Cn. Sallustio . uelim  
uideas , ut sine mora curentur . de ea re scripsi ad Te-  
rentiam . atque hoc ipsum iam propè cōsumptum est .  
quare id quoque uelim , cum illa uideas , ut sit , qui uta-  
mur . hic fortasse potero sumere , si sciam istic para-  
tum fore : sed prius , quàm id scirem , nihil sum au-  
sus sumere . qui sit omnium rerum status noster , ui-  
des . nihil est mali , quod non & sustineam , & expe-  
ctē . quarū rerū eo grauior est dolor , quo culpa maior .  
ille in Achaia nō cessat de nobis detrahere . nihil uideli-  
cet tuæ literæ profecerunt . Vale. VIII. Id. Martij.

CICERO ATTICO S. 13.

C EPHALIO mihi à te literas reddidit ad VIII.  
Id. Martij uespere . eo autem die mane tabellarios mi-

Z iiij



## LIB. XI. EPIST.

seram, quibus ad te dederam literas. tuis tamen lectis literis, putavi aliquid rescribendum esse, maxime, quod ostendis te pendere animi, quamnam rationem sim Caesar allaturus profectiois meae tum, cum ex Italia discesserim. nihil opus est mihi noua ratione: saepe enim ad eum scripsi, multisque mandavi, non potuisse, cum cupissem, sermones hominum sustinere: multaque in eam sententiam: nihil enim erat, quod minus eum uellem existimare, quam me tanta de re non meo consilio usum esse: potestaque quam mihi literae a Balbo Cornelio minore missae essent, illum existimare. Quintum fratrem lituum meae profectiois fuisse (ita enim scripsit) qui nodum cognosset quae de me Quintus scripsisset ad multos: etsi multa praesens in praesentem acerbe dixerat, et fecerat, tamen

\* L. in eo his uerbis ad Caesarem scripsi. de Quinto fratre meo non minus laboro, quam de me ipso. sed eum tibi commendare hoc meo tempore non audeo. illud duntaxat tamen audebo petere abs te, quod te oro, ne quid existimes ab illo factum esse, quo minus mea in te officia constarent, minus ue te diligerem, potiusque illum semper auctorem nostrae coniunctionis fuisse, meique itineris comitem, non ducem: quare ceteris in rebus tantum ei tribues, quantum humanitas tua, amicitiaque uestra postulat: ego ei ne quid apud te obsum, id te uehementer etiam, atque etiam rogo. Quare, si quis congressus fuerit mihi cum Caesare (etsi non dubito, quin is lenis in illum futurus sit, idque iam declarauerit) ego tamen is ero, qui semper fui. sed, ut uideo, multo magis est nobis laborandum de Africa. quam quidem tu scribis confirmari quotidie magis ad conditionis spem, quam uictoriae. quod utinam



ita esset. sed lōge aliter esse intelligo, tēq; ipsum ita existimare arbitror, aliter autem scribere non fallendi, sed confirmandi mei causa, praesertim cum adiungatur ad Africam etiā Hispania. Quod me admones, ut scribā ad Antonium, et ad ceteros: si quid uidebitur tibi opus esse, uelim facias id, quod saepe fecisti: nihil. n. uenit mihi in mētē, quod scribendū putē. Quod me audis fractio rem esse animo: quid putas, cū uideas accessisse ad superiores egritudines praeslans generi actiones? tu tamē uelim, ne intermittas, quod eius facere poteris, scribere ad me, etiā si rem, de qua scribas, nō habebis: semper. n. afferant aliquid mihi literae tuae. Calpurnis hereditatē creui: puto enim cretionem simplicem fuisse, quoniam ad me nulla missa est. Vale. V. I. I. Id. Mart.

## CICERO ATTICO S. 14.

A<sup>1</sup> M. VRENAE liberto nihil adhuc acceperā literarum. P. Sifer reddiderat eas, quibus rescribo. De Serui patris literis quod scribis, item, Quintum in Syriam uenisse, quod ais esse qui nuntient: ne id quidem uerum est. Quod certiore te uis fieri, quo quisque in me animo sit, aut fuerit eorum, qui huc uenerunt: neminem alieno intellexi: sed quantum id mea inter sit, existimare te posse certo scio. mihi cum omnia sunt intolerabilia ad dolorē, tum maxime, quod in eam causam uenisse me uideo, ut sola utilia mihi esse uideatur, quae semper nolui. P. Lentulum patrem Rhodi esse aiunt, Alexandriae filium: Rhodōq; Alexandriam. C. Cassum profectum esse constat. Quintus mihi per literas satisfacit, multo asperioribus uerbis, quā cum



## LIB. XI. EPIST.

gravissime accusabat: ait enim se ex literis tuis intelligere, tibi non placere, quod ad multos de me asperius scripsit: itaque se poenitere, quod animū tuū offenderit: sed se iure fecisse. deinde perscribit spurcissime, quas ob causas fecerit: sed neque hoc tēpore, nec antea patefecisset odiū suū in me, nisi omnibus rebus me esse oppressum videret. atque utinam uel nocturnis, quēadmodū tu scripseras, itineribus propius te accessissem. nūc nec ubi, nec quando te sum visurus, possum suspicari. De cohæ redibus Rufidianis nihil fuit, quod ad me scriberes: nam et æquum postulant, et, quidquid egisses, recte esse actum putarem. De fundo Frusinati redimendo iam pridem intellexisti uoluntatem meam. etsi tum meliore loco res erant nostræ, neque tam mihi desperaturi uidebamur: tamen in eadē sum uoluntate. id quemadmodum fiat, tu uidebis. et uelim, quoad poteris, consideres, ut sit, unde nobis suppeditentur sumptus necessarij. si quæ habuimus facultates, eas Pōpeio tum, cū id uidebamur sapienter facere, detulimus. itaque tum et à tuo uillico sumpsimus, et aliunde mutuati sumus, cū Quintus quereretur per literas, sibi nos nihil dedisse, qui neque ab illo rogati sumus, neque ipsi eā pecuniam aspeximus. sed uelim uideas, quid sit, quod confici possit, quidque mihi de omnibus des consilij: et causam nosti. plura ne scribā, dolore impediōr. si quid erit, quod ad quos scribēdū meo nomine putes, uelim, ut soles, facias: quotiesque habebis, cui des ad me literas, nolim prætermittas. Vale.

CICERO ATTICO S. 11

NON me offendit ueritas literarum tuarū, quod me tum



communibus, tum præcipuis malis oppressum ne incipis  
quidem, ut solebas, consolari, faterisq; id fieri iam non  
posse: nec enim ea sunt, quæ erant antea, cum, ut nihil  
aliud, comites me, et socios habere putabam: omnes enim  
Achaici deprecatores, item qui in Asia, quibus non erat  
ignotum, etiam quibus erat, in Africam dicuntur nauig-  
gaturi. ita, præter Lælium, neminem habeo culpæ so-  
cium: qui tamen hoc meliore in causa est, quod iam est  
receptus. de me autem, non dubito, quin ad Balbum, &  
ad Oppium scripserit: à quibus, si quid esset latius, cer-  
tior factus essem, tecum etiam essent locuti: quibus cū  
tu de hoc ipso colloquere uelim, & ad me, quid tibi re-  
sponderint, scribas: non quod ab isto salus data quid-  
quam habitura sit firmitudinis: sed tamen aliquid con-  
sili, & prospici poterit. etsi enim conspectum hor-  
reo, præsertim hoc genero: tamen, in tantis malis quid  
aliud uelim, non reperio. Quintus pergit, ut ad me et  
Pansa scripsit, & Hircius: isq; item Africam petere cū  
fateris dicitur. Ad Minutium parentem scribam, &  
tuas literas mittam, ad te scribam, num quid egerit. HS  
XXX potuisse mirarer, nisi multa de Fusidianis præ-  
liis, et id uideo tamē, te expecto: quē uidere, si ullo mo-  
do potes uenire, peruelle. iā extremū concluditur. ibi  
\* facile est, quod quale sit, grauius existimare. Vale.

CICERO ATTICO. S. 10

QVONIAM iustas causas affers, quod te hoc tempore  
uidere non possim: quaeso, quid sit mihi faciendum: il-  
le enim ita uidetur Alexandriam tenere, ut eum scribe-  
rietiam pudeat de illis rebus: ij autem ex Africa iam



## LIB. XI. EPIST.

affuturi uidentur. Achæi item ex Asia redituri ad eos, aut libero aliquo loco comoraturi. quid mihi igitur putas agendum? uideo difficile esse consilium: sum enim solus, aut cum altero, cui neque ad illos reditus sit, neque ab his ipsis quidquam ad spem ostendatur. sed tamē scire uelim, quid censeas: idque erat cum alijs, cur te, si fieri posset, cuperem uidere. Minutium XII sola curasse, scripsi ad te antea. quod superest, uelim uideas, ut curetur. Quintus non modo non cum magna prece ad me, sed acerbissime scripsit. filius uero mirifico odio. nihil fingi potest mali, quo non urgear. omnia tamen sunt faciliora, quam peccati dolor, qui et maximus est, & æternus. cuius peccati si socios essem habiturus ego, quos putauī, tamen esset ea cōsolatio tenuis: sed habet aliorum omnium ratio exitum, mea nullum. alij capiti, alij interclusi non ueniunt in dubium de uoluntate, minus scilicet, cum se expedierint, & una esse ceperint. ij autem ipsi, qui sua uoluntate ad Fusiū uenerunt, nihil possunt, nisi timidi existimari. multi autem sunt, qui, quicunq; sunt, modo ad illos se recipere uolent, recipientur. quo minus debes mirari, nō posse mihi tanto dolori resistere: solius enim meum peccatum corrigi non potest, & fortasse Lælij: sed quid me id leuat nā Caiū quidem Cassium diuine consilium Alexandrū eundi mutauisse. hæc ad te scribo, non ut queas tu demere solitudinem, sed ut cognoscam, ecquid tu ad ea afferas, quæ me conficiunt. ad quæ gener accedit, et ætera, quæ, fletu reprimor, ne scribam. quin etiam Aesopi F. me excruciat. prorsus nihil abest, quin sim miserimus. sed ad primum reuertor: quid putes facia-



dum, occulte ne aliquid propius ueniendum, an mare transeundū: nam hic maneri diutius non potest. De Fufidianis quare nihil potuit confici? genus enim cōditionis eiusmodi fuit, in quo non solet esse controuersia, cum ea pars, quæ uidetur esse minor, licitatione expleri posset. hæc ego non sine causa quæro: suspicor enim cohæredes dubiam nostram causam putare, & eo rem in integro esse. Vale. prid. Id. Maij.

## CICERO ATTICO S. 17

NON meo iūctio fit hoc quidem tempore (ante enim est peccatum) ut me ista epistola nihil consoletur: nam & exigue scripta est, & suspensiones magnas habet, nō esse ab illo; quas animaduertisse te existimo. De obuiam itione ita faciam, ut suades: neque enim ualde aduentus eius opinio est: neq; si quī ex Asia ueniunt, quidquam auditum esse dicunt de pace: cuius ego spe in hanc fraudem incidi. nihil uideo, quod sperandum putem, nunc præsertim, cum ea plaga in Asia sit accepta, in Illyrico, in Cassiano negotio, in ipsa Alexandria, in Vrbe, in Italia. ego uero, etiam si rediturus ille est, qui adhuc bellum gerere dicitur, tamen ante reditum eius negotium confectum iri puto. Quod autem scribis quandam letitiam bonorum esse commotam, ut sit auditum de literis: tu quidem nihil prætermittis, in quo putes aliquid solatiij esse: sed ego non adducor, quenquam bonum ullam salutem putare mihi tanti fuisse, ut eam pterem ab illo, & eo minus, q̃ huius consilij iam ne socium quidem habeo quenquam, qui in Asia sunt, rerum exitum expectant. Ahaici etiā



## LIB. XI. EPIST.

Fusio spem deprecationis afferunt. horum & timor  
idem fuit primo, qui meus, & constitutum. mora Ale-  
xandrina causam illorū correxit, meam euertit. quam  
ob rem idem à te nunc peto, quod superioribus literis,  
ut, si quid in perditis rebus dispiceres, quod mihi puta-  
res faciendum, me moneres. si recipior ab his, quod ui-  
des nō fieri; tamen, quoad bellum erit, quid agam, aut  
ubi sim, non reperio. sin iactor, eo minus. itaq; tuas lite-  
ras expecto; easq; ut ad me sine dubitatione scribas, ro-  
go. Quod suades, ut ad Quintum scribam de his lite-  
ris: facerem, si me quidquā istæ literæ delectarent. et si  
quidam scripsit ad me his uerbis. Ego, ut in his malis,  
Patris sum non inuitus: essem libentius, si frater tuus  
ea de te loqueretur, quæ ego audire uellē. Quod ais il-  
lum ad te scribere, me sibi nullas literas remittere: se-  
mel ab ipso accepi: ad eas Cephalioni dedi, qui multos  
menses tempestatibus retentus est. Quintum filium ad  
me acerbissime scripsisse, iam ante ad te scripsi. Ex-  
tremum est, quod te orem, si putas rectum esse, & à te  
suscipi posse, cum Camillo communices, ut Terentiam  
moneatis de testamento. tempora monent, ut uideat, ut  
satisfaciat, quibus debeat. auditum ex Philotimo est, eā  
scelerate quadam facere. credibile uix est. sed certe si  
quid est, quod fieri possit, prouidendum est. de omnibus  
\* rebus uelim ad me scribas, & maxime quid scribas de  
ea: in quo tuo consilio egeo, etiam si nihil excogitas:  
id enim mihi erit pro desperato. Vale. III. Non. Iun.

CICERO ATTICO S. 18

P R O P E R A N T I B V S tabellarijs alienis hāc epi-



stolam dedi, eo breuiorem, quod eram missurus meos.

Tullia mea uenit ad me prid. Id. Iun. deq; tua erga se obseruantia, beneuolentiaq; mihi plurima exposuit, literasq; reddidit trinas. ego autem ex ipsius uirtute, humanitate, pietate non modo eam uoluptatem non cepi, quam capere ex singulari filia debui, sed etiam incredibili sum dolore affectus, tale ingenium in tam misera fortuna uersari, idq; accidere nullo ipsius delicto, summa culpa mea. itaq; a te neq; consolationem iam, qua cupere te uti uideo, neque consilium, quod capi nullum potest, expecto; teq; omnia cum superioribus saepe literis, tum proximis tentasse intelligo.

Ego cum Sallustio Ciceronem ad Casarem mittere cogitabam. Tulliam autem, non uidebam esse causam, cur diutius mecum tanto in communi mœrore retinerem. itaq; eram tibi eam, cum primum per ipsam liceret, remissurus. pro ea, quemadmodum consolandis scripsisti, P. tanta eo me scripsisse, quæ tu ipse intelligis respondere potuisse. Quod Oppium tecum scribis locutum: non abhorret a mea suspitione eius oratio: sed non dubito, quin istis persuaderi nullo modo possit, ea, quæ faciant, mihi probari posse, quoquo modo loquar. ego tamen utar moderatione, qua potero. quanquam, quid mea intersit, ut eorum odium subeam, non intelligo.

Te iusta causa impediri, quo minus ad nos uenias, uideo, idq; mihi ualde molestum est. Illum ab Alexandria discessisse nemo nuntiat, constatq; ne profectum quidem illo quenquam post Id. Mart. nec post Id. Dec. ab illo datas ullas literas. ex quo illud intelligis, illud de literis ad V. Id. Febr. datis (quod inane esset, etiam si



## LIB. XI. EPIST.

uerum esset ) non uerum esse. L. Terentium disces-  
sisse ex Africa scimus , Pestumq; uenisse . quid is affe-  
rat , aut quo modo exierit , aut quid in Africa fiat , sci-  
re uelim : dicitur enim per Nasidium emissus esse . id  
quale sit , uelim , si inueneris , ad me scribas . De  
HS X , ut scribis , faciam . Vale . XVIII.  
Cal. Quint.

## CICERO ATTICO S. 19.

DE ILLIVS ab Alexandria discessu nihil adhuc rui-  
moris , contrāq; opinio , ualde esse impeditum : ita-  
que nec mitto , ut constitueram , Ciceronem ; & te ro-  
go , ut me hinc expedias : quoduis enim supplicium le-  
uius est hac permansione . hac de re & ad Antonium  
scripsi , & ad Balbum , & ad Oppium : siue enim bel-  
lum in Italia futurum est , siue classibus utetur , hic esse  
me minime conuenit : quorum fortasse utrunque erit :  
alterum certe intellexi omnino ex Oppij sermone , quem  
tu mihi scripsisti , quae istorum uia esset . sed , ut eam fle-  
ctas , te rogo . nihil omnino iam expecto , nisi miserum .  
sed hoc perditius , in quo nunc sum , fieri nihil potest .  
quare , cum Antonio loquare , uelim , & cum istis , &  
rem , ut poteris , expedias , & mihi quamprimum de  
omnibus rebus rescribas . Vale . XII. Cal. Quint.

## CICERO ATTICO S. 20.

CUM tuis dare possem literas , non praetermisi : etsi , quid  
scriberem , non habebam . tu ad nos & rarius scribis ,



quàm solebas, & breuius, credo quia nihil habes, quod me putes libenter legere, aut audire posse. ueruntamen uelim, quid erit, qualecunq; erit, scribas. est autem unum, quod mihi sit optandum, si quid agi de pace possit: quod nulla equidem habeo in spe; sed quia tu leuiter interdum significas, cogis me sperare, quod optandum uix est. Philotimus dicitur Idib. Sext. nihil habeo de illo amplius. tu uelim ad ea mihi rescribas, quæ ad te antea scripsi. mihi tantum temporis satis est, dum, ut in pessimis rebus, aliquid caueam, qui nihil unquam caui. Vale. XI. Cal. Sext.

## CICERO ATTICO S. 21.

X VII. Cal. Sept. uenerat die XXVIII Seleucea  
 \* Peria C. Trebonij, is, qui se Antiochiæ diceret apud Cæsarem uidisse Quintum filium cum Hircio: eos de Quinto, quæ uoluissent, impetrasse nullo quidem negotio. quod ego magis gauderem, si ista nobis impetrata quidquam ad spem explorati haberent. sed & alia timenda sunt, ab alijsq;: & ab hoc ipso quæ dantur ut à domino, rursus in eiusdem sunt potestate. etiam Sallustio ignouit. omnino dicitur 'nemini negare. quod ipsum est suspectum, notionem eius differri. M. Gallius Q. F. mancipia Sallustio reddidit. is uenit, ut legiones in Siciliam traduceret, et protinus iturum Cæsarem Patris. quod si faciet, ego, quod ante mallem, aliquò propius accedam. tuas literas ad eas, quibus à te proxime consilium petiui, uehementer expecto. Vale. XVI. Cal. Sept.



CICERO ATTICO S. ~ ~

A CCEPI VI. Cal. Sept. literas à te, datas XII. Cal. doloremq; quē ex Quinti scelere iā pridē acceptū iā abiecerā, lecta eius epistola grauissimū cepi. tu etsi nō potuisti ullo modo facere, ut mihi illā epistolā non mitteres, tamē malle non esse missam. Ad ea autē, quae scribis de testamento, uidebis, quid, et quo modo. De numis, & illa sic scripsit, ut ego ad te antea, et nos, si qd opus erit, utemur ex eo, de quo scribis. Ille ad Cal. Sept. Athenis non uidetur fore. multa eū in Asia dicuntur morari, maxime Pharnaces. Legio XII, ad quā primū Sulla uenit, lapidibus egisse hominē dicitur. nullā putant se cōmoturā. illū arbitrantur protinus Patris in Siciliā. sed, si hoc ita est, huc ueniat necesse est. ac malē illū: aliquo. n. modo hinc euasissē. nunc metuo, ne sit expectandū: et cū reliquis etiā loci grauitas hic mihi ferrime perferenda. Quod me mones, ut ea uideā, quae ad tēpus accōmodem: facere, si res pateretur, et si ullo modo fieri posset: sed in tātis nostris peccatis, tātisq; nostrorū iniurijs, nihil ē, quod aut facere dignū nobis, aut simulare possim. Sullana confers: in quibus omnia genere ipso praeclarissima fuerūt, moderatiōe paulo minus tēperata: haec autē eiusmodi sunt, ut obliuiscar, multoq; malim quod omnibus sit melius, quorū utilitati meā iuxta xi. tu ad me tamē uelim quāsepiissime scribas, eoq; magis, qd praeterea nemo scribit: ac si omnes, tuas tamē maxime expectare. Quod scribis, illū per me Quinto fore placatiōrē: scripsi ad te antea, eum statim Quinto filio omnia tribuisse, nostri nullam mentionem. Vale.

Cicero



DILIGENTER mihi fasciculū reddidit Balbi tabellarius: accepi. n. à te literas, quibus uideris uereri, ut epistolas illas acceperim: quas quidē uellē mihi nūquam redditas: auxerūt. n. mihi dolorē: nec, si in aliquem incidissent, quidquā noui attulissent: quid. n. tā peruulgatū, quā illius in me odiū, & genus hoc literarū? quod ne Caesar quidē ad istos uidetur misisse, quasi quo illius improbitate offenderetur, sed, credo, uti notiora nostra mala essent. nā quod te uereri scribis, ne illi obsint, eiq; remedium: ne rogari quidē se passus est de illo. quod quidē mihi molestum nō est: illud molestius, istas impetrationes nostras nihil ualere. Sulla, ut opinor, cras erit hic cum Messala. currunt ad illū pulsi à militibus, qui se negant usquam, nisi acceperint. ergo ille huc ueniet: quod non putabant: tarde quidem: itinera. n. ita facit, ut multos dies in oppidū ponat. Pharnaces autem, quo modo agit, afferet morā. quid mihi igitur censes? iam. n. corpore uix sustineo grauitatē huius coeli, qui mihi laborē affert in dolore. an his illuc euntibus mandē, ut me excusent? ipse accedam propius? quæso attende, & me, quod adhuc sæpe rogatus non fecisti, consilio iuua. scio rem difficilem esse, sed ut in malis. etiā illud mea magni interest, te ut uideam. profecto aliquid profecero, si id acciderit. De testamento, ut scribis, animaduertes. Vale.

CICERO ATTICO S. 24.

QVOD ad te scripserā, ut cum Camillo cōmunicares. de eo Camillus mihi scripsit, te cum eo locutū. tuas

A A



## LIB. XII. EPIST.

literas expectabam : nisi illud quidem mutari , si aliter  
 est ut oportet , non uideo posse : sed cum à nullo accepis-  
 sem literas , desideravi tuas (etsi putabam te fortio-  
 rem factum non esse) modo ualeres : scripseras . n . te quodam  
 ualitudinis genere tentari . Augustus quidam Rhodo  
 uenerat V I I I . Id . Quint . is nunciabat , Quintum F .  
 ad Caesarem profectum I I I I . Cal . Iun . Philotimum  
 i Rhodum pridie eius diei uenisse , habere ad me literas .  
 psum Augustum audies . sed tardius iter faciebat . eo  
 feci , ut celeriter eunti darem . quid sit in ijs literis , ne-  
 scio : sed mihi ualde Quintus frater gratulatur . equi-  
 dem in meo tanto peccato nihil ne cogitatione quidem  
 assequi possum , quod mihi tolerabile possit esse . te oro ,  
 ut de hac misera cogites , & illud , de quo ad te proxime  
 scripsi , ut aliquid coficiatur ad inopiam propulsandam ,  
 & etiam de ipso testamento . illud quoque uellem antea :  
 sed omnia timuimus . melius quidem in pessimis nihil  
 fuit dissidio . aliquid fecissemus , ut uiui uel tabularum  
 nouarum nomine , uel nocturnarum expugnationum ,  
 ★ uel Metellæ , uel omnium maiorum . nec res periisset , &  
 uideremur aliquid doloris uirilis habuisse . memini o-  
 mnino tuas literas . sed & tempus illud , & si quid uis  
 prestitit . nunc quidem ipsa uidetur denunciare : audi-  
 mus enim de statu reip . à D ij , generum ne nostrum po-  
 tissimum , ut hoc uel tabulas nouas ? placet mihi igitur  
 & idem tibi , nuncium remitti . petet fortasse tertiam ,  
 ★ pensionem . considera igitur tum , ne uim abuso nasce-  
 tur , an prius . ego , si ullo modo potuero , uel nocturnis  
 itineribus experiar , ut te uideam . tu & hæc , & si quid  
 erit , quod intersit me scire , scribas uelim . Vale .



QV AE dudum ad me, & quæ etiam ad meâ Tul  
 liâ de me scripsisti, ea sentio esse uera. eo sum miserior,  
 (etsi nihil uidebatur addi posse) quodd mihi nō modo ira  
 sci grauissima iniuria accepta, sed ne dolere quidē im=  
 pune liceat. quare istud feramus: quod cum tulerimus,  
 tamen eadē erūt perpetienda, quæ tu, ne accidāt, ut ca=  
 ueamus, mones: ea. n. est à nobis cōtracta culpa, ut omni  
 statu, omniq; populo eundē exitū habitura uideatur. sed  
 ad meâ manū rediero: etenim hæc occultius agenda. ui=  
 de quaeso etiam nūc de testamento, quod tū factum, cum  
 \* illa quærere cœperat. nō credo, & cōmoti neque eum ro  
 gari, ne me quidem. sed quasi ita sit, quoniā in sermonē  
 iam uenisti, poteris eam monere, ut alicui cōmittat, cuius  
 extra periculū huius belli fortuna sit. equidē tibi potis=  
 simū uelim, si idem illa uellet: quā quidem cœlo mise=  
 rā me hoc timere. de illo altero, scio equidē uenire nunc  
 nil posse: sed seponi, & occultari possunt, ut extra rui=  
 nā sint eam, quæ impendet. nā quod scribis nobis, nostra,  
 & tua Terentiæ fore parata: tua credo: nostra quæ  
 poterūt esse? de Terentia autē (mitto cætera, quæ sunt  
 innumerabilia) quid ad hoc addi potest? scripseras, ut  
 HS XII. permutaret, tantū esse reliquum de argento.  
 misit illa CCLDD mihi, & ascripsit tantū esse reli=  
 quum. cū hoc tam parū de paruo detraxerit, perspicis  
 quid in maxima re fecerit? Philotimus nō modo nullus  
 uenit, sed ne per literas quidē, aut per nūcium certiorē  
 facit me, quid egerit. Epheso qui ueniūt, ibi se eū de suis  
 cōtrouersiis in ius aduētum uidisse nūciant: quæ quidem

A A ij



LIB. XI. EPIST.

(ita. n. uerisimile est) in adueniū Casaris fortasse reiiciū  
tur. ita aut nihil puto eū habere, quod putet ad me ce-  
lerius perferendum, & eo me magis esse despectū: aut,  
etiā si quid habet, id nisi omnibus suis negotijs confectis  
ad me referre nō curret. ex quo magnū equidē capio do-  
lore, sed non tantū, quantū uideor debere: nihil. n. mea  
minus interesse puto, quā quid illinc afferatur. id quā  
ob rē, te intelligere certo scio. Quod me mones de uultu,  
& oratione ad tempus accommodanda, etsi difficile est, ta-  
mē imperare mihi, si mea quidquā interesse putarem.  
Quod scribis, literis, putare, Africanum negotium confici  
posse: uelim scriberes, cur ita putares. mihi quidem ni-  
hil in mentem uenit, quare id putē fieri posse. tu tamen  
uelim, si quid erit, quod cōsolationis aliquid habeat, scri-  
bas ad me: sin, ut perspicio, nihil erit, scribas id ipsū. ego  
ad te, si quid audiero citius, scribā. Vale. VIII. Id. Sext.

CICERO ATTICO S. 76.

FACILE assentior tuis literis, quibus exponis plu-  
ribus uerbis, nullū te habere consiliū, quo à te possim iu-  
uari. cōsolutio certe nulla est, quā leuare possit dolorem  
meū: nihil est. n. contractū casu: nā id esset ferendū: sed  
omnia fecimus ijs erroribus & miserijs & animi, et cor-  
poris, quibus proximi utinā mederi maluissent, quā ob-  
esse. quoniā neque cōsiliū tui, neque cōsolationis cuiusquā  
spes ulla mihi ostēditur, nō quārā hac à te posthac. tantū  
uelim, ne pristinū hoc officiū intermittas: scribas ad me  
quidquid ueniet tibi in mentē, cū habebis, cui des, & dū  
erit, ad quē des, quod longū nō erit. Illū discessisse Ale-  
xandria rumor est non firmus, ortus ex Sulpitij literis,



quas cuncti postea nunciij confirmarunt. quod uerū, an  
 falsum sit, quoniā mea nihil interest, utrū malim nescio.  
 Quod ad te iam pridem de testamēto scripsi apud epi-  
 \* stolas uelim ut possim aduersas ego huius miserū ea fa-  
 cultate cōfectus conflictor. nihil unq̄ simile natū puto.  
 cui si qua re consulere aliquid possum, cupio à te admo-  
 neri. uideo eandē esse difficultatē, quā in cōsilio dato:  
 attamē hoc me magis sollicitat, q̄ omnia. In pensione se-  
 cunda cæci fuimus. aliū malle. sed præterijt. te oro,  
 ut in perditis rebus, si quid cogi, cōficiq; potest, quod sit  
 in tuto, ex argēto, neque satis multa ex supellectile, des-  
 operā: iam enim mihi uidetur adesse extremū, nec ulla  
 fore conditio pacis, eaq; quæ sunt, etiā sine aduersario pe-  
 ritura. hæc etiā, si uidebitur, cū Terētia loquere oppor-  
 tune. nō queo omnia scribere. Vale. III. Non. Quint.

M. TVLLII CICERONIS EPISTO-  
 LARVM AD T. POMPONIVM  
 ATTICVM LIBER XII.

CICERO ATTICO S.

V NDECIMO die postquam à te di-  
 scesseram, hoc literularū exaravi egre  
 diens è uilla ante lucem: atque eo die  
 cogitabā in Anagnino, postero autem  
 in Tusculano, ibi unum diem, V. Cal.  
 igitur ad constitutū: atque utinam continuo ad cōple-  
 xum meæ Tulliæ, ad osculum Atticæ possim currere:  
 quod quidem ipsum scribe quæso ad me, ut, dum consi-

AA iiij



LIB. XII. EPIST.

sto in Tusculano, scia, quid garriat: sin rusticatur, quid scribat. eiq; interea aut scribes salutem, aut nunciabis, itemq; Pilia: & tamen, etsi continuo congressuri sumus, scribes ad me, si quid habebis. Cum complicarem hanc epistolam, noctuabundus ad me uenit cum epistola tua tabellarius. qua lecta, de Attica febricula scilicet ualde dolui. reliqua, quae expectabam, ex tuis literis cognoui omnia. sed quod scribis, igniculum matutinum, *την ἡμέραν* est memoriola uacillare: ego enim IIII. Cal. Axio dederam, tibi III. Quinto quo die uenissem, id est V. Cal. hoc igitur habebis, noui nihil. quid ergo opus erat epistola? quid, cum coram sumus, & garrimus quidquid in buccam? est profecto quaedam *λέσχη*, quae habet, etiam si nihil subest, colloctione ipsa suauitatem.

Hic rumor est, T. Murcum perisse naufragio, Asinium delatum uiuum in manus militum, L. nauers delatas Vticam reflatu hoc, Pompeium non comparere, nec in Balearibus omnino fuisse, ut Patietus affirmat. sed auctor nullius rei quisquam. habes, quae, dum tu abes, locuti sunt. ludi interea Praeneste. ibi Hircius, & isti omnes, & quidem ludi dies octo. quae coenae? quae deliciae? res interea fortasse transacta est. o miros homines. at Balbus aedificat: *τί γὰρ αὐτῷ μέλει;* uerum, si quaeris, homini non recta, sed uoluptaria quaerenti *νόμιμα βιβίωται;* tu interea dormis. iam explicandum est *πρόβλημα*, si quid acturus es. si quaeris quid putem, ego fructum puto. sed quid multa? iam te uidebo, & quidem, ut spero, de uia recta ad me: simul enim et diem Tyrannionem constituemus, & si quid aliud. Vale.



## CICERO ATTICO S.

VNUM te puto minus blandū esse, quā me: aut, si  
uterq; nostrū est aliquādo aduersus aliquē, inter nos cer-  
te nunquā sumus. audi igitur me hoc ἀγούμενος dicen-  
tem. ne uiuā mi Attice, si mihi nō modo Tusculanū, ubi  
ceteroquī sum libenter, sed μακάρεων νῆστοι tanti sunt, ut  
sine te sim totos dies. quare obduretur hoc triduū: ut te  
quoque ponā in eodē πᾶσι: quod ita est profecto. sed ue-  
lim scire, hodie ne statim de auctione, aut quo die ue-  
nias, ego me interea cū libellis. ac moleste fero Vennonij  
historiā non habere. sed tamen, ne nihil de re, nomē illud,  
quod à Cæsare, treis habet conditiones, aut emptionem  
ab hasta, (perdere malo: etsi, præter ipsam turpitudinē,  
hoc ipsū puto esse perdere) aut delegationē à mācipe an-  
nua die (q̄ erit, cui credā? aut quādo iste Metonis annus  
ueniet?) aut Vecteni cōditione, semisse. σκέψαι igitur. ac  
uereor, ne iste iā auctiōnē nullā faciat, sed ludis factis  
\* Clypo subsidio currat, ne talis uir ἀλογηθῇ. sed μελέσῃ.

## CICERO ATTICO S.

O' GRATAS tuas mihi, iucū dās q; literas. quid  
queris? restitutus est mihi dies festus: angebar. n. quod Ti-  
ro ἐνεσθῆξεν te sibi esse uisum dixerat. addā igitur, ut  
censes, unū diem. Sed de Catone πρόβλημα ἄρχιμήδειον  
est. nō assequor, ut scribā, quod tui conuiuæ non modo  
libenter, sed etiā æquo animo legere possint. quin etiam,  
si à sententijs eius dictis, si ab omni uoluntate, consilijs q;  
quæ de Rep. habuit, recedam, ψυδῶς q; uelim graui-  
tatem, constantiam q; eius laudare: hoc ipsum tamē ὕς

AA i



LIB. XII. EPIST.

odiosum ἀκούσῃ sit. sed uere laudari ille uir nō potest, nisi hæc ornata sint, q̄ ille ea, quæ nunc sunt, & futura uiderit, & ne fierent, cōtenderit, et, facta ne uideret, uitā reliquerit. horū quid est, quod Atedio probare possumus? sed cura obsecro, ut ualeas, eāq; , quā ad omnes res adhibes, in primis ad cōualescendū adhibe prudentiā.

CICERO ATTICO S.

QUINTVS pater quartū, uel potius millesimum, nihil sapit, qui lætetur Luperco filio, & Statio, ut cernat duplici dedecore cumulata domū. addo etiam Philotimū tertium. ò stultitiam, nisi mea maior esset singularē. (q̄ autem osim hanc rem, ἐξαυον ἀ te) fac, non ad διψῶσαν κρήνην sed ad πειρήνην εἰ uenisse: ἀμπνδύμα σεμνόν. Αλφειοῦ πειρήνην (ut scribis) haurire, in tātis suis præsertim angustijs? ποῦ ταῦτ' ἂν ἀποσκύψαι? sed ipse uiderit. Cato me quidē delectat, sed etiam Bassum Luciliū sua. De Celio, tu quæres ut scribis. ego nihil noui. noscēda est natura, nō facultas modo. de Hortēσιο, & Virginio tu, si quid dubitabis: etsi, quod magis placeat, ego quantum aspicio, non facile inueneris. cum Mustela, quēadmodum scribis, cum uenerit Crispus. Ad Aulū scripsi, ut ea, quæ bene nosse de auro, Pisoni demonstrare: tibi. n. sanē assentior, & istud nimium diu duci, et omnia nūc undiq; contrahēda. te quidē nihil agere, nihil cogitare aliud, nisi quod ad me pertineat, facile perspicio, meisq; negotijs impediri cupiditatē tuam ad me ueniendi. sed mecū esse te puto, non solū q̄ meam rem agis, uerū etiā q̄ uidere uideor, quo modo agas: neq; .n. ulla hora tui mihi est operis ignota. Tubulū Præt. ui-



deo L. Metello, Q. Maximo Coss. nūc uelim, P. Scauola  
Pōtifex maximus, quibus Coss. Tribunus pl. equidē puto  
Cepione, & Pōpeio: Prator enim P. Furio Sex. Attilio.  
dabis igitur Tribunatū, & si poteris, Tubulus quo cri  
mine. & uide quāso, L. Libo, ille, qui de Ser. Galba, Cen  
sorino, et Mālio, an Quintio, Mālio Coss. Trib. pl. fuerit:  
cōturbor. n. in Bruti epitoma Fānianorū, scripsi, quod  
erat in extremo: idq; ego secutus, hūc Fānniū, qui scri  
psit historiā generū esse scripserā Leliū. sed tu me reque  
re uide: te autē nūc Brutus, et Fānius. ego ta  
mē de bono auctore Hortēsiō sic acceperā, ut apud Bru  
tū est. hūc igitur locū expedies. Ego misi Tironē Do  
labellā obuiā. is ad me idibus reuertetur. te expecta  
bo postridie. De Tullia mea tibi antiquissimū. esse ui  
deo: idq; ita ut sit, te uehementer rogo. Ergo & in inte  
gro omnia: sic. n. scribis. mihi etsi Calēda uitāda fue  
rūt, incessionumq; ἀγέροντα fugiēda, conficiēdaq; tabu  
la: nihil tamē tani, ut à te abessem, fuit. cum Romae  
essem, & te iam iamq; uisurū me putarē quotidie; ta  
mē horā, quibus expectabā, lōgā uidebātur. scis me mi  
nime esse blandū. itaq; minus aliquāto dico, q̄ sentio.

CICERO ATTICO S.

DE CELIO uide quāso, ne quae lacuna sit in au  
ro. ego ista nō noui: sed certe in collybo est detrimēti  
satis. huc aurū si accedit: sed quid loquor itū uidebis. Ha  
bes Hegesiae genus, quod Varro laudat. Venio ad Tyran  
nionē. an tu sūerū hoc fuit; sine me? at ego quoties, cum  
essem otiosus, sine te tamen nolui? quo modo hoc ergo  
lues? uno scilicet, si mihi librū miseris: quod ut facias,



LIB. XII. EPIST.

etiam, atque etiā rogo. etsi me non magis liber ipse delectabit, quā tua admiratio delectauit: ἀμο. n. πάντα φιλόδημον: τεῦ; istā tā tenuem δέωριαν tā ualde admiratum esse gaudeo. etsi tua quidem sunt eiusmodi omnia: scire. n. uis: quo uno animus alitur. sed quaeso quid ex ista acuta, & graui refertur ad τέλθ? sed longa oratio est, & tu occupatus in meo fortasse aliquo negotio: & pro isto asso sole, quo tu abusus es in nostro praeulo, à te nitidum solem, unctumq; repetemus. sed ad prima redeo. librum, si me amas, mitte: tuus est enim profecto, quoniam quidem est missus ad te. Vale.

CICERO ATTICO S.

TANTVM ne ab re tua est otij tibi, ut etiā Oratorem legas? maxē uirtute: mihi quidē gratū. et erit gratius, si nō modo in libris tuis, sed etiā in aliorū per librariorum tuos Aristophanē reposueris pro Eupoli. Caesar autē mihi irridere uisus est QVAESO illud tuū, quod erat ὀμπνές, et urbanū. ita porro te sine cura esse iussit, ut mihi qdē dubitationē omnē tolleret. Atticā doleo rādiu: sed quoniā iā sine horrore est, spero esse, ut uolumus.

CICERO ATTICO S.

QVAE desideras, omnia scripsi in codicillis, eosq; E-roti dedi: breuiter, sed etiā plura, quā quæris: in ijs de Cicerone, cuius quidē cogitationis initiū tu mihi attulisti. locutus sum cū eo liberalissime: quod ex ipso uelim, si modo tibi erit cōmodum, sciscitare. sed quid differo? exposui, te ex me detulisse, ecquid uellet, ecquid requireret: uelle Hispaniam, requirere liberalitatem. e. liberalitatem.



litate, dixi, quantum Publius, quantum Flamen Lentulus filio. de Hispania duo attuli, primum idē, quod tibi, me uereri uituperationē: nō satis esse, si hæc arma reliquissemus? etiā cōtraria? deinde fore, ut angeretur, cum à fratre familiaritate & omni gratia uinceretur. uelim magis liberalitate uiri mea, quàm sua libertate: sed tamen permisi: tibi. n. intellexerā nō nimis displicere. ego etiā, atque etiā cogitabo: teq; ut idem facias, rogo. magna res: simplex est manere: illud anceps. uerū uidebimus. De Balbo, & in codicillis scripseram, & ita cogito, simul ac redierit. sin ille tardius, ego tamē triduū. & quod præterij, Dolabella etiā mecum. Vale.

## CICERO ATTICO S.

DE Cicerone, multis res placet. comes est idoneus. sed de prima pensione ante uideamus: adest enim dies, et ille currit. scribe quaeso, quid referat Celer egisse Cæsarem cum candidatis, utrum ipse in foenicularium, an in campū Martium cogitet. & sanē scire uelim, nunquid necesse sit comitijs esse Romæ: nam & Piliæ satisfaciendum est, et utique Atticæ. Vale.

## CICERO ATTICO S.

NAE ego essem hic libenter, atque id quotidie magis, ni esset ea causa, quā tibi superioribus literis scripsi. nihil hac solitudine incūdus, nisi paulū interpellasset Amyntæ filius, ὁ ἀπεργαντολογίαν δοῦς. cetera noli putare ambiliora fieri posse ulla litore, prospectu maris, tum his rebus omnibus. sed neque hæc digna longioribus literis, nec erat, quod scriberem, & somnus urgebat.



L I B. XII. E P I S T.

CICERO ATTICO S.

MALE mehercule de Athamāte : tuus autē dolor humanus is quidē, sed magnopere moderādus. consolatio nū autē multe uia, sed illa rectissima. impetret ratio, quod dies impetratura est. Alexim uero curemus, imaginē Tironis. quē agrū Romā remisi, et, si qd habet collis ἐπιδαμνιον, ad me cū testamēto transferamus. tota domus  
\* superior uacat, ut scis. hoc puto ualde ad rē pertinere.

CICERO ATTICO S.

MALE de Seio: sed omnia humana tolerabilia ducēda: ipsi enim quid sumus? aut quādiu hēc curaturi sumus? ea uideamus, quae ad nos magis pertinēt, nec tamē multo, quid agamus de senatu. Et, ut ne quid praeomitā, Cesonius ad me literas misit, Posthumia Sulpitij domū ad se uenisse. de Pōpeij Magni filia, tibi rescripsi, nihil me hoc tēpore cogitare. alterā uero illam, quam tu scribis, puto nosti: nihil. n. uidi foedius. sed adsum. corām igitur. Obsignata epistola accepi tuas. Atticē hilaritatem libenter audio: cōmotiunculis συμπάσχω.

CICERO ATTICO S.

DE dote, tāto magis perpurga. Balbi regia cōditio est delegandi. quouo modo cōfice. turpe est rem impediatam iacere. Insula Arpinas habere potest germanam ἀποθέωιν: habere uideatur: ἐκχούμω est: igitur animus in hortis: quod tamē inspiciā, cum uenero. De Epicuro, ut uoles: etsi μεθαρμόζομαι in posterum genus hoc personarū. incredibile est, q̄ ea quidam requirant.



ad antiquos igitur : ἀνεμέστων γὰρ. nihil habeo, ad te quod perscribā : sed tamen institui quotidie mittere, ut eliciam tuas literas, non quo aliquid ex his expectem, sed nescio quo modo tamen expecto. quare siue habes quid, siue nihil habes, scribe tamen aliquid, teq; cura. cō mouet me Attica. etsi assentior Cratero. Bruti literæ scriptæ & prudēter & amice, multas mihi tamē lacrymas attulerūt. me hæc solitudo minus stimulat, quā ista celebritas. te unū desidero. sed literis non difficilius utor, quā si domi essem. ardor tamē ille urget, et manet, nō mehercule indulgēte me, sed tamē non repugnante.

Quod scribis de Apuleio, nihil puto opus esse tua contentione, nec Balbo, & Oppio; quibus quidē ille receperat, mihiq; etiā iusserat nunciari, se molestū omnino nō futurū. sed cura, ut excuser morbi causa in dies singulos. Lenas hoc receperat. prēde C. Septimium, L. Statilium. denique nemo negabit se iuraturū, quē rogaris. quod si erit durius, ueniam, & ipse perpetuū morbum iurabo: cum enim mihi carendum sit conuiuijs, malo id lege uideri facere, quā dolore. Cocceium uelim appelles: quod enim dixerat, non facit. ego autem uolo aliquod emere latibulum, perfugium doloris mei. Vale.

## CICERO ATTICO S.

DE me excusando apud Apuleiū dederā ad te prius die literas. nihil esse negotij arbitror. quēcūque appellaris, nemo negabit. sed Septimiū uide, & Lanatē, & Statiliū: tribus. n. opus est. sed mihi Lenas totum receperat. Quod scribis, à Iunio te appellatū: omnino Cornificius loquax est: sed tamē scire uelim, quādo dicar spopōdisse,



LIB. XII. EPIST.

Et pro patre, an ne pro filio : neque eo minus, ut scribis, procuratores Cornificij, et Apuleiū prædiorē uidebis. Quod me ab hoc mœrore recreari uis, facis, ut omnia: sed me mihi nō defuisse tu testis es : nihil. n. de mœrore minuendo scriptum ab ullo est, quod ego non domi tuæ legerim. sed omnem consolationem uincit dolor. quin etiam feci, quod profecto ante me nemo, ut ipse me per literas consolaretur. quem librum ad te mittam, si descripserint librarij. affirmo tibi nullam consolationem esse talem. totos dies scribo, non quo proficiā quid, sed tantisper impediōr, non equidem satis (uis enim urget) sed relaxor tamen, ad omniāq; nitor, non ad animum, sed ad uultum ipsum, si quæ, reficiendum : idq; faciens, interdum mihi peccare uideor, interdum peccaturus esse, nisi faciam. solitudo aliquid adiuuat : sed multo plus proficeret, si tu tamen interesses. quæ mihi una causa est hinc discedendi. nam pro malis recte habebat. quanquam ipsum doleo : non enim iam in me idem esse poteris. perierunt illa, quæ amabas. De Bruti ad me literis scripsi ad te antea. prudenter scriptæ : sed nihil, quod me adiuuarent. quod ad te scripsit, id uellem, ut ipse adesset: certe aliquid, quoniam me tam ualde amat, adiuuaret. quod si quid scies, scribas ad me uelim, maxime autem, Pansa quando. De Attica doleo. credo tamen Cratæro. Piliam angere uetabat. Vale.

CICERO ATTICO S.

PRO omnibus apud Apuleiū, quoniam in perpetuū nō placet, in dies ut excuser, uidebis. in hac solitudine careo omniū colloquio: cumq; mane me in syluā ab-



strusi densam, & asperam, non exeo inde ante uesperū.  
secundum te, nihil est mihi amicus solitudine. in hac  
mihi omnis sermo est cum literis. eum tamen interpel-  
lat fletus: cui repugno, quoad possum: sed adhuc pa-  
res non sumus. Bruto, ut suades, rescribam. eas lite-  
ras cras habebis. cum erit cui des, dabis. Vale.

## CICERO ATTICO S.

TE tuis negotijs relictiis malo ad me uenire: ego. n.  
potius accedam, si diutius impediere: etsi ne deceissem  
quidem ē conspectu tuo, nisi me plane nihil ulla res ada-  
iuuaret. quod si esset aliquod leuamē, id esset in te uno:  
& cum primum ab aliquo poterit esse, à te erit. nunc  
tamen ipsum sine te esse non possum: sed nec tuæ do-  
mū probatur, nec meæ poteram: nec, si propius essem  
uispam, tecum tamen essem: idem enim te impediret,  
quo minus mecum esses, quod nunc etiam impedit. mihi  
adhuc nihil aptius fuit hac solitudine: quam uereor ne  
Philippus tollat: heri enim uesperī uenerat. me scriptio,  
& literæ non leniunt, sed obturbant. Vale.

## CICERO ATTICO S.

MARTIANVS ad me scripsit, me excusatum  
esse apud Apuleiū à Laterensi, Nasone, Lanate, Torqua-  
to, Strabone. his uelim meo nomine reddendas literas cu-  
res, gratum mihi eos fecisse. Quod pro Cornificio  
me ab hinc amplius annis XXV. spondisse dicit Fla-  
uius, etsi reus locuples est, & Apuleius prædiator libe-



LIB. XII. EPIST.

ralis, tamen uelim des operam, ut inuestiges ex conspon-  
 sorum tabulis, sit ne ita: mihi enim ante Aedilitatem  
 meam nihil erat cum Cornificio. potest tamen uideri.  
 sed scire certum uelim, & appelles procuratores, si tibi  
 uidetur: quanquam quid ad me? ueruntamen. Pansa  
 professionem scribes, cum scies. Atticam saluere iube, &  
 eam cura obsecro diligenter. Filiae salutem. Vale.

CICERO ATTICO S.

DUM recordationes fugio, quæ quasi morsu quodã  
 dolorem efficiunt, refugio à te admonendo. quod uelim  
 mihi ignoscas, eiusmodi est: etenim habeo nonnullos ex  
 ijs, quos nunc lectito, auctores, qui dicant fieri id oportere,  
 quod sæpe tecum egi, & quod à te approbari uolo,  
 de fano illo dico, de quo tantum, quantum me amas, ue-  
 lim cogites. equidem neque de genere dubito; placet  
 enim mihi Cluatij: neque de re; statutum est enim:  
 de loco non nunquam. uelim igitur cogites. ego, quan-  
 tum his temporibus tam eruditus fieri poterit, profecto  
 illam consecrabo omni genere monumentorum ab om-  
 nium ingenijs scriptorum & Græcorum, & Latinorū.  
 quæ res forsitan sit refricatura uulnus meum. sed iam  
 quasi uoto quodam, & promisso me teneri puto: lon-  
 gumq; illud tempus, cum non ero, magis me mouet,  
 quàm hoc exiguum, quod mihi tamen nimium longum  
 uidetur: habeo enim nihil, tentatis rebus omnibus, in  
 quo acquiescam: nam, dum illud trahebam, de quo  
 antea scripsi ad te, quasi fouebam dolores meos: nunc  
 omnia respuo, nec quidquam habeo tolerabilius, quàm  
 solitudinem



Solitudinem: quam, quod eram ueritus, non obturbauit  
Philippus: nam, ut heri me salutauit, statim Romā pro  
fectus est. Epistolam, quā ad Brutum, ut tibi placue-  
rat, scripsi, misi ad te. curabis cum tua perferendam.  
eius tamen misi ad te exemplum, ut, si minus placeret,  
ne mitteres. Domestica quod dis ordine administrari,  
scribes, quæ sunt ea: quædam enim expecto. Cocceius  
uide ne frustretur. nam Libo quod pollicetur, ut Eros  
scribit, non incertum puto. de sorte mea Sulpitio con-  
fido, & Egnatio scilicet. de Apuleio quid est, quod labo-  
res? cum sit excusatio facilis. Tibi ad me uenire, ut o-  
stendis, uide, ne non sit facile: est enim longū iter, disce-  
dentemq; te, quod celeriter tibi erit fortasse faciendum,  
non sine magno dolore dimittam. sed omnia, ut uoles:  
ego enim, quidquid feceris, id cum recte, tum etiā mea  
causa factum putabo. Heri, cum ex aliorum literis  
cognouissem de Antonij aduentu, admiratus sum nihil  
esse in tuis: sed erant pridie fortasse scriptæ, quàm da-  
tæ. neq; ista quidem curo. sed tamen opinor propter  
prædes suos accucurrisse. Quod scribis Terentiam de  
obsignatoribus mei testamenti loqui: primum tibi per-  
suade, me istæc non curare, neq; esse quidquam aut par-  
uæ curæ, aut nouæ loci: sed tamen quid simile? illa eos  
non adhibuit, quos existimauit quæsituros, nisi scissent,  
quid esset: num id etiā mihi periculi fuit? sed tamē  
faciat illa, quod ego. dabo meum testamentum legen-  
dum cui uoluerit. intelliget non potuisse honorificen-  
tius à me fieri de Nepote, quàm fecerim. nam quod nō  
aduocaui ad obsignandum: primum mihi non uenit in  
mētē: deinde ea re nō uenit, quia nihil attinuit. tute



## LIB. XII. EPIST.

scis, (si modo meministi) me tibi tum dixisse, ut de tuis aliquos adduceres: quid enim opus erat multis? equidem domesticos iusseram. tum tibi placuit, ut mittere ad Silium: inde est natū, ut ad Publiū. sed necesse neutrum fuit. hoc tu tractabis, ut tibi uidebitur. Vale.

## CICERO ATTICO S.

EST hic quidē locus amœnus, & in mari ipso, qui et Antio, & Circaeis aspici possit: sed ineunda nobis ratio est, quemadmodum in omni mutatione dominorum, q̄ innumerabiles fieri possunt in infinita posteritate, (si modo hæc stabunt) illud, quasi consecratum, remanere possit. equidem iam nihil egeo uectigalibus, & paruo contentus esse possum. cogito interdum trans Tyberim hortos aliquos parare, & quidem ob hanc causam maxime: nihil enim uideo, quod tā celebre esse possit: sed quos, coram uidebimus, ita tamen, ut hac æstate fanum absolutum sit. tu tamen cum Apella Chio confice de columnis. De Cocceio, & Libone qua scribis, approbo, maxime, quod de iudicatu meo responsum sit. si quid perspexeris, & tamen quid procuratores Cornificij dicant, uelim scire, ita, ut in ea re te, cum tam occupatus sis, non multum operæ uelim ponere. De Antonio quoque Balbus ad me cum Oppio conscripsit, idq; tibi placuisse, ne perturbarer. illis egi gratias. te tamen, ut iam ante ad te scripsi, scire uolo, me neque isto nuntio esse perturbatum, nec iam ullo perturbatum iri. Pansa si hodie, ut putabas, profectus est, posthac iam incipito scribere ad me, de Bruti aduentu quid expectes, id est quos ad dies. id, si scies



ubi iam sit, facile coniectura assequere. Quod ad Ti-  
ronem de Terentia scribis, obsecro te mi Attice suscipe  
totum negotium. uides & officium agi meum quod-  
dam, cui tu es conscius, & ut non nulli putant, Cicero  
nis rem. me quidem id multo magis mouet, quod mihi  
est & sanctius, & antiquius; præsertim cum hoc alte-  
rum neq; sincerum, neq; firmum putem fore. Vale.

## CICERO ATTICO S.

NON dum uideris perspicere, quàm me nec Antonius  
comouerit, nec quidquid ita eiusmodi possit comouere.  
De Terentia autem scripsi ad te ijs literis, quas dederam  
pridie. Quod me hortaris, idq; à ceteris desiderari scri-  
bis, ut dissimule me ita grauiter dolere: possum ne ma-  
gis, q̃ totos dies consumo in literis? quod etsi nō dissi-  
mulationis, sed potius leniendi, & sanandi animi causa  
facio: tamen, si mihi minus proficio, simulationi certe  
facio satis. minus multa ad te scripsi, quod expectabam  
tuas literas ad eas, quas ad te pridie dederam: expecta-  
bam autem maxime de fano, nō nihil etiam de Teren-  
tia. uelim me facias certiore proximis literis, Cn. Ce-  
pio Seruiliæ Claudij pater uiuo ne patre suo naufragio  
perierit, an mortuo; item Rutilia uiuo ne C. Cotta fi-  
lio suo mortua sit, an mortuo. pertinet ad eum librum,  
quem de luctu minuendo scripsimus. Vale.

## CICERO ATTICO S.

LEGI Bruti epistolam; eamq; tibi remisi, sanè  
non prudenter rescriptam ad ea, quæ requisieras.  
sed ipse uiderit. quanquam illud turpiter ignorat.



## LIB. XII. EPIST.

Catonem primum sententiam putat de animaduersione dixisse, quam omnes ante dixerant, præter Cæsarem. Et cum ipsius Cæsaris tam seuera fuerit, qui tum prætorio loco dixerit; consulariū putat leniores fuisse, Catuli, Seruili, Lucullorum, Curionis, Torquati, Lepidi, Gelii, Volcatij, Figuli, Cotta, L. Cæsaris, C. Pisonis, etiam M. Atilij Glabrionis; Silani, Murenæ, designatorū Consulū. cur ergo in sententiam Catonis? quia uerbis luculentioribus, et pluribus rem eandem comprehendit. me autē hic laudat, quod retulerim, non quod patefecerim, quod cohortatus sim, quod denique ante, quam consulerē, ipse iudicauerim. quæ omnia quia Cato laudibus extulerat in cælū, perscribendaque censuerat, iccirco in eius sententiā est facta discessio. hic autē se etiam tribuere multū mihi putat, quod scripserit, optimū Consulē: quis. n. ieiunius dixit inimicus? ad cætera uero tibi quemadmodum rescripsit? tantum rogat de S. C. ut corrigas. hoc quidem fecisset, etiam si Rancio admonitus esset. sed hæc iterum ipse uiderit. De hortis, quoniam probas, effice aliquid. rationes meas nosti. si uero etiam à Faberio recedit, nihil negotij est. sed etiam sine eo posse uideor contendere. uenales certe sunt Drusi, fortasse et Lamiani, et Cassiani. sed coram. De Teretia nō possum commodius scribere, quam tu scribis. officium sit nobis antiquissimum. si quid nos fefellerit, illius malo me, quam mei poenitere. Quia C. Lolij curanda sunt HS C. negat Eros posse sine me; credo, quod accipienda alia qua sit, et danda aestimatio. uellem tibi dixisset: si enim res est, ut mihi scribit, parata, nec in eo ipso metitur, per te confici potuit. cognoscas, et conficias, ue-



lim. Quod me in forum uocas, eò uocas, unde etià bonis meis rebus fugiebam : quid enim mihi cum foro sine curia ? in oculos incurrentibus ijs, quos æquo animo uidere non possum ? Quod autem homines à me postulare scribis, ut Romæ sim, neq; mihi, ut absim, cōcedere, aut quatenus eos mihi concedere : iam pridem scito esse, cum unum te pluris, quàm omnes illos putem. ne me quidem contemno, meoq; iudicio multo stare malo, quàm omnium reliquorum : neque tamen progredior longius, quàm mihi doctissimi homines cōcedunt: quorum scripta omnia, quæcunque sunt in eam sententiã, non legi solum, quod ipsum erat fortis ægroti, accipere medicinam ; sed in mea etiam scripta transluli, quod certe afflicti, & fracti animi non fuit. ab his me remedijs noli in istam turbam uocare, ne recidã.

De Terentia quod mihi omne onus imponis, non cognosco tuam in me indulgentiam : ista enim sunt ipsa uulnera, quæ non possum tractare sine maximo gemitu. moderare igitur quæso, ut potes : neque enim à te plus, quàm potes, postulo. potes autem, quid ueri sit, perspicere tu unus. De Rutilia, quoniam uideris dubitare, scribes ad me, cum scies ; sed quamprimum, num Clodia D. Bruto consulari filio suo mortuo uixerit. id de Marcello, aut certe de Posthumia sciri potest, illud autem de M. Cotta, aut de Syro, aut de Satyro. De hortis etiam, atque etiam rogo. omnibus meis, eorumq; , quos scio mihi non defuturos, facultatibus, sed potero meis, enitendum mihi est. sunt etiam, quæ uendere facile possim : sed, ut non uendam, eiq; usuram pendam, à quo emero, non plus



## LIB. XII. EPIST.

animum, possum assequi; quod uolo, si tu me adiuuas, paratissimi sunt Drusi: cupit enim uendere. proximos puto Lamiae: sed abst. tu tamen, si quid potes, odorare. ne Silius quidem quidquam utitur, & ijs usuris facillime sustentabitur. habe tuum negotium, nec, quid res mea familiaris postulet, quam ego non curo, sed quid uelim, existima. Vale.

## CICERO ATTICO S.

P. V. T. A. R. A. M. te aliquid noui, q̄ eiusmodi fuerat initium literarum, quamuis non curare, quid in Hispania fieret, tamen te scripturum: sed uidelicet meis literis respondisti, ut de foro, & de curia. sed domus est, ut ais, forum. quid ipsa domo mihi opus est carenti foro? occidimus, occidimus Attice, iam pridem nos quidem, sed nunc fatemur, posteaq̄ unum, quo tenebamur, amisimus. itaq; solitudinem sequor. & tamen, si qua me res isto abdukerit, enitar, si quo modo potero (potero autem) ut praeter me nemo dolorum meum sentiat; si ullo modo poterit, ne tu quidem. atq; etiam illa causa est non ueniendi. me ministi, quid ex te Ate dius quaesierit. quin etiam nunc molesti sunt. quid existimas, si uenero? De Terentia ita cura, ut scribis, meq; hac ad maximas aegritudines accessione non maxima libera. et, ut scias me ita dolere, ut non iaceam; quibus Consulibus Carneades, & ea legatio Romam uenerit, scriptum est in tuo annali: haec nunc quaero, quae causa fuerit: de Oropo opinor, sed certum ne scio: & si ita est, quae controuersiae; praeterea, qui eo tempore nobilis Epicureus fuerit Athenis, qui praefuerit hortis, qui etiam Athenis πολιτικοὶ fuerint illustres: quae



etiam ex Apollodori puto posse inueniri. De Attica molestū: sed quoniam leuiter, recte esse confido. De Magala dubiū mihi non erat: unde enim tā felix Ligus pater? nā quid de me dicā? cui ut omnia cōtingant, quæ uolo; leuari non possum. De Drusi hortis quanti li-  
cuisse tu scribis, id ego quoq; audierā, & ut opinor, he-  
ri ad te scripserā: sed quanti quanti, bene emitur, quod  
necesse est. mihi, quoquo modo tu existimas (scio enim,  
ego ipse quid de me existimē) leuatio quedam est, si mi-  
nus doloris, at officij debiti. Ad Sicam scripsi, quod  
utitur L. Cotta: si nihil conficeretur de Trāscyberinis,  
habet in Ostiensi Cotta celeberrimo loco; sed pusillum  
loci, ad hanc rem tamen plus etiam satis: id uelim co-  
gites, nec tamen ista pretia hortorum pertimueris. nec  
mihi argento iam, nec ueste opus est, nec quibusdam  
amoenis locis, hoc opus est. uideo etiam, à quibus adiu-  
uari possim. sed loquere cum Silio: nihil enim est me-  
lius. mādauit etiā Sicæ. rescripsit, constitutū se cū eo  
habere: scribat igitur ad me, quid egerit, et tu uidebis.

## CICERO ATTICO S.

BENE fecit A. Silius, qui transegerit: neque enim ei  
deesse uolebam, et, quid possem, timebam. De Ouia cō-  
fice, ut scribis. De Cicerone, tempus esse iam uidetur:  
sed quæro, quod illi opus erit Athenis, permutari ne pos-  
sit, an ipsi ferendum sit: de totāq; re, quemadmodum, et  
quando placeat, uelim consideres. Publius iturus ne  
sit in Africam, et quando, ex Atedio scire poteris. quæ-  
ras, & ad me scribas, uelim. & ut ad meas ineptias  
redeam, uelim me certiolem facias, P. Crassus Vinu-

BB iij



LIB. XII. EPIST.

liae filius uiuo ne P. Crasso consulari patre suo mor-  
tuo sit, ut ego meminisse uideor, an post. item qua-  
ro de Regillo Lepidi filio, recte ne meminerim patre  
uiuo mortuum. Cuspiana explicabis, itemq; Pretia-  
na. De Attica, optime: & ci salutem dices, & Piliae.

CICERO ATTICO S.

S CRIPSIT ad me diligenter Sica de Silio, seq; ad te  
rem detulisse, quod tu idem scribis. mihi & res, &  
conditio placet, sed ita, ut numerato malim, quam  
aestimatione: uoluptarias enim possessiones nolet Si-  
lius: uectigalibus autem ut his possum esse contentus,  
qua habeo, sic uix minoribus. unde ergo numerato?  
HS DC exprimes ab Hermogene, cum praesertim ne  
cesse erit. & domi uideo esse HS DC. reliqua pecu-  
niae uel usuram Silio pendemus, dum a Faberio, uel ab  
aliquo, qui Faberio debet, representabimus. erit etiam  
aliquid alicunde. sed totam rem tu gubernabis. Dru-  
sianis uero hortis multo antepono: neq; sunt unquam  
comparati, mihi crede. una me causa mouet, in qua  
scio me τετυφωσθαι: sed, ut facis, obsequere huic erro-  
ri meo. nam quod scribis ἐγγύαμα: actum iam de isto  
est, alia magis quaero. Vale.

CICERO ATTICO S.

S ICA, ut scribit, etiam si nihil confecerit cum A.  
Silio, tamen se scribit X. Cal. esse uenturum. cuius  
occupationibus ignosco: caeq; mihi sunt notae. De uo-  
luntate tua, ut simul simus, uel studio potius, & cupi-  
ditate, non dubito. De Nicia quod scribis: si ita me



haberem, ut eius humanitate frui possem, in primis uellem illum mecum habere: sed mihi solitudo, & recessus provincia est: quod quia facile ferebat Sica, eo magis illum desidero. præterea nosti Nicia nostri imbecillitatem, mollitiem, consuetudinem uictus. cur ego illi molestus uelim, cum mihi ille iucundus esse non possit? uoluntas tamen eius mihi grata est. Vnā rem ad me scripsisti, de qua decreui nihil tibi rescribere: spero enim me à te impetrasse, ut priuares me ista molestia. Pilia, & Attica salutem. Vale.

## CICERO ATTICO S.

DE SILIANO negotio, etsi mihi non est ignota conditio, tamen hodie me ex Sica arbitror omnia cognitum. Cotta quidem negas te nosse: sed ultra Silianam uillam est, quam puto tibi notam esse, uillula sordida, & ualde pusilla: nihil agri: ad aliam rē loci satis, nihil ad eam, quā quero. sequor celebritatē. sed, si perficitur de hortis Silij, hoc est si perficis (est enim totū positum in te) nihil est scilicet, quod de Cotta cogitemus.

De Cicerone, ut scribis, ita faciam. ipsi permittam de tempore. numorum quātum opus erit, ut permutetur, tu uidebis. Ex Aledio, quod scribis, si quid inueneris, scribes. & ego ex tuis animaduerto literis, et profecto tu ex meis, nihil habere nos, quod scribamus. eadē quotidie. quæ iā, iamq; ipsa contrita sunt. tamē facere nō possum, quin quotidie ad te mittam, ut tuas accipiam.

De Bruto tamē, si quid habebis: scire enim iā puto, ubi Pansam expectet: si, ut cōsuetudo est, in prima provincia, circiter Calendas affuturus uidetur. uellē, tardius:



## LIB. XII. EPIST.

ualde enim Urbem fugio multas ob causas. itaq; id ipsum dubito, an excusationem aliquam ad illum parem: quod quidem uideo facile esse. sed habemus satis tēporis ad cogitandum. Pilae, Atticae salutem. Vale.

CICERO ATTICO S.

**D**E SILIO nihilo plura cognoui ex praesente Sica, q̄ ex literis tuis: scripseras enim diligenter. si igitur tu illū conueneris, scribes ad me, si quid uidebitur. de quo putas ad me missum esse, sit missum, nec ne, scio dictū quidē mihi. certe nihil est. tu igitur, ut coepisti: & si quid ita conficies, (quod equidē nō arbitror fieri posse) ut illi probetur, Ciceronē, si tibi placebit, adhibebis. eius aliquid interest, uideri illius causa uoluisse; mea quidē nihil, nisi id, quod tu scis, quod ego aestimo. Quod me ad consuetudinem reuocas, fuit meum quidem iam pridem Remp. regere, quod faciebam: sed interea erat, ubi acquiescerem. nūc plane nec ego uictum, nec uitam illam colere possum: nec in ea re, quid alijs uideatur, mihi puto curādum. mea mihi cōscientia pluris est, quā omnium sermo. quod me ipse per literas cōsolatus sum, non poenitet me quantum profecerim. moerorem minui: dolorem nec potui, nec, si possem, uellem. De Triario, bene interpretaris uoluntatem meam. tu uero nihil, nisi ut illi uolet. amo illum mortuum: tutor sum liberis: totam domū diligo. De Castriciano negotio, si Castricius pro mancipijs pecuniam accipere uolet, eāq; ei solui, ut nunc soluitur; certe nihil est cōmodius. sin autem ita actum est, ut ipsa mācipia abduceret; nō mihi uidetur esse æquum: rogas enim me, ut tibi scribā,



quid mihi uideatur : nolo enim negotij Quintum fratrem quidquam habere : quod uideor mihi intellexisse, tibi uideri idem. Publius, si æquinoctium expectat, ut scribis Atedium dicere, nauigaturus uidetur. mihi autem dixerat, per Siciliam. utrum, & quando, uelim scire. & uelim aliquando, cum erit tuum cōmodum, Lentulum puerum uisas, eiq; de mancipijs, quæ tibi uidebitur, attribuas. Piliæ, Atticæ salutem. Vale.

## CICERO ATTICO S.

SILIVS, ut scribis, hodie. cras igitur, uel potius cum poteris, scribes, si quid erit, cum uideris. Nec ego Brutum uito, nec tamen ab eo leuationē ullam expecto : sed erāt causæ, cur hoc tempore istic esse nollem : quæ si manebunt, quærenda erit excusatio ad Brutum : & ut nunc est, mansuræ uidentur. De hortis, quæso, explica. caput illud est, quod scis. sequitur, ut etiam mihi ipsi quiddam opus sit : nec enim esse in turba possum, nec à nobis abesse. huic meo consilio nihil reperio isto loco aptius. & de hac re quid tui consilij sit, mihi persuasum est, et eo magis, quòd idem intellexi tibi uideri ; me ab Oppio, et Balbo ualde diligì. cum ijs communices, quanto opere, et quare uelim hortos ; sed ita posse, si expediatur illud  
 \* Faberianum. sint igitur auctores futuri, si qua etiam iactura facienda sit in representando ( quod possum ) adducito : tum enim illud desperatum denique intelliges, & quid inclinent ad hoc meum consilium adiuvandum. si quid erit, magnum est adiumentum : sin minus, quacunque ratione contendamus. uetus illud ἐγγύς μοι. quemadmodum scripsisti, uel ἐν τῷ φρον. pu-



LIB. XII. EPIST.

rato . De illo Ostiensi nihil est cogitandum , si hoc non assequimur . à Lamia non puto posse . Damasippi experiendum est. Vale.

CICERO ATTICO S.

QV AERO , quid ad te scribam : sed nihil est : eadem quotidie . Quod Lentulum inuisis , ualde gratum . pueros attribue ei quot , & quos uidebitur . De Siliij uoluntate uendendi , & de eo , quanti : tu uereri uideris , primum ne nolit , deinde ne tanti . Sica aliter , sed tibi assentior . quare , ut ei placuit , scripsi ad Egnatium . quod Silius te cum Clodio loqui uult , potes id mea uoluntate facere , comodiusq; id est , quàm , quod ille à me petit , me ipsum scribere ad Clodium . De macti-  
pijs Castricianis , comodissimū esse credo trāsfigere Egnatium : quod scribis te ita futurum putare . Cum Ouidia quæso quidem ut conficiatur . Quoniam , ut scribis , nox erat , in hodierna epistola plura expecto . Vale.

CICERO ATTICO S.

S ILIUM mutasse sententiam Sica mirabatur . equidem magis miror , quod , cum in filium causam conferret , quæ mihi nō iniusta uidetur ( habet enim , qualem uult ) ais te putare , si addiderimus aliud , à quo refugiat , cum ab ipso id fuerit , destinatum uenditurum . Queris à me , quod summum pretium constituam ; & quantum anteire istos hortos , Drusi : accessi nunquam ; Coponianam uillam , & ueterem , et nō magnam , noui , syluam nobilem , fructum autem neutrius : quod tamē puto nos scire oportere . sed mihi , utrius istorum , tēpo-



re magis meo, quàm ratione æstimandi sunt. possim autem assequi, nec ne, tu uelim cogites. si enim Faberianum uenderem, explicare uel repræsentatione non dubitarem: de Silianis, si modo adduceretur, ut uenderet: si uenales nō haberet, transirem ad Drusum uel tanti, quanti Egnatius illum uelle tibi dixit. magno etiam adiumento nobis Hermogenes potest esse in repræsentando. at concede mihi quaeso, ut eo animo sim, quo is debeat esse, qui emere cupiat. & tamen seruius ita cupiditati, & dolori meo, ut à te regi uelim. Egnatius mihi scripsit. is si quid tecum locutus erit (commodissime enim per eum agi potest) ad me scribes: & id agendum puto: nam cum Silio nō uideo confici posse. Piliæ, & Atticæ salutem. hæc ad te mea manu. uide quaeso, quid agendum sit. Vale.

## CICERO ATTICO S.

PUBLILIA ad me scripsit, matrem suam cum Publiilio loqui, eam ad me cum illo uenturam, & se unā, si ego paterer. orat multis, & supplicibus uerbis, ut liceat, & ut sibi rescribam. res quàm molesta sit, uides. rescripsi, me etiam grauius esse affectum, quàm tum, cum illi dixissem, me solum esse uelle: quare nolle me hoc tempore eam ad me uenire. putabam, si nihil rescripsissem, illam cum matre uenturam: nunc non puto: apparebat enim illas literas nō illius esse. illud autem, quod fore uideo, ipsum uolo uitare, ne illæ ad me ueniant. & una est uitatio: & ego nollem: sed necesse est. te hoc nunc rogo, ut explores, ad quā diem hic ita possim esse, ut ne opprimar. ages, ut scri-



## LIB. XII. EPIST.

his, temperate. Ciceroni uelim hoc proponas (ita tamen, si tibi non iniquum uidebitur) ut sumptus huius peregrinationis (quibus, si Romæ esset, domumq; conduceret, quod facere cogitabat, facile contentus futurus erat) accommodet ad mercedes Argileti, & Auentini. & cum ei proposueris, ipse uelim reliqua moderare, quemadmodum ex his mercedibus suppeditemus ei quod opus sit. præstabo, nec Bibulum, nec Accidinum, nec Messalam, quos Athenis futuros audio, maiores sumptus facturos, quam quod ex eis mercedibus recipietur. itaque uelim uideas, primum conductores qui sint, & quanti: deinde ut sit, qui ad diem soluat, & quid uiatiki, quid instrumenti satis sit. iumeto certe Athenis nihil opus sit. quibus autem in uia utatur, domi sunt plura, quam opus erat: quod etiam tu animaduertis. Vale.

## CICERO ATTICO. 5.

E GO, ut heri ad te scripsi, si & Silius is fuerit, quæ tu putas, nec Drusus facilem se præbuerit, Damasippum uelim aggrediare. is, opinor, ita partem fecit in ripa nescio quotenorum iugerum, ut certa pretia constitueret; quæ mihi nota non sunt. scribes ad me igitur, quidquid egeris. Vehementer me sollicitat Atticæ nostræ ualerudo; ut uerear etiam, ne qua culpa sit. sed & pædagogi probitas, & medici assiduitas, et tota domus in omni genere diligens me rursus id suspicari uetat. cura igitur; plura enim non possum. Vale.



## CICERO ATTICO S.

E GO hic uel sine Sica ( Tironi enim melius est ) facillime possem esse, ut in malis : sed, cū scribas uidendū mihi esse, ne opprimar ; ex quo intelligā, te certum illius profectiois diē non habere ; putauī esse cōmodius, me istuc uenire ; quod idē uideo tibi placere. cras igitur in Sicā suburbano : inde, quēadmodū suades, puto me in Ficulēsi fore. qbus de rebus ad me scripsisti, quoniā ipse uenio, corā uidebimus. tuā qdē et in agēdis nostris rebus, et in cōsilijs inuēdis, mihiq; dandis, in ipsis literis, q̄s mittis, beneuolētiā, diligētīā, prudētīā mirifice diligo.

## CICERO ATTICO S.

T V tamen, si quid cū Silio, uel illo ipso die, quo ad Sicā uenturus ero ; certiorē me uelim facias, & maxī me cuius loci detractiōnē fieri uelit : quod enim scribis, extremi ; uide, ne is ipse locus sit, cuius causa de tota re ( ut scis ) est à nobis cogitatū. Hircij epistolā tibi misi, et recentē, et beneuole scriptā. ante, quā proxime discessi, nunq̄ mihi uenit in mentē, quo plus insumptū in mōnimentū esset, quā nescio quid quod lege conceditur, tantū dē populo dandū esse : quod nō magnopere moueret, nisi nescio quo modo ( ἀλόγως fortasse ) nollē illud ullo nomine nisi fani appellari. quod si uolumus, uereor, ne assequi nō possimus, nisi mutato loco. hoc quale sit, q̄so cōsidera : nā etsi minus urgeor, meq; ipse propemodū collegi, tamē indigeo tui cōsiliij. itaq; te uehemēter etiā, atq; etiā rogo, magis q̄ à me uis, aut pateris te rogari, ut hanc cogitationē toto pēctore amplectare. Vale.



## LIB. XII. EPIST.

CICERO ATTICO S.

**F**ANVM fieri uolo, neq; hoc mihi erui potest. se-  
pulcri similitudinem effugere non tam propter poenam  
legis studeo, quam ut maxime assequar ἀποδέωσι:  
quod poteram, si in ipsa uilla facerem: sed, ut saepe  
locuti sumus, commutationes dominorum reformido.  
in agro ubicunque fecero, mihi uideor assequi posse, ut  
posteritas habeat religionem. hæ meæ tibi ineptiæ (fa-  
tebor enim) ferendæ sunt: non habeo, ne me quidem  
ipsum, qui cum tam audacter cōmunicem, quam te. si  
tibi res, si locus, si institutum placet, lege quæso le-  
gem, mihiq; eam mitte. si quid in mentem ueniet, quo  
modo eam effugere possimus; utemur. Ad Brutū si  
quid scribes, nisi alienum putabis, obiurgato eum, quod  
in Cumano esse noluerit propter eam causam, quā tibi  
dixi: cogitāti enim mihi, nihil tam uidetur potuisse fa-  
cere rustice. et si tibi placebit sic agere de fano, ut cœ-  
pimus; uelim cohortere, & exacuas Cluatium: nam,  
etiam si alio loco placebit, illius nobis opera, consilioq;  
utendum puto. tu ad uillam fortasse cras. Vale.

CICERO ATTICO S.

**A**'TE heri duas epistolas accepi, alteram pridie datā  
Hilaro, alteram eodem die tabellario. accepiq; ab Aeg-  
gypta literas eodem die, Piliam, & Atticam plane bel-  
le se habere. tuæ literæ mihi redditæ sunt tertiodécimo  
die. Quod mihi Bruti literas, gratum. ad me quoque  
misit. eam ipsam ad te epistolam misi, & ad eā exem-  
plum mearū literarū. De fano, si nihil mihi hortorū  
inuenis,



inuenis, qui quidem tibi inueniendi sunt, si me tanti facis, quanti certe facis: ualde probo rationem tuam de Tusculano. quauis prudens ad cogitandum sis, sicut es: tamen, nisi magnæ curæ tibi esset, ut ego consequeretur id, quod magnopere uellē, nunquam ea res tibi tam belle in mentem uenire potuisset. sed nescio quo pacto celebritatem requiro. itaque hortos mihi cōficias, necesse est. maxima est in Scapula celebritas, propinquitas præterea ubi sis, ne totū diem in uilla. quare ante, quā discedit, Othonem, si Romæ est, conuenias peruelim. si nihil erit, etsi tu meā stultitiam consuesti ferre, ed tamen progrediar, ut mihi stomachere. Drusus. n. certe uendere uult. si ergo aliud erit, non mea erit culpa, nisi emero? qua in re ne labor, quæso provide. providendi autem una ratio est, si quid de Scapulanis possumus. & uelim me certio-riorem facias, quandiu in suburbano sis futurus. Apud Terentiā gratia opus est nobis, tuāq; auctoritate. sed facies, ut uidebitur: scio enim, si quid mea intersit, tibi maiori curæ solere esse, quā mihi. Hircius ad me scripsit, Sex. Pōpeium Corduba exisse, & fugisse in Hispaniam citeriorem, Cneum fugisse nescio quō, neque enim curo: nihil præterea noui. literas Narbone dedit XIII. Cal. Maij. Tu mihi de Caninij naufragio quasi dubiare misisti. scribas igitur, si quid erit certius. Quod me à mœstitia auocas, multum proficies, si locum sano dederis. multa mihi eīs ἀποδεύον in mentem ueniunt: sed loco ualde opus est. quare etiam Othonem uide. Vale.

CICERO ATTICO S.

NON dubito, quin occupatissimus fueris, qui ad

CC



## LIB. XII. EPIST.

me nihil literarum. sed homo nequam, qui tuum cōmodum non expectarit, cum ob eam unā causam missus esset. nunc quidem, nisi quid te tenuit, suspicor esse in suburbano. at ego hic scribendo dies totos nihil equidem leuor, sed tamen aberro. Asinius Polio ad me scripsit de impuro nostro cognato. quod Balbus minor super satis plane, Dolabella obscure, hic apertissime. ferrē grauitē, si noua agrimonie locus esset. sed tamen quid impurius? d hominem cauendum. quanquam mihi quidem. sed te mendus dolor est. tu, quoniam necesse nihil est, sic scribes aliquid, si uacabis. Quod putas oportere provideri iam animi mei firmitatem, grauiusq; quosdam scribis de me loqui, quā aut te scribere, aut Brutum: si, qui me fractum animo, & debilitatum putant, sciant quid literarum, & cuius generis conficiam; credo (si modo homines sint) existiment me, siue ita leuatus sim, ut animum uacuum ad res difficiles scribendas asseram, reprehendendum non esse; siue hanc aberrationem a dolore delegerim, quæ maxime liberalissima, doctoq; homine dignissima, laudari etiam oportere. sed cū ego faciam omnia, quæ facere possim ad me adiuuandum; tu effice id, quod uideo te non minus, quā me, laborare. hoc mihi debere uideor, neque leuari posse nisi soluero, aut uidero me posse soluere, id est locū, qualem uolo, inuenero. heredes Scapulae si istos hortos, ut scribis tibi Othonē dixisse, partibus quatuor factis, liceri cogitant: nihil est scilicet emptori loci. sin uenibunt: quid fieri possit, uidebimus. nam ille locus publicatus, qui est Trebonij, & Cusini, erat ad me allatus. sed scis aream esse. nullo pacto probo. Clodiae sanē placent, sed non puto esse ue-



nales. de Drusi hortis, quamuis ab ijs abhorreas, ut scribis; tamen ed confugiam, nisi quid inueneris. edificatio me non mouet: nihil enim aliud edificabo, nisi id, quod etiā si illos nō habuero. Κόρη mihi sic placuit, ut cetera Antisthenis, hominis acuti magis, quā eruditi. Vale.

CICERO ATTICO S.

TABELLARIVS cum ad me sine literis tuis uenisset, existimaui tibi eam causam nō scribendi fuisse, quod pridie scripisses, ea ipsa, ad quā rescripsi, epistola. expectaram tamen aliquid de literis Asinij Polionis. sed nimium ex meo otio tuum spectro. quanquam tibi remitto, nisi quid necesse erit, necesse ne habeas scribere, nisi eris ualde otiosus. De tabellarijs facere, quod suades, si essent ullæ necessariae literæ, ut erant olim, cum breuioribus diebus tamen quotidie respondebant tempori tabellarij: & erat aliquid, Silius, Drusus, alia quædam. nunc nisi Otho extitisset, quid scriberemus, nō erat. id ipsum dilatum est: tamen allenor, cum loquor tecum absens, multo etiā magis, cum tuas literas lego. sed quoniā & abes (sic enim arbitror) & scribendi necessitas nulla est, conquiescent literæ, nisi quid noui extiterit. Vale.

CICERO ATTICO S.

QUALIS futura sit Cæsaris uituperatio contra laudationē meā, perspexi ex eo libro, quē Hircius ad me misit, in quo colligit uitia Catonis, sed cum maximis laudibus meis. itaque misi librum ad Muscam, ut tuis librarijs daret. uolo enim eum diuulgari: quod quo facilius fiat, imperabis tuis. συμβουλεύτικόν saepe conor: ni-



LIB. XII. EPIST.

hil reperio : & quidem mecum habeo & Αριστοτέλους  
& Θεοπόμπου προς Αλέξανδρον : sed quid simile ? illi ,  
quæ & ipsis honesta essent, scribebant, & grata Alexan-  
dro. ecquid tu eiusmodi reperis ? mihi quidem nihil in-  
mentem uenit. Quod scribis te uereri, ne & gratia, et  
auctoritas nostra hoc meo maiore minuatur : ego, quid  
homines aut reprehendant, aut postulent, nescio: ne do-  
leam ? qui potest ? ne iaceam ? quis unquam minus ? dum  
tua me domus leuabat, quis à me exclusus ? quis uenit,  
qui offenderetur ? Asturam sum à te profectus. legere  
isti lati, qui me reprehendunt, tam multa non possunt,  
quàm ego scripsi : quàm bene, nihil ad rem : sed genus  
scribèdi id fuit, quod nemo abiecto animo facere posset.  
XXX dies in hortis fui. quis aut congressum meum,  
aut facilitatem sermonis desiderauit ? nunc ipsum, ea le-  
go, ea scribo, ut ij, qui mecum sunt, difficilius otium fe-  
rant, quàm ego laborem. si quis requirit, cur Romæ non  
sim ; quia discessus est : cur non sim in his meis prædio-  
lis, quæ sunt huius temporis ; quia frequentiam illam nō  
facile ferrem. ibi sum igitur, ubi is, qui optimas Baias  
habebat, quotannis hoc tempus consumere solebat. cum  
Romam uenero, nec uultu, nec oratione reprehendar. hī  
laritatem illam, qua hanc tristitiam temporum condie-  
bamus, in perpetuum amisi. constantia, & firmitas nec  
animi, nec orationis requiretur. De hortis Scapulanis  
hoc uidetur effici posse, aliud tua gratia, aliud nostra,  
ut præconi subiiciantur. id nisi fit, excludemur. sin ad  
tabulam uenimus, uincemus facultates Othonis nostra  
cupiditate. nam quod ad me de Lentulo scribis, non est  
in eo. Faberiana modo res certa sit, tuq; enitare, quod



facis : quod uolumus, consequemur. Quod quæris, quã diu hic : paucos dies : sed certũ nõ habeo: simul ac cõstituerò, ad te scribã: et tu ad me, quãdiu in suburbano sis futurus. quo die ego ad te hæc misi, de Pilia, & Attica mihi quoq; eadẽ, quæ scribis, et scribuntur, et nunciantur.

## CICERO ATTICO S.

NIHIL erat, quod scriberem : scire tamen uolebã, ubi esses ; si abes, aut abfuturus es, quando rediturus es. facias igitur me certiore. & quod tu scire uolebas, ego quando ex hoc loco : postridie Iduum Lanuuij constitui manere, inde postridie in Tusculano, aut Romæ. utrum sim facturus, eo ipso die scies. Scis, quã sit φιλαίτιον συμφορά, minime in te quidem: sed tamen auidesum affectus de fano ; quod nisi non dico effectum erit, sed fieri uidero, audebo, hoc dicere, et tu, ut soles, accipies, incurabit in te dolor meus, non iure ille quidẽ, sed tamen feres hoc ipsum, quod scribo, ut omnia mea fers, ac tulisti. omneis tuas consolationes unam hanc in rem uelim conferas. si quæris, quid optem : primũ Scapulæ, deinde Clodiæ, postea, si Silius nolet, Drusus aget iniuste, Cusini, & Trebonij. puto Terentium esse domi nũ, Rebilum fuisse certo scio. sin autem tibi Tusculanũ placet, ut significasti quibusdam literis : tibi assentiar. hoc quidem utique perficies, si me leuari uis, quem iam etiam grauius accusas, quã patitur tua consuetudo : sed facis summo amore, & uictus fortasse uicio meo : sed tamen, si me leuari uis, hæc summa leuatio, uel, si uerum scire uis, una. Hircij epistolã si legeris, quæ mihi quãsi πρόπλασμα uidetur eius uituperationis, quã



LIB. XII. EPIST.

Cæsar scripsit de Catone, facias me, quid tibi uisum sit, si tibi erit cōmodum, certiorē. Redeo ad fanū: nisi hac æstate absolutum erit, quam uides integram restare; scelere me liberatum non putabo. Vale.

CICERO ATTICO S.

NULLVM à te desideravi diē literarū. uidebā. n. quæ scribis: & tamen suspicabar, uel potius intelligebā, nihil fuisse, quod scriberes. ad V I. Id. uero & abesse te putabam, & plane uidebam nihil te habere. ego tamen ad te ferē quotidie mittam: malo. n. frustra, q̄ te non habere, cui des, si quid forte sit, quod putes me scire oportere. itaque accepi V I. Id. literas tuas inanes: quid. n. habebas, quod scriberes? mihi tamē illud, quid= quid erat, non molestum fuit, nihil aliud, scire me, noui te nihil habere. scripsisti tamē nescio quid de Clodia: ubi ergo ea est, aut quādo uentura? placet mihi res sic, ut secundum Othonē nihil magis. sed neque hāc uenditurā puto; delectatur. n. & copiosa est: & illud alterū quā sit difficile, te nō fugit. sed obsecro enitamur, ut aliquid ad id, quod cupio, excogitemus. ego me hinc postridie exiturum puto, sed aut in Tusculanū, aut domum, inde fortasse Arpinum. cum certum sciero, scribam ad te. Venerat mihi in mentē monere te, ut id ipsum, quod facis, faceres: putabam. n. cōmodius te idem istud domi agere posse interpellatione sublata. Vale.

CICERO ATTICO S.

EGO postridie Idū, ut scripsi ad te ante, Lanuuī manere constitui, inde aut Romæ, aut in Tusculano. scies



★ ante utrunque. Quod scies recte illā rem fore leuamen-  
to, bene facis, cū id esset ( mihi crede ) perinde, ut existi-  
mare tu nō posses. res indicat quantopere id cupiam, cū  
tibi audeam confiteri, quē id non ita ualde probare ar-  
bitrer. sed ferendus tibi in hoc meus error, ferendus? im-  
mo uero etiā adiuuandus. De Othone, diffido, fortas-  
se quia cupio: sed tamen maior etiam res est, quā fa-  
cultates nostrae, praesertim aduersario & cupido, &  
locuplete, & herede. proximum est, ut uelim Cloa-  
die. si ista minus confici possunt, effice quiduis. ego  
me maiore religione, quā quisquam fuit ullius uoti,  
obstrictum puto. uidebis etiam Trebonianos: etsi ab-  
sunt domini. sed, ut ad te heri scripsi, considerabis  
etiam de Tusculano; ne aetas effluat: quod certe non  
est committendum. Vale.

CICERO ATTICO S.

ET Hirciū aliquid ad te συγκατάδοις de me scripsis-  
se, facile patior; (fecit. n. humane) et te eius epistolā ad  
me non misisse, multo facilius: tu. n. etiam humanius.  
illius librum, quem ad me misit de Catone, propterea  
uolo diuulgari ab tuis, ut ex istorum uituperatione sit  
illius maior laudatio. Quod per Mustelam agis, habes  
homine ualde idoneū, meiq; sanē studiosum iam inde à  
Pontiano. perfice igitur aliquid: quid autem aliud, nisi  
ut aditus sit emptori? quod per quemuis heredem po-  
test effici: sed Mustelam id perfecturum, si rogaris, pu-  
to. mihi uero & locum, quem opto, ad id, quod uolu-  
mus, dederis, & praeterea ἐγγύαμα. nam illa Siliij, &  
Drusi nō satis οἰκοδεσποτικὰ mihi uidentur: quid. n.



LIB. XII. EPIST.

sedere totos dies in uilla ista ? igitur malim primū Otho-  
nis, deinde Clodiæ . si nihil fiet, aut Druso ludus est sug-  
gerendus, aut utendum Tusculano. Quoddam domi te in-  
clusisti, ratione fecisti : sed quæso confice, & te uacuum  
redde nobis . ego hinc, ut scripsi antea, postridie Idus La-  
nuuium, deinde postridie in Tusculano : contudi. n. ani-  
mum, & fortasse uici, si modo permansero . scies igitur  
fortasse cras, summum perendie . sed quid est quæ-  
so ? Philotimus nec Cartini Pompeium teneri, ( quæ de  
re literarū ad Clodium Patauinum missarum exemplū  
mihi Oppius, & Balbus miserant, se id factum arbi-  
trari ) bellumq; narrat reliquum satis magnum . solet  
omnino esse Fuluiaster : sed tamen, si quid habes. uolo  
etiā scire de naufragio Caniniano, quid sit . Vale .

CICERO ATTICO S.

EGO hic duo magna συντάγματα absolui: nullo  
enim alio modo à miseria quasi aberrare possū. tu mi-  
hi, etiā si nihil erit, quod scribas, quod fore ita uideo ;  
tamen id ipsum scribas uelim, te nihil habuisse, quod scri-  
beres, dū modo ne his uerbis. De Attica, optime. ἀκνηδία  
tua me mouet. etsi scribis nihil esse. In Tusculano eo  
cōmodius ero, q̄ et crebrius tuas literas accipiam, & te  
ipsum non nunquam uidebo: nam cæteroqui ἀνεκτότερα  
erant Asturæ: nec hæc, quæ refricant, hic me magis an-  
gunt . etsi tamen, ubicunque sum, illa sunt mecū. De  
Cæsare uicino scripseram ad te, quia cognoram ex tuis  
literis . eum σὺνναον Quirini malo, quā Salutis.  
Tu uero peruulga Hircium : id enim ipsum putaram,  
quod scribis; ut, cum ingenium amici nostri probaretur,



ὑποθέσις vituperandi Catonis irrideretur. Vale.

## CICERO ATTICO S.

VINCAM, opinor, animum: Lanuvio pergā in Tusculanū: aut enim mihi in perpetuū fundo illo carendum est; (nam dolor idem manebit, tantū mediocrius) aut nescio quid intersit, virum illuc nunc ueniam, an ad decē annos: neque enim ista maior admonitio, quā quibus assidue conficior & dies, & noctes. quid ergo, inquires, nihil literæ? in hac quidem re, uereor, ne etiam contra: nam essem fortasse durior: exulto enim animo nihil agreste, nihil inhumanum est. Vale.

## CICERO ATTICO S.

TV igitur, ut scripsisti, nec id incōmodo tuo: uel binæ. n. poterunt literæ. occurrā etiā, si necesse erit. ergo id quidem, ut poteris. De Mustela, ut scribis. etsi magnum opus est. eo magis de labor ad Clodiam. quanquā in utroque Faberianū nomen explorandū est. de quo, nihil nocuerit, si aliquid cum Balbo eris locutus, et quidem, ut res est, emere nos uelle, nec posse sine isto nomine, nec audere incerto. sed quando Clodia Romæ futura est, & quia tanti rem aestimas, eò prorsus specto: nō quin illud malim: sed & magna res est, & difficile certamen cum cupido, cum locuplete, cum hærede. etsi de cupiditate nemini cōcedam: cæteris rebus infirmiores sumus. sed hæc corā. Hircij librū, ut facis, diuulga. De Philotimo, idē & ego arbitrabar. Domū tuam pluris uideo futuram uicino Cæsare. Tabellariū meū hodie expectamus. nos de Pilia, et Attica certiores faciet.



## LIB. XII. EPIST.

CICERO ATTICO S.

DOMI te libéter esse, facile credo. sed uelim scire quid tibi restet, aut iā ne confeceris. ego te in Tusculano expecto, eoq; magis, q̄ Tironi statim te uenturū scripsisti, & addidisti, te putare opus esse. seniebam omnino, quantū mihi præsens prodesse, sed multo magis post discessum tuum sentio. quam ob rem, ut ante ad te scripsi, aut ego ad te totus, aut tu ad me, quod licebit.

CICERO ATTICO S.

HERI non multo post, quā tu à me discessisti, puto quidā urbani, ut uidebantur, ad me mādāta, et literas attulerunt à C. Mario C. F. eū multis uerbis agere mecū; per cognationē, quā mihi secū esset; per eū Mariū, quem scripsissem; per eloquētiā L. Crassi aui sui, ut se defenderē; causamq; suā mihi perscripsit. rescripsi, patrono illi nihil opus esse, quoniā Cæsaris propinqui eius omnis potestas esset, uiri optimi, et hominis liberalissimi: me tamē ei fauturū. O tēpora: fore, cū dubitet Curtius Consulātū petere? sed hæc hætenus. De Tirone mihi curæ est: sed iā sciā, quid agat: heri. n. misi, qui uideret: cui etiā ad te literas dedi. Epistolā ad Cæsare tibi misi. Horti quā in diē proscripti sint, uelim ad me scribas.

CICERO ATTICO S.

VT me leuarat tuus aduentus, sic discessus afflixit. quare, cum poteris, id est cū Sexti auctiori operam dederis, reuises nos. uel unus dies mihi erit utilis, quid dicam gratus? ipse Romam uenirem, ut unā essemus, si satis



consilium quadam de re haberem. Vale.

CICERO ATTICO S.

TIRONEM habeo citius, q̄ uerebar. uenit etiā Nicias: & Valeriū hodie audiebā esse uenturū. quāuis multi sint, magis tamen ero solus, q̄ si unus esses. sed ex pecto te à Peduceo utique. tu autē significas aliquid, etiam ante. uerum id quidem, ut poteris. De Virgilio, ut scribis. hoc tamen uelim scire, quando auctio. Epistolam ad Caesarē mitti, uideo tibi placere. quid quæris? mihi quoque idem maxime placuit, & eo magis, quodd nihil est in ea nisi optimi ciuis, sed ita optimi, ut tempora, quibus parere omnes πολιτικοὶ præcipiunt. sed scis nobis esse uisum, ut isti ante legerent. tu igitur id curabis. sed, nisi plane ijs intelliges placere, mittēda nō est. id autem utrum illi sentiant, an uero simulent, tu intelliges. sed mihi simulatio pro repudiatione fuerit. τοῦτο δὲ μολώσῃ. De Cerelia quid tibi placeret, Tiro mihi narrauit: debere, non esse dignitatis meæ: perscriptionem tibi placere: hoc metuere, alterum in metu non ponere. sed & hæc, & multa alia coram. suslinenda tamen, si tibi uidebitur, solutio est nominis Cereliani, dum & de Metone, & de Faberio sciamus. Vale.

CICERO ATTICO S.

L. TVLLIVM Montanū nosti, qui cū Ciceroa ne profectus est. ab eius sororis uiro literas accepi, Montanū Planco debere, q̄ præ pro Flaminio sit, HS XX: de ea re nescio quid te à Mōtano rogatū. sanè uelim, siue Plancus est rogandus, siue qua re potes illum iuare,



LIB. XII. EPIST.

iuues . pertinet ad nostrum officiū . si res tibi forte no-  
rior est, q̄ mihi, aut si Plancum rogandum putas, scri-  
bas ad me uelim, ut, quid rei sit, & quid rogandum,  
sciam. De epistola ad Cæsarem quid egeris, expecto .  
De Silio non ita sanè laboro . tu mihi aut Scapulanus,  
aut Clodianos efficias, necesse est . sed nescio quid uide-  
ris dubitare de Clodia, utrum, quando ueniat, an sint ne-  
uinales? Sed quid est, quod audio Spintherem fecisse di-  
uortium? De lingua latina securi es animi, dices, qui ta-  
lia conscribis. ἀπὸ γράφα sunt : minore labore fiunt .  
uerba tantum affero, quibus abundo. Vale.

CICERO ATTICO S.

EGO, etsi nihil habeo, quod ad te scribā, scribo ta-  
men, quia tecū loqui uideor . hic nobiscū sunt Nicias, et  
Valerius . hodie tuas literas expectabamus matutinas.  
erunt fortasse altera pomeridiana, nisi te Epirotica lite-  
ra impediunt, quas ego non interpello . nisi ad te episto-  
las ad Martianum, & ad Montanum . eas in eundem  
fasciculum uelim addas, nisi forte iam dedisti. Vale.

M. TVLLII CICERONIS EPISTOLA-  
RVM AD T. POMPONIVM AT-  
TICVM LIBER XIII.

CICERO ATTICO S.

D Ciceronem ita scripsisti, ut neque seuerius,  
A neq; temperatius scribi potuerit, nec magis, q̄  
quemadmodum ego maxime uellem . prudē-  
tissime etiam ad Tullios . quare aut ista proficient, aut



aliud agamus. De pecunia uero, uideo à te omnem diligenti-  
 am adhiberi, uel potius iam adhibitam: & si effi-  
 cis, à te hortos habeo. nec uero ullum genus possessionis  
 est, quod malim, maxime scilicet ob eam causam, quæ su-  
 scepta est, cuius festinationem mihi tollis, quoniã de æsta-  
 te polliceris, uel potius recipis. deinde etiam ad κατὰ βίω-  
 σιν, mœstitiãq; minuendam nihil mihi reperiri potest  
 aptius. cuius rei cupiditas impellit me interdum, ut te hor-  
 tari uelim. sed me ipse reuoco: nō. n. dubito, quin, quod  
 me ualde uelle putes, in eo tu me ipsum cupiditate uin-  
 cas. itaque istuc iam pro factō habeo. Expecto, quid  
 istis placeat de epistola ad Cæsarem. Nicias te, ut debet,  
 amat, uehementerq; tua sui memoria delectatur. Ego ue-  
 ro Peduceū nostrū uehementer diligo: nā & quanti pa-  
 trem feci, totū in hunc: ipsum per se æque amo, atque il-  
 lū amari; te uero plurimū, qui hoc ab utroque nostrum  
 fieri uelis. Si hortos inspexeris, etsi de epistola certio-  
 rem me feceris, dederis mihi quod ad te scribam: sin minus,  
 scribam tamen aliquid: nunquam enim deerit. Vale.

## CICERO ATTICO S.

GRATIOR mihi celeritas tua, quàm ipsa res:  
 quid. n. indignius? sed iam ad ista obduruimus, & hu-  
 manitatē omnē exuimus. Tuas literas hodie expecta-  
 bam, nihil equidē ut ex ijs noui: quid enim? ueruntamē.  
 Oppio, & Balbo epistolas deferri iubebis, & tamē Pisonē  
 sicubi de auro. Faberius si uenerit, uidebis, ut tātum attri-  
 buatur, si modo attribuetur, quantū debetur. accipies ab  
 Erote. Ariarathes Ariobarzanis filius Romam uenit.  
 nult, opinor, regnum aliquod emere à Cæsare: nam, quo



LIB. XIII. EPIST.

modo nunc est, pedem ubi ponat in suo, non habet. omnino eū Sestius noster parochijs publicis occupauit: quod quidem facile patior. uerūtamen, quodd mihi summo beneficio meo magna cū fratribus illius necessitudo est, inuito eum per literas, ut apud me diuersetur. ad eā rem cū mittere Alexandrum, has ei dedi literas. Cras igitur auctio Peducei: cum poteris ergo: etsi impedit fortasse Faberius: sed tamen, cum licebit. Dionysius noster grauitur queritur, & tamen iure, à discipulis abesse tandiu. multis uerbis scripsit ad me, credo item ad te. mihi quidem uidetur etiam diutius absfuturus. ac nollem: ualde enim hominem desidero. Vale.

CICERO ATTICO S.

A TE literas expectabam, non dum scilicet, nā has mane rescribere. Ego uero ista nomina sic probo, ut nihil aliud me moueat, nisi quodd tu uideris dubitare. illud enim nō accipio in bonā partē, quodd ad me refers. quid? ipse negotium meū gerere, nisi consilio tuo? sed tamen intelligo, magis te id facere diligentia, qua semper uteris, q̄ quodd dubites de nominibus istis: etenim Celium nō probas: plura non uis. utrunque laudo: his igitur utendum est. præs aliquando factus esset, in his quidem tabulis. à me igitur omnia. quodd dies longiores: teneamus modo, quod uolumus: puto fore istam etiam à præcone diem, certe ab hæredibus. De Crispo, & Mustela uidebis: & uelim scire, quæ sit pars duorum. De Bruti aduentu eram factus certior: attulerat enim ab eo Aegyptia libertus literas. misi ad te epistolam, quia commode scripta erat. Vale.



## CICERO ATTICO S.

HABEO munus à te elaboratum decem legato-  
rum, & quidem puto: nā filius anno post Quæstor fuit,  
quàm Consul Mumius. sed quoniam sæpius de nomini-  
bus quæris quid placeat: ego quoque tibi sæpius respōdeo,  
placere. Si quid poteris cum Pisonē, conficies: Aulus. n.  
videtur in officio futurus. Velim ante possis: si minus,  
utique simul, cum Brutus ueniet in Tusculanum. magnū  
interest mea, unā nos esse. scies autem, qui dies is futu-  
rus sit, si puero negotium dederis, ut quærat. Spuriū  
Mumium putaram in decem legatis fuisse, & uidelicet:  
etenim Σύλορον, fratri fuisse: fuit enim ad Corinthum.

## CICERO ATTICO S.

MISI tibi Torquatū. colloquere tu quidē cū Silio,  
ut scribis, & urge. illā diē negabat esse mēse Maio: istam  
nō negabat. sed tu, ut omnia, istuc quoque ages diligēter.  
De Crispo, et Mustela scilicet, cū quid egeris. Quoniā ad  
Bruti aduentū fore te nobiscū polliceris, satis est, præser-  
tim cū hi tibi dies in magno nostro negotio consumātur.

## CICERO ATTICO S.

DE AQUAEDUCTV probe fecisti. colūna-  
rū, uide, ne nullū debeamus. quāquā mihi uideor audis-  
se à Camillo, cōmutatam esse legem. Pisoni, quid est, quod  
honestius respōdere possimus, quàm solitudinē Catonis?  
nec coheredibus solum Herennianis, sed etiam, ut scis, (tu  
enim mecum egisti) de puero Lucullo: quam pecuniam  
tutor (nā hoc quoque ad rē pertinet) in Achaia sumpse-



LIB. XIII. EPIST.

rat. sed agit liberaliter, quoniam negat se quidquam fa-  
cturum contra nostram uoluntatem. coram igitur, ut  
scribis, constituemus, quemadmodum rem explicemus.  
quod reliquos cohæredes conuenisti, plane bene. Quod  
epistolam meam ad Brutum poscis, non habeo eius exem-  
plum, sed tamen saluum est, & ait Tiro te habere oportere, & ut recorder, una cum illius obiurgatoria tibi  
meam quoque, quam ad eum rescipseram, nisi iudicia-  
li molestia ut caream, uidebis. Tuditani istum, pro-  
auum Hortensij, plane non noram; & filium, qui tum  
non potuerat esse legatus, fuisse putaram. Mumium  
fuisse ad Corinthum, pro certo habeo: sæpe enim hic  
\* Spurius, qui nuper est epistolas mihi pronuncia-  
bat uersiculis facietis, ad familiares missas à Corin-  
tho. sed non dubito, quin fratri fuerit legatus, non in decem:  
atque hoc etiam accepi, non solitos maiores nostros legare  
in decem, qui essent imperatorum necessarij, ut nos igna-  
ri pulcherrimorum institutorum, aut negligentes potius  
M. Lucillum, & L. Muranum, & cæteros ad L. Lucul-  
lum misimus. illudq; ὁ λογιώτατος, illum fratri in pri-  
mis eius legatis fuisse. Vale.

CICERO ATTICO S.

OPERAM tuam multam, quæ & hæc cures, &  
mea expedias, & sis in tuis multo minus diligens, quam  
in meis. Sestius apud me fuit, & Theopompus pridie:  
uenisse à Cæsare narrabat literas: hoc scribere, sibi cer-  
tū esse Romæ manere, causamq; eam ascribere, quæ erat  
in epistola nostra; ne se absente leges suæ negligerentur,  
sicut esset neglecta sumptuaria. est ὁ λογιώτατος: idq; eram  
suspicatus



susplicatus . sed istis mos gerendus est , nisi placet hanc ipsam sententiā nos persequi . & Lentulum cū Metella fecisse diuortium . hęc omnia tu melius . rescribes igitur , quidquid uoles , dum modo quid : iam enim non reperio , quid te rescripturum putem , nisi forte de Mustela , aut si Silium uideris . Brutus heri uenit in Tusculanum post horam decimam . hodie igitur me uidebit , ac uellem , cum tu adesses . nisi equidem ei nunciari , te , quoad potuisses , expectasse eius aduentū , uenturūq ; , si audisses , meq ; , ut facio , continuo te certiorē esse facturū . Vale .

CICERO ATTICO S .

PLANE nihil erat , quod ad te scriberem : modo enim discesseras , & paulo post triplices remiseras . uelim cures fasciculum ad Vestorium deferendū : & alicui des negotium , qui querat , Q . Faberij fundus nunquis in Pompeiano , Nolano uenalis sit . Epitomen Bruti Celianorum uelim mihi mittas , & à Philoxeno Πανουρίου περί πρὸνοίας . te Idibus uidebo cum tuis . Vale .

CICERO ATTICO S .

COMMODVM discesseras heri , cum Trebatius uenit , paulo post Curtius , hic salutandi causa , sed mā sit inuitatus . Trebatium nobiscum habemus . hodie mane Dolabella . multus sermo ad multum diem . nihil possum dicere ἐκτενέστερον , nihil φιλοσοφώτερον . uentum est tamen ad Quintum . multa ἄφρατα , ἃ δ' ἵγνται , sed unum eiusmodi , quod , nisi exercitus sciret , non modo Tironi dictare , sed ne ipse quidem auderem scribere . sed hactenus . ὁ καί εἰς ad me uenit , cum ha-

DD



LIB. XIII. EPIST.

Berem Dolabellam, Torquatus: humanissimeq; Dolabella, quibus uerbis secum egissem, exposuit: commodum enim egeram diligentissime. quæ diligentia grata est uisa Torquato. A te expecto, si quid de Bruto. quanquam Nicias confectum putabat, sed diuortium non probari: quo etiam magis laboro idem, quod tu: si quid est enim offensionis, hæc res mederi potest. mihi Arpinum eundum est: nam & opus est constitui à nobis illa prædiola; & uereor, ne exeundi potestas non sit cum Cæsar uenerit: de cuius aduentu eam opinionem Dolabella habet, quam tu coniecturâ faciebas ex literis Messalæ. cum illuc uenero, intellexeroq; quid negotij sit, tū, ad quos dies rediturus sim, scribam ad te. Vale.

CICERO ATTICO S.

MINIME miror, te & grauiter ferre de Marcello, & plura uereri periculi genera: quis enim hoc timeret, quod neque acciderat antea, nec uidebatur natura ferre, ut accidere posset? omnia igitur metuenda. sed illud παρὰ τὸν ἰσχυρὸν tu, præsertim me reliquum consularem. quid tibi Seruius, quid uidetur? quanquã hoc nullam ad partem ualet scilicet, mihi præsertim, qui non minus bene actum cum illis putem: quid enim sumus? aut quid esse possumus? domi ne, an foris? quodd nisi hoc mihi uenisset in mentem, scribere ista nescio quæ; quid uerterem me, non haberem. ad Dolabellam, ut scribis, ita puto faciendum, κοινότερα quædam, & πολιτικότερα. faciendum certe aliquid est: ualde enim desiderat. Brutus si quid, curabis ut sciam. cui quidem quamprimum agendum puto, præsertim



si statuit : sermunculum enim omnem aut restinxerit ,  
aut sedarit : sunt enim , qui loquantur etiam mecum .  
sed hæc ipse optime , præsertim si etiam tecum loquetur .  
Mihi est in animo proficisci XI. Cal. hic enim nihil  
habeo , quid agam , ne hercule illic quidem , nec us-  
quam , sed tamen illic . hodie Spintherem expecto : mi-  
sit enim Brutus ad me : per literas purgat Casarem de  
interitu Marcelli : in quem ne , si insidijs quidem ille in-  
terfectus esset , caderet ulla suspicio . nunc uero , cum  
de Magio constet , non ne furor eius omnem causam su-  
stinet ? plane , quid sit , non intelligo , explanabis igitur .  
quãquã nihil habeo , quod dubitẽ , nisi , ipsi Magio quæ fue-  
rit causa amentia : pro quo quidem etiam sponsor factus  
est . nimirum id fuit : soluendo . n. non erat : credo enim  
petiisse à Marcello aliquid , & illum , ut erat , constan-  
tius respondisse , οὐ γὰρ ὀφείδεις . Vale .

## CICERO ATTICO S.

CREDERAM esse facile : totũ est aliud , post-  
ea quàm sum à te dijunctor . sed fuit faciendum , ut  
& constituerem mercedulas prædiorum , & ne magnũ  
onus obseruantia Bruto nostro imponerem : posthac enim  
poterimus commodius colere inter nos in Tusculano :  
hoc autem tempore , cum ille me quotidie uidere uellet ,  
ego ad illum ire non possem , priuabatur omni delecta-  
tione Tusculani . tu igitur , si Seruilia uenerit , si Brus-  
tus quid egerit , etiam si constituerit quando obuiam ,  
quidquid denique erit , quod scire me oporteat , scribes .  
Pisonem , si poteris , conuenias . uides , quàm maturum  
sit . sed tamen , quod commodo tuo fiat . Vale .

DD ij



## LIB. XIII. EPIST.

CICERO ATTICO S.

VALDE me momorderunt epistolæ tuæ de Attica  
 nostra: eadem tamen sanauerunt: quod enim te ipse con-  
 solabare eisdem literis, id mihi erat satis firmum ad le-  
 niendā aegritudinem. Ligarianā præclare uēdidisti. post-  
 hac quidquid scripsero, tibi præconiū deferā. Quod ad  
 me de Varrone scribis, scis me antea orationes, aut ali-  
 quid id genus solitū scribere, ut Varronem nusquā pos-  
 sem intexere. postea autem quā hæc cœpi φιλολογώτερον,  
 iam Varro mihi denūciauerat magnam sanè, & grauē  
 προσφώνησιν. biennium præterijt, cum ille χαλλιπρόδης  
 assiduo cursu cubitum nullum processerit. ego autem  
 me parabam ad id, quod ille mihi misisset, ut αὐτῷ τῷ  
 μέτρω, καὶ λώϊον, si modo potuissē: nam hoc etiam  
 Hesiodus ascribit αἶκε δ' ὕλην. nunc illam περὶ τελῶν  
 σωτάξιν, sanè mihi probatam, Bruto, ut tibi placuit,  
 despondimus, idq; eum non nolle mihi scripsisti. ergo  
 illam ἀκαδημαϊκὴν, in qua homines, nobiles illi quidem,  
 sed nullo modo philologi, nimis acute loquuntur, ad Var-  
 ronem transferamus: etenim sunt Ἀντιόχεια, quæ iste  
 ualde probat. Catulo, & Lucullo alibi reponemus, ita  
 tamen, si tu hoc probas: deq; eo mihi rescribas, uelim.  
 De Brinniana auctione accepi à Vestorio literas. ait, sine  
 ulla controuersia rē ad me esse collatam (Romæ uideli-  
 cet, aut in Tusculano me fore putauerunt) ad VIII.  
 Cal. Quint. dices igitur uel amico tuo, uel Othoni cohæ-  
 redi meo, uel Labeoni nostro, paulū proferāt auctiōnē, me  
 circiter Nonas in Tusculano fore. cū Pifone Erotē habes.  
 De Scapulanis hortis toto pectore cogitemus. dies adest.



CICERO ATTICO S.

COMMOTVS tuis literis, quodd ad me de Var-  
rone scripseras, totam Academiam ab hominibus nobis-  
sissimis abstuli, trāstuliq; ad nostrum sodalem, & ex  
duobus libris contuli in quatuor. grandiores sunt om-  
nino, quā erant illi, sed tamen multa detracta. tu au-  
tem mihi peruelim scribas, qui intellexeris illum uelle.  
illud utique scire cupio, quem intellexeris ab eo Ζηλωτὺς  
παιδα, nisi forte Brutum. id hercle restabat. sed tamē  
scire peruelim. libri quidem ita exierunt (nisi forte me  
cōmunis φιλαυρία decipit) ut in tali genere ne apud Græ-  
cos quiddē simile quidquā. tu illā iacturā feres æquo a-  
nimo, quodd illa, quæ habes de Academicis, frustra descri-  
pta sunt. multo tamen hæc erunt splendidiōra, breuiō-  
ra, meliora. nunc autē ἀπορω, quodd me uertā. uolo Dola-  
bellæ ualde desideranti. non reperio, quid: & simul  
αὐδ' εὐομαι Τρωας: neque, si aliquid, potero μέμην effuge-  
re. aut cessandum igitur, aut aliquid excogitandū. sed  
quid hæc leuia curamus? Attica mea, obsecro te, quid  
agit? quæ me ualde angit. sed crebro regusto tuas lite-  
ras: in his acquiesco: tamen expecto nouas. Vale.

CICERO ATTICO S.

BRINNII libertus cohæres noster scripsit ad me,  
uelle, si mihi placet, cohæredes, & Sabinum Albium  
ad me uenire. id ego plane nolo. hereditas tanti nō est.  
& tamen obire auctōnis diem facile poterunt, (est  
enim III. Idus) si me in Tusculano postridie Nonas

DD. iij



LIB. XIII. EPIST.

mane conuenerint . quod si laxius uolent proferre diē,  
poterunt uel biduum , uel triduum , uel ut uidebitur:  
nihil . n . interest . quare , nisi iam profecti sunt , retinebis  
homines . De Bruto si quid erit , de Casare si quid scies  
præterea , scribes . Illud etiā atque etiā cōsideres uelim ,  
placeat ne tibi mitti ad Varronē , quod scripsimus : etsi  
etiā ad te aliquid pertinet : nā scito te ei dialogo adiun-  
ctū esse tertium . opinor igitur cōsideremus . etsi nomina  
iā facta sunt : sed uel induci , uel mutari possunt . Vale .

CICERO ATTICO S .

QV ID agit , obsecro te , Attica nostra ? nam triduo  
abs te nullas acceperam : nec mirum : nemo enim uene-  
rat : nec fortasse causa fuerat . itaque , ipse quid scribe-  
rem , nō habebā . quo autē die has Valerio dabam , expe-  
ctabam aliquem meorū : qui si uenisset , & à te quid at-  
tulisset , uidebā non defuturū , quid scriberem . Vale .

CICERO ATTICO S .

N OS cum flumina , & solitudinem sequeremur ,  
quo facilius sustentare nos possemus , pedē ē uilla ad-  
huc egressi non sumus : ita magnos , & assiduos imbres  
habebamus . illā Academicen σύνταξιν totā ad Varronē  
traduximus : modo fuit Catuli , Luculli , Hortensij : de-  
inde , quia παρὰ τὸ πρῆπον uidebatur , quodd erat ho-  
minibus non ignota , non illa quidem ἀπεθεύσα , sed  
in ijs rebus ἀτρεψία ; simul ac ueni ad uillam , eos-  
dem illos sermones ad Catonem , Brutumq ; transuli .  
ecce tuæ literæ de Varrone . nemini uisa est aptior Ἀν-  
τιοχεία ratio . sed tamen uelim scribas ad me , primum



placeat ne tibi aliquid ad illum : deinde, si placebit, hoc ne potissimum. Quid Seruilia, iam ne uenit? Brutus ecquid agit, ecquādo? de Cæsare quid auditur? ego ad Nonas, quēadmodū dixi. tu cū Pisonē, si quid poteris.

CICERO ATTICO S.

DEVI. expectabam Roma aliquid. non imperassem igitur aliquid tuis. nunc eadē illa, quid Brutus cogitet, aut si aliquid egit, & quid à Cæsare. sed quid ista, quæ minus curo? Attica nostra quid agat, scire cupio. etsi tuæ literæ (sed iam nimis ueteres sunt) recte sperare iubent. tamen expecto recens aliquid. Vale

CICERO ATTICO S.

VIDES, propinquitās quid habet. nos uero conficiamus hortos. colloqui uidebāmur, in Tusculano cum essem: tāta erat crebritas literarū: sed id quidē iā erit. ego interea admonitu tuo perfeci sanē argutulos libros ad Varronē: sed tamen expecto, quid ad ea, quæ scripsi ad te: primum, qui intellexeris eum desiderare à me, cū ipse homo πολυγραφώτατος nūquā me laceffisset: deinde, quem ζηλοτυπῶν: multo Hortensium miuus, aut eos, quī de Rep. loquuntur. plane hoc mihi explices uelim: in primis, maneads ne in sententia, ut mittam ad eum, quæ scripsi; an nihil necesse putes. sed hæc coram.

CICERO ATTICO S.

COMMODVM discesserat Hilarus librarius IIII. Cal. cui dederā literas ad te, cū uenit tabellarius cū tuis literis pridie datis, in quibus illud mihi grātissimum

DD iiij



LIB. XIII. EPIST.

simum fuit, quod Attica nostra rogat te, ne tristis sis, quodq; tu ἀκίνητος esse scribis. Ligarianam, ut uideo, praeclare auctoritas tua commendauit: scripsit enim ad me Balbus, ac Oppius, mirifice se probare, ob eamq; causam ad Caesarem meam se oratiunculam misisse. hoc igitur idem tu mihi antea scripseras. In Varro- ne ista causa me non moueret, ne uiderer φιλένδοξος: sic enim constituebam, neminem includere in dialogos eorum, qui uiuerent: sed quia scribis & desiderari à Varrone, & magni illum aestimare, eos confeci, et ab- solui, nescio quam bene, sed ita accurate, ut nihil pos- set supra, Academicam omnem quaestionem libris qua- tuor. in eis, quae erant contra ἀκαταληψίαν, praeclare collecta ab Antiocho, Varroni dedi: ad ea ipse respo- deo: tu es tertius in sermone nostro. si Cottam, & Varronem fecissem inter se disputantes, ut à te pro- ximis literis admoneor, meum κωφὸν πρόσωπον esset. hoc in antiquis personis suauiter fit, ut & Heraclides in multis, & nos sex de Rep. libris fecimus. sunt etiam de oratore nostri tres, mihi uehementer probati. in eis quo- que eae personae sunt, ut mihi tacendum fuerit: Cras- sus enim loquitur, Antonius, Catulus senex, C. Iulius frater Catuli, Cotta, Sulpitius. puero me hic sermo indu- citur, ut nullae esse possent partes meae. quae autem his temporibus scripsi, Ἀριστοτέλειον morem habent, in quo sermo ita inducitur caterorum, ut penes ipsum sit prin- cipatus. ita confeci quinque libros περὶ τελῶν, ut Ep- icurea L. Torquato, Stoica M. Catoni περιπατη- τικὰ M. Pisoni daremus. ἀζηλότυπον id fore puta- ram, quod omnes illi decesserant. haec Academica, ut



scis, cum Catulo, Lucullo, Hortensio contuleram. san-  
nè in personas non cadebant: erant enim λογικῶτερά,  
quàm ut illi de ijs somniasse unquā uideretur. itaque,  
ut legi tuas de Varrone, tanquam ἑγμῶν arripui. as-  
ptius esse nihil potuit ad id philosophiæ genus, quo ille  
maxime mihi delectari uidetur, measq; partes, ut non  
sim consecutus, ut superior mea causa uideatur: sunt  
enim uehementer πικρὰ Antiochia: quæ diligenter à  
me expressa, acumen habent Antiochi, nitorem oratio-  
nis nostrum, si modo is est aliquis in nobis. sed tu, dan-  
dos ne putes hos libros Varroni, etiam atque etiam ui-  
debis. mihi quædam occurrunt, sed ea coràm. Vale.

## CICERO ATTICO S.

A' C A E S A R E literas accepi cōsolatorias, datas  
 prid. Cal. Maij Hispali. De Vrbe augenda quid sit pro-  
 mulgatū, non intellexi. id sanè scire uelim. Torquato  
 nostra officia grata esse facile patior: eaq; augere non  
 desinam. De uxore Tiberonis, & priuigna, neque  
 possum iam abdere, (est. n. res peruulgata) neque Tu-  
 beronē uolo defendere: mirifice est enim φιλαίτιο. thea-  
 trum quidem sanè bellum habuisti. ego, etsi hoc loco  
 facillime sustentor, tamen te uidere cupio: itaque, ut cō-  
 stitui, adero. Fratrem credo à te esse conuentum. sci-  
 re igitur studeo, quid egeris. De fama nihil sanè labo-  
 ro. etsi scripseram ad te tunc stulte, nihil melius: tu  
 randū. n. non est: atq; hoc, in omni uita sua quenque à  
 recta conscientia trāuersum unguē nō oportere discede-  
 re. uiden, quàm φιλοσόφος? an tu nos frustra existimas  
 hæc in manibus habere? δεσύνου te nollem, quod



LIB. XIII. EPIST.

nihil erat: redeo enim rursus eodem. quidquam ne me putas curare in toto, nisi ut ei ne desim? id ago scilicet, ut iudicia uidear tenere: μή γὰρ αὐτοῖς. uellem tam domestica ferre possem quàm ista contēnere. putas autem me uoluisse aliquid, quod perfectum non sit? nō licet scilicet sententiam suam: sed tamen, quæ tum acta sunt, non possum non probare: & tamen non curare pulchre possum, sicuti facio. sed nimium multa de nugis.

CICERO ATTICO S.

AD Hircium dederam epistolam sanè grandē, quā scripseram proxime in Tusculano. huic, quam tu mihi misisti, rescribā aliàs: nunc alijs malo. Quid possum de Torquato, nisi aliquid à Dolabella? quod simul ac, continuo scietis: expectabam hodie aut summum cras ab eo tabellarios: qui simul ac uenerint, mittentur ad te. à Quinto expecto: proficiscens. n. è Tusculano VIII. Cal. ut scis, misi ad eum tabellarios. nunc, ad rem ut redeam, INHIBERE illud tuum, quod ualde mihi arriserat, uehementer displicet: est enim uerbum totum nauticum. quanq̃ id quidem sciebam: sed arbitrabar sustineri remos, cū inhiberi essent remiges iussi. id nō esse eiusmodi didici heri, cum ad uillam nostram nauis appelleretur: nō. n. sustinet, sed alio modo remigāt. id ab ἐποχῆς remotissimū est. quare facies, ut ita sit in libro, quemadmodum fuit. dices hoc idem Varro: nī, si forte mutauit. nec est melius quidquam, quàm ut Lucullus sustineat currum, ut bonus sæpe agitator, equosq̃. semperq̃; Carneades πρῶτον pugilis, & reuentionem aurigæ similem facit ἐποχῆ. inhibitio au-



tem remigum motum habet, & uehementiorem quidem remigationis nauem conuertentis ad puppim. uides quanto hoc diligentius curem, quàm aut de rumore, aut de Polione. De Pansa etiam, si quid certius: credo enim palàm factum esse. De Critonio, si quid esset. Certè ne de Metello, & Balbino? dic mihi, placet ne tibi primum edere iniussu meo? hoc ne Hermodorus quidem faciebat, is, qui Platonis libros solitus est diuulgare, ex quo λόγοισιν Ερμόδωρος. quid illud? retum ne existimas. cuiquam quidquam ante, quàm Bruto? cui te auctore προσφών. scripsit enim Balbus ad me, se à te quintum de finibus librum descripsisse: in quo non sanè multa mutauit, sed tamen quædam. tu autem commode feceris, si reliquos continueris, ne & ἀδιόρθα habeat Balbus, & ἑωλα Brutus. sed hæc hætenus, ne uidear πρὸς μικρὰ πρὸς δὲ λέειν. etsi nunc quidem maxima mihi sunt hæc: quid est enim aliud? Varroni quidem quæ scripsi te auctore, ita propero mittere, ut iam Romam miserim describenda. ea si uoles, statim habebis: scripsi enim ad librarios, ut fieret tuis, si tu uelles, describendi potestas. ea uero continebis quoad ipse te uideam. quod diligentissime facere soles, cū à me tibi dictū sit. quo modo autē fugit me. tibi dicere? mirifice Cereia, studio uidelicet philosophiæ flagrans, describit à tuis. istos ipsos de finibus habet. ego autem tibi confirmo (possum falli, ut humanus) à me non habere: nunquam enim ab oculis meis abfuerunt. tantum porro aberat, ut binos scriberent: uix singulos confecerunt. tuorum tamen eo nullum delictum arbitror, idemq; te uolo existimare: à me enim præter-



LIB. XIII. EPIST.

missum est, ut dicerem eos exire non dum uelle. hui quā  
diu de nugis: de re enim nihil habeo, quod loquar.  
De Dolabella tibi assentior. cohæredes, ut scribis, in Tu-  
sculano. De Caesaris aduentu, scripsit ad me Balbus, nō  
ante Cal. Sext. De Attica optime, quodd leuius, ac le-  
uius, & quodd fert εὐκόλως. Quod autem de illa no-  
stra cogitatione scribis, in qua nihil tibi credo ea, quæ  
nouī: ualde probo hominem, domum, facultates: quod  
caput est, ipsum non nouī, sed audio laudabilia de Scro-  
fa: etiā proxime accedit, si quid hoc ad rem. εὐγενές &  
est etiam, quā pater. corā igitur, & quidem propē-  
so animo ad probandum: accedit enim, quodd patrē (ut  
scire te puto) plus etiam, quā non modo tu, sed quā  
ipse scit, amo, idq; & merito, & iandiu. Vale.

CICERO ATTICO S.

DE VARRONE, nō sine causa, quid tibi pla-  
ceat, tam diligenter exquiro. occurrunt mihi quædam:  
sed ea corā. te autem ἀσμενέσεται intexui, faciamq;  
id crebrius: proximis. n. tuis literis primū, te id nō nolle,  
cognoui. De Marcello scripserat ad me Cassius antea,  
τὰ κατὰ μέγ. Seruius. rem acerbam. ad prima re-  
deo. scripta nostra nusquam malo esse, quā apud te,  
sed ea tum foras dari, cum utrique nostrum uidebitur.  
ego & librarios tuos culpa libero, neque te accuso, &  
tamen aliud quiddam ad te scripseram, Cereliam quæ-  
dam habere, quæ nisi à te non potuerit. Balbo quidem  
intelligebam satisfaciendum fuisse: tantum nolebam,  
aut obsoletum Bruto, aut Balbo inchoatum dari. Var-  
roni, simul ac te uidero, si tibi uidebitur, mittam.



quid autem dubitarim, cum uidero te, scies. Attributos quoddam appellas, ualde probe. Te de prædio auia exerceri, moleste fero. De Bruto nostro perodiosum: sed uita fert. mulieres autem uix satis humane, quæ inimico animo ferant, cum utraque officio pareat. Tullium scribam, nihil fuit, quoddam appellares: nam tibi mandassem, si fuisset: nihil enim est apud eum positum nomine uoti. sed est quiddam apud illum meum. id ego in hac rem statui conferre. itaque & ego recte tibi dixi, ubi esset: & tibi ille recte negauit. hoc quoque ipsum continuo adoriamur. locum hominibus non sanè probo, quoddam est desertior: sed habet ὀλολίαν. uerū hoc quoque, ut censueris; quippe quæ omnia. ego, ut constitui, adero, atque utinā tu quoque eodem die. sin quid, multa enim; utique postridie: etenim coheredes: à queis sine te opprimi, malitia est. Alteris iam literis nihil ad me de Attica: sed id quidem mihi in optima spe pono. illud accuso, non te, sed illam, ne salutem quidē. at tu & illi, et Piliæ plurimā. nec me tamē irasci indicaris. Epistolā Caesaris misi, si minus legisses. Vale.

## CICERO ATTICO S.

ANTEMERIDIANIS tuis literis heri statim rescripsi: nūc respondebo uespertinis. Brurus mallet me accerseret: nā & æquius erat, cū illi iter instaret & subitum, & longum: & mehercule nunc, cū ita simus affecti, ut non possimus plane simul uiuere, (intelligis enim profecto, quo maxime posita sit συνβίωσις) facile patiebar nos potius Romæ unā esse, quā in Tusculano. libri ad Varronem non morabantur: sunt enim de facti, ut uidisti: tantum librariorum menda tolluntur.



## LIB. XIII. EPIST.

de quibus libris scis me dubitasse : sed tu uideris . item , quos Bruto mittimus , in manibus habent librarij . Mea mandata , ut scribis , explica . quanquam ista retentione omnes ait uti Trebatius : quid tu istos putas ? nosti domum , quam confice *ὁ λόγος* . incredibile est , quàm ego ista nō curem . omni tibi asseueratione affirmo , quod mihi credas uelim , mihi maiori offensionē esse , quàm deletioni possessiunculas meas : magis enim doleo , me non habere cui tradam , quàm habere , qui utar . atque illud Trebatius se tibi dixisse narrabat . tu autē ueritus es fortasse , ne ego iniurius audirem . fuit id quidem humanitatis : sed , mihi crede , iam ista nō curo . quare da te in sermonem , & persequa , & confice , excita , compella , loquere , ut te cum illo Scaena loqui putes . ne existimes eos , qui nō debita consecrari soleant , quod debeat , remissuros . de die tantum uideto , & id ipsum bono modo . Vale .

CICERO ATTICO S.

QVID est , quod Hermogenes mihi Clodius Andromenē sibi dixisse , se Ciceronē uidisse Corcyrae ? ego enim audita tibi putarā . nil igitur ne ei quidē literarū ? an nō uidit ? facies ergo , ut sciam . Quid tibi ego de Varro-  
ne rescribam ? quatuor *διφθέρα* sunt in tua potestate . quod egeris , id probabo . nec tamen *ἀδ' ἐομαι Τεῶας* : quid enim ? sed , ipsi quàm res illa probaretur , magis uerebar . sed quoniam tu suscipis , in alteram aue . Vale .

CICERO ATTICO S.

DE RETENTIONE , rescripsi ad tuas accurate literas scriptas . cōficies igitur , et quidē sine ulla du-



bitatione, aut retractione. hoc fieri & oportet, & opus est. De Andromene, ut scribis, ita putaram: scisses, enim, mihiq; dixisses. Tu tamen ita mihi de Bruto scribis, ut de te nihil. quando autem illum putas? nam ego Romam pridie Idus. ita uolui Bruto scribere: sed quoniam tu te legisse scribis, fui fortasse ἀσφατέσθαι, me ex tuis literis intellexisse, nolle eum me quasi prosequendi sui causa Romam nunc uenire. sed quoniam iam adest meu aduentus, fac quaeso, ne quid eum Idus impediant, quominus suo commodo in Tusculano sit: nec enim ad tabulam eum desideraturus eram: in tali enim negotio cur tu unus non satis es? sed ad testamentum uolebam: quod iam malo alio die, ne ob eam causam Romam uenisse uidear. scripsi igitur ad Brutum, iam illud, quod putassem, Idibus nihil opus esse. uelim ergo totum hoc ita gubernes, ut ne minima quidem re ulla Bruti commodum impediamus. Sed quid est tandem, quod perhorrescas, quia tuo periculo iubeam libros dari Varroni? etiam nunc, si dubitas, fac, ut sciamus: nihil est enim illis elegantius. uolo Varronem, praesertim cum ille desideret: sed est, ut scis, δεινὸς ἀνὴρ, τὰ ἅπαντα νοὶ ἀναίτιον αὐτίδατο. ita mihi saepe occurrit uultus eius, querentis fortasse uel hoc, meas partes in ijs libris copiosius defensas esse, quam suas: quod mehercule intelliges non esse, si quando in Epeirum ueneris: nam nunc Alexionis epistolis cedimus: sed tamen ego non despero probatum iri Varroni: & id, quoniam impensam fecimus in macrocola, facile patior teneri. sed etiam atque etiam dico, tuo periculo fiet. quare, si addubitas, ad Brutum transeamus: est enim is quoque Antiochius. δ' Acade-



## LIB. XIII. EPIST.

miam uolaticam, & sui similem, modo huc, modo il-  
luc. sed, quaeso, epistola mea ad Varronem ualde ne tibi  
placuit? male mihi sit, si unquam quidquam tam eni-  
tar. at ego ne Tironi quidem dictaui, qui totas περὶ  
χῶς persequi solet; sed Spinthero syllabatim. Vale.

## CICERO ATTICO S.

DE Virgilij parte ualde probo. sic ages igitur. &  
quidem id erit primum, proximum Clodiae. quod si neu-  
trum, metuo, ne turbē, & irruā in Drusum. intēperans  
sum in eius rei cupiditate, quam nosti. itaque reuoluor  
identidem in Tusculanū: quiduis enim potius, quā ut  
non hac aestate absoluator. Ego, ut tempus est nostrum,  
locum habeo nullum, ubi facilius esse possim, quā  
Asturā. sed quia qui mecum sunt, credo, quod moesti-  
tiam meam non ferunt, domum properant: etsi pote-  
ram remanere, tamen, ut scripsi tibi, proficiscar hinc,  
ne relictus uidear. quod autem Lanuuius? conor equidē  
in Tusculanum: sed faciam te statim certiore. tu li-  
teras conficies. equidem, credibile non est, quantum scri-  
bam die: quin etiam noctibus: nihil est enim somni. he-  
ri etiam effeci epistolam ad Cæsarem: tibi enim place-  
bat. quam non fuit malum scribi, si forte opus esse pu-  
tares. ut quidem nunc est, nihil sanē est necesse mittere:  
sed id quidē, ut tibi uidebitur: mittā tamen ad te exem-  
plum fortasse Lanuuius, nisi forte Romam: sed cras scies.

## CICERO ATTICO S.

EPISTOLAM ad Cæsare, nobis uero semper  
reētissime placuit, ut isti ante legerent: aliter enim fuis-  
semus &



semus & in hos inofficiosi, & in nosmet ipsos, si illum  
 offensuri fuimus, penè periculosi. isti autem ingenue,  
 mihiq; gratum, qd, quid sentirent, non reticuerunt: illud  
 uero uel optime, qd ita multa mutari uolunt, ut mihi de  
 integro scribendi causa non sit. quanq̃ de Parthico bel  
 lo quid spectare debui, nisi quod illum uelle arbitrabar?  
 quod enim aliud argumentum epistolæ nostræ, nisi κοῶ  
 κία fuit? an, si ea, quæ optima putaram, suadere uoluif  
 sem, oratio mihi defuisset? totis igitur literis nil opus  
 est: ubi enim ἐπιτὺγμα magnum nullum fieri possit,  
 ἀπὸ τὺγμα uel non magnum molestum futurum sit,  
 quid opus est παρὰ τὸ τὺγμα? praesertim cum illud oc  
 currat, illum, cum antea nihil scripserim, existimaturū,  
 me, nisi toto bello confecto, nihil scripturum fuisse. atq;  
 etiā uereor, ne putet me hoc quasi Catonis μέλιγμα esse  
 uoluisse. quid quaeris? ualde me poenitebat: nec in hac  
 quidem re quidquā magis ut uellem accidere potuit, q̃  
 quod σπουδὴ nostra non est probata. incidissemus etiā  
 in illos, in eis in cognatum tuum. sed redeo ad hortos.  
 Plane illuc te ire, nisi tuo magno cōmodo, nolo: nihil. n.  
 urget. quidquid erit, operam Faberio ponamus. de die  
 tamen auctioris, si quid scies. Eum, qui è Cumano ue  
 nerat, quod & plane ualere Atticam nuntiabat, & lite  
 ras se habere diebat, statim ad te misi. Vale.

## CICERO ATTICO S.

HORTOS quoniā hodie eras inspecturus, quid uisum  
 tibi sit, cras scilicet. De Faberio autem, cum uenerit.  
 De epistola ad Cæsarem: iurato mihi crede, nō possum:  
 nec me turpitude deterret, etsi maxime debebat: quā

EE



## LIB. XIII. EPIST.

enim turpis est assentatio, cū uiuere ipsum turpe sit nobis? sed, ut cœpi, non me hoc turpe deterret: (ac uellem quidem: essem enim, qui esse debebam) sed in mentem nihil uenit. nam quæ sunt ad Alexandrum hominum eloquentium, & doctorum suasionem, uides quibus in rebus uersentur. adolescentem incensum cupiditate uerissimæ gloriæ, cupientem sibi aliquid cōsiliij dari, quod ad laudem sempiternam ualeret, cohortantur ad decus. nō deest oratio. ego quid possum? tamē nescio quid ē queru exculperam, quod uideretur simile simulacri. in eo q̄ non nulla erant paulo meliora, q̄ ea, quæ sunt, et facta sunt, reprehenduntur: quod me minime pœnitet: si enim peruenissent istæ literæ; mihi crede, nos pœniteret. quid? tu non uides, ipsum illum, Aristotelis discipulum, summo ingenio, summa modestia, posteaq̄ Rex appellatus sit, superbum, crudelem, immoderatum fuisse? quid, tu hunc de pompa, Quirini contubernalem, his nostris moderatis epistolis lætaturum putas? ille uero potius nō scripta desiderat, quàm scripta non probet. postremo, ut uolet. abiit illud, quod tum me stimulabat, quod tibi dabam *περίβλημα ἀρχιμύδων*. multo mehercule magis nūc opto casum illum, quàm tum timebam, uel quēlibet. Nisi quid te aliud impedit, mihi optato ueneris.

Nicias à Dolabella magno opere arcessitus (legi enim literas) & si inuito me, tamen eodem me auctore profectus est. hoc manu mea. Vale.

CICERO ATTICO S.

C VM quasi alias res quærerem de philologis ē Nicia, incidimus in Talnam. ille de ingenio nihil nimis. mode-



stum, & frugi. sed hoc mihi non placuit. se scire dicebat ab eo nuper petitam Cornificiam, Quinti filiam, uetulam sanè, & multarum nuptiarum: non esse probatam mulieribus, quòd ita reperirent, rem non maiorem DCCC. hoc putavi te scire oportere. De hortis ex tuis literis cognoui, & Chrysippo. in uilla, cuius insul- sitatem bene noram, uideo nihil, aut pauca mutata. balnearia tamen laudat. maiora de minoribus ait hiberna effici posse. tecta igitur ambulatiuicula addenda est: quam ut tantam faciamus, quantam in Tusculano fecimus, propè dimidio minoris constabit isto loco. ad id autem, quod uolumus, ὅτι δ' ἐγὼ μὲν, nihil aptius uidetur, quàm lucus: quem ego noram, sed celebritatem nullam tum habebat, nunc audio maximam. nihil est, quod ego malim. in hoc τὸν τύπον μου πρὸς θεῶν τροποφύεσθον. reliquum est. si Faberius nobis nomen illud explicat: non li quærere, quanti: Othonem uincas uolo. nec tamen insaniturum illum puto: nosse. n. mihi hominē uideor. ita male autem audio ipsum esse tractatum, ut mihi ille emptor non esse uideatur: quid enim pateretur? sed quid argumentor? si Faberianum explicas, emamus uel magno: sin minus, ne paruo quidem possumus. Clodiā igitur: à qua ipsa ob eam causam sperare uideor, quòd & multo minoris sunt, & Dolabella nomen iam expeditum uidetur, ut etiam representatione concludā. de hortis satis. Cras aut te, aut causam: quam quidem futuram Faberianam: sed si poteris. Vale.

CICERO ATTICO S.

CICERONIS epistolam tibi remisi. ò te ferreū, qui

EE 14



## LIB. XIII. EPIST.

illius periculis non moueris . me quoq; accusat . eam epistolam tibi misissem . nam illam alterā de rebus gestis eodem exemplo puto . In Cumanum hodie misi tabellarium . ei dedi tuas ad Vestoriū, quas Pharnaci dederas . cōmodum ad te miseram Demeā, cum Eros ad me uenit . sed in eius epistola nihil erat noui, nisi auētionē biduum . ab ea igitur, ut scribis : & uelim, cōseēto negotio Faberiano : quē quidem negat Eros hodie : cras mane putat . à te colēdus est . istae autem κολακίαι non longe absunt à scelere . te, ut spero, perendie . sicunde potes, erues qui decem legati Mumio fuerunt : Polybius nō nominat . ego memini, Albinum Cōsulare, & Sp. Mumium : uideor audisse ex Hortensio, Tuditanum : sed in Libonis annali, XIII. annis post Prator est factus Tuditanus, q̄ Consul Mumius . non sanē quadrat . uolo aliquem Olympiæ, aut ubiuisiḡ πολιτικὸν σὺλλογον, more Dicæarchi familiaris tui. Vale.

## CICERO ATTICO S.

V. C A L. mane accepi à Demea literas pridie datas, ex quibus aut hodie, aut cras te expectare deberem . sed, ut opinor, idem ego, qui expecto tuum aduētum, morabor te : non . n. puto tam expeditum Faberianum negotium futurum, etiam si est futurū, ut non habeat aliquid moræ . cum poteris igitur : quoniam etiamdum abes . Dicæarchi quos scribis libros, sanē uelim mihi mittas : addas etiam μεταβάσεως . De epistola ad Cæsarem, κερφι καὶ . atq; id ipsum, quod isti aiunt illum scribere, se nisi constitutis rebus nō iturum in Parthos ; idem ego suadebam in illa epistola ; uirum liberet, facere posse, au-



Etore me. hoc. n. ille expectat uidelicet, neq; est facturus quidquam, nisi de meo consilio. obsecro, abijciamus ista, & semiliberi saltem simus, quod assequemur & tacendo, & latendo. Sed aggredere Othonem, ut scribis. cofice mi Attice istam rem: nihil. n. aliud reperio, ubi & in foro non sim, & tecum esse possim. quanti autem, hoc mihi uenit in mentem. C. Albanius proximus est uicinus. is  $\infty$  iugerum de M. Pilio emit; ut mea memoria est, HS CXV. omnia scilicet nunc minoris: sed accedit cupiditas: in qua, praeter Othonem, non puto nos ullum aduersarium habituros: sed cum ipsum tu poteris mouere, facilius etiam, si Canum haberes. o gulam insulsam. pudet me patris. rescribes, si quid uoles.

## CICERO ATTICO S.

AL TER A M à te epistolam cum hodie accepissem, nolui te una mea contentum. Tu uero age, quod scribis, de Faberio: in eo. n. totum est positum id, quod cogitamus. quæ cogitatio si non incidisset (mihi crede istuc, ut cætera) non laborarem. quam ob rem, ut facis (istuc. n. addi nihil potest) urge, insta, perfice. Dicæarchi περί Λυχῆς utrosq; uelim mittas, & κατάβασεως. τριπολιτικὸν non inuenio, & epistolam eius, quam ad Aristoxenum misit. treis eos libros maxime nunc uellem: apti essent ad id, quod cogito. Torquatus Romæ est. iussi, ut tibi daretur. Catulum, & Lucullum, ut opinor, antea. his libris noua proœmia sūt addita, quibus eorū uterq; laudatur. eas literas uolo habeas. & sunt quædam alia. et quod ad te de decem legatis scripsi, parum intellexi, credo, quia διὰ συμψύκων scripserā: de C. Tuditano enim



## LIB. XIII. EPIST.

quærebam, quem ex Hortensio audieram fuisse in decē.  
 eum uideo in Libonis Prætorem. L. Popilio P. Rupilio  
 Consulibus. annis XIII ante, quàm Prætor factus  
 est, legatus esse potuisset; nisi admodum sero Quæstor  
 est factus: quod non arbitror: uideo. n. Curules magi-  
 stratus eum legitimis annis perfacile cepisse. Posthumi-  
 um autem, cuius statuam in Isthmo meminisse te dicis,  
 sciebam fuisse. is autem est, qui cum Lucullo fuit, quem  
 tu mihi addidisti, sanè ad illum σύλλογον personam ido-  
 neam. uidebis igitur, si poteris, cæteros; ut possimus  
 πομπύσαι καὶ τοῖς προσώποις. Vale.

## CICERO ATTICO S.

N EGLIGENTIAM miram. semel ne putas mihi  
 dixisse Balbum, & Faberium, professionem relatam?  
 quin etiam eorum iussu miseram, qui profiteretur: ita  
 enim oportere dicebant. professus est Philotimus liber-  
 tus. nosti credo librariū: sed scribis, & quidem confe-  
 ctū. Ad Faberium, ut tibi placet, literas misi. cū Bal-  
 bo autē puto te aliquid fecisse H. in Capitolio. In Vir-  
 gilio mihi nulla est δυσωπία: nec. n. eius causa sanè de-  
 beo: & si emero, quid erit, quod postulet? sed uidebis,  
 ne is cū sit in Africa, ut Celius. De nomine tu uidebis  
 cū Cuspio: sed, si Plancus destinat, tum haberes difficul-  
 tatē. te ad me uenire uterq; nostrū cupit: sed ista res  
 nullo modo relinquēda est. Othonē quod speras posse  
 uinci, sanè bene narras. de æstimatione, ut scribis, cum  
 agere cœperimus: & si nihil scripsit, nisi de modo agri.  
 Cū Pisone, si quid poterit. Dicæarchi librum accepi:  
 κατὰ βέλους expecto. negotium dederis. reperiēs ex eo



libro, in quo sunt S. C. Cn. Cornelio, & L. Coss. de Tuditano autem, quod putas, βολογος est, tum illum, quoniam fuit ad Corinthum: non enim temere dixit Hortensius, aut Quaestorem, aut Tribunum mil. idque potius fuisse credo. sed tu de Antiocho scire poteris. uide etiam, quo anno Quaestor, aut Tribunus mil. fuerit: si neutrum, eodem in praef. aut contuber. fuerit, modo fuerit in eo bello. De Varrone loquebamur: lupus in fabula: uenit enim ad me, & quidem id temporis, ut retinendus esset: sed ego ita egi, ut non scinderem penulam: memini enim tui: & multi erant, nosque imparati. quid refert? paulo post C. Capito cum T. Carrinate. horum ego uix attigi penulam: tamen remanserunt. cecidit belle. sed casu sermo à Capitone de Vrbe augenda, à ponte Muluio Tyberim duci secundum montes Vaticanos, campum Martium coedificari, illum autem campum Vaticanum fieri quasi Martium campum. quid ais, inquam? at ego ad tabulam, ut si recte possem Scapulae nos hortos. caue facias, inquit: nã ista lex perferetur: uult enim Caesar. audire me, facile passus sum: fieri autem, moleste fero. sed tu quid ais? quanquam quid quero? nosti diligentiam Capitonis in rebus nouis perquirendis: non concedit Camillo. facies igitur me certiore de Idibus: ista enim me res adducebat: eò adiunxeram ceteras: quas consequi tamen biduo, aut tri-duo post facile potero. te tamen in uia confici minime uolo. quin etiam Dionysio ignosco. de Bruto quod scribis, feci ut ei liberum esset, quod ad me attineret: scripsi enim ad eum heri, Idibus Maij eius opera mihi nihil opus esse. Vale.



LIB. XIII. EPIST.

CICERO ATTICO S.

A S T V R A M ueni VIII. Cal. Iul. uitandi enim calor  
ris causa Lanuij treis horas acquieueram. tu uelim,  
si graue nō erit, efficias, ne ante Nonas mihi illuc ueniē  
dum sit. id potes per Egnatiū Maximum. Illud in pri-  
mis cū Publilio me pene absente conficies. de quo, quae  
fama sit, scribes. id populus curat scilicet. non meher-  
cule arbitror: etenim hae decantata erat fabula: sed  
complexe paginam nolui. quid plura? ipse enim adsum,  
nisi quid tu prorogas: scripsi enim ad te de hortis.

CICERO ATTICO S.

O' R E M indignam. gentilis tuus Urbem auget: quam  
hoc biēnio primum uidit: et ei parum magna uisa est,  
quae etiam ipsum capere potuerit. hac de re igitur ex-  
pecto literas tuas. Varroni scribis, te, simul ac uenerit.  
dati igitur iam sunt, nec tibi integrum est: (hui, si scias  
quanto periculo tuo) aut fortasse literae meae te retarda-  
runt: sed eas nondum legeras, cum has proximas scri-  
psisti. scire igitur aueo, quo modo res se habeat. Vale.

CICERO ATTICO S.

D E Bruti amore, uestraq; ambulatione, & si mihi nihil  
nouī affers, sed idem, quod saepe, tamen hoc audio libe-  
rius, quo saepius; eoq; mihi iucundius est, quod tu eo lae-  
taris; certiusq; eo est, quod à te dicitur. Vale.

CICERO ATTICO S.

H A S alteras hodie literas. De Xenonis nomine, & de



Epeiroticis XL, nihil potest fieri nec cōmodius, nec aptius, q̄ ut scribis. id erat locutū mecum eodem modo Balbus minor. Noui nihil sanē, nisi Hircium cum Quinto acerrime pro me litigasse: omnibus eū locis facere, maximeq; in conuiuijs: cum multa de me, tum redire ad patrem: nihil autem ab eo tam ἀξιόμιστος dici, q̄ alienis simos nos esse à Cæsare: fidem nobis habendam nō esse, me uero etiā cauendum. φοβερὸν ἴνυ, nisi uiderē scire Regē, me animi nihil habere. Ciceronē uero meū uexari, sed id quidē arbitrati suo. Laudationem Porciæ gaudeo me ante dedisse Leptæ tabellario, q̄ tuas acceperim literas. cam tu igitur, si me amas, curabis, si modo mittetur, isto modo mittēdum Domitio, & Bruto. De gladiatoribus, de cæteris, quæ scribis ἀνεμοφόρητα, facies me quotidie certiorē. uelim, si tibi uidetur, appelles Balbum, & Offiliū de auēlione proscribenda. equidem locutus sum cū Balbo. placebat (puto conscripta habere Offiliū omnia: habet & Balbus) sed Balbo placebat, propinquū diem, & Romæ: si Cæsar moraretur, posse in diem diem differri. sed is quidē adesse uidetur. totū igitur considera: placeat enim Vestorio. Vale.

## CICERO ATTICO S.

ANTE lucem cum scriberem contra Epicureos, de eodē oleo, & opera exarauī nescio quid ad te, & ante lucem dedi. deinde cum somno repetito simul cum sole experrectus essem, datur mihi epistola à sororis tuæ filio, quā ipsam tibi misi, cuius est principiū non sine maxima contumelia, sed fortasse οὐκ ἐπέσησεν. est autem sic.

E G O enim nō probo, quidquid non belle in te dici. po=



## LIB. XIII. EPIST.

test. posse uult in me multa dici non belle, sed ea se negat approbare. hoc quidquam pote esse impurius? iam cetera leges (nisi enim ad te) iudicabisq; . Bruti nostri quotidianis, assiduísq; laudibus, quas ab eo de nobis haberi permulti mihi renuntiauerunt, comotum istum  
 \* aliquando scripsisti aliquid ad me; credo, & ad te: idq; ut sciã, facies. nam ad patrẽ de me quid scripserit, nescio: de matre quã pie? VOLVERAM, inquit, ut quã plurimum tecum essem, conduci mihi domum; & id ad te scripserã: neglexisti. ita minus multũ unã erimus: nã ego istam domũ uidere non possum: qua de causa, scis. Hanc autẽ causam pater odium matris esse dicebat. nũc me iuuat mi Attice consilio, πότερον δὲ καὶ τὰ χεῖρα ὕψιον, id est utrum aperte hominẽ asperner, ac respuã, ἢ σκολιὰς ἀπάτας: ut. n. Pindaro, sic δὲ ἴχα μοι νόσος ἀτρέκεων εἶπεν. omnino moribus meis illud apertius, sed hoc fortasse temporibus. tu autẽ, quod ipse tibi suaseris, idẽ mihi persuasum putato. equidẽ uereor maxime, ne in Tusculano opprimar. in turba hæc essent faciliora. utrũ igitur Asturæ? quid? Cæsar subito. iuuat me, quaeso, cõsilio: utar eo, quod tu decreueris. Vale.

CICERO ATTICO S.

O INCREDBILEM uanitatem: ad patrem, domo sibi carendum propter matrem, plenam pietatis. hic autem iam languescit, & ait tibi illum iure iratum: sed utar tuo consilio: σκολιὰ enim tibi uideo placere. Romanam, ut censes, ueniam, sed inuitus. ualde. n. in scribendo hæreo. Brutũ, inquis, eadem. scilicet: sed nisi hoc esset, res me ista non cogeret: nec enim inde uenit, unde



mallem : neq; diu abfuit : neq; ullā literam ad me. sed  
tamē scire aueo, qualis ei totius itineris summa fuerit.

Libros mihi, de quibus ad te antea scripsi, uelim mittas,  
\* *Ἐ* maxime *φιλότητος περὶ δέων* *Ἐ* *ΠΛΑΙΔΟC*. ita  
ne nūtiat Brutus, illū ad bonos uiros *ἐναγγελία* ? sed ubi  
eos ? nisi forte se suspendit . hic autē, ut fultum est. ubi  
igitur *φιλοτέχνημα* illud tuū, quod uidi in Parthenone ?  
Alam, *Ἐ* Brutū . sed quid faciant ? illud optime, quod  
ne is quidē, qui omnium flagitiorū auētor, bene de no-  
stro . at ego uerebar, ne etiā Brutus eū diligeret : ita. n.  
significarat ijs literis, quas ad meas . at uellē aliquid de  
gustasse de fabulis . sed coram, ut scribis . *Ἐ* si quid mi  
hi auētor es, aduolo ne, an maneo ? equidē *Ἐ* in libris  
hæreo, *Ἐ* illū hic excipere nolo : ad quē, ut audio, pater  
hodie ad Saxa Acrimonia . mirum, q̄ inimicus ibat, ut  
ego obiurgarē . sed ego ipse *κῆρυγμα*. itaq; posthac. tu  
tamen uide, quid de aduentu meo censeas ; *Ἐ* τὰ ὅλα  
cras, si perspicere potuerint, mane statim ut sciam. Vale.

## CICERO ATTICO S.

E G O uero Quinto epistolam ad sororem misi . cum ille  
quereretur filio cum matre bellum, *Ἐ* se ob eā causam  
domo cessurum filio diceret: dixi, illum cōmodas ad ma-  
trem literas, ad te nullas . ille alterum mirabatur: de te  
autem suam culpam, quod sæpe grauitē ad filium scri-  
psisset de tua in illum iniuria . quod autem relanguisse  
se dicit, ego ei tuis literis lectis *σκολιῶς ἀπάταις* signifi-  
caui me non fore : tum enim mentio Canai . omnino,  
si id consilium placeret, esset necesse . sed, ut scribis, ra-  
tio est habenda grauitatis, *Ἐ* utriusque nostrum



## LIB. XIII. EPIST.

Idem consiliū esse debet : & si in me grauiores iniuriæ,  
& certe notiores . si uero etiam Brutus aliquid afferet,  
nulla dubitatio est . sed coram : magna . n . res , & mul-  
ta cautionis . cras igitur , nisi quid à te cōmotus . Vale.

CICERO ATTICO S.

VENIT ille ad me, καὶ μάλα κατκρής . & ego, σὺ δέ τι  
σύνου; ? rogas, inquit? q̄ iter instet, & iter ab bellum,  
idq; tum periculosum, tum etiam turpe. quæ uis igitur,  
inquam? æs, inquit, alienum, & tamen ne uaticum qui  
dem . hoc loco ego sumpsi quiddam de tua eloquentia :  
nam tacui . at ille , sed me maxime angit diuinculus .  
quidnam, inquam? q̄ mihi, inquit, iratus est . cur pate-  
ris, inquam? malo . n . ita dicere, quàm cur cōmittis? nō  
patiar, inquit : causam . n . tollam . & ego, rectissime qui  
dem : sed, si graue non est, uelim scire, quid sit causæ .  
quia, dum dubitabam, quam ducerem, non satisfaciebā  
matri , ita ne illi quidem . nunc nihil mihi tanti est . fa-  
ciam, quod uolunt . feliciter uelim, inquam, teq; laudo .  
sed quando? nihil ad me, inquit, de tempore, quoniā rem  
probo . at ego, inquam, censeo prius, quàm proficiscaris .  
ita patri quoque morem gesseris . faciam, inquit, ut cen-  
ses . hic dialogus sic conclusus est . Sed heus tu, diem  
meum scis esse IIII . Non . Iam . aderis igitur . scripserā  
iam : ecce tibi orat Lepidus, ut ueniam (opiner Augures  
nihil habere) ad templū effandum Saturni ἀσπὸνδου .  
uidebimus te igitur . Vale.

CICERO ATTICO S.

E G O uero utar prorogatione diei : tuq; humanissime



fecisti, qui me certiore feceris, atque ita, ut eo tempore acciperem literas, quo non expectarem, tuq; ut ab ludis scriberes. sunt omnino mihi quadam agenda Romæ: sed consequemur biduo post. Vale.

## CICERO ATTICO S.

S VAVES tuas literas: & si acerba pompa: ueruntamen scire omnia non acerbum est, uel de Cotta. populum uero præclarum, q propter malum uicinū ne Victorie quidē plauditur. Brutus apud me fuit: cui quidem ualde placebat, me aliquid ad Cæsarem. annuerā, sed pompam uideret. Tu tamen ausus es Varroni dare. expecto, quid iudicet. quando autem perleget? De Attica probo. est quiddam, etiam animum leuatum spectatione, tum etiam religionis opinione, & fama. Cottam mihi uelim mittas. Libonem mecum habeo, & habueram ante Cæsam. Brutus mihi T. Ligarij uerbis nuntiauit, quod appelletur L. Cursidius in oratione Ligariana, erratum esse meum, sed, ut aiunt, *μνημονικὸν ἀμαρτήμα*. sciebam, Cursidium pernecessariū Ligariorum: sed eum uideo ante esse mortuū. da igitur quaeso negotium Pharnaci, Antæo, Saluio, ut id nomen ex omnibus libris tollatur. Vale.

## CICERO ATTICO S.

F VIT apud me Lamia post discessum tuum, epistolamq; ad me attulit missam sibi à Cæsare: quæ quanquā ante data erat, quam ille Diocharinæ; tamen plane declarabat, illum ante ludos Romanos esse uetūrum. in qua extrema scriptū erat, ut ad ludos omnia pararet, ne ue



## LIB. XIII. EPIST.

committeret, ut frustra ipse properasset. prorsus ex his literis non uidebatur esse dubium, quin ante eam diem uenturus esset. idemque Balbo, cum eam epistolam legisset, uideri Lamia dicebat. Dies feriarum mihi additos uideo; sed quod multos, fac, si me amas, sciam. de Babio poteris, et de altero uicino Egnatio. Quod me hortaris, ut eos dies consumam in philosophia explicanda: currentem tu quidem: sed cum Dolabella uiuendum esse istis diebus uides. quod nisi me Torquati causa teneret; satis erat dierum, ut Puteolos excurrere possem, et ad tempus redire. Lamia quidem a Balbo, ut uidebatur, audierat, multos numos domi esse numeratos, quos oporteret quamprimum diuidi: magnum pondus argenti: auctionem, praeter praedia, primo quoque tempore fieri oportere. scribas ad me uelim, quid tibi placeat. equidem, si ex omnibus esset eligendum, nec diligentior, nec officiosior facile delegissem Vestorio: ad quem accuratissimas literas dedi: quod idem te fecisse arbitror. mihi quidem hoc satis uidetur. tu quid dicis? unum, n. pungit, ne negligentiores esse uideamur. expectabo igitur tuas literas. Vale.

## CICERO ATTICO S.

POLLEX quidem, ut dixerat, ad Idus Sext. ita mihi Lanuij pridie Iduum praesto fuit, sed plane pollex, non index. cognosces igitur ex ipso. Balbum conueni: (Lepta enim de sua ui in curatione laborans, me ad eum perduxerat) in eo autem Lanuino, quod Lepido tradidit. ex eo hoc primum. paulo ante acceperam eas literas, in quibus magnopere confirmat, ante ludos Romanos. legi epistolam. multa de meo Catone: quem saepissime legendo,



se dicit copiosorem factum; Bruti Catone lecto, se sibi  
uisum disertum. ex eo cognoui cretionem Cluuij, (ò Ve  
storium negligentem) liberam, testibus presentibus se-  
xaginta duobus. metuebam, ne ille arcessendus esset.  
nunc mittendū est, ut meo iussu cernat. idē igitur Pol-  
lex. etiam de hortis Cluuianis egi cū Balbo. liberalius:  
se enim statim ad Cæsare scripturum. Cluuium autem  
à T. Hordeonio legare & Terentiae HS L D D, et se-  
pulcro, multisq; rebus, nihil à nobis. subaccusa quæso Ve-  
storium. quid minus probandū, quàm Plotium unguē-  
tarium per suos pueros omnia tanto ante Balbo, illum  
mihine per meos quidē? De Cosinio doleo. dilexi ho-  
minem. Quinto delegabo, si quid æri meo alieno supe-  
rabit, & emptionibus, ex quibus mihi etiam æs alienum  
faciendū puto. De domo Arpinī nihil scio. Vestoriū,  
nil est, quod accuses: iam. n. ob signata hac epistola, no-  
Et tu tabellarius noster uenit, & ab eo literas diligenter  
scriptas attulit, & exemplum testamenti. Vale.

## CICERO ATTICO S.

P O S T E A Q V A M abs te Agamemno, non ut ueni-  
rem (nam id quoque fecissem, nisi Torquatus esset) sed  
ut scriberem, tetigit, omisi ea, quæ in manibus habebam,  
abieci, quod iusseras edolauī. Tu uelim è Pollice cogno-  
scas rationes nostras sumptuarias: turpe est enim nobis,  
illum qualiscunque est, hoc primo anno egere: post mo-  
derabimur diligentius. Idē Pollex remittendus est, ut  
ille cernat. Plane Puteolos non fuit eūdum, cū ob ea,  
quæ ad te scripsi, tum quod Cæsar adest. Dolabella scri-  
bit, se ad me postridie Iduum. ò magistrum mole-



## LIB. XIII. EPIST.

stum. Lepidus ad me heri uesp̄i literas misit Antio :  
nam ibi erat : habet .n. domum, quam nos uendidimus .  
rogat magnopere, ut sim Calendis in senatu, me et sibi,  
& Casari uehementer gratum esse facturū. puto equi-  
dem nihil esse : dixisset .n. tibi fortasse aliquid Oppius,  
quoniam Balbus est ager. sed tamen malim uenire fru-  
stra, quā desiderari, si opus esset : moleste ferrem po-  
stea, itaq; hodie Antij, cras ante meridiem domi. tu ue-  
lim, nisi te impediuisti, apud nos pridie Cal. cum Pilia .

Te spero cum Publilio confecisse. equidem Calēdis in  
Tusculanum recurram : me .n. absente omnia cum illis  
transigi malo. Quinti fratris epistolam ad te misi, nō  
satis humane illam quidē respondentem meis literis, sed  
tamen quod tibi satis sit, ut equidem existimo. tu uide-  
bis. Heri nescio quid in strepitu uideor exaudisse, cum  
diceres te in Tusculanū uenturū : quod utinam, iterum  
utinam, tuo tamē cōmodo. Lepta me rogat, ut, si quid  
sibi opus sit, accurrā : mortuus .n. Babulius. Caesar opi-  
nor ex uncia : & si nihil adhuc : sed Lepta ex triēte. ue-  
retur autē, ne nō liceat tenere hēreditatē, ἀλόγως om-  
nino, sed ueretur tamē. is igitur si accierit, accurrā : sin-  
minus, haud ante, q̄ necesse erit. Tu Pollicē, cū poteris.

## CICERO ATTICO S.

L A U D A T I O N E M Porciæ tibi misi correctā : de  
eo properaui, ut, si forte aut Domitio filio, aut Bruto  
mitteretur, hæc mitteretur. id, si tibi erit commodum,  
magnopere cures uelim. & uelim M. Varronis, & Lol-  
lij mittas laudationem, Lollij utiq; : nam illam legi : uo-  
lo tamē regustare : quædā enim uix mihi credo legisse.

Atticæ



Atticæ primum salutem, quam quidem ruri esse arbi-  
 tror. multam igitur salutem & Piliæ. De Tigellio, si  
 quid noui. qui quidem, ut mihi Gallus Fabius scripsit,  
 μέμνην ἀναφέγει mihi quandam iniquissimam, me Pha-  
 meæ defuisse, cum eius causam recepissem: quā quidem  
 receperam contra pueros Octauios Cn. F. non libenter:  
 sed Phameæ causa uolebam: erat enim, si meministi, in  
 Consulatus petitione per te mihi pollicitus, si quid opus  
 esset: quod ego perinde tuebar, ac si usus essem. is ad me  
 uenit, dixitq; iudicem operā dare sibi cōstituisse eo die  
 ipso, quo de Sestio nostro lege Pompeia in consilium iri  
 necesse erat: scis enim dies illorum iudiciorum præstitu-  
 tos fuisse. respondi, non ignorare eum, quid ego deberē  
 Sestio, quē uellet alium diem si sumpsisset, me ei nō de  
 futurum. ita tū ille discessit iratus. puto me tibi nar-  
 rasse. non laboraui scilicet, nec hominis alieni iniustissi-  
 mam iracundiam mihi curandam putaui. Gallo autē  
 narraui, cū proxime Romæ fui, quid audissem, neq; no-  
 minaui Balbum minorem. habuit suū negotium Gal-  
 lus, ut scribit. ait illum, me animi cōscientia, quod Phæ-  
 meam destituissem, de se suspicari. quare tibi hætenus  
 mando, de illo nostro, si quid poteris, exquiras: de me ne  
 quid labores. est bellū aliquem libetèr odisse, & quem-  
 admodū nō omnibus seruire. etsi mehercule, ut tu intel-  
 ligis, magis mihi isti seruiunt, si obseruare seruire est.

CICERO ATTICO S.

ADMONITVS quibusdā tuis literis, ut ad Cæsa-  
 rem uberiores literas mitterem, instituerā cū mihi Bal-  
 bus nuper in Lanuino dixisset, se, & Oppium scripsisse

FF



L I B. XIII. E P I S T.

ad Cæsarem, me legisse libros contra Catonem, et uehementer probasse: conscripsi de his ipsis libris epistolam Cæsari, quæ deferretur ad Dolabellam: sed eius exemplū misi ad Oppiū, & Balbū, scripsiq; ad eos, ut eum deferri ad Dolabellā iuberent meas literas, si ipsi exemplū probassent. ita mihi rescripserunt, nihil unquā se legisse melius: epistolamq; meā iusserunt dari Dolabellæ. Vestorius ad me scripsit, ut iuberē mācipiō dari seruo suo pro mea parte Heterēio cuidā fundum Brinnianū, ut ipse ei Puteolis recte mancipio dare posset. eū seruū, si tibi uidebitur, ad me mittes: opinor enim ad te etiam scripsisse Vestoriū. De aduentu Cæsaris idē, quod à te, mihi scriptū est ab Oppio, & Balbo. Miror te nihil dūcum Tigellio, uel ut hoc ipsum quantū acceperit. prorsus aueo scire, nec tamen floccifacio. Quæris, quid cogitem de obuiā itione: quid censes, nisi Alsiū? & quidem ad Muranā de hospitio scripserā: sed opinor cū Matio profectū. Salustius igitur urgebatur. Scripto iā superiore uersiculo, Eros mihi dixit, sibi Muranā liberalissime respōdisse. eo igitur utamur: nā Silius culcitrās nō habet: Dida aut, opinor, hospitibus totā uillā concessit.

CICERO ATTICO S.

AD Cæsare quā misi epistolē, eius exemplū fugit me tū tibi mittere. nec id fuit, quod suspicaris, ut me pueretui, ne ridicule Micillus, nec mehercule scripsi aliter, ac si πρὸς ἴσον ὁ μοιονq; scriberē: bene. n. existimo de illis libris, ut tibi corā. itaq; scripsi et ἀκολακίστως, et tamē sic ut nihil eū existimē lecturū libētius. De Attica, nūc deum mihi est exploratū. itaq; ei de integro gratulare.



Tigellium totum mihi, et quidem apprimum: nam pendeo animi.  
Narrabo tibi: Quintus cras, sed ad me, an ad te, nescio.  
mihi scripsit, Romam VIII. Cal. sed misi, qui inuitaret. et si  
hercle iam Romam ueniendum est, ne ille ante aduolet. Vale.

## CICERO ATTICO S.

HOSPITEM mihi tam graue ἀμεταμέλητον: fuit. ne  
periucunde. sed cum secundis Saturnalibus ad Philippum ue-  
speri uenisset, uilla ita completa militibus est, ut uix tri-  
clinium, ubi coenaturus ipse Caesar esset, uacaret: quippe  
hominum ∞∞. sane sum commotus, quid futurum esset  
postridie. ac mihi Barba Cassius subuenit: custodes dedit:  
castra in agro: uilla defensa est. ille tertius Saturnalis  
bus apud Philippum ad horam VII. nec quenquam admisit.  
rationes opinor cum Balbo, inde ambulauit in litore. post  
horam VII. in balneum. tum audiuit: de Mamurra non mu-  
tauit. unctus est, accubuit, ἐμετικὴν agebat: itaque et edit,  
et bibit ἀδελῶς, et iucunde: opipare sane, et apparate: nec  
id solum, sed bene, cocto, condito, sermone bono, et, si que-  
ris, libenter. praeterea tribus tricliniis accepti οἱ περὶ αὐτὸν  
ualde copiose. libertis minus lautis, seruisque nihil defuit:  
nam lautiores eleganter accepti. quid multa? homines uisi  
sumus: hospes tamen non is, cui diceret: amabo te, eodem ad  
me cum reuertere. semel satis est σπουδαῖον οὐδὲν in ser-  
mone, φιλόλογα multa. quid quis? delectatus est, et liben-  
ter fuit. Puteolis se dicebat unum diem fore, alterum ad Ba-  
ias. habes hospitium, siue ἐπισκευάαν: odiosam mihi duxi,  
non molestam. ego paulisper hic, deinde in Tusculanum. Do-  
labellae uillam cum praeteriret, omnis armatorum copia dextra  
sinistra ad equum, nec usquam alibi. hoc ex Nicia. Vale.



M. TVLLII CICERONIS EPISTOLA  
RVM AD T. POMPONIVM AT-  
TICVM LIBER XIII.

CICERO ATTICO S.

DIVERTI ad illum, de quo tecū ma-  
ne. nihil perditius: explicari rē nō pos-  
se: etenim, si ille tali ingenio exitū nō  
reperiebat, quis nunc reperiet? quid  
quæris? perijisse omnia aiebat. quod  
haud scio an ita sit. uerū ille gaudens; affirmatq; , mi-  
nus diebus XX tumultum Gallicum: in sermonem se  
post Idus Martij, præterquam Lepidi, uenisse nemini, ad  
summam, non posse istæc sic abire. ò prudentem Op-  
pium, qui nihilo minus illū desiderat, sed loquitur ni-  
hil, quod quenquam bonū offendat. sed hæc hætenus.  
Tu quæso, quidquid noui (multa autem expecto) scri-  
bere ne pigrere, in his, de Sexto satis ne certū, maxime  
autem de Bruto nostro: de quo quidem ille, ad quem  
diuerti, Cæsarem solitum dicere: magni refert, hic quid  
uelit; sed quidquid uult, ualde uult: idq; eum animad-  
uertisse, cum pro Deiotaro Niceæ dixerit: ualde uehe-  
menter eum uisum, & libere dicere. atque etiam (ut  
enim quidq; succurrit, libet scribere) proxime, cum Ses-  
stij rogatu apud eū fuisset, expectaremq; sedēs quo ad  
uocarer, dixisse eum, ego dubitem. quin summo in odio  
sim, cum M. Cicero sedeat, nec suo cōmodo me conueni-  
re possit? atqui, si quisquam est facilis, hic est: tamē nō  
dubito, quin me male oderit. Hæc, & eiusmodi multa.



sed ad propositum. quidquid erit, nō modo magnū, sed etiam parvū, scribes. equidem nihil intermittā. Vale.

CICERO ATTICO S.

DVAS à te accepi epistolas heri. ex priore theatrū, Publiumq; cognovi, bona signa cōsentientis multitudinis. plausus uero L. Cassio datus, etiā facetus mihi quidem uisus est. altera epistola de Madaro scripta. apud quem nullum *σαλάρωμα*, ut putas: processi enim, sed minus diu eius sermone enim sum retentus, quod autem ad te scripseram, obscure fortasse, id eiusmodi est. aiebat Cæsarem secum, quo tempore Sestij rogatu ueni ad eum, cum expectarem sedens, dixisse. ego nunc tam sim stultus, ut hūc ipsum, facilem hominem, putē mihi esse amicum, cum tā diu sedens meum cōmodum expectet? habes igitur *φιλάρωμα*, inimicissimum orij, id est Bruti. In Tusculanū hodie, Lanuij cras, inde Astura cogitabā. Piliæ paratum est hospitium: sed uellē. Atticam. uerū tibi ignosco. quarū utriq; salutē. Vale.

CICERO ATTICO S.

TRANQUILLAE quidē tuæ literæ: q̄ utinam diutius: nam Matius posse negabat. ecce autem stratores nostri ad frumentum profecti, cum inanes redissent, rumorem afferunt magnum, Romæ domum ad Antonium frumentum omne portari: *παικὸν* certe: scripsisses enim. Corrubus Balbi nullus adhuc: & mihi notum nomē: bellus enim esse dicitur architectus.

Ad obsignandū tu adhibitus non sine causa uideris: uolunt enim nos ita putare: nescio, cur nō animo quoq;

FF iij



## LIB. XIII. EPIST.

sentiant. sed quid hæc ad nos? odorare tamen Antonij  
 διαδοσιν. quem quidem ego epularum magis arbitror  
 rationem habere, quàm quidquam mali cogitare. tu,  
 si quid πραγμάτων habes, scribe: sin minus, populi  
 ἐπισήμασιν, & minorum dicta perscribito. Piliæ,  
 & Atticæ salutem. Vale.

## CICERO ATTICO S.

NUNC quid putas me Lanuvij? at ego te istic  
 quotidie aliquid novi suspicor. tumēt negotia: nā cum  
 Matius, quid censes cæteros? equidē doleo, quod nūquā  
 in ulla ciuitate accidit, non unā cum libertate Remp.  
 recuperatam. horribile est, quæ loquuntur, quæ minitē  
 tur. ac uereor Gallica etiam bella, ipse Sextus quò eua  
 dat. sed omnia licet concurrant, Idus Martiæ consolantur.  
 nostri autē nēq̄es, quod per se ipsos confici potuit,  
 gloriosissime, & magnificentissime confecerūt. reliquæ  
 res opes, et copias desiderant: quas nullas habemus. hæc  
 ego ad te, ut, si quid noui (nā quotidie aliqd expecto)  
 confestim ad me: & si noui nihil, nostro more tamē ne  
 patiamur intermitti literulas: equidē nō cōmittā. Vale.

## CICERO ATTICO S.

SPERO tibi iā esse, ut uolumus, quoniā quidem  
 ἐοικώς q̄ leuiter cōmotus esses: sed tamē uelim scire,  
 quid agas. Signa bella, q̄ Caluena moleste fert, se suspe  
 ctum esse Bruto. illa signa non bona, si cum signis le  
 giones ueniunt è Gallia. quid tu illas putas, quæ fue  
 runt in Hispania? non ne idē postulaturas? quid eas,  
 quas Annius transportauit? Caninium uolui, sed μὴν



μόνικόν ἀμάγνημα, ab aleatore φεμὸς πολλῶς. nam ista  
 quidem Cæsaris libertorum coniuratio facile opprime-  
 retur, si recta saperet Antonius. meam stultam vere-  
 cundiam, qui legari noluerim ante res prolatas, ne dese-  
 rere uiderer hunc rerum tumorem: cui certe si possem  
 mederi, deesse nō deberē: sed uides magistratus: si qui-  
 dem illi magistratus: uides tamen tyranni satellites in  
 imperijs: uides eiusdem exercitus: uides in latere uete-  
 ranos: quæ sunt ὅλα πάντα omnia: eos autem, qui orbis  
 terræ custodijs non modo septi, uerum etiā magni esse  
 debebant, tantummodo laudari, atq; amari, sed parieti-  
 bus contineri. atq; illi quoquo modo beati, ciuitas mise-  
 ra. sed uelim scire, quid aduentus Octauij, num qui  
 concursus ad eum, num quæ νεώτερος μὲν suspicio. non  
 puto equidem: sed tamen, quidquid est, scire cupio. hæc  
 scripsi ad te proficiscens Astura III. Id. Vale.

CICERO ATTICO S.

PRID. Id. Fundis accepi tuas literas cœnans pri-  
 mum igitur, melius esse: deinde, meliora te nuntiare.  
 odiosa illa enim fuerant, legiones uenire. nam de Octa-  
 uio susq; deq; expecto, quid de Mario: quem quidem  
 ego sublatum rebar à Cæsare. Antonij colloquiū cū  
 heroibus nostris pro re nata non incōmodū: sed tamen  
 adhuc me nihil delectat præter Idus Martij. nam quo-  
 niā Fundis sum cum Ligure nostro, discrucior Sestilij  
 fundum à Verberone Curtilio possideri. quod cum di-  
 co, de toto genere dico: quid enim miserius, quā ea  
 nos tueri, propter quæ illum oderamus? etiam ne Con-  
 sules, & Tribunos pl, in biēnium, quos ille uoluit? nul-

FF IIIJ



LIB. XIII. EPIST.

lo modo reperio, quemadmodum possim πολιτεύεσθαι: nihil enim tam σόλοικον, quàm τυραννοκτόνους in coe-  
lo esse, tyranni facta defendi. sed uides Consules: uides  
reliquos magistratus, si isti magistratus: uides languo-  
rem bonorum. exultant latitiâ in municipiis, dici enim  
nō potest, quanto petere gaudeant, ut ad me concurrant,  
ut audire cupiant uerba mea de re: nec ulla interea de-  
creta: sic enim πεπολιτεύμεθα, ut uictos metueremus.  
hæc ad te scripsi apposita secunda mēsa. plura, & πο-  
λιτικώτερα postea: & tu, quid agas, quidq; agatur.

CICERO ATTICO S.

POSTRIDIE Idū Paulum Caietæ uidi. is mi-  
hi de Mario, & de Rep. alia quædam sanè pessima. à  
te scilicet nihil, nemo enim meorum. sed Brutum no-  
strū audio uisum sub Lanuuiō. ubi tandē est futurus?  
nam cum reliqua, tum de hoc scire aueo omnia. ego è  
Formiano exiens XVII. Cal. ut inde altero die in Pu-  
teolanū scripsi hæc. A Cicerone mihi literæ sanè πε-  
πινωμέναι, & bene longæ. cætera autem uel fingi pos-  
sunt: πινω literarū significat doctiorē. nunc magnope-  
re à te peto, de quo sum nuper tecum locutus, ut ui-  
deas, ne quid ei desit. id cū ad officium nostrum per-  
tinet, tum ad existimationē, & dignitatē, & quod idē  
intellexi tibi uideri omnino. si ergo est, uolo mense  
Quintili in Græciam. sunt omnia faciliora. sed cum  
sint ea tempora, ut certi nihil esse possit, quid hone-  
stum mihi sit, quid liceat, quid expediat: quæso da  
operā, ut illum quam honestissime copiosissimeq; tuea-  
mur. hæc, & cætera, quæ ad nos pertinebunt, ut soles,



cogitabis, ad meq; , aut quod ad rem pertineat, aut ,  
si nihil erit, quod in buccam uenerit, scribes. Vale.

CICERO ATTICO S.

TV ME iam rebare, cum scribebas, in agris esse no-  
stris: at ego accepi XVII. Cal. in diuersorolo Sinuessano  
tuas literas. De Mario probe. etsi doleo L. Crassi nepo-  
pote. Optime, tam etiam Bruto nostro probari Anto-  
nium. nam quod Iuniū scribis moderate, & amice scri-  
ptas literas attulisse: mihi Paulus dedit ad se à fratre  
missas, quibus in extremis erat, sibi insidias fieri, se id  
certis auctoribus comperisse. hoc nec mihi placebat, &  
multo illi minus. Reginae fuga mihi non molesta: sed  
Clodia quid egerit, scribas ad me uelim. De Bizantijs  
curabis, ut cetera: & Pelopem ad te arcesse. ego, ut  
postulas, Baiana negotia, chorūq; illum, de quo scire  
uis, cum perspexero, tum scribam, ne quid ignores.  
quid Galli, quid Hispani, quid Sextus agat, uehementer  
expecto. ea scilicet tu declarabis, qui cetera. Nauséo-  
lam tibi tum causam otij dedisse facile patiebar: uide-  
bare enim mihi legenti tuas requiesse paulisper.  
De Bruto semper ad me omnia perscribito, ubi sit, quid  
cogitet: quem quidem ego spero iam turo uel solum to-  
ta Vrbe uagari posse: ueruntamen. Vale.

CICERO ATTICO S.

DE Rep. multa cognoui ex tuis literis: quas quidē  
multi iuges accepi uno tempore à Vestorij liberto. ad  
ea autem, quæ requiris, breui respondebo. primum ue-  
hementer me Cluuiana delectāt: sed quod quæris, quid



## LIB. XIII. EPIST.

arcesserim Chrysippum : tabernæ mihi duæ corruerunt, reliquæ rimas agunt : itaque non solum inquilini, sed mures etiam migrauerunt . hanc ceteri calamitatem uocant , ego ne incommodum quidem . o Socrates, o Socratici uiri , nunquam uobis gratiam referam . Dij immortales , quàm mihi ista pro nihilo . sed tamen ea ratio ædificandi initur , consiliario quidem, & auctore Vestorio , ut hoc damnum quæstuosum sit. hic turba magna est , eritq; , ut audio , maior : duo quidem quasi designati Consules . o Dij boni , uiuit tyrannis, tyrannus occidit ? eius interfecti morte lætamur, cuius facta defendimus ? itaq; quā seuerè nos M. Curtius accusat , ut pudeat uiuere : neq; iniuria: nam mori milies præstitit, quā hæc pati, quæ mihi uidentur habitura etiā uetustatem. & Balbus hic est, multumq; mecū : ad quē a Vetere literæ datæ pridie Cal. Ian. cum a se Cæcilius circumsideretur, & iam teneretur, uenisse cū maximis copijs Pacorum Parthum : ita sibi esse eū ereptum multis suis amissis: in qua re accusat Volcatium. ita mihi uidetur bellum illud instare. sed Dolabella, & Nicias uiderint . idem Balbus meliora de Gallia XXI die literas habebat: Germanos, illasq; nationes re audisa de Cæsare, legatos misisse ad Aureliū, qui est propositus ab Hircio, se, quod impatū eēt, esse facturos. qd quæris? omnia plena pacis, aliter ac mihi Caluena dixerat.

## CICERO ATTICO S.

IT A'NE uero? hoc meus, et tuus Brutus egit, ut Lanuij esset? ut Trebonius itineribus deuijs proficisceretur in prouinciā? ut omnia facta, scripta, dicta, promiss-



sa, cogitata Caesaris plus ualerent, quā si ipse uiueret  
meministi ne clamare, illo ipso primo Capitolino die se  
natum in Capitolium à Prætoribus uocari? Dij immor-  
tales, quæ tum opera effici potuerunt, latantibus omnib;  
bus bonis, etiam sat bonis, fractis latronibus. Liberalia  
tu accusas. quid fieri tum potuit? iam pridem perieram-  
us. meministi ne te clamare, causam periisse, si func-  
re elatus esset? at ille etiā in foro cōbustus, laudatusq;  
miserabiliter: seruiq;, et egentes in tecta nostra cum fa-  
cibus immissi. quæ deinde? ut audeant dicere, tu ne cō-  
tra Caesaris nutū? hæc, & alia ferre non possum. itaq;  
γῆν πρὸ γῆς cogito. tua tamen ὑπὲρ μίος nausea iam  
ne plane abiit? mihi quidem ex tuis literis coniectantē  
ita uidebatur. redeo ad Thebassos, Scæuas, Frangones,  
hos tu existimas confidere se illa habituros stantibus no-  
bis? in quibus plus uirtutis putarunt, quā experti  
sunt. pacis isti scilicet amatores, & non latrocinij aucto-  
res. at ego cum tibi de Curtilio scripsi, Sestilianoq; fun-  
do, scripsi de Censorino, de Messala, de Plāco, de Posthu-  
mio, de genere toto. melius fuit periisse illo inter fe-  
cto, quod nunquā accidisset, quā hæc uidere. Octa-  
uius Neapolim uenit X I I I I. Cal. ibi eum Balbus ma-  
ne postridie: eodemq; die mecum in Cumano: illū hæ-  
reditatem aditurum. sed, ut scribis, εἰς ἱερὸν μὲν magnam  
cum Antonio. Buthrotia mihi tua res est, ut debet,  
eritq; curæ. Quod quæris, iam ne ad centena Cluuias-  
num: aduentare uidetur: sed primo anno LXXX  
deterimus. Quintus pater ad me grauiā de filio, ma-  
xime q; matri nunc indulgeat, cui antea bene merentē  
fuerit inimicus. ardenter in eum literas ad me misit.



LIB. XIII. EPIST.

ille autem quid agat, si scis, neque dum Roma es profectus, scribes ad me uelim, & hercule si quid aliud. uehementer delector tuis literis. Vale.

CICERO ATTICO S.

NVDIVS tertius dedi ad te epistolam longiorem. nunc ad ea, quæ proxime. Velim mehercule, Asturæ Brutus. ἀκολασίαν istorum scribis. an censebas aliter? equidem etiam maiore expecto. cum equidem concionem lego de tanto uiro, de clarissimo ciue, ferre non queo. et si ista iam ad risum. sed memento: sic alitur consuetudo perditarum concionum: ut nostri illi non heroes, sed Diij futuri quidem in gloria sempiterna sint, sed non sine periculo quidem. uerum illis magna consolatio conscientia maximi, & clarissimi facti: nobis quæ? qui interfecto Rege liberi non sumus. sed hæc fortuna uiderit, quoniam ratio non gubernat. De Cicerone, quæ scribis, iucunda mihi sunt, uelim sint prospera. quæ uero curæ tibi est, ut ei suppeditetur ad usum, et cultum copiose, per mihi gratum est: idque ut facias, te etiam rogo. De Buthrotijs, & tu recte cogitas, & ego non dimitto istam curam, suscipiam omnem etiam actionem, quam uideo quotidie faciliorem. De Cluuiano, quoniam in re mea me ipsum diligentia uincis, res ad centena perducitur. ruina rem non fecit deteriore, haud scio an iam fructuosiore. Hic mecum Balbus, Hircius, Pansa. modo uenit Octavius, & quidem in proximam uillam Philippi, mihi totus deditus. Lentulus Spinther hodie apud me: cras mane uadit. Vale.



O MI Attice, uereor, ne nobis Idus Martiæ nihil dederint præter lætitiā, & odij pœnam, ac doloris. quæ mihi istinc afferuntur? quæ hic uideo? *ἡ δὲ πόλις ἡμετέρα* quæ hic uideo? *ἡ δὲ πόλις ἡμετέρα* scis, quā diligam Sículos, & q̄ illā clientelam honestam iudicē. multa illis Cæsar, neq; me inuito. et si latinitas erat non ferenda: ueruntamē. ecce autem Antonius accepta grandī pecunia, fixit legē, à Dictatore comitijs latā, quā Siculi ciues Romani: cuius rei uiuo illo mētio nulla. quid? Deiotari nostri causa nō similis? dignus ille quidem omni regno, sed non per Fuluiam. sexcenta similia. uerum illuc refero. tam claram, tamq; testatam rem, tamq; iustam Buthrotiam non tenebimus aliqua ex parte? & eo quidem magis, quo ista plura. Nobiscum hic perhonorifice, & amice Octauius: quem quidem sui Cæsarem salutabāt, Philippus non, itaq; ne nos quidem quem nego posse bonū ciuē: ita multi circumstant, qui quidem nostris mortē minitantur. negat hæc ferri posse. quid cēses, cū Romā puer uenerit, ubi nostri liberatores tuto esse nō possunt? qui quidem semper erunt clari, conscientia uero facti sui etiam beati: sed nos (nisi me fallit) iacebimus. itaq; exire aueo, ubi nec Pelopidarū inquit. haud amo \* uel hos designatos, qui etiam declamare me coegerunt, ut ne apud aquas quidem acquiescere liceret. sed hoc meæ nimie facilitatis: nā id erat quōdā quasi necesse: nunc, quoquo modo se res habet, nō est item, quā dudum. nihil habeo, quod ad te scribam: scribo tamē, non ut delecter meis literis, sed ut eliciā tuas. tu, si quid erit



LIB. XIII. EPIST.

de cæteris, de Bruto utiq; quidquid erit. hæc conscripsi  
X. Cal. accubans apud Vestorium, hominem remotum  
à dialecticis, in arithmeticis satis exercitatum. Septi-  
mo deniq; die literæ mihi redditæ sunt, quæ erant à te  
XIII. Cal. datæ: quibus quæris, atq; etiam me ipsum ne  
scire arbitraris, utrū magis tumultis, prospektuq; an am-  
bulatione ἀλιτενᾷ delecter. est mehercule, ut dicis, utri-  
usq; loci tāta amœnitas, ut dubitē, utra ἀτεponēda sit.  
Ἀλλ' οὐ δαυτὸς ἐπηρεάτου ἔργα μέμλεν,  
Ἀλλὰ λίην μέγα πῆμα διοτρεφὲς ἐσοσώωντες  
Δείδιμεν. ἐν δ' ἱδρὸς σάωσεν, ἢ ἀπολέσθαι.  
quamvis enim tu magna, & mihi iucunda scripseris  
de D. Bruti aduentu ad suas legiones, in quo spem ma-  
ximam uideo: tamen, si est bellum civile futurū, quod  
certe erit, si Sextus in armis permanebit, quem per-  
mansurum esse certo scio; quid nobis faciendum est,  
īgnoro: neq; enim iam licebit, quod Cæsaris bello licuit,  
neq; huc, neq; illuc: quencūq; enim hæc pars perditō-  
rum lætatum morte Cæsaris putabit (lætitiā autem  
apertissime tulimus omnes) hūc in hostiū numero ha-  
bebit. quæ res ad cædem maximam spectat. restat, ut  
in castra Sexti, aut, si forte, Bruti nos conferamus. res  
odiosa, & aliena nostris ætatibus, & incerto exitu bel-  
li: & nescio quo pacto tibi ego possim, mihi tu dicere,  
Τέκνον ἐμὸν οὗτοι δ' ἐδοῦναι πολέμια ἔργα,  
Ἀλλὰ σὺ γ' ἡμερόντα μετέρχεο ἔργα λόγοιο.  
sed hæc fors uiderit, ea, quæ talibus in rebus plus, quàm  
rō pōt. nos aut id uideamus, quod in nobis ipsis esse de-  
bet, ut, quidquid acciderit, fortiter, & sapiēter feras  
mus, & accidisse hominibus meminerimus, nosq; cum



multum literæ, tum non minimū Idus quoq; Martiæ  
 consolentur. Suscipe nunc meam deliberationem, qua  
 solitor, ita multa ueniunt in mentē in utranque par  
 tem. proficiscor, ut constituerā, legatus in Græciam: cæ  
 dis impendentis periculum non nihil uitare uideor, sed  
 casurus in aliquam uituperationem, q̄ Reip. defuerim  
 tam graui tempore. sin autem mansero, equidē uideo  
 in discrimine, sed accidere posse suspicor, ut prodes  
 se possim Reip. iā illa consilia priuata sunt, q̄ sentio ual  
 de esse utile ad confirmationem Ciceronis, me illuc uen  
 ire. nec alia causa profectiois mihi ulla fuit, cum cō  
 silium cepi legari ab Cæsare. tota igitur hac de re, ut  
 soles, si quid ad me pertinere putas, cogitabis. Redeo  
 nunc ad epistolam tuam: scribis enim esse rumores,  
 me, ad lacum quod habeo, uenditurum, minuscūla uer  
 o uillam utique Quinto traditurū, uel impenso pre  
 tio, quō introducat, ut tibi Quintus F. dixerit, dota  
 ta Aquilia. ego uero de uēditōe nihil cogito, nisi quid,  
 quod magis me delectet, inuenero. Quintus autem de  
 emendo nihil curat hoc tempore: satis enim torquetur  
 debitione dotis, in qua mirificas Q. Egnatio gratias  
 agit. à ducenda autem uxore sic abhorret, ut quidquā  
 libero lectulo neget esse iucūdius. sed hæc quoq; hæc  
 nus: redeo enim ad miseram, seu nullam potius Remp.

M. Antonius ad me scripsit de restitutione. Sex. Clo  
 dij: quā honorifice, quod ad me attinet, ex ipsius lite  
 ris cognosces: nisi enim tibi exemplum: quā dissolu  
 te, quā turpiter, quāq; perniciose, ut non nunquā  
 Cæsar desiderandus esse uideatur, facile existimabis:  
 quæ enim Cæsar nūquā neq; fecisset, neq; passus esset,



L I B. XIII. E P I S T.

ea nunc ex falsis eius commentarijs proferuntur. ego autem Antonio facillimum me praeui: etenim ille, quoniam semel induxit animum, sibi licere quod uellet, fecisset nihilo minus me inuito. itaque mearum quoque literarum misi tibi exemplum. Vale.

Antonius Cos. S. D. Ciceroni.

OCCVPATIONIBVS est factum meis, & subita tua profectio, ne tecum coram de hac re agerem. quā ob causam uereor, ne absentia mea leuior sit apud te. quod si bonitas tua responderit iudicio meo, quod semper habui de te, gaudebo. A' Caesare petij, ut Sex. Clodium restitueret, impetraui. erat mihi in animo et tum sic uti beneficio eius, si tu concessisses. quo magis laboro, ut tua uoluntate id per me facere nunc liceat. quod si duriores te eius misera, & afflictæ fortunæ præbes, non contendam ego aduersus te. quam uideor debere tueri commentarium Caesaris. sed mehercule si humaniter, & sapienter, & amabiliter in me cogitare uis, facilem te profecto præbebis, & uoles P. Clodium in optima spe puerum repositum existimare, non te infectatum esse, cum potueris, amicos paternos. patere, obsecro te, pro Rep. uideri gessisse similitatem cum patre eius: non contempseris hanc familiam: honestius enim, & libentius deponimus inimicitias Reip. nomine susceptas, quā contumaciæ. me de inde sine ad hanc opinionē iam nūc dirigere puerum, & tenero animo eius persuadere, nō esse tradendas posteris inimicitias. quanquam tuam fortunam Cicero ab omni periculo abesse certum habeo. tamen arbitror malle



malle te quietam senectutem, et honorificā potius agere, quā sollicitā postremo, meo iure te hoc beneficiū rogo: nihil. n. non tua causa feci. quōd si non impetro, per me Clodio daturus nō sum: ut intelligas, quāti apud me auctoritas tua sit, atq; eo te placabiliore praebeas. Vale.

Cicero Antonio Cos. S.

QVOD mecum per literas agis, unam ob causam mallē corā egisses: non. n. solum ex oratione, sed etiā ex vultu, & oculis, & fronte (ut aiunt) meum erga te amorem perspicere potuisses: nam cum te semper amavi, primum tuo studio, post etiā beneficio prouocatus, tum his temporibus respub. te mihi ita cōmendauit, ut cariorē habeam neminem. literæ uero tuæ tum amantissime, tū honorificentissime scriptæ sic me affecerunt, ut non dare tibi beneficiū uiderer, sed accipere à te ita petente, ut inimicum meū, necessarium tuum me inuito seruare nolles, cū id nullo negotio facere posses. ego uero tibi istuc mi Antoni remitto, atq; ita, ut me à te, cū his uerbis scripseris, liberalissime, atq; honorificētissime tractatum existimem. idq; cum totum, quoquo modo se res haberet, tibi dandum putarē, tum do etiā humanitati, & naturæ meæ: nihil enim unquā non modo acerbum in me fuit, sed ne paulo quidē tristiū, aut seuerius, quā necessitas reipub. postulauit. accedit, ut ne in ipsum quidē Clodium meū insigne odium fuerit unquam: semperq; ita statui, non esse insectandos inimicorum amicos, praesertim humiliores, nec his praesidijs nosmet ipsos esse spoliandos. nam de puero Clodio tuas partes esse arbitror, ut eius animum tenerum, quē ad

GG



L I B. XIII. E P I S T.

modū scribis, his opinionibus imbuas, ut ne quas inimi-  
citas residere in familijs nostris arbitretur. cōtendi cū  
P. Clodio, cum ego publicā causam. ille suā defenderet.  
nostras cōtentiones resp. dijudicauit. si uineret, mihi cū  
illo nulla contentio iam maneret. quare, quoniam hoc à  
me sic petis, ut, quæ tua potestas est, ea neges, teme in-  
uito usurum, puero quoq; hoc à me dabis, si tibi uidebi-  
tur: nō quo aut ætas nostra ab illius ætate quidquā de-  
beat periculi suspicari, aut dignitas mea ullā contentio-  
nē extimescat; sed ut nosmet ipsi inter nos cōiūctiores  
simus, q̄ adhuc fuimus, interpellantibus. n. his inimici-  
tijs, animus tuus mihi magis patuit, quā domus. sed  
hæc hæc tēus. illud extremū. ego, quæ te uelle, quæq; ad  
te pertinere arbitror, sēper sine ulla dubitatione sum-  
mo studio faciam. hoc uelim tibi penitus persuadeas.

CICERO ATTICO S.

I T E R A dum eadem ista mihi. coronatus Quin-  
tus noster Parilibus? Parilibus solus ne? et si addis La-  
miam: quod demiror equidem: sed scire cupio, qui fue-  
rint alij, quāquā satis scio, nisi improbū neminē. expla-  
nabis igitur hoc diligētius. ego autem casu cū dedissem  
ad te literas Vl. Cal. satis multis uerbis, tribus ferè horis  
post accepi tuas, et magni quidem ponderis. itaque loca  
tua plena facetiarum, de hæresi Vestoriana, et de Phe-  
rionum more Puteolano, risisse me satis, nihil est neces-  
se rescribere. Πολιτικώτερά illa uideamus. ita Brutos, Cas-  
sumq; defendis, quasi eos ego reprehēdā, quos satis lau-  
dare non possum. rerū ego uitia collegi, non hominū:  
sublato enim tyranno, tyrannida manere uideor: nam



quæ ille facturus non fuit, ea fiunt, ut de Clodio: de quo mihi exploratum est, illum non modo non facturum, sed etiam ne passurum quidem fuisse. sequetur Rufio Vestorianus, Victor nunquam scriptus, ceteri, quis non? cui seruire ipsi non potuimus, eius libellis paremus. Nam Liberalibus quis potuit in senatum non uenire? fac id potuisse aliquo modo: num, etiam cum uenissemus, libere potuimus sententiam dicere? non ne omni ratione ueterani, qui armati aderant, cum praesidij nos nihil haberemus, defendendi fuerunt? illam sessionem Capitolinam mihi non placuisse, tu testis es. quid ergo? culpa ista Brutorum? minime illorum quidem, sed aliorum Brutorum, qui se cautos, ac sapienter putant: quibus satis fuit latari, non nullis etiam gratulari, nullis permanere. sed praeterita omittamus: istos omni cura, praesidioque tueamur; & quemadmodum tu praecipis, contenti Idibus Martijs simus: quæ quidem nostris amicis diuinis uiris aditum ad caelum dederunt, libertatem populo Romano non dederunt. recordare tua, non ne meministi clamare te, omnia periiisse, si ille funere elatus esset? sapienter id quidem: itaque ex eo quæ manarint, uides. Quæ scribis Calendis Iunij Antonium de provinciis relaturum, ut & ipse Gallias habeat, & utriusque dies prorogetur: licebit ne decerni libere? si licuerit, libertatem esse recuperatam letabor. si non licuerit, quid mihi attulerit ista domini mutatio praeter letitiam, quam oculis cepi iusto interitu tyranni? Rapines scribis ad Opis fieri, quas nos quoque tum uidebamus. ne nos & liberati ab egregijs uiris, nec liberi sumus. ita laus illorum est, culpa nostra. & hortaris me, ut historias scribam: ut col-

G G ij



LIB. XIII. EPIST.

ligam tanta eorum scelera, à quibus etiam nunc obside-  
mur? potero ne eos ipsos non laudare, qui te ob signato-  
rem adhibuerunt? nec me hercule me raudusculum mo-  
uet: sed homines beneuolos, qualescūque sunt, graue est  
insequi cōtumelia. sed de omnibus meis cōsilijs, ut scri-  
bis, existimo exploratius nos ad Cal. Iun. statuere posse:  
ad quas adero, et omni ope, atque opera enitar, adiuuā  
te me scilicet auctoritate tua, et gratia, et summa equi-  
tate causæ, ut de Buthrotijs S. C. quale scribis, fiat.

Quod me cogitare iubes, cogitabo equidem. et si tibi de-  
deram superiore epistola cogitandum. tu autem quasi  
iam recuperata rep. uicinis tuis Massiliensibus sua red-  
dis. hæc armis, quæ quàm firma habeamus, ignoro, resti-  
tui fortasse possunt, auctoritate non possunt. Vale.

CICERO ATTICO S.

EPISTOLA breuis, quæ postea à te scripta est,  
sanè mihi fuit iucunda, de Bruti ad Antonium, & de  
eiusdē ad te literis. posse uidentur esse meliora, quā ad-  
huc fuerint: sed nobis, ubi simus, & quò iam nos cōse-  
ramus, prouidēdum est. ò mirificum Dolabellā meum:  
i. i. n. dico meū, antea (crede mihi) subdubitabā. magnā  
āva. ā. q. n. res habet: de saxo, in crucem, columnā tol-  
lere, locum illum sternendum locare. quid quæris? he-  
roica. sustulisse mihi uidetur simulationem desiderij,  
adhuc quæ serpebat in dies, & inueterata, uerebar, ne  
periculosa nostris tyrānoctōnis esset. nūc prorsus assen-  
rior tuis literis, speroq; meliora. quanquam istos ferre  
non possum: qui dum se pacem uelle simulāt, acta ne-  
faria defendunt. sed non possunt omnia simul. incipit



res melius ire, quā putaram, nec uero discedam, nisi cū  
tu id me honeste putabis facere posse. Bruto cerre meo  
nullo loco deero: idq; etiam si mihi cum illo nihil fuisset,  
facerem propter eius singularem, incredibilemq; uirtutem.  
Pilia nostræ uillam totā, quæq; in uilla sunt,  
trado, in Pompeianum ipse proficiscens Calendis Maij.  
quā uelim Bruto persuadeas, ut Asturæ sit. Vale.

CICERO ATTICO S.

V. NON. conscendens ab hortis Cluuianis in phaselum  
episcopum has dedi literas, cum Piliæ nostræ uillā  
ad Lucrinū, uillicosq; procuratores tradidissem. ipse autem  
eo die in Pæti nostri tyrotarichū imminebam, per  
paucis diebus in Pompeianū, post in hæc Puteolana, &  
Cumana regna renauigare. o' loca ceteroquā ualde expetenda,  
interpellantium autem multitudine penē fugienda. Sed ad rē  
ut ueniam, o' Dolabellæ nostri magnam æstimo. quanta est  
a uobis honoris. equidem laudare eum, & hortari non desisto.  
recte tu omnibus epistolis significas, quid de re, quid de uiro sentias.  
mihi quidem uidetur Brutus noster iam uel coronā auream  
per forum ferre posse: quis enim audeat uiolare, proposita  
cruce, uel saxo? præsertim tantis plausibus, tanta approbatione  
infirmorum? nunc mi Attice me fac ut expedias. cupio, cū  
Bruto nostro affatim satisfecerim, excurrere in Græciā.  
magni interest Ciceronis, uel mea potius, nel mehercule utriusq;  
me interuenire discenti. nam epistola Leonidæ, quam ad me  
misti, quid habet quæso, in quo magnopere lætemur? nunquam  
ille mihi satis laudari uidebitur, cū ita laudabitur, QVO MO

G G ii



## LIB. XIII. EPIST.

DO NVNC EST. non est fidentis hoc testimo-  
nium, sed potius timentis. Herodi autem mandaram,  
ut mihi *κατὰ μέτρον* scriberet: à quo adhuc nulla litera  
est. uereor ne nihil habuerit, quod mihi, cū cognossem,  
iucundum putaret fore. Quòd ad Xenonem scripsi  
sti, ualde mihi gratum est: nihil enim deesse Ciceroni,  
tum ad officium, tum ad existimationē meā pertinet.

Flammā Flaminii audio Romæ esse. ad eū scripsi,  
me tibi mādasse per literas, ut de Montani negotio cū  
eo loquerere. & uelim cures epistolam, quam ad eum  
misi, reddendam, & ipse, quod commodo tuo fiat, cum  
eo colloquare. puto, si quid in homine pudoris est, præ-  
staturum eum, ne pro se quodam modo dependatur.  
De Attica pergratū mihi fecisti, quòd curasti, ante sci-  
rem recte esse, quàm non belle fuisse. Vale.

## CICERO ATTICO S.

IN Pompeianum ueni V. Cal. Maij, cum pridie, ut  
antea ad te scripsi, Piliam in Cumano collocauissem. ibi  
mihi cœnāti literæ tuæ sunt redditæ, quas dederas De-  
metrio liberto prid. Cal. in quibus multa sapienter, sed  
tamen talia, (quemadmodum tute scribebas) ut omne  
cōsiliū in fortuna positū uideretur. itaq; his de rebus  
ex tempore, & coram. De Buthrotio negotio utinam  
quidem Antonium cōueniam: multum profecto profi-  
ciam, sed non arbitrantur eum à Capua declinaturū.  
quò quidē metuo ne magno Reip. malo uenerit. quod  
idem L. Cæsari uidebatur, quem pridie Neapoli affectū  
grauiter uideram. quā ob rem ista nobis ad Cal. Iun.  
tractanda, & perficienda sunt: sed hætenus. Quin-



tus filius ad patrē acerbissimas literas misit : quæ sunt ei redditæ, cum uenissemus in Pompeianum: quarum tamen erat caput, Aquiliam nouerç. non esse laturū. sed hoc tolerabile fortasse, illud uero? se ab Cæsare habuisse omnia, nihil à patre, reliqua sperare ab Antonio. ò perditū hominē. sed μέλις. Ad Brutiū nostrū, et Cassium, et ad Dolabellā epistolas scripsi. earum exemplum tibi misi, nō ut deliberare reddendæ ne essent, (plane enim iudico esse reddendas) sed q̄ non dubito, quin tu idem existimaturus sis. Ciceroni meo mi Attice supeditabis quantum uidebitur, meq; tibi hoc onus imponere patiere. quæ adhuc fecisti, mihi sunt gratissima.

Librum meum illum ἀνέκδοτον non dum, ut uolui, perpoliui. ista uero, quæ tu contexi uis, aliud quoddam separatum uolumen expectant. ego autem (credas mihi uelim) minore periculo existimo cōtra illas nefarias partes uiuo tyranno dici potuisse, quàm mortuo: ille enim nescio quo pacto ferebat me quidē mirabiliter: nunc quacunque nos commouimus, ad Cæsaris nō modo acta, uerum etiam cogitata reuocamur. De Montano, quoniam Flamma uenit, uidebis. puto rem meliore loco esse debere. Vale.

Cicero Dolabellæ Cos. suo S.

ET SI contentus erā mi Dolabella tua gloria, satisq; ex ea magnā lætitiā, uoluptatēq; cupiebā: tamen nō possum nō cōfiteri cumulari me maximo gaudio, q̄ uulgo hominū opinio sociū me ascribat tuis laudibus. neminem conuenio (conuenio autem quotidie plurimos: sunt enim permulti optimi uiri, qui ualitudinē



## LIB. XIII. EPIST.

causa in hæc loca ueniant, præterea ex municipijs frequenter necessarij mei) quin omnes, cum te summis laudibus ad cælum extulerunt, mihi continuo maximas gratias agant: negant enim se dubitare, quin tu meis præceptis, & consilijs obtemperans, præstantissimum te ciuem, & singularem Consulẽ præbeas. quibus ego quamquam uerissime possim respondere, te, quæ facias, tuo iudicio, & tua sponte facere, nec cuiusquã egere consilio: tamen neq; plane assentior, ne imminuã tuam laudem, si omnis à meis consilijs profecta uideatur: neque ualde nego: sum enim auidior, etiã quã satis est, gloriæ. & tamen nõ alienum est dignitate tua, quod ipsi Agamemnoni Regi Regum fuit honestum, habere aliquem in consilijs capiendis Nestorem; mihi uero gloriosum te iuuenem Consulem florere laudibus, quasi alumnũ discipline meæ. L. quidem Cæsar, cum ad eum ægrotum Neapolim uenisset, quãquã erat oppressus totius corporis doloribus, tamen ante, quã me plane salutauit, ò mi Cicero, inquit, gratulor tibi, cum tãtũ uales apud Dolabellã, quãtũ si ego apud sororis filium ualerem, iã salui esse possemus. Dolabellæ uero tuo & gratulor, & gratias ago: quem quidem, post te Consulem, solum possum uere Consulem dicere. deinde multa de facto, ac de re gesta: tum nihil magnificentius, nihil præclarius actum unquam, nihil Reip. salutaris. atque hæc una uox omnium est. à te autem peto, ut me hæc quasi falsam hereditatem alienæ gloriæ sinas cernere, meq; aliqua ex parte in societatem tuarum laudũ uenire patiari. quanquam mi Dolabella (hæc enim iocatus sum) libetius omnes meas, si modo sunt aliquæ meæ



laudes, ad te transfuderim, quàm aliquam partem ex  
hauserim ex tuis : nam cū te semper tantū dilexerim,  
quantum tu intelligere potuisti, tum his tuis factis sic  
incensus sum, ut nihil unquā in amore fuerit arden-  
tius: nihil est enim, mihi crede, uirtute formosius, nihil  
pulchrius, nihil amabilius. semper amaui, ut scis, M. Bru-  
tū propter eius summū ingeniū, suauissimos mores, sin-  
gularē probitatem, atque constantiam : tamen idibus  
Martij tantū accessit ad amorē, ut mirarer locū fuisse  
augendi in eo, quod mihi iam pridem cumulatū etiā  
uidebatur. quis erat, qui putaret ad eum amorem,  
quem erga te habebam, posse aliquid accedere? tan-  
tum accessit, ut mihi nunc denique amare uidear, an-  
tea dilexisse. quare quid est, quod ego te hortor, ut di-  
gnitati, et gloriæ seruias? proponā tibi claros viros, quod  
facere solent, qui hortantur? neminem habeo clariore,  
quàm te ipsum. te imitere oportet, tecum ipse certes.  
nec licet quidem tibi iam, tantis rebus gestis, nō tui si-  
milem esse. quod cum ita sit, hortatio non est necessa-  
ria, gratulatione magis utendum est: contigit enim ti-  
bi, quod haud scio an nemini, ut summa seueritas ani-  
maduersionis nō modo non inuidiosa, sed etiam popu-  
laris esset & cum bonis omnibus, tū infimo cuiq; grā-  
tissima. hoc si tibi fortuna quadam contigisset, gratu-  
larer felicitati tuæ: sed cōtingit magnitudine tum ani-  
mi, tum etiam ingenij, atq; consilij: legi enim concio-  
nem tuam: nihil illa sapientius: ita pedetentim tū ac-  
cessus à te ad causam facti, tū recessus, ut res ipsa ma-  
turitatem tibi animaduertendi omnium cōcessu daret.  
liberasti igitur & urbem periculo, & ciuitatem metu.



## LIB. XIII. EPIST.

neque solum ad tempus maximam utilitatē attulisti, sed etiam ad exēplum. quo factō intelligere debes, in te positam esse Remp. tibiq; non modo tuendos, sed etiā ornandos illos uiros, à quibus initiū libertatis profectū est. sed his de rebus corā plura propediem, ut spero. tu quoniam Remp. nosq; conseruas, fac, ut diligentissimē te ipsum mi Dolabella custodias. Vale.

CICERO ATTICO S.

S A E P I V S me iā agitas, q̄ rē gestā Dolabellæ nimis in cœlum uidear efferre. ego autem, quanquā sanè probo factum, tamē, ut tantopere laudarem, adductus sum tuis & unis, & alteris literis. sed totum se à te abalienauit Dolabella, ea de causa, qua me quoque sibi inimicissimum reddidit. ò hominem prudentē. Cal. Ian. debuit: adhuc nō soluit, præsertim cum se maximo ære alieno Faberij manu liberarit, & opem ab eo petierit. licet. n. iocari, ne me ualde contrubatū putes. atque ego ad eum V I I I. Id. literas dederam bene mane. eodem autē die tuas literas uesperī acceperam in Pompeiano, sanè celeriter, tertio abs te die. sed, ut ad te eo ipso die scripserā, satis aculeatas ad Dolabellā literas dedi: quæ si nihil profecerint, puto fore, ut me præsentem non sustineat. Albianū te confecisse arbitror. De Petulciano nomine, q̄ mihi suppeditatus es, gratissimū est, et simile tuorū omniū. sed ego Erotē ad ista expediēda factū mihi uidebar reliquisse: cuius non sine magna culpa uacillarūt. sed cū ipso uidero. De Montano, ut sæpe ad te scripsi, erit tibi tota res curæ. Seruius proficiscens q̄ d̄ speranter tecū locutus est, minime miror, neque ei



quidquā in desperatione concedo. Brutus noster singu-  
laris uir, si in senatū nō est Calpurn. uēturus, quid factu-  
rus sit in foro, nescio. sed hoc ipse melius. ego ex his,  
quæ parari uideo, nō multū idibus Marijs profectū iu-  
dico: itaque de Græcia quotidie magis, et magis cogito:  
nec n. Bruto meo exiliū, ut scribis ipse, meditāti uideo  
quid prodesse possim. Leonidæ me literæ non satis dele-  
ctarunt. De Herode tibi assentior. Saufeium legisse  
uellem. Ego ex Pompeiano VI. Idus Maij cogitabam.

CICERO ATTICO S.

NON IS Maij, cū essem Pompeiano, accepi binas  
à te literas, alteras sexto die, alteras quarto. ad superio-  
res igitur prius. Quàm mihi iucundum, opportune tibi  
Barnachum literas reddidisse. tu uero cū Cassio, ut  
cætera. quàm cōmode autem, quòd id ipsum, quod me-  
mones, quatrinduo ante ad eū scripseram, exemplumq;  
mearum literarum ad te miseram. sed cū Dolabellæ a-  
uaritia, sic enim tu ad me scripseras, magna despera-  
tione affectus essem, ecce tibi & Bruti, & tuæ literæ.  
ille exilium meditari. nos autem alium portū propio-  
rem huic ætati uidebamus: in quem malle equidem  
peruehi florente Bruto nostro, constitutaq; Rep. sed nūc  
quidem, ut scribis, non utrum uis: assentiris enim mi-  
hi, nostram ætatem præsertim, à castris ciuilibus abhor-  
rere. M. Antonius ad me tantum de Clodio rescri-  
psit, meam lenitatem, & clementiam & sibi esse græ-  
tam, & mihi uoluptati magnæ fore. sed Pansa furere  
uidetur de Clodio, itemq; de Deiotaro; et loquitur seue-  
re, si uelis credere. illud tamen non belle, ut mihi qui-



## LIB. XIII. EPIST.

dem uidetur, quòd factum Dolabellæ uehementer improbat. De coronatis, cum sororis tuæ filius à patre accusatus esset, rescripsit, se coronam habuisse honoris Cæsaris causa, posuisse luctus gratia: postremo se libenter uituperationem subire, quod amaret etiam mortuum Cæsarem. Ad Dolabellam, quemadmodum tibi dicis placere, scripsi diligenter: ego etiam ad Sicam. tibi hoc oneris non impono. nolo te illum iratum habere. Seruij orationem cognosco: in qua plus timoris uideo, quam consilij. sed quoniam perterriti omnes sumus, assentior Seruio. Publilius tecum tricus est: huc enim Cerelia missa ab istis est legata ad me: cui facile persuasi, mihi id, quod rogaret, ne licere quidem, non modo non libere. Antonium si uidero, accurate agam de Buthroto. Venio ad recentiores literas. quāquam de Seruio iam rescripsi me facere magnam gratiam Dolabellæ. mihi mehercule ita uidetur, non potuisse maior tali re, taliq; tempore. sed tamē quidquid ei tribuo. tribuo ex tuis literis. tibi uero assentior maiorem gratiam eius fore, si mihi, quod debuit, dissoluerit. Brutus uelim sit Asturæ. Quod autem laudas me, quòd nihil ante de profectio- ne constituam, quā, ista quò euasura sint, uidero: mu- ro sententiā, neque quidquam tamen ante, quā te ui- dero. Atticam meam gratias mihi agere de matre gaudeo. cui quidem ego totam uillam, cellamq; tradi- di, eamq; cogitabam V. Id. uidere. tu Atticæ salutem di- ces. nos Piliam diligenter tuebimur. Vale.

CICERO ATTICO S.

E POMPEIANO nauī aduectus sum in Luculli no



stri hospitium VI. Id. hora ferè tertia. egressus autem  
 è nauì, accepi tuas literas, quas tuus tabellarius in Cua  
 manum attulisse dicebatur, Nonis Maij datas: à Lucul  
 lo postridie eadè ferè hora, qua ueni, VII. Id. Lanuuiò  
 datas. audi igitur ad omnes. Primum quæ de re mea  
 gesta & in solutione, & in Albiano negotio, grata. de  
 tuo autè, cum in Põpeiano essem, Missenum uenit An-  
 tonius: inde ante discessit, quàm illū uenisse audissem:  
 à quo in Samnium. uide, quid speres. Romæ igitur de  
 Buthroto. L. Antonij horribilis concio, Dolabellæ præ-  
 clara. iā uel sibi habeat numos, modo numeret Idibus.  
 Tertullæ nollem abortum: tam enim Casij sunt iam,  
 quàm Bruti serēdī. De Regina uelim, atq; etiā de Cæ-  
 sare illo, persolui primæ epistolæ. uenio ad secundam.  
 De Quintis, Buthroto, cum uenero, ut scribis. Quòd  
 Ciceroni suppeditas, gratū. Quòd errare me putas,  
 qui remp. putem pendere è Bruto: sic se res habet: aut  
 nulla erit, aut ab isto, istis ue seruabitur. Quod me hor-  
 taris, ut scriptam concionem mittā: accipe à me mi At-  
 tice καὶ δολικὸν δεινὸν καὶ εὐχρηστικὸν earū rerum, in quibus satis exer-  
 citati sumus. nemo unquā neque poeta, neque orator  
 fuit, qui quēquā meliorem, quàm se arbitraretur. hoc  
 etiā malis cōtigat: quid tu Bruto putas & ingenioso, &  
 erudito? de quo etiam experti sumus nuper in edicto.  
 scripserā rogatu tuo. meū mihi placebat, illi suū. quā  
 etiā cum ipsius precibus penè adductus, scripsissem ad  
 eum de optimo genere dicendi, non modo mihi, sed etiā  
 tibi scripsit, sibi illud, quod mihi placeret, non probari.  
 quare sine quæso sibi quenque scribere: suā cuique spō-  
 sam, mihi meā. suum cuique amorem, mihi meum. nō



L I B. XIII. E P I S T.

scire: hoc enim Attilius porta durissimus. atque utinā  
 liceat isti concionari: cui si esse in Vrbe tuto licebit, ui-  
 cimur: ducem enim noui belli civilis aut nemo seque-  
 tur, aut ij sequentur, qui facile uincantur. uenio ad  
 tertiam. Gratas fuisse meas literas Bruto, & Cassio,  
 gaudeo. itaque ijs rescripsi. Quod Hircium per me  
 meliorem fieri uolunt, do equidem operam, & ille op-  
 time loquitur, sed uiuit, habitatq; cum Balbo: qui item  
 bene loquitur. quid credas, uideris. Dolabellam ual-  
 de placere tibi uideo: mihi quidem egregie. Cum  
 Pansa uixi in Pompeiano. is planè mihi probabat se be-  
 ne sentire, & cupere pacem. Causam armorum quæ-  
 ri planè uideo. Edictum Bruti, & Cassij. probo.  
 Quæris, ut suscipiam cogitationem. quidnam istis agen-  
 dum putem: consilia temporum sunt, quæ in horas  
 commutari uides. Dolabellæ & prima illa actio, &  
 hæc contra Antonium concio mihi profecisse permul-  
 tum uidetur. prorsus ibat res. nunc autem uidemur  
 habituri ducem: quod unum municipia, boniq; deside-  
 rant. Epicuri mentionem facis, & audes dicere, mi  
 πολιτὸν εὐδα. non te Bruti nostri uulticulus ab ista ora-  
 tione deterret? Quintus filius, ut scribis, est dexte-  
 ra. per eum igitur, quod uolumus, facile auferemus.  
 Expecto, si, ut putas, L. Antonius produxit Octa-  
 uium, qualis concio fuerit. Hæc scripsi: statim enim  
 Cassij tabellarius. erat continuo Piliam salutaturus:  
 deinde ad epulas Vestorij, nauicula. Atticæ plurimam  
 salutem. Vale.



CVM paulo ante dedissem ad te Cassij tabellario  
 literas, V. id. uenit noster tabellarius, & quidem portē-  
 ti simile, sine tuis literis. sed cito cōieci, Lanuuij te fuis-  
 se. Eros aut festinauit, ut ad me literæ Dolabellæ perfer-  
 rentur, non de re mea (non dum enim meas acceperat)  
 rescripsit ad eas, quarum exēplum tibi miseram, sanē  
 luculente. ad me autem, cum Cassij tabellarium di-  
 misissem, statim Balbus. ὀ Dij boni, quā facile perspi-  
 ceres timere otium. & nosti uirum, quā teētus: sed tā-  
 men Antonij consilia narrabat, illū circuire ueteranos,  
 ut aēta Cæsaris sancirēt, idq; se faētuos esse iurarent:  
 ut rata omnes haberent, eaq; Duumuii omnibus mēsi-  
 bus inspicerent. quæstus est etiam de sua inuidia. eaq;  
 omnis eius oratio fuit, ut amare uideretur Antonium.  
 quid quæris? nihil sinceri. mihi autem non est dubi-  
 um, quin res spectet ad castra: aēta enim illa res est. a-  
 nimo uirili, consilio puerili: quis enim hoc non uidit, re-  
 gni hæredem reliētum? quid autem absurdius, hoc me-  
 tuere, alterum in metu non ponere? quin etiā hoc ip-  
 so tempore multa ὑποπόλοιμα, Pontij Neapolitanum  
 à matre tyrannoētoni possideri. legendus mihi sæpius  
 est Cato maior ad te missus: amariorem enim me sene-  
 ctus facit: stomachor omnia: sed mihi quidem βεβία-  
 ται: uiderint iuuenes. tu mea curabis, ut curas. hæc  
 scripsi, seu dictaui apposita secunda mensa, apud Vesto-  
 rium, postridie apud Hircium cogitabam. & quidē  
 πεντέλοιπον, sic hominem traducere ad optimates pa-  
 ro. λῆξ πολὺς. nemo est istorum, qui otium non ti-



LIB. XIII. EPIST.

meat. quare talaria uideamus: quiduis enim potius,  
quàm castra. Atticæ salutem plurimam uelim dicas.

Expecto Octauij concionem, & si quid aliud, ma-  
xime autem ecquid Dolabella tinniat, an in meo nomi-  
ne tabulas nouas fecerit. Vale.

CICERO ATTICO S.

CERTIOR à Pilia factus, mitti ad te Idibus ta-  
bellarios, statim hoc nescio quid exarauit. primū igitur  
scire te uolui, me hinc Arpinum XVI. Cal. Iun. eò igitur  
mittes, si quid erit posthac: (quanquā ipse iamq;  
adereo) cupio enim ante, quā Romā uenio, odorari dili-  
gentius, quid futurum sit: quanquam uereor, ne nihil  
coniectura aberrem: minime enim obscurum est, quid  
isti moliantur. meus uero discipulus, qui hodie apud me  
coenat, ualde amat illum, quē Brutus noster sauciauit:  
& si quæris, (perspexi enim plane) timent otiū: ὁ δὲ  
σιν autem hanc habent, eamq; præ se ferunt, uirum cla-  
rissimum interfectum, totā remp. illius interitu pertur-  
batā: irrita fore, quæ ille egisset, simul ac desistemus ti-  
mere: clementiā illi malo fuisse: qua si usus non fuis-  
set, nihil ei tale accidere potuisse. mihi aut uenit in mē-  
tem, si Pompeius cū exercitu firmo ueniat, quod est σύ-  
λογον, certe fore bellum. hæc me species, cogitatioq; per-  
turbat: neque enim iā, quod tibi tum licuit, nobis nunc  
licebit: nam aperte lætati sumus. deinde habent in ore,  
nos ingratos. nullo modo licebit, quod tū & tibi licuit,  
& multis. φάβο νεοσώμετόν ergo, & ἰτέον in castra?  
milites mori melius, huic præsertim ætati. itaq; me Idus  
Martie non tam consolantur, quàm antea: magnum  
enim



enim mendū continent. etsi illi iuuenes ἄλλοις ἐν ἑδοῖς  
τὸν δ' ἀποδοῦναι λόγον. sed si tu melius quippiam spe-  
ras, quod & plura audis, & interes consilijs, scribas ad  
me uelim, simulq; cogites, quid agendum nobis sit super  
legatione uotina. equidem in his locis moneor à multis,  
ne in senatu Calendis: dicuntur enim occulte milites ad  
eam diem comparati, & quidem in istos, qui mihi uiden-  
tur ubiuis tutius, quàm in senatu fore. Vale.

M. TVLLII CICERONIS EPISTOLA  
RVM AD T. POMPONIVM AT-  
TICVM LIBER XV.

CICERO ATTICO S.

FACTVM male de Alexione. in-  
credibile est, quanta me molestia affece-  
rit, nec mehercule ex ea parte maxime,  
quod plerique mecū: ad quē igitur me-  
dicū te conferes? quid mihi iam medi-  
co? aut, si opus est, tanta inopia est? amorem erga me,  
humanitatem, suauitatemq; desidero. etiam illud, quid  
est, quod non pertimescendum sit, cum hominem tempe-  
rantem, summum medicum tantus improuiso morbus  
oppresserit? sed ad hac omnia una consolatio est, quod ea  
conditione nati sumus, ut nihil, quod homini accidere  
possit, recusare debeamus. De Antonio, iam antea tibi  
scripsi, non esse eum à me conuentum: uenit enim Misse-  
num, cum ego essem in Pompeiano: inde ante profectus  
est, quàm ego eum uenisse cognoui. sed casu, cum lege-  
rem tuas literas, Hircius erat apud me in Puteolano. ei

HH



## LIB. XV. EPIST.

legi; & egi primū, quod attinet: nihil mihi concedebat. deinde ad summum; arbitrum me statuebat non modo huius rei, sed totius Consulatus sui. cum Antonio autem sic agemus, ut perspiciat, si in eo negotio nobis satisfecerit; totum me futurum suum. Dolabellam spero domi esse. Redeamus ad nostros: de quibus tu bonam spem te significas habere propter edictorum humanitatem. ego autem perspexi, cum à me X V I I. Cal. de Puteolano Neapolim Pansa conueniendi causa proficisceretur Hircius, omnem eius sensum: seduxi enim, & ad pacem sum cohortatus. non poterat scilicet negare se uelle pacem, sed non minus se nostrorum arma timere, quam Antoniū, & tamen utrosque non sine causa praesidiū habere, se autem utraque arma metuere. quid quæris? οὐδὲν ὕψις. De Quinto F. tibi assentior. patri quidem gratissima, & bellæ tuæ litera fuerunt. Cereliæ uero facile satisfeci. nec ualde laborare mihi uisa est: & si illa, ego certe non laborarem. istā uero, quam tibi molestam scribis esse, auditam à te esse omnino demiror. nā quod eā collaudauī apud amicos, audientibus tribus filiis eius, & filia: τοῦτο ὁ λόγος. quid est hoc? quid est autem, cur ego personatus ambulem? parum ne foeda persona est ipsius senectutis? Quod Brutus rogat, ut ante Calendas: ad me quoque scripsit: & fortasse faciam: sed plane, quid uelit, nescio: quid enim illi afferre consilij possum, cum ipse egeam consilio? & cum ille suæ immortalitati melius, quam nostro otio consuluerit? De Regina rumor extinguetur. De Flamma, obsecro te, si quid potes. Here dederam ad te literas exiens è Puteolano, diuerteramq; in Cumanum. ibi penè ualentem uideram



Piliam. quoniam etiam paulo clām ijs eam uidi: uenerat enim in funus: cui funeri ego quoque operam dedi. Cn. Lucullus familiaris noster matrem efferebat. mansi igitur eo die in Sinuessano, atque inde mane postridie Arpinum proficiscens hanc epistolam exaravi. erat autem nihil noui, quod aut scriberem, aut ex te quærerem: nisi forte hoc ad te putas pertinere. Brutus misit ad me orationem suam habitam in concione Capitolina, petiuitque à me, ut eam ne ambitiose corrigerem ante, quam ederet. est autem oratio scripta elegantissime sententijs, uerbis, ut nihil possit ultra. ego tamen, si illam causam habuissem, scripsissem ardetius. ἵπὸ δέ σις, uides, quæ sit, persona dicentis: itaque eam corrigere non potui: quo enim in genere Brutus noster esse uult, et quod iudiciū habet de optimo genere dicendi, ita consecutus est ea oratione, ut elegantius nihil esse possit. sed ego solus alius sum, siue hoc recte, siue non recte. tu tamen uelim orationem legas, nisi forte iam legis, certioremq; me facias, quid iudices ipse. quanquam uereor, ne cognomine tuo lapsus ὑπερ᾽ ἄρκος sis in iudicando. sed si recordabere Διὸς δ' ἐν οὐρᾷ fulmina, tum intelliges posse τὸ ἄρκεσθαι grauiissime dici. sed hæc coram. nunc nec sine epistola, nec cum inani epistola uolui ad te Metrodorum uenire. Vale.

CICERO ATTICO S.

XV. Cal. è Sinuessano proficiscens cum dedissem ad te literas, diuerrissemque à Cumis in Vestiano, accepi à tabellario tuas literas: in quibus nimis multa de Buthrotono. n. tibi ea res maiori curæ aut est, aut erit, quàm mihi: sic. n. decet, te mea curare, tua me. quā ob rem id quā

HH ii



## LIB. XV. EPIST.

dem sic susceptum est mihi, ut nihil sim habiturus antiquius. L. Antonium concionatum esse, cognovi tuis literis & alijs, sordide: sed id quale fuerit, nescio: nihil enim scripsisti. De Menedemo, probe. Quintus certe ea dictitat, quæ scribis. Consilium meum à te probari, quod ea non scribā, quæ tu à me postularis, facile patior: multoq; magis id probabis, si orationem eam, de qua hodie ad te scripsi, legeris. Quæ de legionibus scribis, ea uera sunt, sed non satis hoc mihi uideris tibi persuasisse, quid de Buthroijs nostris per senatum speres cōfici posse. quod puto (tantum enim uideo) non uidemur esse uicturi. sed, si etiam nos hoc fallat, de Buthroto te non fallat. De Octauij concione idem sentio, quod tu: ludorumq; eius apparatus, & Marius, ac Posthumus mihi procuratores nō placent. Sæferna collega dignus. sed isti omnes, quemadmodū sentis, nō minus otium timent, quā nos arma. Balbum leuari inuidia per nos uelim: sed ne ipse quidem id fieri posse confidit, itaque alia cogitat. Quod prima disputatio Tusculana te confirmat, sanè gaudeo: neque. n. ullū est perfugiū aut melius, aut paratius. Flāma quod bene loquitur, non moleste fero. Tyndaritarorum causa, de qua laboras, quæ sit, ignoro. hos tamen πεντέλοιποι mouere ista uidentur, in primis erogatio pecuniæ. De Alexione doleo: sed quoniam inciderat in tam grauē morbū, bene actū cū illo arbitror. quos tamen secundos hæredes, scire uellem, & diem testamenti. Vale.

CICERO ATTICO S.

X I. Cal. accepi duas epistolas tuas, quibus duabus meis respōdisti. una erat XV. Cal. altera XII. data. ad



superiorem igitur. Prius accurre in Tusculanum, ut scribis: quod me V. L. Cal. uenturum arbitrabar. Quod scribis parendum uictoribus: non mihi quidem, cui sunt multa potiora. nam illa, quæ recordaris Lentulo, et Marcello Coss. acta in æde Apollinis; nec causa eadem est, nec simile tempus, præsertim cum Marcello scribas, aliosq; discedere. erit igitur nobis coram odorandum, & constituendum, tuto ne Romæ esse possimus. noui conuentus habitatores sanè mouet: in magnis enim uersamur angustiis. sed sint ista parui: quin & maiora contemnimus. Caluæ testamentum cognoui, hominis turpis, ac sordidi. Tabula Demonici quod tibi curæ est, gratum. De Mario scripsi iam pridè ad Dolabellam accuratissime, modo literæ redditæ sint. eius causa & cupio, & debeo. Venio ad propiorè. Cognoui de Alexione, quæ desiderabam. Hircius est tuus. Antonio, quàm est, uolo peius esse. De Quinto filio, ut scribis, & de patre coram agemus. Brutum omnire, qua possum, cupio inuare. cuius de oratiuncula idem te, quod me, sentire uideo: sed parum intelligo, quid me uelis scribere, quasi à Bruto habita oratione, cū ille ediderit. qui tandè conuenit? an sicut in tyrannū iure optimo casum multa dicentur, multa scribentur à nobis sed alio modo, & tempore. De sella Caesaris, bene Tribuni. præclaros etiā XIIII. ordines. Brutū apud me fuisse gaudeo, modo & libenter fuerit, & sat diu.

CICERO ATTICO S.

X. Cal. VIII. ferè à Q. Fusio uenit tabellarius, nescio quid ab eo literularum, ut me sibi restituerè, sanè

HH ij



LIB. XV. EPIST.

insulse, ut solet: nisi forte, quem non ames, omnia uidentur insulse fieri. scripsi ita, ut te probaturum existimem. mihi duas à te epistolas reddidit, unam X 1. alteram X. Cal. ad recentiore prius. & leniore laudo: si uero etiam Calfulenus, ἀνα ποταμῶν. Antonij consilia narras turbulenta: atque utinam potius per populum agat, quàm per senatum: quod quidem ita credo. sed mihi totum eius consilium ad bellum spectare uidetur, si quidem D. Bruto provincia eripitur. quo modo ego de illius nervis existimo, non uidetur fieri posse sine bello. sed non cupio, quoniam cauetur Buthrotijs. rides? ast condoleo non mea potius assiduitate, diligentia, gratia perfici. Quod scribis te nescire, quid nostris faciendum sit: iam pridem me illa ἀπορία sollicitat: itaque stulta iam Iduum Martiarum est consolatio: animis enim usi sumus uirilibus, consilijs, mihi crede, puerilibus: excisa enim est arbor, non euulsa: itaque, quàm fruticetur, uides. redeamus igitur, quoniam sæpe usurpas, ad Tusculanas disputationes. Saufeium pete. celemus: ego nunquam indicabo. Quod te à Bruto scribis, ut certior fieret, quo die in Tusculanū essem futurus: ut ad te ante scripsi, VI. Cal. & quidem ibi te quamprimum peruidere uelim: puto enim nobis Lanuuium eundum, & quidem non sine multo sermone. sed μελίσσει. Redeo ad superiorem: ex qua prætereo illa prima de Buthrotijs: quæ mihi sunt inclusa medullis: sit modo, tu scribis, locus agendi. De oratione Bruti, prorsus contendis committere, tam multis uerbis agis. ego ne ut eam causam, quam is scripsit? ego scribam non rogatus ab eo?



nulla παρεγγείησις fieri potest contumeliosior. at, in-  
 quis, ἡ ἀκλειδίων aliquod. non recusato id quidem, sed  
 & componendum argumentum est, & scribendi expe-  
 ctandum tempus maturius. licet enim de me, ut libet,  
 existimes: uelim quidem quamoptime: si hæc ita ma-  
 nant, ut uidentur, (feres quod dicam) me Idus Martia  
 non delectant: ille. n. nunquā reuertisset, nos timor cō-  
 firmare eius acta non coegisset: aut (ut in Sau-  
 feianam, reliquasq; Tusculanas disputationes, ad quas  
 tu etiam Vestorium hortaris) ita gratiosi eramus apud  
 illum, quem Dii mortuum perdant, ut nostræ ætati, quo-  
 niam interfecto domino liberi non sumus, non fue-  
 rit dominus ille fugiendus. rubeo, mihi crede: sed iam  
 scripseram, delere nolui. De Menedemo, uellem ue-  
 rum fuisset. De Regina, uelim uerum sit. cetera  
 coram, & maxime quid nostris faciendum sit, quid e-  
 tiam nobis, si Antonius militibus obsessurus est senatū.  
 hanc epistolam si illius tabellario dedissem, ueritus sum,  
 ne solueret: itaque misi dedita opera: erat enim  
 rescribendum tuis. Quam uellem, Bruto stu-  
 dium tuum nauare potuisses. ego igitur ad eum lite-  
 ras. Ad Dolabellam Tironem misi cū mandatis, &  
 literis. eum ad te uocabis, & si quid habebis, quod pla-  
 ceat, scribes. ecce autem de transuerso L. Cæsar, ut ue-  
 niā ad se, rogat, in nemus; aut scribam, quod se uenire  
 uelim: Bruto enim placere, se à me conuentri. d rem  
 odiosam, & inexplicabilem. puto me ergo iturum, &  
 inde Romam, nisi quid mutaro. Summatim adhuc  
 ad te: nihil dum enim à Balbo. tuas igitur expecto,  
 nec actorum solum, sed etiam futurorum. Vale.

HH iiij



A<sup>1</sup> BRUTO tabellarius redijt: attulit. Et ab eo, et Cassio. consilium meum magnopere exquirunt, Brutus quidē utrum de duobus. d rem miserā. plane non habeo, quid scribam: itaque silentio puto me usurum, nisi quid aliud tibi uidetur. sin tibi quid uenit in mentē, scribe quaeso. Cassius uero uehementer orat, ac petit, ut Hircium quamoptimum faciam. sanum putas? ὁ δὲ οὐκ ὀφείλει ἀνδραγαθὴς. epistolam tibi misi. ut tu de provincia Bruti, et Cassij per S. C. ita scribit et Balbus, et Hircius quidem se acturum: etenim iam in Tusculano est: mihiq; ut absim, uehementer auctor est: ille quidē, periculi causa; quod sibi etiam fuisse dicit: ego autem, etiam ut nullum periculum sit; tantum abest, ut Antoniū suspicionem fugere non curem, ne uidear eius secundis rebus non delectari, ut mihi causa sit, cur Romā uenire nolim, ne illū uideā. Varro autē noster ad me epistolam misit, sibi à nescio quo missam, (nomen enim delebat) in qua scriptum erat, ueteranos eos, qui reijciantur, (nā partem esse dimissam) improbissime loqui; ut magno periculo Romae sint futuri, qui ab eorū partibus dissentire uideantur. quis porro noster itus, reditus, uultus, incessus inter istos? quidd si, ut scribis, L. Antonius in Decimum, reliqui in nostros: ego quid faciā? aut quo me pacto geram? mihi uero deliberatum est, ut nunc quidem est, abesse ex ea urbe, in qua non modo flouii cum summa, uerum etiam seruii cum aliqua dignitate: nec tam statui ex Italia exire, de quo tecum deliberauo, quā istuc non uenire.



## CICERO ATTICO S.

CVM ad me Brutus noster scripsisset, & Cassius, ut Hircium, quem adhuc bonum fuisse sciebant, neque confidebant fore, mea auctoritate meliorem facerem, (Antonio est enim fortasse iratior, causa vero amicissimus) tamen ad eum scripsi, eiq; dignitatem Bruti, & Cassij commendavi. ille quid mihi rescripsisset, scire te uolui, si forte idem tu, quod ego, existimares, istos etiam nunc uereri, ne forte ipsi nostri plus animi habeant, quam habent.

## Hircius Ciceroni suo S.

R V RE an redierim, queris: an ego, cum omnes ce-  
leant, ignauiter aliquid facia. etiam ex Vrbe sum pro-  
fectus: utilius. n. statui abesse. has tibi literas exiens in  
Tusculanum scripsi. noli autem me tam strenuum putare,  
ut ad Nonas recurrā: nihil enim iam uideo opus esse no-  
stra cura, quoniam praesidia sunt in tot annos prouisa.  
Brutus, & Cassius utinā quam facile à te de me impe-  
trare possunt, ita per te exorentur, ne quod callidius in-  
eant consilium: cedentes enim hac ais scripsisse: quid? aut  
quare? retine, obsecro te, Cicero illos: noli sinere hac  
omnia perire, quæ funditus mediusfidijs rapinis, incen-  
dijs, caedibus peruertuntur. tantū, si quid timet, caueat,  
nihil praterea moliantur. non mediusfidijs acerrimis  
consilijs plus, quam etiam inertissimis, dum modo dili-  
gentibus, consequentur: hac. n. quæ fluunt, per se diu-  
turna non sunt, in contentione praesentis ad nocendum  
habent uires. quid speres de illis, in Tusculanum ad



LIB. XV. EPIST.

me scribe. Habes Hircij epistolam : cui rescripsi, nil illos callidius cogitare, idq; confirmavi. hoc, qualecunque esset, te scire uolui. Obsignata iam epistola, Balbus ad me, Seruiliã rediisse, confirmare non discessuros. nunc expecto à te literas.

CICERO ATTICO S.

GRATVM, quod mihi epistolae: quae quidē me delectarunt, in primis Sexti nostri. dices, quia te laudat. puto mehercule id quoque esse causae: sed tamen etiam ante, q̄ ad eū locū ueni, ualde mihi placebat cū sensus eius de Rep. tum scribendi cura. Seruius uero pacificator cū librariolo suo uidetur obijisse legationē, et omnes captiunculas pertimescere. debuerat autem non ex iure manu cōsertū, sed quae sequuntur. tu quoque scribes.

CICERO ATTICO S.

POST tuū discessum binas à Balbo; nihil noui: itemq; ab Hircio, qui se scribit uehementer offensum esse ueteranis. expectat animus, quidnā agant de Cal. Martijs. nisi igitur Tironem, & cum Tirone plures, quibus singulis, ut quid accidisset, dares literas. atque etiā scripsi ad Antonium de legatione, ne, si ad Dolabellam solum scripsissem, iracundus homo commoueretur. quod autem aditus ad eum difficilior esse dicitur, scripsi ad Eutrapelum, ut is ei meas literas redderet, legatione mihi opus esse. honestior est uotina: sed licet uti utraque. de te quaeso etiam atque etiam uide. uelim possis coram: si minus, literis idem consequemur. Gracius ad me scripsit, C. Cassium sibi scri-



psisse, homines comparari, qui armati in Tusculanum mitterentur. id quidem mihi non uidebatur, sed cauendum tamen (ut ille) quæ plures uident. debet aliquid crastinus dies ad cogitandum nobis dare. Vale.

CICERO ATTICO S.

III. Non. uesperis à Balbo reddita mihi litera, fore Nonis senatū, ut Brutus in Asia, Cassius in Sicilia frumentum emendum, & ad Urbem mittendum curarent. id rem miseram, primum ullam ab istis, dein, si aliquā, hanc legatariam provinciam: atque haud scio, an melius sit, quàm ad Eurotam sedere. sed hæc casus gubernabit. ait autem, eodem tempore decretum iri, ut & ijs, & reliquis prætorijs provinciæ decernantur. hoc certe melius, quàm illa Persice porticus: nolo enim Lacedæmonem longinquam Lanuvium existimaris. rides, inquires, in talibus rebus? quid faciam? plorando fessus sum. Dii immortales, quàm me conturbatum tenuit epistolæ tuæ prior pagina. quid autem iste in domo tua casus armorum? sed hunc quidem nimbum cito transiisse letor. tu quid egeris tua cum tristi, tum etiam difficili ad consiliandum legatione, uehementer expecto: est enim inexplicabilis: ita circumsidemur copijs omnibus. me quidem Bruti literæ, quas ostendis à te lectas, ita perturbant, ut, quanquam ante egebam consilio, tamen animi dolore sim tardior. sed plura, cum ista cognoro. hoc autem tempore, quod scribere, nihil erat, eoq; minus, quod dubitabam, tu has ipsas literas esses ne accepturus: erat enim incertū, uisurus ne te esset tabellarius. ego tuas literas uehementer expecto.



## LIB. XV EPIST

CICERO ATTICO S.

O' Bruti amanter scriptas. d' iniquū tuum tempus, quī ad eum ire non possis. ego autem quid scribam? ut beneficio istorū utantur? quid turpius? ut moliantur aliquid? nec audent, nec iam possunt. age, quiescant auctōribus nobis? quis incolumitatem praestat? si uero aliquid de Decimo gratius: quæ nostris uita, etiam si nemo molestus sit? ludos uero non facere quid foedius? frumentum imponere, quæ est alia Dionis legatio? aut quod munus in Rep. sordidius? prorsus quidam consilia tali in re ne ijs quidē tuta sunt, qui dant: sed possim id negligere proficiens: frustra uero quid ingrediar? matris consilio cum utatur, uel etiam precibus, quid me interponam? sed tamen cogitabo, quo genere utar literarum: nam silere non possum. statim igitur mittam uel Antium, uel Circaos. Vale.

CICERO ATTICO S.

ANTIVM ueni ante VI. Cal. Bruto iucundus noster aduentus. deinde, multis audiētibus, Seruilia, Tertulla, Porcia, quærere, quid placeret. aderat etiā Faonius. ego, quod erā meditatus in uia, suadere, ut uteretur Asiatica curatione frumētī; nihil esse iam reliqui, quod ageremus, nisi ut saluos esse; in eo etiam ipsi Reip. esse praesidium. quam orationē cum ingressus essem, Cassius interuenit. ego eadem illa repetui. hoc loco fortibus sanē oculis Cassius, Martē (spirare dices) se in Siciliam non irurum. ego ne ut beneficium accepisse in cōtume-  
lia? quid ergo agis, inquam? at ille, in Achaiam se itu-



rum. quid tu, inquam, Brute? Romam, inquit, si tibi uidetur. mihi uero minime: tuto enim non eris. quid, si possem esse? placere? ne? atque ut omnino neque nunc, neque ex Prætura in prouinciâ ires: sed auctor non sum, ut te Vrbi cōmittas. dicebā ea, quæ tibi profecto in mentem ueniunt, cur non esset tuto futurus. multo inde sermone querebantur; atque id quidem Cassius maxime, amissas occasiones; Decimumq; grauitè accusabat. ea negabam oportere, præterita: assentiebar tamen. cumq; ingressus essem dicere, quid oportuisset; nec uero quidquam noui, sed ea, quæ quotidie omnes; nec tamen illum locum attingere, quenquam præterea oportuisse tangi, sed senatum uocari, populum ardentem studio uehementius incitari, totam suscipere rempub. exclamat tua familiaris; Hoc uero neminem unquam audiui. ego repressi. sed & Cassius mihi uidebatur iturus (et enim Seruiliæ pollicebatur se curaturam, ut illa frumenti curatio de S. C. tolleretur) & noster cito deiectus est de illo inani sermone: uelle enim se dixerat. constituit igitur, ut ludi absente se fierent suo nomine. proficisci autem mihi in Asiam uidebatur ab Antio uelle. ne multa, nihil me in illo itinere præter conscientiam delectauit: non enim fuit committendum, ut ille ex Italia prius, quàm à me conuentus esset, discederet. hoc dempto munere amoris, atque officij, sequebatur, ut mecum ipse: ἢ δ' εὖ ἐὶ ὁδὸς τοῖ τὶ δ' ὡς τὰν νῦν δ' ἐὼν ὁδὸν? prorsus dissolutum offendi nauigium, uel potius dissipatum. nihil consilio, nihil ratione, nihil ordine. itaque etsi ne antea quidem dubitauī, tamen nunc eo minus, euolare hinc, idq; quamprimum, ubi nec Pelopidarū facta, neque



## LIB. XV. EPIST.

famam audiam . sed heus tu, ne forte sis nescius , Dolabella me sibi legauit ad IIII. Non. Apr. id mihi heri uespero nunciatum est . uotum ne tibi quidem placebat: etenim erat absurdum , quæ , si stetisset resp. nouissem , ea me, euerfa illa, uota dissoluere. & habent, opinor, libera legationes definitum tempus lege Iulia, nec facile addi potest : idq; adeo genus legationis, ut, cum uelis, introire, exire liceat. quod nunc mihi additum est . bella est autem huius iuris quinquennij licentia . quanquam quid de quinquennio cogitem ? contrahi mihi negotium uidetur . sed βλάβος φημι mittamus. Vale.

## CICERO ATTICO S.

BENE mehercule de Buthroto. at ego Tironē ad Dolabellā cum literis, quia iusseras, miseram. quid nocet? De nostris autem Antiatibus satis uidebar plane scripsisse, ut non dubitares, essent quin otiosi futuri, usuriq; beneficio Antonij contumelioso. Cassius frumentariam rem aspernabatur. eam Seruilia sublaturam ex S. C. se esse dicebat. noster uero, οὐ μὲν ἄρα σεμνὸς, in Asiam; postea quā mihi est assensus, tuto se Romæ esse nō posse: ludos enim absens facere malebat: statim autem se iturum, simul ac ludorum apparatus ijs, qui curaturi essent, tradidisset. nauigia colligebat. erat animus in cursu. interea in eisdem locis erant futuri: Brutus quidem se aiebat Astura. L. quidem Antonius liberaliter literis sine cura me esse iubet. habeo unum beneficium, alterū forte, si in Tusculanū uenerit. d. negotia non ferenda, quæ feruntur tamen. τὰν δ' αἰτίαν τῶν βροῦτων τὶς ἔχειν? Octauiano, ut perspexi, satis ingenij, satis animi:



uidebaturq; erga nostros ἡρώας ita fore, ut nos uellemus, animatus. sed quid ætati credendum sit, quid nomini, quid hereditati, quid κατήχου, magni consilij est: uir- tricus quidem nihil censebat: quem Astura uidimus. sed tamen alendus est, & ut nihil aliud, ab Antonio seiun- gendus. Marcellus præclare, si præcipit nostro, nostri: cui quidem ille deditus mihi uidebatur. Pansa autem, & Hircio non nimis credebat. bona indoles, εὖ δὲ διαμένει.

## CICERO ATTICO S.

VIII. Cal. duas à te accepi epistolas. respondebo igitur priori prius. Assentior tibi, ut nec duces simus, nec ag- mē cogamus, faueamus tamē. Orationē tibi misi. eius cu- stodiendā, & proferendā arbitriū tuū. sed quādo illū diē, cū tu edēdā putes? Inducias, quas scribis, nō intelligo fieri posse. melior est ἀναντιφωνοία: qua me usurum arbi- tror. Quod scribis legiones duas Brūdusium uenisse: uos omnia prius: scribes igitur, quidquid audieris. Varro- nis διαλογον expecto. iam probo ἡγακλείδιον, præsertim cū tu tātopere delectere. sed quale uelis, uelim scire.

- Quodd ad te antea, atque adeo prius scripsi, (sic. n. maius  
 \* ad scribēdū tibi uere dicere) fecisti me acriorē. ad tuū iu-  
 diciū, quod mihi erat notū, addidisti Peducei auctorita-  
 tē, magnā quidē apud me, & in primis grauē. enitar igitur,  
 ne desideres aut industriā meā, aut diligentiam. Ve-  
 etenū, ut scribis, & Faberū foueo. Clodiū nihil arbitror  
 malitiose: quāquā, si quid egerit de libertate retinenda,  
 \* qua certe nihil est dulcius, tibi assentior. ita ne? Gallo ani-  
 mo hominē nequā? quid. n. dicā aliud? cautū Marcel-  
 lū, me sic, sed nō tamē cautissimū. Lōgiori epistolæ, su-



## LIB. XV. EPIST.

perioriq; respondi . nunc breuiori , propioriq; quid res-  
pondeam, nisi eam fuisse dulcissimam ? Res Hispanien-  
ses ualde bonæ . modo Balbium incolumem uideam ,  
subsidium nostræ senectutis . De Anniano item , quod  
me ualde obseruat Visellia . sed hæc quidem humana .

De Bruto te nihil scire dicis : sed Selicia , uenisse M.  
Scaptium, eumq; non qua pompa, ad se tamen clam uen-  
turum . sciturumq; me omnia : quæ ego statim . inte-  
rea narrat eadem , Bassi seruum uenisse, qui nuntiaret  
legiones Alexandrinas in armis esse , Bassum arcessi ,  
Cassium expectari . quid quæris? uidetur Respius suum  
recuperatura . sed ne quid ante . nosti horum exercita-  
tionem in latrocinio, & amentiam . Dolabella uir opti-  
mus, etsi, cum scribebam secunda mensa apposita, ue-  
nisse eum ad Baias audiebam; tamen ad me ex Formia  
no scripsit, quas literas, cum è balineo exissem, accepi,  
sefe de attributione omnia summa fecisse . Veientum  
accusat . tricatur scilicet, ut homo talis : sed ait totum  
negotium Sestium nostrum suscepisse, optimum quidem  
illum uirum, nostriq; amantissimum : quero autem,  
quid tandem Sestius in hac re facere possit, quod non  
quiuis nostrum ? sed, si quid præter spem erit, facies,  
ut sciam . sin est, ut arbitror, negotium perditum, scri-  
bes tamen, neque ista res commouebit . Nos hic φιλοσο-  
φούμενα (quid enim aliud?) & τὰ περὶ τοῦ καδύκοντος  
magnifice explicamus, προσφωνοῦμενq; Ciceroni : qua  
de re enim potius pater filio? deinde alia . quid quæris?  
extabit opera peregrinationis huius . Varronem hodie,  
aut cras uenturum putabant . ego autem in Pompeia-  
num properabam, non quo hoc loco quidquam pulchrius,  
sed



sed interpellatores illic minus molesti. sed perscribe quæ  
so, quæ causa sit Myrtilo. pœnas quidē illum pependis-  
se audiui. & satis ne putet, unde corruptus. hæc cum  
scriberem, tantum quod existimabam ad te orationem  
esse perlatā. hui, quā timeo, quid existimes. etsi quid  
ad me? quæ non sit foras proditura, nisi rep. recupera-  
ta. de quo quid sperem, non audeo scribere. Vale.

CICERO ATTICO S.

VI. Cal. accepi à Dolabella literas, quarū exēplum  
tibi misi: in quibus erat, omnia se fecisse, quæ tu uelles.  
statim ei rescripsi, & multis uerbis gratias egi: sed ta-  
men, ne miraretur, cur idem iterum facerē; hoc causæ  
sumpsi, quod ex te ipso corā anteā nihil potuissem co-  
gnoscere. sed quid multa? literas hoc exemplo dedi.

Cicero Dolabellæ Cos. suo S.

ANTE A cū per literas Attici nostri de tua sum-  
ma liberalitate, sūmoq; erga se beneficio certior factus  
essem; cumq; tu ipse etiā ad me scripsisses, te fecisse ea,  
quæ nos uoluissēmus: egi tibi gratias per literas ijs uer-  
bis, ut intelligeres, nihil te mihi gratius facere potuisse.  
postea uero q̄ ipse Atticus ad me uenit in Tusculanum  
huius unius rei causa, tibi ut apud me gratias ageret,  
eximiam quandā, & admirabilem in causa Buthrotia  
uoluntatem, & singularem erga se amorem perspexis-  
set: teneri nō potui, quin tibi apertius illud idē his lite-  
ris declarare: ex ōnibus. n. mī Dolabella studijs in me, et  
officijs, quæ summa sunt, hoc scito mihi & amplissimū  
uideri, et gratissimū eē, q̄ perfeceris, ut Atticus intelli-



LIB. XV. EPIST.

geret quantum ego te, quantum tu me amares. quod reliquum est, Buthrotiam & causam, & civitatem, quanquam à te constituta est (beneficia autem nostra tueri solemus) tamē uelim receptam in fidem tuam. à meq; etiam tibi commendatam, auctoritate, et auxilio tuo rectam uelis esse. satis erit in perpetuum Buthrotijs præsidij, magnaq; cura, & sollicitudine Atticum, & me liberaris, si hoc honoris mei causa susceperis, ut eos semper à te defensos uelis. quod ut facias, te uehementer etiam, atque etiam rogo.

His literis scriptis, me ad σωτήριος dedi: quæ quidē, ue reor, ne miniata cærulea tua pluribus locis notadæ sint: ita sum μετέωρος, et magnis cogitationibus impeditus.

CICERO ATTICO S.

L. ANTONIO male sit, si quidem Buthrotijs molestus est. Ego testimoniū composui: quod, cū uales, obsignabo. tu numos Arpinatū, si L. Fadius Aedilis petet, uel omneis reddito, ego ad te alia epistola scripsi de HSCX quæ Statio curaretur. si ergo petet Fadius, ei uolo reddi: præter Fadiū, nemini. apud me itē puto depositū. id scripsi ad Erotem, ut redderet. Reginā odi. me iure facere scit. sponsor promissorum eius Ammonius: quæ quidē erant φιλόλογα, & dignitatis meæ, ut uel in concione diceret auderē. Sarā autē præterquam q̄ nefariū hominē cognoui, præterea in me cōtumacē. semel eū omnino domi meæ uidi. cū φιλοφρόνας ex eo quærerē, quid opus esset. Atticū se dixit quærerē. superbū autē ipsius Reginæ, cū esset trans Tyberim in hortis, cōmemorare sine magno dolore nō possum. nihil igitur cū istis, nec



tam animū me, q̄ stomachū non habere arbitrantur.

Profectionem meam, ut uideo, Erotis dispensatio im-  
pedit: nam cum ex reliquis, quæ Nonis Apr. fecit, abunda-  
re debeam; cogor mutuari; quodq; ex istis fructuosis re-  
bus receptū est, id ego ad illud fanū sepositū putabā.  
sed hæc Tiboni mādaui, quē ob eā cām Romā misi. te  
nolui impeditū impedire. Cicero noster quo modestior  
est, eo me magis cōmouet: ad me enim de hac re nihil  
scripsit, ad quē nimirū potissimū debuit: scripsit hoc au-  
tem ad Tironem, sibi post Cal. Apr. ( sic. n. annum tem-  
pus confici ) nihil datū esse, tibi pro tua natura semper  
placuisse, teq; existimasse id etiam ad dignitatem meā  
pertinere, eum non modo liberaliter à nobis, sed etiā or-  
nare, cumulareq; tractari. quare uelim cures ( nec tibi  
essem molestus, si per alium hoc agere possem ) ut per-  
mutetur Athenas, quod sit in annum sumptū. Et scī-  
licet Eros numerabit: eius rei causa Tironē misi. cura-  
bis igitur, et ad me, si quid tibi de eo uidebitur, scribes.

## CICERO ATTICO S.

TANDEM à Cicerone tabellarius: et mehercu-  
le literæ πεπρωμένους scriptæ, qđ ipsum περοπιδν aliquā  
significaret. itemq; ceteri præclara scribunt. Leonides  
tamen retinet suum illud ADHVC. summis uero  
laudibus Herodes. quid quæris? uel uerba mihi dari fa-  
cile patior in hoc, meq; libenter præbeo credulū. tu ue-  
lim, si quid tibi est à tuis scriptū, quod pertineat ad me,  
certiorē me facias. Narro tibi: hæc loca uenusta sunt,  
abdita certe, et, si quid scribere uelis, ab arbitris libera:  
sed nescio quo modo οἶκον φίλον: itaq; me referūt pe-



## LIB. XV. EPIST.

des in Tusculanum: & tamen hæc ἑσπερας φιλία ripulæ uidetur habitura celerem satietatem. equidem etiam pluuias metuo, si prognostica nostra uera sunt: rane enim ἑντορεσβουσιν. tu, quæso, fac sciam, ubi Brutum nostrum, & quo die uidere possim. Vale.

## CICERO ATTICO S.

D V A S accepi postridie Idus, alterum eo die datâ, alteram Idibus. prius igitur superiori. De Bruto, cum scies. De Consulum ficto timore cognoueram: Sica. n. φιλοσόφως ille quidem, sed tumultuosius ad me etiâ illam suspicionem pertulit. quid tu autem, τὰ μὲν δειδόμενα? nullû. n. uerbum à Siregio. non placet. De Plestorio uicino tuo, permolestè tuli, quenquâ prius audis se, quàm me. De Siro prudenter. L. Antoniû per Marcum fratrem, ut arbitror, facillime deterrebis auctoritate, uel ui: sed non dum acceperas literas: nec cuiquâ, nisi L. Fadio Aedili: aliter enim nec caute, nec iure fieri potest. Quod scribis tibi deesse HS C, quæ Ciceroni curata sint: uelim ab Erote quæras, ubi merces insularû. Arabioni de Sicio nihil irascor. ego de itinere, nisi explicato A, nihil cogito. quod idem tibi uideri puto. habes ad superiorem: nunc audi ad alteram. Tu uero facis, ut omnia, q̄ Seruiliæ non dees, id est Bruto. De Regina gaudeo te non laborare, certe etiâ tibi probari. Erotis rationes & ex Tirone cognoui, et uocaui ipsum. Gratissimum, q̄ polliceris Ciceroni nihil defuturum. de quo mirabilia Messalla, qui Lanuuiò rediens ab illis uenit ad me. et mehercule ipsius literæ sic et φιλοσόφως, & πινῶς scriptæ, ut eas uel in acroasi audeam legere:



quo magis illi indulgendum puto. De Buciliano Sestium puto non moleste ferre. Ego, si Tiro ad me, cogito in Tusculanum. tu uero, quidquid erit, quod me scire par sit, statim. Vale.

CICERO BRUTO S.

XVII. Cal. etsi satis uidebar scripsisse ad te, quid mihi opus sit; & quid te facere uellem, si tibi commodum esset: tamen cum profectus essem, et in lacu nauigare, Tironem statui ad te esse mittendū, ut ijs negotijs, quæ agerentur, interesset. atq; etiam scripsi ad Dolabellam, me, si ei uideretur, uelle proficisci: petiq; ab eo de mulis uecturæ itineris. ut in eis, cū intelligo te distentissimū esse quā de Buthrotijs, quā de Bruto, cuius etiā ludorum suorum curam, etiam administrationē suspicor ex magna parte ad te pertinere: ut ergo in eiusmodi re, tribues nobis paulū operæ: nec. n. multū opus est. mihi res ad cādē, & eam quidem propinquā spectare uidetur. uides homines. uides arma. prorsus non mihi uideor esse tutus. si tu aliter sentis, uelim ad me scribas: domi. n. manere, si recte possum, multo malo. Vale.

CICERO ATTICO S.

QVIDNAM est, quod audendū amplius de Buthrotijs? sterisse. n. te frustra scribis. quid autem se refert Brutus? doleo mehercule te tā esse derentū. quod decem hominibus referendum est acceptū, est illud quidem ἐγὼ δέω, sed ἀνερὸν, mihiq; gratissimum. De armis, nihil uidi apertius. fugiamus igitur: & ut ais, coram. Theophanes quid uelit, nescio: scripserat enim



## LIB. XV. EPIST.

ad me. cui rescripsi, ut potui. mihi autem scribit, uenire ad me se uelle, ut & de suis rebus, & quædam, quæ ad me pertineret. tuas literas expecto. uide quæso, ne quid temere fiat. Staius scripsit ad me, locutum secum esse Q. Ciceronem ualde asseueranter, se hæc ferre nō posse, certum sibi esse ad Brutum, & Cassium transire. hoc enim uero nunc discere aueo. hoc, ego, quid sit, interpretari non possum. potest aliquid iratus Antonio: potest gloriam nouam quærere: potest totum esse  $\sigma\chi\epsilon\iota\sigma\iota\sigma\mu\alpha$ : & nimirū ita est. sed tamen & ego uereor, et pater conturbatus est: scit enim, quæ ille de hoc. mecum quidem  $\alpha\phi\alpha\tau\alpha$ . nolim. plane, quid uelit, nescio. A. Dolabella mandata habebo, quæ mihi uidebuntur, id est nihil. Dic mihi, C. Antonius uoluit ne fieri Septemuir? fuit certe dignus. De Menedemo est, ut scribis. facies omnia mihi nota.

Vale.

CICERO ATTICO S.

EGI gratias Vecteno: nihil enim potuit humanius. Dolabellæ mandata sint quælibet, modo aliqd, uel quod Niciæ nunciem: quis enim hæc, ut scribis ante ne nunc dubitare quæquā prudentē, quin meus discessus desperationis sit, nō legationis? Quod aī, extrema quædam iam homines de Rep. loqui, & eos quidem uiros bonos: ego, quo die audini illum tyrānum in concione clarissimū uirū appellari, subdiffidere cœpi: postea uero quā tecū Lanuuij uidi nostros tantū spei habere ad uiuendum, quantum accepiſſent ab Antonio, desperaui. itaq; mi Attice fortiter hoc uelim accipias, ut ego scribo. genus illud interitus, quo casurus es, fœdū dū



ces, & quasi denunciātū nobis ab Antonio, ex hac nas-  
 sa exire constitui, nō ad fugam, sed ad spem mortis me-  
 lioris. hæc omnis culpa Bruti. Pompeium Cartheiæ  
 receptum scribis. iam igitur contra hunc exercitum.  
 utra ergo castra? media enim tollit Antonius. illa in-  
 firma, hæc nefaria. properemus igitur, sed iuuā me con-  
 silio, Brundisio ne, an Puteolis. Brutus quidem subito:  
 sed sapienter. πᾶσιν ὅτι: quando enim illum? sed hu-  
 mana ferenda. tu ipse eum uidere non potes. Dii illi  
 mortuo, qui unquam Buthrotum. sed acta missa. ui-  
 deamus, quæ agēda sint. rationes Erotis, & si ipsum nō  
 dum uidi, tamen & ex literis eius, & ex eo, quod Tiro  
 cognouit, propemodum cognititas habeo. uersurā scri-  
 bis esse faciendam mensium quinque, id est ad Cal.  
 Nou. HS C C: in eam diem cadere numos, qui à Quin-  
 to debentur. uelim igitur, quoniam Tiro negat tibi pla-  
 cere me eius rei causa Romam uenire; si te ea res nihil  
 offendet, uideas, unde numi sint, mihi feras expensum.  
 hoc uideo in præsentia opus esse. reliqua diligentius ex  
 hoc ipso exquiram, in his, de mercedibus dotalium præ-  
 diorum: quæ si fideliter Ciceroni curabuntur, quāquā  
 uolo laxius, tamen ei propemodum nihil deerit. equi-  
 dem uideo mihi quoq; opus esse uaticum: sed id ex  
 prædijs, ut cadet, ita soluetur: mihi autem opus est uni-  
 uerso quidē. & si mihi uidetur iste, qui umbras timet,  
 ad cædem spectare: tamen, nisi explicata solutione, non  
 sum discessurus. sit ne autem excitata, nec ne, tecum co-  
 gnoscā. hanc putauī mea manu scribendam: itaque  
 feci. De Fadio, ut scribis: utique alij nemini. rescri-  
 bas uelim hodie.

Vale.

II iiij



## LIB. XV. EPIST.

CICERO ATTICO S.

NARRO tibi: Quintus pater exultat letitia: scripsit. n. filius, se idcirco profugere ad Brutum uoluisse, q. cum sibi negotiū daret Antonius, ut eum Dictatorē efficeret, praesidium occuparet, id recusasset: recusasse autem se, ne patris animum offenderet: ex eo sibi illū hostem. tum me, inquit, collegi, uerens, ne quid mihi ille iratus tibi noceret: itaque eum placavi. & quidem CCC certa, reliqua in spe. scribit autem Statius illum cum patre habitare uelle. hoc uero mirum: & id gaudet. quem tu illo certiore nebulonem? ἐποχὴν uestram de re Cani deliberationis probo. nihil eram suspicatus de tabulis: ἀνεροῖας restitutam arbitrabar. Quae differi, ut mecum coram: expectabo. tabellarios, quoad uoles, tenebis: es enim occupatus. Quod Xenonem, probe. Quod scribo, cum absoluerō. Quinto scripsisti, te ad eum literas. nemo atrulerat. Tiro negat iā tibi placere Brundisium, & quidem dicere aliquid de militibus. at ego iam destinaram Hydruntē quidem. mouebant me tuæ quinq; horæ. hic autē quātus πλοῦς sed uidebimus. Nullas à te X I. Cal. quippe: quid enim iam noui? cum primum igitur poteris, uenies. ego propero, ne ante Sextus: quem aduentare aiunt. Vale.

CICERO ATTICO S.

GRATVLOR nobis Quintū filiū exiisse: molestus non erit. Pansam bene loqui credo; semper enim coniunctum esse cum Hircio scio: amicissimum Bruto, & Cassio puto, si expediet: sed quando illos uidebit?



inimicum Antonio,quādo,aut cur? quousq; ludemur?  
Ego autem scripsi Sextum aduentare, non quo iam ad  
esset, sed quia certe id agere, ab armisq; nullus discede  
ret. certe, si pergit, bellum paratum est. hic autem no-  
ster Cyterius, nisi uictorem, neminem uicturum. quid  
ad hęc Pansa? utro erit, si bellum erit; quod uiderur  
fore? sed & hęc, & alia corā m, hodie quidem, ut scri-  
bis, aut cras. Vale.

## CICERO BRUTO S.

MIRIFICE torqueor, sine dolore tamen: sed per  
multa mihi de nostro itinere in utrāq; partē occurrūt.  
quousque, inquires? quoad erit integrum: erit autē usq;  
dum ad nauem. Pansa si rescripserit, & meā tibi, &  
illius epistolā mittam. Siliū expectabā: cui ὑπόμνημα  
cōpositum, si quid noui. ego literas misi ad Brutū: cui-  
us de itinere etiā ex te uelim, si quid scies, cognoscere.

## CICERO ATTICO S.

TABELLARIVS, quem ad Brutum miserā, ex  
itinere redijt VII. Cal. ei Seruilia dixit, eo die Brutum  
Puteolis profectū. sanē dolui meas redditas non esse.  
Silius ad me non uenerat. causam composui. eum libel-  
lum tibi misi. te quo die expectem, uelim scire.

## CICERO ATTICO S.

DE MEO itinere uaria sententia: multi enim ad  
me. sed tu incumbe quāso in eam curā. magna res est.  
an probas, si ad Cal. Ian. cogitamus? meus animus est  
\* æquus, sic tamen, ut si nihil offensionis sit, & tu etiam



## LIB. XV. EPIST.

\* scribe, quo die Olympia cum mysteria scilicet, ut tu scires, casus consilium nostri itineris iudicabit. dubitemus igitur. hyberna enim nauigatio odiosa, eoq; ex te quaerieram mysteriorum diem. Brutum, ut scribis, uisum iri à me puto. ego hinc uolo prid. Cal. Vale.

CICERO ATTICO S.

D. E. Quinti negotio uideo à te omnia facta. ille tamē dolet, dubitās utrū morem gerat Leptrae, an fidē infirmet Silio mandibili. L. Pisonē uellem exire legatum. *ἄλλοι δὲ οὐκ ἔχω.* S. C. uelim scire, quid sit Tabellarius ille, quem tibi dixerā à me ad Brutū esse missum in Anagninū, ad me uenit ea nocte, quae proxima ante Cal. fuit, literasq; ad me attulit, in quibus unū alienū summa sua prudentia, ut spectem ludos suos, rescripsi scilicet, primū me iam profectum, ut nō integrum sit: dein ἀποπώτατον esse, me, qui Romam omnino post haec arma non accesserim, neq; id tam periculi mei causa fecerim, quā dignitatis, subito ad ludos uenire: tali. n. tempore ludos facere illi honestum est, cui nō necesse est spectare: mihi ut nō est necesse, sic nec honestum est. equidem illos celebrari, & esse quamgratissimos mirabiliter cupio: idq; ita futurum esse confido: & tecū ago, ut iam ab ipsa commissione ad me, quemadmodū accipiuntur, deinde omnino reliquorum dies singulos persequare. sed de ludis haec tenus. Reliqua pars epistolae: illa nanq; in utranque. sed tamen non nullos interdū iacit igniculos uirileis. quod, quale uideretur, ut posses interpretari, misi ad te exemplum epistolae. quāquā mihi tabellarius noster dixerat, tibi quoque se attulisse



literas à Bruto, easq; à Tusculano esse delatas. Ego itinera sic composueram, ut Non. Quint. Puteolis essem: ualde enim festino, ita tamen, ut, quantū homo possit, quamcautissime nauigem. M. Aelium cura libera. ei sine paucos specus in extrmo fundo, & eos quidem subterraneos, seruitutis apud Talnæ quid habituros: id me iam iam nolle, neq; mihi quidquam esse tanti. sed, ut mihi dicebas, quālenissime, potius ut cura liberetur, quā ut me succensere aliquid suspicetur. Item de illo Tulliano, cupide libero cum Caselio loquare. parua res est: sed tu bene attēdisti nimis callide agebatur. ego autē, si mihi imposuisset aliquid, quod penē fecit, nisi tua malitia affuisset; animo iniquo tulissem. itaque, ut erit, rem impediri malo. octauam partem Tullij lūmī  
 \* narium in ædium ad strane meminere. cui Cerelia uideris mancipio dare ad eam summam, quæ sub præcone fuit maxima. id opinor esse CCCCLXXX. noui si quid erit, atq; etiā si quid prospicies, quod futurum putes, scribas ad me quamsepissime uelim. Varroni, quemadmodum tibi mandauī, meminere excusare tarditatem literarum mearum. Mundus istum. M. Ennius quid egerit de testamento, curiosius facias me uelim certiozem. Ex Arpinati, VI. Non. Vale.

CICERO ATTICO. S.

GAVDEO id te mihi suadere, quod ego mea sponte pridie fecerā: nam cum ad te VI. Non. darem, eidem tabellario dedi etiā ad Sestiū scriptas πέντε φιλοσόφους. Ille autem, q̄ Puteolos prosequitur, humane: quod queritur, iniuste: non enim ego tam illum expectas



## LIB. XV. EPIST.

re, cum de Cossano rediret, debui, quàm ille aut nō ire ante, quàm me uidisset, aut citius reuerti: sciebat etiam me celeriter uelle proficisci, se seq; ad me in Tusculanū scripserat esse uenturum. Te, ut à me discesseris, lacrymasse, moleste ferebam. quod si me præsente fecisses, cōfilium totius itineris fortasse mutassem. sed illud præclare, q̄ te consolata est spes breui tempore congregiendi: quæ quidem expectatio me maxime sustētat. meæ tibi literæ nō deerunt. De Bruto scribam ad te omnia. Librum tibi celeriter mittam de gloria. excudam aliquid ἡγεμνείων, quod lateat in thesauris tuis. De Planco, memini. Attica iure queritur. Quòd me de Bacchi, de statuarū coronis certiozem fecisti, ualde gratum: nec quidquam posthac non modo tantum, sed ne tantulum quidem præterieris. Et de Herode, & Metio meminero, & de omnibus, quæ te uelle suspicor. modo turpem sororis tuæ filium, cum hæc scriberem. aduentabat autem βουλῶσαι cœnantibus nobis. Vale.

CICERO ATTICO S.

EGO, ut ad te pridie scripserā, Nonis constituerā uenire in Tusculanū. ibi igitur quotidie tuas literas expectabo, et maxime de ludis: de quibus etiā ad Brutum tibi scribēdū est: cuius epistolæ, quā interpretari ipse uix poterā, exēplū pridie tibi miserā. Atticæ meæ uelim me ita excuses, ut omnē culpā in te trāsferas, et ei tamē cōfirmes, me minime totū amorē eò mecum abstulisse.

CICERO ATTICO S.

BRUTI ad te epistolā misi. Dī boni, quāta ἀμύχαι



viā cognosces, cum legeris. De celebratione ludorum, tibi assentior. Ad M. Aelium nullus tu quidem domū, sed sicubi inciderit, de Tulliano semisse, M. Axianū adhibebis, ut scribis. Quod cum Cosiano egisti optime. Quod nō solum mea, uerum etiam tua expedis, gratū.

Legationem probari meam gaudeo. Quod promittis, Dii faxint: quid enim mihi, meis iucundius? sed istam, quam tu excipis, metuo. Brutum cum conuenero, perscribam omnia. De Planco, et Decimo, sanē uelim Sextum scutum abijcere. De Mundo, si quid scies, rescripsi ad omnia. nunc nostra accipe. Quintus filius usque Puteolos: mirus ciuis, ut tu Fauonium, Asinium dicas: et quidem duas ob causas, et ut mecū, et ut scias, ut uult cum Bruto, et Cassio. sed tu quid ais? scio enim te familiarem esse Othonum. ait hic sibi Iuliam ferre: constitutum enim esse dissidium. quāsiuit ex me pater, qualis esset fama. dixi, sanē nihil me audisse, (nesciebam enim cur quæreretur) nisi de ore, et patre. sed cur tu, inquam? at ille, filium uelle. tum ego, etsi ἐβλεπόμενον, tamen negaui. putauī illa esse uera: σκοπὸς hoc est enim huic nostro, nihil præbere. illa autem οὐ παρὰ τοῦτο. ego tamen suspicor hunc, ut solet, hallucinari. sed uelim quæras, (facile autem potes) et me certiozem. Obsecro te, quid est hoc? signata iam epistola, Formiani, qui apud me cœnabant, Plancū se dicebant, hunc Buthrotium, pridie, quā hoc scribebā, id est III. Nonarum, uidisse demissum, sine phaleris; seruos autē dicere, eum, et agripetas eiektos à Buthrotijs. macte. sed, amabo te, perscribe mihi totum negotium. Vale.



M. TVLLII CICERONIS EPISTOLARVM  
AD T. POMPONIVM ATTICVM LIBER XVI.

CICERO ATTICO S.

ONIS Quint. ueni in Puteolanum  
iens ad Brutum. in Neside hæc scripsi  
N sed eo die, quo ueneram coenanti Eras  
tuas literas. Ita ne? Nonis Iulij? me-  
hercule istis. sed stomachari totū. die  
licer: quidquā ne turpius, quā Bruto Iulij? redeo ad  
\* meū igitur, <sup>ἐλθόμεν.</sup> nihil uidi. sed quid est quæso, quod  
agripetas Buthroti concisos audio? quid autem Plancus  
tam cursim? ita enim meditabar diem, & noctē. sanē  
cupio scire, quid sit. Meam profectiōem laudari gau-  
deo, Dymæos agro pulsos, mare infestū habere, nil mi-  
rum. uidendum est, ut mansio laudetur. <sup>ἐν ὁμοπλαίᾳ</sup> Bru-  
ti uidetur aliquid præsidij eē: sed opinor minuta nauis-  
giā. sed iam sciam, & ad te cras. De Ventidio, <sup>παν-  
κὸν</sup> puto. De Sexto pro certo habebatur, ad arma quod  
si uerum est, sine bello civili uideo seruiendum. quid er-  
go? Calendis Ianuarij in Pansa spes. <sup>ἀντὶ τοῦ</sup> in ui-  
no & in somno istorum. De CCCX, optime. Ciceronis  
\* rationes explicentur. Obuius: n. recessis multa, quæ uel-  
lem: in his, ne hoc quidem malū, in mandatis sat abun-  
dē: HS LXXII satis esse, affatim prorsus, sed Xeno-  
nem perexigue, et <sup>πλὴν</sup> præbere, id est minutatim.  
quo plus permutasti, quā ad fructum insularum, id  
ille annus habeat, in quē itineris sumptus accessit. hinc  
ex Cal. Apr. Ad HS LXXX accommodetur, nunc enim



insula tantum: uidendū enim est, quid, cū Romæ erit: non enim puto socrum illam ferendam. Pindaro Decumano negaram. Nunc, cuius rei causa tabellarium miserim, accipe. Quintus filius mihi pollicetur se Catonem. egit autem & pater, & filius, ut tibi sponderē, sed ita, ut tum crederes, cum ipse cognosces. huic ego literas ipsius arbitrato dabo: eā te ne mouerint. has scripsi in eam partem, ne me motum putares. Dij faxint, ut faciat ea, quæ promittit: commune enim gau diū: sed ego nihil dico amplius. is hinc VII. Idus: ait enim attributionem in Idus, se autem urgeri acriter. tu ex meis literis, quomodo respondeas, meditabere. Plura, cum & Brutum uidero, & Erotem remittam. Atticæ meæ excusationem accipio, eamq; amo plurimum: cui, & Piliæ salutem. Vale.

## CICERO ATTICO S.

VII. Idus duas epistolas accepi, unā à meo tabellario, alteram Bruti. De Buthrotijs longe alia fama in his locis fuerat: sed cum alijs multis hoc ferendum. Erotem remisi citius, quàm constituerā, ut esset cū Hortēσιο, & quia equitibus quidē ait se Idibus cōstituisse. Hortēsius uero impudenter: nihil. n. debetur ei, nisi ex tertia pensione. quæ est Cal. Sext. ex qua pensione ipsa minor pars est ei soluta aliquando ante diem. sed hæc Eros uidebit. De Publilio autem, q̄ perscribi oportet, moram non puto esse faciendam. sed cū uideas, quantū de iure nostro decesserimus, quī de residuis CCCC HS CC præsentia soluerimus, reliqua perscribamus; loqui cum eo, si tibi uidebitur, poteris, cum commodum no-



L I B. XVI. E P I S T.

strum expectare debere, cum tanta sit à nobis iactura  
facta iuris. sed amabo te mi Attice (uides ne quàm blā  
de?) omnia nostra, quoad eris Romæ, ita gerito, rogito,  
gubernato, ut nihil à me expectes: quanquā enim re-  
liqua satis apta sint ad soluendum; tamen fit sæpe, ut  
iis, qui debent, non respōdeant ad tēpus. si quid eiusmo-  
di acciderit, ne quid tibi sit fama mea potius. nō modo  
uersura, uerum etiam uenditione, si ita res coget, nos  
uindicabis. Bruto tuæ literæ gratae erant: fui. n. apud il-  
lum multas horas in Neside, cū paulo ante tuas literas  
accepissem. delectari mihi Tereo uidebatur, & habere  
maiores Accio, quàm Antonio gratiam. mihi autē quo-  
latiora sunt, eo plus stomachi, & molestiae est, populum  
R. manus suas non in defendenda Rep. sed in plauden-  
do cosumere. mihi quidem uidentur istorum animi in-  
cendi etiam ad representandā improbitatem suā. sed  
tamen, dū modo doleant aliquid, doleāt quidlibet. Con-  
siliū meum q̄ ais quotidie magis laudari, nō moleste  
fero, expectabamq̄; si quid de eo ad me scriberes: ego  
enim in uarios sermones incidebam: quin etiā idcirco  
trahebam, ut quādiutissime integrū esset. sed quoniā  
euro uilla extrudimur, Brundisium cogito: facilius. n.  
& exploratio de uicatio legionum fore uidetur, quàm  
piratarū, qui apparere dicuntur. Sestius VI. Id. expecta-  
batur, sed non uenerat, quod sciam. Cassius cum clas-  
sicula sua uenerat. ego, cum eum uidissem V. Calendas,  
in Pōpeianum cogitabā, inde Aculanum. nosti reliqua,  
De Tutia ita putaram. De C. Metio non credo, nec tamē  
curo plus, quàm tu. Planco, & Oppio scripsi equi-  
dem, quoniam rogaras: sed, si tibi uidebitur, ne necesse  
habueris



habueris reddere: cum enim tua causa fecerint omnia,  
 uereor, ne meas literas superuacaneas arbitrentur. Op-  
 pio quidem utique: quem tibi amicissimum cognoui:  
 uerum, ut uoles tu. Quoniam scribis hiematurum te in  
 Epeiro, feceris mihi gratum, si ante eò ueneris, quàm  
 mihi in Italiam te auctore ueniendum est. literas ad  
 me quamsepiissime, sed de rebus minus necessarijs aliquè  
 nactus: sin autem erit quid maius, domo mittito.  
 Ησακλέδιον, si Brundisium salui, adoriemur. de glo-  
 ria misi tibi: custodies igitur, ut soles: sed notentur eclo-  
 garij: quos Saluius, bonos auditores nactus, in conuiuio  
 duntaxat legat. mihi ualde placent: mallet tibi.  
 Etiam atque etiam uale.

## CICERO ATTICO S.

TV VERO sapienter: nunc demum enim res  
 scribo ijs literis, quas mihi misisti conuento Antonio Ti-  
 buri: sapienter igitur, quòd manus dedisti, quòd q; etiam  
 ultro gratias egisti. certe enim, ut scribis, deseremur ocys  
 à rep. quàm à re familiari. quòd uero scribis te magis  
 delectari O' TITE, SI QUID EGO: addis mi-  
 hi scribendi alacritatem. Quòd Erotem non sine mu-  
 nusculo expectare dicis, gaudeo non fefellisse eam rem  
 opinionem tuam. sed tamen idem σῶταγμα misi ad te  
 retractatius, et quidem ἀγχιέτυπον ipsum, crebris locis in  
 culcatum, & refectum. hunc tu tralatam in macrocolū  
 lege arcano conuiuis tuis, sed, si me amas, hilaris, & be-  
 ne acceptis, ne in me stomachum erumpant, cum sint ti-  
 bi irati. De Cicerone, uelim ita sit, ut audiuiimus.  
 De Xenone, coràm cognoscam: quanquā nihil ab eo ar-

KK



bitror neque indiligenter, neque illiberaliter. De Hero-  
de faciam, ut mandas, & ea, quæ scribis, ex Saufeio, &  
è Xenone cognoscam. De Quinto filio, gaudeo tibi  
meas literas prius à tabellario meo, quàm ab ipso reddi-  
tas. quanquam te nihil fefellisset. ueruntamen. sed ex-  
pecto, quid ille tecum, quid tu uicissim: nec dubito, quin  
suo more uterque. sed eas literas Curium mihi spero red-  
diturum: qui quidem & si per se est amabilis, à meq; di-  
ligitur, tamen accedet magnus cumulus commendatio-  
nis tuæ. Literis tuis satis responsum est. nunc audi,  
quod, etsi intelligo scribi necesse non esse, scribo tamen.

Multa me mouent in discessu, in primis mehercule,  
quòd disiungor à te. mouet etiam navigationis labor,  
alienus non ab ætate solum nostra, uerum etiam à di-  
gnitate; tempusq; discessus subabsurdum: relinquimus  
enim pacem, ut ad bellum reuertamur; quodq; tempo-  
ris in prædiolis nostris & belle ædificatis, & satis amœ-  
nis consumi potuit, in peregrinatione consumimus. conso-  
lantur hæc, aut proderimus aliquid Ciceroni: aut, quan-  
tum profici possit, iudicabimus. deinde tu iam, ut spero,  
& ut promittis, aderis. quod quidem si acciderit, omnia  
nobis erunt meliora. maxime autem me angit ratio reli-  
quorū meorum. quæ quanquam explicata sunt, tamen,  
quòd & Dolabellæ nomen in ijs est, & attributio est mi-  
hi nominū ignota, cōturbor, nec ulla res magis angit ex  
omnibus. itaque non mihi uideor errasse, quòd ad Balbū  
scripsi apertius, ut, si quid tale accidisset, ut non concurre-  
rent nomina, subueniret: meq; tibi etiam mandasse, ut,  
si quid eiusmodi accidisset, cum eo cōmunicares. quod fa-  
cias, si tibi uidebitur, eoq; magis, si proficisceris in Epei-



rum. Hec ego conscendens è Pompeiano tribus aëtua-  
riolis decemscalmis. Brutus erat in Neside etiam nunc,  
Neapoli Cassius. Ecquid amas Deiotarum? & non amas  
Eram? qui, ut Blesamius uenit ad me, cum ei præscri-  
ptū esset, ne quid sine Sestij nostri sententia ageret, neque  
ad illum, neque ad quenquam nostrum retulit. Atticam  
nostram cupio suauari: ita mihi dulcis salus uisa est  
per te missa ab illa. referes igitur ei plurimam, itemq;  
Piliæ dicas uelim. Vale.

## CICERO ATTICO S.

ITA ut heri tibi narraui, uel fortasse hodie, Quina-  
tus enim altero die se diebat. in Nesida VIII. Idus. ibi  
Brutus. quā ille doluit de Nonis Iulijs: mirifice est cō-  
turbatus: itaque sese scripturū diebat, ut uenationē etiā,  
quæ postridie ludos Apollinares futura est, proscriberent,  
III. Idus Quintileis. Libo interuenit. is Philonem Pōpeiij  
libertū, & Hilarū suum uenisse à Sexto cum literis ad  
Consules, sine quo alio nomine sunt. earum exemplum  
nobis legit, si quid uideretur. pauca παρὰ λέξις: cætero=  
qui & satis grauitè, & non contumaciter. tantum ad-  
di placuit, quod erat, C O S S. solū, ut esset, PRAETT.  
TRIBB. PL. SENATVI; ne illi non proferrent  
eas, quæ ad ipsos missæ essent. Sextum autem nuncia-  
uit cum una solum legione fuisse Carthagine, eiq; eo ip-  
so die, quo oppidum Boream cepisset, nunciatum esse  
de Casare: capto oppido, miram latitiā, commuta-  
tionēq; animorum, concursūq; undique, sed illum  
ad sex legiones, quas in ulteriore reliquisset, reuertisse.  
ad ipsum autem Libonem scripsit, nihil esse, nisi ad



LIB. XVI. EPIST.

larem suum liceret. summa postulatorum, ut omnes exercitus dimittatur, qui ubique sint. hæc ferè de Sexto. De Buthrotijs undique quarens nihil reperiebã. alij, concisos agripetas: alij, Plancum, acceptis numis, reli- Etis illis, aufugisse. itaque non uideo sciturum me, quid eius sit, ni statim aliquid literarum. Iter illud Brundisium, de quo dubitabam, sublatum uidetur: legiones enim aduentare dicuntur: hæc autem nauigatio habet quasdam suspensiones periculi: itaque constituēbam uti ο μὲν πλοῖα. paratiorem offendi Brutum, quàm audiebã: nam & ipse Domitius bona plane habet dicota, suntq; nauigia præterea luculenta Sestij, Buciliani, cæterorum: nã Cassij classem, quæ plane bella est, non numero, ultra fretum. illud est mihi submolestum, quoddam parum Brutus properare uidetur. primum confectorum ludorum nuntios expectat: deinde, quantum intelligo, tarde est nauigaturus, consistens in locis pluribus. tamen arbitror esse commodius tarde nauigare, quàm omnino non nauigare. etsi, cum processerimus exploratiōra uidebuntur, & testis utemur. Tuas iam literas Brutus expectabat: cui quidem ego non nouum attuleram de Te- reo Accij. ille Brutum putabat. sed tamen rumoris ne- scio quid afflauerat, cōmissione Græcorum frequentiam non fuisse: quæ quidem me minime fefellit: scis enim, quid ego de Græcis ludis existimem. nunc audi quod plurius est, quàm omnia. Quintus fuit mecum dies cō- plures: & si ego cuperem, ille uel plures fuisset: sed, quantum fuit, incredibile est, quàm me in omni genere delectarit, in eoq; maxime, in quo minime satisfaciebat: sic enim commutatus est totus & scriptis meis quibus-



dam, quæ in manibus habebam, & assiduitate orationis, & præceptis, ut tali animo in Rēp. quali nos uolumus, futurus sit. hoc cum mihi non modo confirmasset, sed etiam persuasisset; egit mecum accurate multis uerbis, tibi ut sponderem, se dignum et te, & nobis futurum; neque se postulare, ut statim crederes, sed, cū ipse perspexisses, tum ut se amares. quod nisi fidem mihi fecisset, iudicassetq; hoc, quod dico, firmū fore, non fecissem id, quod dicturus sum: duxi enim mecum adolescentē ad Brutū: sic ei probatum est quod ad te scribo, ut ipse crediderit, me sponsores accipere noluerit, eūq; laudans amicissime mentionem tui fecerit, complexus, osculatusq; dimiserit. quam ob rem etsi magis est, quod gratuler tibi, quā quod te rogem, tamen etiam rogo, ut, si quæ minus antea propter infirmitatem ætatis constiter ab eo fieri uidebantur, ea indices illum abieciisse, mihiq; credas, multum allaturam, uel plurimum potius ad illius iudicium confirmandum auctoritatem tuam.

Bruto cum sæpe iniecissem de ὁμοπλαίᾳ, non perinde, atque ego putaram, arripere uisus est. existimabam μετεωρότερον esse: & hercule erat, & maxime de ludis. at mihi, cum ad uillam redissem, Cn. Luceius, qui multum utitur Bruto, narrauit, illum ualde morari, nō tergiuersantem, sed expectantem, si qui forte casus. itaque dubito, an Venusium tendam, & ibi expectem de legionibus: si aberunt, (ut quidam arbitrantur) Hydruntem: si neutrum erit ἀσφαλές, eodem reuertar. iocari me putas? moriar, si quisquam me tenet præter te: etenim circumspecte: sed ante erubescō. ò dies in auspicijs Lepi = di descriptos, & aptos ad consilium reditus nostri. ma =



LIB. XVI. EPIST.

gna ἔστιν ad proficiscendum tuis literis. atque utinam te  
illic : sed ut conducere putabis . Nepotis epistolam ex-  
pecto . cupidus ille meorum ? qui ea , quibus maxime  
γὰρ ἔστιν , legenda non putet . & ais μετ' ἀμύμονα . tu ue-  
ra ἀμύμων . ille quidem ἀμύμων . Meorum epistolarum  
nulla est συναγωγή . sed habet Tiro instar septuaginta .  
& quidem sunt à te quædā sumendæ . eas ego ,  
oportet , perspiciam , corrigam . tum denique edentur .

CICERO ATTICO S.

EGO adhuc (perueni enim Vibonem ad Sicā) magis  
cōmode , quā strenue nauigauī : remis enim magnā par-  
tem . prodromi nulli . illud satis opportune . duo sinus  
fuerunt , quos tramitti oportet , Pæstanus , & Vibonensis :  
utrumque pedibus equis transmisimus . ueni igitur ad  
Sicam octauo die è Pompeiano , cum unum diem Velie  
constitissem , ubi quidem fui sanè libenter apud Talnam  
nostrum , nec potui accipi , illo absente præsertim , libera-  
lius . I X . Cal . igitur ad Sicam . ibi tanquam domi  
meæ scilicet , itaque obduxi posterum diem . sed puta-  
bam , cum Regium uenissem , fore , ut illic , Δολίχον πλόον  
ὁρμῶντες , cogitarem , corbita ne Patras , an ætuda-  
riolis ad Leucopetram Tarentinorum , ast inde Corcyr-  
ram : & si oneraria , statim ne freto , an Syracusis . hac  
super re scribam ad te Regio . mehercule mi Attice sæ-  
pe mecum , ἢ ἂν ᾤδῃς σοι τὴν δύναται ; cur ego tecū  
non sum ; cur ocellos Italiæ , uillulas meas nō uideo ? sed  
id satis , superq̃ ; tecum me non esse fugientem pericu-  
lum . nec id nunc quidem ( nisi fallor ) ullum est : ad



ipsum enim reuocat me auctoritas tua : scribis enim ,  
 in coelum ferri profectiorem meam , sed ita , si ante Cal.  
 Ian . redeam : quod quidem certe enitar : malo enim  
 uel cum timore domi esse , quàm sine timore Athenis  
 tuis . sed tamen prospice , quod ista uergant , mihiq ; aut  
 scribe , aut , quod multo malim , offer ipse . hac haec  
 nus . illud uelim in bonam partem accipias , me agere  
 tecum , quod tibi maiori cura sciam esse , quàm ipsi mi-  
 hi . nomina mea per Deos expedi , exolve bella reliqui .  
 sed opus est diligentia , coheredibus pro Cluuiano Cal.  
 Sext . persolutum ut sit cum Publio quo modo agen-  
 dum sit , uidebis . non debet urgere quoniam iure non  
 utimur : sed tamen ei quoque satisfieri plane uolo .  
 Terentiae uero quid ego dicam ? etiam ante diem , si pos-  
 tes . quin , si , ut spero , celeriter in Epeirum ; hoc , quod  
 satisfato debeo , peto à te , ut ante provideas , planeq ; ex-  
 pedias , & solutum relinquas . sed de his satis , metuoq ; ,  
 ne tu nimium putes . nunc negligentiam meam cogno-  
 sce . De gloria librum ad te misi : & in eo proce-  
 mium id est , quod in Academico tertio . id euenit ob eã  
 rem , quod habeo uolumen procemiorum : ex eo elige-  
 re soleo , cum aliquid συγγαμμα institui . itaque iã in  
 Tusculano , qui non meminisssem me abusum isto proce-  
 mio , conieci id in eum librum , quem tibi misi . cum au-  
 tem in naui legerem Academicos , agnouì erratum me-  
 um : itaque statim nouum procemium exaravi , & ti-  
 bi misi . tu illud desecabis , & hoc agglutinabis .  
 Pilie salutem dices , & Attica , delicijs , atque amo-  
 ribus meis .

Vale.

K K iij



## LIB. XVI. EPIST.

CICERO ATTICO S.

VIII. id. Sext. cū à Leucopetra profectus (inde enim tramittebā) stadia circiter CCC processisse, reiectus sum austro uehementi ad eandem Leucopetram. ibi cū uentum expectarem (erat enim uilla Valerij nostri, ut familiariter essem, & libenter) Regini quidam illustres homines ed uenerunt, Roma sanè recentes, in ijs Bruti nostri hospes, qui Brutum Neapoli reliquisset. hac afferebant, edictum Bruti, & Cassij, & fore frequentem senatum Calendis: à Bruto, Cassio literas missas ad consulares, & pratorios: ut adessent, rogare. summam spem nunciabant, fore, ut Antonius cederet, res conueniret, nostri Romam redirent. addebant etiam, me de siderari, subaccusari. quæ cum audissem, sine ulla dubitatione abieci consilium profectionis, quo mehercule ne antea quidem delectabar. lectis uero tuis literis admiratus equidem sum, te tam uehementer sententiam commutasse, sed non sine causa, arbitrabar. etsi, quamuis non fueris suasor, & impulsor profectionis mea, approbator certe fuisti, dummodo Cal. Ian. Romæ essem. ita fiebat, ut dum minus periculi uideretur, abessem, in flammam ipsam uenirem. sed hæc etiam si non prudenter, tamen ἀνεμέσθη sunt; primum, quòd de mea sententia acta sunt: deinde, etiam si te auctore, quid debet, qui consilium dat, prestare præter fidem? illud admirari satis non potui, quod scripsisti his uerbis. BENE igitur tu, qui ὁ δὲ πατρίαν, bene relinquis patriam? An ego relinquebam? aut tibi tum relinquere uidebar, tu id non modo nō prohibebas, uerum etiam approbabas?



grauiora, quæ restant. VELIM σχόλιον aliquod eli-  
 mes ad me, oportuisse te istuc facere. ita ne mi At-  
 tice defensione eget meum factum, præsertim apud te,  
 qui id mirabiliter approbasti? ego uero istum ἀπολογία-  
 σμόν συντάξομαι, sed ad eorum aliquem, quibus inuitis,  
 & dissuadentibus profectus sum. etsi quid iam opus  
 est σχολιασίου: si perseuerassem, opus fuisset. at hoc ipsum  
 non constanter. nemo doctus unquam (multa autē de  
 hoc genere scripta sunt) mutationem consilij, inconstan-  
 tiam dixit esse. deinceps igitur hæc. N A M si à Phe-  
 dro nostro, expedita excusatio esset. nunc quid respon-  
 demus? ergo id erat meum factum, quod Catoni pro-  
 bare nō possim, flagitij scilicet plenū, et dedecoris. uir-  
 nam à primo ita tibi esset uisum. tu mihi, sicut esse so-  
 les fuisses Cato. Extremum illud uel molestissimum.  
 N A M Brutus noster silet: hoc est, non audet hominē  
 id ætatis monere. aliud nihil habeo, quod ex ijs à te uer-  
 bis significari putem. & hercule ita est. nam X V I.  
 Cal. Sept. cum uenissem Veliam, Brutus audiuit: erat  
 enim cum suis nauibus apud Heletem fluuium circa Ve-  
 liam millia passuum I I I. pedibus ad me statim. Dū  
 immortales, quā ualde ille reditu, uel potius reuersio-  
 ne mea letatus: effudit illa omnia, quæ tacuerat: ut re-  
 cordarer illud tuum. N A M Brutus noster silet.  
 maxime autem dolebat, me Cal. Sext. in senatu nō fuis-  
 se: Pisonem ferebat in cælum: se autem latari, quod  
 effugissem duas maximas uituperationes, unam, quam  
 itinere faciendo me intelligebam suscipere, desperationis,  
 ac relictionis Reip. (flentes mecum uulgo querebātur,  
 quibus de meo celeri reditu non probabam) alterā, de



LIB. XVI. EPIST.

qua Brutus, & qui una erant (multi autem erant) letabantur, quoddam uituperationem effugissem, me existimari ad Olympia. hoc uero nihil turpius quouis Reip. tempore: sed hoc ἀναπολόγητον. ego uero austro gratias miras, qui me à tanta infamia auerterit. reuersionis has speciosas causas habes, iustas illas quidem, & magnas, sed nulla iustior, quàm quoddam tu idem alijs literis. PROVIDE, SI CUI QUOD DEBEATUR, UT SIT Vnde PAR PARIRE SPONDEATUR: MIRIFICA ENIM ΔΥΞΗΡΗΤΙΑ EST PROPTER METVM ARMORVM. in freto medio hanc epistolam legi, ut, quid possem providere, in mentem non ueniret mihi, nisi quod praesens me ipse defenderem. sed haec haecenus. reliqua coram. Antonij edictum legi à Bruto, et horum contra, scriptum praclare. sed quid ista edicta ualeant, aut quid spectent, plane non uideo. nec ego nunc, ut Brutus censebat, istuc ad Rem. capeSSendā uenio: quid enim fieri potest? nunc quis Pisoni est assensus? nunc rediit ipse postridie? sed abesse hanc atque longe à sepulcro negat oportere. sed, obsecro te, quid est quod audiui de Bruto? Piliā παρὰ τὸ εἶθαι παρὰ λόγον, te scripsisse aiebat. ualde sum commotus. etsi idem, te scribere, sperare melius. ita plane uelim: ei dicas plurimam salutem, et suauissimam Atticam. haec scripsi nauigans, cum Pōpeianum accederem, XIII. Cal.

CICERO ATTICO S.

CVM sciam, quo die uenturus sim, faciam, ut scias. impedimenta expectanda sunt, quae Anagnina ueniunt: & familia agra est. Cal. uespere litera mihi ab Octauiano reddita



sunt. magna molitur . veteranos, quiqui Cassilini, et Ca-  
latia sunt perduxit ad suā sententiā: nec mirū: quingenos  
denarios dat: cogitat reliquas colonias obire . plane hoc  
spectat, ut se duce bellū geratur cū Antonio . itaque ui-  
deo paucis diebus nos in armis fore . quē aut sequamur  
uide nomē : uide etatē . atq; à me postulat, primū ut clā  
colloquatur, uel Capuæ: puerile hoc qdē, si id putat clā  
fieri posse . docui literis, id nec opus esse, nec fieri posse.  
misit ad me Cecinā quēdā Volateranū familiare suū,  
qui hoc pertulit, Antoniū cū legione Alaudarū ad Vr-  
bē pergere, pecunias municipijs imperare, legionē sub si-  
gnis ducere. cōsultabat, utrū Romā cū ∞∞∞ uete-  
ranorū proficisceretur, an Capuā teneret, et Antonium  
ueniētē excluderet, an iret ad treis legiones Macedoni-  
cas, q̄ iter secūdū mare superū faciunt, quas sperat suas  
esse . hē cōgiariū ab Antonio accipere noluerūt, ut hic  
quidē narrat, et ei cōitiū grāde fecerūt cōcionātēq; res-  
liquerūt. quid queris? ducē se profitetur, nec nos sibi pu-  
rat deesse oportere. equidē suasi, ut Romā pergeret : ui-  
detur . n. mihi & plebeculā urbanā, et, si fidē fecerit, etiā  
bonos uiros secū habiturus: d Brute ubi es? quātā Bruti  
glāu amittis . non equidē hoc diuināui, sed aliquid tale  
putāui fore. nūc tuū consiliū exquiro. Romā ne uenio,  
an hic maneo, an Arpinū? ἀσφαλῆαν habet is locus . fu-  
giā Romā, ne desideremur, si quid actū uidebitur . hoc  
igitur explica. nunquam in maiore . ἀπογία fui. Vale.

CICERO ATTICO S.

BINAE mihi uno die literæ ab Octauio. nūc quidē,  
ut Romā statim ueniā; uelle se rem agere per senatum.



LIB. XVI. EPIST.

cui ego, non posse senatum ante Cal. Ian. quod quidem ita credo. ille autem addit consilio tuo. quid multa? ille urget: ego autem σκέπτομαι: non cōfido etati: ignoro, quo animo: nil sine Pansa tuo uolo: uereor, ne ualeat Antonius; nec à mari discedere libet: & me tuo, ne quæ ἀπερία me absente. Varroni quidem displicet consilium pueri, mihi non. firmas copias habet: Brutum habere potest, & rem gerit palàm, centuriat Capuæ, dinumerat. iam, iamq; uideo bellum. ad hæc rescribe. tabellarium meum Calendis Roma profectum sine tuis literis miror. VI. Arpinum ueni, ad IIII in Sinuessanum. eodem die uulgo loquebantur, Antonium mansurum esse Casilini: itaque mutavi consilium: statueram enim rectà appia Romam. facile me ille esset assecutus: aiunt enim eum Casariana uti celeritate. uerti igitur me à Minturnis Arpinum uersus. constitueram, ut pridie Idus aut Aquini manerem, aut in Arcano. nunc mi Attice tota mente incumbe in hanc curā: magna enim res est. tria sunt autem, maneam ne Arpini, an propius accedam, an ueniam Romam. quod censueris, faciam: sed quamprimum auide expecto tuas literas. VI. Idus mane, in Sinuessano. Vale.

CICERO ATTICO S.

NONIS accepi à te duas epistolas: quarum alteram Cal. dederas, alteram pridie. igitur prius ad superiorem. Nostrum opus tibi probari lator. ex quo ante ipse posuisti, quæ mihi florentiora sunt uisa tuo iudicio: cæculas enim tuas miniatulas illas extimescebam. De Sica ita est, ut scribis. ast egre me tenui. itaque perstrin-



gam sine ulla contumelia Sicae, & Septimiae : tantum ,  
 \* ut sciant παῖδες παίδων sine uallo Luciliano, eum ex C.  
 Fadij filia liberos habuisse. atque utinam eum diem ui-  
 deam, cum ista oratio ita libere uagetur, ut etiam in Si-  
 cae domum introeat. sed illo tempore opus est, quod fuit  
 illis Triumuiris . moriar, nisi facete . tu uero leges Sex-  
 to, eiusq; iudicium mihi perscribes. εἰς ἐμοὶ μῦθοι. Ca-  
 leni interuentum , et Caluena cauebis. quod uereris, ne  
 ἀδολέσχῃ : mihi tu ? quis minus ? cui, ut Aristophani  
 iambus, sic epistola longissima quæque optima uidetur .

Quod me admones, tu uero etiam si reprehenderes,  
 non modo facile paterer, sed etiam letarer, quippe cum  
 in reprehensione est prudentia cum δὲ μενέαι . ita liben-  
 ter ea corrigam, quæ à te animaduersa sunt, eodem ius-  
 re, quo Rubriana potius, quàm quo Scipionis: et de lau-  
 dibus Dolabellæ deruam cumulum . attamen est isto  
 loco bella, ut mihi uidetur, εἰς ῥονεία, quodd eum contra ci-  
 ues in acie. illud etiam malo, indignius esse hunc uiue-  
 re, quàm quod indignius . Πεπλογραφίαν Varronis  
 tibi probari non moleste fero : à quo adhuc ἡρεκλέδιον  
 illud non abstuli . Quodd me hortaris ad scribendum,  
 amice tu quidem, sed me scito agere nihil aliud. Gra-  
 uedo tua mihi molesta est . quæso adhibe, quam soles,  
 diligentiam . Ο' T I T E, tibi prodesse letor . And-  
 gnini sunt Mustela ταξίαρχης, & Laco, qui plurimum  
 bibit . Librum, quem rogas, perpoliam, & mittam .

Hæc ad posteriorem . τὰ περὶ τοῦ καθήκοντος, qua-  
 tenus Panætius, absolui duobus : illius tres sunt . sed cū  
 initio diuississet ita, tria genera exquirendi officij esse;  
 unum, cum deliberamus, honestū, an turpe sit; alterum,



## LIB. XVI. EPIST.

utile, an inutile; tertium, cum hac inter se pugnare uideantur, quo modo iudicandum sit, qualis causa Reguli, redire honestum, manere utile: de duobus primis praeclare differuit: de tertio pollicetur se deinceps scripturum, sed nihil scripsit. eum locum Posidonius persecutus. ego autem & eius librum accersui, & ad Athenodorum Caluam scripsi, ut ad me τὰ κεφάλαια mitteret: quem expecto: quem uelim cohortere, & roges, ut quæ primum: in eo est περὶ τοῦ κατὰ περίτασιν καὶ δύναντο. quod de inscriptione quaeris: non dubito, quin τὸ καὶ δύναντο officium sit, nisi quid tu aliud: sed inscriptio plenior, de officijs. προσφώνω autem Ciceroni filio. uisum est non ἀνοικῆον. De Myrtilo dilucide. ὁ qualis tu semper istos. ita ne in D. Brutum de istis? ego me, ut scripseram, in Pompeianum non abdidi, primo tempestatibus, quibus nihil tetrius: deinde ab Octauio quotidie literæ, ut negotium susciperem, Capuam uenirem, iterum remp. seruarem, Romam utique statim: ὡς δὲ δὲν μὲν ἀντιπαύσαι, δὲ σὺν δ' ὑποδέχθαι. is tamen egit sanè strenue, & agit, Romam ueniet cum manu magna. sed est plane puer. putat senatum statim. quis ueniet? si uenerit, quis incertis rebus offendet Antonium? Calendis Ian. erit fortasse praesidio, aut quidem ante depugnabitur. puero municipia mire fauent: iter enim faciens in Samnium uenit Cales, mansit Theani. mirifica ἀπαύτησις, & cohortatio. hoc tu putares? ob hoc ego citius Romam, quam constitueram. simul ac constituerem, scribam. etsi nondum stipulationes legeram: nec enim Eros uenerat: tamen rem pridie Idus uelim conficias. Epistolas Catinam, Taurómeniū, Syracusas commodius mittere po-



tero, si Valerius interpres ad me nomina gratiosorū scripserit: alij. n. sunt alijs, nostriq; familiares ferè demorui. publice tamen scripsi, si uti uellet eis Valerius; aut mihi nomina mitteret. De Lepidianis feris Balbus ad me. Vsque ad III. Cal. expectabo tuas literas: meq; Tor  
 \* quati negociolo siturum puto. Quinti literas ad te misi, ut scires, quàm ualde eum amaret, quem dolet à te minus amari. Atticæ, quoniam, quod optimum in pueris est, hilarula est, meis uerbis suauium des. Vale.

## CICERO ATTICO S.

OPPII epistolæ, quia perhumana erat, tibi misi exemplum. De Ocella, dū tu muginaris, nec mihi quidquā rescribis, cepi consilium domesticū: itaque me prid. Idus arbitror Romæ futurum. commodius est uisum, frustra me istic esse, cum id non necesse esset, quàm, si opus esset, non adesse. & simul, ne intercluderer, metuebam: ille enim iam aduentare potest: etsi uarij rumores, multiq; , quos cuperem ueros: nihil tamen certi. ego uero, quidquid est, tecum potius, quàm animi pendeam, cum à te absim, & de te, & de me. sed quid dicam? bonum animum. De Ἡρακλεῶς Varronis, negotia falsa: me quidem nihil unquam sic delectauit. sed hæc, & alia maiora coràm. Vale.

## CICERO ATTICO S.

O' CASVM mirificū. V. Idus cū ante lucē de Sī nueffano surrexissem, uenissēmq; diluculo ad Pōtem Tīa retiū, qui est Minturnis, in quo flexus est ad iter Arpinas, obuiā mihi fit tabellarius, qui me offendit δολιχὸν πλόον



## LIB. XVI. EPIST.

ὁ γὰρ αὐτὸν ἔχω. ego statim, cedo, inquam, si quid ab Attico. nondum legere poteramus: nam & lumina dimiseramus, nec satis lucebat. cum autem luceret, ante scripta epistola ex duabus tuis prior mihi legi coepta est. illa omnium quidem elegantissima. ne sim saluus, si aliter scribo, ac sentio. nihil legi humanius. itaque ueniam, quod uocas, modo adiutore te. sed nihil tam ἀποροῦν μὲν μοι τοῦτο μὴν primo uidebatur, quàm ad eas literas, quibus ego à te consilium petieram, te mihi ista rescribere. ecce tibi altera, qua hortaris παρὰ τὸν νόμον τὰ μίμνῃντα, ὡς σὸν ἀδελφὸς Ἰούλιος, Appiam ἐν ἀγρίῳ τῷ ἔχοντα: itaque eo die mansi Aquini. longulum sanè iter, & uia inepta. inde postridie mane proficiscens, has literas dedi. & quidem, ut à me dimitterem inuitissimus, fecerunt Erotis literæ. rem tibi Tiro narrabit. tu, quid faciendum sit, uidebis: præterea, possim ne propius accedere (malo enim esse in Tusculano, aut uspiam in suburbano) an etiam longius discedendum putas. crebro ad me uelim scribas. erit autem quotidie, cui des. Quod præterea consulis, quid tibi censeam faciendum: difficile est, cum absim: ueruntamen, si pares æque inter se; quiescendum: sin; latius manabit, & quidem ad nos, deinde communiter. auide tuum consilium expecto. timeo, ne absim, cum ad esse me sit honestius: uenire non audeo. de Antonij itineribus nescio quid aliter audio, atque ut ad te scriberem. omnia igitur uelim explices, & ad me certa mittas. De reliquo quid ego tibi dicam? ardeo studio historiae: incredibiliter enim me commouet tua cohortatio. quæ quidem nec institui, nec effici potest sine tua ope. coràm igitur hoc quidem conferemus. in præsentia mihi uelim scribas,



scribas, quibus Coss. C. Fannius M. F. Trib. pl. fuerit: uideor mihi audisse, P. Africano, L. Mummiō. id igitur quero. tu mihi de ijs rebus, quæ nouantur, omnia certa, clara. III. Id. ex Arpinati. Vale.

## CICERO ATTICO S.

NIHIL erat plane, quod scriberē. nam, cū Puteolis essem, quotidie aliquid noui de Octauiano, multa etiam falsa de Antonio. ad ea autē, quæ scripsisti (tres. n. acceperā III. Idus à te epistolas) ualde tibi assentior, si multū possit Octauianus, multo firmitus acta tyrāni cōprobatū iri, quā in Telluris, atque id cōtra Brutū fore. sin autē uincitur, uides intolerabilem Antoniū: ut, quē uelis, nescias. O' Sestij tabellariū hominē nequā. postridie Puteolis Romæ se dixit fore. Quod me mones, ut pedetentim: assentior: & si aliter cogitabam. nec me Philippius, aut Marcellus mouet: alia. n. eorum ratio: & si nō est, tamē uidetur. sed in isto iuuenē, quāquā animi satis, auctoris tatis parū est. tamē uide, si forte in Tusculano recte esse possim, ne id melius sit: ero libētius: nihil. n. ignorabo: an hoc, cū Antonius uenerit. sed, ut aliud ex alio, mihi nō est dubiū, quin, quod Græci κατὸν, nos officium. id autem, quid dubitas, quin etiam in remp. præclare caderet? non ne dicimus, Cōsulū officiū, senatus officiū? præclare cōuenit, aut da melius. Male narras de Nepotis filio. ualde mehercule moueor, & moleste fero. nescierā omnino esse istū puerū. Caniniū perdidi, hominē, quod ad me attinet, nō ingratū. Athenodorū, nihil est, quod hortere: misit enim satis bellū ἵππομνμα. Grauedini quæso omnī ratione subueni. Quintus tui patris nepos, scribis

LL



LIB. XVI. EPIST.

ad patris mei nepotem, si ex Nonis ijs, quibus nō magna  
gessimus, eadem Opus explicaturum, idq; ad populum. ui  
debis igitur, & scribes. Sexti iudicium expecto. Vale.

CICERO ATTICO S.

NOLI putare pigritia facere me, quod non mea  
manu scribam: sed mehercule pigritia: nihil enim ha-  
beo aliud, quod dicam. & tamen in tuis quoque epistolis  
Alexim uideor agnoscere. sed ad rem uenio. Ego, si me  
non improbiſſime Dolabella tractaſſet, dubitaſſem for-  
taſſe, uerum remiſſior eſſem, an ſummo iure contende-  
rem: nunc nero etiam gaudeo mihi cauſam oblatam,  
in qua & ipſi ſentiat, & reliqui omnes, me ab illo alie-  
natum: idq; prae me feram, & quidem me mea facere,  
& reipub. cauſa, cur illum oderim, quod, cum eam me  
auctore defendere coepiſſet, non modo deſeruit impius  
pecunia, ſed etiam, quantum in ipſo fuerit, euerterit.  
Quod autem queris, quo modo agi placeat, cum dies ue-  
nerit: primum uelim eiſmodi ſit, ut non alienum ſit,  
me Romae eſſe; de quo, ut de ceteris, faciam, ut tu cen-  
ſueris: de ſumma autem, agi prorsus uehementer, &  
ſeuere uolo. & ſi, ſponſores appellare, uidetur habere  
quandam δύσπαιαν. tamen, hoc quale ſit, conſideres  
uelim. poſſumus enim, ut ſponſores appellentur, procu-  
ratorem introducere: neque enim illi litem conteſtabun-  
tur: quo facto, non ſum neſcius ſponſores liberari. ſed  
& illi turpe arbitror, eo nomine, quod ſatiſdato debeat,  
procuratores eiſ non diſſoluere: & noſtræ grauitatis,  
ius noſtrum ſine ſumma illius ignominia perſequi. de  
hoc quid placeat, reſcribas uelim: & non dubito, quin



hoc totum lenius administraturus sis. Redeo ad tempus:  
 multa mehercule à te sæpe ἐν πολιτικῷ genere prudenti-  
 ter: sed his literis nihil prudentius: QV AN QV AM  
 ENIM POSSET IN PRÆSENTIA  
 BELLE ISTE PVER RETVNDERE  
 ANTONIVM, TAMEN EXITVM EX-  
 PECTARE DEBEMVS. at quæ concio? nam  
 est missa mihi. iurat, ita sibi parentis honores consequi  
 liceat: & simul dextram intendit ad statuam. μὴ δὲ  
 σῶδειν, ἀπὸ τοῦτο. sed, ut scribis, certissimum esse  
 uideo discrimen Cascæ nostri Tribunatum: de quo qui-  
 dem ipso dixi Oppio, cum me hortaretur, ut adolescentē,  
 totamq; causam, manumq; ueteranorum complecterer,  
 me nullo modo facere posse, ni mihi exploratum esset,  
 eum non modo non inimicum tyrānoctonis, uerum eti-  
 am amicum fore. cum ille diceret, ita futurum: quid  
 igitur festinamus, inquam? illi enim mea opera ante  
 Cal. Ian. nihil opus est: nos autem eius uoluntatem an-  
 te Idus Dec. perspicemus in Casca. mihi ualde assen-  
 sus est. quam ob rem hæc quidem hætenus. Quod  
 reliquum est, quotidie tabellarios habebis, & ut ego ar-  
 bitror, etiam, quid scribas, quotidie. Leptæ literarum  
 exemplum tibi misi: ex quo mihi uidetur ὑπαρῆναι ille  
 deiectus de gradu. sed tu, cum legeris, existimabis.  
 Obsignata iam epistola, literas à te, & à Sexto accepi.  
 nihil iucundius literis Sexti, nihil amabilius. nam tuæ  
 breues, priores erant uberrimæ. tu quidem & pruden-  
 ter, & amice suades, ut in his locis potissimum sim, quo-  
 ad audiamus, hæc, quæ cōmota sunt, quorsum euadant.  
 sed me, mi Attice, non sanè hoc quidem tempore mouet.



L I B. X V I. E P I S T.

resp. non quo ea sit mihi quidquam carius, aut esse debeat, sed desperatis etiam Hippocrates uetat adhibere medicinam. quare ista ualeant. me res familiaris mouet: rem dico? immo uero existimatio: cum enim tanta reliqua sint, ne Terentiae quidem adhuc quod soluam expeditum est: Terentiam dico? scis nos pridem iam constituisse Montani nomine HS XXI dissoluere. prudentissime hoc Cicero petierat, uti de suo. liberalissime me, ut tibi quoque placuerat, promiseram; Erotiq; dixeram, ut sepositum haberet. non modo, sed iniquissimo foenore uersuram facere Aurelius coactus est. nam de Terentiae nomine Tiro ad me scripsit, te dicere, numos à Dolabella fore. male eum credo intellexisse, si quisquā male intelligit; potius nihil intellexisse: tu enim ad me scripsisti Cocceij responsum, et iisdem penè uerbis Eros. ueniendum est igitur uel in ipsam flammam: turpius est enim priuatim cadere, quàm publice. itaque ceteris de rebus, quas ad me suauissime scripsisti, perturbato animo non potui, ut consueueram, rescribere. consenti in hac cura, ubi sum, ut me expediam: quibus autem rebus, uenit quidem mihi in mentem: sed certo constituere nihil possum, prius quàm te uidero. qui minus autem ego istic recte esse possim, quàm est Marcellus? sed non id agitur: neque id maxime curo: quid curem, uides. adsum igitur. Vale.

CICERO ATTICO S.

IVCVNDISSIMAS tuas legi literas. ad Plancium scripsi. habes exemplum. cum Tirone quid sit lo-



cutus, cognoscam ex ipso. Cum sorore ages attentius;  
si te occupatione ista relaxaris. Vale.

M. Cicero L. Planco Prat. Des. S.

A T T I C I nostri te ualde studiosum esse cognoui,  
mei uero ita cupidum, ut mehercule paucos aque obser-  
uantes, atque amantes me habere existimem: ad patera-  
nas enim magnas, & ueteres, & iustas necessitudines  
magnam attulit accessione tua uoluntas erga me, mea q;  
erga te par, atque mutua. Buthrotia tibi causa igno-  
ta non est: egi enim saepe, tibi q; totam rem demonstra-  
ui: quæ est acta hoc modo. ut primum Buthrotium a-  
grum proscriptum uidimus, commotus Atticus libellum  
composuit, eum mihi dedit, ut darem Cæsari: eram  
enim cœnaturus apud eum illo die. cum libellum Cæ-  
sari dedi, probauit causam, rescripsit Attico, aqua eum  
postulare: admonuit tamen, ut pecuniam reliquã Bu-  
throtij ad diem soluerent. Atticus, qui ciuitatem cōser-  
uatam cuperet, pecuniam numerauit de suo. quod cū  
esset factum, adiuiimus ad Cæsarem, uerba fecimus pro  
Buthrotijs, liberalissimum decretum abstulimus: quod  
est obsignatum ab amplissimis uiris. quæ cum essent  
acta, mirari quidem solebam pati Cæsarem conue-  
nire eos, qui agrum Buthrotium concupissent, neque so-  
lum pati, sed etiam ei negotio te perficere. itaque &  
ego cum illo locutus sum, & saepius quidem, ut etiã ac-  
cusarer ab eo, quodd parum constantiæ suæ confiderem:  
& M. Messalæ, & ipsi Attico dixit, ut sine cura essent:  
aperteq; ostendebat, se præsentium animos (erat enim

L L iij



LIB. XVI. EPIST.

popularis, ut noras) offendere nolle: cum mare trans-  
sissent, curaturum se, ut in alium agrum deduceretur.  
hæc illo uiuo. post interitum uero Cæsaris, ut primū  
ex S. C. causas Consules cognoscere instituerunt, hæc,  
quæ scripsi, ad eos delata sunt. probauerunt causas si-  
ne ulla dubitatione, seq; ad te literas daturos esse dixe-  
runt. ego autem mi Plance, etsi non dubitabam, quin  
& S. C. & lex, & Consulum decretum, ac literæ apud  
te plurimum auctoritatis haberet, teq; ipsius Attici cau-  
sa uelle intellexeram: tamen hoc pro coniunctione, &  
beneuolentia nostra mihi sumpsi, ut id à te peterẽ, quod  
tua singularis humanitas, suauissimiq; mores à te es-  
sent impetraturi. id autem est, ut hoc, quod te tua spõ  
te facturum esse certo scio, honoris nostri causa liben-  
ter, prolixè, celeriter facias. mihi nemo est amicior, nec  
iucundior, nec carior Attico: cuius antea res solum fami-  
liaris agebatur, eaq; magna, nunc accessit etiam existima-  
tio, ut, quod consecutus est magna & industria, & gra-  
tia, & uiuo Cæsare, & mortuo, id te adiuvante obti-  
neat. quod si à te erit impetratum, sic uelim existimes,  
me de tua liberalitate ita interpretaturum, ut tuo sum-  
mo beneficio me affectum iudicem. ego, quæ te uelle,  
quæq; ad te peruñere arbitrabor, studiose, diligenterq;  
curabo. da operam, ut ualeas. Vale.

Cicero Planco Prat. Des. S.

I A M antea petiui abs te per literas, ut, cum causa  
Buthrotiorū probata à Consulibus esset, quibus & lege,  
& S. C. permissum erat, ut de Cæsaris actis cognosce-  
rent, statuerent, iudicarent, eam rem tu adiuares, Atq;



ticumq; nostrum, cuius te studiosum cognoui, & me,  
 qui non minus laboro, molestia liberares: omnibus enim  
 rebus magna cura, multa opera, & labore confectis, in  
 te positum est, ut nostræ solitudinis finem quamprimum  
 facere possimus. quanquam intelligimus ea te esse  
 prudentia, ut uideas, si ea decreta Consulum, quæ de Cæ-  
 saris actis interposita sunt, non seruentur, magnā per-  
 turbationem rerum fore. equidem, cum multa, quod  
 necesse erat in tanta occupatione, non probentur, quæ  
 Cæsar statuerit; tamen otij, pacisq; causa acerrime illa  
 soleo defendere: quod tibi idem magnopere faciendū  
 censeo: quanquam hæc epistola non suavis est, sed ro-  
 gatoris. igitur mi Plance togo te, & etiam oro, sic me-  
 diusfidius, ut maiore studio, magisq; ex animo agere non  
 possim, ut totum hoc negotium ita agas, ita tractes, ita  
 conficias, ut, quod sine ulla dubitatione apud Consules  
 obtinuimus propter summam bonitatem, & equita-  
 tem causæ, id tu nos obtinuisse non modo facile patiare,  
 sed etiam gaudeas. qua quidem uoluntate esse erga At-  
 ticum, sæpe præsens & illi ostendisti, & uero etiā mihi.  
 quod si feceris, me, quem uoluntate, & paterna neces-  
 situdine coniunctum semper habuisti, maximo beneficio  
 deuinctum habebis. idq; ut facias, te uehementer etiam  
 atque etiam rogo. Vale.

Cicero Capioni suo S.

NUMQUAM putauī fore, ut supplex ad te uenirē:  
 sed hercule facile patior datum tempus, in quo amorem  
 experirer tuum. Atticum quanti faciam, scis. amabo  
 te, da mihi & hoc: obliuiscere mea causa illū aliquan-

L. L. 777



## LIB. XVI. EPIST.

do suo familiari aduersario tuo uoluisse consultum, cū illius existimatio ageretur. hoc primū ignoscere, est humanitatis tuæ: suos enim quisque debet tueri. deinde, si me amas, omitte Atticum Ciceroni tuo: quē quāti facias, præ te soles ferre. totum hoc, ut, quod semper existimaui, nunc plane intelligam, me à te multū amari. Buthrotios cum Cæsar decreto suo, quod ego obsignauit cum multis amplissimis uiris, liberauisset, ostendissetq; nobis, se, cum agrarij mare transissent, literas missurum, quem in agrum deducerentur: accidit, ut subito ille interiret. deinde, quemadmodū tu scis (interfuiisti enim, cum Consules oporteret ex. S. C. de actis Cæsaris cognoscere) res ab ijs in Cal. Iun. dilata. accessit ad S. C. lex, quæ lata est ad IIII. Non. Iun. quæ lex earum rerum, quas Cæsar statuisset, decreuisset, egisset, Consulibus cognitionem dedit. causa Buthrotiorum de lata est ad Consules. decretum Cæsaris recitatum est, & multi præterea libelli Cæsaris prolati. Consules de consilij sententia decreuerunt secundum Buthrotios, Plancū dederunt. nunc mi Capito (scio enim quantum semper apud eos, quibuscum sis, posse soleas, eo plus apud hominem facillimum, atque humanissimum Plancum) enitere, elabora, uel potius eblandire, effice, ut Plancus, quem spero optimum esse, sit. etiam melior opera tua. omnino res huiusmodi uidetur esse, ut sine cuiusquam gratia Plancus ipse pro ingenio, & prudentia sua non sit dubitaturus, quin decretum Consulū, quorū & lege, & S. C. cognitio, & iudicium fuit, conseruet, præsertim cum, hoc genere cognitionum labefactato, acta Cæsaris in dubium uentura uideantur: quæ non



modo ij, quorum interest, sed etiam ij, qui illa non probant, otij causa confirmare uelint. quod cum ita sit, tamen interest nostra, Plancum hoc animo libenti, prolixoq; facere. quod certe faciet, si tu neruulos tuos mihi saepe cognitos, suauitatemq; qua nemo tibi par est, adhibueris. quod ut facias, te uehementer rogo. Vale.

Cicero Cupiennio S.

PATREM tuum plurimi feci, meq; ille mirifice et coluit, et amauit. nec mehercule unquam mihi dubium fuit quin à te diligerer. ego quidem id facere non destiti. quam ob rem peto à te in maiorem modum, ut ciuitatem Buthrotiam subleues, decretumq; Consulium, quod ij secundum Buthrotios fecerunt, cum et lege, et S. C. statuendi potestatem haberent, des operam, ut Plancus noster quamprimum confirmet, et probet. hoc te uehementer mi Cupienni etiam atque etiam rogo. Vale.

Cicero Planco Præt. Des. S.

IGNOSCE mihi, quod, cum antea accuratissime de Buthrotijs ad te scripserim, eadem de re saepius scribam. non mehercule mi Plance facio, quod parum confidam aut liberalitati tuae, aut nostrae amicitiae: sed cum tanta res agatur Attici nostri, nunc uero etiam existimatio, ut id, quod probauit Caesar, nobis testibus, et obsignatoribus, qui et decretis et responsis Caesaris interfueramus, uideatur obtinere potuisse, praesertim cum tota potestas eius rei tua sit, ut ea, quae Consules decreuerunt



## LIB. XVI. EPIST.

secundum Caesaris decreta, & responsa non dicam com-  
probes, sed studiose, libenterq; comprobes. id mihi sic  
erit gratum, ut nulla res gravior esse possit. etsi iam  
sperabam, cum has literas accepisses, fore, ut ea, quæ su-  
perioribus literis à te petissemus, impetrata essent: ta-  
men non faciam finem rogandi, quoad nobis nūciatum  
erit, te id fecisse, quod magna cum spe expectamus: de-  
inde enim confido fore, ut alio genere literarū utamur,  
tibiq; pro tuo summo beneficio gratias agamus. quod  
si acciderit, uelim sic existimes, non tibi tam Atticū, cu-  
ius permagna res agitur, quàm me, qui non minus la-  
boro, quàm ille, obligatum fore. Vale.

Cicero Capitori S.

NON dubito, quin mirere, atque etiam stomas-  
chere, quodd tecum de eadē re agā sapius. hominis fami-  
liarissimi, & mihi omnibus rebus coniunctissimi perma-  
gna res agitur Attici. cognoui ego tua studia in amicos,  
etiam in te amicorum. multū potes nos apud Plancum  
iuuare. noui humanitatem tuam: scio, quàm sis amicis  
iucundus. nemo nos in hac causa plus iuuare potest, quā  
tu. & res ista est firma; ut debet esse, quam Consules de  
consilij sententia decreuerunt, cum & lege, & S. C. co-  
gnoscerent. tamen omnia posita putamus in Planci tui  
liberalitate: quem quidem arbitramur cum officij tui  
& Reip. causa decretum Consulū cōprobaturum, tum  
libenter nostra causa esse facturum. adiuuabis igitur  
mi Capito: quod ut facias, uehementer etiam atque  
etiam rogo. Vale.



T. POMPONII ATTICI VITA  
PER CORNELIVM  
NEPOTEM.

POMPONIVS Atticus ab origine  
ultima stirpis Romana generatus, per  
petuo a maioribus acceptam equestrem  
obtinuit dignitatem. patre usus est dili-  
gente, indulgente, et, ut tū erant tem-  
pora, diu, in primisq; studio literarum. hic, prout ip-  
se amabat literas, omnibus doctrinis, quibus puerilis æ-  
tas impertiri debet, filium erudiuit. erat autem in pue-  
ro, præter docilitatem ingenij, summa suauitas oris, et  
uocis, ut non solum celeriter acciperet, quæ tradebantur,  
sed etiam excellenter pronunciaret. quæ ex re pueritia  
nobis inter æquales ferebatur, clariusq; exsplendescere  
bat, quàm generosi condiscipuli animo æquo ferre possent.  
itaque incitabat omnis studio suo. quo in nume-  
ro fuerunt L. Torquatus, C. Marij filius, M. Cicero:  
quos consuetudine sua sic sibi deuinxit, ut nemo ijs per-  
petuo fuerit carior. pater mature decessit. ipse adoles-  
centulus propter affinitatem P. Sulpitij, qui Trib. pl.  
interfectus est, non expers fuit illius periculi: nanque  
\* Anitia Pomponij consobrina nupserat M. Seruio fratri  
Sulpitij. itaque interfecto Sulpitio, posteaq; uidit Cin-  
nano tumultu ciuitatem esse perturbatā, neque sibi da-  
ri facultatem pro dignitate uiuendi, quin alterutram  
partem offenderet, dissociatis animis ciuium, cum alij  
Sullanis, alij Cinnanis fauerent partibus; idoneum tem-  
pus ratus studijs obsequendi suis, Athenas se contulit:



# A T T I C I

neque eo secius adolescentem Marium hostem iudicatum  
 iuuit opibus suis: cuius fugam pecunia subleuauit. ac,  
 ne illa peregrinatio detrimentum aliquod afferret rei fa-  
 miliari, eodem magnam partem fortunarum traiecit  
 suarum. hic ita uixit, ut uniuersis Atheniensibus merito  
 esset carissimus: nam praeter gratiam, quae iam in ado-  
 lescentulo magna erat, saepe suis opibus inopiam publi-  
 cam leuauit: cum enim usuram facere publice necesse  
 esset, neque eius conditionem aequam haberent, semper  
 se interposuit, atque ita, ut neque usuram unquam ab  
 ijs acceperit, neque longius, quam dictum esset, debe-  
 re passus sit. quod utrumque erat ijs salutare: nam ne-  
 que indulgendo inueterascere eorum aes alienum patie-  
 batur, neque multiplicandis usuris crescere. auxit hoc  
 officium alia quoque liberalitate: nam uniuersos frumē-  
 to donauit, ita, ut singulis VII. modij tritici daren-  
 tur, qui modius mensurae medimnus Athenis appella-  
 tur. hic autem sic se gerebat, ut communis infimis, par  
 principibus uideretur. quo factum est, ut huic omnes  
 honores, quos possent, publice haberent, ciuemq; facere  
 studerent. quo beneficio ille uti noluit. quod non nulli  
 ita interpretantur, amitti ciuitatem Romanam alia ascen-  
 da. quandiu affuit, ne qua sibi statua poneretur, restitit:  
 absens prohibere non potuit. itaque aliquot ipsi, et Phi-  
 diae locis sanctissimis posuerunt: hunc enim in omni pro-  
 curatione Reip. aetore, auctoreq; habebant. igitur primum  
 illud munus fortunae, quodd in ea potissimum ur-  
 be natus est, in qua domicilium orbis terrarum esset  
 imperij, ut eandem patriam haberet, et domum:  
 hoc specimen prudentiae, quodd, cum in eam se ciuitatem



contulisset, quæ antiquitate, humanitate, doctrinâq; præstaret omnes, ei unus ante alios fuerit carissimus. huc ex Asia Sulla decedens cum uenisset; quandiu ibi fuit, secum habuit Pomponium, captus adolescentis & humanitate, & doctrina: sic enim græce loquebatur, ut Athenis natus uideretur: tanta autem erat suauitas sermonis latini, ut appareret in eo natiuum quendam leporem esse, non ascitum. idem poemata pronuntiabat & græce, & latine sic, ut supra nihil posset. quibus rebus factum est, ut Sulla nunquam à se dimitteret, cuperetq; secum deducere. qui cum persuadere tentaret, noli, oro te, inquit Pomponius, aduersum eos me uelle ducere, cum quibus ne contra te arma ferrem, Italiam reliqui. at Sulla adolescentis officio collaudato, omnia munera ei, quæ Athenis acceperat, proficiscens iussit deferri. hic complures annos moratus, cum & rei familiari tantum operæ daret, quantum non indiligens deberet patrefamilias, & omnia reliqua tempora aut literis, aut Atheniensium reipub. tribueret, nihilo minus amicis urbana officia præstitit: nam & ad comitia eorum uenitauit, & si qua res maior acta est, non defuit, sicut Ciceroni in omnibus eius periculis singularem fidem præbuit, cui ex patria fugienti HS CC & quinquaginta millia donauit. tranquillatis autem rebus Romanis, remigravit Romam, ut opinor, L. Cotta, & L. Torquato Coss. quem diem sic uniuersa ciuitas Atheniensium prosecuta est, ut lacrymis desiderij futuri dolorem indicaret. habebat auunculum Q. Cæcilium equitem Romanum, familiarem L. Luculli, diuitem, difficillima natura: cuius sic asperitatem ueritus est, ut, quem nemo fere



# A T T I C I

re posset; huius sine offensione ad summam senectutem  
retinuerit beneuolentiam. quo facto, tulit pietatis fru-  
ctum: Cæcilius enim moriens testamento adoptauit eū,  
heredemq; fecit ex dodrante. ex qua hereditate accepit  
circiter centies HS. . . . . Erat nupta soror Attici Q.  
Tullio Ciceroni, easq; nuptias M. Cicero conciliarat, cum  
quo à condiscipulatu uiuebat coniunctissime, multo eti-  
am familiarius, quàm cum Quinto: ut iudicari possit,  
plus in amicitia ualere similitudinem morum, quàm af-  
finitatem. utebatur autem intime Q. Hortensio, qui ijs  
temporibus principatum eloquentia tenebat, ut intelligi  
non posset, uter eum plus diligeret, Cicero, an Hortensi-  
us: & id, quod erat difficillimū, efficiebat, ut inter quos  
tante laudis esset æmulatio, nulla intercederet obreeta-  
tio, essetq; talium uirorum copula. In rep. ita est uera-  
satus, ut semper optimarum partium & esset, & existi-  
maretur, neque tamen se civilibus fluctibus committeret;  
quod non magis eos in sua potestate existimabat esse,  
qui se his dedissent, quàm qui maritimis iactarentur.  
honores non petijt, cum ei paterent propter uel gra-  
tiam, uel dignitatem; quod neque peti more maiorum,  
neque capi possent conseruatis legibus in tam effusis am-  
bitus largitionibus, neque reipub. sine periculo corruptis  
ciuitatis moribus. ad hastam publicam nunquam acce-  
sit. nullius rei neque præs, neque manceps factus est.  
neminem suo nomine, neque subscribens accusauit. in  
iūs de sua re nunquam iijt. iudicium nullum habuit.  
multorum Consulum, Prætorumq; præfecturas dela-  
tas sic accepit, ut neminem in prouinciam sit secutus,  
honore fuerit contentus, rei familiaris despexerit fru-



Etum, qui ne cum Q. quidem Cicerone uoluerit ire in Asiam, cum apud eum legati locum obtinere posset: non enim docere se arbitrabatur, cum Praturam gerere nolisset, asseclam esse Pratoris. qua in re non solum dignitatis seruiebat, sed etiam tranquillitati, cum suspensiones quoque uitaret criminum. quo fiebat, ut eius obseruantia omnibus esset, carior, cum eam officio, non timori, neque spei tribui uiderent. Incidit Casarianum ciuile bellum, cum haberet annos circiter sexaginta. usus est atatis uacatione, neque quoquam se mouit ex Vrbe. quæ amicis suis opus fuerant ad Pompeium proficiscentibus, omnia ex sua re familiari dedit. ipsum Pompeium coniunctum non offendit. nulum ab eo habebat ornamentum, ut ceteri, qui per eum aut honores, aut diuitias ceperant: quorum partim inuitissimi castra sunt secuti, parum summa cum eius offensione domi remanserunt. Attici autem quies tantopere Casari fuit grata, ut uictor cum priuatis pecunias per epistolas imperaret, huic non solum molestus non fuerit, sed etiam sororis filium Q. Cicero- nem ex Pompeij castris concesserit. sic uetere instituto uitæ effugit noua pericula. secutum est illud occiso Casare, cum res pub. penes Brutum uideretur esse, & Cassium, ac tota ciuitas se ad eum conuertisse uideretur. sic M. Bruto usus est, ut nullo ille adolescens æquali familiaris, quàm hoc sene, neque solum eum principem consilij haberet, sed etiam in conuictu. excogitatum est à quibusdam, ut priuatum ærarium Casaris interfectoris ab equitibus Romanis constitueretur. id facile effici posse arbitrati sunt, si & principes



# A T T I C I

illius ordinis pecunias contulissent . itaque appellatus est à C. Flauio Bruti familiari Atticus , ut eius rei princeps esse uellet . at ille , qui officia amicis præstanda sine fa-  
 Etione existimaret , semperq; à talibus se consilijs remo-  
 uisset ; respondit , si quid Brutus de suis facultatibus uti uoluisset , usurum quantum ex paterentur ; sed neque cū quoquam de ea re collocuturum , neque coiturum . sic ille consensionis globus huius unius dissensione disiectus est . neq; multo post superior esse cœpit Antonius , ita , ut Brutus & Cassius prouinciarur , quæ ijs necis causæ datæ erant à Consulibus , desperatis rebus , in exilium profiscerentur . Atticus , qui pecuniam simul cum cæteris cō-ferre noluerat florenti illi parti , abiecto Bruto , Italiaq; cedenti HS C M muneri misit : eidem in Epeiro absens C C C iussit dari : neque eo magis potenti adulatus est Antonio , neque desperatos reliquit . secutum est bellum gestum apud Mutinam : in quo si tantum eum prudentem dicam , minus , quàm debeam , prædicem , cum ille potius diuinus fuerit , si diuinatio appellanda est perpetua naturalis bonitas , quæ nullis casibus agitur , neque minuitur . hostis Antonius iudicatus Italia cesserat . spes restituendi nulla erat . non solum inimici , qui tamen erant potentissimi , & plurimi , sed etiam qui aduersarijs eius se dabant , & in eo lædendo aliquam consecuturos sperabant cōmoditatem , Antonij familiares sequebantur , uxorem Fuluiam omnibus rebus spoliare cupiebant , liberos etiam extinguere parabant . Atticus cum Ciceronis intima familiaritate uteretur , amicissimus esset Bruto , non modo nihil ijs indulsit ad Antoniū violandum , sed è contrario familiares eius ex Vrbe profu-  
 gientes



gientes, quantum potuit, texit; quibus rebus indiguerunt, adiunxit: P. uero Volumnio ea tribuit, ut plura à parente proficisci nō potuerint: ipsi autem Fulvia, cum litibus distineretur, magnisq; terroribus uexaretur, tanta diligentia officium suum præstitit, ut nullum illa præstiterit uadimonium sine Attico, sponsor omnium rerum fuerit. quin etiam, cum illa fundum secundæ fortuna emisisset in diem, neque post calamitatem uersuram facere potuisset, ille se interposuit, pecuniæ amq; sine foenore, sineq; ulla stipulatione credidit, maximum existimans quæstum, memorem, gratumq; cognosci, simulq; aperire, se non fortuna, sed hominibus solere esse amicum. quæ cum faciebat, nemo eum temporis causa facere poterat existimare: nemini enim in opinionem ueniebat, Antonium rerum potiturum. sed sensus eius à non nullis optimatibus reprehendebatur, quòd parum odisse malos ciues uideretur. ille autem sui iudicii, potius, quid se facere par esset, intuebatur, quàm quid alij laudaturi forent. conuersa fortuna est. ut Antonius redijt in Italiam, nemo non magno in periculo Atticum putarat propter intimam familiaritatem Ciceronis, et Bruti: itaque ad aduentum imperatorum de foro decesserat timens proscriptionem: latebatq; apud P. Volumnium, cui, ut ostendimus paulo ante, opem tulcrat (tanta uarietas his temporibus fuit fortunæ, ut modo hi, modo illi in summo essent aut fastigio, aut periculo) habebatq; secum Q. Gellium Cænium æqualem, simillimumq; sui. hoc quoq; sit Attici bonitatis exemplum, quòd cum eo, quem puerum in ludo cognorat, adeo cōiuncte uixit, ut ad extremam ætate

MM



# ATTICI

tem amicitia eorum creuerit . Antonius autem , & si  
tanto odio ferebatur in Ciceronem , ut non solum ei , sed  
etiam omnibus suis amicis esset inimicus , eosq; uellet pro  
scribere multis hortantibus : tamen Attici memor fuit  
officii , & ei , cum requisisset ubinam esset , sua manu scri  
psit , ne timeret , statimq; ad se ueniret , se cum , & Gel  
lium Canium de proscriptorum numero exemisse : ac ,  
ne quod periculum incideret , quod noctu fiebat , prae  
sidium ei misit . sic Atticus in summo timore non solu  
sibi , sed etiam ei , quem carissimum habebat , praesidio  
fuit : neq; enim suae solum a quoquam auxilium petijt  
salutis , sed coniunctim , ut appareret nullam seiuncta  
sibi ab eo uelle fortunam . quod si gubernator prae  
cipua laude fertur , qui nauem ex hyeme , mariq; scopuloso  
seruat : cur no singularis eius existimetur prudentia , qui  
ex tot , tantisq; grauib; procellis ciuilibus ad incolumi  
tatem peruenit ? quibus ex malis ut se emergerat , nihil  
aliud egit , quam ut plurimis , quibus rebus posset , esset  
auxilio . cum proscriptos praemijs imperatorum uulgus  
conquireret , nemo in Epeirum uenit , cui res ulla defue  
rit : nemini non ibi perpetuo manendi potestas facta  
est . quin etiam post praedium Philippense , interitumq;  
C . Cassij , & M . Bruti L . Iulium Mocillam praetorij ,  
& filium eius , Aulumq; Torquatum , ceterosq; pari for  
tuna percussos institerit tueri , atque ex Epeiro ijs om  
nia Samothraciam supportari iusserit : difficile enim  
est omnia persequi , & non necessaria . illud unum in  
telligi uolumus , illius liberalitatem neque temporariam ,  
neque callidam fuisse . id ex ipsis rebus , ac temporibus  
iudicari potest , quod non florentibus se uenditauit , sed



afflictis semper succurrit, qui quidem Seruiliam Bruti matrem non minus post mortem eius, quam florentem coluerit. sic liberalitate utens nullas inimicitias gessit, quod neque laedebat quenquam, neque siquam iniuriam acceperat, non malebat obliuisci, quam ulcisci. idem immortali memoria percepta retinebat beneficia: quae autem ipse tribuerat, tandiu meminerat, quoad ille gratus erat, qui acceperat. itaque hic fecit, ut uere dictum uideatur: sui cuique mores fingunt fortunam. neque tamen prius ille fortunam, quam se ipse finxit, qui cauit, ne qua in re plecteretur. his igitur rebus effecit, ut M. Vipsianus Agrippa intima familiaritate coniunctus adolescenti Caesari, cum propter suam gratiam, et Caesaris potentiam nullius conditionis non haberet potestatem, potissimum eius deligeret affinitatem, praeciparetque equitis Romani filiam generosarum nuptiis. atque harum nuptiarum conciliator fuit (non enim est celandum) M. Antonius Triumuir Reipublicae, cuius gratia cum augere possessiones posset suas, tantum abfuit a cupiditate pecuniae, ut nulla in re usus sit ea, nisi in deprecandis amicorum aut periculis, aut incommodis. quod quidem sub ipsa proscriptione perillustre fuit: nam cum L. Saufeius equitis Romani aequalis sui, qui cum plures annos studio ductus philosophiae habitabat, habebatque in Italia pretiosas possessiones, Triumviri bona uendidissent consuetudine ea, quae tum res gerebantur; Attici labore, atque industria factum est, ut eodem nuntio Saufeius fieret certior, se patrimonium amisisse, et recuperasse. idem L. Iul. Calidius, quem post Lucretium, Catullique mortem multo elegantissimum poetam nostram tulisse aetate uere uideor posse contendere, neque

MM ij



# A T T I C I

minus uirum bonum, optimisq; artibus eruditum, post  
 proscriptionem equitum propter magnas eius Africa-  
 nas possessiones in proscriptorum numerum à P. Volu-  
 mnio præfeto fabrum Antonij absentem relatum, expe-  
 diuit. quod in præfenti utrum ei laboriosius, an glorio-  
 sius fuerit, difficile fuit indicare; quod, in eorum peri-  
 culis nõ secus absentes, quàm præfentes amicos Attico es-  
 se curæ, cognitum est. neque uero minus ille uir, bonus  
 paterfamilias habitus est; quàm ciuis: nam cum esset  
 pecuniosus, nemo illo minus fuit emax, minus ædifica-  
 tor: neque tamen non in primis bene habitauit, omni-  
 busq; optimis rebus usus est: nam domũ habuit in colle  
 Quirinali Cæcilianam, ab auunculo hæreditate relietã,  
 cuius amœnitas non ædificio, sed sylua constabat: ip-  
 sum enim tectum antiquitus constitutũ, plus salis, quàm  
 sumptus habebat: in quo nihil cõmutauit, nisi siquidẽ  
 uetustate coactus est. usus est familia, si utilitate indi-  
 candum est, optima; si forma, uix mediocri: nanq; in  
 ea erant pueri literatissimi, anagnostæ optimi, & pluri-  
 mi librarij, ut ne pedisequus quidem quisquam esset, qui  
 non utrunq; horum pulchre facere posset: pari modo  
 artifices cæteri, quos cultus domesticus desiderat, appri-  
 me boni: neq; tamen horum quenquam, nisi domi na-  
 tum, domiq; fuctum, habuit: quod est signum non solũ  
 continentia, sed etiam diligentia: nam & non intempe-  
 ranter concupiscere, quod à pluribus uideas, continentis  
 debet duci; & potius diligentia, quàm pretio parare,  
 non mediocris est industria. elegans, non magnificus:  
 splendidus, non sumptuosus, omni diligentia munditiã  
 non affluentem affectabat. supellex modica, nõ multa,



ut in neutram partem conspici posset . nec prateribo ,  
quanquam nō nullis leue uisum iri putem . cum primis  
lautus esset eques Romanus , & non parum liberaliter  
in domum suam omnium ordinum homines inuitaret ;  
scimus , non amplius , quā terna millia æris , peræque in  
singulos menses ex ephemeride cum expensum sumptui  
ferre solitum : atque hoc non auditum , sed cognitum  
prædicamus : sæpe enim propter familiaritatem dome-  
sticis rebus interfuimus . nemo in conuiuio eius aliud  
ἀγρόμαα audiuit , quā anagnosten : quod nos quidem  
iucundissimum arbitramur . neq; unquam sine aliqua  
lectiōe apud eum coenatum est ; ut nō minus animo , q̃  
uentre conuiuæ delectarentur : nanq; eos uocabat , quo-  
rum mores à suis non abhorrent . cum tanta pecuniæ  
facta esset accessio , nihil de quotidiano cultu mutauit ,  
nihil de uitæ consuetudine : tantāq; usus est moderatio-  
ne , ut neque in HS uicies , quod à patre acceperat , parū  
se splendide gesserit , neque in HS centies affluentius ui-  
xerit , quā instituerat , parīq; fastigio steterit in utraq;  
fortuna , nullos habuerit hortos , nullam suburbanā , aut  
maritimam sumptuosam uillam , neque in Italia , præter  
Ardeatinum , & Nomentanum , rusticum prædium . om-  
nisq; eius pecuniæ redditus constabat in Epiroticis , et ur-  
banis possessionibus . ex quo cognosci potest , cum usum  
pecuniæ non magnitudine , sed ratione metiri solitum .  
mendacium neque dicebat , neque pati poterat . itaque  
eius comitas non sine seueritate erat , neque grauitas si-  
ne facilitate : ut difficile esset intellectu , utrum eū ami-  
ci magis uererentur , an amarent . quidquid rogabatur ,  
religiose promittebat , quod non liberalis , sed leuis arbi-



# A. T T I C I

trabatur, polliceri quod prestare non posset. idem in nitendo quod semel admisisset, tanta erat cura, ut nō mādātam, sed suam rem uideretur agere. nusquam suscepti negotij eum pertesum est: suam enim existimationem in ea re agi putabat: qua nihil habebat carius.

\* quo fiebat, ut omnia Ciceronum, Catonis, Marciq; Hortensij, A. Torquati, multorum prater ea equitū Romanorum negotia procuraret: ex quo iudicari poterat, non inertia, sed iudicio fugisse Reip. procuratio nem. humanitatis uero nullum afferre maius testimoniū possum, quā quod adolescens idem seni Sullae fuerit iucundissimus, senex adolescenti M. Bruto, cū æquālibus autem suis Q. Hortensio, & M. Cicerone sic uixit, ut iudicare difficile sit, cui ætati fuerit aptissimus. quanquam eum præcipue dilexit Cicero, ut ne frater quidem ei Quintus carior fuerit, aut familiarior: ei rei sunt iudicio, præter eos libros, in quibus de eo facit mentionem, qui in uulgus sunt editi, sexdecim uolumina epistolarum ab Consulatu eius usque ad extremum tempus ad Atticum missarum: quæ quilegat, non multū desideret historiam contextam eorum temporum: sic enim omnia de studijs principum, uitij ducum, æmulationibus Reip. perscripta sunt, ut nihil in his non appareat, & facile existimari possit, prudentiam quodam modo esse diuinationem: non enim Cicero ea solū, quæ uiuo se acciderunt, futura prædixit, sed etiam, quæ nunc usu ueniunt, cecinit, ut uates. De pietate autem Attici quid plura commemorem? cū hoc ipsum uere gloriantem audierim in funere matris suæ, quam extulit annorum nonaginta, cum esset septem, & sexaginta, se



nunquam cum matre in gratiam rediſſe, nunquam cū ſorore fuiſſe in ſimilitate, quam propè atate æqualem habebat : quod eſt ſignum, aut nullam unquam inter eos querimoniam interceſſiſſe, aut hunc ea fuiſſe in ſuos indulgentia, ut, quos amare deberet, irasci eis nefas duceret : neque id fecit natura ſolum (quanquam omnes ei paremus) ſed etiam doctrina : nam & principum philoſophorum ita percepta habuerat præcepta, ut his ad uitam agendam, non ad oſtentionem uteretur . moris etiam maiorum ſummus imitator fuit, antiquitatisq; amator : quam adeo diligenter habuit cognitam, ut eā totam in eo uolumine expoſuerit, quo magiſtratus ornauit : nulla enim lex, neque pax, neque bellum, neque res illuſtris eſt populo R. quæ non in eo ſuo tempore ſit notata . et, quod difficillimum fuit, ſic familiarum originem ſubtexuit, ut ex eo clarorū uirorū propagines poſſimus cognoscere . fecit hoc idem ſeparatim in alijs libris, ut M. Bruſi rogatu Iuniam familiam à ſtirpe ad hanc atatem ordine enumerauerit, notans, qui à quoq; ortus, quos honores, quibusq; temporibus cepiſſet . pari modo Marcelli Claudij de Marcellorum, Scipionis Cornelij, & Fabij Maximi Fabiorum, & Aemiliorū . quibus libris nihil poteſt eſſe dulcius ijs, qui aliquam cupiditatē habent notiſſimæ clarorum uirorum . attigit quoque poetice, credimus, ne eius expertus eſſet ſuauitatis : nanque uerſibus, qui honore, rerumq; geſtarum amplitudine cæteros Ro. populi præſtiterunt, expoſuit, ita, ut ſub ſingulorum imaginibus facta, magiſtratusq; eorum non amplius quaternis, quinisq; uerſibus deſcripſerit : quod uix credendum ſit, tantas res tam bre-

MM iiij



## A T T I C I

uiter potuisse declarari . est etiam unus liber græce cōfectus de Consulatu Ciceronis . hætenus Attico uiuo edita à nobis sunt . Nunc, quoniam fortuna nos superstitēs ei esse uoluit, reliqua persequemur, & quantum potuerimus, rerum exemplis lectores docebimus, sicut supra significauimus, suos cuique mores plerunque conciliare fortunam : nanque hic cōtentus ordine equestri, quo erat ortus, in affinitatem peruenit imperatoris diui Iulij filij, cum iam ante familiaritatem eius esset consecutus nulla alia re, quàm elegantia uitæ, qua ceteros ceperat principes ciuitatis dignitate pari, fortuna humiliores : tanta enim prosperitas Cæsarem est consecuta, ut nihil ei non tribueret fortuna, quod cuiquam ante dictu legeret, & conciliarit, quod ciuis Romanus quiuīt cōsequi. nata autem est Attico neptis ex Agrippa, cui uirginem filiam collocauit . hanc Cæsar uix anniculam T. Claudio Neroni, Drusilla nato, priuigno suo, despondit. quæ coniunctio necessitudinem eorum sanxit, familiaritatem reddidit frequētiorem . quamuis ante hæc sponsalia, non solum cum ab Vrbe abesset, nunquam ad suorum quēquam literas misit, quin Attico mitteret, quid ageret in primis, quid legeret, quibusq; in locis, & quam diu esset moraturus : sed & cum esset in Vrbe, & propter suas infinitas occupationes minus sæpe, quàm uellet, Attico frueretur, nullus dies temere intercessit, quo non ad eum scriberet, quo aliquid de antiquitate ab eo requireret, modo aliquam quæstionem poeticam ei proponeret, interdum iocans eius uerbosiores eliceret epistolas . ex quo accidit, cum ædes Iouis Feretrii in Capitolio ab Romulo constituta, uetustate, atque incuria detecta



prolaberetur, ut Attici admonitu Caesar eam reficienda curaret. neque uero à M. Antonio minus absens literis colebatur, adeo ut accurate ille ex ultimis terris, quid ageret, quid curæ sibi haberet, certiolem faceret Atticū. hoc quale sit, facilius existimabit is, qui iudicare poterit quanta sit sapientia, eorum retinere usum, beneuolentiamq; inter quos maximarum rerum non solum æmulatio, sed obsecratio tanta intercedebat, quantam fuit intercedere necesse inter Casarem, atque Antonium, cum se uterque principem non solum urbis Romanæ, sed orbis terrarum esse cuperet. tali modo cum septem, & septuaginta annos compleisset, atque ad extremam senectutem non minus dignitate, quam gratia, fortunâq; creuisset (multas enim hereditates nulla alia re, quam bonitate consecutus) tantâq; prosperitate usus esset ualitudinis, ut annis XXX medicina non indiguisset: nactus est morbum, quem initio & ipse, & medici contempserunt: nam putarunt esse tenasmon, cui remedia celeria, faciliâq; proponebantur. in hoc cum treis menses sine ullis doloribus, præterquam quos ex curatione capiebat, consumpsisset, subito tanta uis morbi in unum intestinum prorupit, ut extremo tempore per lumbos fistula putris eruperit. atque antea quidem morbi diuturnitatem moleste ferebat, prius quam hoc ei accideret: postquam uero in dies dolores accrescere, febresq; accessisse sensit; Agrippam generum ad se accersiri iussit, & cum eo L. Cornelium Balbum, Sextumq; Peduceum. hos uenisse uidit, in cubitum nixus, quantam, inquit, curam, diligentiamq; in ualitudine mea tuenda hoc tempore adhibuerim, cum uos æstes habeam, nihil opus est plu-



A T T I C I

ribus uerbis commemorare . quibus quoniam , ut spe-  
ro, satisfeci, me nihil reliqui fecisse, quod ad sanandum  
me pertineret : reliquum est, ut egomet mihi consulam.  
id uos ignorare nolui : nam mihi stat, alere morbum desi-  
nere : nanque his diebus quidquid cibi sumpsi, ita pro-  
duxi uitam, ut auxerim dolores sine spe salutis . quare  
à uobis peto, primum ut consilium proberis meum, dein  
de ne frustra dehortando conemini . hac oratione habi-  
ta tanta constantia uocis, atque uultus, ut non ex ui-  
ta, sed ex domo in domum uideretur migrare : cum  
quidem Agrippa eum flens, atque osculans oraret, atque  
obsecraret, ne ad id, quod natura cogeret, ipse quoque  
sibi acceleraret, et, quoniam tum quoque posset tempo-  
ribus superesse, se sibi, suisque reseruaret ; preces eius ta-  
citurua sua obstinatione depressit . sic cum biduum ci-  
bo se abstinuisset, subito febris decessit, leuiorque morbus  
esse coepit : tamē propositum nihilo secius peregit . ita-  
que die quinto postquam id consilium inierat, prid. Cal.  
Apr. Cn. Domitio, C. Sosio Coss. decessit . elatus est in le-  
tricula, ut ipse praescripserat, sine ulla pompa funeris, co-  
mitantibus omnibus bonis, maxima uulgi frequentia .  
sepultus est iuxta uiam Appiam ad quintum lapidem  
in monumento Q. Cæcilij auunculi sui .



M. TVLLII CICERONIS EPISTO-  
LARVM AD BRVTVM  
LIBER.

CICERO BRVTO S.

CLODIVS Trib. pl. designatus  
ualde me diligit, uel, ut ἐμφοτικώτερον  
dicam, ualde me amat. quod cum mi-  
hi ita persuasum sit, non dubito (bene  
enim me nosti) quin illum quoque iu-  
dices à me amari: nihil enim mihi minus hominis ui-  
detur, quam non respondere in amore ijs, à quibus pro-  
uocare. is mihi uisus est suspicari, nec sine magno quā-  
dem dolore, aliquid à suis, uel per suos potius inimicos  
ad te esse delatum, quo tuus animus à se esset alienior.  
non soleo mi Brute (quod tibi notum esse arbitror) te-  
mere affirmare de altero: est enim periculosum pro-  
pter occultas hominum uoluntates, multiplicesq; natu-  
ras. Clodij animum perspectum habeo, cognitum, iudā-  
catum. multa eius indicia, sed ad scribendum non ne-  
cessaria: uolo enim hoc testimonium tibi uideri potius,  
quàm epistolam. auctus Antonij beneficio est. eius ip-  
sius beneficij magna pars à te est. itaque eum saluis no-  
bis uellet saluum. in eum autem locum rem adductā  
intelligit (est enim, ut scis, minime stultus) ut utrique sal-  
ui esse non possint: itaque nos mauult. de te uero amī-  
cissime et loquitur, et sentit. quare, si quis secus ad te de  
eo scripsit, aut si coram locutus est, peto à te etiā atq; ēr,  
mihi ut potius credas, qui & facilius iudicare possum,



LIB. I. EPIST.

quàm ille nescio quis, et te plus diligo. Clodium tibi amicissimum existima, ciuemq; talem, qualis & prudentissimus, & fortuna optima esse debet. Vale.

CICERO BRUTO S.

SCRIPTA, & obsignata ià epistola, literæ mihi reditæ sunt à te, plenæ rerum nouarum, maximeq; mirabiles, Dolabellam quinque cohortes misisse in Cherrhonestum. adeo ne copiis abundat, ut is, qui ex Asia fugere dicebatur, Europam appetere conetur? quinque autem cohortibus quid se nam facturum arbitratus est, cum tu eo quinque legiones, optimum equitatum, maxima auxilia haberes? quas quidem cohortes spero iam tuas esse, quoniam latro ille tam fuit demens. & tuum consilium uehementer laudo, quod nō prius tuum exercitum Apollonia, Dyrrhachioq; mouisti, quàm de Antoni fugam audisti, Bruti eruptione, populi R. uictoria. itaque quod scribis, postea statuisse te ducere exercitum in Cherrhonestum, nec pati sceleratissimo hosti ludibrio esse imperiū populi R. facis ex tua dignitate, & è Rep.

Quod scribis de seditione, quæ facta est in legione quarta de Antoniis: quod dicam, in bonam partem accipias: magis mihi probatur militum seueritas, quàm tua. Te beneuolentiam exercitus, equitumq; expectum esse, uehementer gaudeo. De Dolabella, ut scribis, si quid habes noui, facies me certiores. in quo ualde delector, me ante prouidisse, ut tuum iudicium liberum esset cum Dolabella belli gerendi: et id ualde perituit, ut ego tum intelligebam, ad Remp. ut nunc iudico, ad dignitatem tuam. Quod scribis me maximo



odio egisse, ut insectarer Antonios, idq; laudas : credo ita uideri tibi : sed illam distinctionē tuam nullo pacto probo : scribis enim, acius prohibenda bella ciuilia esse, quā in superatos iracundiam exercendam . uehementer à te Brute dissentio : neque clementiæ tuæ concedo : sed salutaris seueritas uincit inanem speciem clemētiæ . quod si clementes esse uoluerimus, nuquam deerunt bella ciuilia . sed de hoc tu uideris . de me possum idem, quod Plautinus pater in Trinumo : Mihi quidem ætas acta fermē est, tua istuc refert maxime . opprimemini, mihi crede Brute, nisi prouideritis : neque enim populum semper eundem habebitis, neque senatum, neque senatus ducem . hæc ex oraculo Apollinis Pythij edita tibi puta : nihil potest esse uerius . XIII. Cal. Maij.

## CICERO BRVTO S.

NOSTRÆ res meliori loco uidebantur : scripta enim ad te certo scio, quæ gesta sunt . quales tibi saepe scripsi, Consules tales extiterunt . Cæsaris uero pueri mirifica indoles uirtutis . utinam tam facile eum florentem & honoribus, & gratia regere, ac tenere possimus, quā facile adhuc tenuimus . est omnino illud difficilius, sed tamen non diffidimus : persuasum est enim adolescenti, & maxime per me, eius opera nos esse saluos . & certe, nisi is Antoniū ab Vrbe auertisset, periissent omnia . triduo uero, aut quatriduo ante hanc rem pulcherrimā, timore quodam perculsa ciuitas tota ad te se cum coniugibus, et liberis effundebat : eadem recreata ad XII. Cal. Maij, te huc uenire, quā se ad te ire malebat. quo quidem die magnorum meorum laborum, multarumq;



uigiliarum fructum cepi maximum, si modo est aliquis fructus ex solida, uerâq; gloria: nam tantæ multitudinis, quantam capit urbs nostra, concursus est ad me factus. ea cum usque in Capitolium deductus, maximo clamore, atq; plausu in rostris collocatus sum. nihil est in me inane: neque enim debet. sed tamen omnium ordinum consensus, gratiarum actio, gratulatioq; me commouet, propterea quod popularem me esse in populi salute præclarum est. sed hæc te malo ab alijs audire. Me uelim de tuis rebus, consilijsq; facias. diligentissime certiore: illudq; consideres, ne tua liberalitas dissolutior uideatur. sic sentit senatus, sic populus Rom. nullos unquam hostes digniores omni supplicio fuisse, quam eos ciues, qui hoc bello contra patriam arma ceperunt. quos quidem ego omnibus sententijs ulciscor, & persequor omnibus bonis approbantibus. tu quid de hac re sentias, tui iudicij est. ego sic sentio, trium fratrum unam, & eandem esse causam. Consules duos, bonos quidem, sed duntaxat bonos, amisimus. Hircius quidem in ipsa uictoria occidit, cum paucis diebus magno prælio ante uicisset. nam Pansa fugerat uulneribus acceptis, quæ ferre non potuit. reliquias hostium Brutus persequitur, & Caesar. hostes autem omnes iudicati, qui M. Antonij sectam secuti sunt. itaque id S. C. plerique interpretantur etiam ad tuos siue captiuos, siue dedititios pertinere. equidem nihil differui durius, cum nominatim de C. Antonio decernerem, quod ita statueram, à te cognoscere causam eius senatum oportere. X. Cal. Maij.



## BRVTVS CICERONI S.

QVANTA sim laetitia affectus cognitis rebus Bruti nostri, & Consulum, facilius est tibi existimare, quàm mihi scribere. cum alia laudo, & gaudeo accidisse, tum quòd Bruti eruptio nò solum ipsi salutaris fuit, sed etià maximo ad victoriam adiumento. Quod scribis, triu Antoniorum unam atque eandem causam esse; quid ego sentiam, mei iudicij esse: statuo nihil, nisi hoc, senatus aut populi Ro. iudicium esse de ijs ciuibus, qui pugnantes non interierint. at hoc ipsum, inquires, ini- que facis, qui hostilis animi in Remp. homines ciuers appelles: immo iustissime: quod enim non senatus censuit, nec populus R. iussit, id arroganter non praeiudico, neque reuoco ad arbitrium meum. illud quidem non muto, quòd ei, quem me occidere res non coegit, neque crudeliter quidquam eripui, neq; dissolute quidquam remisi, habuiq; in mea potestate, quoad bellum fuit. multo quidem honestius iudico, magisq; quod concedere possit Resp. miserorum fortunam non insectari, quàm infinita tribuere potentibus, quæ cupiditatem, & arrogantiam incendere possint. qua in re Cicero uir optime, ac forisissime, mihiq; merito & meo nomine, & Recip. carissime, nimis credere uideris spei tuae, statimq; ut quisque aliquid recte fecerit, omnia dare, ac permittere, quasi non liceat traduci ad mala consilia corruptum largitionibus animum. quæ tua est humanitas, æquo animo te moneri patieris, praesertim de communi salute: facies tamen, quod tibi uisum fuerit: etiam ego, cum me docueris. nunc Cicero, nunc agendum est, ne



LIE. I. EPIST.

frustra oppressum esse Antonium gausi simus, neu semper primi cuiusque mali excidendi causa sit, ut aliud renascatur illo peius. nihil iam neque opinantibus, aut patientibus nobis aduersi euenire potest, in quo non cum omnium culpa, tum præcipue tua futura sit, cuius tantam auctoritatem senatus, ac populus R. non solum esse patitur, sed etiam cupit, quanta maxima in libera ciuitate unius esse potest, quam tu non solum bene sentiendo, sed etiam prudenter tueri debes. prudentia porro, quæ tibi superest, nulla abs te desideratur, nisi modus in tribuendis honoribus. alia omnia sic abunde adsunt, ut cum quolibet antiquorum comparari possint tuæ uirtutes. unum hoc grato animo, liberali quæ profectum, cautiorem, ac moderatiorem liberalitatem desiderat: nihil enim senatus cuiquam dare debet, quod male cogitantibus exemplo, aut præsidio sit. itaque timeo, de Consulatu, ne Cæsar tuus altius se ascendisse putet decretis tuis, quàm inde, si consul factus sit, descensurum. quod si Antonius ab alio relictum regni instrumentum occasionem regnandi habuit: quonam animo fore putas, si quis auctore non tyranno interfecto, sed ipso senatu putat se imperia qualibet concupiscere posse? quare tum et facilitatem, et providentiam laudabo tuam, cum exploratum habere coepero, Cæsarem honoribus, quos acceperit, extraordinarijs fore contentum. alienæ igitur, inquires, culpæ me reum facies? prorsus alienæ, si provideri potuit, ne existeret. quod utinam inspicere possis timorem de illo meum. His literis scriptis, te Consulem factum audiui. tum uero incipiam proponere mihi Remp. iustam, et iam suis nitentem uiribus, si istud



si istuc uidero. Filius ualet, & in Macedoniam cum equitatu præmissus est. Idibus Maijs, ex castris.

## CICERO BRUTO S.

A D V. Cal. Maij, cū de ijs, qui hostes iudicati sunt, bello persequendis sententiæ dicerentur, dixit Seruilius etiam de Ventidio, & ut Cassius persequeretur Dolabellā. cui cū essem assensus, decreui hoc amplius, ut tu, si arbitrarere utile fore, eiq; rep. esse, persequerere Dolabellam bello: si minus id cōmodo reip. facere posses, siue nō existimares è rep. esse, ut in ijsdem locis exercitum contineres. nihil honorificentius potuit facere senatus, quā ut tuum esset iudicium, quid tibi maxime conducere reip. uideretur. equidem sic sentio, si manum habet, si castra, si ubi consistat uspiam, Dolabella; ad fidem, & ad dignitatem tuā pertinere, eū persequi. De Cassij nostri copijs nihil sciebamus: neque enim ab ipso ullæ literæ: neque nunciabatur quidquā, quod pro certo haberemus. quando opere autem intersit opprimi Dolabellam, profecto intelligis, tum ut sceleris pœnas persoluat, tum ne sit, quò se laironum duces ex Mutinensi fuga conferant. atque hoc mihi iam ante placuisse, potes ex superioribus meis literis recordari. quanquam tum & fugæ portus erat in tuis castris, & subsidium salutis in tuo exercitu. quo magis nunc liberati, ut spero, periculis, in Dolabella opprimendo occupati esse debemus. sed hæc cogitabis diligentius, statues sapienter: facies nos, quod constitueris, & quid agas, si tibi uidebitur, certiores. Ciceronem nostrum in uestrum collegium cooptari uolo. existimo omnino absentium rationem sacerdotum comitijs posse

N N



LIB. EPIST.

haberi: nā etiam factum est antea: Caius enim. Marius, cū in Cappadocia esset, lege Domitia factus est Augur: nec, quo minus id postea liceret, ulla lex sanxit. est etiam in lege Iulia, quæ lex est de sacerdotiis proxima, his uerbis, QVI PETIT, CVIVSVE RATIO HABEBITVR. aperte indicat posse rationē haberi etiam nō præsentiis. hac de re scripsi ad eū, ut tuo iudicio uteretur, sicut in rebus omnibus. tibi autem statuendū est de Domitio, & de Catone nostro. sed quamuis liceat absentiis rationem haberi, tamen omnia sunt præsentiis faciliora. quodd si statueris in Asiam tibi eundū, nulla erit ad comitia nostros accersendi facultas. omnino Pansa uiuo celeriora omnia. putabamus: statim enim collegam sibi surrogasset: deinde ante prætoria, sacerdotum comitia fuissent. nunc per auspicia lōgam morā uideo: dum. n. unus erit patritius magistratus, auspicia ad patres redire non possunt. magna sanē perturbatio. tu tota de re quid sentias, uelim me facias certiorē. III. Non. Maij.

BRVTVS CICERONI S.

NOLI expectare, dū tibi gratias agam. iam pridē hoc ex nostra necessitudine, quæ ad summā beneuolentiā peruenit, sublatum esse debet. Filius tuus à me abest: in Macedonia congregiemur: iussus est enim Ambra- ciam ducere equites per Thessaliam: & scripsi ad eum, ut mihi Heracleam occurreret. cum eum uidero (quoniam nobis permittis) communiter constituemus de reditu eius ad petitionem, aut ad commendationem honoris. Tibi Glycona medicum Pansæ, qui sororem Achilleos nostri in matrimonio habet, diligentissime commendo.



audimus, eum uenisse in suspicionem Torquato de morte  
 te Pansa, custodiriq; ut parricidam. nihil minus creden-  
 dum est: quis enim maiorem calamitatem morte Pan-  
 sa accepit? prater ea est modestus homo, & frugi, quem  
 ne utilitas quidē uideatur impulsura fuisse ad facinus.  
 rogo te, & quidem ualde rogo, (nam Achilleus noster  
 non minus, quā æquum est, laborat) eripias eum ex cu-  
 stodia, conseruesq;: hoc ego ad meum officium priuata-  
 rum rerum æque, atque ulla aliam rem, pertinere ar-  
 bitror. Cum has ad te scriberem literas, ab Satrio le-  
 gato C. Trebonij reddita est mihi epistola, à Tullio, &  
 Deiotaro Dolabellam cæsum, fugatumq; esse. græcam  
 epistolam tibi misi Cytherei cuiusdam ad Satrium mis-  
 sam. Flavius noster de controuersia, quam habet cum  
 Dyrrhachinis hæreditariam, sumpsit te iudicem. rogo  
 te Cicero, & Flavius rogat, rem conficias. quin ei, qui  
 Flavius fecit heredem, pecuniam debuerit ciuitas, non  
 est dubium, neque Dyrrhachini inficiantur, sed sibi do-  
 natum æs alienum à Cæsare dicunt. noli pati, à neces-  
 sarijs tuis necessario meo iniuriam fieri. XVII. Cal.  
 Iun. ex castris, ad imam Candauiam.

## BRVTVS CICERONI S.

BIBVLVS quā carus mihi esse debeat, nemo  
 melius iudicare potest, quā tu, cuius tātæ pro rep. cōten-  
 tiones, sollicitudinesq; fuerūt. itaque uel ipsius uirtus, uel  
 nostra necessitudo debet conciliare te illi: quo minus mul-  
 ta mihi scribenda esse arbitror: uoluntas enim te moue-  
 re debet nostra, si modo iusta est, aut pro officio neces-  
 sario suscipitur. in Pansa locum petere constituit. eam

NN ij



LIB. EPIST.

nominationem à te petimus. neque coniunctiori dare beneficiū, quàm nos tibi sumus, neque digniorem nomina re potes, quàm Bibulum. De Domitio, & Apuleio quid attinet me scribere, cum ipsi per se tibi commendatissimi sint? Apuleium uero tu tua auctoritate suslinere debes. sed Apuleius in sua epistola celebrabitur. Bibulum noli dimittere ex sinu tuo, tantum iam uirum, ex quanto, crede mihi, potest euadere, qui uestris paucorum respondet laudibus.

CICERO BRUTO S.

MULTOS tibi commendo, & commendem necesse est: optimus enim quisque uir, & ciuis sequitur iudicium tuum; tibiq; omnes fortes uiri nauare operam, & studiū uolunt; nec quisquam est, quin ita existimet, meā apud te & gratiam, & auctoritatem ualere plurimū: sed C. Nasennium municipem Sueffanum tibi ita commendo, ut neminem diligentius. Cretenſi bello Metello imperatore octauum principem duxit. postea in re familiarī occupatus fuit. hoc tempore cum reip. partibus, cum tua excellenti dignitate commotus, uellet per te aliquid auctoritatis assumere. fortem uirum Brute tibi cōmendo, frugi hominem, & si quid ad rem pertinet, etiam locupletem. pergratum mihi erit, si eum ita tractaris, ut merito tuo mihi gratias agere possit.

CICERO BRUTO S.

FVNGERER officio, quo tu functus es in meo luctu, teq; per literas cōsolarer, nisi scire ijs remedijs, quibus meū dolorem tu leuasses, te in tuo nō egere. ac uelim



facilius, quàm tunc mihi, nunc tibi tute medeare: est enim alienum tanto viro, ut es tu, quod alteri præceperit, id ipsum facere non posse. me quidē cum rationes, quas collegeras, tum auctoritas tua à nimio mœrore deterruit: cum enim mollius tibi ferre uiderer, quàm deceret uirum, præsertim eum, qui alios consolari solet, accusasti me per literas grauioribus uerbis, quàm tua cōsuetudo ferebat. itaque iudicium tuum magni æstimans, idque ueritus, me ipse collegi, & ea, quæ didiceram, legeram, acceperam, grauiora duxi tua auctoritate addita. ac mihi in Brute officio solū erat & naturæ, tibi nunc populo & scæne, ut dicitur, seruiendum est: nam cum in te non solum exercitus tui, sed omnium ciuium, ac penè gētium coniecti oculi sint, minime decet, propter quem fortiores ceteri sumus, eum ipsum animo debilitatum uideri. quā ob rem accepisti tu quidē dolorem, (id enim amisisti, cui simile in terris nihil fuit) & est dolendum in tam graui uulnere, ne id ipsum, carere omni sensu doloris, sit miserius, quàm dolere: sed, ut modice, ceteris utile est, tibi necesse est. scriberem plura, nisi ad te hæc ipsa nimis multa essent. Nos te, tuumque exercitum expectamus: sine quo, ut reliqua ex sententia succedant, uix satis liberi uideamur fore. De tota Rep. plura scribā, & fortasse iam certiora ijs literis, quas Veteri nostro cogitabam dare.

CICERO BRUTO S.

NULLAS adhuc à te literas habebamus, ne famam quidē quæ declararet, te, cognita senatus auctoritate, in Italiam adducere exercitum: quod ut faceres, idque maturares, magnopere desiderabat Respublica. ingrauescit enim

NN iij



LIB. EPIST.

in dies intestinū malū, nec externis hostibus magis, quā domesticis laboramus: qui erant omnino ab initio belli, sed facilius frangebantur. erectior senatus erat, non sententijs solū nostris, sed etiam cohortationibus excitatus. erat in senatu satis uehemens, & acer Pansa, cum in ceteros huius generis, tum maxime in socerū: cui Consuli non animus ab initio, non fides ad extremum defuit. bellum ad Mutinā gerebatur, nihil ut in Casare reprehenderes, nōnulla in Hircio. huius belli fortuna, ut in secundis, fluxa; ut in aduersis, bona. erat uictrix respub. casis Antonij copijs, ipso expulso à Bruto. deinde ita multa peccata, ut quodam modo uictoria excideret è manibus. perterritos, inermos, saucios non sunt nostri duces persecuti: datumq; Lepido tempus est, in quo leuitatē eius, saepe perspectam, maioribus in malis experiremur. sunt exercitus boni, sed rudes, Bruti, & Planci. sunt fidelissima, & maxima auxilia Gallorū. sed Casarem meis consilijs adhuc gubernatum, praeclara ipsum indole, admirabiliq; constantia, improbissimis literis quidam, fallacibusq; interpretibus, ac nūcijs impulerunt in spem certissimam Consulatus. quod simul atque sensi, neque ego illū absentem literis monere destiti, nec accusare praesentes eius necessarios, qui eius cupiditati suffragari uidebatur: nec in senatu sceleratissimorū consiliorum fontes aperire dubitauī. nec uero ulla in re memini aut senatū meliorē, aut magistratus: nunquam enim in honore extraordinario potentis hominis, uel. potentissimi potius (quando quidem potentia iam in uī posita est, & armis) accidit, ut nemo Tribunus pl. nemo alio magistratu, nemo priuatus auctor existeret. sed in hac constātia, atque uirtu-



te, erat tamen sollicita ciuitas: illudimur enim Brute cum militum delicijs, tum imperatoris insolentia. tantum quisque in rep. posse postulat, quantum habet uirium. non ratio, non modus, non lex, non mos, non officium ualet, non iudicium, non existimatio ciuium, non posteritatis uerecundia. hæc ego multo ante prospiciens, fugiebam ex Italia, tum, cum me uestrorum edictorum fama reuocauit. incitasti uero tu me Brute Velia. quaquam. n. dolebam in eam me Urbem ire, quam tu fugeres, qui eam liberauisses, quod mihi quoque quondam acciderat periculo simili, casu tristiore: perrexisti tamen, Romamque peruenisti; nulloque praesidio quatefecisti Antonium; contraque eius arma nefanda, praesidia, quae oblata sunt, Caesaris consilio, et auctoritate firmaui. qui si steterit idem, mihique paruerit, satis uidemur habituri praesidij. sin autem impiorum consilia plus ualuerint, quam nostra; aut imbecillitas ætatis non potuerit grauitatem rerum sustinere: spes omnis est in te. quamobrem aduola obsecro, atque eam remp. quam uirtute, atque animi magnitudine magis, quam euentis rerum, liberauisti, exitu libera. omnis omnium concursus ad te futurus est. hortare idem per literas Cassium. spes libertatis nusquam, nisi in uestrorum castrorum praesidijs, est. firmos omnino et duces habemus ab occidente, et exercitus. hoc adolescentis praesidium equidem adhuc firmum esse confido, sed ita multi labefactant, ut, ne moueatur, interdum extimescam. habes totum reip. statum, qui quidem tum erat, cum has literas dabam. uelim deinceps meliora: sin aliter fuerit, (quod Diu omen auertant) reip. uicem dolebo, quæ immortalis esse debeat. mihi quidem quantulum reliqui est?

N N iiiij



VETERIS Antistij talis animus est in Remp. ut non dubitē, quin in Cæsare, et Antonio se præsiliturus fuerit acerrimum propugnatorem communis libertatis, si occasione potuisset occurrere: nam qui in Achaia congressus, P. Dolabella milites, atque equites habēte quodvis adire periculum ex insidijs paratissimi ad omnia latronis maluerit, quā uideri aut coactus esse pecuniam dare, aut libenter dedisse homini nequissimo, atque improbissimo, is nobis ultero pollicitus est, & dedit XX HS ex sua pecunia, & quod multo carius est, se ipsum obtulit, & coniunxit. huic persuadere coepimus, ut imperator in castris remaneret, remq; publicam defenderet. statuit eundem sibi, quoniam exercitum dimisisset: statim uero rediturum ad nos confirmavit legatione suscepta, nisi Prætorum comitia habituri essent Consules: nam illi ita sentienti de Rep. magnopere auctor fui, ne differret tempus petitionis suæ. cuius factum omnibus gratum esse debet, qui modo iudicarint hunc exercitum esse Reip. tibi tanto gratius, quanto maiore animo, gloriaq; libertatem nostram defendis, & dignitatem, si contigerit nostris consilijs exitus, quem optamus, perfuncturus es. ego etiam mi Cicero proprie, familiariterq; te rogo, ut Veterem ames uelisq; esse quam amplissimum. qui etsi nulla re deterri a proposito potest, tamen excitari tuis laudibus, indulgentiaq; poterit, quo magis amplectetur, ac tueatur iudicium suum: & mihi gratissimum erit.



ETSI daturus erā Messalæ Coruino continuo literas, tamen Veterē nostrū ad te sine literis meis uenire nolui. Maximo in discrimine Respublicæ Brute uersatur, uictoresq; rursus decertare cogimur. id accidit M. Lepidi scelere, & amentia, quo tempore cum multa propter eam curam, quam pro Republica suscepi, grauiter ferrem, tum nihil tui grauius, quā me non posse matris tuæ precibus cedere, non sororis. nā tibi, quod mihi plurimi est, facile me satisfacturum arbitrabar. nullo enim modo poterat causa Lepidi distinguī ab Antonio, omniumq; in iudicio etiā durior erat, quod, cū honoribus amplissimis à senatu esset Lepidus ornatus, tum etiā paucis ante diebus præclaras literas ad senatū misisset, repente nō solū recepit reliquias hostium, sed bellum acerrimum terra, mariq; gerit: cuius exitus qui futurus sit, incertum est. itaque cum rogamur, ut misericordiam liberis eius impertiamus, nihil affertur, quo minus summa supplicia, si (quod Iuppiter omen auertat) pater puerorum uicerit, subeunda nobis sint. nec uero me fugit, q̄ sit acerbum, parentum scelera filiorum poenis lui: sed hoc præclare legibus comparatum est, ut caritas liberorum amiciores parētes Reip. redderet. itaq; Lepidus crudelis in liberos, non is, qui Lepidum hostem iudicat. atque ille, si armis positus de uī dānatus esset, quo in iudicio certe defensionem non haberet, eandem calamitatem subirent liberi bonis publicatis. quanquam, quod tua mater, & soror deprecatur pro pueris, id ipsum, & multa alia crudeliora nobis omnibus Lepidus, Antonius, & reliqui hostes



LIB. EPIST.

denunciant, itaque maximam spem hoc tempore habemus in te, atque exercitu tuo. cum ad reip. summam, tum ad gloriā, & dignitatem tuā uehementer pertinet, te in Italiam, ut ante scripsi, uenire quamprimum: eget enim uehementer tum uiribus tuis, tum etiam consilio resp. Veterem pro eius erga te beneuolentia, singulari q; officio libenter ex tuis literis complexus sum, eumq; cū tui, tum reipub. studiosissimum, amantissimumq; cognoui. Ciceronem meum propediem, ut spero, uidebo: tecum. n. illum, & te in Italiam celeriter esse uenturum confido.

BRUTVS CICERONI S.

DE M. Lepido uereri me cogit reliquorum timor. qui si eripuerit se nobis, quod uelim temere, atque iniuriose de illo suspicati sint homines: oro, atque obsecro te Cicero, necessitudinē nostrā, tuamq; in me beneuolentiā obtestans, sororis meae liberos obliuiscaris esse Lepidi filios, meq; his in patris locum successisse existimes. hoc si à te impetro, nihil profecto dubitabis pro his suscipere. aliter alij cum suis uiuunt: nihil ego possum in sororis meae liberos facere, quo possit expleri uoluntas mea, aut officium. quid uero aut mihi tribuere boni possunt, (si modo digni sumus, quibus aliquid tribuatur) aut ego matri, ac sorori, puerisq; illis praestaturus sum, si nihil ualuerit apud te, reliquumq; senatum contra patrem Lepidum Brutus auunculus? scribere multa ad te neque possum praesolitudine, ac stomacho, neque debeo: nam, si in tanta re, tamq; necessaria uerbis mihi opus est ad te excitandum, & confirmandum; nulla spes est, facturum te, quod uolo, & quod oportet. quare noli expectare lon-



gas preces: intuerere me ipsum, qui hoc à te uel à Cicerone  
ne coniunctissimo homine priuatim, uel à consulari tali  
uiro remota necessitudine priuata impetrare debeo. quid  
sis factururus, uelim mihi quamprimum rescribas. Cal.  
Quint. ex castris.

## CICERO BRUTO S.

BREUES tuæ literæ: breues, dico? immo nullæ.  
tribus ne uersiculis his temporibus Brutus ad me? nihil  
scripsissem potius. & requiris meas. quis unquam ad te  
tuorum sine meis uenit? quæ autem epistola nō pondus  
habuit? quæ si ad te perlata nō sunt, ne domesticas qui-  
dem tuas perlatas arbitror. Ciceroni scribis te longio-  
rem daturum epistolam. recte id quidē: sed hæc quoque  
debuisset plenior. ego autem, cum ad me de Cicerone  
nis abs te discessu scripsisses, statim extrusi tabellarios,  
literasq; ad Ciceronem, ut, etiam si in Italiam uenis-  
set, ad te rediret: nihil enim mihi iucundius, nihil illi ho-  
nestius. quanquam aliquoties ei scripseram, sacerdotum  
comitia mea summa contentione in alterum annum es-  
se reiecta. quod ego cum Ciceronis causa elaborauī, tum  
Domitij, Catonis, Lentuli, Bibulorum: quod ad te etiam  
scripseram. sed uidelicet, cum illam pusillam episto-  
lam tuam ad me dabas, non dum erat tibi id notum.  
quare omni studio à te mi Brute contendo, ut Cicerone  
nem meum ne dimittas, tecumq; adducas: quod ipsum,  
si remp. cui susceptus es, respicis, tibi iam iamq; facien-  
dum est: renatum enim bellum est, idq; non paruo sce-  
lere Lepidi. exercitus autem Cæsaris, qui erat optimus,  
non modo nihil prodest, sed etiam cogit exercitum tuum



L I B. E P I S T.

flagitari: qui si Italiam attigerit, erit ciuis nemo (quem quidem ciuem appellari fas sit) qui se non in tua castra conferat. etsi Brutum praeclare cum Planco coniunctum habemus. sed non ignoras, quàm sint incerti animi hominũ, & infecti partibus, & exitus praeliorum. quin etiam si, ut spero, uicerimus, tamen magnã gubernationem tui consilij, tuãq; auctoritatis res desiderabit. subueni igitur per Deos, idq; quãprimũ. tibi persuade, non te Idibus Martijs, quibus seruitutẽ à tuis ciuibz repulisti, plus profuisse patriã, quàm, si mature ueneris, profuturum. II. Id. Quint.

C I C E R O B R U T O S.

M E S S A L A M habes. quibus igitur literis tam accurate scriptis assequi possum, subtilius ut explicem, quæ gerantur, quæq; sint in Rep. quàm tibi is exponet, qui & optime omnia nouit, & elegantissime expedire, et deferre ad te potest? caue enim existimes Brute, (quanquam non est necesse ea me ad te, quæ tibi nota sunt, scribere: sed tamen tantam omnium laudum excellentiam non queo silentio præterire) caue putes, probitate, constãtia, cura, studio Reip. quidquam illi esse simile: ut eloquentia, qua mirabiliter excellit, uix in eo locum ad laudandum habere uideatur: quanquam in hac ipsa sapientia plus apparet: ita graui iudicio, multaq; arte se exercuit in uerissimo genere dicendi. tanta autem industria est, tantumq; euigilat in studio, ut nõ maxima ingenio, quod in eo summum est, gratia habenda uideatur. sed prouehor amore: non enim id propositum est huic epistolæ, Messalam ut laudem, præsertim ad Brutum, cui



Et uirtus illius non minus, quàm mihi, nota est, Et hæc ipsa studia, quæ laudo, notiora. quem cum à me dimittens grauitè ferrem, hoc leuabar uno, quòd ad te tanquàm ad alterum me proficiscens, Et officio fungebatur, Et laudem maximam sequebatur. sed hæc hæcenus.

Venio nunc, longo sanè interuallo, ad quandam epistolam, qua mihi multa tribuens unum reprehendebas, quòd in honoribus decernendis essem nimius, Et tanquàm prodigus. tu hoc: alius fortasse, quòd in animaduersione, poenâq; durior: nisi fortasse utrunque tu. quod si ita est, utriusque rei meum iudicium tibi cupio esse notissimum: neque solum ut Solonis dictum usurpem, qui Et sapiens unus fuit ex septem, Et legum scriptor solus ex septem. is Remp. duabus rebus contineri dixit, præmio, Et poena. est scilicet utriusque rei modus, sicut reliquarum, Et quædam in utroque genere mediocritas. sed non tanta de re propositum est hoc loco disputare. quid ego autem secutus hoc bello sim in sentijs dicendis, alienum non puto aperire. post interitum Cæsaris, Et uestras memorabiles Idus Martias Brute quid ego prætermissum à uobis, quantamq; impendere Reip. tempestatem dixerim, non es oblitus. magna pestis erat depulsa per uos, magna populi R. macula deleta, uobis uero parata diuina gloria; sed instrumentum regni delatum ad Lepidum, Et Antonium: quorum alter inconstantior, alter impurior, uterque pacem metuens, inimicus otio. his ardentibus perturbandæ Reip. cupiditate quod opponi posset præsidium, non habebamus: erexerat enim se ciuitas in retinenda libertate consensuens. nos tum nimis acres. uos fortasse sapientius exces-



LIB. EPIST.

sistis urbe ea, quam liberaratis: Italiae sua uobis studia proferenti remisistis. itaque cum teneri Urbem à par-  
ricidis uiderem, nec te in ea, nec Cassium tuto esse pos-  
se, eamq; armis oppressam ab Antonio: mihi quoque  
ipsi esse excedendum putavi: tetrum enim spectaculum,  
oppressa ab impijs ciuitas, opitulandi potestate præci-  
sa. sed animus idem, qui semper, infixus in patriæ ca-  
ritate, discessum ab eius periculis ferre nō potuit. itaque  
in medio Achaico cursu, cum Etesiarum diebus ausser  
me in Italiam, quasi dissuasor mei consilij, retulisset,  
te uidi Velie, doluiq; uehementer: cedebas enim Bru-  
te, cedebas; quoniam Stoici uestri negant fugere. sa-  
pientis. Romam ut ueni, statim me obtuli Antoni sce-  
leri, atque dementiæ. quem cum in me incitauissem, consi-  
lia inire cœpi, Brutina plane, (uestri enim hæc sunt  
propria sanguinis) reipub. liberandæ. longa sunt, quæ  
restant, prætereunda: sunt enim de me. tantum di-  
co, Cæsarem hunc adolescentem, per quem adhuc su-  
mus, si uerum fateri uolumus, fluxisse ex fonte consi-  
liorum meorum. huic habiti à me honores, nulli qui-  
dem Brute, nisi debiti, nulli, nisi necessarij: ut enim  
primum libertatem reuocare cœpimus, cum se non dum  
ne Decimi quidem Bruti diuina uirtus ita commouisset,  
ut iam id scire possemus, atque omne præsidium esset in  
puero, qui à ceruicibus nostris auertisset Antonium;  
quis honos ei non fuit decernendus? quanquam ego illi  
tum uerborum laudem tribui, eamq; modicam: de-  
creui etiam imperium: quod quanquam uidebatur illi  
ætati honorificum, tamen erat exercitum habenti neces-  
sarium: quid enim est sine imperio exercitus? statuam



Philippus decreuit, celeritatem petitionis primo Seruius, post maiorem etiam Seruilius. nihil tum nimium uidebatur, sed nescio quo modo facilius in timore benigni, quàm in uictoria grati reperimur: ego enim, D. Druto liberato, cū letissimus ille ciuitati dies illuxisset, idemq; casu Bruti natalis esset, decreui, ut in fastis ad eū diem Bruti nomen ascriberetur: in eoq; sum maiorum exemplum secutus, qui hunc honorem mulieri Larentiæ tribuerunt, cuius uos Pōtīfices ad arā in Velabro facere soletis. quod ego cū dabam Bruto, notam esse in fastis gratissimæ uictoriæ sempiternā memoriā uolebā. atque illo die cognoui paulo plures in senatu maleuolos esse, quàm gratos. eos per ipsos dies effudi (si ita uis) honores in mortuos Hircium, & Pansam, Aquilā etiam: quod quis reprehendit, nisi qui, deposito metu, præteriti periculi fuerit oblitus? accedebat ad beneficij memoriā gratam ratio illa, quæ etiam posteris posset esse salutaris: extare enim uolebam in crudelissimos hostes monimenta odij publici sempiterna. suspicor illud minus tibi probari, quod ab tuis familiaribus, optimis illis quidem uiris, sed in repub. rudibus, non probatur, quòd, ut ouanti introire Cæsari liceret, decreuerim. ego autem (sed erro fortasse: nec tamen is sum, ut mea me maxime delectent) nihil mihi uideor hoc bello sensisse prudentius. cur autem ita sit, aperiendum non est, ne magis uidear prouidus fuisse, quàm gratus. hoc ipsum nimium: quare alia uideamus. D. Bruto decreui honores, decreui L. Planco. præclara illa quidem ingenia, quæ gloria inuitantur: sed senatus etiam sapiens, qui, quæ quæque re putat, modo honesta, ad rempub. iuuandam posse ad-



LIB. EPIST.

duci, hac utitur. At in Lepido reprehendimur: cui cum statuam in Rostris statuissemus, iudem illam euertimus. nos illum honore studuimus à furore reuocare: uicit amentia leuissimi hominis nostram prudentiam. nec tamen tantum in statuenda Lepidi statua factum est mali, quantum in euertenda boni. satis multa de honoribus.

Nunc de poena pauca sunt dicenda: intellexi enim ex tuis saepe literis, te in ijs, quos bello deuicisti, clementiam tuam uelle laudari. existimo equidem, nil à te nisi sapienter: sed sceleris poenam praefermittere (id enim est, quod uocatur ignoscere) etiam si in ceteris rebus tolerabile est, in hoc bello perniciosum puto: nullum enim bellum ciuile fuit in nostra repub. omnium, quae memoria mea fuerunt, in quo bello non, utracunque pars uicisset, tamen aliqua forma esset futura reip. hoc bello uictores quam remp. simus habituri, non facile affirmarim: uictis certe nulla unquam erit. dixi igitur sententias in Antonium, dixi in Lepidum seueras, neque tam ulciscendi causa, quam ut & in praesens sceleratos ciueis timore ab impugnanda patria deterrerem, & in posterum documentum statuerem, ne quis talem amentiam uellet imitari. quanquam haec quidem sententia non magis mea fuit, quam omnium. in qua uidetur illud esse crudele, quodd ad liberos, qui nihil meruerunt, poena peruenit. sed id & antiquum est, & omnium ciuitatum: siquidem etiam Themistoclis liberi eguerunt. & si iudicio damnatos eadem poena sequitur ciueis, qui potuimus leniores esse in hosteis? quid autem queri potest quisquam de me, qui, si uicisset, acerbiores se in me futurum fuisse confiteatur, necesse est? habes rationem mearum sententiarum



tentiarum, de hoc genere duntaxat honoris, & pœnæ:  
nam de cæteris rebus quid senserim, quidq; censuerim,  
audisse arbitror. sed hæc quidem non ita necessaria:  
illud valde necessarium Brute, te in Italiam cum exerci-  
tu uenire quamprimum. summa est expectatio tui: qui  
si Italiam attigeris, ad te concursus fiet omnium: siue  
enim uicerimus, qui quidem pulcherrime uiceramus, ni-  
si Lepidus perdere omnia, & perire ipse cum suis concu-  
piuisset; tua nobis auctoritate opus est ad collocandum  
aliquem ciuitatis statum: siue etiam nunc certamen res-  
liquum est; maxima spes est cum in auctoritate tua,  
tum in exercitus tui uiribus. sed propera per Deos: scis  
enim, quantum sit in temporibus, quantum in celeritate.

Sororis tuæ filiis quàm diligenter consulam, spero te  
ex matris, & ex sororis literis cogniturum. qua in cau-  
sa maiorem habeo rationem tuæ uoluntatis, quæ mihi ca-  
rissima est, quàm, ut quibusdam uideor, constantiæ  
meæ. sed ego nulla in re malo, quàm te amando con-  
stans & esse, & uideri.

## B R V T V S C I C E R O N I S.

PARTICVLAM literarum tuarū, quas misisti  
Octauio, legi, missam ab Attico mihi. studium tuum,  
curaq; de salute mea nulla me noua uoluptate affecit:  
nō solum enim usitatum, sed etiam quotidianum est, ali-  
quid audire de te, quod pro nostra dignitate fideliter, at-  
que honorifice dixeris, aut feceris. at dolore, quātū animo  
maximū capere possum, eadem illa pars epistolæ scriptæ  
ad Octauium de nobis affecit: sic enim illi gratias agis  
de republica, tam suppliciter, ac demisse, (quid scribā? pu-

○ ○



LIB. EPIST.

det conditionis, ac fortunæ: sed tamen scribendum est: cōmendas nostram salutem illi, quæ morte qua non perniciosior? ) ut prorsus præ te feras non sublatam dominationem, sed dominū cōmutatum esse. uerba tua recognosce, & aude negare seruientis aduersus Regē istas esse preces. unum ais esse, quod ab eo postuletur, & expectetur, ut eos ciues, de quibus uiri boni, populusq; R. bene existimet, saluos uelit. quid, si nolit? non erimus? atqui non esse, quàm esse per illum, præstat. ego mediū fidiū non existima tā omnes Deos auersos esse à salute populi R. ut Octavius orandus sit pro salute cuiusquam ciuis, non dicam pro liberatoribus orbis terrarum: inuat enim magnifice loqui, & certe decet aduersus ignorantem, quid pro quoque timendum, aut à quoque petendum sit. hoc tu Cicero posse fateris Octaviū, & illi amicus es; aut, si me carū habes, uis Romæ uideri, cum, ut ibi esse possem, cōmendandus puero illi fuerim? cui quid agis gratias, si, ut nos saluos esse uelit, & patiat, rogandum putas? an hoc pro beneficio est habendum, quod se, quàm Antonium, esse maluerit, à quo ista petenda essent? iudici quidem alienæ dominationis, non uicario, ecquis supplicat, ut optime meritis de rep. liceat esse saluus? ista uero imbecillitas, & desperatio, cuius culpa non magis in te residet, quàm in omnibus alijs, & Cæsarem in cupiditatem regni impulit; & Antonio post interitum illius persuasit, ut interfecti locum occupare conaretur; & nūc puerum istum extulit, ut tu iudicares precibus esse impetrandam salutem talibus uiris, misericordiāq; unius uix etiam nunc uiri tutos fore nos, haud ulla alia re. quod si Romas



nos nos esse meminissimus; non audacius dominari cuperent postremi homines, quàm id nos prohiberemus, neque magis irritatus esset Antonius regno Cæsaris, quàm ob eiusdem mortem deterritus. tu quidem consularis, & tantorum scelerum uindex, quibus oppressis, uereor, ne in breue tempus dilata sit abs te pernicies, qui potes intueri, quæ gesseris, simul & ista uel probare, uel ita demisse, ac facile pati, ut probantis speciem habeas? quod autem tibi cum Antonio priuatum odium? nempe, quia postulabat hæc, salutem ab se peti precariam, nos incolumitatem habere, à quibus ipse libertatem accepisset, esse arbitrium suum de repub. quærenda esse arma putasti, quibus dominari prohiberetur, scilicet ut illo prohibito rogaremus alterum, qui se in eius locum reponi pateretur, an ut esset sui iuris, ac mancipij res? nisi forte non de seruitute, sed de conditione seruiendi recusatum est à nobis. atqui non solum bono domino potuimus Antonio tolerare nostram fortunam, sed etiam beneficijs, atque honoribus ut participes frui quantis uellemus: quid enim neget ijs, quorum patientiam uideret maximum suæ dominationis præsidium esse? sed nihil tanti fuit, quo uenderemus fidem nostram, & libertatem. hic ipse puer, quem Cæsaris nomen incitare uidetur in Cæsaris interfectores, quanti æstimet, si sit commercio locus, posse nobis auctoribus tantum, quantum profecto poterit, quoniam uiuere, & pecunias habere, & dici consulares uolumus? ceterum nequidquam perierit ille: cuius interitu quid gauisi sumus, si mortuo nihilo minus seruituri eramus? nulla cura adhibetur. sed mihi prius



## LIB. EPIST.

omnia Di, Deaq; eripuerint, quàm illud iudicium, quo non modo heredi eius, quem occidi, non concesserim quod in illo non tuli, sed ne patri quidem meo, si reuiscat, ut patiente me plus legibus, ac senatu possit. an hoc tibi persuasum est, fore ceteros ab eo liberos, quo inuito nobis in ista ciuitate locus non sit? qui porro id, quod petis, fieri potest, ut impetres? rogas enim, uelit nos saluos esse. uidemur ergo tibi salutem accepturi, cum uitam acceperimus? quam, si prius dimittimus dignitatem, & libertatem, qui possumus accipere? an tu, Romæ habitare, id putas incolumem esse? res, non locus, oportet praestet istuc mihi. neque incolumis fui Cæsare uiuo, nisi postquam illud consciui facinus: neque usquam exul esse possum, dum, seruire, & pati contumelias, peius odero malis omnibus alijs. non ne hoc est in easdem tenebras recidisse, cum ab eo, qui tyranni nomen asciuit sibi, (cum in Græcis ciuitatibus liberi tyrannorum, oppressis illis, eodem supplicio afficiantur) petitur, ut uindices, atq; oppressores dominationis salui sint? hanc ego ciuitatem uidere uelim, aut putem ullam, quæ ne traditam quidem, atque inculcatam libertatem recipere possit, plusq; timeat in puero nomen sublatis Regis, quàm confidat sibi, cum illum ipsum, qui maximas opes habuerit, paucorum uirtute sublatum uideat? me uero posthac ne commendaueris Cæsari tuo, ne te quidem ipsum, si me audies. ualde care aestimas tot annos, quot ista ætas recipit, si propter eam causam puero isti supplicaturus es. deinde, quod pulcherrime fecisti, ac facis in Antonium, uide, ne conuertatur à laude maximi animi ad opinionem formidinis: nam si Octanius tibi placet,



à quo de nostra salute petendum sit, non dominum fuisse, sed amiciorem dominum quæsisse uideberis. quem quoddam laudas ob ea, quæ adhuc fecit, plane probo: sunt enim laudanda, si modo contra alienam potentiam, non pro sua suscepit eas actiones: cum uero iudicas tantum illi non modo licere, sed etiam à te ipso tribuendum esse ut rogandus sit, ne nolit esse nos saluos; nimium magnam mercedem statuis: id enim ipsum illi largiris, quod per illum habere uidebatur respub. neque hoc tibi in mentem uenit, si Octavius ullis dignus sit honoribus, quia cum Antonio bellum gerat, ijs, qui illud malum exciderint, cuius istæ reliquæ sunt, nihil, quo expleri possit eorum meritum, tributurum unquam populum R. si omnia simul congesserit. ac uide, quanto diligentius homines metuant, quàm meminerint, quia Antonius uiuat, atque in armis sit. de Cæsare uero quod fieri potuit, ac debuit, transactum est, neque iam reuocari in integrum potest. Octavius is est, qui quid de nobis iudicaturus sit, expectet populus R? nos ij sumus, de quorum salute unus homo rogandus uideatur? ego uero (ut istuc reuertar) is sum, qui non modo non supplicem, sed etiam coerceam postulantes, ut sibi supplicetur: aut longe à seruientibus abero, mihiq; esse iudicabo Romam, ubi cunque liberum esse licebit; ac uestri miserebor, quibus nec ætas, neque honores, neque uirtus aliena dulcedinem uiuendi minuere potuerit. mihi quidem ita beatus esse uidebor, si modo constanter, ac perpetuo placebit hoc consilium, ut relatam putem gratiam pietati meæ: quid enim est melius, quàm memoria recte factorum, & libertate contentum negligere humana? sed certe

O O ij



LIB. EPIST.

non succumbam succumbentibus, nec uincar ab ijs, qui se uinci uolunt, experiarq; , & tentabo omnia, neque desistam abstrahere à seruitio ciuitatem nostram . si secunda fuerit, quæ debet, fortuna, gaudebimus omnes: sin minus, ego tamen gaudebo: quibus enim potius hæc uita factis, aut cogitationibus traducatur, quàm ijs, quæ peruenierint ad liberandos ciues meos? te Cicero rogo, atque hortor, ne defatigare, neu diffidas; semper in præsentibus malis prohibendis, futura quoque, nisi ante sit occursum, explores, ne se insinuent. fortem, & liberum animum, quo & Consul, & nunc consularis rep. uindicasti, sine constantia, & æquabilitate nullum esse putaris: fateor enim duriores esse conditionem spectatæ uirtutis, quàm incognitæ. benefacta pro debitis exigimus: quæ si aliter eueniunt, ut decepti ab his, infesto animo reprehendimus. itaque resistere Antonio Cicero nem, & si magna laude dignum est: tamen, quia ille Cōsul hunc consularem merito præstare uidetur, nemo admiratur. idem Cicero, si flexerit aduersus alios iudicium suum, quod tanta firmitate, ac magnitudine direxit in exturbando Antonio, non modo reliqui temporis gloriam eripuerit sibi, sed etiam præterita euanescere cogget: (nihil enim per se amplum est, nisi in quo iudicij ratio extat) quia neminem magis decet, quàm te, rep. amare, libertatisq; defensorem esse, uel ingenio, uel rebus gestis, uel studio, atque efflagitatione omnium. quare non Octauius est rogandus, ut uelit nos saluos esse: magis tu te exuscita, ut eam ciuitatem, in qua maxima gestisli, liberam, atque honestam fore putes, si modo sint populo duces ad resistendum improborum consilijs.



S C R I B I S mihi, mirari Ciceronem, quodd nihil si-  
 gnificem unquam de suis actis. quoniam efflagitas, co-  
 actu tuo scribam, quæ sentio. Omnia fecisse Ciceronem  
 optimo animo, scio: quid. n. mihi exploratius esse potest,  
 quàm illius animus in remp? sed quædam mihi uidetur,  
 quid dicam, imperite uir omnium prudentissimus, an am-  
 bitiose fecisse, qui ualentissimū Antonium suscipere pro  
 rep. non dubitauit inimicum? nescio quid scribam tibi,  
 nisi unum, pueri & cupiditatem, & licetiam potius esse  
 irritatam, quàm repressam à Cicerone; tantumq; eum  
 tribuere huic indulgentiæ, ut se maledictis non absteineat,  
 ijs quidem, quæ in ipsum dupliciter recidunt, quodd &  
 plureus occidit uno, seq; prius oportet fateatur sicari-  
 um, quàm obijciat Casca, quodd obijcit; & imitatur in  
 Casca Bestiam. an, quia non omnibus horis iactamus  
 Idus Martias, similiter atque ille Nonas Decembreis  
 suas in ore habet, eo meliore conditione Cicero pul-  
 cherrimum factum uituperabit, quàm Bestia, & Clo-  
 dius reprehendere illius Consulatum soliti sunt? susti-  
 nuisse mihi gloriatur bellum Antonij togatus Cicero no-  
 ster. quid hoc mihi prodest, si merces Antonij oppressi  
 poscitur in Antonij locum successio? & si uindex illius  
 mali auctor extitit alterius, fundamentum, & radices  
 habituri altiores, si patiamur? ut iam ista, quæ facit,  
 non dominationem, non, sed dominum Antonium  
 timentis sint. ego autem gratiam non habeo, si quis,  
 dum ne irato seruiat, rem ipsam non deprecatur. im-  
 mo triumphum, & stipendium decernitur, & omni-



L I B. E P I S T.

bus decretis ornatur . pudeat conspiciere fortunam , cuius nomen susceperit . consularis hoc , an Ciceronis est ? quoniam tacere non licuit , leges , quæ tibi necesse est molestæ esse : etenim ipse sentio , quanto cum dolore hæc ad te perscripserim : nec ignoro , quid senias in repub. & quàm desperatam quoque sanari puto posse . nec me hercle te Attice reprehendo : ætas enim , mores , liberi senem efficiunt : quod quidem etiam ex Flavio nostro perspexi . sed redeo ad Ciceronem . quid inter Salvidenum , & eum interest ? quid autem amplius ille decerneret ? timet , inquit , etiam nunc reliquias belli civilis . quisquam ergo ita timeat profligatum , ut neque potentiam eius , qui exercitum victorem habeat , neque temeritatem pueri putet extimescendam esse ? an hoc ipsum a re facit , quod illi propter amplitudinem omnia iam , ultroq; deferenda putat ? ò magnam stultitiam timoris , id ipsum , quod uerearis , ita cauere , ut , cum uitare fortasse potueris , ultro accersas , & attrahas . nimium timeamus mortem , & exilium , & paupertatem . hæc mihi uidentur Ciceroni ultima esse in malis : & , dum habeat , à quibus impetret , quæ uelit , & à quibus colatur , ac laudetur , seruitutem , honorificam modo , non aspernatur ; si quidquam in extrema , ac miserrima contumelia potest honorificum esse . licet ergo patrem appellet Octavius Ciceronem , referat omnia , laudet , gratias agat : tamen illud apparebit , uerba rebus esse contraria : quid enim tam alienum ab humanis sensibus est , quàm eum patris habere loco , qui ne liberi quidem hominis numero sit ? atqui ed tendit , id agit , ad eum exitum properat uir optimus , ut sit illi Octavius pro-



pitius . ego uero iam ijs artibus nihil tribuo , quibus scio  
Ciceronem instructissimum esse : quid enim illi profunt,  
quæ pro libertate patriæ de dignitate , quæ de morte ,  
exilio , paupertate scripsit copiosissime ? quanto autem  
magis illa callere uidetur Philippus , qui priuigno mi-  
nus tribuerit , quàm Cicero , qui alieno tribuat . desinat  
igitur gloriando etiam insectari dolores nostros : quid  
enim nostra, uictum esse Antonium , si uictus est , ut alij  
uacaret , quod ille obtinuit ? tamen si tuæ literæ dubia  
etiam nunc significant . uiuat hercule Cicero , qui pos-  
test , supplex , & obnoxius , si neque ætatis , neque honorû ,  
neque rerum gestarum pudet . ego certe , qui cum ipsa re  
bellum geram , hoc est cum regno , & imperijs extraor-  
dinarijs , & dominatione , & potentia , quæ supra leges  
se esse uelit , nulla erit tam bona conditio seruiendi , qua  
non deterrear , quamuis sit uir bonus , ut scribis , Anto-  
nius : quod ego nunquam existimaui . sed dominum ne  
parentem quidem maiores nostri uoluerunt esse . Te  
nisi tantum amarem , quantum Ciceroni persuasum est  
diligere ab Octauio , hæc ad te non scripsissem . dolet mihi ,  
quod tu non stomacharis , amantiissimus tum tuorum  
omnium , tum etiam Ciceronis . sed persuade tibi , de uo-  
luntate propria mea nihil esse remissum , de iudicio la-  
rgiter : neque enim impetrari potest , quin , quale quidq ; ui-  
deatur ei , talem quisque de illo opinionem habeat . uellem  
mihi scripsisses , quæ conditiones essent Atticæ nostræ : pos-  
tuisses tibi aliquid de meo sensu perscribere . Valetus  
dinem Porciæ meæ tibi curæ esse non miror . Denique ,  
quod petis , faciam libenter : nam etiam sorores me ro-  
gant : & hominem noro , & quid sibi uoluerit .



M. CICERO MARCO BRUTO S.

C V M saepe te literis hortatus essem, ut quāprimum reip. subuenires, in Italiamq; exercitum adduceres, neque id arbitrarer dubitare tuos necessarios; rogatus sum a prudentissima, & diligentissima foemina matre tua, cuius omnes curae ad te referuntur, & in te consumuntur, ut uenirem ad se ad V I I I. Cal. Sext. quod ego, ut debui, sine mora feci. cum autē uenissem, Casca aderat, & Labeo, & Scaplius. at illa retulit, quā sinitq; quidnam mihi uideretur, accerseremus ne te, atque tibi id conducere putaremus, an tardare, & commorari te melius esset. respondi id, quod sentiebam, & dignitati, & existimationi tuae maxime conducere, te primo quoque tempore ferre praesidium labenti, & inclinata reip. quid enim abesse censes mali in eo bello, in quo uictores exercitus fugientem hostem persequi noluerunt? & in quo incolumis imperator, honoribus amplissimis fortunisque maximis, coniuge, liberis, uobis affinibus ornatus, bellum reipub. indixerit? quid dicam, in tanto senatus populiq; consensu, cum tantum resideat intra muros mali? maximo autem, cum haec scribebam, afficiebar dolore, quodd, cum me pro adolescentulo, ac penē puero resp. accepisset uadem, uix uidebar, quod promiseram, praestare posse. est autem grauior, & difficilior animi, & sententiae, maximis praesertim in rebus, pro altero, quā pecuniae, obligatio: haec enim solui potest, & est rei familiaris iactura tolerabilis: reip. quod sponderis, quemadmodum soluas, nisi is dependi facile patitur, pro quo sponderis? quanquam & hunc, ut spe-



ro, tenebo multis repugnantibus: uidetur enim in eo esse indoles, sed flexibilis ætas, multiq; ad deprauandum parati, qui splendore falsi honoris obiecto, aciem boni ingenij perstringi posse confidunt. itaque ad reliquos hic quoque labor mihi accessit, ut omnes adhibeam machinas ad tenendum adolescentem, ne famam subeam temeritatis. quanquam quæ temeritas est? magis enim illum, pro quo spondi, quam me obligavi. nec uero poenitere potest remp. me pro eo spondisse, qui fuit in rebus gerendis tum suo ingenio, tum mea promissione constanter. maximus autem, nisi me forte fallit, in republ. nodus est inopia rei pecuniariæ: obdurescunt enim magis quotidie boni uiri ad uocem tributi; quod ex centesima collatum impudenti censu locupletum, in duarum legionum præmijs omne consumitur. impendent autem infiniti sumptus tum in hos exercitus, quibus nunc defendimur, tum uero in tuum. nam Cassius noster uidetur posse satis ornatus uenire. sed & hæc, & multa alia coram cupio, idq; quamprimum. De sororis tuæ filijs, non expectaui Brute, dum scriberes. omnino iam tempora (bellum enim ducetur) integram tibi causam reseruant. sed ego à principio, cum diuinare de belli diuturnitate non possem, ita causam egi puerorum in senatu, ut te arbitror è matris literis potuisse cognoscere. nec uero ulla res erit unquam, in qua ego non uel uitæ periculo ea dicam, eaq; faciam, quæ te uelle, quæq; ad te pertinere arbitror.

Vale. VI. Cal. Sext.



M. TVLLII CICERONIS EPISTOLA  
RVM AD Q. FRATREM  
LIBER I.

MARCVS QVINTO FRATRI S.

TSI non dubitabam, quin hęc episto  
lā multi nunciij, fama denique esset ipsa  
E sua celeritate superatura, tuq; ante ab  
alijs auditurus esses, annū tertium ac  
cessisse desiderio nostro, & labori tuo:  
tamen existimaui à me quoque tibi huius molestiæ nun  
cium perferri oportere. nam superioribus literis, non  
unis sed pluribus, cum iam ab alijs desperata res esset,  
tamen ego tibi spem maturæ decessionis afferebam, non  
solum ut quamdiuissime te incūda opinione oblectarē,  
sed etiam quia tanta adhibebatur & à nobis, & à Præ  
toribus contentio, ut rem posse confici non diffiderem.  
nunc, quoniam ita accidit, ut neque Prætores suis opibus,  
neque nos nostro studio quidquam proficere possemus; est  
omnino difficile non grauitè id ferre; sed tamen nostros  
animos, maximis in rebus gerendis, & sustinendis exerci  
tatos, frangi, & debilitari molestia nō oportet. & quo  
niam ferre ea molestissime homines debent, quæ ipsorum  
culpa cōtracta sunt: est quiddam in hac re mihi mole  
stius ferendū, quàm tibi: factum est enim mea culpa, cō  
tra quàm tu mecum & proficiscens, & per literas ege  
ras, ut priore anno non succederetur. quod ego, dum so  
ciorum salutem consulo, dum impudentiæ nonnullorū ne  
gociatorum resisto, dum nostram gloriam tua uirtute  
augeri expeto, feci non sapienter, præsertim cū id com=



miserim, ut ille alter annus etiam tertium posset adducere.  
 quod quoniam peccatum meum esse confiteor, est sapien-  
 tia, atque humanitatis tuæ, curare, & perficere, ut hoc  
 minus sapienter à me prouisum, diligentia tua corriga-  
 tur. ac si te ipse uehementius ad omnes partes bene au-  
 diendi excitaris, non ut cum alijs, sed ut tecum iam ipse  
 certes; si omnem tuam mentem, curam, cogitationem, et  
 excellentem omnibus in rebus laudis cupiditatem incita-  
 ris: mihi crede, unus annus additus labori tuo, multorum  
 annorum lætitiā nobis, gloriā uero etiam posteris nostris  
 afferet. quapropter hoc te primum rogo, ne contrahas  
 aut demittas animum, ne ue te obrui, tanquam fluctu,  
 sic magnitudine negotij sinas, contraq; erigas, ac resistas,  
 siue etiam ultro occurras negotijs: neque enim eiusmodi  
 partem reip. geris, in qua fortuna dominetur, sed in  
 qua plurimum ratio possit, & diligentia. quod si tibi  
 bellum aliquod magnum, & periculosum administran-  
 ti prorogatum imperium uiderem, tremere animo,  
 quod eodem tempore esse intelligerem etiam fortunæ po-  
 testatem in nos prorogatam. nunc uero ea pars tibi reip.  
 commissa est, in qua aut nullam, aut perexiguam par-  
 tem fortuna tenet, & quæ mihi tota in tua uirtute, ac  
 moderatione animi posita esse uideatur. nullas, ut o-  
 pinor, insidias hostium, nullam prælij dimicationem,  
 nullam defectionem sociorum, nullam inopiam stipen-  
 dij, aut rei frumentariæ, nullam seditionem exerci-  
 tus pertimescimus: quæ persæpe sapientissimis uiris ac-  
 ciderunt, ut, quemadmodum gubernatores optimi  
 uim tempestatis, sic illi fortunæ impetum superare non  
 possent. tibi data est summa pax, summa tranquillitas,



## LIB. I. EPIST.

ita tamen, ut ea dormientem gubernatorem uel obrue-  
 re, uigilantem etiam delectare possit: constat enim ea  
 prouincia primum ex eo genere sociorum, quod est ex  
 hominum omni genere humanissimum; deinde ex eo ge-  
 nere ciuium, qui aut, quodd publicani sunt, nos summa  
 necessitudine attingunt, aut, quodd ita negotiantur, ut lo-  
 cupletes sint, nostri Consulatus beneficio se incolumes for-  
 tunas habere arbitrantur. at enim inter hos ipsos exi-  
 stunt graues controuersiae, multae nascuntur iniuriae,  
 magnae contentiones consequuntur. quasi uero ego id  
 putem, non te aliquantum negotij sustinere. intelligo  
 permagnum esse negotium, & maximi consilij. sed me  
 mento, consilij me hoc negotium esse magis aliquanto,  
 quam fortunae, putare: quid est enim negotij, contine-  
 re eos, quibus praesidis, si te ipse contineas? id autem su-  
 magnum, & difficile ceteris, sicut est difficillimum: ti-  
 bi & fuit hoc semper facillimum, & uere esse debuit,  
 cuius natura talis est, ut etiam sine doctrina uideatur  
 moderata esse potuisse; ea autem adhibita doctrina est,  
 quae uel uitiosissimam naturam excolere possit. tu cum  
 pecuniae, cum uoluptati, cum omnium rerum cupidita-  
 ti resistes, ut facis; erit, credo, periculum, ne improbum  
 negotiatorem, paulo cupidiores publicanum compri-  
 mere non possis. nam Graeci quidem sic te ita uiuentem  
 intuebuntur, ut quendam ex annalium memoria, aut  
 etiam e coelo diuinum hominem esso in prouinciam de-  
 lapsum putent. atque haec nunc, non ut facias, sed ut  
 te facere, & fecisse gaudeas, scribo: praclarum est. n.  
 summo cum imperio fuisse in Asia triennium, sic, ut  
 nullum te signum, nulla pictura, nullum uas, nulla ue-



stis, nullum mancipium, nulla forma cuiusquam,  
 nulla conditio pecunie, quibus rebus abundat ista pro-  
 uincia, ab summa integritate, continentiaq; deduxerit.  
 quid autem reperiri tam eximium, aut tam expe-  
 tendum potest, quam istam uirtutem, moderationem  
 animi, temperantiam non latere in tenebris, neque esse  
 abditam, sed in luce Asiae, in oculis clarissimae pro-  
 uinciae, atque in auribus omnium gentium, ac natio-  
 num esse positam; non itineribus tuis perterreret homi-  
 nes, non sumptu exauriri, non aduentu commoueri;  
 esse, quocumque ueneris, & publice, & priuatim ma-  
 ximam laetitiam, cum urbs custodem, non tyrannum,  
 domus hospitem, non expilatorem recepisse uideatur?  
 his autem in rebus iam te usus ipse profecto erudiuit,  
 nequaquam satis esse, ipsum hasce habere uirtutes, sed  
 esse circumspectandum diligenter, ut in hac custodia pro-  
 uinciae non te unum, sed omnes ministros imperij tui  
 socijs, & ciuibus, & reipub. prestare uideare. quan-  
 quam legatos habes eos, qui ipsi per se habituri sint ra-  
 tionem dignitatis suae: de quibus honore, & dignita-  
 te, & aetate praestat Tubero: quem ego arbitror, prae-  
 sertim cum scribat historiam, multos ex suis annalis  
 bus posse deligere, quos uelit, & possit imitari. Alie-  
 nus autem, noster cum animo, & beneuolentia, tum  
 uero etiam imitatione uiuendi. nam quid ego de Gra-  
 tidio dicam? quem certo scio ita laborare de existima-  
 tione sua, ut propter amorem in nos fraternum etiam  
 de nostra laboret. Quaestorem habes non tuo iudicio de-  
 lectum, sed eum, quem sors dedit. hunc oportet &  
 sua sponte esse moderatum, & tuis institutis, & prae-



LIB. I. EPIST.

ceptis obtemperare . quorum si quis forte esset sordidior, ferres eatenus, quoad per se negligeret eas leges, quibus est adstrictus, non ut ea potestate, quam tu ad dignitatem permisisses, ad quæstû abuteretur: neque enim mihi sanè placet, præsertim cum hi mores tantum iam ad nimiam leuitatem, & ambitionem incubuerint, scrutari te omneis sordetis, excutere unumquemque eorum, sed, quanta sit in quoque fides, tantum cuique committere . atque inter hos, eos, quos tibi comites, & adiutores negotiorum publicorum dedit ipsa resp. duntaxat finibus ijs præstabis, quos ante præscripsi . quos uero aut ex domesticis conuictoribus, aut ex necessarijs apparitoribus tecum esse uoluisti, qui quasi ex cohorte Prætoris appellari solent, horum non modo facta, sed etiam dicta omnia præstanda nobis sunt. sed habes eos tecum, quos possis recte facientis facile diligere, minus consulentis existimationi tuæ facillime coercere. à quibus, rudis cum esses, uidetur potuisse tua liberalitas decipi: nam ut quisque est uir optimus, ita difficillime esse alios improbos suspicatur . nunc uero tertius hic annus habeat integritatem eandem, quam superiores, cautiorem etiam, ac diligentior . sint aures tuæ, quæ id, quod audiunt, existimentur audire, non in quas fictæ, aut simulate quæstus causa insurretur. sit annulus tuus non ut uas aliquod, sed tanquam ipse tu; non minister alienæ uoluntatis, sed testis tuæ . accensus sit eo etiam numero, quo eum maiores nostri esse uoluerunt, qui hoc non in beneficij loco, sed in laboris, ac muneris non temere, nisi libertis suis, deferebant; quibus illi quidem non multo secus, ac seruis, imperabant . sit licitor  
non suæ



nō suæ, sed tuæ lenitatis apparitor, maioraq; præferāt  
 fasces illi, ac secur es dignitatis insignia, quàm potesta-  
 tis. toti denique sit prouinciæ cognitum, tibi omnium,  
 quibus præsis, salutem, liberos, famam, fortunas esse ca-  
 rissimas. denique hæc opinio sit, non modo ijs, qui ali-  
 quid acceperint, sed ijs etiã, qui dederint, te inimicū,  
 si id cognoueris, futurum. neque uero quisquam da-  
 bit, cum erit hoc perspectum, nihil per eos, qui simulāt  
 se apud te multum posse, abs te solere impetrari. nec  
 tamen est hæc oratio mea huiusmodi, ut te in tuos aut  
 durum esse nimium, aut suspiciosum uelim. nã si quis  
 est eorum, qui tibi biennij spatio nunquam in suspicio-  
 nem auaritiæ uenerit, ut ego Cæsium, & Chærippum,  
 & Labeonem audio, & quia cognoui, existimo. nihil  
 est, quod non & ijs, & si quis est alius eiusmodi, & cō-  
 mitti, & credi rectissime putem. sed si quis est, in quo  
 iam offenderis, de quo aliquid senseris: huic nihil cre-  
 dideris, nullam partem existimationis tuæ commiseris.  
 in prouincia uero ipsa si quem es nactus, qui in tuam  
 familiaritatem penitus intrarit, qui nobis ante fuerit  
 ignotus: huic quantum credendum sit, uide: non quin  
 possint multi esse prouinciales uiri boni: sed hoc spera-  
 re licet, iudicare periculosum est: multis enim simula-  
 tionum inuolucris tegitur, & quasi uelis quibusdā ob-  
 tenditur uniuscuiusq; natura: frons, oculi, uultus per-  
 sæpe mentiuntur, oratio uero sæpiissime. quam ob rē  
 qui potes reperire ex eo genere hominum, qui pecuniæ  
 cupiditate adducti careant ijs rebus omnibus, à qui-  
 bus nos diuulsi esse non possumus; te autem alienum  
 hominem ament ex animo, ac non sui commodi causa



## LIB. I. EPIST.

simulent? mihi quidem permagnum uidetur, præfer-  
 tim si ijdem homines priuatum non ferè quenquam,  
 Prætores semper omnes amant. quo ex genere si quem  
 forte tui cognouisti amantiores ( fieri enim potuit )  
 quàm temporis: hunc ad tuum numerum libenter de-  
 scribito. sin autem id non perspicias, nullum erit genus  
 in familiaritate cauendum magis, propterea quòd &  
 omnes uias pecunie norunt, & omnia pecunie causa  
 faciunt, & quicum uicturi nō sunt, eius existimatio-  
 ni consulere non curant. atque etiam è Grecis, ipsis di-  
 ligenter cauenda sunt quedam familiaritates, præter  
 hominum perpaucorum, si qui sunt uetere Græcia di-  
 gnī. sic uero fallaces sunt permulti, & leues, & diu-  
 terna seruitute ad nimiam assentationē eruditi. quos  
 ego uniuersos adhiberi liberaliter, optimum quenque  
 hospitio, amicitiaq; coniungi dico oportere. nimia fa-  
 miliaritates eorum neque tam fideles sunt ( non enim  
 audent aduersari nostris uoluntatibus ) & inuidēt nō  
 nostris solum, uerum etiam suis. iam qui in eiusmodi  
 rebus, in quibus uereor etiam ne durior sim, cautus  
 esse uelim, ac diligens: quo me animo in seruos esse  
 censes? quos quidem cum omnibus in locis, tum præci-  
 pue in provincijs regere debemus. quo de genere mul-  
 ta præcipi possunt: sed hoc & breuissimum est, & fa-  
 cillime teneri potest: ut ita se gerant in istis Asiaticis  
 itineribus, ut si iter Appia uia faceres; nèue interese-  
 se quidquā putent, utram Tralleis, an Formias uene-  
 rint. ac si quis est ex seruis egregie fidelis, sit in dome-  
 sticis rebus, & priuatis: quæ res ad officium imperij  
 tui, atque ad aliquam partem Reip. pertinebunt, de ijs



rebus ne quid attingat : multa enim, quæ recte committi seruis fidelibus possunt, tamen sermonis, & uitu perationis uitandæ causa committenda non sunt. sed nescio quo pacto ad præcipiendi rationem delapsa est oratio mea, cum id mihi propositum initio nõ fuisset : quid enim ei præcipiam, quem ego, in hoc præsertim genere, intelligam prudentia nõ esse inferiorem, quàm me, usu uero etiam superiorem ? sed tamen, si ad ea, quæ faceres, auctoritas accederet mea, tibi ipsi illa putauì fore iucundiora. quare sint hæc fundamenta dignitatis tuæ, tua primum integritas, & continentia, deinde omnium, qui tecum sunt, pudor, delectus in familiaritatibus & prouincialium hominum, & Græcorum percautus, & diligens, familiæ grauis, & constans disciplina. quæ cum honesta sint in his priuatis nostris, quotidianisq; rationibus : in tanto imperio, tam deprauatis moribus, tam corruptrice prouincia, diuina uideantur, necesse est. hæc institutio, atque disciplina potest sustinere in rebus statuendis, decernendisq; eam seueritatē, qua tu in ijs rebus usus es, ex quib. non nullas simultates cum magna mea lætitia susceptas habemus : nisi forte me Paconij nescio cuius, hominis ne Græci quidem, at Mysi, aut Phrygij potius, querellis moueri putas, aut Tuscenij hominis furiosi, ac sordidi uocibus, cuius tu ex impurissimis faucibus inhonestissimam cupiditatē eripuisti summa cum æquitate. hæc, & cætera plena seueritatis, quæ statuisti in ista prouincia, non facile sine summa integritate sustinebimus. quare sit summa in iure dicendo seueritas, dum modo ea ne uarietur gratia, sed conseruetur æquabi-

P P ij



## LIB. I. EPIST.

lis. sed tamen parui refert, ab te ipso ius dici æqualiter, & diligenter, nisi idem ab ijs fiet, quibus tu eius muneris aliquam partem concesseris. ac mihi quidem uidetur non sanè magna uarietas esse negotiorum in administranda Asia, sed ea tota iurisdictione maxime suslineri. in qua scientiæ, præsertim provincialis, ratio ipsa expedita est: constantia est adhibenda, & grauitas, quæ resistat non solum gratiæ, uerum etiam suspicioni. adiungenda etiam est facilitas in audiendo, lenitas in discernendo, in satisfaciendo, ac disputando diligentia. his rebus nuper Cn. Octavius iucundissimus fuit: apud quem primus lictor qui fuit, tacuit accensus: quoties quisque uoluit, dixit, & quàm uoluit diu. quibus ille rebus fortasse nimis lenis uideretur, nisi hæc lenitas illam seueritatem tueretur. cogeantur syllani homines, quæ per uim, & metum abstulerant, reddere. qui in magistratibus iniuriose decreuerant, eodem ipsis priuatis erat iure parendum. hæc illius seueritas acerbata uideretur, nisi multis condimentis humanitatis mitigaretur. quod si hæc lenitas grata Romæ est, ubi tanta arrogantia est, tam immoderata libertas, tam infinita hominum licentia, denique tot magistratus, tot auxilia, tanta uis, tanta senatus auctoritas: quàm iucunda tandem Prætoris comitas in Asia potest esse? in qua tanta multitudo ciuium, tanta sociorum, tot urbes, tot ciuitates unius hominis nutum intuentur: ubi nullum auxilium est, nulla cōquestio, nullus senatus, nulla concio. quare permagni hominis est, & cum ipsa natura moderati, tum uero etiam doctrina, atque optimarum artium studijs eruditi, sic



se adhibere in tanta potestate, ut nulla alia potestas ab ijs, quibus præsint, desideretur. Cyrus ille à Xenophonte non ad historię fidem scriptus, sed ad effigiem iusti imperij: cuius summa gravitas ab illo philosopho cum singulari comitate coniungitur: quos quidem libros non sine causa noster ille Africanus de manibus ponere nō solebat: nullum est enim prætermissum in ijs officium diligentis, & moderati imperij. eaque si sic coluit ille, qui priuatus futurus nunquam fuit: quonam modo retinenda sunt ijs, quibus imperium ita datum est, ut redderent, & ab ijs legibus datum est, ad quas reuertendum est? ac mihi quidem videntur huc omnia esse referenda ab ijs, qui præsint alijs, ut ij, qui eorum in imperio erunt, sint quambeatissimi: quod tibi & esse antiquissimum, & ab initio fuisse, ut primum Asiam attigisti, constante fama, atque omnium sermone celebratum est. est autem non modo eius, qui socijs, & ciuibus, sed etiam eius, qui seruis, qui mutis pecudibus præsint, eorum, quibus præsint, commodis, utilitatibusque seruire. cuius quidem generis, constare inter omnes uideo, abs te summam adhiberi diligentiam, nullum æs alienum nouum contrahi ciuitatibus, uetere autem magno, & graui multas abs te esse liberatas urbes: complures dirutas, ac penè desertas, in quibus una Ioniæ nobilissimam, alteram Cariæ, Samum, & Halicarnasum, per te esse recreatas: nullas esse in oppidis seditiones, nullas discordias: prouideri abs te, ut ciuitates optimatum consilijs administrarentur: sublata Mysię latrocinia, cædes multis locis repressas, pacem tota prouincia constitutam, neque solum illa itinerum, atque



## LIB. I. EPIST.

agrorum, sed multo etiam plura, & maiora oppidorū  
 & furta, & latrocinia esse depulsa: remotam à fa-  
 ma et à fortunis, ab otio locupletum illam acerbissi-  
 mam ministrā Prætorum auaritiæ calumniam: sum-  
 ptus, & tributa ciuitatum ab omnibus, qui earum ci-  
 uitatū finis incolant, tolerari æquabiliter: facillimos  
 esse aditus ad te: patere aures tuas querelis omnium: nul-  
 lius inopiam, ac solitudinem non modo illo populari  
 accessu, ac tribunali, sed ne domo quidem tua, & cu-  
 biculo esse exclusam: tuo toto deniq; in imperio nihil  
 acerbum esse, nihil crudele, atque omnia plena clemē-  
 tiæ, mansuetudinis, humanitatis. quantum uero illud  
 est beneficium tuum, q̄ iniquo, et graui uetigali ædi-  
 litiorū, magnis nostris simultatibus, Asiam liberaſti?  
 enim uero, si unus homo nobilis queritur palām, te, q̄  
 edixeris, ne ad ludos pecuniæ decernerentur, HS C C si  
 bi eripuisse: quanta tandem pecunia penderetur, si om-  
 nium nomine, quicunq; Romæ ludos facerent, quod  
 erat iam institutū, erogaretur? quanquā has quere-  
 las hominū nostrorū illo consilio oppressimus, quod in  
 Asia nescio quonam modo, Romæ quidē mediocri cum  
 admiratione laudatur, q̄ cum ad templum, monimen-  
 tumq; nostrum ciuitates pecunias decreuissent; cūq;  
 id & pro magnis meis meritis, & pro tuis maximis  
 beneficijs summa sua uoluntate fecissent; nomina-  
 timq; lex exciperet, ut ad templum, monumentumq;  
 capere liceret; cumq; id, quod dabatur, non esset inter-  
 turum, sed in ornamentis templi futurum, ut non mi-  
 hi potius, quā podulo R. ac Dijs immortalibus da-  
 tum uideretur; tamē id, in quo erat dignitas, erat lex,



erat eorum, qui faciebant, uoluntas, accipiendum non  
 putauit tum alijs de causis, tum etiam ut animo æquo  
 re ferrent ijs, quibus nec deberetur, nec liceret. qua pro  
 pter incumbe toto animo, & studio omni in eam ra-  
 tionem, qua adhuc usus es, ut eos, quos tuæ fidei, pote-  
 statiq; senatus, populusq; R. cōmisit, & credidit, dili-  
 gas, et omni ratione tueare, ut esse quambeatissimos  
 uelis. q. si te fors Afris, aut Hispanis, aut Gallis præfecis-  
 set, immanibus, ac barbaris nationibus: tamen esset hu-  
 manitatis tuæ, consulere eorum commodis, & utilita-  
 ti, salutiq; seruire. cum uero ei generi hominum præsi-  
 mus, nō modo in quo ipsa sit, sed etiam à quo ad alios  
 peruenisse putetur humanitas: certe ijs eam potissimū  
 tribuere debemus, à quibus accepimus: non enim me  
 hoc iam dicere pudebit, præsertim in ea uita, atque ijs  
 rebus gestis, in quibus non potest residere inertia, aut  
 leuitatis ulla suspicio, nos ea, quæ consecuti sumus, ijs  
 studijs, & artibus esse adeptos, quæ sint nobis Græciæ  
 monumentis disciplinisq; tradita. quare, præter cōmu-  
 nem fidem, quæ omnibus debetur, præterea nos isti ho-  
 minum generi præcipue debere uidemur, ut, quorum  
 præceptis simus eruditi, apud eos ipsos, quod ab ijs di-  
 dicerimus, uelimus expromere. atque ille quidem prin-  
 ceps ingenij, & doctrinæ Plato tum denique fere bea-  
 tas Resp. putauit, si aut docti, & sapiētes homines eas  
 regere cœpissent, aut, qui regerent, omne suum studiū  
 in doctrina, ac sapientia collocassent. hanc coniunctio-  
 nem uidelicet potestatis, & sapientiæ, salutē censuit  
 ciuitatibus esse posse: quod fortasse aliquando uni-  
 uersæ Reipub. nostræ, nunc quidem profecto isti pro-



uinciae contigit, ut is in ea summam potestatem haberet, cui in doctrina, cui in uirtute, atque humanitate percipienda plurimum à pueritia studij fuisset, & temporis. quare cura, ut hic annus, qui ad laborem tuum accessit, idem ad salutem Asiae prorogatus esse uideatur: quoniam in te retinendo fuit Asia felicior, quam nos in deducendo; perfice, ut laetitia provinciae desiderium nostrum leniatur: etenim, si in promerendo ut tibi tanti honores haberentur, quanti haud scio an nemini, fuisti omnium diligentissimus, multo maiorem in his honoribus tuendis adhibere diligentiam debes. Et quidem, de isto genere honorum quid sentirem, scripsi ad te ante. semper eos putavi, si uulgares essent, uileis; si temporis causa constituerentur, leuibus; si uero, id quod ita factum est, meritis tuis tribuerentur, existimabam multam tibi in ijs tuendis operam esse ponendam. quare, quoniam in istis urbibus cum summo imperio, & potestate uersaris, in quibus tuas uirtutes consecratas, & in Deorum numero collocatas uides: in omnibus rebus, quas statues, quas decernes, quas ages, quid tantis hominum opinionibus, tantis de te iudicijs, tantis honoribus debeas, cogitabis. id autem erit eiusmodi, ut consulas omnibus, ut medeare incommotis hominum, prouideas salutem, ut te parem Asiae & dici, & haberi uelis. atque huic tuae uoluntati, ac diligentiae difficultatem magnam afferunt publicani: quibus si aduersamur, ordinem de nobis optime meritum, & per nos cum Rep. coniunctum, & à nobis, & à Rep. disiungemus: sin autem omnibus in rebus obsequimur, funditus eos perire patiemur.



mur, quorum non modo salutē, sed etiam commodis  
consulere debemus. hæc est una, si uere cogitare uo-  
lumus, in toto imperio tuo difficultas. nam esse ab-  
stinētem, continere omneis cupiditates, suos coercere,  
& iuris æquabilem tenere rationem, facilem te in rea-  
bus cognoscendis, in hominibus audiendis, admittēdisq;  
præbere, præclarum magis est, quàm difficile: non est  
enim positum in labore aliquo, sed in quadam indu-  
ctiōne animi, atque uoluntate. illa causa publicano-  
rum quantam acerbicatem afferat socijs, intelleximus  
ex ciuibz, qui nuper in portorijs Italiæ tollendis non  
tam de portorio, quàm de nonnullis iniurijs portito-  
rum querebantur. quare non ignoro, quid socijs acci-  
dat in ultimis terris, cum audiuerim in Italia quere-  
las ciuium. hic te ita uersari, ut & publicanis satisfac-  
cias, præsertim publicis male redemptis, & socios peri-  
re non sinas, diuinæ cuiusdam uirtutis esse uidetur, id  
est tuæ. ac primum Græcis id, quod acerbissimum est,  
quod sint uectigales, non ita acerbum uideri debet: pro-  
pterea quod sine imperio populi R. suis institutis per  
se ipsi ita fuerunt: nomen autem publicani aspernari  
non possunt, qui pendere ipsi uectigal sine publicano  
non potuerunt, quod ijs æqualiter Sylla descripserat.  
non esse autem leniores in exigendis uectigalibus Græ-  
cos, quàm nostros publicanos, hinc intelligi potest, qd Cau-  
nij nuper omnes ex insulis, quæ erāt ab Sylla Rhodijs  
attributæ, confugerunt ad senatum, nobis ut potius ue-  
ctigal, quàm Rhodijs penderent. quare nomen publica-  
ni neque ij debent horrere, qui semper uectigales fue-  
runt; neque ij aspernari, qui per se pendere uectis



## LIB. I. EPIST.

gal non potuerunt; neque ij recusare, qui postulaue-  
runt. simul & illud Asia cogitet, nullam à se neque  
belli externi, neque discordiarum domesticarum cala-  
mitatem abfuturā fuisse, si hoc imperio nō teneretur.  
id autem imperiū cum retineri sine uectigalibus nū-  
lo modo possit, æquo animo parte aliqua suorum fru-  
ctuum pacem sibi sempiternam redimat, atq; otium.  
quod si genus ipsum, & nomen publicani nō iniquo  
animo sustinebunt, poterunt ijs cōsilio, et prudētia tua  
reliqua uideri mitiora. possunt in pactionibus facien-  
dis non legē spectare censoriam, sed potius commodita-  
tem conficiendi negotij, & liberationem molestiae. pos-  
tes etiam tu id facere, quod & fecisti egregie, & facis,  
ut cōmemores quanta sit in publicanis dignitas, quan-  
tū nos illi ordini debeamus, ut, remoto imperio, ac uī  
potestatis, & fasciū, publicanos cum Græcis gratia,  
atq; auctoritate cōiungas. sed & ab ijs, de quibus opa-  
time tu meritus es, & qui tibi omnia debent, hoc pe-  
tas, ut facilitate sua nos eā necessitudinem, quæ est no-  
bis cū publicanis, obtinere, & cōseruare patiantur. sed  
quid ego te hæc hortor, quæ tu nō modo facere potes  
tua spē sine cuiusquam præceptis, sed et magna iam  
ex parte perfecisti? non. n. desistunt nobis agere quoti-  
die gratias honestissimæ, & maximæ societates: quod  
quidem mihi iccirco iucūdius est, q̄ idem faciunt Græ-  
ci. difficile est autē, ea, quæ commodis, utilitate, & pro-  
pè natura diuersa sunt, uoluntate cōiungere. at eo qui-  
dem, quæ supra scripta sunt, non, ut te instituerē scri-  
psi (neq; enim prudentia tua cuiusquam præcepta de-  
siderat) sed me in scribendo commemoratio tuæ uir a-



tutis delectauit. quanquam in his literis longior fui,  
quàm aut uellē, aut me putauī fore. unū est, quod tibi  
ego præcipere non desinam, neq; te patiar, quantū in  
me erit, cum exceptiōe laudari: omnes. n. qui istinc ue-  
niunt, ita de tua uirtute, integritate, humanitate com-  
memorant, ut in tuis summis laudibus excipiant unā  
iracundiam. quod uitium cum in hac priuata, quoti-  
dianaq; uita leuīs esse animi, atq; infirmi uidetur. tū  
uero nihil est tam deforme, quàm ad summum impe-  
riū etiā acerbiter naturæ adiungere. quare illud  
non suscipiam, ut, quæ de iracūdia dici solent à doctis-  
simis hominibus, ea tibi nunc exponam, cum et nimis  
longus esse nolim, & ex multorū scriptis ea facile pos-  
sis cognoscere. illud, quod est epistolæ proprium, ut is,  
ad quē scribitur, de ijs rebus, quas ignorat, certior fiat,  
prætermittēdum esse non puto. sic ad nos omnes ferē  
deferunt, nihil, cum absit iracundia, te fieri posse iucū-  
dius: sed, cum te alicuius improbitas, peruersitasq; cō-  
mouerit, sic te animo incitari, ut ab omnibus tua de-  
sideretur humanitas. quare, quoniam in eam ratio =  
nem uite nos nō tam cupiditas quædam gloriæ, quàm  
res ipsa, ac fortuna deduxit, ut sempiternus sermo ho-  
minum de nobis futurus sit: caueamus, quantum ef-  
ficere, & consequi possumus, ne quod in nobis insigne  
uitium fuisse dicatur. neq; ego hoc nunc cōtendo, quod  
fortasse cum in omni natura, tum iam in nostra æta-  
te difficile est, mutare animum, & si quid est penitus  
insitū morib. id subito euellere: sed te illud admoneo,  
ut, si hoc plene uitare non potes, quòd ante occupatur  
animus ab iracundia, quàm providere ratio potuit, ne



## LIB. I. EPIST.

occuparetur; te ante cōpares, quotidieq; meditare resistendum esse iracundiæ; cumq; ea maxime animum moueat, tum tibi esse diligentissime linguam continendam: quæ quidem mihi uirtus nō interdum minor uidetur, quàm omnino non irasci: nam illud non solum est grauitatis, sed nonnunquam etiam lenitudinis: moderari uero & animo, & orationi, cum sis iratus, aut etiam tacere, et tenere in sua potestate motum animi, & dolorem, etsi non est perfectæ sapientiæ, tamen est non mediocris ingenij. atq; in hoc genere multo te esse iam cōmodiorem, mitioremq; nuntiant. nullæ tuæ uehementiores animi concitationes, nulla maledicta ad nos, nullæ contumeliæ perferuntur: quæ cum abhorrent à literis, ab humanitate, tum uero contraria sunt imperio, & dignitati: nam si implacabiles sunt iracundiæ, summa est acerbitas: sin autem exorabiles, summa leuitas: quæ tamen, ut in malis, acerbitati anteponenda est. sed quoniam primus annus habuit de hac reprehensione plurimum sermonis, credo propterea, quòd tibi hominum iniuriæ, quòd auaritia, quòd insolentia præter opiniōem accidebat, & intolerabilis uidebatur; secundus autem multo lenior, quòd & consuetudo, et ratio, & ut ego arbitror, meæ quoque literæ te patientiorem, lenioremq; fecerunt: tertius annus ita esse debet emendatus, ut ne minimam quidem rem quisquā possit ullam reprehendere. ac iam hoc loco non hortatione, neq; præceptis, sed precibus tecum fraternis ago, totum ut animum, curam, cogitationemq; tuam ponas in omnium laude undiq; colligenda. quòd si in mediocri statu sermonis, ac prædicationis nostræ res essent, nō



hil abs te eximium, nihil præter aliorum cōsuetudinē  
postularetur. nunc uero propter earum rerum, in quib-  
us uersati sumus, splendorem, & magnitudinem, nisi  
summam laudem ex ista prouincia assequimur, uix  
uidemur summā uituperationē posse uirare. ea nostra  
ratio est, ut omnes boni tum faueant, tum etiam à no-  
bis omnem diligentiam, uirtutemq; & postulent, &  
expectent; omnes autē improbi, quòd cum ijs bellum  
suscepimus sempiternum, uel minimare ad reprehen-  
dendum contenti esse uideantur. quare quoniam eius-  
modi theatrum est totius Asiæ, celebritate refertissi-  
mum, magnitudine amplissimum, iudicio eruditissi-  
mum, natura autem ita resonans, ut usq; Romam signi-  
ficationes, uocesq; referantur. contende quæso, atq; ela-  
bora, non modo ut his rebus dignus fuisse, sed etiā ut  
illa omnia tuis artibus superasse uideare. & quoniam  
mihi casus urbanam in magistratibus administratio-  
nem Reip. tibi prouincialē dedit, & si mea pars nemi-  
ni cedit; fac, ut tua cæteros uincat. simul & illud co-  
gita, nō de reliqua, & sperata gloria iam laborare, sed  
de parta dimicare: quæ quidem non tā expetēda fuit,  
quā tuenda nobis est, ac si mihi quidquam esset abs  
te separatum, nihil amplius desiderarem hoc statu, quā  
mihi iam partus est: nunc uero res sic sese habet, ut, ni-  
si omnia tua facta, atque dicta nostris rebus istinc re-  
spondeant, ego me meis tantis laboribus, tantisq; peri-  
culis, quorū tu omnium particeps fuisti, nihil consecutū  
putem. q̄ si, ut amplissimum nomen consequeremur,  
unus præter cæteros adiunxisti: certe idem, ut id retinea-  
mus, præter cæteros elaborabis, non est tibi his solis urē



## LIB. I. EPIST.

dum existimationibus, ac iudicijs, qui nunc sunt, hominum, sed ijs etiam, qui futuri sunt. quanquam illorum erit uerius iudicium, obtrectatione, & maleuolentia liberatum. deniq; illud etiam debes cogitare, non te tibi soli gloriam querere: quod si esset, tamen non negligeres, praesertim cum amplissimis monumentis consecrare uoluisses memoriam nominis tui. sed ea tibi est communicanda mecum, prodenda liberis nostris. in qua cauendum est, ne, si negligentior fueris, non solum tibi parum cōsuluisse, sed tuis etiam inuidisse uidearis. atque haec nō eo dicuntur, ut te oratio mea dormientem excitasse, sed potius ut currentem incitasse uideatur. (facies. n. perpetuo, quæ fecisti, ut omnes æquitatē tuā, temperantiam, seueritatem, integritatemq; laudēt) sed me quædam tenet, propter singularem amorem, infinita in te auiditas gloriæ. quanquam illud existimo, cum iam tibi Asia, sicut unicuique sua domus, nota esse debeat, cum ad tuam summam prudentiam tantus usus accesserit, nihil esse, quod ad laudem attineat, quod tu non optime perspicias, & tibi non, sine cuiusquam hortatione, in mentem ueniat quotidie. sed ego, qui, cum tua lego, te audire, & qui, cum ad te scribo, tecum loqui uideor, ideo & tua lōgissima quaq; epistola maxime delector, & ipse in scribendo saepe sum longior. illud te ad extremum & oro, & hortor, ut, tanquam poetæ boni, & aētores industrii solent, sic tu in extrema parte, & conclusionē muneris, ac negotij tui diligentissimus sis, ut hic tertius annus imperij tui tanquam tertius actus perfectissimus, atque ornatus fuisse uideatur. id facillime facies, si me,



cui semper uni magis, quàm uniuerſis, placare uoluisti, tecum semper esse putabis, & omnibus ijs rebus, quas dices, ac facies, interesse. Reliquum est, ut teorem, ut ualitudini tuæ, si me, & omnes tuos ualere uis, diligentissime seruias.

## MARCUS QUINTO FRATRI S.

STATIVS ad me uenit ad VIII. Cal. Nou. eius aduentus, q̄ ita scripsisti, direptum iri te à tuis, dū is abesset, molestus mihi fuit. quòd autem expectationem tui, concursumq; eum, qui erat futurus, si unà tecum decederet: neq; antea uisus esset, sustulit, id mihi non incòmode uisum est accidisse: exhaustus. n. est sermo hominum, & multæ emissæ iā eiusmodi uoces, ἀλλὰ αἰεὶ τινὰ φῶτα μέγαν: quæ te absente confecta esse lætor. quod aut̄ iccirco à te missus est, mihi ut se purgaret, id necesse minime fuit: primum n. nunquam ille mihi fuit suspectus: neq; ego, quæ ad te de illo scripsi, scripsi meo iudicio: sed cum ratio, salusq; omnium nostrum, quī ad Remp. accedimus, non ueritate solū, sed etiam fama niteretur, sermones ad te aliorū semper, nō mea iudicia, perscripsi. quī quidē q̄ frequentes eēnt, & quàm graues, aduētū suo Statius ipse cognouit: et enim interuenit nonnullorum querelis, quæ apud me de illo ipso habebantur, et sentire potuit sermones iniquorū in suum potissimū nomen erumpere. quod aut̄ me maxime mouere solebat, cū audiebā illū plus apud te posse, quàm grauitas illius ætatis, et imperij prudentia postularet (quàm multos. n. mecum egisse putas, ut se Statio cōmendare? quàm multa autem ipsum & p̄e-



## LIB. I. EPIST.

ἄλλος mecum in sermone ita protulisse ? ) id mihi non  
 placuit, monui, suasi, deterrui. quib. in rebus etiam si  
 fidelitas summa est, quod prorsus credo, quoniā tu ita  
 iudicas: tamen species ipsa tā gratiosi liberti, aut serui  
 dignitatem habere nullam potest. atque hoc sic habe-  
 to (nihil. n. nec temere dicere, nec astute reticere debeo)  
 materiam omnem sermonum eorum, qui de te detra-  
 here uelint, statim dedisse: & antea tantum intelli-  
 gi potuisse, iratos tuæ seueritati esse nonnullos; hoc ma-  
 numisso, iraris, quod loquerentur, non defuisse. Nunc  
 respondebo ad eas epistolas, quas mihi reddidit L. Cæ-  
 sarius: cui, quoniam ita te uelle intelligo, nullo loco de-  
 ero. quarū altera est de Blandenio Zeuxide: quem scri-  
 bis certissimum matricidā tibi à me intime comenda-  
 ri. qua de re, et de hoc genere toto, ne forte me in Græ-  
 cos tam ambitiosum factum esse mirere, pauca cogno-  
 sce. Ego, cum Græcorum querelas nimium ualere sentire  
 propter hominum ingenia ad fallendum parata: quos-  
 cunq; de te queri audiui, quacunq; potui ratione pla-  
 caui. primū Dionysipolitas, qui erant inimicissimi mei,  
 leniui, quorum principem Hermippum non solū sermo-  
 ne meo, sed etiam familiaritate deuinxi. ego Apamen-  
 sem Ephæstum, ego leuissimū hominem Megaristū An-  
 tandrium, ego Niciam Smyrnæū, ego nugas maximas  
 omni mea comitate sum complexus, Nymphonem et  
 Colophonium. quæ feci omnia, non quo me aut ij ho-  
 mines, aut tota natio delectaret: pertæsum est n. leui-  
 tatis, assentationis, animorum non officij, sed temporiz-  
 bus seruientium. sed, ut ad Zeuxim reuertar; cum is  
 de Caselij sermone secum habito, quæ tu scribis, ea ipsa  
 loqueretur,



loqueretur, obstiti eius sermoni, & hominem in familia  
 ritatem recepi. tua autem quæ fuerit cupiditas tanta,  
 nescio, quod scribis, cupisse te, quoniam Smyrnæ duos  
 Mysos insuisses in culeum, simile in superiore parte pro-  
 uinciæ edere exemplum seueritatis tuæ, et idcirco Zeu-  
 xim elicere omni ratione uoluisse: quem adductum in  
 iudicium, fortasse dimitti non oportuerit: conquiri ue-  
 ro, & elici blanditijs, ut tu scribis, ad iudicium necesse  
 non fuit, eum præsertim hominem, quem ego & ex  
 suis ciuibus, & ex multis alijs quotidie magis cognosco  
 nobiliorem esse propè, quàm ciuitatem suam. at enim  
 Græcis solis indulgeo. quid L. Cæcilium? non ne omni  
 ratione placavi? quem hominem? qua ira? quo spiri-  
 tu? quem denique præter Tuscenium, cuius causa sana-  
 ri non potest, non mitigavi? ecce supra caput homo le-  
 uis, ac sordidus, sed tamen equestri censu, Catienus.  
 etiam is lenietur. cuius tu in patrem quod fuisti aspe-  
 rior, non reprehendo: certo enim scio, te fecisse cum cau-  
 sa. sed quid opus fuit eiusmodi literis, quas ad ipsum mi-  
 sisti? illum crucem sibi ipsi constituere, ex qua tu eum  
 ante detraxisses: te curaturum, fumo ut comburere-  
 tur, tota plaudente prouincia. quid uero ad C. Fabium  
 nescio quem? (nam eam quoque epistolam T. Catienus  
 circungestat) renunciari tibi, Licinium plagiarium cum  
 suo pullo Miluino tributa exigere. deinde rogas Fa-  
 bium, ut et patrem, & filium uiuos comburat, si possit:  
 sin minus, ad te mittat, uti iudicio comburantur. hæ li-  
 tere abs te per iocum missæ ad C. Fabium, si modo sunt  
 tuæ, cum leguntur, inuidiosam atrocitatem uerborum  
 habent. ac si omnium mearum literarum præcepta re-

Q Q



## LIB. I. EPIST.

petes, intelliges nihil esse à me, nisi orationis acerbicatem,  
 & iracundiam, & si forte, raro literarum missarum  
 indiligentiam reprehensam. quibus quidem in rebus si  
 apud te plus auctoritas mea, quàm tua siue natura pau-  
 lo acrior, siue quædam dulcedo iracundiæ, siue dicen-  
 di sal, facetiæq; ualuisse: nihil sanè esset, quod nos  
 poeniteret. & mediocri me dolore putas affici, cum au-  
 diam, qua sit existimatione Virgilius, qua tuus uicinus  
 Cn. Octavius? nam si te interioribus uicinis tuis, Cili-  
 censi, & Syriaco anteponis, ualde magnum facis. at-  
 que is dolor est, quod, cum ij, quos nominaui, te in-  
 nocentia non uincant, uincunt tamen artificio beneuo-  
 lentia colligenda, qui neque Cyrum Xenophontis, ne-  
 que Agesilaum nouerint, quorum Regum summo in im-  
 perio nemo unquam uerbum ullum asperius audiuit.  
 sed hæc à principio tibi præcipiens, quantum profece-  
 rim, non ignoro. nunc tamen decedens, id quod mihi  
 iam facere uideris, relinque quæso quam uicundissi-  
 mam memoriam tui. successorem habes perblandum.  
 cætera ualde illius aduentu tua requirentur. in literis  
 mittendis, ut sæpe ad te scripsi, nimium te inexorabi-  
 lem præbuiisti. tolle omnes, si potes, iniquas, tolle inu-  
 sitatas, tolle contrarias. Stenius mihi narrauit scriptas  
 ad te solere afferri, ab se legi, & si iniquæ sint, fieri  
 te certiores: ante quàm uero ipse ad te uenisset, nullum  
 delectum literarum fuisse: ex eo esse uolumina selecta-  
 rum epistolarum, quæ reprehendi solerent. hoc de ge-  
 nere nihil te nunc quidem moneo: sero est enim: ac sci-  
 re potes, multa me uarie, diligenterq; monuisse. illud  
 tamen, quod Theopompo mandari, cum essem admo-



nitus ab ipso, uide per homines amantes tui, quod est facile, ut hæc genera tollantur epistolarum, primum iniquarum, deinde contrariarum, tum absurde, & inusitate scriptarum, postremo in aliquem contumeliosarum. atque hæc tam esse, quam audio, non puto: & si sunt, occupationibus tuis minus animaduersa; nunc perspice, & purga. legi epistolam, quam ipse scripsisse Sylla nomenclator dictus est, non probandam. legi non nullas iracundas. sed tempore ipso de epistolis: nam, cum hanc paginam tenerem, L. Flavius Prætor designatus ad me uenit, homo mihi ualde familiaris: is mihi, te ad procuratores suos literas misisse, quæ mihi uisæ sunt iniquissimæ, ne quid de bonis, quæ L. Octauij Nasonis fuissent, cui L. Flavius hæres est, diminuerent ante, quam C. Fundanio pecuniam soluissent: itemq; misisse ad Apollonidenses, ne de bonis, quæ Octauij fuissent, diminui paterentur prius, quam Fundanio debitum solutum esset. hæc mihi uerisimilia non uidentur: sunt enim à prudentia tua remotissima. ne diminuat hæres? quid, si inficiatur? quid, si omnino non debetur? quid? Prætor solet iudicare, deberi? quid? ego Fundanio non cupio? non amicus sum? non misericordia moueor? nemo magis: sed uia iuris eiusmodi est quibusdam in rebus, ut nihil sit loci gratiæ. atque ita, mihi dicebat Flavius, scriptum in ea epistola, quam tuam esse dicebat, te aut quasi amicis tuis gratias acturum, aut quasi inimicis incommoda laturum. quid multa? ferebat grauiter: id uehementer mecum querebatur: orabatq; ut ad te quam diligentissime scriberem: quod facio, & te prorsus uehementer etiam

Q Q ij



LIB. I. EPIST.

atque etiam rogo, ut & procuratoribus Flauij remittas de diminuendo, & Apollonidesibus ne quid praescribas, quod contra Flauium sit; amplius, & Flauij causa, & scilicet Pompeij facias omnia. nolo mediuse fidius ex tua iniuria in illum tibi liberalem me uideri. sed & te oro, ut tu ipse auctoritatem, & monumentum aliquod decreti, aut literarum tuarum relinquant, quod sit ad Flauij rem, & ad causam accommodatum: fert enim grauius homo & mei obseruantissimus, & sui iuris, dignitatisque retinens, se apud te neque amicitia, neque iure ualuisse. & ut opinor, Flauij aliquando rem & Pompeius, & Caesar tibi commendarunt, & ipse ad te scripserat Flauius, & ego certe. quare, si ulla res est, quam tibi me faciendam petente putes, haec ea sit. si me amas, cura, elabora, perfice, ut Flauius & tibi, & mihi quammaximas gratias agat. hoc te ita rogo, ut maiore studio rogare non possim. Quod ad me de Heremia scribis, mihi mehercule ualde molestum fuit. Literas ad te parum fraterne conscripseram, quas oratione Diodoti Luculli liberti commotus, de pactione statim quod audieram, iracundius scripseram, & reuocare cupiebam. huic tu epistola non fraterne scriptae fraterne debes ignoscere. De Censorino, Antonio, Cassio, Scauola, te ab ijs diligere, ut scribis, uehementer gaudeo. cetera fuerunt in eadem epistola grauiora, quam uellem. ὁ περὶ τὸν πρῶτον, & ὁ περὶ τὸν δεύτερον. maiora ista erunt.

Meae obiurgationes fuerunt amoris plenissimae, quae sunt non nullae, sed tamen mediocres, & paruae potius. ego te nunquam ulla in re dignum minima reprehensione putassem, cum te sanctissime gereres, nisi inimicos



multos haberemus. quæ ad te aliqua admonitione, aut obiurgatione scripsi, scripsi propter diligentiam cautionis meæ: in qua & maneo, & manebo, & idem ut tu facias, non desistam rogare. Attalus Iphimeneus mecum egit, ut se ne impedires, quo minus, quod ad Q. Publice ni statuam decretum est, erogaretur. quod ego te rogo; & admoneo, ne talis uiri, tamq; nostri necessarij honorem minui per te, aut impediri uelis. Præterea Aesopi tragœdi, nostri familiaris, Licinius seruus tibi notus aufugit: is Athenis apud Patronem Epicureum pro libero fuit: inde in Asiam uenit: postea Plato quidam Sardinianus Epicureus, qui Athenis solet esse multum, & qui tum Athenis fuerat, cum Licinius eò uenisset; cum eum fugitiuum postea esse ex Aesopi literis cognosset, hominem comprehendit, & in custodiam Ephesi tradidit, sed in publicam, uel in pistrinum, non satis ex literis eius intelligere potuimus. tu quoquo modo, quoniam Ephesi est, hominem inuestiges uelim, summaq; diligentia uel tecum deducas. noli spectare, quanti homo sit: parui enim pretij est, qui iam nihili sit: sed tanto dolore Aesopus est affectus propter serui scelus, & audaciã, ut nihil ei gratius facere possis, quàm si illum per te recuperarit. Nunc ea cognosce, quæ maxime exoptas. Remp. funditus amisimus, adeo, ut Cato adolescens, nullius consilij, sed tamen ciuis Romanus, & Cato, uix uiuus effugeret, quòd, cum Gabinium de ambitu uellet postulare, neque Prætores diebus aliquot adiri possent, uel potestatem sui facerent, in concionem ascendit, & Pompeium priuatus Dictatorem appellauit. propius nihil est factum, quàm ut occideretur. ex hoc, qui sit sta-



LIB. I. EPIST.

tus totius Reip. uidere potes. nostrae tamen causae non uidentur homines defuturi: mirandum in modum profitentur, offerunt se, pollicentur. Et quidem cum spem maxima, tum maiore etiam animo. spero superiores fore nos: confido animo, ut in hac Rep. ne casum quidem ullum pertimescam. sed tamen res sic se habet. si diem nobis Clodius dixerit, tota Italia concurreret, ut multiplicata gloria discedamus. sin autem ui agere conabitur, spero fore studiis non solum amicorum, sed etiam alienorum, ut ui resistamus. omnes & se, & suos liberos, amicos, clientes, libertos, seruos, pecunias denique suas pollicentur. nostra antiqua manus bonorum ardet studio nostri, atque amore. si qui antea aut alieniores fuerant, aut languidiores, nunc horum odio se cum bonis coniungunt. Pompeius omnia pollicetur, & Caesar: quibus ego ita credo, ut nihil de mea comparatione diminuam. Tribuni pl. Dess. sunt nobis amici. Consules se optime ostendunt. Praetores habemus amicissimos, & acerrimos ciues, Domitium, Nigidium, Memmium, Lentulum, bonos etiam alios, sed hos singulareis. quare magnum fac animum habeas, & spem bonam. de singulis tamen rebus, quae quotidie gerantur, faciam te crebro certiore. Vale.

MARCVS QVINTO FRATRI S.

MI FRATER, mi frater, tu ne id ueritus es, ne ego iracundia aliqua adductus pueros ad te sine literis miserim? aut etiam ne te uidere noluerim? ego tibi irascerer? tibi ego possem irasci? scilicet tu me afflixisti, tui me inimici, tua me inuidia, ac non ego te mi-



sere perdidit. meus ille laudatus Consulatus, mihi te, liberos, patriam, fortunas, tibi uelim ne quid eripuerit praeter unum me. sed certe à te mihi omnia semper honesta, & iucunda ceciderunt: à me tibi luctus mea calamitatis, metus tuae, desiderium, mœror, solitudo. ego te uidere noluerim? immo uero me à te uideri nolui: non enim uidisses fratrem tuum; non eum, quem reliqueras; non eum, quem noras; non eum, quem flens flentē, prosequenter proficiscens dimiseras, ne uestigium quidem eius, nec simulacrum, sed quandam effigiem spirantis mortui. atque utinam me mortuum prius uidisses, aut audisses. utinam te non solum uitæ, sed etiam dignitatis meae superstitem reliquisset. sed testor omnes Deos, me hac una uoce à morte esse reuocatum, quod omnes in mea uita partem aliquam tuæ uitæ repositam esse dicebant. quare peccaui, scelerate quæ feci: nam, si cecidisset, mors ipsa meam pietatem, amorem quæ in te facile defenderet. nunc commisi, ut uiuo me careres, uiuo me alijs indigeres, mea uox in domesticis periculis potissimum occideret, quæ saepe alienissimis praesidio fuisset. nam quod ad te pueri sine literis uenerunt, quoniam uides non fuisse iracundiæ causa, certe pigritia fuit, & quædam infinita uis lacrymarum, & dolorum. hac ipsa me quo fletu putas scripsisse? eodem, quo te legere certo scio. an ego possum aut non cogitare aliquando de te, aut unquam sine lacrymis cogitare? cum enim te desidero, fratrem solum desidero. ego uero suauitate propè fratrem propè æqualem, obsequio filiū, consilio parentem. quid mihi sine te unquam, aut tibi sine me iucundum fuit? quid, quod eodem tempo-



## LIB. I. EPIST.

re desidero filiam? qua pietate, qua modestia, quo ingenio, effigiem oris, sermonis, animi mei? quid filium uenustissimum, mihiq; dulcissimum? quem ego ferus, ac ferreus è complexu dimisi meo, sapientiores puerum, quàm ueller:: sentiebat enim miser iam, quid ageretur. quid uero tuum filium? quid? imaginem meam, quem meus Cicero & amabat ut fratrem, & iam, ut maiorem fratrem, uerebatur. quid, quod mulierem miserrimam, fidelissimam coniugem me prosequi non sum passus, ut esset quæ reliquias communis calamitatis communes liberos tueretur? sed tamen, quoquo modo potui, scripsi, & dedi literas ad te Philogono liberto tuo, quas credo tibi postea redditas esse: in quibus idem te hortor, & rogo, quod pueri tibi uerbis meis nunciarunt, ut Romam protinus pergas, & properes: primum enim te praesidio esse uolui, si qui essent inimici, quorum crudelitas non dum esset nostra calamitate satiata: deinde congressus nostri lamentationem pertimui, digressum uero non tulissem: atque etiam id ipsum, quod tu scribis, metuebam, ne à me distrahi non posses. his de causis hoc maximum malum, quod te non uidi, quo nihil amantissimis, & coniunctissimis fratribus acerbius, ac miseriùs uidetur accidere potuisse, minus acerbum, minus miserum fuit, quàm fuisset tum congressio, tum uero digressio nostra. nunc, si potes, id quod ego, qui fortis tibi semper uidebar, non possum, erige te, & confirma, si qua subeunda dimicatio erit. spero, si quid mea spes habet auctoritatis, tibi & integritatem tuam, & amorem in te ciuitatis, & aliquid etià misericordià nostri, praesidij laturam. sin eris ab isto periculo uacuus,



ages scilicet, si quid agi posse de nobis putabis. de quo scribunt ad me quidem multi multa, & se sperare de monstrant: sed ego, quid sperem, non dispicio, cum inimici plurimum ualeant, amici partim deseruerint me, partim etiam prodiderint, qui in meo reditu fortassis reprehensionem sui sceleris pertimescant. sed, ista qualia sint, tu uelim perspicias, mihiq; declares. ego tamen, quandiu tibi opus erit, si quid periculi subeundum uidebis, uiuam. diutius in hac uita esse non possum: neque enim tantum uirium habet ulla aut prudentia, aut doctrina, ut tantum dolorem possit sustinere. scio fuisse & honestius moriendi tempus, & utilius: sed non hoc solum, multa alia pratermisi: quæ si queri uelim præterita, nihil agam, nisi ut augeam dolorem tuum, indicem stultitiam meam. illud quidem nec faciendum est, nec fieri potest, me diutius, quam aut tuum tempus, aut firma spes postulabit, in tam misera, tamq; turpi uita commorari, ut, qui modo fratre fuerim, liberis, coniuge, copijs, genere ipso pecuniæ beatissimus; dignitate, auctoritate, existimatione, gratia non inferior, quàm qui unquam fuerunt amplissimi; is nunc in tam afflictæ, perditaq; fortuna neque me, neque meos lugere diutius possim. quare quid ad me scripsisti de permutatione? quasi uero nunc me non tuæ facultates sustineant. quæ in re ipse uideo miser, & sentio, quid sceleris admiserim, cum de uisceribus tuis, & filij tui satisfacturus sis quibus debes, ego acceptam ex ærario pecuniã tuo nomine frustra dissiparim. sed tamen & M. Antonio quantum tu scripseras, Cepioni tantundem solutum est. mihi ad id, quod cogito, hoc



LIB. I. EPIST.

quod habeo, satis est: siue enim restituimur, siue des-  
 speramur, nihil amplius opus est. tu, si forte quid erit  
 molestiae, te ad Crassum, & ad Calidum conseras cen-  
 seo. quantum Hortensio credendum sit, nescio: me  
 summa simulatione amoris, summaq; assiduitate quoti-  
 diana sceleratissime, insidiosissimeq; tractauit, adiuncto  
 quoque Arrio: quorum ego consilijs, promissis, praeceptis  
 destitutus in hanc calamitatem incidi. sed haec occulta-  
 bis, ne quid obsint. illud caueto, & eo puto per Pompo-  
 nium fouendum tibi esse ipsum Hortensium, ne ille uer-  
 sus, qui in te erat collatus, cum Aedilitatem petebas, de  
 lege Aurelia falso testimonio, confirmetur: nihil enim  
 tam timeo, quam ne, cum intelligant homines quan-  
 tum misericordiae nobis tuae preces, & tua salus allatu-  
 ra sit, oppugnent te uehementius. Messalam tui stu-  
 diosum esse arbitror: Pompeium etiam simulatorem pu-  
 to. sed haec utinam non experiare: quod precarer Deos,  
 nisi meas preces audire desissent: ueruntamen precor,  
 ut his infinitis nostris malis contenti sint: in quibus non  
 modo tamen nullius inest peccati infamia, sed omnis do-  
 lor est, quod optime factis poena est maxima constitu-  
 ta. Filiam meam, & tuam, Ciceronemq; nostrum  
 quid ego mi frater tibi commendem? quin illud mae-  
 reo, quod tibi non minorem dolorem illorum orbitas  
 affert, quam mihi. sed te incolumi orbi non erunt, re-  
 liqua, ita mihi salus aliqua detur, potestasq; in patria  
 moriendi, ut me lacrymae non sinunt scribere. etiam  
 Terentiam uelim tuare, mihiq; de omnibus rebus re-  
 scribas. sis fortis, quoad rei natura patietur. Idibus  
 Iun. Thessalonicae. Vale.



## MARCUS QUINTO FRATRI S.

AMABO te mi frater, ne, si uno meo facto &  
 tu, & omnes mei corruisti, improbitati, et sceleri meo po-  
 tius, quàm imprudentiæ, misericordiæq; assignes. nullum  
 est meum peccatum, nisi quodd ijs credidi, à quibus ne-  
 fas putaram esse me decipi, aut etiã quibus ne id expedi-  
 re quidem arbitrabar. intimus, proximus, familiarissimus  
 quisque aut sibi pertimuit, aut mihi inuidit. ita mihi ni-  
 hil misero, præter fidem amicorum. cautum meum con-  
 silium fuit. quodd si te satis innocentia tua, et misericor-  
 dia hominum uindicat hoc tempore à molestia; perspi-  
 cis profecto, ecquenam nobis salutis spes relinquatur.  
 nam me Pomponius, & Sestius, & Piso noster adhuc  
 Thessalonicae retinuerunt, cum longius discedere propter  
 nescio quos motus uetarent. uerum ego magis exitum  
 illorum literis, quàm spe certa expectabam: nam quid  
 sperem, potentissimo inimico, dominatione obrectato-  
 rum, infidelibus amicis, pluribus inuidis? Denocius au-  
 tem Trib. pl. est ille quidem in me officiosissimus, Sestius,  
 & spero, Curtius, Milo, Fadius, Gratidius, sed ualde  
 aduersante Clodio: qui etiã priuatus eadem manu po-  
 terit conciones concitare: deinde etiã intercessor para-  
 bitur. hæc mihi proficiscenti non proponebantur; sed sæ-  
 pe triduo summa cum gloria dicebar esse rediturus.  
 quid tu igitur, inquires? quid? multa conuenerunt, quæ  
 mentem exturbarent meam, subita defectio Pompeij,  
 alienatio Consulum, etiã Prætorum timor, publicano-  
 rum arma, lacrymæ meorum me ad mortem ire pro-



## LIB. I. EPIST.

hibuerunt: quod certe & ad honestatem, & ad effu-  
giendos intolerabiles dolores fuit aptissimum. sed de  
hoc scripsi ad te in ea epistola, quam Phaetonti dedi.  
nunc tu, quoniam in tantum luctum, laborem detru-  
sus es, quantum nemo unquam, si releuare potes com-  
munem casum misericordia hominum, scilicet incredi-  
bile quiddam assequeris. sin plane occidimus; me mi-  
sorum, ego omnibus meis exitio fuero, quibus ante de-  
decori non eram. sed tu, ut ante ad te scripsi, perspi-  
ce rem, & pertenta, & ad me, ut tempora nostra,  
non ut amor tuus fert, uere perscribe. ego uitam, quo-  
ad putabo tua interesse, aut ad spem seruandam esse,  
retinebo. tu nobis amicissimum Sestium cognosces; cre-  
do tua causa uel Lentulum, qui erit Consul. quanquam  
sunt facta uerbis difficiliora. tu, & quid opus sit, &  
quid sit, uidebis omnino. si tuam solitudinem, com-  
munemq; calamitatem nemo despexerit: aut per te con-  
fici aliquid, aut nullo modo poterit. sin te quoque ini-  
mici uexare coeperint: ne cessaris: non enim gladijs te  
cum, sed litibus agetur. uerum hac absint uelim. te  
oro, ut ad me de omnibus rebus scribas, & in me ani-  
mi potius, aut consilij putes minus esse, quam antea, amo-  
ris uero, & officij non minus. Vale.



M. TVLLII CICERONIS EPISTOLARVM  
AD Q. FRATREM  
LIBER II.

MARCVS QVINTO FRATRI S.

EPISTOLAM, quam legisti, mane dederam. sed fecit humaniter Licinius, quodd ad me, misso senatu, uesperu uenit, ut, si quid esset actum, ad te, si mihi uideretur, perscriberem. Senatus fuit frequentior, quam putabamus esse posse mense Decembri sub dies festos. consulares nos fuimus, et duo Consules designati, P. Seruilius, M. Lucullus, Lepidus, Volcatius, Glabrio, Praetores. sanè frequentes fuimus, omnino ad ducentos. commorat expectationem Lupus. egit causam agri Campani sanè accurate: auditus est magno silentio. materiam rei non ignoras. nihil ex nostris actionibus praetermisit. fuerunt non nulli aculei in C. Caesarem, contumeliae in Gellium, expostulationes cum absente Pompeio. causa sero perorata, sententias se rogaturum negauit, ne quod onus simultatis nobis imponeret: ex superiorum temporum conuiuijs, & ex praesenti silentio, quid senatus sentiret, se intelligere dixit. Milo coepit dimittere. tum Marcellinus, noli, inquit, ex taciturnitate nostra Lupe, quid aut probemus hoc tempore, aut improbemus, iudicare. ego, quod ad me attinet, idemq; arbitror ceteros, idcirco taceo, quodd non existimo, cum Pompeius absit, causam agri Campani agi conuenire. tum ille se senatum negauit tene-



## LIB. II. EPIST.

re. Racilius surrexit, & de iudicijs referre coepit: Marcellinum quidem primum rogauit. is cum graui-  
ter de Clodianis incendijs, trucidationibus, lapidatio-  
nibus questus esset, sententiam dixit, ut ipse iudices per  
Prætores urbanum sortiretur: iudicum sortitione fa-  
cta, comitia haberentur: qui iudicia impediuisset, eum  
contra Remp. esse facturum. approbata ualde senten-  
tia, C. Cato contra dixit, & Cassius, maxima accla-  
matione senatus, cum comitia iudicijs anteferreret. Phi-  
lippus assensit Lentulo. postea Racilius de priuatis me  
primum sententiam rogauit. multa feci uerba de toto  
furore, latrocinioq; P. Clodij: eum tanquam reum ac-  
cusauit multis, & secundis admurmurationibus cuncti  
senatus. orationem meam collaudauit satis multis uer-  
bis, non mehercule indiferte, Seuerus Antistius, isq; iu-  
diciorum causam suscepit, antiquissimamq; se habitu-  
rum dixit. ibatur in eam sententiam. tum Clodius ro-  
gatus, diem dicendo eximere coepit. furebat, à Raci-  
lio se contumaciter, urbaneq; uexatum. deinde eius  
operæ repente à Græcostasi, & gradibus clamorem  
satis magnum sustulerunt, opinor in Q. Sestilium,  
& amicos Milonis incitate. eo metu iniecto, repente  
magna querimonia omnium discessimus. Habes acta  
unius diei. reliqua, ut arbitror, in mensem Ianuarium  
reiciuntur. De Tribunis pl. longe optimum Racilius  
habemus. uidetur etiam Antistius amicus nobis fore.  
nam Plautius noster totus est. Fac, si me amas, ut  
considerate, diligenterq; nauige de mense Decembri.  
Vale.



## MARCUS QUINTO FRATRI S.

NON occupatione, qua eram sanè impeditus, sed parvula lippitudine adductus sum, ut dictarem hanc epistolam, & non, ut soleo, ad te ipse scriberem. & primum me tibi excuso in eo ipso, in quo te accuso: me enim adhuc nemo rogavit, num quid in Sardiniam uellem: te pu- to saepe habere, etsi nò semper, qui, num quid Romam ue- lis, querant. Quod ad me de Lentuli, & Sexti nomi- ne scripsisti; locutus sum cum Cincio. quo modo res se habet, non est facillima. sed habet profecto quoddam Sardinia appositum ad recordationem præteritæ memo- riæ: nam, ut ille Gracchus Augur, posteaquam in istam provinciam uenit, recordatus est, quid sibi in cæpo Mar- tio comitia Consulû habenti cõtra auspicia accidisset; sic tu mihi uideris in Sardinia de forma Minutiana, & de nominibus Pomponianis in otio recogitasse. sed ego ad- huc emi nihil. Culeonis auctio facta est. Tusculano emptor nemo fuit. si conditio ualde bona fuerit, for- tasse non omitam. De ædificatione tua, Cyrum urgere non cesso: spero eum in officio fore: sed omnia sunt tar- diora propter furiosæ Aedilitatis expectationem: nam comitia sine mora futura uidentur: edicta sunt ad X I. Cal. Febr. te tamen sollicitum esse nolo: omne genus à nos- bis cautionis adhibebitur. De rege Alexandrino, fa- ctum est S. C. cû multitudine reduci, periculosum Reip. uideri. reliqua cum esset in senatu contentio, Lentulus ne, an Pompeius reduceret, obtinere causam Lætulus ui- debatur. in ea re nos et officio erga Lentulum mirifi- ce, et uoluntati Pompeij præclare satisfacimus. sed per



## LIB. II. EPIST.

obrectatores Lentuli res calumnia extracta est. consecuti sunt dies comitiales, per quos senatus haberi non poterat. quid futurum sit latrocinio Tribunorum, non diuino: sed tamen suspicor per uim rogationem Caninium parlaturum. in ea re Pompeius quid uelit, non dispicio: familiares eius quid cupiant, omnes uident. creditores uero Regis aperte pecunias suppeditant contra Lentulum. sine dubio res à Léntulo remota uidetur esse, cum magno meo dolore: quanquam multa fecit, quare, si fas esset, iure ei succensere possemus. Tu, si ita expedit, uelim quamprimum bona, & certa tempestate conscēdas, ad meq; uenias. innumerabiles enim res sunt, in quibus te quotidie in omni genere desiderem. Tui, nostriq; ualent. Vale. XIII. Cal. Febr.

## MARCUS QUINTO FRATRI S.

SCRIPSI ad te antea superiora. nūc cognosce, postea quæ sint acta. A' Cal. Febr. legationes in Id. Febr. reiciebantur. eo die res confecta non est. ad III. Non. Milo affuit: ei Pompeius aduocatus uenit. dixit Marcellus à me rogatus. honeste discessimus. producta dies est in VIII. Id. interim reiectis legationibus in Idus, referebatur de prouincijs Quæstorum, & de ornandis Prætoribus. sed res multis querelis de Rep. interponendis nulla transacta est. Cato legem promulgauit de imperio Lentulo abrogando. uestitum filius mutauit. ad VIII. Id. Milo affuit: dixit Pompeius, siue uoluit: nam, ut surrexit, operæ Clodianæ clamorem sustulerunt; idq; ei perpetua oratione contigit, non modo ut acclamatione, sed ut conuiuitio, & maledictis impediretur.



retur . qui ut perorauit (nam in eo sanè fortis fuit,  
 non deterritus, dixit omnia, atque interdum etià si-  
 lentio, cum auctoritate peregerat) sed ut perorauit,  
 surrexit Clodius: ei tantus clamor à nostris, (placue-  
 rat enim referre gratiam) ut neque mente, neque lin-  
 gua, neque ore consisteret. ea res acta est, cum hora  
 VI. uix Pompeius perorasset, usque ad horam VIII.  
 cum omnia maledicta, uersus etiam obscœnissimi in  
 Clodium. & Clodium dicerentur. ille furens, & ex-  
 anguis interrogabat suos in clamore ipso, quis esset,  
 qui plebem fame necaret? respondebant operæ, Pom-  
 peius: quis Alexandriam ire cuperet? respondebant,  
 Pompeius: quem ire uellent? respondebant, Crassum.  
 is aderat tum, Miloni animo non amico. hora ferè  
 IX, quasi signo dato, Clodiani nostros consputare cœ-  
 perunt. exarsit dolor. urgere illi, ut loco nos moue-  
 rent. factus est à nostris impetus, fuga operarum. eie-  
 ctus de rostris Clodius: ac nos quoque tum fugimus.  
 ne quid in turba. senatus uocatus in curiam. Pompe-  
 ius domum. neque ego tamen in senatum, ne aut de tā-  
 tis rebus tacerem, aut in Pompeio defendendo (nam is  
 carpebatur à Bibulo, Curione, Fauonio, Seruilio fio-  
 lio) animos bonorum offenderem. res in posterum di-  
 lata est. Clodius in Quirinalia produxit diem. ad VII.  
 Id. senatus ad Apollinis fuit, ut Pompeius adesset. acta  
 res est grauitè à Pompeio. eo die nihil perfectum est.  
 ad VI. Id. ad Apollinis S. C. factum est, ea, quæ facta  
 essent ad VIII. Idus, contra Remp. esse facta. eo die  
 Cato est uehementer in Pompeium inuectus, & eum  
 oratione perpetua tanquam reū accusauit: de me mul-

R R



ta, me inuito, cum mea summa laude dixit, cum il-  
lius in me perfidiam increparet. auditus est magno si-  
lentio maleuolorum. respondit ei uehementer Pompe-  
ius, Crassumq; descripsit, dixitq; aperte, se munitio-  
rem ad custodiendam uitam suam fore, quam Africa-  
nus fuisset, quem C. Carbo interemisset. itaque magne  
mihi res iam moueri uidebantur: nam Pompeius hæc  
intelligit, nobiscūq; comunicat, insidias uitæ suæ fieri,  
Catonem à Crasso sustentari, Clodio pecuniam suppedi-  
rari, utrunq; & ab eo, & à Curione, Bibulo, cæterisq;  
suis obrectatoribus confirmari; uehementer esse prou-  
dendū, ne opprimatur, concionario illo populo à se pro-  
pè alienato, nobilitate inimica, nō æquo senatu, inuētu-  
re improba. itaque se comparat, homines ex agris accer-  
sit. operas autem suas Clodius confirmat. manus ad  
Quirinalia paratur. in eo multo sumus superiores ipsi-  
us copijs. sed magna manus ex Piceno, & Gallia expe-  
ctatur, ut etiā Catonis rogationibus de Milone, & Len-  
tulo resistamus. Ad IIII. Id. Sestius ab indice Cn.  
Nerio Pupinia de ambitu est postulatus, & eodem die  
à quodam M. Tullio de uī. is erat æger. domum, ut de-  
buimus, ad eum statim uenimus, eiq; nos totos tradidi-  
mus, idq; fecimus præter hominū opinionē, qui nos ei iu-  
re succensere putabant; ut humanissimi, gratissimiq; et  
ipsi, & omnibus uideremur: itaq; faciemus. sed idem  
Nerius index edidit ad allegatos Cn. Lentulum Vacciā,  
& C. Cornelium, eodem die S. C. factum est, ut sodali-  
tates, decuriatq; discederēt, lexq; de ijs ferretur, ut qui  
non discessissent, ea pœna, quæ est de uī, tenerentur.  
Ad IIII. Id. dixi pro Bestia de ambitu apud Pretorem



Cn. Domitium in foro medio, maximo conuentu : incē-  
 diq; in eam locum in dicendo, cum Sestius multis in tē-  
 plo Castoris uulneribus acceptis, subsidio Bestiæ senatus  
 esset. hic μεσοκονομῶν quidam ὑποκρίεσθαι de ijs, quæ  
 in Sestiū apparabantur crimina, & eum ornaui ueris  
 laudibus, magno assensu omnium. res homini fuit ue-  
 hementer grata. quæ tibi eo scribo, q̄ me de retinenda  
 Sestij gratia literis monuisti. Pridie Id. hæc scripsi an-  
 te lucem. eo die apud Pomponium in eius nuptijs erā  
 coenatum. cetera sunt in rebus nostris, cuiusmodi tu  
 mihi fere diffidenti prædicabas, plena dignitatis, et gra-  
 tia : quæ quidē tua mi frater prudentia, patientia, uir-  
 tute, pietate, suauitate etiā, tibi, mihiq; sunt restituta.  
 Domus tibi ad Lucum Pisonis Liciniana conducta est.  
 sed, ut spero, paucis mensibus post Calēdas Quint. in tuā  
 commigrabis. tuam in Carinis mundi habitatores La-  
 mīæ conduxerunt. A te post illam Olbiensem episto-  
 lam nullas literas accepī. quid agas, & ut te oblectes,  
 scire cupio, maximeq; te ipsum uidere quamprimum.  
 Cura mi frater, ut ualeas : & quanquam est hiems, ta-  
 men Sardiniam istam esse cogites. XV. Cal. Mar.

MARCUS QUINTO FRATRI S.

SESTIVS noster absolutus est III. Id. Mar. &  
 quod uehementer interfuit Rei. nullam uideri in eius-  
 modi causa dissensionē esse, omnibus sententijs absolu-  
 tus est. illud, quod tibi saepe curæ esse intellexerā, ne cui  
 iniquo relinqueremus uituperādi locū, qui nos ingra-  
 tos eē diceret, nisi illius peruersitatē quibusdā in rebus  
 q̄ humanissime ferremus, scito hoc nos in eo iudicio cōse-

RR ij



LIB. II. EPIST.

cutos esse, ut omnium gratissimi iudicaremur: nam in defendendo moroso homine cumulatissime satisfecimus, & id quod ille maxime cupiebat, Vatinium, a quo paulam oppugnabatur, arbitrato nostro concidimus, Dijs, hominibusq; plaudentibus. quin etiam Paulus noster, cum testis productus esset in Sestium, confirmavit, se nomen Vatinij delaturum, si Macer Licinius cunctaretur: & Macer a Sestij subsecijs surrexit, ac se illi non defuturum affirmavit. quid quæris? homo petulans, & audax Vatinus ualde perturbatus, debilitatusq; discessit. Quintus tuus, puer optimus, eruditur egregie. hoc nunc magis animaduerto, q̃ Tyrannio docet apud me. Domus utriusque nostrum ædificatur strenue, redemptori tuo dimidiū pecuniæ curavi. spero nos ante hiemem contubernales fore. De nostra Tullia tuī me hercule amantiſſima spero cum Crassipede nos cōfecisse. dies erant duo, qui post latinas habentur religiosi. cæterum confectum erat. latiar erat exiturus. Ad \* VII. Id. Aprilis sponsalia Crassipedi præbui. huic conuiuiō puer optimus Quintus tuus, meusq; q̃ perlexiter commotus fuerat, defuit. Ad VI. Id. Apr. ueni ad Quintum, eumq; uidi planè integrum; multumq; is mecum sermonem habuit, & perhumanū de discordijs mulierum nostrarum. quid quæris? nihil festiuus. Pomponia autem etiam de te quæſta est. sed hæc coram agemus. A puero ut disceſſi, in aream tuam ueni. res agebatur multis ſtructoribus. Longilium redemptorē cohortatus ſum. fidem mihi faciebat, ſe uelle nobis placere. domus erit egregia: magis enim cerni iam poterat, quàm quantum ex forma iudicabamus. iteq;



nostra celeriter edificabatur. eo die coenavi apud Cras-  
sipedem: coenatus, in hortos ad Pompeium lectica latus  
sum. Luceium convenire non potueram, quod abfuerat.  
videre autem volebam, quod eram postride Roma exitu-  
rus, et quod ille in Sardiniam iter habebat. hominem con-  
veni, et ab eo petivi, ut quamprimum te nobis redde-  
ret. statim, dixit. erat autem iturus, ut diebat, ad III.  
Id. Apr. ut aut Labrone, aut Pisis conscenderet. tu mi  
frater, simul ac ille venerit, primam navigationem,  
dummodo idonea tempestas sit, ne omiseris. Ad II.  
Id. Apr. ante lucem hanc epistolam dictaueram, scri-  
pseramque in itinere, ut eo die apud T. Titium in Anas-  
gnino manerem. postridie autem in Laterio cogitaba:  
inde, cum in Arpinati quinque dies fuisset, ire in Pom-  
peianum, rediens aspicere Cumanum, ut, quoniam in  
Nonas Maias Miloni dies producta est, prid. Non. Ro-  
ma essem, teque mi carissime, et suavissime frater ad eam  
diem, ut sperabam, uiderem. edificationem Arcani ad-  
tuum aduentum sustentari placebat. fac mi frater ut  
ualeas, quamprimumque venias. Vale.

MARCUS QUINTO FRATRI S.

O LITERAS mihi tuas iucundissimas, expecta-  
tas, ac primo quidem cum desiderio, nunc vero etiam cum  
timore. atque has scito literas me solas accepisse post illas,  
quas tuus nauta attulit Olbia datas. sed cetera, ut scri-  
bis, presenti sermoni reseruentur. hoc tamen non queo  
differre. Idibus Maiis senatus frequens diuinus fuit in  
supplicatione Gabinio deneganda. adiurat Porcilius

RR ij



## LIB. II. EPIS. T.

hoc nemini accidisse. foris ualde plauditur. mihi cum sua sponte iucundum, tum iucundius, q̄ me absente, (est enim <sup>aliquis</sup> iudicium) sine oppugnatione, sine gratia nostra. eram Antij. Quod Idibus, & postridie, fuerat dictum, de agro Campano actum iri, nō est actum. in hac causa mihi aqua hāret. sed plura, quā constitueram: corā enim. Vale mi optime, ac optatissimi me frater, & aduola. idem te nostri rogant pueri. illud scilicet, cōenabis, cum ueneris. Vale.

## MARCUS QUINTO FRATRI S.

PLACITVRVM tibi esse librū meū suspicabar: rā ualde placuisse, quā scribis, ualde gaudeo. quod me admones de non curantia, suadesq; ut meminerim Iouis orationem, quæ est in extremo illo libro: ego uero memini, & illa omnia mihi magis scripsi, quā ceteris. sed tamen postridie, quā tu es profectus, multa nocte cum Vibullio ueni ad Pampeium: cumq; ego egissem de istis operibus, atque inscriptionibus, perbenigne mihi respondit, magnam spem attulit, cum Crasso se dixit loqui uelle, mihiq; ut idem facerem, suaserit. Crassum Cos. ex senatu domū reduxi. suscepit rem, dixitq; esse, quod Clodius hoc tempore cuperet per se, & per Pompeium consequi: putare se, si ego eum non impedirem, posse me adipisci sine contentione, quod uellem. totum ei negotium permisi, meq; in eius potestate dixi fore. interfuit huic sermoni P. Crassus, adolescēs nostri, ut scis, studiosissimus. illud autem, quod cupit Clodius, est legatio aliqua, si minus per senatum, per populum, libera, aut



Bizantium, aut Brogitaram, aut utrunque. plena res  
 numorum. quod ego non nimium laboro, etiam si mi-  
 nus assequor quod uolo. Pompeius tamen cum Crasso  
 locutus est. uidentur negotium suscepisse. si perficiunt,  
 optime: sin minus ad nostrum Iouem reuertamur. ἀμ-  
 φιλαφίαν autem illam, quam tu soles dicere, bono modo  
 desidero, sic prorsus, ut aduenientem excipiam libeter,  
 latentem etiam nunc non excitem. Tribus locis aedi-  
 co: reliqua reconcinno: uiuo paulo liberalius, quam sole-  
 bam. opus erat, si te haberem paulisper, fabris locum  
 dare. sed & hæc, ut spero, breui inter nos communica-  
 bimus. Res autem Romanæ sic se habent. Consul est  
 egregius Lentulus, non impediēte collega, sic inquam  
 bonus, ut meliorem nō uiderim. dies comitiales exemit  
 omnes: nam etiam Latinae instaurantur: nec tamen de-  
 erant supplicationes. sic legibus perniciosissimis obsisti-  
 tur, maxime Catonis cui tamen egregie imposuit Milo  
 noster: nam ille uindex gladiatorum & bestiariorum  
 emerat de Cosconio, et Pomponio bestiarios, nec sine his  
 armatis unquam in publico fuerat: hos alere non pote-  
 rat, itaque uix tenebat. sensit Milo: dedit cuidam non  
 familiari negotium, qui sine suspitione emeret eā fami-  
 liam à Catone. quæ simul atque abducta est, Racilius,  
 qui uiuus est hoc tēpore Tribunus pl. rē patefecit, eosq;  
 homines sibi empros esse dixit, (sic enim placuerat) &  
 tabulam proscripsit, se familiā Catonianā uenditurū.  
 in eam tabulam magni risus consequebatur, nunc igitur  
 Catonem Lentulus à legibus remouit, et eos, qui de  
 Cesare monstra promulgarunt, quibus intercederet ne-  
 mo. nam quod de Pompeio Caninius agit, sane quā res



## LIB. II. EPIST.

frixit: neque enim res probatur, & Pompeius noster in  
amicitia P. Lentuli vituperatur: et hercule nō est idem:  
nam apud illam perditissimam, atq; infimam fecē po-  
puli propter Milonem suboffendit: & boni multa ab  
eo desiderant, multa reprehendunt. Marcellinus autem  
hoc uno mihi quidē non satisfacit, q̄ eum nimis aspere  
tractat. quāquā id senatu nō inuito facit. quo ego me  
libentius à curia, & ab omni parte Reip. subtraho. in  
iudicijs ij sumus, qui fuimus. domus celebratur, ita, ut  
cum maxime. unum accidit imprudentia Milonis incō-  
mode, de Sex. Celio: quem neque hoc tempore, neq; ab  
imbecillis accusatoribus mihi placuit accusari. ei tres  
sententia teterrimae in consilio defuerunt. itaque homi-  
nem populus reuocat: & retrahatur, necesse est: non  
enim ferunt homines, & quia, cum apud suos diceret,  
pene dānatus est, vident damnatum. ea ipsa in re Pom-  
peij offensio nobis obstitit: senatorum enim urna copio-  
se abstulit, equitum adaequauit, Tribuni ærarij condē-  
narunt. sed hoc incommodum consolantur quotidiana  
dānationes inimicorum, in quibus me perlubente Ser-  
uius allisus est, ceteri conciduntur. Cato concionatus est,  
comitia haberi nō siturum, si sibi cum populo dies agē-  
di essent exempti. & Appius à Cæsare non dum redie-  
rat. Tuas mirifice literas expecto. atq; adhuc clau-  
sum mare scio fuisse: sed quosdam uenisse tamē Olbia  
dicebant, qui te unice laudarent, plurimiq; in provin-  
cia fieri dicerent. ijdem diebant, nunciare, te prima na-  
uigatione transmissurum. id cupio: & quanquam te  
ipsum scilicet maxime, tamen etiam literas tuas ante  
expecto. Mi frater Vale.



MARCUS QUINTO FRATRI S.

DEDERAM ad te literas antea, quibus erat scrīptū, Tulliam nostrā Crassipedi pridie Non. Apr. esse desponsatā: ceterāq; de Rep. & priuata perscripseram. postea sunt haec aēta. Nonis Apr. S. C. Pompeio pecunia decreta in rem frumentariam ad HS MCCCC. sed eodem die uehementer aētum de agro Campano, clamore senatus prope concionali. acriorē causam inopia pecuniae faciebat, & annonae caritas. non praetermittam ne illud quidem. M. Furium Flaccum, equitem Romanum, hominem nequam, Capitolini, & Mercuariales de collegio eiecerunt, praesentem ad pedes uniuscuiusque iacentem. Ad III. Id. Maij S. C. factum est de ambitu in Afranij sententiam; quam ego dixeram, cum tu adesses: sed magno cum gemitu senatus Consules nō sunt persecuti eorum sentētiās, qui Afranio cum essent assensi, addiderunt, ut Praetores ita crearentur, ut dies LX. priuati essent. eo die Catonem plane repudiarunt. quid multa? tenent omnia, idq; ita omnes intelligere uolunt. Vale.

MARCUS QUINTO FRATRI S.

TV METVIS, ne me interpellas? primum, si in isto essem, tu scis quid sit interpellare. an te Ateius? me hercule mihi docere uidebaris istius generis humanitatis: qua quidē nihil utor abs te. tu uero ut me et appelles, & interpellas, & obloquare, & colloquare, uelim: quid enim mihi suauius? nō me hercule quisquam *μουσικάτακτε* libentius sua recētia poemata legit, quā



## LIB. II. EPIST.

ego te audio quacunq; de re, publica, privata, rustica,  
urbana. sed mea factum est inuisa uerecundia, ut te  
proficiscens non tollerem. opposuisti semel *ἀντικτω* cau-  
sam Ciceronis nostri ualitudinem: conticui. iterum Ci-  
cerones: quicui. nunc mihi iucunditatis plena epistola  
hoc aspersit molestiae, quid eris, ne mihi molestus esses,  
ueritus esse, atque etiam nunc uereri. litigare tecum, si  
fas esset. sed mehercule istuc si unquam suspicatus ero,  
nihil dicam aliud, nisi uerebor, ne quando ego tibi,  
cum sum una, molestus sim. uideo te ingemuisse. sic  
fit. *εἰ δ' ἂν, εἰ ἂν εἴποις*: nunquam enim dicam, *εἰ ἂν πᾶ-  
σας*? Marium autem nostrum in lecticam mehercule  
coniecissem, non illam Regis Ptolemæi Anitianum: me-  
mini enim, cum hominem portarem ad Baias Neapoli  
oëtophoro Anitiano, machærophoris centum sequenti-  
bus, miros risus nos edere, cum ille ignarus sui comitas-  
tus, repente aperuit lecticam, & penè ille timore, ego  
risu corruui. tunc, ut dico, certe sustulissim, ut aliquan-  
do subtilitatē ueteris urbanitatis, & humanissimi ser-  
monis attingerem. sed hominem infirmum in uillam  
apertam, ac ne rudem quidem etiam nunc, inuitare no-  
lui. hoc uero mihi peculiare fuerit, hic etiam isto frui.  
nam illorum prædiorum scito mihi uicinum Marium  
lumen esse. apud Anitium, uidebimus, ut paratum sit:  
nos enim ita philologi sumus, ut uel cum fabris habita-  
re possimus. habemus hanc philosophiam, nam ab Hy-  
metto, sed ab area Syra. Marius & ualitudine est, &  
natura imbecilior. De interpellatione, tantum sumā  
à uobis temporis ad scribendum, quantum dabitis: uti-  
nam nihil detis, ut potius uestra iniuria, quàm igna-



uia mea cessem. De Rep. nimium te laborare doleo, et  
 meliorem ciuem esse, quàm Philoeteterem, qui, accepta  
 iniuria, illa spectacula querebat, quæ tibi acerbæ esse  
 uideo. amabo te, aduola: consolabor te, et omnem ab  
 stergebo dolorem. et adduc, si me amas, Marium:  
 sed appropriate. hortus domi est. Vale.

## MARCUS QUINTO FRATRI S.

EPISTOLAM hæc conuitio efflagitarunt codi-  
 cili tui. nam res quidem ipsa, et is dies, quo tu es profe-  
 ctus, nihil mihi ad scribendum argumenti sanè dabat.  
 sed quemadmodum, coram cū sumus, sermo nobis deesse  
 non solet: sic epistolæ nostræ debent interdum hallucina-  
 ri. Tenediorum igitur libertas securi Tenedio præcē-  
 sa est, cū eos, præter me, et Bibulum, et Calidium,  
 et Fauonium, nemo defenderet. De te magis ab Sipy-  
 lo mentio est honorifica facta, cum te unum dicerent  
 postulationi L. Sestij Pansæ reslitisse. reliquis diebus, si  
 quid erit quod te scire opus sit, aut etiā si nihil erit, ta-  
 men scribam quotidie aliquid. Prid. Id. neq; tibi, neque  
 Pomponio deero. Lucretij poemata, ut scribis, non ita  
 sunt multis luminibus ingenij, multæ tamen artis. sed  
 cum ueneris, uirum te putabo. si Sallustij Empedoclea  
 legeris, hominem non putabo. Vale.

## MARCUS QUINTO FRATRI S.

GAVDEO tibi iucundas esse meas literas. nec ta-  
 mē habuissem scribēdi nunc quidem ullum argumētū,  
 nisi tuas accepissem: nam prid. Id. cum Appius sena-  
 tum infrequentem coegisset, tantum fuit frigus, ut po-



## LIB. II. EPIST.

puli conuitio coactus sit nos dimittere. De Comageno Rege q̄ rem discusseram, mirifice mihi & per se, et per Pomponium blanditur Appius: uidet enim, hoc genere dicendi si utar in cæteris, Februarium sterilem futurum: eumq; lusi iocose satis: neq; solum illud extorſi oppidulum, quod erat positum in Euphrate, et Zeugmate, sed præterea togam sum eius prætextam, quam erat adeptus Cæsare Consule, magno hominum risu cauillatus. quod nolit inquam renouare honores eosdem, quo minus togam prætextam quotannis interpellet, decernendum nihil censeo. uos autem homines nobiles, qui Busrenum prætextatum non ferebatis, Comagenum feretis? genus uidetis, & locum iocandi. multa dixi in ignobilem Regem, quibus totus est explosus. quo genere commotus, ut dixi, Appius totum me amplexatur: nihil est enim facilius, quam reliqua discutere. sed non faciam, ut illum offendam, ne implorer fidem Iouis hospitalis, Graios omnes conuocet, per quos mecum in gratiam redijt. Theopompo satisfaciemus. De Cæsare, fugerat me ad te scribere. uideo enim, quas tu literas expectaris. sed ille scripsit ad Balbum, fasciculum illum epistolarum, in quo fuerat & mea, et Balbi, totum sibi aqua madidum redditum esse, ut ne illud quidē sciat, meam fuisse aliquam epistolam. sed ex Balbi epistola pauca uerba intellexerat, ad quæ rescripsit his uerbis. De Cicerone uideo te quiddam scripsisse, quod ego non intellexi: quantum autem coniectura conſequebar, id erat huiusmodi, ut magis optandum, quam sperandum putarem. Itaque postea misi eodem illo exemplo literas. iocum autem illius de sua egestate ne sis aspernas



tus. ad quem ego rescripsi, nihil esse, quod posthac ar-  
 ce nostræ fiducia conturbaret: lusiq; in eo genere &  
 familiariter, & cum dignitate. amor autem eius erga  
 nos perfertur omnium nūcijs singularis. & literæ qui-  
 dem ad id, quod expectas, ferè cum tuo reditu iungen-  
 tur. reliqua singulorum dierum scribemus ad te, si mo-  
 do tabellarios tu præbebis. quanquam eiusmodi frigus  
 impendebat, ut summum periculum esset, ne Appio  
 suæ ades urerentur. Vale.

## MARCUS QUINTO FRATRI S.

RISI niuē atrā: teq; hilari animo esse, & præpto  
 ad iocundum, ualde me inuat. De Pompeio, assen-  
 tior tibi, uel tu potius mihi: nam, ut scis, iampridem  
 istum canto Cæsarem. mihi crede, in sinu est, neque  
 ego discingor. Cognosce nunc Idus. Decimus erat Cæ-  
 lio dies. Domitius ad numerum iudices non habuit. ue-  
 reor, ne homo teter, & ferus Pola seruius ad accusatio-  
 nem ueniat: nā noster Cecilius ualde oppugnatur à ge-  
 te Clodia. certi nihil est adhuc: sed ueremur. eodem  
 igitur die Tyrijs est senatus datus frequens, frequētes  
 contra Syriaci publicani. uehementer uexatus Gabi-  
 nius: exagitati tamen à Domitio publicani, quod eum  
 essent cum equis persecuti. noster Lamia paulo fero-  
 cius, cum Domitius dixisset, uestra culpa hæc acciderūt  
 equites Romani; dissolute enim iudicatis; nos iudica-  
 mus, uos laudatis, inquit. actum est eo die nihil, nox di-  
 remit. Comitialibus diebus, quæ Quirinalia sequuntur,  
 Appius interpretatur non impediri se lege Puppiæ, quo-  
 minus habeat senatum: & quod Gabinia sanctum sit,



LIB. II. EPIST.

etiam cogi, ex Cal. Febr. usque ad Cal. Mart. legatis sen-  
natum quotidie dari. ita putantur detrudi comitia in  
mensem Martium. sed tamen his comitialibus Tribuni  
pl. de Gabinio se acturos esse dicunt. omnia colligo, ut  
noui scribā aliquid ad te: sed, ut uides, res me ipsa defi-  
cit. itaque ad Callisthenem, & Philistum redeo: in qui-  
bus te uideo uolutatum. Callisthenis quidē uulgare, et  
notū negotiū, quē admodum Græci aliquot locuti sunt.  
Siculus ille capitalis, creber, acutus, brevis, penē pusillus  
Thuydides. sed, utros eius habueris libros, (duo enim  
sunt corpora) an utrosque, nescio. me magis de Diony-  
sio delectat: ipse est enim ueterator magnus, & perfa-  
miliaris Philisto. sed quod adscribis, aggrediaris ne ad  
historiam: me auctore potes, et quoniā tabellarios sum-  
ministras, hodierni diei res gestas Lupercalibus habebis.  
oblecta te cum Cicerone nostro quambellissime.

MARCVS QVINTO FRATRI S.

DVAS adhuc à te accepi epistolas, quarum alte-  
rum in ipso discessu nostro, alterā Arimino datam. plu-  
reis, quas scribis te dedisse, non acceperam. Ego me in  
Cumano, & Pompeiano, præter quā q̄ sine te, ceter-  
rum satis commode oblectabat: & eram in eisdem locis  
usque ad Cal. Iun. futurus. scribebam illa, quæ dixerā,  
πολιτικά, spissum sanē opus, & operosum: sed, si ex sen-  
tentia successerit, bene erit opera posita: sin minus, in il-  
lud ipsum mare deiciemus, quod scribentes spectaba-  
mus: aggrediemur alia, quoniam quiescere nō possu-  
mus. Tua mandata persequar diligenter, & adiun-  
gendis hominibus, & quibusdam non alienandis. ma-



xime uero mihi curæ erit, ut Ciceronē tuū, nostrumq; uideam scilicet quotidie, sed inspicī, quid discat, quā sepiissime: & nisi ille contemnat, etiam magistrum me ei profitebor: cuius rei non nullam consuetudinem natus sum in hoc horum dierum otio, Cicerone nostro minore perdocendo. Tu, quemadmodum scribis, quod, etiam si non scriberes, facere te diligentissime tamen scribam, facies, scilicet ut mea mandata digeras, persequare, conficias. ego, cum Romam uenero, nullum prætermittam Cæsaris tabellarium, cui literas ad te nō dem. his diebus (ignosces) cui darem, fuit nemo ante hunc M. Orfium equitem Romanum, nostrum, & per necessarium, & quod est ex municipio Atellano, quod scis esse in fide nostra. itaque eum tibi cōmendo in maiorem modum, hominem domi splendidum, gratiosum etiam extra domū: quem, fac, ut, tua liberalitate tibi obliges. est Tribunus mil. in exercitu uestro: gratum hominem, obseruantemq; cognosces. Trebatium ut ualde ames, uehementer te rogo. Vale.

## MARCUS QUINTO FRATRI S.

AD IIII. Non. Iun. quo die Romam ueni, accepi tuas literas datas Placētiae, deinde alteras postridie datas Blādenonæ, cū Cæsaris literis, refertis omni officio, diligētia, suauitate. sunt ista quidē magna, uel potius maxima, habet. n. uim magnā ad gloriam, & ad summam dignitatem: sed mihi crede, quem nosti, quod in istis rebus ego plurimi aestimo, id iam habeo, te scilicet primum tam inservientem communi dignitati, deinde Cæsaris tantum in me amorem: quem omnibus ijs ho-



## LIB. II. EPIST.

noribus, quos me à se expectare, vult antepono. lites-  
 ra uero eius una data cum tuis, quarum initium est,  
 quam suavis ei tuus aduentus fuerit, & recordatio ue-  
 teris amoris; deinde se effecturum, ut ego in medio do-  
 lore, ac desiderio tui, cum à me abesses, potissimum se-  
 cum esse latarer; incredibiliter delectarunt. quare fa-  
 cis tu quidem fraterne, quod me hortaris, sed mehercu-  
 le currentem nunc quidem, ut omnia mea studia in istum  
 unum conferam. ego uero ardenti quidem studio. ac  
 fortasse efficiam, quod sepe uiatoribus, cum properant,  
 euenit, ut, si serius, quam uoluerunt, forte surrexe-  
 rint, properando etiam citius, quam si de multa nocte  
 uigilassent, perueniant quod uelint. sic ego, quoniam in  
 isto homine colendo tam indormiui diu, te mehercule se-  
 pe excitante, cursu corrigam tarditatem, tum equis, tum  
 uero, quoniam scribis poema ab eo nostrum probari,  
 quadrigis poeticis. modo mihi date Britanniam, quam  
 pingam coloribus tuis, penicillo meo. sed quid ago, quod  
 mihi tempus, Romae praesertim, ut iste me rogat, manen-  
 ti uacuum ostenditur? sed uidero: fortasse enim, ut fit,  
 uincet tuus amor omnes difficultates. Trebatium quod  
 ad se miserim, persalse, et humaniter etiam gratias mi-  
 hi agit: negat enim, in tanta multitudine eorum, qui  
 una esset, quenquam fuisse, qui uadimonium concipere  
 posset. M. Curtio Tribunatum ab eo petiui (nam Domi-  
 tius se derideri putasset, si essent à me rogatus: hoc. n.  
 est eius quotidianum, se ne Tribunum mil. quidem face-  
 re: etiam in senatu lusit, Appium collegam propterea  
 isse ad Caesarem, ut aliquem Tribunatum auferret) sed  
 in alterum annum. id & Curtius ita uolebat. Tu,  
 quemadmodum



quemadmodum me censes oportere esse in rep. & in no-  
 stris inimicijs, ita & esse, & fore auricula infima scio  
 molliorem. Res Romana sic se habebant. erat nō nul-  
 la spes comitiorum, sed incerta. erat aliqua suspicio Di-  
 Etaturæ, ne ea quidem certa: summum otium forense,  
 sed senescentis magis ciuitatis, quàm acquiescentis: senten-  
 tia autem nostra in senatu eiusmodi, magis ut alij nobis  
 assentiantur, quàm nosmet ipsi. τοιαῦτα ὁ τλήμων πόλε-  
 μος ἐξεργάζεται. Calamo, & atramento temperato,  
 charta etiam dentata res agetur: scribis enim te meas li-  
 teras superiores uix legere potuisse. in quo nihil eorū mi-  
 frater fuit, quæ putas: neque. n. occupatus erā, neque per-  
 turbatus, neque iratus alicui. sed hoc facio semper, ut,  
 quicumque calamus in manus meas uenerit, eo sic utar,  
 tanquā bono. Verū attende nunc mi optime, & sua-  
 uissime frater, ad ea dum rescribo, quæ tu in hac eadem  
 breui epistola περὶ ματικῶς ualde scripsisti. de quo pe-  
 tis, ut ad te, nihil occultans, nihil dissimulans, nihil tibi in-  
 dulgens, germane, fraterneq; rescribā, id est utrū uoles,  
 ut dixerimus, ad expediendum te; si causa sit, cōmorere.  
 si mi Quinte parua aliqua res esset, in qua sciscitare,  
 quid uellē: tamen, cū tibi permissurus essem, ut faceres,  
 quod uelles, ego, ipse quid uellem, ostenderē. in hac uero  
 re hoc profecto quæris, cuiusmodi illū annum, qui sequi-  
 tur, expectē. plane aut tranquillum nobis, aut certe mus-  
 nitissimū: quod quotidie domus, quod forum, quod thea-  
 tri significationes declarāt: neque laborāt, quod mea con-  
 sciētia copiarū nostrarū, quod Caesaris, quod Pōpeiū gra-  
 tiā tenemus. hæc me, ut confidā, faciunt. sin aliquis erū-  
 pet amentis hominis furor, omnia sunt ad eū frāgendum



expedita. hæc ita sentio, iudico, ad te explorate scribo :  
dubitare te, nō assentatorie, sed fraterne ueto. quare sua  
uitatis equidem nostræ fruendæ causa cuperem te ad id tē  
pus uenire, quod dixeras: sed illud malo tamen, quod pu  
tas, magis etiam illa, (etenim magni æstimo me) ἀμφι  
φύκω illā tuam, & expectationē debitorū tuorū. illud qui  
dē sic habeto, nihil nobis expeditis, si ualebimus, fore for  
tunatius. parua sunt, quæ desunt, quo nostris quidē mo  
ribus: & ea sunt ad explicandum expeditissima, modo  
ualeamus. Ambitus reddit immanis: nunquam fuit par.  
Idibus Quint. fœnus fuit Z Z ex Z coitione Mēmij, quā  
\* cū Domitio habuit. Scaurus unum uincere. Messala flac  
cet, non dico ὑπερβολῶς. uel HS centies cōstituunt in præ  
rogatiua pronunciare. res ardet inuidia. Tribunitij can  
didati compromiserunt, HS quingenis in singulos apud  
M. Catonē depositis, petere eius arbitratu, ut, qui cōtra fe  
cisset, ab eo condēnaretur. quæ quidē comitia gratuita si  
fuerint, ut putantur; plus unus Cato fuerit, quā omnes  
leges, omnesq; iudices. Cū à me literas librarij manu acce  
peris, ne paulū otij me habuisse iudicato; cum autē mea,  
nullū: sic enim habeto, nunquam me à causis, & iudicijs  
distrētiorem fuisse, atque id anni tēpore grauissimo, &  
caloribus maximis. sed hæc, quoniā tu ita præscribis, ferē  
da sunt: neque cōmittendū, ut aut spei, aut cogitationi ue  
stræ ego uidear defuisse, præsertim cū, tametsi id diffici  
lius fuerit, tamē ex hoc labore magnā gratiā, magnamq;  
dignitatem sim collecturus. itaque, ut tibi placet, damus  
operā, ne cuius animū offendamus, atque ut etiā ab ijs ip  
sis, qui nos cū Cæsare tū cōiunctos dolēt, diligamur, ab æ  
quis uero, aut etiā à propēsis in hāc partē uehementer e:



colamur, & amemur. De ambitu cum atrocissime age-  
retur in senatu multos dies, quod ita erant progressi can-  
didati consulares, ut non esset ferendum; in senatu non  
fui. statui ad nullam medicinam Reip. sine magno prae-  
sidio accedere. quo die haec scripsi, Drusus erat de prauari-  
catione à Tribunis aerarijs absolutus, in summa quatuor  
sententijs, cum senatores, & equites damnassent. ego eo-  
dem die post meridiem Vatinius aderam defensurus.  
ea res facilis est. comitia in mensem Septembrem reie-  
cta sunt. Scauri iudicium statim exercebitur: cui nos  
non deerimus. σαυδ'αἰπρους σοφοκλέους, quanquam à  
te actam fabellam uideo esse festiue, nullo modo proba-  
ui. Venio nunc ad id, quod nescio an primum esse de-  
buerit. δ' iucundas mihi tuas de Britannia literas. time-  
bam Oceanum: timebam litus insulae. reliqua non equi-  
dem contemno, sed plus habent tamen spei, quam timo-  
ris, magisq; sum sollicitus expectatione ea, quam metu. te  
uero ὑπόθετω scribe di egregiam habere uideo. quos tu  
situs, quas naturas rerum, & locorum, quos mores, quas  
gentes, quas pugnas, quem uero ipsum imperatorem ha-  
bes? ego te libenter, ut rogas, quibus rebus uis adiua-  
bo, & tibi uersus, quos rogas, γλαῦκα εἰς Ἀθῆνας, mittam.  
sed heus tu, calari uideor à te. quo modo nam mi frater  
de nostris uersibus Caesar? primum librum se legisse scri-  
psit ad me ante, & prima sic, ut neget se ne græca qui-  
dem meliora legisse. reliqua ad quendam locum εἰς  
μῶτεραι: hoc enim uisitur uerbo. dic mihi uerum, num  
aut res, aut κῆκετις non delectat? nihil est, quod uereci-  
re: ego enim ne pilo quidem minus me amabo. hac de  
re φιλαλήδως, & ut soles, scribe fraterne. Vale.



M. TVLLII CICERONIS EPISTOLARVM  
AD Q. FRATREM  
LIBER III.

MARCVS QVINTO FRATRI S.

GO ex magnis caloribus ( non enim meminimus maiores ) in Arpinati summa cum amœnitate fluminis me refecit ludorum diebus , Philotimo tribulibus commendatis. in Arcano ad IIII. Id. Sept. fui . ibi Messidium cum Philoxeno, aquamq; , quã ij ducebant non longe à uilla , belle sanè fluentem uidi , præsertim maxima siccitate : uberiolemq; aliquãto sese col lecturos esse dicebant . Apud Herũ recte erat. In Mália no offendi Diphilum Diphilo tardiolem : sed tamen nihil ei restabat præter balnearia , & ambulationem , & auitorium. uilla mihi ualde placuit, propterea quodd summa dignitatem pauimentata porticus habebat : quod mihi denique apparuit, posteaquam & ipsa tota patet , & columnæ politæ sunt. totum in eo est, quod mihi erit curæ, tectorium ut concinnum sit. pauimenta recte fieri uidebantur . cameras quasdam non probaui , mutariq; iussi . quo loco in porticu, te scribere aiunt, ut atriolum fiat : mihi, ut est, magis placebat : neque enim satis loci esse uidebatur atrio ; neque ferè solet nisi in ijs ædificijs fieri , in quibus est atrium maius ; nee habere poterat adiuncta cubicula , & eiusmodi membra . nunc hoc uel honestate testudinis , uel ualde boni æstiuum locum obtinebit. tu tamen, si aliter sentis , rescribe quamprimum . in balnearijs assa in alterum apodyterij ana

A D  
gulum pro  
rum uapora  
cubuli. sub  
rum ualde p  
bulionis un  
colinas nequa  
ra. eas felice  
linea disset na  
phili perfectu  
qui tam me  
feti sumus in  
nancij Arpin  
tamus. ego loc  
nolui locis aq  
quæsi : inger  
iurebantur. eo  
mirifica suauit  
lenibus addit  
uadio te hunc  
datur. ipse co  
eius aquæ iure  
ta. iam nos  
nos. Messidiu  
dem tecum te  
dibus diebat  
sed præstabo  
Chilonem at  
eius conferu  
rat. idibu  
mihi ita pla



gulum promouī, propterea quoddam ita erant posita, ut eorum uaporarium, ex quo ignis erumpit, esset sub tectum cubiculi. subgrande cubiculum autem, & hybernum altum ualde probaui, quoddam ampla erat, & loco posita ambulationis uno latere, eo quod est proximum balnearijs. colūnas neque rectas, neque è regione Diphilus collocarat. eas scilicet demolietur; aliquando perpendiculo, & linea discet uti. omnino spero paucis mensibus opus Diphili perfectum fore: curat enim diligentissime Cæsius, qui tum mecum fuit. ex eo loco rectam Vitularia uia profecti sumus in Fusidianum fundum, quem tibi proximis nuncijs Arpini de Fusidio HS CCCCIDDD∞ emeamus. ego locum æstate umbrosiorē uidi nunquam, per multis locis aquam profluentem, & eam uberem. quid queris? iugera L prati Cæsius irrigaturum facile te arbitrabatur. equidem hoc, quod melius intelligo, affirmo, mirifica suauitate te uillam habiturum, piscina, & salientibus additis, palæstra, & sylua uiridicata. fundum audio te hunc Bouilianum uelle retinere. de eo quod uideatur, ipse constitues. Cæsius aiebat, aqua dempta, & eius aquæ iure constituto, & seruitute fundo illi imposita, tamen nos pretium seruare posse, si uendere uellemus. Messidium mecum habui. is se ternis numis in pedem tecum transegisse dicebat: sese autem mensum pedibus aiebat passum CCCC∞. mihi plus uisum est. sed præstabo, sumptum nusquam melius posse poni. Chilonem arcefferam Venafro. sed eo ipso die quatuor eius conseruos, & discipulos Venafri cuniculus oppresserat. Idibus Sept. in Laterio fui: uiam perspexi: quæ mihi ita placuit, ut opus publicum uideretur esse, præ-



L I B. III. E P I S T.

ter C L passus : sum enim ipse mensus ab eo ponticulo ,  
qui est ad Furinæ Satricum uersus . eo loco puluis , non  
glarea iniecta est : & mutabitur : & ea uia pars ualde  
accliuis est . sed intellexi aliter duci non potuisse , præser-  
tim cum tu neque per Locustæ , neque Varronis uelles du-  
cere . Veluinus ante suum fundum propè munierat : Lo-  
custa non attigerat : quem ego Romæ aggrediar , et , ut  
arbitror , commouebo : & simul M. Taurum , quem ti-  
bi audio promississe , qui nunc Romæ erat , de aqua per  
fundum eius ducenda rogabo . Nicephorum uillicum  
tuum sanè probaui : quæsiuiq; ex eo , ecquid ei de illa ædi-  
ficatiuncula Laterij , de qua mecum locutus es , mandaui  
ses . tum is mihi respondit , se ipsum eius operis H S X M  
conductorem fuisse ; sed te postea multa addidisse ad  
opus , nihil ad pretium , itaque id se omisisse . mihi hercule  
ualde placet , te illa , ut constituebas , addere . quanquam  
ea uilla , quæ nunc est , tanquam philosophia uidetur es-  
se , quæ obiurget caterarum uillarum insaniam . uerum  
tamen illud additum delectabit . topiarium laudauit : ita  
omnia conuestit edera , quæ basim uillæ , quæ intercolu-  
mnia ambulationis , ut denique illi palliati topiarium fa-  
cere uideantur , & ederam uendere . iam & π ο δ ώ τ ῆ ς  
nihil alsius , nihil muscosius . habes ferè de rebus rusti-  
cis . Urbanam expolitionem urget ille quidem &  
Philotimus , & Cincius , sed etiam ipse crebro interui-  
so , quod est facile factu . quam ob rem ea te cura li-  
beratum uolo . De Cicerone , quod me semper rogas ,  
ignosco equidem tibi , sed tu quoque mihi uelim igno-  
scas : non enim concedo tibi , plus ut illum ames ,  
quàm ipse amo . atque utinam his diebus in Arfinati ,

A  
quod & ip-  
sa . quod a  
cum aliquo  
demore effi-  
Romæ respici-  
tibi esse pollic-  
mercede prop-  
pluribus epist-  
hi uno die ere-  
eodem abs te  
primum erat  
per literis , quæ  
quam necessar-  
re , literasq; a  
tur . & necessa-  
que nos datis  
scribis de  
fueris , & no-  
mus . De P  
quod menses  
gratia est , id e-  
ex parte gratia  
cessendis ep-  
quin abs te  
Trebatium u-  
ego illum ad  
minus , præst-  
libero . Q  
immortalita-  
quemadmo



quod & ipse cupierat, & ego non minus, mecum fuisset. quod ad Pomponiam, si tibi uideretur, scribas uelim, cum aliquid exhibimus, eat nobiscum, puerumq; ducat. clamores efficiam, si eum mecum habuero otiosum: nam Romæ respirandi non est locus. id me scis antea gratis tibi esse pollicitum: quid nunc putas, tanta abs te mihi mercede proposita? uenio nunc ad tuas literas: quas pluribus epistolis accepi, dum sum in Arpinari: nam mihi uno die tres sunt redditæ, & quidem, ut uidebantur, eodem abs te datæ tempore, una pluribus uerbis, in qua primum erat, quod antiquior dies in tuis fuisset ascripta literis, quàm in Cæsaris. id facit Oppius non nunquam necessario, ut, cum tabellarios constituerit mittere, literasq; à nobis acceperit, aliqua re noua impediat, & necessario serius, quàm constituerat, mittat, neque nos datis iam epistolis diem commutari curemus.

Scribis de Cæsaris summo in nos amore. hunc & tu fouebis, & nos, quibuscunque poterimus rebus, augebimus. De Pompeio, & facio diligenter, & faciam, quod mones. Quod tibi mea permissio mansionis tuæ grata est, id ego summo meo dolore, et desiderio, tamen ex parte gaudeo. In Hippodamis, & non nullis alijs accessendis quid cogites, non intelligo. nemo istorum est, quin abs te munus, fundi suburbanî instar, expectet. Trebatium uero meum quod istud admisceas, nihil est. ego illum ad Cæsarem misi: qui mihi iam satisfecit: si ipsi minus, præstare nihil debeo; teq; item ab eo uindico, & libero. Quod scribis te à Cæsare quotidie plus diligere, immortaliter gaudeo. Balbum uero, qui est istius rei, quemadmodum scribis, adiutor, in oculis fero. Treba-



L I B. III. E P I S T.

nium meū à te amari, etq; ab illo, pergaudeo. De Tribunatu quod scribis, ego uero nominatim petiui Curtio, et mihi ipse Caesar nominatim Curtio paratum esse rescripsit; meamq; in rogando uerecundiam obiurgauit. si cui præterea petiero, (id quod etiam Oppio dixi, ut ad illum scriberet) facile patiar mihi negari; quoniam illi, qui molesti sunt, sibi negari à me non facile patiuntur. ego Curtium, id quod ipsi dixi, non modo rogatione, sed etiam testimonio tuo diligo, quod literis tuis studium illius in salutem nostram facile perspexi. De Britannicis rebus cognoui ex tuis literis nihil esse, nec quod metuamus, nec quod gaudeamus. De publicis negotiis, quæ uis ad te Tironem scribere, negligentius ad te ante scribebam, quod omnia minima maxima ad Caesarem mitti sciebam. Rescripsi epistolæ maximæ: audi nunc de minuscula: in qua primum est de Clodij ad Caesarem literis: in quo Caesaris consilium probo, quod tibi amantissime petenti ueniam non dedit, uti illum ad illam furiam uerbum rescriberet. alterum est de Caluienti Marij oratione. quod scribis, miror, tibi placere me ad eum rescribere, præsertim cum illam nemo lecturus sit, si ego nihil rescripsero; meam in illum pueri omnes tanquam dictata perdiscant. Libros meos, quos expectas, inchoaui, sed conficere non possum his diebus. Orationes effragitatas pro Scauro, et pro Plancio absolui. Poema ad Caesarem, quod composueram, incidi. tibi quod rogas, quoniam ipsi fontes iam sitiunt, si quid habebo statim, scribam. Venio ad tertiam. Balbum quod ais mature Romam bene comitatum esse uenturum, mecumq; assidue usque ad Id. Maias futurum, id mihi pergratum



perq; iucundum erit. Quod me in eadem epistola, sicut saepe antea, cohortaris ad ambitionem, & ad laborem: faciam equidem, sed quando uiuemus? Quarta epistola mihi reddita est Idus Sept. quā ad I I I I. Idus Sext. ex Britania dederas. in ea nihil sanè erat noui, præter Erigonam: quam si ab Oppio accepero, scribam ad te quid sentiam: nec dubito, quin mihi placitura sit. & quod præterij, de eo, quem scripsisti de Milonis plausu scripsisse ad Cæsarem, ego uero facile patior ita Cæsarem existimare, illum quammaximum fuisse plausum. & prorsus ita fuit: & tamen ille plausus, qui illi datur, quodam modo nobis uidetur dari. Reddita est etiam mihi peruetus epistola, sed sero allata, in qua de æde Telluris, & de porticu Catuli me admones. fit utrunque diligenter. ad Telluris quidem etiam tuam statuas locauit. item de hortis, quod me admones; nec fui unquam ualde cupidus, & nunc domus suppetat mihi hortorū amœnitatē. Romam cū uenissem ad X I I I. Cal. Oct. absolutum offendi in adibus tuis tectum; quod super conclauia nō placuerat tibi esse multorū fastigiorum: id nunc honeste uergit in tectū inferioris porticus.

Cicero noster, dū ego adsum, non cessauit apud rhetorem. de eius eruditione quiddam labores, nihil est, quoniam ingenium eius nosti, studium ego uideo, cætera eius suscipio ut me putem præstare debere. Gabinium tres adhuc factiones possulant, L. Lentulus Flaminis filius, qui iam de maiestate postulauit; Ti. Nero, cum bonis subscriptoribus; C. Memmius Trib. pl. cum L. Capitone. ad Urbem accessit ad X I I. Cal. Oct. nihil turpius, nec desertius. sed his iudicijs nihil audeo confidere. quod



LIB. II. EPIST.

Cato non ualebat, adhuc de pecunijs repetundis nō erat postulatus. Pompeius à me ualde contendit de reditu in gratiam, sed adhuc nihil profecit, nec, si ullam partem libertatis tenebo, proficiet. Tuas literas uehementer expecto. Quod scribis, te audisse in candidatorum consularium coitione me interfuisse: id falsum est: eiusmodi enim pactiones in ea coitione factae, quas postea Memmius patefecit, ut nemo bonus interesse debuerit: & simul mihi committendum non fuit, ut ijs coitionibus interesssem, quibus Messala excluderetur: cui quidem uehementer satisfacio rebus omnibus; ut arbitror, etiam Memmio. Domitio ipsi multa iam feci, quae uoluit, quaeq; à me petiuit. Scaurum beneficio defensionis ualde obligauit. adhuc erat ualde incertum, & quando comitia, & qui Consules futuri essent. Cum hanc iam epistolam complicarem, tabellarij à uobis uenerunt ad X I. Cal. Sept. uicesimo die. d me sollicitum; quantum ego dolui in Caesaris suauissimis literis: sed quo erant suauiores, eo maiorem dolorem illius ille casus afferebat. Sed ad tuas uenio literas. primum tuam remansionem etiam atque etiam probo, praesertim cum, ut scribis, cum Casare communicaris. Oppium miror quidquam cum Publio: mihi enim non placuerat. Quod interiore epistola scribis, me Idibus Sept. Pompeio legatum iri: id ego non audiui; scripsiq; ad Caesarem, Vibullium Caesaris mandata de mea mansione ad Pompeium pertulisse, nec ad Oppium, quo consilio? quāquam Oppiū ego tenui, quod priores partes Bibuli erat: cum eo enim coram Caesar egerat, ad Oppium scripserat. ego uero nullas ἀδελφείας φροντίδας habere pos-

A D

sum in Caesa  
nostro ita est  
iam enim de  
scripsisse ha  
nos Cicero mi  
ret, deditq; mi  
lo ante accepe  
o suauem, et  
dedit etiam al  
effixum sang  
delectantur e  
nostri amantia  
mirare alia ma  
factura, quod  
sibi se uerissim  
ris quod sibi à  
ualde te sibi ge  
Caesarem huius  
Cum Romanum  
Hippodamum  
me miratam  
meis literis ad  
losum fuisse  
tu ad me scri  
tius perferri  
liberis, quas u  
in alioquin  
tio me, & s  
tem tarde p  
ne nūm qu



sum in Caesaris rebus. ille mihi secundum te, & liberos  
 nostros ita est, ut sit penè par. uideor id iudicio facere :  
 iam enim debeo, sed tamen amore sum incensus. Cum  
 scripsissem hæc infima, quæ sunt mea manu, uenit ad  
 nos Cicero tuus ad coenam, cum Pomponia foris coenau-  
 ret, deditq; mihi epistolam legendam tuam, quam pau-  
 lo ante acceperat ab Aristophane meo, ualde mehercule  
 & suauem, et grauem; qua sum admodum delectatus.  
 dedit etiam alteram illam mihi, qua iubes eum mihi esse  
 affixum tanquam magistro. quàm illum epistola illæ  
 delectarunt? quàm me? nihil puero illo suauius, nihil  
 nostri amantius. hæc inter coenam Tironi dictaui, ne  
 mirere alia manu esse. Annali literæ tuæ pergrate  
 fuerunt, quodd & curares de se diligenter, & tamen con-  
 silio se uerissimo iuuares. P. Seruilius pater ex lite-  
 ris, quas sibi à Caesare missas esse dicebat, significabat,  
 ualde te sibi gratum fecisse, quodd de sua uoluntate erga  
 Caesarem humanissime, diligentissimeq; locutus esses.  
 Cum Romam ex Arpinati reuertissem, dictum mihi est,  
 Hippodamum ad te profectum esse. nō possum scribere,  
 me miratum esse illum tam inhumaniter fecisse, ut sine  
 meis literis ad te proficisceretur: illud scribo, mihi mor-  
 lestum fuisse: iam enim diu cogitaueram, ex eo, quod  
 tu ad me scripseras, ut, si quid esset, quod ad te diligen-  
 tius perferri uellem, illi darem: quodd mehercule hisce  
 literis, quas uulgo ad te mitto, nihil ferè scribo, quod si  
 in alicuius manus inciderit, moleste ferendum sit. Minu-  
 tio me, & Saluio, & Labeoni reseruabam. Labeo au-  
 tem tarde proficiscetur, aut hic manebit. Hippodamus  
 ne num quidem quid uellem rogauit. T. Pinarius ama-



LIB. III. EPIST.

bileis ad me de te literas mittit, se maxime literis, sermo-  
nibus, coenis denique tuis delectari. is homo semper me  
delectauit, fraterq; eius mecū est multum. quare, ut in-  
stituisi, complectere adolescentem. Quod multos dies  
epistolam in manibus habui propter commorationem  
tabellariorum, ideo multa coniecta sunt, aliud alio tem-  
pore, uelut hoc. T. Anitius mihi sepe iam dixit, sese tibi  
suburbanum, si quod inuenisset, non dubitaturum esse  
emere. in eius sermone ego utrunque soleo admirari; et  
te de suburbano emendo, cum ad illum scribas, non mo-  
do ad me non scribere, sed etiam aliam in sententiam  
scribere; & cum ad illum scribas, nihil te recordari de  
se, de epistolis illis, quas in Tusculano eius mihi osten-  
disti, nihil de praeceptis Epicharmi. γῶδι, πῶς ἄλλω  
κέρχεται. totum denique uultum, animum, sermonem  
eius, quemadmodum coniicio, quasi. sed haec tu uideris.  
de suburbano, cura ut sciam quid uelis: & simul, ne  
quid ille turbet, uide. quid praeterea? quid? etiam.  
Gabinus ad IIII. Cal. Oct. noctu in urbem introiuit,  
& hodie hora octaua, cum edicto C. Alfij de maiestate  
eū adesse oporteret, concursu magno, et odio uniuersi po-  
puli penē afflictus est. nihil illo turpius. proximus est  
tamen Piso. itaque mirificum ἐμβολίον cogito in secun-  
dum meorum librorum inducere, dicentem Apollinem  
in consilio Deorum, qualis reditus duorum imperato-  
rum futurus esset, quorum alter exercitum perdidisset,  
alter uendidisset. Ex Britania Caesar ad me Cal. Sept.  
dedit literas, quas ego accepi ad IIII. Cal. Oct. satis  
commodas de Britanicis rebus: quibus, ne admirer,  
quod à te nullas acceperim, scribit, se sine te fuisse, cum



AD Q. FRATREM. 325

ad mare accesserit . ad eas ego literas nihil rescripsi , ne gratulandi quidem causa , propter eius luctum . Te oro etiam atque etiam , mi frater , ut ualeas .

MARCUS QUINTO FRATRI S.

AD VI. Id. Oct. saluus Ostia uesperis nauis profectus erat cum istis rebus, quas tibi domo mitti uolueras. eodem die Gabinium ad populum luculente calefecerat Memmius, sic, ut Calidio uerbum facere pro eo non licuerit. postridie autem eius diei, qui erat tum futurus cum hac scribebam ante lucem, apud Catonem erat diuinitio in Gabinium futura inter Memmium, et Ti. Neronem, et C. L. Antonios M. F. putabamus fore, ut Memmio daretur: et si erat Neronis mira contentio. quid quaeris? probe premirur, nisi noster Pompeius, Diis, hominibusque inuitis, negotium inuertit. cognosce nunc hominis audaciam, et aliquid in repub. perdita delectare. cum Gabinius, quacunque ueniebat, triumphum se postulare dixisset, subitoque bonus imperator noctu Urbem hostium plane inuasisset, in senatum se non mittebat. interim ipso decimo die, quo ipsum oportebat hostium numerum, et militum renunciare, in re haesit, summa in frequentia: cum uellet exire, a Consulibus retentus est: introducti publicani. homo undique actus, cum a me maxime uulneraretur, non tulit, et me trementi uoce exulem appellauit. hic, o Di, nihil unquam honorificentius nobis accidit. consurrexit senatus cum clamore ad unum, sic, ut ad corpus eius accederet: pari clamore, atque imperu publicani. quid quaeris? omnes, tanquam si tu esses, ita fuerunt. nihil hominum sermone foris clarius. ego tamen



LIB. III. EPIST.

teneo ab accusando, uix mehercule, sed tamen teneo, uel quodd no'o cum Pompeio pugnare (satis est, quodd instat de Milone) uel quodd iudices nullos habemus. ἀπότολμα formido. addo etiam maleuolentiā hominū; & timeo, ne illi me accusante aliquid accidat: nec desfero rem et si ne me, & non nihil per me confici posse. De ambitu postulati sunt omnes, qui Consulatum petūt, à Memmio Domitius, à Q. Currio bono & erudito adolescente Memmius, à Q. Pompeio Messala, à Triario Scaurus. magna res in motu est, propterea quodd aut hominum, aut legum interitus ostenditur. opera datur, ut iudicia ne fiant. res uidetur spectare ad interregnum. Consules comitia habere cupiunt, rei nolunt, & maxime Memmius, quodd Caesaris aduentu sperat se futurum Consulē: sed mirum in modū iacet. Domitius cū Messala certus esse uidebatur. Scaurus refrixerat. Appius sine lege curiata confirmat se Lentulo nostro successurū: qui quidem mirificus illo die, quodd penē praterit, fuit in Gabinium: accusauit maiestatis: nomina data, cum ille uerbum nullum: habes forensia. Domi recte, & ipsa domus à redemptoribus tractatur non indiligenter. Vale.

MARCUS QUINTO FRATRI S.

OCCUPATIONVM mearū signū tibi sit librarij manus. diē scito esse nullū, quo die non dicā pro reo. ita, quiddid conficio, aut cogito, in ambulationis ferē tempus confero. negotia nostra sic se habent: domestica uero, ut uolumus. ualent pueri, studiose discunt, diligenter docentur, & nos, & inter se amant. expolitiones utriusque nostrū sunt in manibus, sed tua ad perfectum



iā res est rustica Arcani, & Laterij. præterea de aqua,  
 & uia nihil prætermisi quadam epistola, quin enucleate  
 ad te perscriberem. sed me illa cura sollicitat, angitq; ue-  
 hemēter, quod dierū iam amplius L interuallo nihil à te,  
 nihil à Cæsare, nihil ex istis locis non modo literarum, sed  
 ne rumoris quidem affluxit. me autē iam et mare istuc,  
 & terra sollicitat: neque desino, ut sit in amore, ea, quæ  
 minime uolo, cogitare. quare non equidem iam te rogo  
 ut ad me de te, de rebus istis scribas: (nunquam enim,  
 cum potes, prætermittis) sed hoc te scire uolo, nihil ferē  
 me unquam ita expectasse, ut, cum hæc scribebam, literas  
 tuas. Nunc cognosce ea, quæ sunt in Rep. Comitiorum  
 quotidie singuli dies tolluntur obnunciationibus, magna  
 uoluntate bonorum omnium: tanta inuidia sunt Consu-  
 les propter suspicionem pactorum à candidatis præmio-  
 rum. candidati cōsulares quatuor omnes rei. causæ sunt  
 difficiles: sed enitemur, ut Messala noster saluus sit: quod  
 est etiam cum reliquorum salute coniūctum. Gabinium  
 de ambitu reum fecit P. Sylla, subscribente priuigno  
 Memmio, fratre Cæcilio, Sylla filio. contra dixit L. Tor-  
 quatus, omnibusq; libentius non obtinuit. quæris, quid  
 fiet: sciemus de maiestate triduo: quo quidem in iudi-  
 cio odio premitur omnium generum, maxime testibus  
 ceditur: accusatoribus frigidissimis utitur. consilium  
 uariū, quæsitōr grauis, & firmus Alfius, Pompeius ue-  
 hemens in iudiciis rogandis. quid futurum sit, ne-  
 scio: locum tamen illi in ciuitate non uideo. animum  
 præbeo ad illius perniciem moderatum, ad rerum euen-  
 tum lenissimum. habes ferē de omnibus rebus. unum  
 illud addam. Cicero tuus, nosterq; summo studio est



LIB. III. EPIST.

Pæonij sui rhetoris, hominis, opinor, valde exercitati, & boni: sed nostrum instituendi genus esse paulo eruditius, & *δετικώτερον*, non ignoras. quare neque ego impediri Ciceronis iter, atque illam disciplinam uolo: & ipse puer magis illo declamatorio genere duci, & delectari uidetur. in quo quoniam ipsi quoque fuimus, patiamur illum ire nostris itineribus: eodem enim peruenturum esse confidimus. sed tamen, si nobiscum eum rus aliquid eduxerimus, in hanc nostram rationem, cōsuetudinemq; inducemus: magna enim nobis à te proposita merces est: quam certe nostra culpa nunquam minus assequemur. Quibus in locis, & qua spe hiematurus sis, ad me quam diligentissime scribas, uelim. Vale.

MARCUS QUINTO FRATRI S.

GABINIVS absolutus est. omnino nihil accusatore Lentulo, subscriptoribusq; eius infamius: nihil illo cōsilio sordidius. sed tamen, nisi incredibilis cōtentio, & preces Pōpeij, Dictaturæ etiā rumor plenus timoris fuisset, ipsi Lentulo nō respondisset, qui cum illo accusatore, illoq; consilio sententijs condemnatus sit XXXI, cum LXX tulissent. est omnino tam graui fama hoc iudicium, ut uideatur reliquis iudicijs periturus, & maxime de pecunijs repetundis. sed uides nullam esse remp. nullum senatum, nulla iudicia, nullam in ullo nostrum dignitatem. quid plura de iudicibus? duo prætorij sederūt, Domitius Calvinus; is aperte absoluit, ut omnes uiderēt: & Cato; is, disruptis tabellis, de circulo se subduxit, & Pōpeio primus nūciauit. aiunt non nulli, Salustius item, me oportuisse accusare. his ego iudicibus committerem?

quid



quid essem, si me agente esset elapsus? sed me alia mo-  
 uerunt. non putasset sibi Pompeius de illius salute, sed de  
 sua dignitate mecum esse certamen: in Urbem introis-  
 set: ad inimicitias res uenisset: cum Aesernino Samnite  
 Pacideianus comparatus uiderer: auriculam fortasse  
 mordicus abstulisset: cum Clodio quidem certe redisset  
 in gratiam. ego uero meum consilium, si praesertim tu  
 non improbas, uehementer approbo. ille cum à me sin-  
 gularibus meis studiis ornatus esset; cumq; ego illi nihil  
 deberem, ille mihi omnia; tamen in rep. me à se dissens-  
 tientem non tulit, (nihil dicam grauius) & minus po-  
 tens eo tempore, quid in me florentem posset, ostēdit. nūc,  
 cum ego ne curem quidem multum posse, res quidem  
 publica certe nihil possit, unus ille omnia; cum illo ipso  
 contenderem? sic enim faciendum fuisset. non existimo  
 te putare id mihi suscipiendum fuisse. alterutrum, in-  
 quit idem Salustius: defendisses, idq; Pompeio cōtenden-  
 ti dedisses: etenim uehementer orabat. lepidum amicum  
 Salustium, qui mihi aut inimicitias putet periculosas  
 subeundas fuisse, aut infamiam sempiternam. ego uero  
 hac mediocritate delector. ac mihi illud iucundum est,  
 quodd, cum testimonium secundum fidem, & religionem  
 grauiissime dixissem, reus dixit, si in ciuitate licuisset si-  
 bi esse, mihi se satisfacturum, neque me quidquam inter-  
 rogauit. De uersibus, quos tibi à me scribis uis, deest  
 mihi quidem opera, quæ non modo tempus, sed etiam  
 animum uacuum ab omni cura desiderat: sed abest etiam  
 ἐνθουσιασμός: non enim sumus omnino sine cura uenien-  
 tis anni, etsi sumus sine timore. simul & illud, (sine ulla  
 mehercule ironia loquor) tibi istius generis in scribendo



LIB. III. EPIST.

priores partes tribuo, quàm mihi. De bibliotheca tua græca supplenda, libris cōmutandis, latinis comparandis, ualde uelim ista confici, præsertim cum ad meū quoque usum spectent. sed ego, mihi ipsi ista per quem agam, nō habeo: neque enim uenalia sunt, quæ quidē placeās, & confici nisi per hominem & peritum, & diligentem nō possunt. Chrysippo tamen imperabo, & cum Tyrannione loquar. De fisco quid egerit Scipio, quæram. quod uidebitur rectū esse, curabo. De Ascanione, tu uero, quod uoles, facies: me nihil Interpono. De suburbano, quod non properas, laudo: ut tu habeas, hortor. hæc scripsi ad VII I. Cal. Nou. quo die tui cōmitembantur, in Tusculanum proficiscens, ducensq; mecum Ciceronem meum in ludum discendi, non lusionis, ea re non longius, quàm uellē, quod Pomptino ad triūphū ad III I. Non. Nou. uolebam adesse: etenim erit nescio quid negotioli: nam Cato, & Seruilius Prætores prohibebunt se minantur: nec, quid possint, scio: ille enim & Appiū Cōsulē secū habebit, & Prætores, & Tribunos pl. sed minantur tamen, in primisq; ἄρα πρῶτον Q. Scauola. Cura mi suauissime, & carissime frater, ut ualeas.

MARCUS QUINTO FRATRI S.

QVOD quæris, quid de illis libris egerim, quos, cū essem in Cumano, scribere institui: nō cessauī, neque cesso, sed sæpe iam scribēdi totum consiliū, rationēq; mutauī: nā iam duobus factis libris (in quibus nouendialibus ijs feriis, quæ fuerunt Tuditano, & Aquilio Coss. sermo est à me institutus Africani, paulo ante mortem, &



Lelii; Philii, Manilii, Q. Tuberonis, & Lelii generorum Fannii, & Scaeuolae; sermo autem in nouem & dies, & libros distributus de optimo statu ciuitatis, & de optimo ciue: sanè rexebatur opus luculenter, huiusmodi; dignitas aliquantum orationi ponderis afferebat. hi libri cum in Tusculano mihi legerentur audiente Salustio, admonitus sum ab illo, multo maiore auctoritate illis de rebus dici posse, si ipse loquerer de rebus praesertim cum essem non Heraclides Ponticus, sed consularis, & is, qui in maximis uersatus in repub. rebus essem: quae tam antiquis hominibus attribuerem, ea uisam iri ficta esse: oratorum sermonem in illis nostris libris, quod esset de ratione dicendi, belle à me remouisse, ad eos tamen retulisse, quos ipse uidissem: Aristotelem denique, quae de rep. & praestante uiro scribat, ipsum loqui. commouit me, & eo magis, quod maximos motus nostrae ciuitatis attingere non poteram, quod erant inferiores, quam illorum aetas, qui loquebantur. ego autem id ipsum tum eram secutus, ne in nostra tempora incurrens, offenderem quempiam. nunc & id uitabo, & loquar ipse tecum, & tamen illa, quae institueram, ad te, si Romam uenero, mitam: puto enim te existimaturum, à me libros illos non sine aliquo meo stomacho esse relictos. Caesaris amore, quem ad me perscribit, unice delector: promissis ijs, quae ostendit, non ualde pendeo: nec honores sitio, nec desidero gloriam, magisque eius uoluntatis perpetuitatem, quam promissorum exitum expecto: uiuo tamen in ea ambitone, & labore, tanquam id, quod non postulo, expectem. Quod me de faciendis uersis



LIB. II. EPIST.

bus rogas: incredibile est mi frater, quàm egeã tempore:  
nec sanè satis commoveor animo ad ea, quæ uis, canen-  
da. ὁποδῆσαις uero, & ea quæ ipse ego ne cogitãdo quiz-  
dem consequor, tu, qui omneis isto eloquendi, & expri-  
mendi genere superasti, à me petis? facerem tamen, ut  
possem: sed, quod te minime fugit, opus est ad poema  
quadam animi alacritate, quam plane mihi tempora eri-  
piunt. abduco equidem me ab omni reip. cura, dedoq; li-  
teris: sed tamen indicabo tibi, quod mehercule in primis  
te celatum uolebam: angor mi suauissime frater, an-  
gor, nullam esse remp. nulla iudicia, nostrumq; hoc tem-  
pus ætatis, quod in illa auctoritate senatoria florere des-  
bebat, aut forensi labore iactari, aut domesticis literis sus-  
stentari. illud uero, quod à puero adamaram, αἰὲν ὀφει-  
σόμεν, καὶ ὑπερόχον ἐμμεναι ἄλλων, totum occidisse: ini-  
micos à me partim non oppugnatos, partim etiã esse de-  
fensos: meum non modo animum, sed ne odium quidem  
esse liberum: unumq; ex omnibus Cæsarem esse inueni-  
tum, qui me tantum, quantum ego uellem, amaret; aut  
etiam, sicut alij putant, hūc unum esse, qui uellet. quorū  
tamen nihil est eiusmodi, ut ego me non multa consola-  
tione quotidie leniam. sed illa erit consolatio maxima, si  
unā erimus. nūc ad illa uel grauissimum accedit tui de-  
siderium. Gabinium si, ut Pansa putat oportuisse, de-  
fendissem, concidissem. qui illum oderunt, (ij sunt toti  
ordines) propter quem oderunt, me ipsum odisse cœpisse-  
sent. tenui me, ut puto, egregie: tantum ut facerē, quan-  
tum omnes uiderent. & in omni summa, ut mones, ualde  
de me ad otium, pacemq; conuerto. De libris, Tyrannio  
est cessator: Chrysippo dicam: sed res operosa est,



A D Q. FRATRE M. 329

Et hominis per diligentis : sentio ipse, qui in summo studio nihil assequor . de latinis uero quod me uerā, nescio : ita mendose et scribuntur, et ueneunt : sed tamen, quod fieri poterit, non negligam . Cerbrius, ut ante ad te scripsi, Romæ est : et qui omnia adiurant, debere tibi ualde renunciant, ab ærario puto confectū esse, dum absūm.

MARCUS QUINTO FRATRI S.

QUATUOR tragœdias XVI. diebus absoluisse cū scribas, tu quidquā ab alio mutuaris? et πλέον quæris, cum Electram, et Troadem scripseris? cessator esse noli, et illud, γινώσκει σεαυτὸν, noli putare ad arrogantiam minuendam solum esse dictum, uerum etiam ut bona nostra norimus. sed et istas, et Erigonam mihi uelim mittas. habes duas epistolas proximas. Vale.

MARCUS QUINTO FRATRI S.

ROMÆ, et maxime Appia ad Martis mira proluuiæ: Crassipedis ambulatio ablata, horti, tabernæ plurimæ: magna uis aquæ usque ad piscinā publicā. uiget illud Homeri, ἡμεῖς δ' ὀπωρινῶ, ὅτε λαβρότατον χέει ὕδωρ ῥόδῳ cadit. n. in absolutionē Gabinij, ὅτε δι' ἄνδρες σικοτες σάμεν χαλεπὴν : οἱ βίη ἐν ἀγορῇ σκολιὰς κείνωσι δέμισας, Εκ δὲ δίκην ἐλάσωσι, θεῶν ὅπιν οὐκ ἀλέγοντες : sed hæc non curare decreui. Romam cum uenero, quæ perspexero, scribam ad te, et maxime de Dictatura, et ad Labienum, et ad Ligurium literas dabo. hanc scripsi ante ad lycnuchum ligneolum ; qui mihi erat periucundus, quodd eum te aiebant, cum esses Sami, curasse faciendum. Vale mi suauissime, et optime frater.

TT iii



LIB. III. EPIST.  
MARCUS QUINTO FRATRI S.

SUPERIORI epistolæ quod respondeam, nihil est: quæ plena stomachi, & querelarum est: quo in genere alteram quoque te scribis pridie Labieno dedisse, qui adhuc non uenerat: deleuit enim mihi omnem molestiam recentior epistola. tantum te & moneo, et rogo, ut in istis molestiis, & laboribus, & desiderijs recordere, consilium nostrum quod fuerit profectiois tuæ: non enim comoda quædam sequebamur parua, ac mediocria: quid. n. erat, quod discessu nostro emendum putaremus? præsidium firmissimum petebamus ex optimi, & potentissimi uiri benivolentia ad omnem statum nostræ dignitatis. plura ponuntur in spe, quam in pecunijs: reliqua ad iacturam struuntur. quare, si crebro referes animum tuum ad rationem & ueteris consilij nostri, & spei, facilius istos militiæ labores, ceteraq; , quæ te offendunt, feres, & tamen, cum uoles, depones. sed eius rei maturitas neque dum uenit, & tamen iam appropinquat. Etiam illud te admoneo, ne quid ullis literis committas, quod si prolatum sit, moleste feramus. multa sunt, quæ ego nescire malo, quam cum aliquo periculo fieri certior. plura ad te uacuo animo scribam, cum, ut spero, se Cicero meus belle habebit. tu uelim cures, ut sciam, quibus nos dare oporteat eas, quas ad te deinde literas mittemus, Caesaris ne tabellarijs, ut is ad te protinus mittat, an Labieno: ubi. n. isti sint Nerviij, & quam longe absint, nescio. De uirtute, & grauitate Caesaris, quâ in summo dolore adhibuisset, magnam ex epistola tua accepi uoluptatem. Quod me institutum ad illum poema iubes perficere: etsi distectus cum opera,



in animo sum multo magis, quoniam tamen ex epistola,  
 quā ad te miserā, cognouit Caesar me aliquid esse exor-  
 sum, reuertar ad institutum, idq; perficiam his supplica-  
 tionum otiosis diebus: quibus Messala iam nostrum, reli-  
 quosq; molestia leuatos uehementer gaudeo: cumq; quodd  
 certum Consulem cum Domitio numeratis, nihil a no-  
 stra opinione dissentitis. ego Messalam Casari prestabo.  
 sed Memmius in aduentu Caesaris habet spem. in quo il-  
 lum puto errare. hic quidem friget. Scaurum autem  
 iam pridem Pompeius abiecit: res prolata: ad interre-  
 gnum comitia adducta: rumor Dictatoris, iniucundus  
 bonis; mihi etiam magis, quā loquuntur. sed tota res et  
 timetur, et refrigescit. Pompeius plane se negat uelle.  
 antea ipse mihi non negabat. Hirrus auctor fore uide-  
 tur: o Di, quā ineptus, quā se ipse amans sine riua-  
 li. Crassum Iunianum, hominem mihi deditum per me,  
 deterruit. uelit, nolit, scire difficile est. Hirro tamē agen-  
 te nolle se non probabit. aliud hoc tempore de rep. nihil  
 loquebantur, agebatur quidem certe nihil. Serrani Do-  
 mestici filij funus perluētusum fuit. ad IIII. Cal.  
 Dec. laudauit pater scripto meo. Nunc de Milone.  
 Pompeius ei nihil tribuit, et omnia Guttæ; dicitq; se  
 perfecturum, ut in illo Caesar incumbat. hoc horret Mi-  
 lo, nec iniuria: et, si ille Dictator factus sit, penē diffi-  
 dit. intercessorem Dictaturæ si inuerit manu, et præ-  
 sidio suo, Pompeium metuit inimicum: si non inuerit, ti-  
 met, ne per uim perferatur. ludos apparat magnificen-  
 tissimos, sic inquam, ut nemo sumptuosiores: stulte, bis,  
 terq; , non postulatus: uel quia munus magnificū dede-  
 rat, uel quia facultates non erant, uel quia magister, uel



LIB. III. EPIST.

quia poruerat magistrum se, nō Aedilem putare. omnia  
ferē scripsi. Cura mi carissime frater, ut ualeas.  
De Gabinio nihil fuit faciendum istorum, quae amanti-  
sime cogitata sunt. τότε μοι χάρις. feci summa cum gra-  
uitate, ut omnes sentiunt, & summa cum lenitate, quae  
feci. illū neque urfi, neque leuauī. testis uehementis fui: prae-  
terea quieui: exitum iudicii foedum, & perniciosum le-  
uissime tuli. quod quidem bonū mihi nunc denique re-  
dundat, ut his malis reip. licentiaq; audacium, quae ante  
rumpebar, nunc ne mouear quidem: nihil est enim perdi-  
tius his hominibus, his temporibus: itaque ex rep. quoniam  
uoluptatis nihil iam capi potest; cur stomacher, nescio.  
literae me, & studia nostra, & otii, uillaeq; delectat, ma-  
ximeq; pueri nostri. angit unus Milo: sed uelim finem  
afferat Consulatus. in quo enitar non minus, quā sum-  
enifus in nostro: tuq; istinc, quod facis, adiuuabis. de  
quo cetera, nisi plane uis eripuerit, recte sunt. de re fa-  
miliari timeo. ὁ δὲ μάλιστα οὐκ ἔστιν ἀνεκτός, qui ludos  
H S C C C comparat. cuius in hoc uno considerantiam  
& ego sustinebo, ut potero, & tu ut possis, est tuorum  
neruorum. De motu temporum uenientis anni, nihil  
te intelligere uolueram domestici timoris, sed de commu-  
ni reip. statu. in quo etiam si nihil procuro, tamen nihil  
curare uix possum. quā autem te uelim cautum esse  
in scribēdo, ex hoc conijcito, quod ego ad te ne haec quis-  
dem scribo, quae palam in rep. surbantur, ne cuiusquam  
animum meae literae interceptae offendant. quare dome-  
stica cura te lenatum uolo. in rep. scio quā sollicitus es-  
se soleas. uideo Messalam nostrū Consulē; si per interre-  
gem, sine iudicio; si per Dictatorem, tamen sine pericue



lo . odij nihil habet. Hortensij calor multum ualebit. Gabiniꝝ absolutio lex impunitatis putatur. ἐν παρρησίᾳ. de Dictatore tamen actum adhuc nihil est . Pompeius abest : Appius miscet : Hirrus parat : multi intercessores numerantur : populus non curat : principes nolunt : ego quiesco. De mancipijs, quod mihi polliceris , ualde te amo : & sum equidē, uti scribis, & Romæ, & in prædijs infrequens. sed caue, amabo, quidquā, quod ad meū commodum attineat, nisi maximo tuo cōmodo, & maxima tua facultate mi frater cogitaris. De epistola Vatiniꝝ risi. sed me ab eo ita obseruari scio, ut eius ista odia non sorbeam solum, sed etiam concoquam. Quod me hortaris ut absolutum, habeo absolutum, suauē, mihi quidem ut uidetur, ἐπὶ πρὸς, ad Cæsarem . sed quero locupletem tabellarium; ne accidat quod Erigone tuæ, cui soli Cæsare imperatore iter ex Gallia tutum non fuit. quid, si cæmentum bonum nō haberem, deturbem ædificium ? quod quidem quotidie mihi magis placet; in prīmīs; inferior perticus, & eius conclauia sunt recte. De Arcano, Cæsaris opus est, uel mchercule etiam elegātiōris alicuius : imagines enim istæ, & palæstra, & piscina, & nilius multorum Philorimorum est, non Diphilorum. sed & ipsi ea adibimus, & mittemus, & mandabimus. De Felicis testamento, tum magis quererere, si scias: quas enim tabulas se putauit obsignare, in quibus in uncijis firmissimum tenuerat, (lapsus est per errorem & suum, & Sicuræ serui) non obsignauit: quas noluit, eas obsignauit. ἀλλὰ οἷμα ἔγωγε : nos modo ualeamus. Ciceronem, & ut rogas, amo, & ut meretur, & ut deo: dimitto autem à me, & ut à magistris ne abdu-



## EPISTOLA

cam, & quòd mater Pomponia discedit, sine qua edacitatem pueri pertimesco. sed sumus unà tamen ualde multum. rescripsi ad omnia. Mi suauissime, & optime frater uale.

## AD OCTAVIVM EPISTOLA.

SUPER tuas legiones mihi licitum fuisset, quæ nō mini meo, populoq; R. sunt inimicissimæ, uenire in senatum, coramq; de rep. disputare, fecissem, neque tā libenter, quàm necessario: nulla. n. remedia, quæ uulneribus adhibentur, tam faciunt dolorem, quàm quæ sunt salutaria. sed quoniam cohortibus armatis circūseptus senatus nihil aliud uere potest decernere, nisi timere; in Capitolio signa sunt, in urbe milites uagantur, in campo castra ponuntur, & Italia tota legionibus, ad libertatē nostram conscriptis, ad seruitutem adductis, equitatuq; exterarū nationū distinetur. cedā tibi in præsentia foro, curia, & sanctissimis Deorum immortalium templis: in quibus, reuiuiscēte iam libertate, deinde rursus oppressa, senatus nihil cōsultitur, timet multa, assentitur omnia. post etiam paulo, temporibus ita postulanti, cedam Vrbe: quam per me conseruatam, ut esset libera; in seruitute uidere non potero: cedam uita; quæ quanquam sollicita est, tamen, si profutura est reip. bona spe posteritatis me consolatur; qua sublata, nō dubitāter occidā: atque ita cedam, ut fortuna iudicio meo, nō animus mihi defuisse uideatur. illud uero, quod & præsentis doloris est indicium, et præterita iniuriæ testimonium, & absentium sensus significatio, nō prætermittam, quin, quoniam coram id facere prohibeor, absens prosum, si quidē



mea salus aut utilis reip. est, aut coniuncta certe publica salutis. nam per Deum immortalium fidem (nisi forte frustra eos appello, quorum aures, atque animus à nobis abhorret) perq; fortunam populi R. quæ quanquam nobis infesta est, fuit aliquando propitia, & ut spero, futura est; quis tam expers humanitatis, quis huius urbis nomini, ac sedibus usque adeo est inimicus, ut ista aut dissimulare possit, aut non dolere? aut, si nulla ratione publicis incommodis mederi queat, non morte proprium periculum vitet? nam, ut ordiar ab initio, & perducam ad extremum, & nouissima conferam primis, quæ non posterior dies acerbior priore, & quæ non insequens horra antecedente calamitosior populo R. illuxit? M. Antonius, uir animi maximè, (utinam etiam sapientis consilij fuisset) C. Casaro fortissime, sed parum feliciter à reip. dominatione semoto, concupierat magis regium, quàm libera ciuitas pati poterat, principatum: publicam dilapidabat pecuniam: ararium exhauriebat: minuebat uectigalia: donabat ciuitates ex commentario: Dictaturam gerebat: leges imponebat: prohibebat Dictatorem creari legibus: S. C. ipse repugnabat in senatu: prouincias unus omnes concupiebat: cui sordebat Macedonia prouincia, quam uictor sibi sumpserat Casar. quid de hoc sperare, aut expectare nos oportebat? extitisti tu uindex nostre libertatis, ut tunc quidem, optimus; (quod utinam neque nostra nos opinio, neque tua fides sefellisset) & ueteranis in uinum conductis, & duabus legionibus à perniciè patrie ad salutem auocatis, subito propè iam affectam, ac prostratam rempub. tuis opibus extrulisti. quæ tibi non, ante quàm postulares, maiora quàm



EPISTOLA

velles, plura quàm sperares, detulit senatus? dedit fa-  
sces, ut cū auctoritate defensorem haberet, non ut impe-  
rio se aduersum armaret: appellauit imperatorem, hos-  
tium exercitu pulso tribuens honorem, non ut sua cade  
cæsus ille fugiens exercitus te nominaret imperatorem:  
decreuit in foro statuam, locum in senatu, summum ho-  
norem ante tempus: si quid aliud est, quod dari pos-  
sit, addat. quid aliud est maius, quod uelis sumere? sin  
autem supra atatem, supra consuetudinem, supra es-  
tiam mortalitatem tuam tibi sunt omnia tributa: cur  
aut ingratus crudeliter, aut immemor beneficij scele-  
rate circumscribis senatum? quò te misimus? à quibus  
reuerteris? contra quos armauimus? quibus arma co-  
gitas inferre? à quibus exercitum abducis? aduersus  
quos aciem struis? cur hostis relinquitur, cuius hostis lo-  
co ponitur? cur castra medio itinere longius aduersa-  
riorum castris, & propius Urbem mouentur? ò me nū-  
quam sapientem, & aliquando id, quod non erat frus-  
stra existimatum. quantum te popule R. de me fefel-  
lit opinio. ò meam calamitosam, ac præcipitem sene-  
ctutem. ò turpem exacta, dementiq; atate canitiem. ego  
patres conscriptos ad parricidium induxi: ego reipub.  
fefelli: ego ipse senatum sibi manus afferre coegi, cum  
te Iunonium puerum, & matris tuæ partum aureum  
esse dixi. at te fata patriæ Paridem futurum prædica-  
bant, qui uastares Urbem incendio, Italiam bello, qui  
castra in templis Deorum immortalium, senatum in  
castris habiturus esses. ò miseram, & in breui tam ce-  
lerem, & tam uariam reipub. commutationem. quis-  
nam tali futurus ingenio est, qui possit hæc ita man-



dare literis, ut facta, non ficta uideantur esse? quis erit tanta animi facilitate, qui, quæ uerissime memoria propagata fuerint, non fabulæ similia sit existimaturus? cogita enim Antonium hostem iudicatum, ab eo circumseßum Consulem designatum, eundemq; reip. patientem: te profectum ad Consulem liberandum, & hostem opprimendum, hostemq; à te fugatum, & Consulem obsidione liberatum: deinde paulo post, fugatum illum hostem accersitum, tanquam coheredem mortua rep. ad bona populi R. capienda: Cōsulē desig. rursus inclusum ed, ubi se nō mœnibus, sed fluminibus, & montibus tueretur. hæc quis conabitur exponere? quis credere audebit? liceat semel impune peccare: sit erranti medicina confessio: uerum enim dicam: utinam te potius Antoni dominū non expulissimus, quàm hunc recipere: nō quodd ulla sit optanda seruitus, sed quia dignitate domini minus turpis est fortuna serui: in duobus autem malis cum fugiendum maius sit, leuius est eligendum. ille ea tamen exorabat, quæ uolebat auferre: tu extorques. ille Consul prouinciam petebat: tu priuatus concupisti. ille ad malorum salutem iudicia constituebat, & leges ferebat: tu ad perniciem optimorum. ille à sanguine, & incendio seruatorū Capitolium tuebatur: tu cruore, & flāma cuncta delere uis. si, qui dabat prouincias Cassio, & Brutis, & illis custodibus nominis nostri, regnabat: quid faciet, qui uitam adimit? si, qui ex Vrbe eijciebat, tyrannus erat: quem hunc uocemus, qui ne locum quidem reliquit exilio? itaque, si quid illæ maiorum nostrorū sepultæ reliquæ sapiunt, si non unā cum corpore sensus omnis uno atque eodē cōsumptus est igni:



## EPISTOLA

quid illis interrogantibus, quid agat nunc populus R. respondet aliquis nostrum, qui proximus in illa aeternam domum discesserit? aut quem accipiet de suis posteris nuntium illi ueteres Africani, Maximi, Pauli, Scipiones? quid de sua patria audient, quam spolijs, triumphisq; decorarunt? an esse quendam annos XXXIII natum, cuius auus fuerit argétarius, ad stipulator pater, uterque uero precarium fecerit quæstum, sed alter usque ad senectutem, ut non negaret, alter à pueritia, ut non posset non confiteri: eum agere, rapere remp. cui nulla uirtus, nullæ bello subactæ, & ad imperium adiunctæ prouinciæ, nulla dignitas maiorum conciliaffet opem potentium, sed forma per dedecus pecuniam, & nomen nobile consccleratam impuditiæ dedisset: ueteres uulneribus, & ætate confectos Iulianos gladiatores, egen-  
 teis reliquias Cæsaris, ludi ad rudem compulisset, quibus ille septus omnia misceret, nulli parceret, sibi uiueret? qui tanquam in dotali matrimonio remp. testamento legatam sibi obtineret. audient duo Decij seruire eos ciues, qui ut hostibus imperarent, uictoriæ se deuouerunt. audiet C. Marius impudico domino parere nos, qui ne militem quidem habere uoluit, nisi pudicum. audiet Brutus eum populum, quem ipse primo, post progenies eius à regibus liberauit, pro turpi stupro datum in seruitutem. quæ quidem si nullo alio, me tamen inter nuncio ad illos celeriter deferentur: nam si uiuus ista subterfugere non potero, unâ cum istis uitam simul fugere decreui.



GRAECA LATINIS EXPRESSA.

In quaternione A.

ἀδύνατον: quod fieri non potest. ἐπὶ οὐχ ἱερήιον οὐδὲ  
βοεῖν: non leue petitur præmium. ἑρμαθῆνα: Minervæ  
Mercurijq; statua. χρησιμομαθῆ: utilia discntem, hoc  
est, deditum literis non vulgaribus. γυμνασιώδης: apta  
gymnasio. εὐμολπιδῶν πατρίαι: Eumolpidarum patria.  
οἰκίαν. proprium. σκέψεις καὶ ἀναβολαῖ: considerationes,  
et dilationes. ταυτόματον ἡμῶν: casus noster.

In quaternione B. ἐν τοῖς πολιτικοῖς: in civilibus.  
τοποθεσίαν: loci descriptionem. ἀπικώτερα: magis at-  
tica. φιλορήτορα: rhetoricæ studiosum. πανήγυρις: con-  
uentus. μάλ' ἀριστοκρατικῶς: valde pro statu optimatum.  
γενικῶς: generaliter. ληκύθους: pigmentorum arculas.  
ἀνεπερπερασάμην: uenditavi me. ἐπιχειρήματα: argu-  
menta. ὑπόθεσις: materia. ἄρειος πάγος: Areopagus.  
ἀπρακτότατος: rebus agendis ineptus, ignavissimus.  
καχέκτης: habitu vitiorum depravatus. φιλέλληνες:  
Græcorum studiosi, et amatores. παντοίης ἀρετῆς μι-  
μνήσκεο: omnifariæ uirtutis reminiscere. ὕστερον πρότε-  
ρον ὁμικρικῶς: ordine conuerso, Homerice. πρὸς τὸ  
πρότερον: ad prius. ἔσπετε νῦν μοι μοῦσαι, ὅπως δὴ πρῶ-  
τον πῦρ ἔμπεσε: dicite nunc mihi musæ, quo modo pri-  
mum ignis iniectus fuerit. παρρησίαν: loquendi licen-  
tiam. ἀγῶνα: certamen. ἐπσημασίαις: significationes ge-  
stuum. ἀποθέωσιν: deificationem. φιλοσοφητέον: philo-  
sophandum. ἐλαφντέον: fugiendum more ceruorum.  
ἀμχλοῖον: amaltheum, bibliotheca. s. τια. τοποθεσία: loci  
descriptione. In quaternione C. ἀφελέστατος:  
simplicissimus. πολιτικὸς ἀνὴρ οὐδ' ὄναρ: civilis uir ne  
in somnio quidem. τὸ ᾧ τῇ φωνῇ μέρον: in lête unguē



eum, proverbiū. ἐπιφωνήματα: acclamationes. νῆφε,  
 καὶ μέμνησο ἁπλῶν. ἄθρα ταῦτα τῶν φρενῶν: uigila, et  
 memineris non credere. hi sunt nervi sapientiae. τίς πα-  
 τερ' αἰνύσει; quis patrem laudabit? ἐγκωμιστικά: lauda-  
 τικά. ἱστορικά: historica. οἱ μὲν πάρος, οἱ δ' ἐν εἰσιν, οἱς δ' οὐ-  
 δ' ἐν μέλει: hi, qui adsunt, nihili sunt, illis uero nihil cura  
 est. ὑπὸ πόνου: liuor. μυροθήκιον: unguenti, et pigmentorum  
 arculam. ὑπόμνημα: commentarium. σεμνότερος τις,  
 καὶ πολιτικώτερος: grauior quidam, et ciuilior. ἀπο-  
 σπόμενα: reliquia quaedam. φιλόπατρις: studiosus pa-  
 triae. πολιτέα: reipub. In quaternione D.  
 ἅλις σουδῆς: satis studiū est. θεοὶ: patrii. πελιναιῶν:  
 Pelinaeorum (sunt autem populi.) Κορινθίων, καὶ Αθην-  
 ναίων: Corinthiorum, et Atheniensium. ἡρώδης: Hero-  
 des. δὺ ἀγγέλια: boni nunciū praemia. Κύρου παδείαν:  
 Cyri institutionem. τὰς διαφάσεις: lucidas radiorum  
 egressiones. ἐξωΐσις μὲν η, α, τὸ δ' ἐξώμενον β, γ,  
 ἀκτίνες δ' ἐ, καὶ ε: sit aspectus η, α: quod autem  
 uidetur, β, γ: radij uero, δ, ε. κατ' εἰδώλαν ἐμ-  
 πτώσεις: per simulacrorum incidentias, uel ingressio-  
 nes. εἰδῶλα: species, imagines. ἐγχυσις: effusio. ὑπόστα-  
 σιν. statum. πολιτέαν: temp. σοκρατικῶς εἰς ἐκάτερον:  
 more Socraticorum in utranque partem. τιῶν ἀρεσκουσ-  
 σαν: sententiam quae placeat. κατάκρησις: sanctio. ἀρι-  
 σοκρατικῶς: aristocratrice, pro statu optimatum. εἰς οἶον  
 νὸς ἀρετῆς ἀμυνέσθαι περὶ πάτριν: unum augurium opti-  
 mum defendere patriam. κατάκρησις, sanctio. ἀριστοκρα-  
 τικῶς, de optimi ciuis officio. Θεοφράστου περὶ φιλοτιμίας:  
 Theophrasti de honori studio. αἰδέομαι τρωάς, καὶ τρωά-  
 δας ἑλκεσιπέπλους: uereor Troianos, et troianas trahētes  
 uestes.



uesteis. πολυδάμας μοι πρῶτον ἐλέγκειν ἀναθήσει: Poly  
 damas mihi primus uitio dabit. Θεοφάνης: Theophanes.  
 φιλοσοφῶν: philosophari. ἂν σχολῆς: in otio. γεωγραφικά:  
 de terræ descriptione commentarios. ὁ μοειδεῖς: unifo-  
 mes. ἀνθηρογραφῆσαι: floride scribi. πολιτεύεον: in  
 rep. uersandum. ἀνέκδοτα: non edita. πολιτεύομαι: in  
 ciuitate facio. κατὰ τὸ πρακτικόν: secundū actiū. καὶ  
 ὑπὸ στέγῃ πυκνὰς ἀκοῦσαι ψεκάδ' οὐδ' οὐσὴ φρενὶ: Et  
 sub tecto frequentē audire guttā securo animo. βοῶπις:  
 bouis oculos habens. παλινοδείαν: recitationem. διβάφω:  
 bis tinēta purpura. σοφισθεῖν: profiteri, ἐπαγγέλλομαι  
 ἀνδρ' ἀπαμύνεσθαι ὅτε τις πρότερον χαλεπήνῃ: polliceor  
 uirum ulcisci, cum aliquis prior molestado laceffat. Κικέρ-  
 ρων ὁ μικρὸς ἀπαύζεται Τίτον ἀθηναῖον: Cicero parui-  
 lus salutat Titū. ὑποσόλοικον: subabsurdū. ἀναφαίνεσθαι:  
 apparere. τραχεῖ ἀλλ' ἀγαθὴ κουροτρόφος. οὐτὶ ἐγώ γε ἥς  
 γαῖης διαίωμαι γλυκερώτερον ἄλλο ἵγεσθαι: Astera, sed bo-  
 na puerorum nutritrix: nequaquam ego ea terra possum  
 dulcius quidquā aspicere. εὐαγγελία: boni nunciū. συγκύ-  
 ρημα: casum. ζώσης φωνῆς: uita uocis. βοῶπις: bouis o-  
 culos habetis. ἀσελγούς: intemperantis. ὀξύπενος: famelicus,  
 auidissimus. συμπόσιον: cōuiuium. κατὰ ὁπώραν τραχὺς:  
 ritu pomi dura. ἀδικαίεχοι: iniusti magistratus. καὶ  
 Κικέρων ὁ φιλόσοφος τὸν πολιτικὸν Τίτον ἀπαύζεται: Et  
 Cicero philosophus Titum salutat Reipublicæ deditū. ἀν-  
 θωρεῖ: eadē hora. Τυλέπυλον Λαστρυγονίην: Telephylū urbē  
 Lastrygoniā. φιλοσοφῶμεν: philosophemur. ἀνατρέπτους:  
 confutabiles, infirmas. ἐν τυραννείᾳ: sub tyrāno esse.  
 In quaternione E. Κικέρων ἀριστοκρατικώτατος πάς:  
 Cicero status optimatum studiosissimus puer. φῦσ' ἂν γὰρ



οὐ σμικροῖσιν αὐλίσκοις ἔτι, ἀλλ' ἀγρίαις φύσαισι φοβέας  
 ἄτερ: intumescebat enim non parvis iubilis amplius, sed  
 efferis foliis sine ligula. ἐσοφίζετο: canillabatur, ma-  
 litiose cogitabat. τὸν πρακτικὸν βίον: actiuam uitam: τὸν  
 θεωρητικόν: speculatiuam. πρόδε λέων, ὅππεν δέ: ante  
 leo, post uero. εἰ δὲ μή. si uero non. ὁμολογουμένως τυ-  
 ξαννίδα συσχυάζεται: sine dubio tyrannis construitur.  
 εὐελπίαι: bona spes. ἀδιαφορίαι: æquanimities. ἀφιλόδο-  
 ξον: ambitione uacans. κατὰ τὸ κηδεμονικόν: curiose. ὑπο-  
 θήκας: documenta. περὶ τῶν ὅλων: de summa rerum. σκο-  
 πός: scopus. κατὰ λεπτόν: minutatim. ἑλὶς δρυός: satis  
 est quercus, i. glandium. τυφλώπω: cæcutio. τῷ καλῷ προ-  
 σέπονθα: honesto sum affectus. ἀσφάλειαν: securitatem,  
 cautionem, præsidium ad furorem Clodij. ἀκκιζόμεθα,  
 dissimulamus. ἐν ἀνίγμασιν: obscure dictis. ἀλληγορίαις:  
 allegorijs. In quaternione F. ἐλκτὰ, καὶ οὐδ' ἐν:  
 inuoluta, & nihil. τὰς τῶν κρατοῦντων: est autem initiū  
 senarioli, qui est huiusmodi apud Euripidem in Phœ-  
 nissis. τὰς τῶν κρατοῦντων ἀμαθίας φέρειν χρεών. potentiū  
 stultitias ferre oportet. In quaternione H.  
 μυσικώτερα: secretiora. συλλάβους: indices ex membrani-  
 la. παλινωδίαι: recantatio. ὑποδέττει: argumento. πολιτι-  
 κός: reip. deditus. ὁ παῖδοι: milites. ταγοί: duces. πάς-  
 ταν ἔλαχες, ταύταν κόσμαι: spartam sortitus es, hanc orna.  
 βαθύτης: profunditas. δυναιρότερον: opportunius. οὐχ ὅ-  
 σ' ἢ φθιμένοισι: impium mortuis. subaudi insultare. ὅδε  
 οὐκ ἐμπάζετο μύθων: hic uero non curabat sermones. μή-  
 πω μέγαν εἶπης πρὶν τελευτήσαντ' ἰδῆς: nil magnum  
 dixeris prius, quàm mortuum uideris. σύκω μὰ τῷ  
 δῆμντρε σῖκον, οὐδ' ἐν οὕτω ὁμοιον γέγονεν: fico



per Cererē ficus, neque quidquam tam simile fuit. περί-  
 στασις: status. πολιτικῶς: ciuilitē. γραμμὴν: lineam. καὶ τό-  
 τε φακίλι δον: Et hoc Phocylidis. οὐδ' ἐν γλυκύτερον, ἢ πάν-  
 τα εἰδέναι: nihil dulcius, quā omnia scire. σκυλῶν:  
 uexationem, perturbationem. ὀξύπενος: ita curio-  
 sus, ut omnia scire cupiam: auidissimus, ut fame per-  
 citus. πῶ παροῦσαν κατὰ στασις τυποδῶς: presentem  
 statum reipub. quasi formula quadam expressum.  
 συμπάθειαν: condolentiam. ἡμερόλεγον: ut quaeque  
 singulis diebus acciderunt. ἀρεοπαγίτας: areopagi-  
 tas. τέμνη: loca amœna. σῆμα δὲ τοι ἐρέω: signum  
 autem tibi dicam. Homerus Il. 253: ἑξοχή: excellentia.

In quaternione I. ἑξωτερικούς: exteriores.  
 πολιτεία: in libris de reipub. τεχνολογίαν: de arte ratio-  
 cinationem. ἐμφιλοσοφῆσαι: philosophari. Ἀπικισμός:  
 Attica locutio. συμπάθεια: condolentia. πονοδωτοῦ εἶδος:  
 grauius. δυσδιάγνωστον: difficile cogniti. διαλόγους:  
 sermones. In quaternione K. φιλοπροσνήεσσ-  
 τα: studio benignissimo. ἔρδοι τὶς, faciat aliquis. (sub-  
 audi quam nouit artem.) δυσδουκίμντα: difficilia mi-  
 tigati. βαθύτητα: profunditatem. μελέτη: meditatio,  
 exercitatio. ἄνω καὶ κάτω: sursum, et deorsum. ἀφρακ-  
 τα: sunt naues non tecta, nec munita ad pugnandum.  
 ἐπικωπον: genus nauigij. οἷα τ' ἂν δέποινα, qualis he-  
 ra fuerit. ἀνεξίαν: tolerantiam. μετέωρος: suspens-  
 sus. ὑπομνηματισμὸν: decretum, monumentum.  
 συμπάθως: condolenter. νομοθετίαν: uide come-  
 mentarios. σωηγώνων: cum illo mœrebam. πο-  
 λιτικώτερον: ciuilius. παράγγελμα ἐνιαύσιον:  
 quod mandari de annua administratione. ἐνδόμυχον,



occultum. ἐπικεφάλαια: tributa per capita. συμφιλοδοξοῦ= σιν: simul seruīunt. κεφάλαιον: capit. συμπάθειαν: condolentiam. τὸ νεμεσᾶν: indignari. τοῦ φθονεῖν: ab inuidendo. In quaternione L. ἐν ἐπτομῇ: in breuiario. πανικὰ: subita quædam tanquam auctore Pæne deo terricula. κενὰ τοῦ πολέμου: inania quædam in bello. Aristoteles li. 3. ἡδίκων. μῶμος: qui omnia carpit. πεφυσίομαι: elatus sum. λαμπρὰ: splēdida. ἐν παρόδῳ: in trāscurſu. ἂν περὶ τὸν: nō facilem accessu. ἂν δ' αὖθις οὐκ ἔστιν: incorruptum largitione. κέρας: cornu. δὴ μετ' ἐμῇ: felici eius diei successu. ἀκροτελεύτιον: cōclusionē. γλυκύπικρον: dulce & amarū. ὑπερβολικῶς: supra ueritatē. τέθριππα: quadrigas. κέρας: cornu. ὁ δ' οὐ πάρεργον: obiter. ἐν δ' οὐ μύχω: arcano. οἰκονομίαν: domesticæ rei ordinē. οἷχεται: euā nescit. βαδύτητα: grauitatem. ὑπομεμψιμοίρους: subque rulas. ἐξ ἀφαιρέσεως: per extractionē. προσανταξεφομέ= νην: recreatam. ἀκοινωνήτως: incommunicabiliter, ad tollē= dam amicitie cōmunionem. ἐγκελδοματὰ: hortationes. τὸ γὰρ δὲ, μετ' ἐμοῦ: quod. n. bene est, mecum est. ἱστορικὸν historicū. οὐκ ἔλαθες: non sefellisti. ἀφελῶς: simpliciter. οἰ= κονομία: dispositio. σχεδιάζοντα: casu, non ordine scriben= tem. In quaternione M. πόλιτδύμα: admini= strationem publicam. κέρας: cornu. ἰσοδωαμοῦσαν: æquiualentem. διαίρεσιν: diuisionem. ἀγγραφον: non scri= ptum. αὐτονομίαν: libertatem suis utendi legibus. τὸ παρὰδοξότατον: inopinatissimum. μηδ' ἐν αὐτοῖς: ni= hil illis, subaudi crede. ὧν πραγμάτων ἀσυγκύωτων: ὅ res quæ coniungi non possunt. πολυδύκους: Pollucis ædem: ὧν ἀνισορέσιαν: ὅ in scitiam historiæ. ἡ πόρνησας: du= bitasti. δὲ πολὺν τὸν τῆς ἀρχαίας: Eurolim illum ueteris,



*s. comædia. τι λοιπόν; quid reliquum? πολλοῦ γε καὶ*  
*δα: multum quidem abest. χρίσσεια χαλκείων: aurea pro*  
*æreis. Homeri locus il. 68. ἀνκνιφώνητον: sine resfōsione.*  
*αἰδέσεν μὲν ἀνήνασθαι, δαῖσαν δ' ὑποδέχθαι: ueriti sunt*  
*quidem recusare, timuerunt autem accipere. παρικορῆσαι:*  
*scire. προπύλαι: uestibulum. ἱστορικώτατ: historia-*  
*rum peritissimus. νεώκτισα: nouer ædificata. τῷ τῶν νεῶν*  
*καταλόγῳ: in nauium recensione, apud Homerum uide-*  
*licet. ἀναλογία: proportio, analogia. φλιῶς, ὁ ποῦς, σι-*  
*ποῦς: Phlius Phliuntis urbs Lacedæmoniorum: Opius*  
*Opuntis urbs Locrorum, per contractionem. integrum*  
*est, ὁ ποῖς ὁ ποέντ: Sipus Sipuntis urbs Dauniorum in*  
*Appulia. ὁ ποῶτιοι, σιποῶτιοι: gentile nomen ab ὁ ποῦς*  
*σιποῦς. αὐτονομίαν: libertatem suis legibus utendi.*  
*ὑπερβολικῶς: supra modum. δυνδαῖν: fatuam simplici-*  
*tatem. πολλὰ δ' ἐν μεταίχμιῳ Νότ: κυλίνδει κύματ'*  
*δ' ῥέης ἁλὸς: multos autem in intermedio aufer uoluit*  
*fluctus lati maris. est enim proprie μεταίχμιον id spa-*  
*tium, quod est inter duos exercitus. ἀκοινώνητον: aptū ad*  
*dirimendam amicitiam. μυτικώτερον: secretius. τῆς δ' ἄ-*  
*μαρτός μου ὁ ἀπελδύθετ: (οἶδα ὃν λέγω) ἐδοξε μοι πρῶην,*  
*ἐξ ὧν ἀλογβόμεν: παρεφθέγγετο, πεφυρακέναι τας ψήφους*  
*ἐκ τῆς ὥνῆς τῶν ὑπαρχόντων τοῦ κροτωνιάτου τυραννοκτόνου.*  
*δ' ἐδοικα δ' ἐμὴν τι νοήσης. εἰς δ' ἡπὸ τοῦτο δ' ἡ περισκεφάμε-*  
*ν, τὰ λοιπὰ ἐξασφαλίας: nichoris meæ libertus ( nosti*  
*quem dico ) uisus est mihi dudum è uerbis, quæ incon-*  
*siderate protulit, turbasse calculos, seu suffragia ex*  
*coemptione bonorum Crotoniatæ tyrannicidæ. timeo,*  
*ne quid intelligas. unus quidem hoc si consideraueris,*  
*reliqua in tuto. τῆς ξωκόρου τῆς ἐμῆς, οὐξ ἐλδύθετ*



ἔδοξε μοι θαυμάσια κρίζων, καὶ ἀλύων τοῖς ξυλλόγοις καὶ  
 ταῖς λέσχοις ὑπὸτι πεφυρακέναι τὰς ψήφους ἐν τοῖς ὑπαρ-  
 χουσι τοῖς τοῦ κροτωνιάτου: *ichoris mea libertus uisus*  
*est mihi saepe garriens & in conciliabulis & confessioni-*  
*bis nugantium aliquid iurbasse calculorum in bonis*  
*Crotoniata*. ἐξ αἵματος ἐκταλόφου τεχνῶν παρὲδωκεν  
 ἡμῶν γὰμου ὀφειλήματα ὁ Κάμιλλος, αὐτόν τε ὀφείλον  
 τα μὲν καὶ ἐκ τῶν Κροτωνιατικῶν, καὶ ἐκ τῶν Χερῶν  
 νησιτικῶν μὴ. καὶ σιγκληρονομίας, χμ. κ. μ. τούτων δὲ  
 μὴδὲ ὀβολὸν διαλύσασθαι πάντων ὀφειληθέντων τοῦ δού-  
 τερον μηνὸς τῇ νομηνίᾳ. τὸν δὲ ἀπελύθερον αὐτοῦ,  
 ὄντα ὁμῶνιμον τῷ Κόνωνι πατρὶ μὴδὲν ὀλοσχερώς  
 πεφροντικέναι. ταῦτα οὐκ πρῶτον μὲν ἵνα πάντα σώ-  
 ζητε, δούτερον δὲ, ἵνα μὴδὲ τῶν τόκων ὀλιγωρήσης τῶν  
 ἀπὸ τῆς προεκκαμένης ἡμέρας, ὅσας αὐτὸν ἠνέγκαμεν.  
 σφόδρα δέδοικα. καὶ γὰρ παρὲν πρὸς ἡμᾶς κατασκε-  
 φόμενος, καί τι σχεδὸν ἐλπίσας, ἀποχνοῦς δὲ ἀλόγως  
 ἀπέστη, ἐπειπὼν, αἰσχρόν τοι δηρὸν τε μένειν. *ē septuaginta*  
*urbis moenibus tradidit nostri coniugij debita Camillus,*  
*seque debentem minas 24. ex bonis Crotoniatarum, &*  
*Cherrhonestitarum 48. & cum hereditates creuerit,*  
*648. 20. 40. horum autem ne obolum quidem dissolu-*  
*uisse ex omnibus debitis secundi mensis Calendis: liber-*  
*tum autem eius, existentem cognominem Cononis patri,*  
*nihil prorsus curasse. hac igitur primum, ut omnia con-*  
*seruetis: deinde ut neque usuras negligas eas, quae sunt*  
*à precedenti die, quot dies ipsum tolerauimus. uehemen-*  
*ter timeo. etenim aderat apud nos exploraturus, & ali-*  
*quid propè sperans. desperans autem sine oratione recess-*  
*sit, fatus, turpe diu manere. In quaternione N.*



λεληθότως: latenter. ἄλλο πρόβλημα: alia quaestio. πυρούς  
 εἰς δῆμον: frumenta in populum. προπύλω: vestibulo.  
 ἐπέχεν: hesitare, dubitare. ἐποχῆς: dubitationis. παλιγγε-  
 σίαν: regenerationem. ἐν ἀνιγμοῖς: enigmatice. ἀφελῶς:  
 simpliciter. ἀσχερόν σιωπᾶν: turpe tacere. σύγχυσιν: con-  
 fusionem. παραφύλαξον: observa. πῶ τοῦ φρεατοῦ φιλοτι-  
 μίαν αὐτότατα: turbatoris avaritiam ipse maxime. κενόν:  
 inanem. ἄτυφον: sine ambitione, parvi animi. ἐπέχεν:  
 dubitare. ἀθέτησις: improbatio. ἐποχή: συνέτασις. τοῦτο  
 μόνον ἔρῳ ἐμοί, hoc solum dicens mihi. ἐπηρεονία ἐποχή,  
 diuturna dubitatio. φιλοτιμία, ambitio. πρόβλημα, qua-  
 sitionem. ἀλλ' ἐμὸν ὅποτε θυμὸν ἐνὶ στήθεσσιν ἔπειδες πα-  
 τριδῶ: sed meum nunquam animum in pectoribus  
 persuasisti patriae. αἰδέομαι, vereor. τρώας, καὶ τρωάδας,  
 troas & troadas. πολυδάμας μοι πρώτῳ ἐλεγχέην κατα-  
 θέσει. Polydamas mihi primus probum inferat. ὁδὸν  
 πάρεργον, prae ter propositum, ut egrediar à proposito. ἐπί-  
 κτητα, fluxa, non diuturna. ἐκβολὴ λόγου, egressio ora-  
 tionis. δύπρεστον, ranabilem: φερέτης, permissor. ἀλλὰ τὰ  
 μὲν προτετύχθαι ἐκείνομεν, ἀχύνεμεν περ, sed haec quidem  
 facta esse sinamus, licet dolentes. id est, praeterita omitta-  
 mus, licet cum dolore. ἀμεμπτα, non accusanda. τῶν νεω-  
 τέρων, iuniorum. αὐτόχθων, nativa, & indigena.  
 σοργὴν φυσικὴν, amorem naturalem. πρὸς τὰ τέκνα,  
 in filios. ἀμεταμέλητα, non poenitenda. τὸ σκά-  
 φον τῶν ἀτρειδῶν, nauigium Atridarum. σιώτο-  
 μα, compendiosa. In quaternione O.  
 δῦμους, uicos. ζήτημα, quaestionem. τεκμηριώ-  
 δες, coniecturale, indicium. τοῖς ἀπαντῶσιν,  
 obviam mihi venientibus. δύσχεστα, inutilia. ἀπότρε-



ψαι, abstergito. οὐ γὰρ ἂν τόδε μᾶλλον ἐποικακόν: neque  
 enim maius sequetur malum. Homer. ὁ δ. μ. παλινωδία,  
 recantatio. λήψις, deprehensio. ἀβδερνικόν, abderiticū.  
 ἔμπολιτόμοι σοι, tibi in rep. uersor, tecum de rep. discu-  
 to. πολιτικὸν σκέμμα, civilis consideratio. φιλοσοφώτερον  
 διακρινήσομεν, sapientius dijudicabimus. σύγχυσιν τῆς  
 πολιτείας, confusionem reipub. ξωὸς ἐννάλιος, communis  
 Mars. Homeri locus ιλ. 206. πολιτικῶς, civiliter. ἄμορφον  
 ἀντιπολιτομένου χρεοφιλέτην, deforme, & turpe est,  
 aduersantis in rep. debitorem esse. διακρινήσεις πρόβλη-  
 μα πολιτικόν, dijudicabis quæstionem civilem. τοῦ καλοῦ,  
 honesti. χρεῶν ἀποκοπὰς, φυγάδων καθόδους, tabulas po-  
 uas, exilium restitutiones. πῶ Θεῶν μέγιστην ὥς ἔχεν τυ-  
 ραννίδα, Deorum maximam ut obtineat tyrannidem.  
 Euripides in Phœnissis. ἐνσχολάζω σοι: otium tecum dis-  
 putans consumo. ἀπορῶ, dubito. οὕτως που τῶν προδεν  
 ἐπενθόμεθα κλέα ἀνδρῶν, sic sanè superiorum lugebamus  
 laudes uirorum. ἐπισκοπον, speculatorem, custodem. ὄρημ,  
 impetus. φαλαρισμόν, Phalaridis imitationem. αἰδέομαι  
 τρώας, uereor Troianos. ἀπορίαν, dubitationem. ἥρωα, he-  
 roem. πολιτικῶς, civiliter. ἀστράτηγν, regendi exercitus  
 ignarus. πρὸς τὸ ἀσφαλές, ad securitatem. μάντις δ' ἄρι-  
 στος, uates autem optimus. In quaternione P.  
 σησιωδέεσθον, magis Sestianum. ὑπεκθέμεν, cum dimi-  
 sero, transportauero. ψυδυσιοδέιον, quod falsò Hesiodo  
 ascribitur. μὴ δ' ἐδίκην, neque causam. totum car-  
 men est, μὴ δ' ἐδίκην δικάσης πρὶν ἄμφοιν μῦθον  
 ἀκούσης, ne causam ante iudicaueris, quàm utri-  
 usque partis causam audiueris. καὶ σιωποθανεῖν,  
 & simul mori. φαινοπροσώπην, apparere, uultum



ostendere . σκέμμα, consideratio . ἀπορία, dubitatio.

In quaternione Q. διπλῇ, nota in margine  
adscripta, sic à græcis appellata. ἀπροσφώνητους, in salu-  
tatos. τὸ καλὸν, honestum. πρὸς ταῦτ' ὅτι χρεὶ καὶ παλα-  
μίδων, καὶ πᾶν ἐπ' ἐμοὶ τεκτανέσθων, ad hæc, quod oportet,  
& faciant, & omnia in me fabricentur. τὸ γὰρ δὴ,  
μετ' ἐμοῦ, quod enim bene est, mecum est. πολλὰ χαίρειν  
τῷ καλῷ, multam salutem honesto. δὺγενῆ : generosa,  
nobilia. τῷ αὖτις μεθύομεν : simul diem conterimus. τέ-  
ρας, monstrum. σκοπὸς, intentio. προθεσπία, præfatio.  
ἰλιάς, ilias. περὶ ὁμονοίας, de concordia.

In quaternione R. ἀπολιτικώτατον, maxime civilis guber-  
nationis expertem. ἀστρατηγικώτατον, maxime impera-  
torie artis ignarum. ἀπαντήσεις, occursus obuiam. αἰδέο-  
μαι τρώας, timeo Troianorum reprehensionem. κενόπου-  
δα, inanis studiij plena. ἀναπάντητον, in quo nemo oc-  
currat. In quaternione S. ὑπὸ τῷ διάληφιν,  
sub ipsa accessione febris. ἀπαρξήσι' αἶσιν, minime liberά.  
τίς δ' ἐστὶ δούλη, τοῦ θανέιν ἀφροντίς ὧν ; quisnam est  
seruus, de morte securus qui sit? ἀσμένετον, gratissimum.  
δέσεις, materias. Εἰ μενετέον ἐν τῇ πατρίδι τυραννο-  
μένη. τυραννουμένης δ' ἐαυτῆς, εἰ παντὶ τρόπῳ τυ-  
ραννίδι καταλύσιν πειρατέον, καὶ μέλλῃ διὰ τοῦ-  
το περὶ τῶν ὅλων ἡ πόλις κινδυνύσεν. Εἰ δὲ λαβη-  
τέον τὸν καταλύοντα, μὴ αὐτὸς ἀρεθταί, ἢ πειρατέον  
ἀρῆγειν τῇ πατρίδι εἰρηνὴ μᾶλλον, ἢ πολέμῳ. Εἰ πολι-  
τικὸν τὸ ἡσυχάζειν ἀναχωρήσαντάποι, τῆς πατρίδι τυ-  
ραννουμένης, ἢ διὰ παντὸς ἡτέον κινδυνώου τῆς ἐλευθερίας  
πέρι. Εἰ πόλεμον ἐπακτέον τῇ χώρᾳ, καὶ πολιορκητέον αὖ-  
τὴν τυραννουμένην. Εἰ καὶ μὴ δοκιμάζοντα τὴν διὰ πολέ-



μου καταλύσιν τῆς τυραννίδος, σωαπογραπτέον ὁμῶς τοῖς  
ἀγίοις, εἰ τοῖς δὲ ἐργέταις, καὶ φίλοις συγκινδυνωτέον ἐν  
τοῖς πολιτικοῖς, καὶ μὴ δοκῶσιν οὐ βεβουλεύσασθαι περὶ τῶν  
ὅλων. Εἰ ὁ μέγας τῶν πατρίδ' ἀδελφεύσας, δι' αὐτοῦ δὲ  
τοῦτο ἀνήκετα παῖδ' ἀνὰ φθονήδης, κινδυνώσκειν ἀν' ἐθέλον  
τῆς ὑπὲρ τῆς πατρίδος, εἰ ἀφετέον αὐτῷ ἑαυτοῦ ποτε,  
καὶ τῶν οἰκιστῶν αὐτοῦ ποιῶσθαι πρόνοιαν ἀφεμένω  
τὰς πρὸς τοὺς ἰσχυόντας διαπολιτείας. *an manendum  
in patria tyrannide oppressa. ea uero tyrannide oppres-*  
*sa, an quouis modo tyrannidis destructio tentanda est,*  
*etiam si ciuitas propter id de summa rerum periculum*  
*subitura sit. Vtrum cauendum tyrannidem destruenti,*  
*ne quid ipse patiatur: an tentandum ferre opem pa-*  
*triae pace potius, quam bello. Vtrum ciuile sit, seceden-*  
*tem aliquid, quiescere, oppressa à tyrāno patria, an quod-*  
*cunque subeundum discrimen pro libertate. an bellum*  
*inferendum regioni, eaq; sit obsidenda à tyranno oppres-*  
*sa. an, quamlibet non probanti destructionem tyrannidis*  
*per bellum, simul tamen cum optimatibus auertenda*  
*sit ipsa tyrannis. an cum benefactoribus, & amicis unā*  
*periclitandum, in administratione reip. etiam si non ui-*  
*deantur recte de summa rerum iniuisse consilium. (hic*  
*Pompeium notat, ut 135:)* *Vtrum de patria bene meri-*  
*tus, ob eamq; causam grauissima quæque passus, & in-*  
*uisus, (hic se ipsum describit, qui, Catilinæ coniuratione op-*  
*pressa, pro maximis meritis crudelissima supplicia per-*  
*tulerat) ultro pro patria discrimen subire debeat, an per-*  
*mittendum ei, ut sui ipsius interdū, & familiarissimorū*  
*rationē habeat, dimissis aduersus potētiis cōcertationibus*  
*pro rep. τῶν προύργου τι, quæ sunt ex re. ἀκαίρως, intempe*



*stius. ὁτομάχως, bono stomacho. αὐτίκα γὰρ τοι ἔπειτα*  
*μεδ' ἔκτορα πότμῳ ἔτοιμῳ: statim enim tibi deinde post*  
*Heclorem mors parata. αὐτίκα τεθνάκην, ἐπεὶ οὐκ ἄρ' ἐμελ-*  
*λον ἑταίρῳ ἐπαμῶναι, utinam statim obeam, posteaquam*  
*non eram socio interfecto suppetias laturus. ἑταίρῳ, so-*  
*dali. ὀφειγέτη, benefactori. οὐδ' ἐμοὶ ἦτορ ἔμπεδον, ἀλλ'*  
*ἀλκλύκτημαι. neq; .n. mihi cor firmū, sed cōsternato sum*  
*animo. Homer. ἰλ. κ. αἶσχευ' φαντασίᾳ, turpitudinis ima-*  
*go. ἐν δ' αὖ μαι, in potestate. σωτέ δ' ὕ' ἐρχομένων: pariterq;*  
*duo euntes. τὸ σωέχον, proximi. ἀπάντησις, occursus. πο-*  
*λίτδμα, actionem publicā. μή μοι γοργεῖν κεφαλὴν δεινοῖο*  
*πελώρου, ne mihi gorgoneū caput horrēdi & grauis mō-*  
*στι. εἰδῶσσοι λέγω: scies tibi dico. ἀχαρίστis: ingrati ani-*  
*mi. ὁ πλοῦς ὡραῖῳ: nauigatio idonea. Μέντορ πῶς τ' ἄρ'*  
*ἰῶ, πῶς τ' ἄρ' προστύξομαι αὐτόν; Mentor, quonā modo*  
*audeam, & quonā modo amplexabor ipsum? Homer.*  
*ὁδ. γ. Δέσεις: materias. Διονύσιῳ ἐν Κορίνθῳ: Dionysius*  
*Corinthi. In quaternione T. τότε μοι χάνοι δ' ἔτι*  
*χδών: tūc mihi dehiscat lata terra. ἐν τοῖς ἐρωτικοῖς: in re-*  
*bis amatorijs. ἀλογίῳ: inconsiderate. ὑποκορίζη: leni-*  
*uocabulo appellas. χρυσμός: oraculum. ἀσπονδόν:*  
*impacabile. φιλόπατρι, ac πολιτικόν: studiosum pa-*  
*triæ, ac ciuilem. γενικώτερον: generalius. νεκύϊαν: eury-*  
*bam mortuorum. ἀπορῶ: dubito. τερεκτεόν: proban-*  
*dum. τὸ μέλλον κεραιδοκίσεις: quod futurum est, expe-*  
*ctabis. ὑπὸ πλὴν φιν: sub accessionem quartanæ febris.*  
*ἀσμένισον: gratissimum. πολιτικόν: ciuile. μακροφυχίαν:*  
*longanimitatem. Ὀδῶμονα: felicem. οὐκ ἔστ' ἔτυμῳ λό-*  
*γῳ, non est uerus sermo. Ὀημερίαν, felicem diē success-*  
*sum. σωαγωγὴ, collectio. ἐσάλπζεν, tuba ciebat.*



λάπτρα, falsa quædam ostentatio. γοητεία, præstigiatio-  
 nem. πειθναγίην, suasionem violentam. οὐ γὰρ τῶν  
 τυράννων δέσεις, inquit Πλάτων, οἷός' ὅτι μεμυ-  
 μέναι ἀνάγκαις: tyrannorum enim preces, inquit Plato,  
 nosti quàm permixtæ necessitatibus. ἀλίμενα, sine portu  
 loca. ὑπηρεσίαν, ministerium. ἀδημονῶν, se occultās. δια-  
 τροπὴν, infamiam. αὐθεντικῶς, auctoritate quadam domi-  
 ni utentē. In quaternione V. τέτρα, κύντερον:  
 perfer: grauius tulisti. sumptum ex Homeri uersu de  
 Ulysse suum cor alloquente. ἄλλα μὲν αὐτὸς, alia qui-  
 dem ipse. ἄλλα δ' ἐκ αἰμάτων ὑποτίθεται, alia autem  
 uel Deus suggeret. ἀναθεώρισις, speculatio. μὴ μὲν  
 ἀποῦδ' εἶγε, καὶ ἀκλειῶς ἀπολοίμην, ne negligenter &  
 inglorius perirem. ἄλλα μέγα ἔξας τί καὶ ἐσσομένοισι  
 πυθεῖσθαι, sed magnum facinus edens, quod uel à poste-  
 ris audiat. τῶν πολιτικῶτάτων σκεμμάτων, maxime  
 ciuiliū considerationum. ἄλη, error. πολιτοῦτέον,  
 uersandum in rebus. In quaternione X. τῶν  
 τε παρὰ χρεῖμα δι' ἐλαχίστης βουλῆς κρᾶτις ὁ γνῶμων, καὶ  
 τῶν μελλόντων ἡδὲ πλοῦτον τοῦ γενησομένου ἄριστος ἑκάστης,  
 & presentium, quæ repente accidunt, minima delibera-  
 tione peritissimus cognitor, & futurorum optimus ple-  
 runque coniector. τότε ἄμεινον, ἢ χεῖρον ἐν τῷ ἀφανεί ἐτι  
 προέσθαι μάλιστα, quid melius, aut quid peius, uel obscuris-  
 simis in rebus providebat maxime. πλοῦς ὁκῶν, tempesta-  
 tem ad nauigandum idoneam expectans. σοργῆς, amo-  
 ris. σωτήρις, colliquatio. συμπάθειαν, condolentiam. ζηλο-  
 τυπία, amulatio. αὐθεντικῶς, pro certo. τυραννικῶς, tyranni-  
 ce. σὺ θῶ τοι λέγω, cum Deo tibi dico. δυσουρία, uiri-  
 na difficultas. ἀρχὴ, principium. ἀνθοποίητον, ne-



quaquam formatis moribus. ἡδους ἐπιμελητέον, moribus  
adhibenda diligentia. ὕπουλον, subdolum. ἀφράκτω, dete=  
στο naugio. ἀποτόμως, concise. θυμικώτερον, stomacho=  
sius. παρὰ πλουτέον, ab nauigandum. ἀλλὰ τὰ μὲν προτέ=  
τυχθαί, ἐκίστομεν ἀχνύμενοι περ, sed quæ quidem ante acta  
sunt, omitemus quiauius tristes. σφάλμα, error. ἀρετή,  
uirtus. διδασκτὸν, res, quæ tradi possit docendo.

In quaternione Υ. περί κοιλιολυσίαν γίγνεσθαι, circa  
uentris solutionem esse. ὡ πολλῆς ἀγεννείας, ὁ multa igno=  
bilitatem. ἐπταμνησίων βυτόκησεν, septimestrem sal=  
ua reperit. Κωρυκαῖοι, Corycæi. In quaternione

Α Α. γερωντικώτερον, senilius. λέσχη, confabulatio.  
τί γὰρ αὐτῷ μέλει; quid enim illi cura est? βεβίωται;  
uita traducta est? πρόβλημα, quaestio. ἀγοιτύτως,  
sincere, sine fuso. μακάριων νῆσοι, beatorum insula.  
πάθει, affectu. σκέψαι, considera. ἀλογηθῆ, negligatur.  
μελήσει, cura sit. ἐνερδύεσθαι, rubicundiores. πρὸς  
βλήμα ἀρχιμήδειον, quaestio archimedeæ. ψευδῶς, falsò.  
ἀκουσµα, auditio. ἔρκνον, collationem. διψῶσαν κρήνην,  
siticulosum fontem. πειρήνην, pirenem. ἄμπνύμα σεμνὸν  
Αλφειοῦ πειρήνην, requiem uerendam Alphæi pirenem. ποῖ  
ταῦτ' ἔρ ἀποσκήψῃ; quoniam hæc modo excisabis? γεω=  
μετρικῶς, more geometrico. ἀρχέτυπα, exemplaria: πάντα  
φιλόδημον, omnem popularem. θεωρίαν, speculationem,  
τέλῃ, finem. βύπνεις, uenustum. ὡ ἀπεραντολογίαν δούς,  
cui infinitam loquacitatem tribue. συμπάσχω: condos=  
leo. ἀποθέωσιν, deificationem. μεταρμόζομαι, adaptor.  
ἀνεμέσσητον γὰρ, nulla enim inuidia est. In qua=  
ternione Β Β. πολιτικοί, optimates. τετυφῶσαι, tu=  
mefactum esse. ἐγγύεα: senectutis requies. ἐντάφον:



*senectutis otium. ἀλόγως: sine ratione. ἀποθέωσιν: deificationem, consecrationem filiae. In quaternione C C.*  
*Κύριθ, τυμβουλῆτικόν: deliberatiuum. Αριζοτέλους καὶ*  
*Θεοπόμπου πρὸς Ἀλέξανδρον: Aristotelis & Theopompi ad Alexandrum. φιλαίτιον συμφορὰ: querula calamitas. πρὸ πλασμα: praesigmentium. συμπάδως: condolenter. οἰκοδεσποτικὰ: patrisfamilias officia. σωτάγματα: opera. ἀκινδία: torpido. ἀνεκτότερα: tolerabilia, σωμάτων: contubernalem. ὑπόθεσις: argumentum. τοῦτο δὲ μιλῶσθ, ἡς νερό coniicies, dissuades, indagabis. ἀπόγραφα: descripta. καταβίωσιν: tenuem uictum. δῦλογον: rationabile. δῦλογώτατον: maxime rationi consentaneum. In quaternione D D.*  
*Ρανατίου περὶ προνοίας: Panatii de providentia. ἐκτενέστερον: contentius. φιλοσογότερον: amantius. ἀφατα: infanda. ἀδιήγητα: inenarrabilia. δὺκάως: opportunē. παρὰ πλὴν ἱστορίαν: praeter historiam. κοινότερα: communiora. πολιτικώτερα: civiliora, οὐ γὰρ ὀνειδίως: non enim opprobrium. φιλολογώτερα: eruditiora. προσφώνησιν: nunciationem. καλλιππίδης: callippides. αὐτῷ τῷ μέτρῳ, καὶ λώιον: ipsa mēsurā, & melius. αἶκε δῖωμαι: si possis. περὶ τελῶν σωτάξιν: de finibus opus. ἀκαδημαϊκὴν: academicā. Ἀντιόχεια: Antiochia. ζηλοτυπήσθαι: inuideri. φιλαυτία: amor sui. ἀπορῶ: dubito. αἰδέομαι Τροάς: uereor Troas. μέμφιν: accusationem. παρὰ τὸ πρέπον: praeter decorū. ἀπαιδυσία: ruditas. ἀγνῶσθαι: ignorantia. Ἀντιόχεια: Antiochea. πολυγραφώτατθ: plurima scribens. ζηλοτυπεῖν: inuidere. ἀκίνδυνα: periculo carentia. φιλένδοξθ: ambitiosus. ἀκαταληψίαν: incomprehensibilitatem. κωφὴν πρόσωπον: muta personā*



να. Αριστοτέλειον: Aristotelicum. περὶ τελῶν: de fini-  
 bus. περιπατητικά: peripatetica. ἀζηλότητον: sine inui-  
 dia. λογικώτερον: eruditiora. ἐρμῆιον: insperatum lucrum.  
 πῖθον: suaviora. φιλότιμος: contentionis cupidus. φιλο-  
 σόφος: philosophice. δεδιῆχθαι: morsum esse. μὴ καὶ  
 αὐτοῖς: ne enim ipsis. προβολὴν, ingressum. ἐποχῇ, re-  
 tentioni. λόγοισιν Ἑρμόδωρος, uerbis Hermodorus. προ-  
 σφονῶ, nuncupo. ἀδιόρωτα, inchoata, non perfe-  
 κτα. ἔωλα, obsoleta. περὶ μικρὰ πονοδᾶξαν, paruis suis  
 dere. εὐλόγως, facile. εὐγενέστερος, generosior. ἀσμένεστα-  
 τα, libentissime. τὰ κατὰ μέρος, particularia. εὐλογίαν,  
 honestam rationem. συμβίωσις, conuictus. εὐλόγως,  
 decenter. διφθέροι, pellicea tegumenta. αἰδέομαι Τρώας,  
 uereor Troas. ἀσαφέστερος, obscurior. δεινὸς ἄνθρωπος, τὰς  
 χакен καὶ αἴτιον αἰτιόωτο, grauis uir, et qui forte uel  
 infontem accuset. περιοχὰς, argumenta. In qua-  
 ternione ΕΕ. κολακίαι, assentatio. ἐπίπλυνμα, lucrum,  
 quod acquiritur. ἀπόπλυνμα, damnum, uel quod amit-  
 titur. παρὰκινδυνεύειν, periclitari. μέλιγμα, mitiga-  
 mentum. πονοδῆ, studium. πρόβλημα Αρχιμήδειον,  
 quaestio Archimedea. ἀφιδεῦμα, sedes rei quae dedica-  
 tur. τὸν τύπον μου πρὸς θεῶν τροποφώρησον: elationi  
 meae per deos morem gerito. κολακίαι, assentationes.  
 πολιτικὸν σύλλογον, civilem conuenium. καταβάσεως,  
 descensus. κεπφικά, fatua. περὶ ψυχῆς, de anima. διὰ  
 σημείων, per notas. σύλλογον, conuenium. πομπύσαι  
 καὶ τοῖς προσώποις, ostentare etiam personis. δυσωπία,  
 uerecundia. καταβάσεως, descensus. εὐλογον, consenta-  
 neum. ἀξιόπιστος, fide dignum. φοβερὸν ἦν, formida-  
 bile erat. ἀνεμοφόρητα, leuia, uentis dissipata. οὐκ ἐπέ-



σπέν, non aduertit. πότερον δίκας τῶχθ' ἢ φιον, ἢ σχο-  
 λιᾶς ἀπάτας. *utrum insitit muris altus, an obliqua*  
*fraudis.* δίκη μοι νόθ' ἀτρέκεαν εἰπᾶν: *ambigit mi-*  
*hi mens uerum dicere.* σκολιᾶ, *obliqua, dissimulationem.*  
 φαίδου περὶ Δεῶν, *Rhadri de dijs.* φιλοτέχνημα, *com-*  
*miniscendi artes.* τὰ ὅλα, συνῆτα. σχολιαῖς ἀπάτας,  
*obliquis fraudibus.* καὶ μάλα κατηφής, & *admodum*  
*tristis.* σὺ δέ, τί σῶνους; τι νερο, *quid cogitabundus?*  
 ἀπρόνδου, *immitis.* μνημονικὸν ἀμάρτημα, *memoriae*  
*error.* ἀλόγως, *temere.* In quaternione FF.  
 μεμψιν ἀναφέρει, *accusationem adscribit.* πρὸς ἴσον  
 ὁμοιον, *ad aequale simile.* ἀκολακῦτως, *sine assentatio-*  
*ne.* ἀμεταμέλητον, *quem non poenitet.* ἐμετικὴν, *uomi-*  
*tum.* ἀδεῶς, *inrepide.* οἱ περὶ αὐτὸν, *qui apud eum.*  
 σπουδαῖον οὐδέν, *studiosum, siue serium nihil.* φιλόλογα,  
*eruditula.* ἐπταθμίαν, *diuersorium.* σαλάκωμα, *inanem*  
*iactantiam.* φαλάκρωμα, *caluicium.* πανικόν, *uani*  
*terror.* διάθεσιν, *affectum.* ἐπσημασίαν, *significatio-*  
*nem mentis è gestu.* ἥρωες, *heroes.* ἐσίγησας, *tacuiisti.*  
 μνημονικὸν ἀμάρτημα, *memoriae error.* φρεμὸς πολὺς,  
*permistio multa.* ὀρίπτα, *instabilia, ab Euripo.* νεωτε-  
 ρισμοῦ, *inppositionis.* πολιτεύεσθαι, *administrare temp.*  
 σόλοικον, ἢ τυραννοκτόνους, *insulsum, quàm tyrannici-*  
*das.* πεπολιτεύμεθα, *temp. administrauimus.* πεπνωμέ-  
 ναι, *eleganter scriptæ.* γῆν pro γῆς, *terram pro terra.*  
 ὑπηνέμιθ, *subuentanea.* ἀκολασίαν, *intemperantiam.*  
 ὦ πρᾶξεως καλῆς μὲν, ἀτελοῦς δέ. *ὃ rem pulchram quæ-*  
*dem, sed imperfectam.* ἀλιτενῆ, *humili.* Ἀλλ' οὐδ' αὐτὸς  
 ἐπὶ πρᾶτου ἔργα μέμνηεν, Ἀλλ' ἄλιν μέγα πῆμα δ' ἰοτρε-  
 φὲς, ἐπορώωντες Δαίδαλῳ, ἐνδοίῃ δέ σαώσεμεν, ἢ ἀπο-  
 λείδαι,



universalem speculationem. μή πολιτένεσθαι, non admini-  
nistrare Remp. ὑποσώλεια, incongrua. βεβίωται, vi-  
ta transacta est. λῆς, πολλός, nunc multa. ὑπόθεσιν,  
argumentum. εὐλογον, rationi consentaneū. φαινοπρὸς  
σώτητέον, hilari vultu agendum est. ἴτέον, eundem.

In quaternione ΗΗ. ἄλλοις ἐν ἑδλοῖς, τὸν δ' ἄ-  
πωθοῦνται φόρον, alijs in bonis dedecus autem repe-  
lunt. οὐδ' ἐν ὑγιῆς, nihil sani. Δημοσθένους: Demosthe-  
nis. πεντέλοιπον. quod reliquum est de quinque. ἄνω  
ποταμῶν, retro fluminum. scursus est. ἀπορία, dubi-  
tatio. μελίσει, curae erit. παρεχέμεναι, conatus. ἢ  
δεῦρ' ὁδὸς τί σοι δύναται οὖν θεοπρόπε; iier hoc tibi  
quid potest nunc ὁ deo digne? βλάσφημα, maledictū.  
καὶ μάλα σεμνός. εἴ ualde gravis. τὰν δ' αἰτίαν τῶν  
βροῦτων τίς ἔχεν; causam uero Brutorum quis habe-  
bat? κατηχίσει, instructione. ἐάν διαμείνῃ, si perman-  
serit. ἀναντιφωνησία, contradicentia. διάλογον, dia-  
logum. Ἡρακλείδιον, Heraclideum opus. φιλοσοφούμενα,  
philosophica. τὰ περὶ τοῦ καθήκοντος, quae de officio.  
προσφωνοῦμεν, nuncupamus. In quaternione ΙΙ.  
συντάξεις, confectionem librorum. μετέωρος, animi  
pendens. φιλόλογα, ab equitate non aliena. φιλοφρόνως,  
benigne. προκοπὴν, processum in literis οἴκος φίλος,  
domus cara. ῥωπογραφία, scriptio de plantis. ἑμπορεῦν  
σιν, rhetorissant. φιλοσόφως, peramanter. διδόμενα,  
data. ἐργασίαι, laboriosum. ἀνεκτόν, tolerabile. σχε-  
διάσμα, ex tempore factum, subitum consilium. πᾶσχα  
τι, ratio aliquid, angor. ἄφατα, non dicenda. πλοῦς,  
navigatio. ὑπόμνημα, commentarium. ἀτοπώτατον, ab  
surdissimum. πάνι φιλοσόφως, ualde amanter. βουλὴ



sunt dicere  
non in oculo  
amari dicitur  
stra habent  
ciendi per se  
fiam si quis  
In quater  
tione, express  
passed tempus  
inconferantur.  
nim semel mo  
niam, quoniam  
comparat ad  
interdictum, quod  
tunc si vero  
tunc de Rep.  
tunc Regia  
efficit, quoniam  
quam res est  
Sophaia. In  
multum ad  
fiam, quoniam  
rio. 800. 75  
alla de Regia  
Sophaia, in  
XVII. 75. 75.  
Sophaia, in  
XVII. 75. 75.  
XVII. 75. 75.  
XVII. 75. 75.  
tem esse



sunt autem suscipere . ἀπάντησις, occurfus . δολιχόν  
πλόον ὁρμαίνοντα, longam navigationem cogitantem .  
ἀπροσδιόνυσον, inexpectatum . ἀν' ἀξίτηρ' ἔχοντα, sini-  
stra habentem . In quaternione LL. ἐν πολιτικῷ, in  
civilī . μὴ δὲ σωθῆναι, εἴποτε τοιοῦτο, ne saluus quidem  
fiam, si quid tale unquam . στρατηγός, imperator, dux .

In quaternione M M P P Q Q R R . ἐμφατικῶς  
τέρων, expressius, & evidentius . ἀλλ' αἰεὶ τινα φῶτα μέ-  
γαν, sed semper quendam hominem ingentem . ἀφελῶς,  
inconsiderate . ὁρᾷν τὰν νοῦν ἀπαξ ἴδαναι, rectum na-  
uim semel mori . προσκοινομήσαμεν, praecurauimus . ὁ-  
κείως, opportune . εἰλικρινές, sincerum . ἀμφιλαφίαν,  
ancipitem ansam . μουσοπάτακτος, ἀ μῦσις percussus .  
ἀντίεκτον, aequilibrem, seu recompensantem . εἰδ' ἂν  
ἔζητας, si uero uixisses . ἔα πάσας, mitte omnes . πολι-  
τικά, de Rep .

In quaternione SS. τοιαῦτα ὁ  
τλήμων, ἐξεργάζεται πόλεμος, talia erumnosum bellum  
efficit, πραγματικῶς, negocialiter . ὑπερβολῶς, supra  
quam res est . συνδέπνους σοφοκλέους, concœnatores  
Sophoclis . ὑπόθετιν, argumentum . γλαῦκα εἰς Ἀθήνας,  
nocturnam Athenas . ῥ' ἀδυμῶτεα . segniora . χαρακτήρ,  
stylus . φιλαλήθως, ingenue . ἀποδυντησίῳ, exspoliatio-  
rio . δευτέρας φροντίδας, secundas curas . γινῶδι πῶς  
ἄλλω κέχρηται, nosce, quemadmodum alio usus fuerit,  
ἐμβόλιον, interpositionem . ἀπότρυγμα, repulsam . τε-  
χνικώτερον, artificiosius .

In quaternione TT.  
ἐνθουσιασμός, diuinus furor . ἀρηπνέων, Martem spi-  
rans . ὑποθέσεις, argumenta . αἰὲν ἀριστὸν καὶ ὑπερ-  
χον ἔμμεναι ἄλλαν, semper strenue gerere, & præstan-  
tem esse alijs . πλέον, plus . γινῶδι σεαυτὸν, nosce te ip-



sum. ἡματ' ὁπαρινῶ, ὅτε λαβρότατον χέει δ' ὦρ ζεύς, ὅτε  
· δὴ γ' ἀνδρεςσι κοτεσσάμενΘ χαλεπήνῃ: οἱ βίῃ ἐν ἀγο-  
ρῇ σχολιάς κτείνωσι θέμιστας, ἐκ δ' ἐδίκην ἐλάσωσι, θεῶν  
ὅπιν· οὐκ ἀλέγοντες: *die autumnali cum abundantissi-*  
*mam pluit aquam Iuppiter, cum iam hominibus iras-*  
*tus succenset, qui per vim in foro obliquas iudicent iu-*  
*stitias, iustitiam autem expellant deorum religionem*  
*non curantes.* τότε μοι χάνοι, tunc mihi dehiscat. ὁ δ' ἐ-  
μῶνεται οὐκ ἐτ' ἀνεκτῶς, hic autem furit non amplius  
tolerabiliter, ἐν παρέργῳ, obiter. ἐπ'Θ, carmen. ἀλλ'  
οἱ μῶξετω: alia plorent.

A B C D

R S T V

F F G G H

Q Q R

Omnes quae

A P



REGISTRVM.

A B C D E F G H I K L M N O P Q  
R S T V X Y Z. A A B B C C D D E E  
F F G G H H I I K K L L M M N N O O P P  
Q Q R R S S T T V V X X.

*Omnes quaterniones, præter XX duernionem.*

A P V D A L D I F I L I O S.

VENETIIS, M. D. L I.  
MENSE OCTOBRI.

005047633



